



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.417




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.417



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CINAOL 1.7.417

1. 7. 417



IVSTI LIPSI ¹/₇
DE 417
MILITIA ROMANA
LIBRI QVINQVE,
COMMENTARIVS AD POLTBIVM.

E parte primâ HISTORICÆ FACIS



80



ANTVERPIÆ,
EX OFFICINA PLANTINIAN.
1 Teil Apud Viduam, & Ioannem m.
M. D. XCVI.

Cum Privilegiis Casareo & Regio.

19

IVSTI LIPSI

D E

MILITIA ROMANA

LIBRI QVINQUE

COMMENTARIIS AD POLYBIUM.

E parte prima HISTORICAE FACIS



ANTVERPIE

EX OFFICINA PLANTINIANA

Apud Viduam, & Ioannem

M. D. XCVI.

Cur Trinitatis Casarum & Regis

PHILIPPO III.
HISPANIARVM
ET INDIA RV M
PRINCIPI.



VÆ de MILITIA
scripsi, magne Prin-
ceps, etiam tunc cū
scripsi, animo tibi de-
stinaui & inscripsi, &
suspendi, vt sic dicam,
ad tuam aram. Multa me incitabant.
sed præcipua: quòd tuus essem, in solo
& vetustissimo patrimonio tuo natus:
quòd res militaris, & ideò magnitudine
& fortunâ tuâ non indigna. Enimuerò
quem magis tractare aut scire hæc de-
ceat, quàm Principem? & verissimè pru-
dens ille noster Cornelius: *Cetera totum-
que dissimulari, sed ducis boni Imperatoriam esse virtu-
tem.* Quid verò talem Principem? Nihil
blandi-

blandimur tibi, nec publicè locus sit,
aut gratia: sed ab orbe condito non fuit,
qui maior in re aut spe fuerit, quàm te
fata videntur destinasse. Præest iamdiu
maximus Regum pater tuus tot regnis;
in vtroque orbe iura reddit, veteri &
nouo; atque ecce nouam ad potentiam
viam fortuna nuper aperuit, adiectâ Lu-
sitaniâ: quæ sola lacinia deerat pulcher-
rimæ & solidæ Hispaniarum vesti.
Adfuta est, & vnâ cum eâ Africæ &
Asiæ portus, aut insulæ: id est, claustra
atque aditus, quibus ipfas illas inuada-
tis, & totas subijciatis in leges & iura
vestra. Pietas iamdiu huc vocat & reli-
gio: sed recenter etiam iniuria, quam
immanis ille hostis Austriacis tuis in-
fert, factus & solens violare, rapere, &
regna regnis adijcere nullo, nisi armo-
rum, iure. O expergiscere tu aliquando,
adolescens & vegete, & magno PHI-
LIPPO tuo esto magnus ALEXAN-
DER.

DER. Omnes isti Asiatici Darij se contrahent, & ad motum tuum timebunt quantum nunc timentur. Exempla tibi adsunt fortiter & feliciter capiendi imperij à maioribus illis tuis, quos immensâ serie è Cæsaribus & Regibus nec̃tis. Sed eminent inter istos FERDINANDVS & ISABELLA proavi (fæminam nihil me pudet addere; non fæminam, sed vero verbo heroinam) eminent, inquam, primi auctores magnitudinis & claritudinis Hispanæ. Ii in Italiam arma intulerunt, ij in Galliam: ij nouum orbem tibi aperuerunt, arcum depositum, & quid nisi limitem ad nouum imperium à Prouidentiâ diuinâ? Sed & CAROLVS inter istos luce suâ fulget, auus tuus, vir bello maximus, & idem moderati boniq; exemplar imperij. Quid PHILIPPVS pater? cuius vt ceteræ virtutes fileantur (viuit enim, & posteritas magis hæc dicet,) at

certè LENITAS & CONSTAN-
TIA non omittentur, illustra fidera
in illo virtutum choro. Non fuit à natis
regibus (te Fides & Veritas appello) qui
magis propriè hæc sibi vindicauerit: &
addo ab illis fontibus scaturiginem, se-
datum regimen & quietum. Vt guber-
nator in magnâ naui flectit & regit om-
nia paruo motu. quid ad minuta eo? vt
ipse mundi ille rector Deus, machinam
hanc quatit & mouet, ipse inconcussus:
talis tuus ille genitor, vetus regnandi &
securus. Tu succede, sed serò (pietas tua
hoc postulat:) & illum atque illos nobis
redde, quorum sanguinem & partem
præfers. Rapitur ad similitudinem suo-
rum excellens quæque natura, & simu-
lacrum cælestium animorum refert de-
cerpta ab ijs aura. En orbē Christianum
turbatum bellis aut dissidijs: in te ocu-
los conijcit, & aliorum aperta inclinatio
est, aliorum occultus metus. Quid hæc
nisi

nisi maxima iam magno tibi præfagiūt?
tu vtere aduocante fortunâ; sed ita vt ni-
hil ei debeas, & fecisse eam virtus tua vi-
deatur. Absque hac, Princeps, magnam
famam habere potes, non potes bonam:
sed nec firmam aut diuturnam potes,
nisi nixa sit eo fulero. Nam viuos & su-
perstites premere in rectè factis etiam
Liuor aut Inuidia potest, & plebeij ser-
mones: at mortuos, & cū tractu Ve-
ritas inualefcit, splendor ille Famæ &
Virtutis irradiat, & seria scripta ad me-
moriā tradunt posterorum. Hæc ad
te: de me & meo munere, exiguum hoc
vtrumque fateor, etsi in re magnâ. Quid
enim maius Militiâ? quæ sola orbem
temperat, nec regna solū dat aut adi-
mit, sed ipsam vitam. Nulla respublica
aut status sine eâ floruit, nulla perenna-
uit: & vt quæque melioribus legibus aut
moribus fuit, ita hanc habuit meliorem.
Talem ROMANAM apud te auda-
citer

Atter profitemur: quâ nihil cultius, san-
ctius, amplius, moribus, disciplinâ, im-
perio fuit. Igitur nec Militiâ. & hæc est
illud telum, quo, Virtute comite, terras
sibi sub vtroque Sole subiecerunt, & sub-
iectas in sæcula aliquot tenuerunt. O si
mens tibi sit Princeps (facultas adest, &
probæ institutioni hoc debes, vt intelle-
gas) si mens, dico, sit vagandi per eorum
Annales & gesta: quos flores virtutû col-
ligas? quæ præcepta paci & bello? Sed
huic maximè, in quo excelluisse eos su-
per omnes gentes, dicere possumus cum
gentium consensu. Tuam illam consu-
le, & ipsos Hispanos. qui etsi robore &
bello semper validi, tamen ab arte desti-
tuti sunt: & ea fecit vt caderent, quamuis
ægrè & ferò, sub Romanas leges. In lau-
dem eorum hoc dixerim. nulla natio ve-
tustiore hanc gloriam sibi vindicat,
nulla diuturniorem: non ipsi illi, quos
laudatum imus, Romani. Ecce ab anti-
quo,

quo, & priusquàm Romana virtus se ex-
fereret, bello Peloponnesiaco fama eo-
rum ad Græcos ipsos venerat: & Alci-
biades in oratione quapiam apud Thu-
cydidem, *fortissimos testatur & pugnacissimos*
*omniū * barbarorū.* Quid Liuius? *gentē natam*
instaurandis reparandisq; bellis: & alibi, *qui nullā*
vitā rentur sine armis esse. Annæus Florus, ip-
sam Hispaniam indiget *bellatricem, viris*
armisq; nobilem, Annibalis eruditricem. Velleius
Paterculus, ita fortem, vt duce Sertorio,
per quinquennium diiudicari non potuerit, Hispanis Ro-
manisne in armis plus esset roboris, et vter populus alteri
imperaturus esset. Quid plus dici potest, id-
que à Romanis: id est, & hostibus & su-
perbis? Nec verba sunt: res docuit bello
Annibalico, qui præcipuas suas victorias
Hispano militi non inuitus referet ac-
ceptas. Sed & Romani, cū primam
prouinciarum Hispaniam inierint, po-
stremam domuerunt: ducentos per an-
nos in eā, & de eā, pugnantes, variè victi

*Sic Gra-
ci appel-
lant om-
nes non
Græcos.

**

aut *ve*

aut victores. Sed victores tamen ad extremū, idq; ab hac militari arte quam adferimus: quam vel nūc si adsumitis, quis ambiget quin cū æterno bono fructuq; vestro? In parte tamen adsumitis: nā vt vniuersam, nō suadeo aut probo. Multa diuersa à moribus armisq; nostris, quædam & aduersa: iudicio opus est, quod tu & tui Duces facilè interponent. Mihi quidem animus fuit, in tui gratiam è tenebris hæc eruere, & res mortuas sepulcrasq; protrahere: faxit Deus vt haud in vanum, & sedandis hæc in Europa turbis sint, & extra eam imperio tuo propagando. Vires si pro animo non fuerunt, ignosci postulo: & hunc laborem studio potius mei cultus, quàm sui pretio æstimari. Ego quidem in te, ô Principum maxime, vel veterum Gallorum more adficio, & lege illâ priscâ me tibi sacro
DEVOTIONIS.

LECTORI MEO.



V M opus aliquod iamdiu meditarer & sollicitè quærerem, quod compendio esset tot scriptiōibus, & lucem præferret ad historias: repperi cuius specimen & primitias nunc præbeo, quod FACEM HISTORICAM non ex superbiâ, sed ex proposito, appellavi. Id est, ut mores Romanos publicos privatosque proferam (alibi & Græcos:) atque eos ita illustrem, ut simul loca scriptorum veterum, qui alludunt vel tangunt. Hoc cum diffusum, imò & confusum sit (negare non possum:) placuit excerpere primum ex omni cumulo quidquid ad MILITIAM facit, & id iunctim proponere, & serie aliquâ ac cohesione rerum. Idcirco quæ ad Militiam: quia ea non creberrimè, sed adsiduè, in historiâ occurrit, & omnem in eâ paginam, ut sic dicam, facit. Ut enim vita nostra publica est, sic scriptio: illa ab ævo in ævum, turba & bella: ergo & Annales, qui ævum representant. Atque ego sciens & gnarus dico, nihil esse quod magis sistat aut remoretur iuventutem, quàm militiæ prisca ignorantia: cui malo ante omnia medemur, & hanc caliginem nostrâ FACE (pro copiâ quidem ingenij) imus depulsum. In tres partes totum hoc DE MILITIA divisi: prima est, quam vides, AD POLYBIVM: in quâ generalis eius notificatio, & siquid ad ordinem, arma, leges facit, aperimus & revelamus. Sunt libri quinque, quos habes. Altera, POLIORCETICΩN,

**

2

sive 69

sive De machinis, tormentis, missilibus, libri tres: qui parati, & subsequenter. Tertia, DE TRIUMPHO, latissima pars, & clausula felicitis belli. Tum ad reliqua FACIS ordine ibimus, si auctor ille vite nostra dabit vitam, sed & vires. Nam voluntas quidem & materies adest: sed valetudo saepe intercedit plures hos annos hostilis & aduersa. Ah, quàm in hoc ipso scripto saepe me ligauit, & ad scamma deductum retinuit? Scio, & apud me magis quàm publicitùs queror. Tamen & publicitùs tango, ut venia & miseratio aliqua sit, sicubi quod volumus non fecimus, & euēnit nobis in isto cursu quod dicitur, Caballus in cliuo. Tamen ut Flauiorum ille primus dicere solitus, Imperatorem statem mori oportere: sic nobis sensus, Hominem in opere deficere: nec desinere potius, quod suadebat olim priscus aliquis Censor. Certè vel in istis alibi languidis, fructus & usus suus erit inuentuti; & nostro labore quasitū aliquid aut erutum, in quo nonnemo inueniendo sudasset. Totum enim hoc Polybij scriptum perplexum & caligine obsitum: nec industriâ solum, sed acritate ingenij opus ad peruadendum. Speramus, imò proitemur, in parte fecisse: idque non adiutos à prioribus, nisi fortè à Franc. Patricio Italo, quem solum vestigia pressisse in hac semitâ equidem scio. Quid nos prater eum, lector uiderit: quid alius prater nos, sequens item atas. Nec enim nescio, ubi semel opus cœptum est, & velut fragmina aut sentes amota, concursum fieri, & postremos quosque priorum etiam laudem in se deriuare. Aliquid nempe reperient, & unus saepe locus aut remotior lectio est quæ rem conficit: quod
non

non tam doctrina dixeris, quàm fortuna. Ego verò
 & hoc excuso, quòd antè publica iudicia subire nobis opus,
 quàm priuata experiri: nec ulla recitationes aut inter
 amicos lectiones sunt, sapientissimo consilio usurpata
 antiquis. Typographia ista nos statim protrahit, & ir-
 reuocabiliter protrahit: nec fas, etiam cum resipueris, re-
 sipuisse. Secunda tamen editio relinquitur, & mederi
 potest: sub eam vos equi & iniqui aduoco, inuante. Sine
 laudi nostræ fauctis, suggerite: siue carpere gaudetis, cor-
 rigite. ego utroque affectu utar in unum finem, cimen-
 dandi & discendi. Erūt ex verbo veteri, *δεύτερον φεγ-
 τίδες. Jam, quòd ad Polybii ipsum hoc opusculum spectat,
 re non mole magnum, haud ambigendum arbitror quin
 Polybii sit, & ipse agnoscit, ut* alibi notamus. Sed tamen
 ab alienà manu contractum aut recisum aliquid vide-
 ri, non nego: & est cetera Polybiana scriptio uber ma-
 gis & diffusa. Titulus etiam qui librum Sextum
 Historiarum praefert, mihi est falsus: cum nec ista sic
 continua, ullo modo aut venià historiae sint, & ipse fa-
 teatur è libro an libris De rebus publicis esse. Fuit
 videlicet introductio in Historias, & grande adiuimen-
 tum, nosse quid Romani, Carthaginienses, Spartani,
 pace aut bello viderint: & tum, cum breuiter inter
 narrandum tangitur, habere unde doctior sis, & pe-
 tas. Satis de meo & Polybii instituto: utile utrumque
 sit voueo; & hoc quoque, ut istis absolutis pedem mihi
 porrigere & promouere fas ad serium illum Sapientiae
 callem, quòd adspiro. Da hoc Deus, & in omni vità non
 mihi solum vixisse.

* Cura se-
cunda.

* Lib. v.

I N D E X

D I A L O G I S M O R V M

L I B R I P R I M I.

P RÆFACIUNCULA & occasio dicendi, tum laus aliqua Militiæ Romanæ. Dial. i.	folio. 1.
Modus & Ordo dicendorum, tum de Dilectu, de Tribunis, de Stipendijs. Dial. ii.	folio. 4.
Ratio & modus legendi. Signa proposita, dies edictus. Tribuni per legiones distributi. Sortitio tribuum, & alia. Dial. iii.	folio. 18.
Quædam Polybio non dicta. Subitarij milites. Pœna & coërcitio non parentium. Item de Vacationibus. Dial. iv.	folio. 28.
Equitum dilectus. genera & discrimen. de equo publico accuratè differtum, & transuentione. Dial. v.	folio. 35.
Sacramentum militiæ. Qui exegerint: quomodo datum aut dictum: quibus verbis. Dial. vi.	folio. 43.
Sociorum electio. Discrimen inter auxilia. Præfectus eorum, & quæstor. Dial. vii.	folio. 47.
Additum de Euocatis. Cur ita dicti, & quid, & quàm multi fuerint. Dignitas eorum, & paritas cum centurionibus. Dial. viii.	folio. 52.
Conquistores ad Dilectum. Tirones possessoribus indicti. In cute puncti. Dial. ix.	folio. 57.

L I B R I S E C V N D I.

De Ordine, & is quotuplex. tum de quattuor generibus militum, Velitibus, Hastatis, Principibus, Triarijs. Dial. i.	folio. 62.
De manipulis militum: Eorum numerus, & Græca nomina. Dial. ii.	folio. 67.
Inuoluta quædam Liuij super Ordine euoluta, partim emendata. Dial. iii.	folio. 72.
Cohors, Numeri, Spira. Cohors prima, Cohors Prætoria. Dial. iiii.	folio. 81.
Legio & paullatim eius augmenta. Dial. v.	folio. 85.
Equitum diuisio, Turmæ, & eorum in legione numerus. Dial. vi.	folio. 88.
Sociorum diuisio, & numerus. Extraordinarij, Ablecti, Alares, & Alæ. Dial. vii.	folio. 92.
De Centurionum numero, ordine, prærogatiuâ, de Optionibus, Primopilis, omnia accuratè. Dial. viii.	folio. 102.
De Tribunis militum. eorum electio. item discrimina, munia, insignia. Dial. ix.	folio. 124.
Sociorum Duces & Præfecti. Dial. x.	folio. 131.
De legatis, qui Imperatoribus attributi. Dial. xi.	folio. 135.
De Imperatore ipso: Ductu & Auspicijs. Lictores, Paludamenta, Equi eius. Dial. xii.	folio. 138.

L I B R I

LIBRI TERTII.

Ad Armamentum, de Velitibus prædictum, Eorumque origine, tum Ha-	
stis eorum, Parmâ, Galeâ. Dial. I.	fol. 150.
De Scuto accuratè. Discrimen à Clypeo. Magnitudo eius, Circulus, Vm-	
bo, Origo, & exemplum. Dial. II.	fol. 162.
Gladius Hispaniensis, Origo, Vfus, Bonitas. Dial. III.	fol. 175.
Pilum totum descriptum. magnitudo, forma, violentia: & siquid muta-	
tum. Dial. IIII.	fol. 180.
De Galeâ, & multiplici cristâ. Dial. V.	fol. 190.
De Loricâ, & variâ eius specie. Dial. VI.	fol. 196.
De Ocreis obiter. tum ex professo & plenè de Equitum armis. Dial. VII.	
fol. 213.	

LIBRI QVARTI.

Dispositio Aciei & communis ordo, tum viæ & interualla: perque ista	
accessio & recessio. Dial. I.	fol. 229.
Velites vbi olim, & postea locati. item Equites & Socij. Dial. II.	fol. 240.
Signa quot, & vbi fuerint. Antesignani & Postsignani. Dial. III.	fol. 244.
Ducum militumque locatio distinctè: & pœna qui ordinem liquisset.	
Dial. IIII.	fol. 249.
In occasione de signis dictum, de formâ eorum singillatim, de cultu &	
religione. Dial. V.	fol. 254.
Duplex, triplexque acies, & aliquot eius formæ. Dial. VI.	fol. 272.
Aliæ quædam acierum formæ. Cuneus. Globus, Forfex, Turris, Serra.	
Dial. VII.	fol. 277.
Exempla aliquot pugnarum: Crassi, Manlij, Cæsaris cum Afranio, Cæsa-	
ris cum Pompeio. Dial. VIII.	fol. 281.
Allocutio exercitus ante pugnam, de suffragio & refragio militari. Dia-	
log. IX.	fol. 298.
De Classico. de Tubâ, Lituo, Cornibus, Buccinâ, seorsim: item de Tym-	
panis. Dial. X.	fol. 305.
Clamor Militum sub pugnam & Baritus: concussio item armorum. Dia-	
log. XI.	fol. 318.
Signum pugnæ, Tunica punicea: signum pugnæ, vox & tessera. Dial. XII.	
fol. 324.	

LIBRI QVINTI.

Ad disciplinam transitum, ac primò de sede eius, Castris. Ea laudata, di-	
uisa, partes recensitæ. Dial. I.	fol. I.
Prætorij positura, eius magnitudo & partes. Dial. II.	fol. 10.
Tribunorum metatura, Quæstoris, Euocatorum, Ablectorum, Extraor-	
dinariorum. Dial. III.	fol. 17.
Inferior castrorum pars explicata, & deinde cum Declaratione & Po-	
dismis suis proposita. Dial. IIII.	fol. 29.

De


De Tentorijs, Fofsâ, Vallo, Portis. Dial.v. fol. 53.
De operibus. qui Immunes in ijs, qui Munifices. Socordia posterioris
aui. Dial.vi. fol. 67.
De Ministerijs, quæ Tribunis & Equitibus & alibi præstantur, item de
Excubijs & Stationibus. Dial.viii. fol. 78.
De Vigilijs. Tessera in ijs, Tesserulæ, & diuisio, & Circuitio, omnia distin-
ctè. Dial.ix. fol. 90.
De imperijs castrorum, & administratione in his talibus. Tribuni per vi-
ces faciunt. & Salutationes ducum. Dial.x. fol. 119.
Ad Exercitia transitum. Ea diuisa, & primò dictum de Oneris exercitijs.
Tulisse cibos, vallos, sarcinas, præter arma. Dial.xi. fol. 124.
De Agmine toto. tum de metatione castrorum, & metatoribus. Dial.xii.
fol. 134.
De Exercitio Operis. Exempla aliquot eiusmodi illustria, Dialog. xiii.
fol. 148.
Armorum exercitia, quàm crebra, & quàm passim? Tum ordine quædam
data. Dial.xiiii. fol. 155.
Ad Leges itum, ac primò de eâ quæ Furta tangit, tum quæ Prædam.
Dial.xv. fol. 167.
De stipendio militum, eius origine & auctu. De Frumenti modo, & hor-
dei. de ijs quæ ad victum. Dial.xvi. fol. 172.
Præmia militaria, hastæ, Armillæ, Torques, Phaleræ, Spolia. Dial. xvii.
fol. 193.
De poenis, quis inflixerit, & quas: tum etiam de varijs ignominijs. Dia-
log. xviii. fol. 210.
De Missione quadruplici, Honestâ, Causariâ, Gratiôsâ, Ignominiosâ: &
de Commodis missorum. Dial.xix. fol. 232.
Conclusio sermonum quinque, & militiæ veteris cum nostrâ brevis
comparatio. Dial. xx. fol. 237.



IUSTI LIPSI
DE MILITIA ROMANA
LIBER I.

DIALOGISMVS I.

*Prefatiuncula & occasio dicendi, tum laus aliqua militiae
Romanae.*



MERIDIE, vt ferè mos meus est, in-
ambulabam, cupidis honestarum ar-
tium me præbens, & velut domesti-
cas quasdam scholas habens respon-
dendo aut differendo. Venit ad me
honestæ frontis & mentis adolescens

AUDITOR meus (nec aliter nunc appellem) qui salute
dictâ, Illud de Militiâ promissum Lipsi, inquit, quando
expungis? Tardum nomen es, ne dicam malum. Ego,
Cum otium erit, inquam. Longa res est, nec paucarum
aliquot horarum. Ille iterum, De otio ne obtende, fe-
riæ sunt, & tam vacui nos nunc quàm ipsa Vacuna.
Quando etiam aptius? Feruent omnia bellis, nec alij
magis in mensis aut in circulis sermones. Quàm volupe
fit inter ista veterem illam seriò intellegere, & decerpere
ex eâ aliquid quod sit in hodiernum vsum? Ego risi, &
Quid ais, inquam, decerpere? sæculum hoc ignoras, aut
dissimulas. Nam contemnunt nostri Martes hæc talia,
& nœnias & ludos ea habent puerorum. Fortassis, in-
quit ille, vel ideò quòd parùm norunt. Nam plerisque
horum iure illud occinas:

* Πρὶν γὰρ φρονεῖν εὖ, καὶ ταφρονεῖν ἐπιστάσαι.

A

Et

* Priusquàm
sapere, di-
cisti con-
temnere.
Chætemō.

Et quid de illis mirer? pauci nostrum, qui libelliones habemur, scitè hæc scimus, & in nos quoque conuenit senis Coi dictum: * Πολλοὶ θαυμάζουσι, ὀλίγοι γινώσκουσι. Ne inter eos diutiùs ego sim, tu effice & adiuta. Nam pleraque video, non video, & vt in confinio lucis ac noctis positus, parùm certo oculo discerno. Iam facis? Volo, inquã: sed, nisi vt tibi gratificer, quã spe fructus? Imò verò duplicis, inquit ille, Certi & Incerti. Certi quidem, quòd vera ea fax ad historias: quarum quæ alia ferè materies, quàm bella & pugna? Incerti autem, quòd & moderni Duces aliquid ex iis fortasse haurient ad suum & præsentem vsum. Moui caput, & De hoc quidem diffido, inquam, illud prius spero. Subiecit, Non ego: & meo animo ac vaticinio, aut iam est aut erit Princeps aliquis magnus, qui prauam & laxam hanc militiam corrigat, & ad veterem illam ordinet atque adstringat. O si ille dies! quas laureas & victorias videam? quàm longè lateq; sparsa Christiana signa? Inijce hanc mentè Deus, & ad priscam illam ac Romanam maximè militiam flecte. cum cuius Dilectu, Disciplinâ, Ordine, si nostra hæc nouitia arma iungantur, quæ vis aut acies resistat? Ego hîc manum sustuli, Euge, inquam, me quoque hac commemoratione incendis. Et vt scintilla in aridam materiem incidens facilè comprehendit: sic ego inflammor in nomine & virtute Romanâ. Et bonâ fide, quæ gens in militiâ fortior aut felicior? Dilectum vide, nihil accuratius. Ordinem; nihil aptius. Disciplinam; nihil seuerius sanctiusque. Itaque per annos septingentos, tot triumphos pænè quot annos numerant, & imperio suo subiecerunt quidquid validum aut bonum in orbe terrarum. Nam alios quosdam latiùs imperasse fortasse dixeris, aut nunc

* Multi admirantur, pauci intellegunt.

Vtilitas.

Ad historiam.

Ad vsum.

Romana militiæ laus.

nunc imperare (certè magnum nostrum Regem:) sed in
 tam selectis gentibus aut terris, non dices. Pœnos, Mace-
 donas, Assyrios vicerunt, & imperium in eos vsurparunt
 qui antè imperarant. Quid Hispanos, aut Gallos? quos
 vincere non gloriæ fortassis maioris, sed operæ fuit. Ita
 paullatim molem illam *maximi secundum deorum opes* Lib. 1:
imperij (Liuij verba agnoscis) constituerunt, idque in
 optimâ Europæ, Asiæ, Africæ parte. Quâ autem aliâ re,
 nisi militiâ hac quam laudamus? Nam ingenia, nume-
 rum robora hominum si vides; singulis aut omnibus
 sæpè vincebantur: superabat Ordo & Disciplina. Ergo
 haud vanè olim vaticinatus apud Liuium Romulus: Lib. 1.
Nullas opes humanas armis Romanis posse resistere. Quid
 Romulus? ipse Romanorum hostis Taxiles, ille à sinu &
 latere Mithridatis, libero ore apud Tigranem fassus:
Ἀμαχὸν πρᾶγμα τὰ ῥωμαίων ὄπλα. *Rem inuictam, Ro-* Plut. in Lu-
mana arma. Atque hæc ita olim fuerunt, quamdiu di- cul.
 sciplina & sanctitas quædam, vt ita dicam, armorum vi-
 guit: postquàm sanguine ciuili infecta ea & corrupta Depraua-
 sunt, postquàm rapere & lancinare, atque etiam lasciu- tio eiusd.
 re, in morem vertit; resedit illa virtus, & quod sequitur,
 fortuna, nec aliud quàm vmbra & nomen fuit militiæ
 Romanæ. Ideò si vis me illustrare hanc & explicare; de
 Veteri modò promitto, nec inferiorem istam, nisi parcè, Acceffio
 tangam. Ille alacer, Ergo promittis? ô me beatum! Et se- ad expli-
 deo, an porrò ambulo? Imò tu sede, inquam: ego vtrum- caudum.
 uis fecero, vt animus hic aut valetudo suadebunt. Atque
 vtinam ista sit quæ solet; & cum eâ vigor & alacritas Cum ex-
 etiam, quæ solent! Nunc vereor vt ipsa & ætas, sed ipsa cusatione.
 maximè, libauerint in me latum illud aut lepidum
 etiam siquid olim fuit. Quid tamen est? vt in Vere anni

flores scilicet plures gignuntur, Autumnus tamen est qui dat fructus: sic in priori illâ ætate amœniora fortasse quædam dedimus, nunc vtiliora, si Deus & Tempora volent. De istis quidem non frustra ambigo. quæ apud nos malarum ferè aut turbidarum artium, nostras istas honestas & pacis oppressum eunt aut expulsum. Sed Deus videbit: quem, priusquàm ordiar, veneror atque inuoco. & tu Lux æterna, Sol sine ortu aut occasu, per has antiqui æui tenebras euntem dirige,

Cum in-
uocatione.

Lucret.

— clara meæ præpandens lumina menti,
Res quibus occultas penitus conuifere possim.

DIALOG. II.

*Modus & Ordo dicendorum, tum de Dilectu, de Tribu-
nis, de Stipendiis.*

AT tu iam sedisti. **AVD.** Animo & corpore compositus ad audiendum. **LIPS.** Audi igitur, sed Modum atque Ordinem prius, quem tenebo in disse-
rendo. *Modus* hic erit, vt Polybij verba eligam & insi-
stam, qui vnus superest eorum qui de veteri militiâ scripserunt. Nam Vegetius quidem nihil habet meri, ac sui & superioris æui instituta aut mores miscet ac confundit. Polybium adhærebimus igitur. & vt ij qui iter ignotum suscipiunt, limitem aut aggerem aliquem comprehendunt, quem insistant: sic nos illum, tuti ab errore aut lapsu. Sed *Ordo* tamen eius quia haud aptus vbi-
que ad docendum, aut etiam plenus: suggeram alium, atque eum quem definitio hæc nostra dabit. Ab eâ enim appositè Militiam exorsuri videmur: quæ est,
MULTITUDO APTA ET COMPOSITA IN ARMIS,

Modus tra-
ctandi, Po-
lybianus.

Ordo no-
ster.

Definitio
Militiæ.

AD

AD VIM FACIENDAM AVT ARCENDAM, SVB CERTA LEGE. Quinque in definitionem istam partes inclusi, DILECTVM, ORDINEM, ARMA, ACIEM, DISCIPLINAM: quas singulas ordine, & totidem Sermionibus, educam: Polybij ipsa verba secundum has partes aptabo, vbi ea quidem erunt: quā deficient, velut laciniam huic vesti à me aut ab aliis adtexam. Omnia deinde explanabo & illustrabo, sed breuiter: quia iamdiu nobis illud sedit, Οὐ τὸ μέγα δὲ, ἀλλὰ τὸ εὖ μέγα: *Non quod magnum, bonum; sed quod bonum, magnum.* Ita olim Demosthenes, valdè pro meo sensu. Sed Polybium ipsum iam audiamus, qui sic de Dilectu. Vin' tu legere? cape. AVD. Et vtrāque manu quidem: sed Græcis adscripta quæ hæc versio? LIPS. Nostra est. nam etsi Ianus Laſcaris, homo Græcus, aptè & doctè pleraque iam verterat: tamen reuera alibi aliter, & quod caput est, non semper pressè & adstrictè. Id autem adprimè mihi placet in scriptoribus qui stilo tales, maximè cū de re agitur: in quā verbum additum, aut omissum, aut laxius etiam redditum, magnas facit vel mutationes vel errationes. At tu lege.

Partes
eius.

Causſa
versionis
noſtra.
Et qualis
ea.

Επεὶ δ' αὖν ὑποδείξωσι οὗτοι
ὑπάτες, μὲν ταῦτα χιλιαρχούς
καθίστασι, τέσσαρας καὶ
δέκα μὲν, ἐκ τῶν πέντε ἐνιαυσίους
ἐχόντων ἡδη στρατείας, δέκα
δ' ἄλλους σὺν τέτοιοις ἐκ
τῶν δέκα τῶν λοιπῶν, οὗτοι μὲν
ἵππεις δέκα, οὗτοι ἡ πεζεὺς ἑξ ἑξ
δεῖ στρατείας τελεῖν κατ' ἀνά-

Cū verò Consules designauerint, tum Tribunos militum constituunt, quattuordecim quidem ex iis qui iam quinque stipendia annua confecerint; decem alios prætereà ex iis qui dena. At reliquorum, equites quidem dena, pedites vicena stipendia explere oportet.

POLYB.

γην, ἐν τοῖς τετραράκοντα ἑξήτεσιν δὴ τρεῖς, πλὴν τῶν
ὑπὲρ τὰς τετρακοσίας δραχ-
μὰς τετραμυδίων. τὰς δὲ
παράσι πάντας, εἰς τὴν ναυ-
τικὴν χρεῖαν, ἐσὼ δέ ποτε κα-
τεπείγῃ τὰ τῆς περιστάσεως,
ὁφείλουσιν οἱ πεζοὶ στρατῶν
ἑκοσι στρατείας, ἐνιαυσίως.
πολιτικὴν δὲ λαβεῖν ἀρχὴν
ἐκ ἑξῆς ἐδὼν πρότερον, ἐάν
μὴ δέκα στρατείας ἐνιαυσίως
ἢ τετελεκώς.

tet. necessario in annis quadra-
gintasex à natiuitate. Exci-
pio eos qui infra drachmas qua-
dringenæ censi sunt, quos omit-
tunt, & reseruant omnes ad
nauticum vsum. Quod si quan-
do res & circumstantis neces-
sitas eò adigunt, debent pedites
facere annua vicena stipendia.
Urbanum verò magistratum
non antè capere cuiquam fas,
quàm decem stipendia militia
adimplerit.

In Dilectu
tria spe-
standa.

Satis: insiste. Orditur Polybius à Dilectu, quem in
Definitionis meæ verbis primis incluferam, MULTI-
TVDO APTA. Quomodo enim talis sine isto? quin
nisi eligis & excerpis, non militem sed turbam habes.
De eo tria dicit: *Qui elegerint, Quos, Quomodo.* Duo
prima sunt in verbis, quæ legisti: & quia Tribuni sunt
qui eligunt, de ipsis, & numero eorum nunc præmittit.

* Lib. II.
Dialog. IX.

Diuisio
Tribuno-
rum.

„ *Cum Consules designauerint, tum Tribunos militum
constituunt.*] Quod fit scilicet principio cuiusque anni.
Et meritò Consules prius designantur, quia ij sunt qui
in parte Tribunos faciunt, in alià parte ipse populus,
* postea dicendum.

„ *Quattuordecim quidem ex iis.*] Diuisio hæc est & nu-
merus Tribunorum, qui scripti in quattuor legiones.
Nam ad tot istas accommodat sua Polybius: quia
quotannis ferè ita scriptæ, singulis nempe Consuli-
bus binæ. Ergo ait quattuordecim Tribunos factos ex iis

„ *Qui*

„ *Qui iam quina stipendia annua confecerint.*] Qui sunt isti? Tribuni equestres, id est ex equitum corpore lecti. Nam semel mihi hoc nota. Duo genera Tribunorum Polybius facit, *Juniores & Seniores*: quos à stipendiorum numero sic appellat. Iuniores sunt, Equites. quibus hoc datum ut prius citiusque Tribuni fiant, quam plebeij. Quid ita? tum quia reip. interesse videtur, ut isti ex optimis statim ad eam accedant: tum etiam quia stipendiorum ratio & æqualitas sic poposcit. Moris enim erat post dimidiata stipendia confecta Tribunum capi, nec antè: ecce Equites dena conficiebant, Pedites vicena: ergo proportionem illi post quina stipendia lecti, hi post dena. Hæc vera Polybij mens & sententia, & causa diuisionis. Sunt autem quattuordecim iuniores siue ex equite, decem tantum è plebe: quia plures nimirum habere voluerunt honestiores.

*Iuniores
Tribuni.*

„ *Decem alios prætereà ex iis qui dena.*] Ego ita reddidi, pro sententiâ iam dictâ: at vulgò legunt & vertunt implicatè. Lascaris quidem sic: *Decem autem alios, præter hos, ex iis qui decem reliqua fecerint.* Quæ ergo hæc decem reliqua? an quinque illis prioribus addenda, ut fiant quindecim annorum stipendia? nugatoria, aut falsa. Quin Græca leuiter corrigenda sunt. δέκα δὲ ἄλλας συνῶτες ἐκ τῶν δέκα. τῶν λοιπῶν τὰς μὲν ἰππεῖς δέκα: sententiâ à me versâ. Nam hoc ait. Tribuni quidem fieri possunt ex equite, qui quina stipendia fecerint; ex plebe, qui dena: at reliqui iam milites in vniuersum stipendia conficiunt, equites dena, pedites vicena. Non etiam displiceat: τὸ λοιπὸν, τὰς μὲν ἰππεῖς: quod esset, *Ceterum*, equites quidem. formulâ & modo sermonis leuiter deflectendi.

*Seniores
Tribuni.*

*Correctio
Textus.*

„ *Pe-*

„ *Pedites vicena stipendia explere oportet.*] Iterum à meâ correctione, vulgatam non est vt expeditas: certè qui adnisi, hactenus non fecerunt. Lascaris ita reddidit: *pedites verò ex iis qui sextum & quadragessimum ætatis attigerunt annum.* Quam lectionem secutus sit, nescio: vulgatam non expressit. atque amplius, sententiam bonæ mentis nullam expressit. Sigonius & Grucchijs, viri talium curiosi & docti, ita hæc citant: *Quattuordecim ex iis qui quinque stipendia annua habeant, decem verò ad hos ex iis qui decem: equites quidem qui decem, pedites verò qui sex.* Et explicant, *Neminem qui equo meruisset* (sunt ipsa Grucchijs) *Tribunum fieri potuisse nisi decem stipendia haberet, cum interim satis esset pedibus vel sex annos meruisse.* Nego quidquam magis aut à Polybio, aut à ratione abire. Istud quidem de sex annis vbi lectum aut scriptum? quin disertè de *quinque & decem* in Polybio est. Quæ etiam ratio, vt equites tardiùs ad honores, quàm plebeij perueniant? idque tot annis? Omnia contrà sunt, vt dixi: & profectò Græcanica hæc emendanda: *τὸς δὲ πεζὺς εἴκοσι δὲ σεξτεῖρας τελεῖν: pedites viginti oportet stipendia implere.* Nihil verius. Quòd equites dena, ecce Liuius docuerit: *Addiderunt acerbitati & tempus, ne præterita stipendia procederent iis qui equo publico meruerant, sed dena stipendia equis priuatis facerent.* Loquitur de iis qui ad Cannas fugerant, & hac ignominia affectos à Censoribus, vt ne in numerum venirent stipendia præterita, vtque iterum à nouo stipendia sua dena facerent, & quidem equis suis ac priuatis. Idem ex Plutarcho clarius. apud quem Gracchus in Oratione quâdam iactat, *Ἐσθλατὸν δὲ αἰ δώδεκα ἔτη, τῶν ἄλλων δὲ κατὰ τὸ νομίζον ἐν ἀνάγκαις: Militasse se annos duodecim, cum alijs* non

Prausentia, cum Lascaris.

Tum Sigonij & Grucchijs.

Iterum scriptura correctâ.

Lib. xxvii.

Equitum quos stipendia.

non nisi decem necessario militent. Quis ambigit quin Gracchus hic inter equites? & in gloria sua ponit & studio in patriam, quod duodecim stipendia confecerit, præter morem & legem dena exigentem. Iam verò pedites vicena dicimus meruisse. Qui auctores? Ipse Polybius palam, qui mox subiungit: *οφείλουσιν οἱ πεζοὶ στρατεύειν εἴκοσι στρατείας ἐνιαυσίας*: *Pedites debent conficere annua stipendia viginti*. Idem ex Liuiο est colligere. apud quem Sp. Ligustinus quidam detractat militiam Macedonicam, & sic se excusat: *Viginti duo stipendia in exercitu emerita habeo, & maior sum annis quinquaginta*. Duplex causa, quod & stipendia largiter confecerit (duo supra numerum, uti & Gracchus:) & quod ætatis iam beneficio debeat vacare. Rescribere & mutare eum numerum * alibi volui: malè, & Seruius mihi dux in errorem. Nam apud eum legas, *eos qui sacramento rogantur & plenam militiam habent, viginti quinque annis teneri*. Quod nec veteri nec sequenti æuo vniuersè verum fuit, & corrigere humanius Seruium sit quàm corripere: *viginti quoque annis teneri*. Res quidem ita fuit. atque apud Tacitum, cum milites per seditionem expressissent, ut *sextusdecimus stipendij annus finem adferret*; displicuit patribus & Principi, & eo abrogato, mos priscus repositus, decretumque ut *vicesimo militia anno veterani dimitterentur*. Atque ita deinceps factum. Suidas: *Βετεράνος ὁ δὲ πῶμαίσις ὁ ὄντων τῆς στρατείας. Ἡνὶ εἰκοσαετίαν δὲ ἐδέχοντο*: *Veteranus Romanis dicitur militiam dimissus, in viginti autem annos merebant*. In Codice Iustiniano consimiliter Veterani definiuntur, qui *post vicesima stipendia honestam, vel caussariam missionem sunt consecuti*: quod ita interposita distinctione legendum est: quia certè caussa-

Quot pe-
ditum.

Liuius ex-
plicatus.

Lib. XLII.

* Ad r.
Ann. Tac.

i. Ann.

Ibid.

Qui Vete-
rani.

l. ix. Quā-
do prouoc.
non est neq.

B

ria

ria missio post explera stipendia non datur. Idem numerus in Codice Theodosij aliquoties. et si in eodem etiam de *viginti quinque aut quattuor* stipendiis leges: sed in certo genere militum & conditionis deterioris. Hæc mihi ita videntur. quid erudito viro, qui in Polybio hîc corrigi voluit: *ὅτι δὲ πεζοὶ ἐξ ἑὸς τεταίας τελείν*: non equidem scio, nec scintillam lucis in iis verbis video.

Anni militie utiles.

Lib. x. cap. xxviii. De die Natali.
* Intellege completos.

Initium militie.

Lib. xxv.

» *In annis quadraginta sex.*] Est hæc Seruij regis definitio, qui annos eos viles militiæ fecit. Nam distinxit Classes in Centurias Iuniorum & Seniorum: illos qui militarent, hos qui vacarent, nisi in magnâ necessitate. *Juniores, ad annum quadragessimum sextum* (ita Tubero apud Agellium) *supràque eum Seniores appellauit.* Censorinus anno vno minus numerare videtur: *Usque* quinque & quadraginta annos Juvenes appellatos, quòd reip. in re militari possent iuare.* Hoc ergo Polybius nunc dicit, vicena illa stipendia complenda fuisse in orbe tot annorum. Sed cur non principium etiam militiæ ponit, cùm dixerit finem? Licet ex eodem Tuberone apud Agellium addas: *Seruius ab anno decimo septimo, quòd idoneos iam esse reip. arbitrabatur, milites scripsit.* Atque istud mansit. & in Punico secundo bello, cùm necessitas violasset, tum decretum *ut Tribuni plebis* (Liuij verba) *ad populum ferrent, ut qui minores annis septem & decem sacramento dixissent, iis proinde stipendia procederent, ac si septem & decem annorum, aut maiores, milites facti essent.* Ecce, in iuuentutis inopiâ, quidam tunc etiam prætextati milites capti: id ne fraudi iis esset, & quia præter Seruij ac vetus institutum, lege subuentum fuit, & anni illi in stipendia venerunt, haud secùs quàm si à decimo-

cimo septimo cœpissent. Atqui ambitio etiam interuenisse videtur, & quidam, vt citò ad honores & Tribunatus veniant, ante id tempus militiæ ascripti, quod Gracchilex cauit, & interdixit *νεώτερον ἐπὶ δέκα ἐπὶ μὴ καὶ ἑλέγεας ἑξαπώτων*: iuniorum annis septem & decem militem non legi. Plutarchus id ita in Gracchis. Vegetium ergo miror scribere: *Si antiqua consuetudo seruanda sit, incipientem pubertatem ad dilectum vocari.* Quod distinctè verum non est, nec decimusseptimus certè annus *incipiens pubertas*. At Silius magis etiam intendit:

Lib. v.
cap. iiii.

Lib. i.

Pubescit miles castris, galeæque teruntur

Nondum signata flaua lanugine mæla:

quasi impuberes ad ea venirent. Habes carceres, habes metam militiæ. Sed an non igitur plura vicenis stipendiis? imò triginta erunt, si totum id tempus militarunt. Caueerres. Continua olim militia non fuit (sicuti cùm legiones perpetuæ institutæ:) sed per annos ferè, aut certè singula bella, inibant militiam & desinebant. Lex igitur volebat, vt in annis illis triginta vtilibus, quisque necessariò impleret stipendia sua viginti. Poterat quidem prius: & exempli causâ, qui continuò militabat, implebat ea trigesimo septimo anno: sed poterat, non debebat. Hi sunt anni triginta illi, de quibus lex Tullia capienda, cùm *juniorum etatem annis triginta definiuit*. Item Sallustius ad Cæsarem, cùm monet illum *ut videat ne militia iniusta sit, cùm alij triginta, pars nullum stipendium faciat*. Itemque in Tacito, veterani queruntur *tricena aut supra stipendia se numerare*. Nec virum doctum audiemus hinc colligentem (Carolus Sigonius is est) legitima stipendia fuisse triginta annorū. Sed iterum hîc aliqua hæsitatio ad annum *quadragesimum sextum*:

Nodi sois-
nio.

Interpella-
ta olim mi-
litia.

Quo sensu
triginta
anni mili-
tantes.
Orat. de
rep. const.

i. Annab

quem finem militiæ dicti scriptores faciunt: at alij disertè
quingagesimū. Seneca De breu. vit. cap. vlt. Lex à quin-
quagesimo anno militem nō cogit. Fabius: Vt militiā vaca-
ret ex lege, quōd quinquagenarius esset. Legem vterq; no-
minat: an posterioribus tēporibus latam? an potius iam
olim illa lex, siue mos? Nam & in Liuiō, bello Macedo-
nico decretū, nulli qui non maior annis quinquaginta esset,
vacationem militiæ esse. Quī igitur conciliamus ista cum
instituto Seruij? bellē. Nam existimo mansisse quidem
illud de annis quadraginta sex communiter: sed pone
aliquem, casu aut morbo, stipendia sua intrā id tempus
non impleſſe, dico cogi potuisse vsque ad annum quin-
quagesimum. Iste igitur quingagesimus plenē libera-
bat, siue facta stipendia siue infecta. Ex verbis Ligustini
suprà colligas, qui in clausulā, velut decretorium, id po-
nit, Et maior sum annis quinquaginta. Hi anni in militiā
Romanā: nec diffimiles admodum in Grēcā. In Demo-
sthene lego, iussos omnes conscendere triremes, vsque ad
eos qui quadragintaquinque annorum essent. In quem ta-
men locum Vlpianus Scholiastes notat, Nouum hoc
fuisse. quia Lex apud Athenienses ad annum quadragesi-
num duntaxat iubet militare, exorsos à decimo octauo. Idq;
his gradibus, vt ad vigesimum circā urbem militent & ca-
ſtella custodiant, tutiori ſcilicet militiā: à vigesimo autem
ad longinqua bella & extra limites etiam eant. Ita ferē Vl-
pianus. & dixeris Macrobiū, Atticum hoc institutum
adſpicere, cū de vi Septenarij numeri ſcribit: Nonnul-
larum rerum publicarum is mos eſt, vt poſt ſextam hebdo-
madem ad militiam nemo cogatur, in pluribus detur remis-
ſio poſt ſeptimam. Sexta hebdomas, quadregesimus ſecun-
dus annus eſt, & tangere Athenienſes videtur: ſeptima
 qua-

Nodus al-
 ter in metā
 militiæ.

Lib. ix. In-
 ſtit.

Lib. xlii.

Is. ſolutus.

Græcorum
 par ratio.

xli. O-
 lympia.

Lib. i. in
 Scō. Scip.

quadragessimus nonus, & ad Romanos pertinet. cum dicat *post septimam*: qui est quinquagesimus annus. Plato in suâ republicâ paullo serius quàm alij & admittit & dimittit. Nam legem fert, statuitque αὐτοὶ μὲν ἔχουσι με- Platonis proprium scitum. vi. de Leg.
 χεῖ τῶν ἐξήκοντα ἔτων· γυναῖκι δὲ ἐπειδὴν παῖδας γεννήσῃ μεχέ-
 τῶν πεντήκοντα: viro quidem annos viginti, vsque ad sexaginta; femina verò cum pepererit, vsque ad quinquaginta.

„ *Excipio eos, qui infra drachmas quadringentas censi.]*
 Prima nota legendorum, fuit *Ætas*: altera nunc *Census*. Tangit eam magis, quàm explicat, quia tunc nota. Nam Ser. Tullius rex cum censum instituisset, in classes populum diuisit, idque pro opibus: ex quibus dilectus atque alia reip. munia administrarentur. Non enim profectò viliores quosdam in militiam legebant, nec erat hoc inopiæ asylum, sed diuites, honestos, & quos res priuata rei quoque publicæ alligaret. Nabis tyrannus apud Liuium, cum diuersa ostendit Spartana instituta à Romanis: *Vos, inquit, à censu equitem, à censu peditem legitis.* Et exstant ipsa discrimina & modus opum in classibus Seruianis, quas Liuius & Dionysius descripsere. Sed enim hîc nodus in Polybij verbis. Ait, *qui infra drachmas quadringentas*: quæ sunt Romano more & eloquio, *quaterna millia eris.* An ergo talis aliqua finitio census in classibus? nusquam. Vide & examina. Imò illa infima *Quinta classis undecim millia* habuit, vt Liuius, siue *duodecim quingenta*, vt veriùs à Dionysio scriptum. Infra hanc autem qui essent, *immunes fuere militiâ*, vt Liuius ait. Quid dicendum? mutationem aliquam, vt solet, interuenisse. Nam cum olim tota *Sexta classis vacua* feriatâque esset, Polybij & suprâ æuo, aliter: nec placuit tan-

A censu miles campus.

Lib. xxxvii.

Huic rei classes.

Obscuritas in Polybio.

Ea depulsa.

Sexta clas-
sis diuisio
eruita.

Ex Agellio
adstricta.
Lib. xvi.
cap. ix.

tam multitudinem munerum omnium esse expertem. Itaq; instituta noua aliqua diuisio (quando, nescio: crediderim sub bella Punica) & *Sexta* illa numerosa classis distributa quasi in tres iterum classiculas, pro ratione census. Prima fuit, de qua hinc Polybius, eorum qui à *mille ducentis drachmis* (siue *duodecim millibus aris*) pertingerent ad *quadringentas*. Altera, qui ab istis ad *centum quinquaginta*. Tertia denique, qui ad *triginta tres*, paullo supra. Hæc non à coniecturâ merâ ponimus, sed Iulij Paulli verbis apud Agellium firmamus. Quærebatur qui essent *Proletarij* in versu Ennij: atque ille sic explicat: *Qui in plebe Romanâ tenuissimi pauperrimique erant, neque amplius quàm mille quingenûm aris in censum deferrebant, Proletarij appellabantur: qui verò nullo aut perquam exiguo are censebantur, Capitecensi vocabantur. Extremus autem Capitecensorum census aris fuit trecenta sexaginta quinque.* Hæc si attentè cum Polybianis istis confers, necessariò inferis & elicis diuisionem à me dictam. Sunt enim certè aliqui supra istum Proletariorum censum *mille quingenûm aris*: qui autem nisi illi *Quatermillenarij* à Polybio dicti? Atque est etiam proportio aliqua in his gradibus, quòd primus ille à duodenis millibus sic descendit, vt sit eius quasi triens; alter, trientis huius iterum triens cum leui excessu; tertius, non iam triens, sed iustus quadrans, si tamen legas in Agellio *trecenta septuaginta quinque*. quod faciundum arbitror, & video libros quoque variare.

Pauperes
non nisi in
necessitate
scripti.

„ *Quos omittunt.*] Clarè habes, tenuiores istos ad militiam non vocari. Nunquam igitur? imò verò, sed in necessitate aut tumultu. Idem loco dicto Iulius Paullus: *Quoniam res pecuniæque familiaris obsidis vicem pignorisque*

risque apud remp. esse videbatur, amorisque in patriam fides quedam in eâ & firmamentum; neque Proletarij, neque Capitecensi, milites, nisi in tumultu maximo, scribebantur. Itaque Ennij versus huc ducit, & explicat:

*Proletarius publicitus scutisque ferroque
Ornatur ferro, muros, urbemque, forumque
Excubiis curant.*

Duo ibi notes, & quòd arma iis data è publico Ennius dicit; & quòd muros dumtaxat custodierint & urbem. Nam etiam cùm necessitas adigeret, non tamẽ in aciem hoc genus educebant, aut legionibus miscebant, sed in vrbe habebant sub oculis & curâ seniorum: qui & ipsi in armis solent adiungi. Paullatim tamen & eò ventum (sed post Polybij) vt Proletarij atque etiam Capitecensi in militiam vulgò scriberentur. Sallustius de Mario:

Ipse milites scribere non more maiorum, neque ex classibus, sed ut libido cuiusque erat, Capitecensos plerosque. In Iug. Capitecensi scripti. Ecce, humiles eos ipse iam Consul legit, per eos ex humili talis factus. Plutarchus de eadem re: *Ἀναγορευθεὶς δὲ λαμπρῶς, θύρῳ ἐς ἐρατολόγει πρὸς τὸν νόμον καὶ τὴν συμπίθειαν, πολὺ τὸν ἄπορον καὶ δῆλον κατὰ γράφων, τῶν περὶ τὴν ἡγεμονίαν ἔπεσσομενών τὰς τοιαύτας, ἀλλ' ὥσπερ ἄλλοι τῶν καλῶν, τὰ ὅπλα μετὰ ἡμῶν τοῖς ἀξίοις νεμόντων, ἐνέχυρον τὴν ὑσίαν ἐκάστω πένειν δοκῶντι.* In Mario. Consul declaratus splendidè, statim Dilectum habuit præter legem & morem, plurimos è pauperibus & seruili genere conscribens: cùm antea Duces hos tales non susciperent, sed arma quoque, vt aliud aliquid honestorum, non nisi honestis dignisque darent, cùm quisque velut pignus rem familiarem opponere videretur. In cuius verbis serui- Incauta versio in Plutarcho. le genus verti, quod alij seruos fecerunt: parùm verè, neque vnquam ipsos seruos Marius legit, sed libertinos & tales.

tales qui nati è seruis. Ab eo autem principium, mox progressus. Nam bello Sociali coepere iam in militiam scribi, & mansere. Eâ mente Liuij epitomen exaudio:

Lib. LXXIII

Libertini
in militia.

Lib. x.

Et liberti.

L. Saturn.
cap. XI.*vt illa e-
tas passim.Nautalis
militia vi-
lis.xxx r. de
Legib.

Lib. XXXII.

I. Hist.

Libertinos tunc primum militare coepisse. Quid? non etiam antea? non sub Mario? Ita, sed pauci, nec ita vulgò.

Nam quod in Liuiio est iam olim, *Nec ingenui modo aut iuniores sacramento adacti sunt, sed seniorum etiam cohortes facta, libertinique centuriati:* id scilicet excuses, quòd in tumultu, nec nisi ad tutelam vrbs. Sed propriè etiam Liuius *Libertinos* intellegit, ὅτι ἐξ ἐλευθέρων, id est

qui nati ex libertis: at Epitoma fortasse capienda de *libertis* ipsis. Ego suspicor, nec vocem eam notione priscâ ibi vsurpatam. vt nec in Macrobio, eâ ipsâ re: *Bello sociali cohortium duodecim è libertinis conscriptarum opera*

memorabilis virtutis apparuit. Puto *libertos intellegi: & Appianus I. Ciuil. in hac historiâ ἀπελευθέρων nominat, qui sunt profectò isti. Ita vides paullatim, quod dixi, tenuiores etiam ciues admissos: ramen ciues. quid ni? cùm etiam socij paullo pòst ciuitate donati, & ex iis milites in legiones scripti?

„ *Reseruant ad nauticum usum.*] Quæ militia scilicet vilior, & talis habita semper. An quia periculorum ibi plus, & metus etiam ignauæ mortis? an quia parùm loci virtuti & robori militari? ars & nautæ pleraque administrant. An quia paullatim animos quoque dehonestat & corrumpit? Tale aliquid Plato indicat, & optat ciues suos (etsi militiâ eâ solâ claros) res maritimas nunquam attigisse. Sed Romanis quidem perpetuum hoc iudicium: & pro eo Liuius: *Nauales socij, inquit, relictis nuper classibus ad spem honoratioris militiæ transgressi:* id est, terrestris. Sic Tacitus: *Facta è reliquis (classicis) spes*

in

in posterum honoratioris militia. Ergo isti Sextani & viles, ait Polybius, ad mare sepositi & asseruati. Exemplum in Liuiο: *Magna vis hominum conscripta Roma, libertini etiam, quibus liberi essent & atas militaris, in verba iurauerant. Ex hoc urbano exercitu, qui minores quinque & triginta annis essent, in naues impositi; alij ut urbi praesiderent relictī.* Vbi silentio non transeo, quod addit, *quibus liberi essent: ut scilicet quos opes reip. non astringerent, caritas ista liberorum & alterum pignus vinciret.* Et an non isti, quos *Proletarios* Ennius dixit? Sed nefas fortasse à Paulo & Grammaticis dissentire. Exemplum aliud in eodem Liuiο: *M. Junio Pratori datum negotium, ut in classem socios nauales libertinos legeret.* Et alibi: *Naues ciuibz Romanis qui seruitutem seruissent completae, ingenui tantum praefecti.*

Lib. xxi.

E libertinis
serè lecti.

Lib. xxxvi

Urbanum magistratum non antè capere cuiquam fas.] Mira & ad militiam bona lex, nescio an alibi legenda. Obserua. Ab honoribus exclusi, qui tot stipendia non fecissent: & miramur frequentem & volentem militiam illam fuisse? Sed ait, *urbanum magistratum: non ergo militarem:* & certè Equites, Tribuni in legionibus facti, post stipendia quina. Definit etiam *decem* stipendia. cur illa? quia hic modus & finis militiae equestris, è quo genere plerique ad magistratus. An rigidè autem seruata hæc lex, non lubet nunc inquirere, & vereor ut perruptæ eius (quid non ausit & possit Ambitio?) sint exempla.

C

DIA-

DIALOG. III.

Ratio & modus legendi. Signa proposita, dies edictus. Tribuni per legiones distributi. Sortitio tribunum, & alia.

Trismeg.
cap. x.

QU I legerint, & Quos, è Polybio vidimus: nunc ex eodem, Quomodo. An aliquid habes, aut interpellas? A V D. Ego verò nihil, & ut ij qui valdè sitiunt, silentio adhuc bibo. Sed didici etiam à viro Ter maximo: Συνοεῖν δεῖν τὸν ἀκούοντα τὰ λέγοντι. Ἐσσυμένειν, Ἐόξυτέρον ἔχει τὴν ἀκοὴν τῆς ἑλόντος φωνῆς: *Consentire dicenti discentem, & conspirare debere, ac celeriore acutiorémque auditum habere eius linguâ.* L I P S. Hoc verè, & in philosophicis maximè, vbi instructio aut cura est animorum: hîc, vbi delectatio aut doctrina exterior, cur obnoxium te præbeas aut silentem? Nolo, veto, & interloqui te cupio atque etiam obloqui, siquid visum. Fræna tibi laxo, & do plenum ius. A V D. In tempore igitur utar, nunc perge. L I P S. Imò tu perge, & Polybiana hæc consequenter lege. Intereà quieuerò.

Ἐπὼν δὲ μέλλωσι ποιεῖν τὴν καταγραφὴν τῶν στραπωτῶν, οἱ τὰς ὑπάτους ἔχοντες ἀρχαίς, προελέξουσιν ἐν τῷ δήμῳ τὴν ἡμέραν, ἐν ᾗ δέησει πρὸς ἀλλήλους ὅτι ἐν ταῖς ἡλικίαις ῥωμαῖς ἀπὸ πύλης ποιοῦσι δὲ ἕτε, κατ' ἑκάστον ἐνιαυτὸν. τὸ δὲ ἡμέρας ἐπελθούσης, Ἐπὼν στρατοσύμῳ πρὸς ἀλλήλους εἰς τὴν ῥώμην, καὶ μετὰ ταῦτα συναθροισθέντων εἰς τὸ καπέλιον, δειλὸν σφᾶς

Cum verò Dilectum habituri sunt, Cōsules publice diem prodicunt, quâ die Romanos omnes adesse oporteat, quibus ætas sit militaris. Faciunt hoc pene quotannis. Cum igitur dies adest, & militaris omnis iuventus in urbe, & mox in Capitolio congregata; tum diuidunt se Juniores

αὐτοὶ οἱ νεώτεροι τῶν χιλιάρχων, *Juniores Tribuni eo ordi-*
 καθάπερ δὲ ὑπὸ τῆς δῆμου κατὰ *ne quo à populo siue ab Im-*
 σταθῶσιν, ἢ τῶν στρατηγῶν εἰς τέτα- *peratoribus sunt facti, in*
 ρα μέρη, διὰ τὸ τέταρα παρ' αὐτοῖς *quattuor partes. Quia ni-*
 στρατόπεδα τὴν ὁλοκληρῇ καὶ πρῶ- *mirū quattuor apud eos le-*
 τῇ διαίρεσιν τῶν διωάμεων ποιεῖ- *giones totam & principuam*
 δαι. ὁ δὲ μὲν πρῶτους κατὰσα- *copiarum diuisionē faciūt.*
 δέντας τέταρας, εἰς τὸ πρῶτον κα- *Et primos quidē designa-*
 λούμηνον στρατόπεδον ἐνειμαν. ὁ δὲ *tos quattuor Prima legio-*
 δὲ ἐξῆς τρεῖς, εἰς τὸ δεύτερον. ὁ δὲ *ni dicta adtribuunt; tres*
 ἐπομύρους τούτοις τέταρας, εἰς τὸ *proximos Secunda; quat-*
 τρίτον. τρεῖς δὲ ὁ δὲ τελευταίους, εἰς *tuor alios Tertia; denique*
 τὸ τέταρτον. τῶν δὲ πρεσβυτέρων, *tres ultimos Quarta. Se-*
 δύο μὲν ὁ δὲ πρῶτους, εἰς τὸ πρῶ- *niorum verò Tribunorum,*
 τον. τρεῖς δὲ ὁ δὲ δεύτερους, εἰς τὸ *duos quidem primos Pri-*
 δεύτερον πρῶτα στρατόπεδον. δύο δὲ *ma; tres alios Secunda; duos*
 ὁ δὲ ἐξῆς, εἰς τὸ τρίτον. τρεῖς δὲ ὁ δὲ *sequentes Tertia; denique*
 τελευταίους, εἰς τὸ τέταρτον, τῶν δὲ *tres ultimos Quarta. Fa-*
 πρεσβυτέρων. ἡγομύνης ὅ τ' διαίρε- *Et à autem diuisione Tribu-*
 σεως ὁ κατὰστάσεως τῶν χιλιάρ- *norum eiusmodi, ut omnes*
 χων τοιαύτης, ὥς ἐπὶ πάντα τὰ στρα- *legiones iam parī numero*
 τόπεδα ὁ δὲ ἴσους ἔχειν ἀρχοντας, *habeāt duces, tum sedentes*
 μέλα ταῦτα καθίσθης χεῖρας ἀλ- *señcti & seorsim Tribuni*
 λήλων καὶ στρατόπεδον, κληρονομίαν *cuiusque legionis, tribus sor-*
 φυλάς καὶ μίαν, ὁ παροσκαλύνται *tiuntur singillatim, & euo-*
 τὴν ἀεὶ λαχοῦσαν. ἐκ τῆς ταύτης ἐκ- *cant ut in quamq; sors ceci-*
 λέγουσι τῶν νεωστέρων τέταρας *dit. Ex ea eligunt quattuor*
 ὁππικῶς ὁ δὲ πρῶτα πηλίστους τοῖς ἡ- *iuvenes atate & habitudine*
 λικίας ὁ δὲ τοῖς ἔξεσιν. παροσκαλύν- *propemodum aequales. Qui-*
 των ὅ τούτων, λαμβάνουσι πρῶτοι *bis productis primi electio-*
 τὴν ἐκλογὴν οἱ τῆς πρῶτης στρα- *nem faciūt Prima legionis*
 τόπεδον, δεύτεροι δὲ οἱ τῆς δεύτερης, *Tribuni. secundi Secunda;*

τελείει δ' οἱ τε τρίτου, τελευταῖοι δ' *tertij Tertia; ultimi Quar-*
οἱ τε τεταρτου. πάλιν δ' ἄλλων τε- *ta. Iterumque quattuor*
ταρων προαχθέντων, λαμβάνου- *productis, primi electio-*
σι πρῶτον τὴν αἵρεσιν οἱ τοῦ δευτέ- *nem habent Secunda le-*
ρου στρατοπέδου, & ἐξῆς, οὕτως. τε- *gionis Tribuni; Et sic de-*
λευταῖοι δ' οἱ ἑτέρω. μὲν ὅτε *inceps; ultimi verò Prima.*
πάλιν ἄλλων τεταρτων προαχθέν- *Post hac denuò quattuor*
των, πρῶτον λαμβάνουσιν οἱ ἑτε- *productis, primi capiunt*
ρου στρατοπέδου, τελευταῖοι δ' οἱ τοῦ *Tertia legionis Tribuni,*
δευτέρου. καὶ αἰεὶ κατὰ λόγον οὕτως *ultimi verò Secunda. At-*
ἐν περιόδου τῆς ἐκλογῆς γινομέ- *que ita semper electione al-*
νης, παραπλησίους συμβαίνει *ternante Et in orbem eun-*
λαμβάνεσθαι τοὺς ἀνδρας εἰς ἕκα- *te, fit ut pares admodum ca-*
σον τῶν στρατοπέδων. *piatur in quamq; legionem.*

Iam sustine, & audi. Tribunos creavit, numeravit, de ætate & censu adiunxit: nunc denique Modum & formam exponit Dilectus.

Consules
Dilectui
presunt,
Tribuni
eligunt.

„ *Consules diem publicè prodicunt.*] Et si enim Tribuni electi, tamen præcipua dilectuum Consules ipsi obeunt, & summæ rei præsident, Tribuni administrant & exsequuntur per partes. Polybius de rep. Romanâ, inter munia consularia hoc recenset, *καταγράφειν στρατιώτας καὶ τοὺς ἑπιτελείας καταλέγειν. Cōscribere milites, et idoneos diligere.*

Lib. III.
Sedent in
curulibus.

Liuius non semel narrat. vt: *Consules positis sellis dilectum habebant.* Vbi & aliquid de formâ. nam in curulibus suis sedebant, specie magistratus. Dionysius Lib. VIII: *Consules in subiecto campo curules sellas (τοὺς στρατιωτικὰς δίφρους) posuerunt, ubi et dilectum habuerunt.* Vt nouum notat, quòd in campo. nam solent in Capitolio, vt iam dicemus: sed eò factum, quòd Tribunitiæ intercessionibus vitarentur, quibus non ibi locus.

„ *Diem*

„ *Diem prodicunt.*] Voce præconis, an scripto, an ^{Diei pro-} dictio.
 utroque? De scripto credo, cum ordinaria res fuit: de vo-
 ce etiam, cum aliquid subitum, & scriptum videbatur
 tardum. Scriptum Dionysius ingerit: *ᾠγέγραψαν ἡμέ-* ^{Lib. vii. i.}
ραι: diem proscripserunt, in hac re. & Liuius, qui *Edictum* ^{Aut pro-}
 nominat: *Juniores Romam ad edictum sine detractatione* ^{scriptio.}
conuenerunt. Sic etiam alibi: *Silentio patrum edicitur di-* ^{Lib. vi.}
lectus. Nunquid & aliud huic rei signum? ita, sed non
 nisi sub ipsum conuentus diem, aut dies. Nam signum ^{item signi}
 tunc ex arce tollebant, seruabantque donec is solutus. ^{sublatio.}
 Arnobius inter ea, quæ olim vsitata, postea aboluerant:
Cum paratis bella, signum monstratis ex arce? Virgilius al- ^{Lib. vii. i.}
 luit: *Ut belli signum Laurenti Turnus ab arce*

Extulit:

nec est ut aliud capias. Dionysius apertissimè: *περθεσαν* ^{Lib. vi. i. i.}
τὰ ἑ πόλεως σημεῖα, καὶ τὰς δυνάμεις τῆς πόλεως κατέγραφον:
Proposuerunt belli signa (Consules) *& copias urbanas con-*
scripserunt. Ex quo suspicere, hæc signa sola aliquando
 proposita, & fortasse præcones circummissos, cum res
 non ferret moram. Sanè Seruius in Virgilianum illum
 locum vult non nisi in Tumultu id factum: & agnoscit
 non signum, sed signa (quo numero & Dionysius) *du-*
plex scilicet vexillum, russeum & caruleum, illud ad pedites,
hoc ad equites conuocandos. Non ausim subsignare, cum
 Liuius vnus tantum meminerit: *Cum,* inquit, *vexillo in* ^{Lib. xxxix.}
arce posito, comitiorum causâ, exercitus indictus esset. Fe-
 stus in voce Iusti: *Iusti dies dicebantur triginta, cum exer-*
citus imperatus, & vexillum in arce positum esset. Dio Cas- ^{Lib. xxxvii.}
 sius diffusè satis super hoc ritu scribit, idemque notat in
 comitiis centuriatis solere seruari, etiam Tulliano æuo:
 at centuriata quædam comitia fuere hæc nostra ad Di-

C 3 lectum.

lectum. Quòd autem idem *arcem Janiculi* definiat, ambigo: cùm sic *Arx* sine definitione posita Capitolinam magis designet, ἐξόχως: & Seruius disertè de eâ adfirmet. Quid quòd ipse Dilectus in Capitolio? id enim iam sequitur.

In Capito-
lio dilectus.

„ *In Capitolio.*] Siue in eius arêâ, vti opinor. Sed in loco tamen augusto, sacro: & quare? nisi vt ante oculos religio & Iupiter opt. max. obnoxios magis omnes fractioresque redderet ad parendum. Nam sæpe hîc controuersia & turbæ. Pertinet ad hunc ritum, quod Liuius de Marcello Consule: *Ipse dimissis Siculis, in Capitolium ad dilectus discessit.* Nec Dilectus solùm, sed alia quæ ad bellum, illîc agitata, si credis Appiano: ἡ δὲ ἑλλήες τὸ καπιτώλιον, ἐπερ ἐιώθασι περὶ πολέμου σκοπεῖν, συνέδρε: *Senatus in Capitolium, ubi super bello deliberare solent, conuenit.*

Lib. xxvi.

Et bellica.

In Lybic.

„ *Juniores Tribuni.*] Id est, equites: ab ætate tales, aut stipendiis.

„ *Eo ordine quo à populo aut Impp. sunt facti.*] Ne æmulatio scilicet exsistat aut ambitus de locis. Nam in pri-

Primi Tri-
buni ho-
nestissimi.
Lib. xli.

mis, aliquis honos. Ita in Liuiio: *L. Atius Tribunus primus legionis secundæ*, quasi per laudem dicitur. Hoc igitur cauerunt, inquit, & locarunt eos vti designati. Atqui

* Videlib.
xl. Dial. x.

miscella ista designatio: * pars à populo, pars à Consulibus: ergo & plures loci primi, aut secundi. Quæ hîc decisio? Ego pro meo sensu dabo. Primùm vnus generis omnes vno loco sunt, id est Equestres aut Plebeij. Iam in Equestribus si duo primi (vnus videlicet à populo, alius à Consule:) me arbitro præeat ille Popularis. Nam publica illa suffragia semper honestissima habita, & viri clari ferè à populo hunc ipsum Tribunatum.

petie-

petierunt. Historiæ docebunt, cùm obseruabis. Idem in Plebeiis cenſeo, præiſſe inquam Populares vbi idem gradus.

„ *Quattuor apud eos legiones.*] Ita plerunque sub id æui factum: & cuique Conſuli adtributæ duæ legiones. Polybius ita ferè numerat, & metationem caſtro-

Lib. x.
Conſularis
exercitus.

rum, aliaque, ad hunc modum aptat. Sed & Liuius: *Vo-*

Lib. III.

lumnus in Etruriam cum iuſto conſulari exercitu profectus. Et alibi: *Duo Conſulares exercitus ſcripti.* Vtrobique hos intellegit duarum legionum. At poſtea crescente impe-

rio, & Prætoribus creatis qui in prouincias mitterentur, & ſæpe ad bella: notum teſtatumque eſt plures legiones ſcriptas.

Plures ſe-
pe legiones.

Quid poſtea? imò iam ante Polybij æuum, quoties magnum aliquod aut dignum diſcrimen eſſet. Ita ſub initiũ ſtatim liberatæ vrbis M. Valerio Dictato-

re, *quantus numquam exercitus* (ſunt verba Liuij,) *decẽ le-*

Lib. II.
Potentia
& frequẽ-
tia Roma-
norum.

giones effectæ. Quin idem generatim prodidit Lib. IX. in *omni ſociorũ defectione, Urbano prope dilectu, decẽ ſcriptas*

legiones. Sunt profectò magnæ copię, & præſertim capitum ſic electorum: idque ex vnâ Romanâ vrbe. Quid

tamen admirationem hîc defigam? cùm bellis Punicis, atque adeò poſt cladem Cannenſem, ciuibus tam mul-

Lib. XXXI.
Lib. XXXII.

tis illîc & alibi amiſſis, ſociis paſſim deficientibus, legam *duodeviginti legionibus rem geſtam.* Et ſtatim poſt, *Sum-*

Vigintitres
legiones.

mam trium & viginti legionum effectam. Hæc ita ſuis locis Liuius. At illud iam pænè ſupra fidem, cùm in exſpe-

ctatione & metu bellum Gallicum eſſet, Romanos & ſocios armaſſe numerum quem Plinij verbis magis eſt

Italia olim
vires.

vt dicam. Ille ſic: *Italia L. Aemilio Paulo* (Papo legen- dum) *C. Atilio Regulo Conſulibus, nuntiato Gallico tu-*

Lib. III.
cap. XX.

multu, ſola ſine externis vllis auxiliis, atque etiam tunc ſine

Trans-

Lib. III.
cap. III.

Lib. II.

Lib. II.

Legiones
triginta.

v. Ciuil.

Quadra-
ginta.

Viriliter
boni dile-
ctus.
Plut. in
Pyrrho.

*Transpadanis, equitum octoginta millia, peditum septin-
genta millia armavit. Quid adstupefcis? Orofius auget
etiam hunc numerum, & quidem Fabio auctore. In
vtriusque Consulis exercitu octingenta millia armatorum
fuere, sicut Fabius Historicus, qui eidem bello interfuit, scri-
psit. Ex quibus Romanorum & Campanorum fuerunt pe-
ditum trecenta quadraginta octo millia ducenti, equitum
verò vigintisex millia sexcenti. Cetera multitudo sociorum
fuit. Sed Polybius (fidelissimus in talibus scriptor) ad
Plinianum calculum accedit, summâ etiam per singulas
gentes conceptâ. Si voles, vide. Iam verò per bella ciui-
lia Romana quæ copiarum? Vnus Cornelius Cinna, vt Vel-
leius ait, ex nouorum ciuium dilectu trecentas amplius co-
hortes scripsit, & triginta legionum instar effecit. Pompeij
& Cæsaris bello, sparsas in variis locis plusquam qua-
draginta legiones memini adnotare. Quid in Mutinen-
si & Philippensi? (bonâ fide numero) supra quinqu-
aginta. Imò malâ fide numero, & deminuo. Appianus
enim auctor, soli Octauiano Cæsari fuisse quadraginta
legiones, cum bellum pararet in Antonium, Domitium,
Ænobarbum, & Sextum. Et quid censes de tribus illis
aliis, copias pares aut maiores non habuisse? Verè stu-
penda ista: sicut & hoc eiusdem Appiani, in vnâ Siciliâ,
vno tempore, legiones fuisse quadragintaquinque, equitum
viginti quinque millia, leuis armatura tantundem & plus
dimidio, naues longas & militares sexcêtas, onerarias sine nu-
mero. Hæc scriptor ille narrat & adfirmat, cum Sextus
Siciliâ pulsus fuit, & Lepidus ab Octauiano exarmatus.
Et quid ais de potentiâ Romanâ? nōne hoc specimen?
& nōne ille verè, qui scripsit, Romanis viros & sobo-
lem militarem, tanquam è perenni fonte, domi affluxisse?
Nōne*

Nonne & Pyrrhus haud iniuriâ questus, *videri sibi* ^{Ibid.}
pugnam cum Lerneâ quadam hydrâ susceptam, cui capi-
te uno resecto, aliud aliudque duplicetur & accrescat?
 Atqui hæc à pulcherrimo isto Dilectu fuerunt, in quo
 pergamus.

„ *Primos designatos quattuor primæ legioni attribuunt.*] ^{Mixtio}
 Ingeniosa diuisio, vt omnia in hac militiâ, nec pruden- ^{Tribuno-}
 tiæ tantum, sed acuminis plena. Miscuerunt plebeios ^{rum.}
 cum equestribus: sed ita vt hi, alternante numero, aut
 pares essent aut superiores. Ita primorum ciuium par
 aut maius semper imperium. Quid autem si plures le-
 giones? eadem ratio. Pone sex: erunt Tribuni Iuniores
 viginti & vnus: Seniores quindecim. Mixtio eadem.
 Quid si vna legio tantum? credo Iuniores numero præ-
 stitisse, & quaternos fuisse.

„ *Seniorum verò Tribunorum.*] Causam nominis intel- ^{Seniores}
 legis, quia annis aut certè stipendiis maiores. Vir benè ^{Tribuni.}
 doctus Grucchijs censet hos eosdem *Veteres* à Cice- ^{11. in Verr.}
 rone appellatos: *Hi tres homines, veteres Tribuni milita-*
res sunt designati. At Asconius aliter, qui explicat, *Vete-* ^{Cicero ali-}
res, graues & seueri. Distinctiuncula igitur mutanda, ^{ter inter-}
 scribendumque *Homines veteres.* ^{punctus.}

„ *Sedentes seiuncti.*] Hoc vult, senos & senos discretos
 fuisse & interuallis diuisos: eo fine, vt quique ad se voca-
 rent & seponerent suos.

„ *Tribus sortiuntur.*] Itane Tribus? at ego classes & ^{Quomodo}
 centurias expectabam, quia secundum eas, imò ex eis ^{tribubus}
 milites lecti. Verum est: sed & hoc quoque, in omnibus ^{lectio.}
 comitiis centuriatis populum diuisum fuisse per Tri-
 bus: at in ipsis deinde tribubus, centuriæ & discrimen ^{Et è class-}
 classis. Crede hoc (ne longius à re abeam) facile & proli- ^{sibus.}

D

xè ali-

Lib. III. xè aliter docturo. Sed ecce in ipsâ nostrâ re quòd iam olim tribus, Liuius satis auctor: *Dilectum haberi non ex toto populo placuit, decem tribus sorte ducta, ex his scriptos Juniores duo Tribuni ad bellum duxere.* Hoc ille non longè post Decemuiros exactos. Et nota inibi, non omnes semper tribus vocatas ad Dilectum, si exigua aliqua manus scribenda. Quid opus, cum tam multæ (xxxv. erant) & tam frequentes? quod ex censibus posterioris æui satis liquet. At quæras, Cur hîc fors adhibita? cur non hanc illâmue vocabant, arbitrio Consulum? Causâ duplici, vel vt æmulatio tolleretur, ne hæc posthabita illi videretur: aut querela, ne ista aut alia onerari, si fortè dilectus non iret per omnes.

„ *Singillatim.*] Ita capio, vt non solùm alia post aliam sorte ducta sit, sed etiam Capitolium ingressa. Nam iunctim plures aut omnes non ceperit locus. Et opus laxitate aliquâ, vt Consules præfiderent, Tribuni sederent, milites seiungerentur componerenturque.

„ *Ex eâ verò eligunt.*] En iam electio, nec sortis vltra mentio. Tribus sic vocata in centurias suas iuit. omiſſis tamen senioribus: quos aduocari in superuacuum, nihil opus. Ex singulis tum centuriis, & pro censu ac classe, milites citati nominatim. Dico *nominatim*: & aliquoties in hac re leges. Itaque Tabulas ad manû fuisse opus est, in quibus nomina, ætates, & opes. Ista igitur electio: nec aliter potuit, aut debuit. Appianus tamen immutatum id ostendit bello Hispanico L. Lucullo Consule, qui fuit annus vrbis DCII. Ait: καὶ στρατιὰν ἐνδοῦς ἐκλήρουν ἐς Ἰβηρίαν, ὥτε πρῶτον ἀντὶ κατὰλέξεως: Et exercitum sorte scripserunt in Hispaniam, tunc primum loco dilectus. Obserua, atque etiam quam edit causam. Cum enim multi, inquit,

Ratio &
modus eli-
gendî.

Sorte ali-
quando
capti.

In Iberic.

inquit, accusarent Consules quod iniuste & iniquè dilectus haberent, & quosdam ad leuiiores aut minùs periculosas expeditiones caperent, visum tunc Senatui sorte milites scribere. Causa speciosa, nec ambigo quin sæpe vera. Sicut enim factum vellent Consules, non in longinquam eum aut asperam militiam scribebant, sed reseruabant in mitiorem, vt per opida militiam expleret (vtar Taciti verbis in re simili) nitidus & questuosus. Cùm id sæpiculè fieret, animaduersum, & publicè culpatum. Sed enim duo hîc quæro. Prius, an tunc primùm milites sorte capti? Negat Valerius, qui adhibet in dilectu M. Curij, ætatis aliquot antè. M. Curius, inquit, Consul cùm dilectum subito edicere coactus esset, & Juniorum nemo respondisset, coniectis in sortem omnibus tribubus, Pollia quæ proxima exierat, primum nomen urnâ extractum citari iussit. Vides fortitionem tribuum fieri, nec id tantùm, sed ipsum nomen extrahi urnâ. Respondeo, id hîc præter morem paullò, atque ex occasione factum. Res enim subita fuit, & scripti velut in tumultu, non curioso dilectu, sed sorte. Itaque vocauit, & fortitus est tribus, ex tribu quæ prima, hunc aut illum iuuenem. Siluerunt & detractarunt. Quid ipse? exemplo & seueritate esse opus vidit. Ergo iterùm (ne in primam illam tribum aut citatos videretur destinato sæuire: siue etiam vt locus poenitentiae esset) iterùm inquam tribus coniecit in sortem. Tum proxima (nota proxima, id est secunda: alioqui certè hæc prima esset, atque ita scribenda) exiit Pollia. Ex hac ipsâ, vt omnia sorti permetteret, & nequis diceret se in plurius culpâ eximiè electum ad poenam, iterùm militem fortitus est: & quem fors dedit, vocauit. Renuentem, vendidit. Ergo rarum hoc exemplum, nec nisi in retu-

Valerij lo-
cus excu-
sus.
Lib. vi.
cap. iiii.

D 2

multus.

Sors statim desusa.

multus Alterum, super quo ambigo, An postea sortitio ista semel vsurpata manserit? Minimè. ipse Appianus admonet, quinquennio circiter post rediisse eos ad morem solitum: & *Fabio Emiliano permissum, uti militum dilectus iterum haberet*: verè dico dilectus. Sub hoc tempus Polybius vixit: ideoq; nec sortem iam agnoscit.

Et tabulis lecti.

„ *Quattuor iuvenes, ætate & habitudine propemodum æquales.*] An id ex aspectu, an è tabulis? Imò verò è tabulis. Nam ut ætatem ex aspectu diiudicare potuerint, non certè censum, cuius habita maximè ratio. Et ait, *iuvenes*: significans, quòd ab infimo genere militum orsi, id est, Velitari. In hac autem citatione seruatum per religionem, ut primus miles boni nominis esset. Captabant enim ex eo omen. Cicero: *In dilectu Consules observant, ut primus miles fiat bono nomine.* Festus: *Lacus Lucrinus in vectigalibus publicis primus locatur eruendus* (puto, fruendus. nec terram aut rudera quotannis, sed pisces ex eo fructumque capiebant) *ominis boni gratiâ, ut in dilectu censuæ primi nominantur Valerius, Saluius, Statorius.*

Miles bono nomine.
1. de Divinat.

„ *Primi electionem faciunt Prima legionis Tribuni.*] Negari non potest, quin hæc commoda & ingeniosa electio, & ut viri ac vires æqualiter in legiones distribuantur, sine querelâ.

DIALOG. IIII.

*Quædam Polybio non dicta. Subitarj milites. Pæna & co-
ercitio non parentium. Item de Vacationibus.*

ABSOLVI Polybiana hæc & illustravi: éstne quod requiras? AVD. O te benignum! utar hac comitate, & subiiciam quod animo voluo. Vtrum semper
curiosus

curiosus hic Dilectus? & in omni bello? LIPS. Minime. Pone in vicino hostem: pone repens alibi periculum, & auxilium subito ferendum: omittebant tribus, centurias, sortes, & militem confusè ac raptim capiebant, educebant. Id genus *Subitarios* vocabant. Liuius: *Senatum Consules vocant, iubentur subitarium scribere exercitum, atque in Algidum ducere.* Idem: *Hernici & Colonia Antium dare Quinctio subitarios milites (ita tum repentina auxilia vocabant) iussi.* Ac solent istos scribere in tumultu. Liuius: *Senatum censere subitarios milites tumultus causâ conscriptos primo quoque tempore dimitti.* Atque ita scribere, vt sine discrimine aut excusatione sæpe cogerentur, iuuenes senesque. Liuius: *Iustitium indici, Dilectum omnis generis hominum haberi Senatus iussit.* Iterum: *Nec Juniores modò conscripti, sed Seniores etiam coacti nomina dare, vt urbis custodiam agerent.* Et alibi: *Dictator omnes Juniores nullo detractante militiam, sacramento adigit.* Tale fuisse dico in M. Curij dilectu, de quo supra: & ideò sortem adhibitam, non electionem, quia res festina. Satis tibi factum? A V D. Hic satis: posco aliud. Dixisti citatos nominatim singulos: quid si non prodirent? & quæ coactio? LIPS. Iure hoc quæris, & miror Polybio omissum: sed ego reponam. Inuenio igitur pronos interdum & spontaneos valdè in militiam fuisse, interdum contrà. Pronos, cum aut dux graciosus. vt de Q. Fabio Liuius: *Concursus inde ad Consulem factus omnium fermè Juniorum, & pro se quisque nomina dabant. Tanta cupido erat sub eo duce stipendia faciendi. Aut bellum aliquod in spe lucri.* vt de bello Persico idem Liuius: *Licinius veteres quosque scribebat milites, & multi voluntate nomina dabant, quia locupletes eos videbant.*

Neglectus interdum dilectus.

Et subito scripti.

Lib. III.

Ibid.

Lib. XL.

Lib. I.

Lib. V.

De citatis, qui.

Interdum volentes.

Lib. X.

Lib. XLII.

Interdum refractarij. qui priore bello Macedonico, aut aduersus Antiochum in Asia, stipendia fecerant. In his talibus igitur vix citatione opus. At contrà in aliis, & sæpe citati ad nomen nec respondebant. Propria ea hîc locutio. Liuius: *juniores cum sine prouocatione imperium esset, ad nomina responderunt.* Et sæpe in eodem. Dionysius alibi vertit, *προσέναι τῇ κατὰ γραφῇ*, accedere ad dilectum: quia non voce solum & responso, sed corpore & progressu se sistebant Tribunis. Sicut contrà, non respondebant, qui silebant & se subtrahebant. Sed nunquid pœna his talibus? fuit. Polybius nec id dixit: ego breuiter, siquid lêgi alibi aut col-
Pœna de- tractantiu. lêgi. Ac video esse qui de *Mulctâ* hîc suspicentur, quia Varro ita apud Agellium: *M. Terentius Varro, quando citatus neque respondit, neque excusatus est, ego ei unum ouem mulctam dico.* Sed profectò pro reliquâ seueritate in militiâ, leue istud & lene sit: ac potius Varroniana ceperim de citatione iudiciariâ & ad magistratum tribunal. In Dilectu quidem reperio coërtionem magis arctam, & pœnam non mulctam. Primùm *Vincla*, vt in
Potius vincla. Dionysio: *Πολλὰς τὰν πολιτὰν ἐκέλευσαν εἰς τὸ δεσμωτήριον ἀπάγειν.* Multos ciuium iusserunt (ipsi Consules) in vincla
Lib. x. & carcerem duci. Itaque prehendi eos iubebant, & sic in
Lib. iiii. Liuiio: *Quemcunque lictor iussu Consulis prehendisset, Tribunus mitti iubebat.* Nam Tribuni etiam, prauo certamine, sæpe interueniebant, & vim Consularem frangebant. Legas & collum iis tortum, vt scilicet ducerentur.
Lib. iiii. In eodem Liuiio: *Hoc decreto Consul armatus, cum paucis appellantis Tribunum collum torssisset, metu ceteri sacramento dixere.* Sed & interdum *Virgæ* adhibitæ in contumaces. Liuius: *Acerbitas in dilectu, non damno modò ciuium, sed laceratione corporum, partim virgæ castis qui ad no-*
Et verbe- ra.
Lib. vii. mina

mina non respondissent, partim in vincla ductis, inuisa erat. Sed interdum, nec nisi à Consulibus immodicè seueris.

Magis illud, quod ibidem tangitur, Damno affectos ciues: id est, direpta aut vendita eorum bona. Dionysius *Bonarum
ablatis.*

hoc diducit, & copiosè narrat de Valerio & Fabio Consulibus, qui dilectum extra urbem habebant (nouo more) ne potestas eorum à Tribunis interPELLARETUR. Atque

illi, inquit, eos qui non parebant, si ipsos ducere non poterant (absentes scilicet) in bonis damno afficiebant. Qui *Lib. VIII.*

prædia agròsque habebant, excidebant, deieciabant; qui in conducto habitabant, eorum agebant ferebantque suppellectilem, boues, pecora, iumenta, & instrumentum omne rusticum. Imò verò interdum extremâ pœnâ affecti, & morte

ciuili, id est venundati in seruitutem. Valerius: Tunc *Libertatis
ademptio.
Lib. VI.
cap. III.*

M. Curius, præfatus non esse opus reip. eo ciue qui parèr nesciret, & bona eius & ipsum vendidit. Varro in hoc ipso facto: Curius Consul, in Capitolio cùm dilectum haberet,

nec citatus in tribu ciuis respondisset, vendidit tenebrionem. Vterque, ut vides, clarè de venditione eius. Eò miror in

Liuij epitomâ scriptum: Curius Dentatus cùm dilectum haberet, eius qui citatus non respondebat, bona vendidit.

Bona tantùm? mutilum arbitror, & iuuat lectio scripta: Bona primus vendidit. Imò verò, bona primum, mox eum

vendidit. Sic aut fuit, aut esse debuit: & adfirmat hunc ordinem Valerius, qui multa sua è Liuiio hausit. Sed

hæc quidem pœna acris, & rara: ab Augusto tamen etiam vsurpata in eo, qui duobus filiis adolescentibus,

caussâ detractandi sacramenti, pollices amputasset, ipsum (ait Suetonius) & bona subiecit hastæ. Sed idem Augustus de-

tractantes militiam, & bonis & famâ multauit, apud Dionem, sortitione tamen factâ. Καὶ ἐπεὶ, inquit, μὲν οὖν

*Apud Non.
in Tenebr.*

Lib. XIII.

*Expleta
Liuij Epi-
tome.*

*In August.
cap. XLIII.*

*genomi-
niosi facti
refractorij
Lib. LVI.*

τῶν

πάντην στρατόσιμον ἡλικίαν ἔχόντων καταλεχθῆναι ἡθέλησεν,
 ἐκλήρωσεν αὐτούς, καὶ τῶν μὲν μηδέπω πέντε καὶ τριάκοντα ἔτη γε-
 γονότων τὸν πέμπτον, τῶν δὲ πρεσβυτέρων τὴν δέκατον αἰὲ λαχόντα,
 τήν τε εἰς αὐτὴν ἀφείλετο καὶ ἡτίμωσε: Et quoniam Iuniorum ne-
 mo in militiam allegi vellet, sortitus est eos: & eorum qui
 nondum quinque & triginta annos explessent, quintum
 quemque; eorum qui maiores, decimum sorte ductos, & bo-
 nis privavit, & infamia notavit. Vbi discrimen poenae
 factum in ijs qui minores trigintaquinque annis, quia
 haec aetas pauciorum stipendiorum, & vegeta maximè,
 & gestire ad militiam debebant. Ista olim. & agnoscit
 Menander I. C^{us}. illam servitutis poenam, etsi aëuo suo
 mutatam. Qui ad dilectum olim, inquit, non respondebant,
 ut proditores libertatis, in servitutem redigebantur: sed mu-
 tato statu militiae, recessum à capitis poenâ est, quia plerum-
 que voluntario milite numeri supplentur. Habes poenas.
 quas tamen sæpe Tribuni tardabant, aut tollebant. Illi
 enim intercedebant, & de causis etiam cognoscebant.
 Itaque hac arte dilectus sæpe impediabant, cum aliquid
 à Patribus vellent expressum. Liuius: Tribuni, suo mo-
 re, impedire dilectus. Dionysius: Et cum nomina, inquit,
 non darent, impotentes erant Consules eos iuxta leges puni-
 re. Πεγεισθήσαν ὃ δὲ πλήθος οἱ δήμαρχοι, καὶ κωλύσαν ἔμελλον
 εἶπε ἐπιχρῆσθαι ἢ τὰ σώματα τῶν ἐκλιπόντων τὴν στρατίαν ἀγεῖν,
 ἢ τὰ χεῖματα φέρειν: Stabant enim pro plebe Tribuni, & im-
 pedituri erant si quis tentasset aut corpora eorum ducere qui
 militiam detrectabant, aut bona auferre. Atque obiter
 istic nota duplicem illam poenam. Sed & cognitio ipsa
 sæpe ad Tribunos tracta. ut in Liuiio: Cum milites Tri-
 bunos plebeios adissent, uti causas cognoscerent eorum qui-
 bus aut emerita stipendia, aut morbus causae essent, quò mi-
 nus

Lib. III.
Dere mil.

Tribunicia
intercessio.

Lib. III.

Lib. VIII.

Cognitio
causarum
Lib. XXIII

nus militarent. Et si prima & propria hæc cognitio Con-
 sularis. Ipse Liuius: *Centuriones citati Tribunos plebis ap-*
 pellarunt. duo ex collegio ad Consules reijciebant, eorum
 cognitionem esse debere quibus dilectus quibusque bellum
 mandatum esset. Ceteri cognituros se de quo appellati essent,
 aiebant. Et si iniuria fieret, auxilium ciuibus laturos. Et
 statim addit: *Ad subsellia Tribunorum res agebatur.* Co-
 ercita tamen interdum hæc Tribunorum licentia, præ-
 eunte decreto Patrum. In Liuius: *Tribunos plebis non pla-*
 cere causas militares cognoscere, quò minus ad edictum
 conueniretur. At enim haud iniuriâ quæres, Quæ caus-
 fæ igitur iustæ ad detrectandum? Triplices. nam & hoc
 huic notitiæ addam. Prima, *Vacatio.* atque ea triplex, *Vacatio.*
 ab *Ætate*, ab *Honore*, à *Beneficio*. Ab ætate, ut cum ali-
 quis supra quinquagesimum annum, siue impleuit sti-
 pendia sua seu non impleuit (puta non scriptum sem-
 per, aut aliâs ægrotasse) is talis vacat. Suprà dictum. Ab
 honore, ut si quis in magistratu, aut sacerdos. Nec enim
 aut illi à rep. aut isti abducti à sacris. De illis ratio & ex-
 empla dicant; de istis & auctoritas: Nam Plutarchus
 clarè, *ἡ ἐξ ὧν νόμον ἀφείδω τὰς ἐρεῖς τῆς στρατίας, χωρὶς αὐτῶν μὴ*
γαλαπκὸς ἢ πόλεμος: legem positam, quâ soluebantur militiâ
 sacerdotes, nisi si Gallicum bellum esset. Iam à Beneficio,
 ut sicui Senatus populûsve dedisset. Factum id sæpe pro
 meritis, aliâs in annos, aliâs in æuum. In annos, ut apud
 Liuium, *Prænestinis militibus Senatus duplex stipendium,*
 Et quinquennij militiæ vacationem decreuit. In quinque
 ecce annos decreuit, qui de legitimo stipendiorum nu-
 mero deducerentur. Aliâs tamen largiûs, & in æuum. ut
 apud Ciceronem indefinitè, *P. Vatienus & agro à Sena-*
 tu, & vacatione donatus est. Apud eundem: *Militibus*
 E *veteranis,*

*Propria
 Consul. Lib. XLII.*

Lib. XXXI

*Causa de
 detrectandi.*

*Senes im-
 munes.*

*Magistra-
 tus & Sa-
 cerdotes.*

*In Camil-
 lo.*

*Et quibus
 indultum.*

Lib. XLII

*Lib. II. de
 Nat. deor.
 Philip. V.*

- veteranis, qui libertatem populi R. defendissent, his liberisque eorum vacationem militiae esse. Ista Senatus, sed dedit*
 Lib. xxxix. *& populus. ut apud Liuium: Consul cum Tribunis plebis ageret, ut P. Aebutio emerita stipendia essent, ne inuitus militaret. Atque hac de primâ causâ, quæ est Vacatio. Altera, Emeritum. Qui enim stipendia sua viginti finisset, tutò non dabat nomen. Suprà dictum. Causa*
 Item Emeriti. *tertia, Morbus aut Vitium, quæ latè patet. Nam & manci aut debiles, non habiles ad militiam iudicati: & nominatim ij, quibus pollices aut digiti non essent. Ex Suetonio suprà adduxi de patre miti & immiti: & simile in*
 Item morbi vel defecti. *Valerio, C. Vettienum sinistra manus digitos, ne bello Italico militaret, sibi abscidisse. Nota, sinistra etiam. quid ita? quia ea manus inepta tunc ad scutum tenendum, sicut dextra ad gladium. Ammianus de Gallorum moribus: Nec illorum quisquam, ut in Italiâ, munus Martium extimescens pollicem sibi præcidit, quos ioculariter*
 Lib. vi. cap. iiii. *Murcos appellant. Sed & Menander I. C^{tus}. Eum qui filium debilitauit, dilectum per bellum indicto, ut inhabilis militia sit, præceptum Diui Traiani deportauit. Dixi hoc genus latè patuisse: addo & fraudes interuenisse. Ideò non statim accepta quæcunque causâ, sed discussa. sæpe & plurimùm ante bellum, interdum post illud. Liuius:*
 Lib. xv. *Cognitio vacantium militiae munere post bellum differtur. ita dubij quoque inclinant ad nomina danda. Idem alibi:*
 L. iiii. De re milit. *Consules in concione pronunciant, tempus non esse causas cognoscendi. omnes Juniores postea die, primâ luce, in Campo Martio aessent. cognoscendis causis eorum qui nomina non dedissent, bello perfectò, se daturos tempus: pro desertore futurum, cuius causam non probassent. His talibus volentes reddebant etiam non volentes. Nec verò dilatae*

dilatæ solùm caussæ, sed & sublata. Hoc in magno tumultu, & cùm publicum discrimen. Liuius: *Cum, quod per magnos tumultus fieri solitum erat, iustitio indicto, dilectus sine vacationibus habitus esset.* Eidem rei Cicero: *Gravius esse Tumultum quàm Bellum vel hinc intellegi potest, quòd bello vacationes valent, tumultu non valent.* Quidam ibi libri bello Gallico edunt, non rectè. Nam id profectò olim eximium, & habitum ferè pro tumultu.

*Sublatæ
caussæ in
tumultu.
Lib. vii.*

Liuius: *Mamercinus Consul, cui bellum Gallicum euenisset, scribere exercitum sine ullâ vacationis veniâ iussus.*

Lib. viii.

Ipse Cicero, iam suo æuo: *Consules duas Gallias sortirentur, dilectus haberetur, vacationes ne valerent.* Atque

*Lib. i. ad
Attic.*

etiam aliàs in metu id factum, & caussæ pro non caus-

Lib. vi.

sis. Liuius: *Exercitus ex Caussariis Senioribusq; à L. Quintio scribitur, qui urbi mœnibusque præsidio sit.* Caussarios

*Lib. vii.
Caussarij
pro mor-
bidis.*

istis dicit, quibus morbus aut talis causa, & à Senioribus distinguit. Seneca in hanc mentem scripsit, *In animo nostro esse caussarias partes, quibus adhibenda curatio sit.* nempe morbias & vitiosas. Nec aliter Sex. Empiricus *Caussarium dentem, Caussarium oculum, qui afficitur & dolet.* Ipsa *Caussaria* missio nomen habet istinc.

*Epistol.
Lxi.*

DIALOG. V.

Equitum dilectus. genera & discrimen. De equo publico accuratè dissertum, & transuectione.

HÆc de Dilectu peditum Polybius: Equitum adiungit.

Μετὰ ταῦτα οὖν ἰππεῖς, ὃ μὲν παλαιὸν ὑπερὲς εἰώθεσαν δοκιμά- *Olim quidem equites* POLYB.
solent legere post pedi-

E 2

tes

ζεν τῶν τοῖς τετρακισχίλοις δια-
κοσίοις. νῦν δὲ πρῶτους, πλου-
τύνδων ἀπάν γενημένης ἐπὶ ἑ-
κμηνὸς τὸ ἐκλογῆς, ἃ ποιοῦσι τρια-
κοσίους εἰς ἑκάστον ἑκατόπεδον.

tes, nunc verò priores ca-
piunt, iuxta opes secretio-
ne eorum à Censore factâ.
Et constituunt in quam-
que legionem trecentos.

Pauca verba, sed nobis ad lucem totius rei diffundenda.
Primum de tempore lectionis notat, id variasse. &

Tempus
huic dile-
ctui.

„ *Olim, inquit, solent legere post pedites.*] Credo ideò,
quòd facilis ista lectio, nec ita ut peditum operosa. Ser-
uabant igitur in finem. Mutatum tamen sub Polybij
æuum, ut indicat: quâ causâ? an non ambitione? &
quia ut dignitate præibant, sic ipsâ lectione voluerunt.

Duplices
equites.
Priores
equo pu-
blico.
Lib. xxxiii
cap. i.

„ *Juxta opes secretionem eorum à Censore factâ.*] Osten-
dit quomodo lecti, & facile id fuisse, quippe è corpore
vno. Nam Censores iamantè, equites à reliquis separa-
rant, & in tabulis habebant hoc genus. Separarant, in-
quit, ab opibus: id est, quicunque *quadringenta* habe-
bant, & vita non improbatur, in equites referebant.
Sed tamen hîc sciendum, ipsorum equitum duplex
etiam corpus fuisse: alios Equo publico, alios sine eo.
Illi vetustissimi, & propriè ac soli equites olim dicti.
Plinius: *Anuli planè medium ordinem tertiumque plebi
& patribus inferuere, & quod antè militares equi nomen
dederant, hoc nunc pecuniæ indices tribuunt.* Significat, so-
los equites dictos olim ab ipsâ re, & quibus militares
siue publici equi: sed postea ac suo æuo, omnes quibus
anuli aurei, pecuniæ indices ac testes. *Indices*, inquam:
& hoc legi quàm *indices* malim. Pro eâdem sententiâ
idem Plinius: *Equitum nomen subsistebat in turmis equo-
rum*

Leuise-
dario in
Plinio.

Ibid.

rum publicorum. Et Festus: *Equitare antiqui dicebant, equo publico merere.* Certum igitur hoc genus, & mansit ad inferiora tempora distinctum. Cicero in Antonium: *Altera statua est equitum Romanorum equo publico.* Et in lapidibus Principum æuo, sæpe occurrit inter dignitates. Asconius eos *Militares* dixit: *His decem annis, vi-* Philip. vi.
ctore Sullâ, spoliatus est populus Romanus iudicandi iure, Militares equi.
quod habuit per equites Romanos militares. Non quia soli tunc isti, sed quia necessariò & plurimùm militabant: & quibus equus publicus non esset, poterant etiam inter pedites merere. Sed olim isti soli videntur in equis militasse: quod tamen mutatum, & bello Veienti etiam alij in eam militiam admissi. Liuius originem rei sic aperit: *Cùm repente quibus census equestris erat, equi publici nondum erant assignati, Senatum adeunt, factâ dicendi potestate, equis se suis stipendia facturos promittunt.* Atque addit, gratum id Senatui fuisse, & equis certum numerum æris assignatum: tumque primùm equis merere equites cœpisse. Quid vult in eâ clausulâ, nisi tunc primùm institutum vt etiam alij quibus census equestris esset, etiam si equos publicos non haberent, tamen militarent & æra mererent? Sed æra, non vt illi Equo publico, sed, ad exemplum peditum, annua stipendia, nec nisi cùm militarent. Hanc equidem mentem puto, & conditionem priorum illorum meliorem, aut certè digniorem. Nam accipiebant è publico pecuniam & ad emendandum equum, & ad alendum: illam semel, hanc annuam. estque vtraque summa à Liuiio in censu Seruiano (tam vetus res est) sic expressa: *Ad equos emendos dena millia æris ex publico data; & quibus equos alerent viduae attributæ, quæ bina millia æris in annos singulos penderent.* Lib. v. Quando equo suo merere cœperint.
Summa ad equum publicum. Lib. i.

rent. Habes *dena millia* ad emendum, id est Philippi-
cos nostros circiter centum: *bina millia* ad alendum, id
est Philippicos viginti. Satis grandis, pro illo æuo & opi-
bus, vtraque summa, nisi quod tamen onera huic mili-
tiæ plura adiuncta, calones, equi aut muli sagmarij, or-
namenta, & talia. Sed in summâ priore abire à nobis

valde EL.
Varronis
locus ad-
uersarius.
Fortè cor-
rigendus.

Varro videtur, qui clarè definit, *Equum publicum mille*
assarium esse. Atqui *decem millium* è Liuius verum esset,
& puto notâ numerali immisâ sic legendum: *Equum*
publicum x. mille. At in alterâ summâ concors testimo-

nium Catonis reperio apud Charisium, ex Oratione
quâ suavit uti plura æra equestria fierent. Ex eâ adfert:
Nunc ego arbitror oportere restitui, quo minus duobus mil-
libus ducentis sit ærum equestrium. Credo & hîc immis-
sâ negatione scribendum: *oportere institui ne quo minus*.

Augeri enim vult & suadet (titulus indicat) æra eque-
stria, atque ita *ducenta* illa addit. Ipsa autem vetus sum-
ma in eodem Catone, ibidem: *De æribus equestribus, de*
duobus millibus actum est. Atque hæc de præmio: nisi
quis malit Catoniana illa ad numerum ipsum referri

Quot fue-
runt equo-
publico.

equitum, & ut suaserit tot æra institui, totidemque ca-
pita quæ haberent. Non absurdum sit: nec longè ab hoc
numero fuisse arbitror illo æuo. Seruius quidem rex
octodecim centurias instituit, ex Liuius: & quanquam in-
trâ numerum illum manserint, tamen ipsæ Centuriæ lar-
giter & valdè auctæ. Adeò ut Dionysius suo æuo (id est

Præstâtia
Romano-
rum equi-
tum.

Lib. XLII.

Augusti, & circâ) ad *quinque millia* numeret eorum qui-
bus equus publicus esset. Magnæ vires. nec frustrâ iis fi-
si Romani, quod apud Liuium Perses indicat, qui leui
equestri prælio victor suos excitat: *Praudicatum èuen-*
tum belli habetis. meliorem partem hostium, equitatum,

Roma-

Romanum, quo inuictos se esse gloriabantur, fudistis. Nec tamen temerè aut omnes ad equum publicum rescripti, sed cum dilectu & examine etiam morum. In Excerptis Glossarij veteris lêgi: Dicente quodam esse sibi substantiam equestris dignitatis, sed cum equum publicum peteret, prætermisum se esse; securum crimine quod ipsi concitauerunt: Hadrianus dixit, Qui equum publicum petit, emendatus esse debet, cetera autem vitæ tuæ ipse probabis. Ita que non Consul aut Imperator, sed Censor olim eum dabat: iudex scilicet morum. In Liuiio, de Sex. Ebulio, cui præmij loco Vacatio data: Ne inuitus militaret, neue Censor ei equum publicum assignaret. Atque ille ipse Censor, cum iam haberent, recognoscebat, & si quid vitij in iis, adimebat. Liuius: His superioribusque illis equi adempti, qui publicum equum habebant: quod de Censoriis notis narrat. Aspexitque eò Persius:

Vita spe-
rata in
iis.

Censor as-
signabat.

Lib. xxxix.

Idè recog-
noscebat.

Lib. xxiii.

Censoremue tuum vel quod trabeate salutas. Obiter ad Transuectionem etiam alludens, quam trabeati solent obire. Sed ibi Commentator vetus: Cognitio equitum Romanorum Censoribus erat subiecta, quæ nunc Consulibus est officij. Miror de Consulibus, nec exemplum lêgi: sed Principes ipsos id vsurpasse inferioribus temporibus, satis clarum. Suetonius in Caligulâ: Equites Romanos seuerè curiosèque recognouit, palàm adempto equo quibus aut probri aut ignominie aliquid inesset. Et in eodem scriptore alibi exempla. Faciebat ad hoc examen ipsa Transuectio, propria equitum istorum pompa: de quâ operæ pretium audire Dionysium loquentem: Pugnæ, inquit, ad Regillum plura monumenta sunt, sed antè omnia insigne, pompa & transuectio equitum Romanorum qui equum publicum habent. J per centurias & tur-

Postea
Princeps.

Cap. xvi.

Transuectio
eorum.
Lib. vi.

mas

mas diuisi, ordine equis insidentes vehuntur omnes quasi e
 pugna venientes, ramis olea coronati, & purpureas palma-
 tas togas induti, quas Trabeas dicunt. Incipiunt autem ab
 æde quadam Martis extra urbem sita, transeunt esque cum
 alia loca urbis, tum forum, & ædem Castorum praterunt,
 interdum ad quinque virorum millia, gerentes premia &
 dona militaria quæcumque à Ducibus in bello acceperint.
 Egregium sanè dignumque magnitudine imperij spectacul-
 um. Clarè & liquidò omnia habes: quæ apud alios
 breuius. vt apud Valerium: Trabeatos equites, Idibus
 Iuliis Q. Fabius transuehi instituit. Apud Liuium: Ab
 eodem (Fabio) institutum dicitur, vt equites Idibus Quin-
 tilibus transueherentur. Sed & Plinium in viris illustri-
 bus: Fabius Rullianus primus instituit, vt equites Roma-
 ni Idibus Quintilibus ab æde Honoris, albis equis insiden-
 tes in Capitolium transfirent. Qui tamen ab æde Honoris
 eos deducit; at Dionysius à Martis: concilies, quòd Ho-
 noris ædes extra portam Collinam fuerit, nec longè ab
 eâ Martis. Idem in albis equis omnes collocat: & quis
 credat tot vnus coloris fuisse? quæue causâ? Rescripse-
 rim: alti equis insidentes. nec aliud vult quàm sublimes
 & conspicuos fuisse in equis. Quod etiam in Dionysio
 est de oleaginis coronis, idem in Plinio: Olea honorem Ro-
 mana maiestas magnum tribuit, equitum turmas Idibus
 Iuliis ex eâ coronando. Ait Turmas. incessisse igitur ap-
 paret turmatim, idque sub vexillis. E Tacito est collige-
 re, qui inter honores mortuo Germanico decretos re-
 fert: Uti turma Idibus Iuliis imaginem eius sequerentur.
 De hac ipsâ Transuectione Valerius capiendus: Eque-
 stris verò ordinis iuuentus, omnibus annis bis urbem specta-
 culo sui sub magnis auctoribus celebrabat, die Luperca-
 lium,

Lib. I. I.
cap. I. I.

Lib. IX.

Plinij à
Dionysio
dissensus.

Ille &
correctus.

Olea coro-
nabantur.
Lib. XV.
cap. I. I. I.

Per Tur-
mas &
vexilla di-
uisi.

II. Annal.

Lib. II.
cap. II.

lium, & Equitum probatione. Et qui hîc magni auctores? puto vel ipsi qui præibant & ducebant, è primoribus ciuium: vel potius qui instituerunt, vt Romulus Lupercalia, Fabius Transuectionem. Quam nunc Probationem Valerius dixit, quia, vt tetigi, in eâ examen & discussio vitæ. Suetonius clarè: *Augustus equitum turmas frequenter recognouit, post longam intercapedinem reducto more Transuectionis. Sed neque detrabi quemquam in transuehendo ab accusatore passus est, & senio vel aliquâ corporis labe insignibus permisit, præmisso in ordine equo, ad respondendum, quoties citarentur, pedibus venire.* Vides in ipsâ Transuectione accusatos, citatos, imò & detractos ignominiosè, quod tamen Augustus fieri ultra interdixit. Spectat eò Ouidij carmen excusantis se apud Augustum:

Probatio
eadē Trāf-
uectioni.

cap. xxxvii.

*At memini, vitâque meam morēsque probabas
Illo, quem dederas, prætereuntis equo.*

Ouidius
explicatus.

Lib. ii.
Trist. E-
leg. i.

Et tu, inquit, sæpe in Transuectione tacitus me probasti, cùm transirem & prætereherer, nemine accusante: transirem illo ipso equo, quem tu assignaras. Iterum idem:

*Carminâque edideram, cùm te delicta notantem
Præterij toties irrequietus eques.*

Ibid.

Eodem *Prætereundi* verbo utitur, & palàm indicat neminem se stitisse. Hærebant enim & quiescebant accusati: quo sensu fortasse illud *irrequietus* adiunctum. Et si quidem malim, & verius arbitror, ille *quietus*: nempe ingenio & vitâ talis, in otio, ac nemini molestus. Quòd si igitur sine culpâ, abibant, & equum traducebant: si aliter, sistebant & iubebantur vendere equum. Solenne in vtrauis re vtrumque verbum. Valerius:

Fortasse
correctus.

F

Traduc

Lib. I. tit.
cap. I.*Traduc equum, inquit, Sacerdos, & lucrifac censoriam*

Lib. XLII.

notam. Liuius: Claudius Linium vendere equum iussit.

In Nerone.

Xiphilini
locus &
sententia
euoluta.

Et plura exempla, & in re censoriâ tibi prompta. Hæc igitur Transuectio, quæ ad ima etiam tempora mansit, etsi Neronis æuo aliquid in eâ mutatum. Dionis epitome ita narrat: καὶ ὃ ἐν τέλεις ἡδὴ παρηνόμει, ὥς τε καὶ ἀζώ-
 585 χτῶνας ἐν τῇ δημοσίᾳ ἐνδύεσθαι λέγεται δὲ ὅτι καὶ οἱ ἵππεις
 οἱ ἐν τῷ τέλεις τῇ αὐτῇ περὶ τῶν ἐφ' ἵπποις ἐν τῇ ἐπιστάσει σφῶν
 ἐξετάσει ἐχρήσαντο. Quæ verba, vt scriptio quidem ista est, sic reddidero: Jam & in istis ita à moribus patriis abibat Nero, vt & discinctas tunicas indueret in publico. Feruntur & equites equo publico, sub illo primùm equis insidentes in recognitione annuâ, iis esse vsi. Sic inquam reddo, in nouam inopinatamque sententiam: cùm hæc-
 nus verterint: Feruntur equites sub illo ephippiis primùm vsi; quasi in Græco esset ἐφιππίοις. Atquin de ephippiis quis id crederet? cùm constet sæculis aliquot * antè Romanos, & vulgò, iis vsos. Nostra sententia magis pro hac re. & vult equites depositâ sollenni trabeâ, tunicis solutis vsos, & Neronis exemplo in iis transuectos. Atque hæc de equo publico. quem confectis stipendiis restituebant, & reducebant ad Censorem. Eius mentis Varronianum hoc fragmentum arbitror: Ἐν castris permansi, inde caballum reduxi ad Censorem. Et optimè de eo ritu Plutarchus, in Pompeio: Mos est, inquit, Romanis equitibus, vbi legitima stipendia impleuerint, ducere in forū equum suum ad Duumuiros, quos Censores appellant, & commemorantes Imperatores quosque sub quibus meruerint, militiâ solui. Quod inibi factum etiam à Pompeio narrat: & Nummi in hanc rem hodieque exstāt. vt iste Claudij, in recognitione equitum:

Satis

* Videl. lib.
III. Dial.
VII.Redditio
equi.Mon. in
Caball.



Satis de hoc equo, quem lapides etiam memorant. vt: CN. POMPEIO: POMPEIANO. EQVO. PVBLICO. TRIBVNO. LEGIONIS. Iterum: CVRATORI. REIP. MANT. EQVO. PVBL. PRÆF. FABR.

In quamque legionem trecentos.] De hoc numero commodius* infra dicam.

Lib. 11.
Dial. VI.

DIALOG. VI.

Sacramentum militie. Qui exegerint: quomodo datum aut dictum: quibus verbis.

Dilectui ciuium consequens est & adhæret Sacramentum. Itaque de eo Polybius sic adiungit: Tu verò lege.

Επιτελεθεισης δε της καταγραφης τον περιεχειν τον τριπον, αθροισαντες ον επιλεγομενους οι περισκηκοντες των χλιερων κατ' εκασον στρατον, ελαβοντες εν παντων ενα τον επιτηροτατον, εξορκιζουσιν η μιν παταρχησειν και ποιησειν το περισταλτρον υπο των αρχοντων κατὰ δυνάμιν. οι δε λοιποι πλῆτες ομνύουσι κατ' ενα περιποροδωμοι, τῶτ' αὐτὸ δηλουῶτες, οπποιήσουσι πάντα, κατὰ περὶ οπρωτ.

Finit à iam conscriptione POLYB. *ad modum dictum, Tribunimilitum sua cuiusque legionis, eos congregantes & unum ex omnibus maximè idoneum eligentes, Sacramento adigunt, Obtemperaturum se & facturum quidquid mandabitur ab Imperatoribus, iuxta vires. Reliqui autem omnes adiurāt singillatim prodeuntes, hoc ipsum affirmantes se facturos vt ille primus.*

Tribuni
exigebāt.

„ *Sua cuiusque legionis.*] Obserua legiones singulas iurasse, & apud suos quamque Tribunos. An non Consules ipsi exigebant? non appâret. tamen in verba eorum iurasse ipsos certum est, & iis obtemperaturos se, ad formulam mox dicendam. Sed Tribuni, vt aliâ vice Consulum, sic hoc quoque administrarunt.

Vnus è legione iurabat.

„ *Unum ex omnibus maximè idoneum eligentes.*] Palam & signanter hoc dicit, vnum ex totâ legione electum qui singula iuramenti verba conceperit præiueritque: alios deinde secutos, hoc saltem dixisse, *Jurare se idem.* Hoc est quod Festus notauerat: *Præiurationes facere dicuntur, qui ante alios conceptis verbis iurant, post quos in eadem verba iurantes tantummodo dicant, Idem in me.* Ita Polybius: sed in Lilio an non aliter? Nam ille, post seditionem Hispaniensem ad Sucronem: *Citati, inquit, milites nominatim apud Tribunos militum in verba P. Scipionis iurant.* De Tribunis, idem est quod in Polybio: sed de militibus *nominatim citatos* facit, & iurasse.

Lilij locus expensus.

Et Appiani.

In Michrid.

Potest tamen flecti ad hanc sententiam, vt singuli citati & progressi, iurauerint in ea quæ vnus aliquis præisset. Si hîc aliter, factum nouiter esto, & maiori vinculo ob priorem fidem in seditione violatam. Tale aliquid in Appiano lego à Fimbriâ tentatum, cuius milites cùm ad Sullam spectarent, ipse, subornatis quibusdam, nouâ religione sacramenti adstringere voluit: *ἐκβοησάντων δὲ τῶν Ενετῶν, ὅτι δέοι καλεῖν Ἰππὶ τὸν ὄρκιον ἐξ ὀνόματος, ὃ μὲν ἐκῆρυθε τὴς εὐ τὶ παθόντας ὑπ' αὐτῶν: clamantibus autem Venetis, oportere nominatim citare ad Sacramentum, ipse quosdam ex beneficiariis suis citabat.* Ecce & hîc nominatim vocandi erant, eodem illo fine. Sed enim in Appiani verbis qui isti Veneti? falsi, nec in suo loco: & rescriben-

scribendum τῶν ὄντων. quod est, *clamantibus corruptis* *Correctus Appianus.*
illis & uanilibus. Rem & narratiunculam totam vide,
 agnosces: & pretio quosdam iamantè huc induxerat
 Fimbria, ut id vellent. Ergo viritim iurarunt plurimùm:
 nescio an semper. Dixeris quòd per centurias etiam, ex
 Cæsare: *Petreius princeps in hac uerba iurat, ipse idem Sa-* *ii. Ciuil.*
cramentum adigit Afranium, subsequuntur Tribuni *Centuria-*
militum Centurionesque: centuriatim producti milites *tim iurate.*
idem iurant. Sed potuit & in Centuriis præiuratio esse,
 & mox viritim coniuratio.

„ *Obtemperaturum se & facturum.*] Formulam tan-
 git Sacramenti militaris, vellem ut religiosè verba. *Incerta*
 Nam ea, quidquid quæsiuerim, parùm mihi certa sunt. *ipsa uerba*
 Dionysius aliquoties commemorat, sed verbis non iis. *Sacramenti*
 Alibi ad Polybij hoc scriptum ferè accedit: Ο *σεγ-* *Lib. xi.*
λωδικὸς ὄρκος, ὃν ἀπάντων μάλιστα ἐμπεδῶσι ῥωμαῖοι, τοῖς σεγ- *Dionysius*
τηγοῖς ἀκολουθεῖν κελεύει ὅποι πότε ἂν ἄγωσι: Sacramentum *ut concipi-*
 militia, quod omnium maximè Romani seruant, iubet se- *piat.*
qui Duces quocunque duxerint. Alibi discedit, aut certè
 plura adiungit: *Ακολουθήσῃ τοῖς ὑπ᾽ αὐτοῖς, ἐφ' ἧς ἂν καλῶνται* *Lib. x.*
πολέμους, καὶ μήτε ἀπολήψῃ τὰ σημεῖα, μήτε ἄλλο πρᾶξαι
μηδὲν ἐναντίον τῶ δῆμῳ: Secuturos se Consules ad quacum-
que bella vocauerint, neque signa deserturos, neque aliquid
aduersum populum facturos. Tria ibi complectitur. &
 postremum illud de Populo, nusquam temerè legas: de
 Signis alterum, sæpius. ut in eodem Dionysio: *τῶν γ' ἱερῶν* *Lib. vii.*
ἐπὶ ταγματῶν κύριος ἦν τοῖς σεγλωδικοῖς ὅρκοις κατεργμένον,
καὶ εἰς ἀπολείπεσθαι τῶν σημείων ἡξίου: Sacrarum enim legio-
num dominus etiam erat, quæ sacramento militari adstri-
cta, nec quisquam signa relinquere ausit. Vbi sacras legiones
nec intellego, nec retineo: transpono magis Græcani vo-

Correctus
obiter.

Epist.
xcvi.

Vri. Liuius
conciat.

Lib. III.

Lib. XII.

Implicata.
Liuij scri-
ptio.

cem, & lego: τὴν ἐσθλὴν οὐκ εἰς: & Signis addo, quæ dicta
& habita sacra. Ad hoc ipsum autem, de Signis in Sa-
cramento, Seneca aspexit: *Primum militia vinculum est
religio, & signorum amor, & deserendi nefas.* Hæc ita in
Dionysio: at in Liuiio diuersam etiam formulam repe-
rio, & breuem istam: *Conuenturos se iussu Consulum, ne-
que iniussu abituros.* Hoc ille statim à regibus pulsus ita
prodidit, vbi P. Valerius Capitolium recuperat. Iterat
& reponit ipsa verba in bello Punico secundo: *Milites
tum primum, quod numquam antè factum erat, iure iuran-
do adacti à Tribunis militum, iussu Consulum conuentu-
ros, neque iniussu abituros.* Quid ais Liui? numquam antè
id factum? Tu aliter docuisti, & dedi iam totidem ver-
ba. Sed discriminat ipse, etsi non sine ambage & nodo.
Nam subdit: *Ad eum diem nil præter Sacramentum fue-
rat, & ubi decuriatum aut centuriatum conuenissent, suâ
voluntate ipsi inter se equites decuriati, pedites centuriati
coniurabant, Sese fugæ atque formidinis ergò non abitu-
ros, neque ex ordine recessuros, nisi teli sumendi aut pe-
tendi, aut hostis ferendi, aut ciuis seruandi causâ. Id ex
voluntario inter ipsos fœdere, à Tribunis ad legitimam iu-
risiurandi adactionem translatum.* Dicit hîc duo. nec vin-
clum æquè validum fuisse, nec eadem verba. Non vin-
clum, quia Sacramentum & velut fœdus spontaneum
quoddam inter ipsos erat, nec Tribuni adigebant. Non
verba, quia formula tota diuersa, nec quidquam ibi de
sequelâ Ducum aut Signorum. Ita hîc quidem Liuius:
sed quis cum Dionysio conciliet, qui palàm de ducibus
& signis habet? Quin habet etiam ipse Liuius, vt dedi
suprà. At inquires, non tamen iurarunt. Cur igitur idem
Liuius sic locutus? *Omnes qui in verba iurastis.* Item: *In
verba.*

verba sua iuratos centuriavit. Atque hæc olim, & diu ante Punica. Præfatus sum intricatè hæc scripta, nec ego plenè & ad meum votum extrico. Implicat & aliquid L. Cincius apud Agellium, qui iuramentum aliud suggerit: *Cùm dilectus antiquitus fieret, & milites scriberentur, in iussurandum eos Tribunus militum adigebat hoc modo. In magistratu C. Lelij C. F. Consulis L. Cornelij P. F. Consulis, in exercitu decemque millia prope furtum non facies: & alia quæ addit aliena à iam dictis. Sed moneo, alterum hoc, & posterius priore iuramentum esse. Hoc enim præstabant iam milites, & educendi: imò, si* Polybium audimus, in ipsis iam castris: at illud prius, statim à conscriptione. Istud ad Disciplinam modò pertinuit; illud ad militiam ipsam. Alia etiam verba sub Impp. vt* alibi scripsi.*

Lib. vi.

Lib. xvi.
cap. iiii.

*In castrorum metatione.

*Ad Annal. Taciti.

DIALOG. VII.

Sociorum electio. Discrimen inter Auxilia. Præfectus eorum, & Questor.

DE ciuibus finiuit, & iam ad socios se confert. Vide, & lege:

Καλὰ δὲ τὸς αὐτοῦ καιρὸς οἱ τὰς
ὑπάρχοντες ἀρχαὶς ἔχοντες, ὡς
γέλλουσι τοῖς ἀρχαῖς τοῖς δὲ
τῶν συμμαχίδων πόλεων τῶν
ἐκ τῆς Ἰταλίας. ἐξ ὧν δὲ βέλων-
ται συστράτειν οὗτοι συμμα-
χοὺς, διασαφέντες τὸ πλῆθος
ἐπὶ τῇ ἡμέρᾳ ἐπὶ τὸν τόπον, εἰς ὃν
δεήσει παρῆναι οὗτοι κεκερμένους.

*Sub hoc ipsum tempus POLYB.
Consules denunciant magi-
stratibus sociarum in Ita-
liâ ciuitatum, è quibus au-
xilia & commilitium habe-
re volunt, significantque iis
& numerum, & diem, &
locum in quem conuenire de-
beant quos legent. At verò
ciuitates*

αι δὲ πόλεις ὡσαύτως ποιη- *ciuitates similem facientes*
 σάμψαι τῇ θεωρηματῇ τὴν *iam dicto dilectum, itémque*
 ἐκλογὴν καὶ τὸν ὄρκον, ἐντέμ- *iuramentum adigentes, mit-*
 πουσιν, ἀρχόντα συστήσασαι, & *tunt eos, Praefectum consti-*
 μισθόδοτον. *tuentes & Quaestorem.*

Pars altera Romanarum virium, focij, qui pari nume-
 ro legionibus iuncti, aut & maiori. De horum igitur
 Dilectu quoque tangit, sed breuiter, quia multa paria
 iam dictis.

„ *Sub hoc ipsum tempus.*] Nouorum Consulum.

„ *Denunciant magistratibus.*] Aut coram ipsis, aut
 eorum legatis, qui ferè tunc Romæ. Veniebant enim
 sponte aut aduocabantur, ob has tales causas. Liuius:
Consul sociis & Latini nominis magistratibus, legatisue
eorum qui milites dare debebant, edixit ut in Capitolio se
adirent.

Latini in
 urbe, nouo
 anno, aut
 ante.

„ *Sociarum ciuitatum in Italia.*] Tota Italia sub hoc
 Polybij tempus subiecta Romanis, sed ita vt in prouin-
 ciam nulla pars redigeretur: liberi manebant, suis legi-
 bus plerique & magistratibus (excipio paucas Præfe-
 cturas:) & *Socij* appellabantur, quasi confœderati, &
 consortes armorum. Discrimen autem inter *Socios* &
Auxilia, apud eos qui signatè & cautè sunt locuti: quòd
Socij, semper Italici; *Auxiliares*, externi. Varro: *Auxi-*
lium ab auxilio, cum accesserant qui adiumento essent alieni-
gena. Disertim addit, *alienigena.* Festus: *Auxiliares dicun-*
tur, in bello socij Romanorum, exterarum nationum. Etiam
 ipse ad *exteros* refert. Et socij quidem semper gratis mi-
 litarunt, id est sine impendio Romanorum (frumen-
 tum excipio:) *Auxiliares* aliter, & quanquam sæpe à
 regibus

Socij &
 Auxiliares
 discreti.

Isti mer-
 cenarij.

regibus missi suo pte sumptu, tamen & pecuniâ etiam scripti. Primi in Hispaniâ, si Liuius credimus: *Id in Hispaniâ ad memoriam insigne est, quod mercenarium militem in castris neminem, antequam tum Celtiberos, Romani habuerunt.* Ambiguè hoc refero, haud frustra: & euertit fanè Zonaras, qui diu antè initium huic rei facit. Nam illa Liuij incidunt in Annibalicum bellum, cùm duo Scipiones in Hispaniâ: at iste in Siciliâ, bello Punico primo, originem assignat. Μεταστάντας δὲ, inquit, ἀπὸ καρ-
 χηδονίων γαλάτας, καὶ ἄλλους τῶν σφῶν συμμάχων πνῆς οἱ ῥωμαῖοι. Ἰπὶ μὲν οὐρα ὡς ἐσθλάβοντο, μὴ πῶ ὡς τε ἐργάζοντες ἔσιν κὼν: Deficientes à Carthaginensibus Gallos, & alios quosdam sociorum, Romani stipendio conduxerunt, non antè peregrinum militem soliti alere. Iuuat aliquid Liuium, quòd isti per occasionem adsumpti, & reperti magis quàm quæsit: at primi consilio & ex destinato, illi Celtiberi. Noto etiam Socios propriè dictos, post Italiam ciuitate donatam, defecisse: & eorum vicem Auxilia fuisse, quæ variis gentibus solent imperare.

Qui primi
 Romani.

Lib. xxiii.

Dissensus
 Zonara.

Tom. ii.

Tentata
 conciliatio.

Definunt
 socij, post
 sociale
 bellum.

Ratio in-
 dicendi.

Idque pro
 numero &
 opibus.

Census ha-
 bebant.

„ Significantque iis & numerum.] Cùm multæ Italo-
 rum gentes essent, non credo omni anno per omnes
 itum: maximè si paucae legiones scribendæ: sed in or-
 bem iuisse, & vicissitudine quâdam ex his illisque ce-
 pisse. In eâ tamen ipsâ re non graues erant aut iniurij,
 cùm sic numerum præscribebant? Non, quia vires pro-
 pemodum sciebant, & pro iis indicebant. Liuius: *Ex co-
 loniis quindecim millia peditum & quingentos equites, pro
 numero cuiusque Juniorum, Consul scripsit.* Sed vnde sci-
 uit numerum? è tabulis Censoriis, quas probabile est
 Romæ quoque fuisse. Imò verò tandem ipsi Romani

G

Cen-

Aut ipsi
capiebant.
Lib. XXIX.

Imperari
sociis dici-
tur.

Lib. XXVI.

Iurant in
duces &
rem Ro-
manam.

Auxilia quoque
iurant.

Lib. L.

Censores censum illuc egerunt, eidem Liuiio narratum, in Liuiio & Claudio Nerone Censoribus: *Duodecim deinde coloniarum, quod nunquam antea factum erat, deferentibus Censoribus ipsarum coloniarum, censum receperunt. ut quantum numero militum, quantum pecuniâ valerent, in publicis tabulis monumenta exstarent.* Itaque pro imperio rem hinc gerebant, & tot aut tot milites imperabant. Imperabant, inquam. & sic Liuius distinctè: *Præter eum numerum militum, quos L. Quinctius in eam prouinciam scripsisset, imperassetue.* Scripsisset, ad ciues refertur; imperasset, ad socios. Idem statim: *Quos L. Quinctius milites conscripsisset, & quos sociis nominique Latino imperasset.*

„ *Diem & locum.*] Illa ipsa quæ ciuibus.

„ *Itemque iuramentum adigentes.*] Quale illud? in Romanos Consules, an in præfectos suos tantum? puto in Consules & rem Romanam. Opus enim fuit vinculo hoc & alio, ut cum pares viribus essent, nequid nouarent aut mouerent in Romanos. Denique oportuit subiectos omnes pariter esse vni Duci: ergo & in eum probabile iurasse. Socij itaque iurabant, non tamen Auxilia. & hac mente scriptum à Dione accipio in bello Actiaco: *Τοσάντη γε ἀεθρυμία ἀμφότεροι ὁμοίως ἐχρήσαντο, ὥστε καὶ ἐνὸρκες τὰς συμμαχίας σφῶν ἑκατέρω ποιήσασθαι.* Tanto autem studio & promptitudine utrique agebant (Octauianus & Antonius) ut etiam auxiliares suas copias Sacramento adegerint. Narrat ut nouum, nec antè receptum.

„ *Præfectum constituentes.*] Quem verò illum? an ex eo genere *Præfectos*, qui cum Tribunis comparantur?

non

non opinor: & contra Polybius* mox dicet, à Consuli-
 bus eos non à sociis constitutos. In Græco est ἀρχοντα.
 An *Pratorem* verti melius? quos interdum nominatos
 hîc reperio. Vt in Liuiio, de obsessis Casilini: *Pranestini*
maxima pars fuere. ex quingentis septuaginta minus dimi-
dium ferrum famēsque absumpsit: ceteri incolumes cum
Pratore suo Manilio (scriba is antè fuerat) redierunt.
 Et alibi *Prætoris* in hac militiâ mentio. An ergo singu-
 la opida sic *Prætores* suos dabant, qui ius aliquod in
 suos haberent, eosque obseruarent: ex omnibus tamen
 iunctim sociis duodecim alij, *Præfecti* in quodque Cor-
 nu creabantur? idque à Consulibus? dicendum vide-
 tur. Aut certè *Præfectus cohortis* intellegendus, non ille
 Tribunicio iure.

» *Et Questorem.*] In Græco est, μισθοδότην: Romano
 ego more verti, quocunque nomine dixerint Latini.
 Res ita est, habuisse eos proprios suos Tribunos ærarios,
 siue mercedis exhibitores. Itaque suâ pecuniâ & omni
 sumptu Socij militarunt, frumentum excipio tantum,
 quod habuere à Romanis. Magna hæc res, & grande
 imperij instrumentum, fidas volentesque tot manus ha-
 bere, nec suam aperire ad largiendum. Prædæ dumta-
 xat participes fuere, & siquid donorum aut aduentitij
 lucelli. De stipendiis igitur, queruntur ipsi Socij graui
 illo bello Annibalis: *Decimum annum dilectibus & sti-*
pendiis exhaustos esse. Iterumque: Nec militem qui legere-
tur, nec pecuniam qua daretur in stipendium sibi esse. Video
 ad hanc rem pacta fœderis cum Æquis initi, quod Dio-
 nysius sic recitat: Αἰκανὸς εἶναι ῥωμαίων ὑπηκόους, πολλὰς τε καὶ
 χεῖρας τὰς ἑαυτῶν ἔχοντας, ἀποστέλλειν δὲ ῥωμαίοις μηδὲν, ὅτι
 G 2 μὴ

*Lib. 11.
 Dialog. x.
 Dubius
 Polybii lo-
 cus.
 Prætores
 in Latio.
 Lib. xxi. 17.

Questor
 socij.

Suo sum-
 ptu mili-
 tant.

Lib. xxvii.

Ibid.

Lib. x.

μὴ σεβῆσαι, ὅτε αὖ αὐτοῖς παρηγγελῇ, τέλει τοῖς ἰδίοις ἐκ-
πέμποντας αὐτάς: *Æquos Romanis subditos esse, urbes*
agrōsque suos retinentes, Romanis nihil dantes præter co-
pias quoties imperabuntur, atque eas ipsorum sumptu sti-
pendiōque.

DIALOG. VIII.

Additum de Euocatis. Cur ita dicti, & quid, & quàm
multi fuerint. Dignitas eorum, & paritas cum
Centurionibus.

Euocati
crebri in
copiis.

NE c plura de omni Dilectu Polybius: plurane
etiam sunt? quædam, nec mihi omittenda. Negle-
git de *Euocatis* verbo admonere, qui sæpe tamen exer-
cituum robur. Ij ex ciuibus, è sociis; ex equite, ex pedi-
te sumebantur; sed rogatione & precibus, atque ideo
Euocati dicti. Veterani enim fuerunt, gnari prudentes-
que militiæ, qui expletis stipendiis sponte in gratiam
Vnde dicti. Consulum aut Ducum militiam sumebant. Et quia sæ-
pe litteris aut nunciis nominatim euocabantur, inde
Lib. XLV. habuere nomen. Dio optimè: Τῶν ἡκατῶν σύστημα, ἔς
ἀνακλήτους ἂν τις ἐλληνίσας, ὅτι πεπαυμένοι τῆς σεβῆσαι ἐπ' αὐ-
τὴν αὐτοῖς ἀνεκλήθησαν, ὀνομάσειεν: *Euocatorum manus,*
quos aliquis Anacletos Græcè, quasi Renocatos, quod defun-
cti militiâ iterum ad eam reuocentur, dixerit. Agrætius
nescio quid subtilius, & pro Grammatico: Aduocatus,
daturus patrocinium: Inuocatus, præstaturus auxilium:
Euocatus præbiturus obsequium. Parùm ad nostros istos:
Ineunuch. magis hoc Donati in Terentium, ad verba: *Simalio,*
Donax,

Donax, Syrisce sequimini.] Huiusmodi militia, ait, per tumultum repente suscipitur, & dicitur Euocatio, ubi dux alloquitur ciues, Qui remp. saluam esse vultis, me sequimini. Vnde Virgilius ait,

VII, Aeu.

— desuet aque bello

Agmina in arma vocat subito, ferrumque retractat.

Et similia Seruius ad hosce versus. Nec dubium est, quin Virgilius huc respexerit: etsi nescio an hoc aptè vterque Grammaticus, quod id factum velint non nisi in tumultu. Non hoc dederò, imò ordinariò & vulgò in omni ferè bello. Quòd tamen origo prima à Tumultu, libens concedam: etsi defunt mihi exempla, sed ratio satis suadet. Notò autem vetus hoc genus, & Liuiò indicat bellò in Volscos & Æquos, ubi T. Quinctium Consulem duxisse memorat *cohortes veteres voluntate sequentes*. Voluntate, inquit, & veteres: quæ duæ Euocatorum notæ. De volūtate Polybius infrà, ubi castra disponit, ponit apud Prætorium *ἐν τῇδε τῇδε τῇδε* *σεγὰς δουλεύουσας τῇ τῇ ὑπάρτων χάριτι*: eos qui voluntate militant, in gratiam Consulis. Et cur non voluntate, cùm veteres, id est militiâ legitimâ defuncti? Vtramque notam signatè exprimit Dionysius de L. Siccio, iam veteri rep. & sub annum vrbis trecētesimum. *Erat in istis*, inquit, *L. Siccus*, qui cohortem ducebat virorum octingentorum, qui iam supra etatem militare erant, nec in militia leges cadebant, (uti nec ipse Siccus:) honorantes tamen virum, & beneficiis pluribus ab eo affecti, euntem ad bellum noluerunt deferre. Atque erat hæc manus exercitus totius, siue praliorum peritiâ siue in periculis constantiâ, longè princeps. Omnia descripta habes; multos fuisse, voluntarios, veteres &

Errat Seruius cum Donato.

Iam olim Euocati.

Lib. III.

Duplex eorum indicatio.

G 3

bello-

In Iug.

E Latinis
etiam
sumpti.Gradi nu-
mero in-
terdum.In Quin-
ctio.Lib. VII.
Ciuil.Plerique
beneficiis
adstricti.

III. Ciuil.

Ordinatio
eorum.Sub vexil-
lo habiti.

bellorum peritos: denique in gratiam etiam vnus Ducis iuisse. Quid Sallustius? breuiter, sed plenè, vti eius mos est: *Marius ex Latio fortissimum quemque, plerosque militiâ, paucos famâ cognitos, accire, & ambiendo cogere homines emeritis stipendiis secum proficisci.* Et obserua, non è ciuibus solùm, sed ex Latio etiam euocatos: siue & è coloniis aut prouinciis vt de se ipse Cæsar: *Multis præterea viris fortibus Tolosâ & Narbone nominatim euocatis.* Vides nominatim euocari, id est nunciis aut litteris missis. Et fuit ea manus sæpe grandis. In Plutarcho de T. Quinctio ituro in Macedoniam lego, collegisse veteranos, Scipionis antè milites, ἀκμαζόντας ἐπὶ καὶ ἀεθύμους, ὥς περ σόμματα, περὶ χιλίους: *validos adhuc, & voluntarios, velut mucronem aciei, ad ter mille.* Cæsar Pompeio adiungit, *Euocatorum circiter duo millia, quæ ex beneficiariis superiorum exercituum ad eum conuenerant.* Id est, ex iis qui beneficia & promotiones ab ipso habebant. Nam tales scilicet magis obstricti. atque ita Cæsar Octavianus ex colonis Campanis, patris sui beneficiariis, collegit *ad decem millia* Euocatorum, vt in Appiano leges. Quid autem isti sic collecti, in legiones sparsi & descripti? non opinor: sed propria quædam & seorsim manus fuit per cohortes quidem aut centurias disposita: sed sub vno tamen aliquo vexillo. Iuvat Appianus, qui illos Octauiani decem mille ait, ὡς ἐς μόνον & σάματα φυλάκην, ὅφ' ἐνὶ σημείῳ, *tanquam ad solam corporis custodiam, sub vno vexillo, habitos fuisse.* Dionysij etiam octingenti illi, vna cohors dicuntur. Et ab hoc exemplo passim in Tacito, *Vexillum veteranorum: vexillarij legionum*, & talia leguntur. quia scilicet exauctorati

tunc

tunc milites, & nondum tamen plenè missi (dum præmia & agros expectant) velut veterani & Euocati quidam, secreti à legionibus *ad vexillum retinebantur* (verba & hæc Taciti) *ceterorum immunes, nisi propulsandi hostis*. Vbi & hoc notes in rem nostram, Euocatos immunes ab excubiis, operibus valli & castrorum fuisse. Quidni, quasi quosdam Centuriones & Principales milites, vt mox dicam? Ergo sub Vexillo erant, & seorsim. Quamquam non negem, interdum etiam aliis militibus mixtos & insertos, sed sic vt præessent. Indicare Cæsar videtur, de Pompeij bellico apparatu: *Muli undique ex veteribus Pompeij exercitibus, spe præmiorum atque ordinum euocantur*. Nam & ordinum spes iis proponitur, quos scilicet essent ducturi. An tamen & inter ipsos, Centuriones non habuerint, quæri potest. Cicero *Præfectum* modò attribuire videtur, ad Appium: *Antonium Præfectum Euocatorum ad te misi*. Cæsar Centuriones etiam: & de Crastino. *Erat*, inquit, *in exercitu Crastinus Euocatus*, qui superiore anno primum pilum in legione decimâ duxerat. Hic signo dato, *Sequimini me*, inquit, *manipulares mei qui fuistis*. Manipulo præfuisse videtur: sed tamen ait, *qui * fuistis*, quasi iam non essent sic vocandi, non vltà scilicet gregarij, sed veterani & insignes. Tamen in Liuiο clarius lego de Scipione traiciēte in Africam: *Voluntarios septem fermè millia, postquam in Siciliam venit, ordinauit centuriauitque*. Ita Liuius fine libri vigesimioctauī & initio sequentis: etsi ambigo an veri isti Euocati, an non extra ordinem sponte sequentes, sed ætate adhuc militari. Nam video & *iuuenes florentes ætate* inter eos poni. Sed siue reuera Centurio-

nes

*Immunes
operum &
munium.
1. Ann.*

*1. Ciuil.
Ordines
sepe ducebant.*

111. Ciuil.

** Aut quia
ipse iam
nō iis præerat.*

nes etiam suos habuerint, siue modò Præfectum: singu-
 li tamen profectò velut Centuriones fuère, & hoc ho-
 nore atque insignibus affecti. Glossæ illæ bonæ: *Euoca-*
tus, ὁ ἡγούμενος, id est *Ordinum ductor*. Et Cæsar passim
 iungit & æquiparat utrosque istos. ut: *Pollicetur quater-*
na in singulos ingera, & pro ratâ parte Centurionibus Euo-
catisque. Iterum: *Ex Pompeianis cecidisse reperiēbamus*
Centuriones & Euocatos complures. Atque à Dione vites
 etiam iis (propriū Centurionum gestamen) tribuun-
 tur. Vbi de Euocatis in satellitio Augusti: καὶ εἰς καὶ ὡς
 σύνμαχον, παρέδους φέροντες ὡς περ οἱ ἐκ τῶν τεταχότων. *Ac sunt*
etiam nūc manus propria & discreta, vites ferētes uti Cen-
turiones. Interpres reddidit, *Legionem, & Fasces*, neutrum
 rectè. Quia igitur Centurionibus comparati, interdum
 & miscentur. ut qui Valerio Maximo *Titinius Centu-*
rio est in parte Cassianâ, is Velleio Paterculo dicitur
C. Cassij Euocatus. Inde Suetonij illa dubitatio, in origi-
 ne gentis Flauia: *T. Flavius Petro municeps Reatinus,*
bello ciuili Pompeianarum partium Centurio, incertum
sponte an euocatus, profugit ex acie Pharsalicâ, domūque
se contulit. Quæ verò hæc dictio, *incertum sponte an euo-*
catus? & nōne omnes Euocati (in militiâ quidem)
 spontanei sunt? Habeo excerpta prisca libri, quo Turne-
 bus olim vsus: in eo nulla hæc verba, *incertum sponte*. Et
 profectò ab imperito addita, qui nec Euocatos nouerat,
 nec breue hoc dicendi genus digerebat, *Centurio an*
Euocatus. Quod Suetonius omnino scripsit: estque in-
 dubitando phrasis, Ciceroni, Plinio, Tacito, aliisque fre-
 quentata. Vides quid Euocati fuerint: pedites plerique
 haud dubiè, an non & Equites? nonnulli. Cæsar docet.

Ger-

Euocati,
pro Cen-
turionibus.

Ciuil. r.

Ciuil. II. r.

Vitegen-
stant.Confun-
duntur cum
Centurio-
nibus.
Lib. IX.
cap. IX.In Vesp.
cap. I.Maculofus
Suetonij
locus.Is emacu-
latus.Equites
etiam euo-
cati.

Germanorum aduentu, inquit, quòd minùs idoneis equis ^{vii. Gallic.} utebātur, à Tribunis reliquísque equitibus Romanis, atque Euocatis equos sumit, Germanisq; distribuit. Galba etiam apud Suetonium: dilegit equestris ordinis iuuenes, qui, ^{cap. x.} mātē aureorum anulorum vsu Euocati appellarentur, excubiásque vice militum circa cubiculum suum agerent. Qui tamen non verè Euocati, sed honestiore hoc nomine affecti, & exemplo illo Augusti, in custodiam allekti.

DIALOG. IX.

*Conquistores ad Dilectum. Tirones possessoribus indicti.
In cute puncti.*

CIRCVMSPICIO siquid etiam in hanc rem non dictum. & occurrunt *Conquistores*, qui adhibiti ad dilectus. Ij fuerunt, qui in agros & extra urbem missi ad indagandam & conquirendam iuuentutem: atque ab ^{Conquistorum munus.} eā re dicti. Multi enim sæpe aut suo metu, aut parentum timido amore, militiam fugiebant, latitabant, nec dabant nomen. Ad eruendos eos & conducendos, isti. ^{Triumviri ad conquirendum.} Liuius ostendit Triumuiros interdum huic rei creatos, vt aspero illo bello Punico secundo: *Creati Triumviri* ^{Lib. xxi.} *bi-* ^{Exteri vsi.} *ni* ^{Lib. xxi.} *conquisitionem ingenuorum per agros habuerunt.* Usurparunt & exteri. atque idem Liuius de Annibale: *Ma-* ^{Ibid.} *gone* ^{Pro Mil.} *fratre ad conquisitionem militum misso.* Idem in eiusdem rebus: *Duo populi dilectus acerbitate consternati, re-* ^{Ad Att. lib. vii. ep. x.} *tentis conquistoribus, cum metum defectionis fecissent.* Sed iterum de Romanis Cicero: *Si Italia dilectus, vt nonnulli* ^{Pro Mil.} *conquistores tui dictitant, contra Milonem parati sunt.* Idem: *Nec enim conquistores* ^{Ad Att. lib. vii. ep. x.} *φαινομενοι* *audent, cum ille adsit.* Quibus locis simpliciter ij sunt, qui militem

H cogunt

*Dilectus
ratio alia.*

*Milites in
regionibus
scripti.*

i. Ciuil.

*Idque per
Senatores
aut Lega-
tos.
Ibid.*

et i. Gallic.

*Tirones
indicti.*

*Malo ex-
emplo &
exitu.*

*Lib. i.
cap. vii.*

*Serui in
miliciam.*

cogunt & ad militiam porrò adducunt. Crebrum mu-
nus inferiore æuo, & post bellum Sociale. Nam cùm ij
iam ciuibus æquati, & ex totâ Italiâ scriberentur legio-
nes, valdè vereor vt mutata sit tota Dilectuum forma;
nec Romæ iam habiti, sed in opidis coloniisq; passim.
Ratio suadet. quomodo enim omnes illi, & tam diffiti,
vno tempore Romam venirent? Quin reuera legiones
in regionibus, vt Piceno, Samnio, Etruriâ, scribebant: &
exempla addicunt. Cæsar: *Attius dilectum toto Piceno,
circummissis Senatoribus, habebat.* Et vides honestiores
quosdam, atque è Senatu conquisisse: imò ipsos Lega-
tos. Cæsar idem: *Cato hac magno studio agebat, in Lucanis
Brutiisque per Legatos suos ciuium Rom. dilectus habebat.*
Sed & extra bellum ciuile, idem de se: *Cæsar maiorem
Gallia motum exspectans, per M. Silanum, C. Antistium,
T. Sextium Legatos, dilectum habere instituit.* Ita paulla-
tim alia atque alia in moribus mutant aut succedunt.
sicut sub Principibus illud valdè diuersum, vt iam nec
Dilectus esset, sed indictio militum pro opibus cuius-
que & agris. Exempla huic rei permulta sunt, & in Co-
dice Theodosiano solo tota res explicata. Res improba,
& ad perniciem militiæ germanæ inuenta. Partim enim
ignauos aut ineptos tirones dabant, partim pro iis au-
rum inferebant, & mille hîc prædandi sinus & artes.
Vegetius haud falsò queritur & declamat, causam hanc
Romani exitij. & *Hinc, inquit, tot ubique ab hostibus il-
lata sunt clades, dum longa pax militem incuriosius legit,
dum possessoribus indicti tirones per gratiam aut dissimu-
lationem probantur, talesque sociantur armis quales domini
habere fastidiunt.* Itaque eò ventum, vt etiam seruitia &
vilis capita darentur: etsi leges reprimere conarentur,
sed

sed conarentur. Gratiani, Valentiniani, Theodosij lex fuit: *Quotiescunque se aliqui militiae crediderit offerendum, statim de natalibus ipsius ac de omni vite conditione examen habeatur: & ad militiam nullus adspiret, nisi quem penitus liberum aut genere aut vite conditione inquisitio tam cauta deprehenderit.* Eorumdem alia: *Inter optimas*

Lib. VII.
Cod. Th.
Tit. II.

lectissimorum militum turmas, neminem è numero seruorum dandum esse decernimus, neue ex cauponâ ductum, vel ex famosarum ministris: tabernarum, aut ex cocorum aut pistorum numero, vel etiam eo quem obsequij deformitas militiâ secernit, nec tracta de ergastulis nomina. Heu rem iam hoc ipso non Romanam, quod hæc vetentur!

Lib. VII.
Tit. XII.

Olim quis fraudibus istis locus? cum ex ingenuis milites scripti, atque iis non crimine, non infamiâ aspersis. Nam hi tales aut vrbe, aut tribu mouebantur: è tribubus autem, atque iis honestioribus, miles ferè le-

Olim ingenui, & post libertini.

ctus. Itaque Liuius hoc vno probat, Atellanos censo-

Lib. VII.

riâ notâ vacuos fuisse, quod neque tribu mouerentur, neque à militaribus stipendiis repellerentur. At sub Principibus etiam ergastula intrudere cœperunt: & quid mirer?

ipsi eos habuere quasi seruos. Ecce enim tirones iam captos compungebant, & in cute signabant.

Tirones
stigmata.

Vegetius: *Victuris in cute punctis milites scripti & matriculis inserti iurare solent.* Vera hæc stigmata fuere, & quidem manibus impressa. Aëtius medicus:

Lib. II.
cap. V.

Στίγματα καλοῦσι τὰ ἐπὶ τοῦ προσώπου ἢ ἄλλου πινὸς μέρους τοῦ σώματος ἐπιγεγραμμένα, οἷα τῶν στρατευομένων ἐν ταῖς χερσὶ : *Stigmata vocant quæ in facie*

aut aliâ parte corporis inscribuntur, qualia sunt militum in manibus. Quid autem ibi scriptum, solidè nescio, suspicor tamen nomen Imperatoris. Diuus Au-

Nomine
Principis
inscripta.

H 2 gustinus

Epist. l.

gustinus inducit: *Sic error corrigendus est ovis, ut non corrumpatur in eâ signaculum redemptoris. Neque enim si quisquam regio caractere à signato desertore signetur, & accipiat indulgentiam: atque ille redeat ad militiam, ille autem esse in militiâ in quâ nondum erat incipiat; in aliquo eorum character ille rescinditur, an non potius in ambobus agnoscitur, & honore debito, quoniam regius est, approbatur.* Appellat enim regium characterem, nec dubium videtur quin sentiat de isto. Certè & olim nomen Imperatoris in statuis, hastis, vexillis solent inscribere, atque eo exemplo nunc incute. An & à sacris hoc petatum? dici possit. Nam quos deo alicui consecrabant & initiabant, hos stigmatibus inurebant. Prudentius apertè:

Augusti-
nus expli-
catus.

Initiandi,
stigmatibus
puncti.

πρὸς σαρ-
Hy m. x.

*Quid, cum sacrandus accipit sphragitidas?
Acus minutas ingerunt fornacibus,
His membra pergunt urere; utq; igniuerint,
Quamcumque partem corporis feruens nota
Stigmatit, hanc sic consecratam predicant.*

C. de Fa-
bric.

Potuit igitur exemplo quodam prauæ religionis primò hoc induci, ut talis quasi consecratus militiæ ostenderetur: tum etiam ab hac causâ, ut agnosci posset, nec latitaret. Eam Imperatores Arcadius & Honorius præferunt: *Stigmata, hoc est nota publica, fabricensium brachiis, ad imitationem tironum infligantur, ut hoc saltem modo possint latitantes agnosci.* Adfatim hæc puto ad clarandum Dilectum totum: non quin aliquid desit, sed tenue, obuium, & per te videndum accipiendum. Subtexo Tabulam memoriæ tuæ & intellegentiæ iuuandæ.

T A B V.

61

LIBER PRIMVS.
TABVLA seu BREVIARIVM
LIBRI PRIMII.

DILECTVSEst duplex.	CIVIVM	PEDITVM qui lecti.	Etribus honestissimus, & per classes: Fit in Capitolio: Præsident Consules, Administrent Tribuni.	
			Cogunt nolentes	
			Excusantur quibus	
			EQUITVM qui duplices	
			E quo publico, E quo suo.	
			SOCIORVM qui sunt,	
			Proprie socij, qui capti	
			Ex Italia, per gentes imperati: Militant suo sumptu.	
			Auxiliares qui sunt	
			Exteri: Militant ferè mercede.	
			Vacatio	
			Aetatis, vt quinquagenarij.	
			Honoris, vt magistratus & sacerdotes.	
			Beneficij, quibus premium Senatus aus populus dedit.	
			Vinculis, Direptione aut venditione honorum, Venditione ipsorum.	

Hi omnes sacramento dicunt in Consulium verba, post Dilectum.
Sunt & Euocati, veterani qui sponte militiam sumunt.

Vulgò & olim ista: postea Conquistores saepe adhibiti, qui in agris aut coloniis indagarent iuniores, cogerentque.

Imò sub Principibus inferioribus tirones indicti possessionibus: saepe viles, & non pro robore aut splendore prisco. Idem in cute signati, seruilem in modum.

H; IVSTI

IUSTI LIPSI
DE MILITIA ROMANA
LIBER II.

DIALOGISMVS I.

*De Ordine, & is quatuor generibus
militum, Velitibus, Hastatis, Principibus, Triarijs.*

DIES alter erat, & is iam medius atque ad
umbilicum mortuus, ut iocatur pater le-
pôrum Plautus: venit ad me Auditor, &
vultu alacri, Quid velim scis, inquit, &
quid etiam debeas. LIPS. Scio. sed heus
tu, an hodie tam bona nomina? Leges & Prætor ius
suum vix obtinent: tu vnâ admonitiunculâ censes ha-
bere te rem factam? AVD. Nam fidem tuam noui.
LIPS. Blandiris. sed tamen mei, non æui huius, me-
mor, reddam. Nolo reliquator esse tibi, qui alia probus,
hîc ore ferreo sis ad petendum. AVD. Scis quomodo?
nisi totum & ad assem mihi reddis, nec mortuus per me
quiesces. LIPS. Heu negotium! & quàm non semel
benignitas mea mihi noxâ! sed sum eo fato. Tu sede,
atque audi. Hesternò de *Dilectis* satis diximus: *Ordo*
excipit, qui cum his definitionis nostræ verbis inclusus,
MULTITUDO COMPOSITA. Nam ut *apta* ea fit per
Dilectum, sic *composita* per *Ordinem*, qui digerit, & fa-
cit vnus corporis velut habilia quædam membra. Is
Ordo varius est, & in *Militibus*, atque in *Ducibus* ipsis.
In Militibus dupliciter considerandus; secundum *Ge-
nera,*

*Ordo du-
pliciter cõ-
sideratus.
Præter du-
pliciter.*

nera, & per partes. Genera appello, discrimina ipsa militum, diffusa per plerasque partes. At Partes, ipsas diuisiones, & sub certis signis ac ducibus distributiones. Intelleges ex sermone sequenti. Genera igitur sunt quattuor, *Velites, Hastati, Principes, Triarii*: quod tamen de Peditibus accipio tantum, & Polybius noster sic reuelat. Lege:

Genera
militum.

Οἱ δ' ἐν τῇ ῥώμῃ χιλίαρχοι, μὲν τὸν ἐξορκισμόν, ἀπαγγέλλοντες ἡμέραν ἐκάσῳ στρατοπέδῳ, καὶ τόπον, εἰς ὃν δεήσει παρῆναι χωρεῖς τῶν ὀπλῶν, ὅτε μὲν ἀφῆκαν. ἀπαρχομένων δ' εἰς ἡὺ ταχθεῖσαν ἡμέραν, διαλέγουσι τῶν ἀνδρῶν οὗ μὴ νεωτάτους ἔπειτα χροιάτας εἰς οὗ γροσφομάχας οὗ δ' ἐξῆς τούτοις, εἰς οὗ ἀσάτας καλεωμένους οὗ δ' ἀκμαιωτάτας ταῖς ἡλικίαις, εἰς οὗ περικίτας οὗ ὅ περὶ χροιάτας εἰς οὗ τριαρείας. αὗται γάρ εἰσι ἑτσαῦται διαφοραὶ ἀπὸ ῥωμαίοις, καὶ τῶν ὀνομασιῶν, ἑτῶν ἡλικιῶν, ἐπὶ δὲ τῶν καθοπλισμῶν, ἐν ἐκάσῳ στρατοπέδῳ, διαμεῖσι δ' αὐτοὺς τὸν ἵστόπον ἔστιν ὥς εἶναι οὗ μὴ πρεσβυτάτας, ἑτῶν τριαρείας περὶ σαβερνομένους ἐξακοσίους, οὗ ὅ περικίτας χιλίους καὶ διακοσίους, ἴσους ὅ τε τοῖς οὗ ἀσάτους, οὗ ὅ λοιπὸς, ἑτῶν νεωτάτας, γροσφοφόρους.

Tribuni verò Romæ cum POLYB.
Sacramento milites dixerint, diem & locum cuique legioni denunciante in quem conueniant, idque sine armis, tunc quidem dimittunt. At ij cum adfuerint die dicta, horum iuuenes & pauperes maxime Tribuni seligunt in Velites; istis proximos, in Hastatos; etate florentissimos, in Principes; etate maximos, in Triarios. Tot enim sunt & discrimina apud eos sunt & appellationum, & etatum, & armorum, in quaque legione. Diuidunt autem in hunc modum, ut maximi etate, quos Triarios dicunt, sint sexcenti; Principes mille ducenti; totidem Hastati; reliqui & etate minimi Velites. Quod si plu-

ἐὰν δὲ πλείους τῶν τετρακισχι- si plures quattuor milli-
λίων ᾦσιν, κατὰ λόγον ποιεῖναι bus sint, pro ratâ diuidunt,
τὴν διαίρεσιν, πλεὺς τῶν τετρα- exceptis Triariis quos ha-
είων. τέτρες αὖ δὲ ἴσους. bent semper numero eodem.

Post Dilectum statim Ordo: sed quâ serie atque ordi-
ne ipse dicit.

„ Cum Sacramento milites dixerint.] Ergo omnes iam
milites & coniurati (sic quoque appellabant) sed non-
dum gnari in quo genere aut loco, nisi quod ex ætate &
censu de se quisque opinabatur. Tum igitur, addit,

„ Diem & locum cuique legioni denunciant.] E Poly-
bio colliges triplicem in hac totâ re diem fuisse. Pri-
mum, ad dilectum: secundum, ad Ordinationem: ter-
tium ad iter & expeditionem. Vno quidem tempore
non potuerunt hæc omnia commodè peragi. Dicit
etiam *locum*. quem illum? extra urbem, opinor, & in
aliquo campo. Nam pluribus opus fuit, cùm quæque
legio euocata sit seorsim, ne miscerentur aut se impe-
dirent.

„ Idque sine armis.] Meritò. nam hæc pro assignatio-
ne ordinum & genere militum capienda.

„ Horum iuvenes & pauperes maximè Tribuni seli-
gunt.] A Velitibus incipiunt, & attende. A duplici eos
notâ excernunt, Ætatis & Opum. Qui vtraque ea parua
habuit, in minimo isto genere militauit. Quid, qui alte-
rum tantum? Da pauperem, sed æuo & vsu veterem: cre-
do in Triarios translatus. Da diuitem, sed annis modi-
cum: credo in Hastatos transcriptum. Sanè illud di-
gnum notâ est, hîc vtriusque rei mentionem fieri: mox
in quoque aliorum generum, Ætatis tantum. Quod
argu-

Triplex
dici edi-
ctio.

Locus or-
dinationi.

Velites è
quibus
lecti.

argumentum est, nisi valdè pauperes & infimarum classium inter Velites non militasse. Hoc ideò, quia non solum parùm honorata hæc militia (quippe leues, & ^{Vilissimi Velites.} eminus ferè pugnant) sed etiam quia parùm tuta, & in fronte plurimùm exponuntur hosti & in ore, vt sic dicam, belli: idque pænè inermes.

„ *In Velites.*] Ita vertendum fuit, quod in Polybio est *γενοφωδάρχους*. At Lascaris *Pilanos* fecerat; quàm diuersos ab istis, & ipse à vero! Nam *Pilani*, Triarij sunt, vt mox videbis. Polybius autem, pro sui æui moribus, solos Velites agnoscit in leui armaturâ, & Accensi ac Rorarij, quos Liuius, iam deserant, *militiâ in hac parte leuiter mutatâ. ^{Lascaris error.}

„ *In Hastatos.*] Quos Varro vult dictos, quòd *primi pugnabant hastis*. Nec malè si *primò* legas. Olim enim ita factum adsignificat, postea mutatum, etsi nomine manente. Nam Polybij æuo, atque etiam antè, Hastati pilis & gladiis pugnabant: hastæ iaculatoriæ apud Velites remanserant solos. Olim tamen, vt Varro, aliter, & cum eo Ennius:

Hastati spargunt hastas, sit ferreus imber.*

Quinetiam Liuius, bello in Latinos, cuique Hastatorum manipulo admiscet *vicenos leues, qui hastam tantùm gestaque gererent*: reliquias, vt appâret, veterum Hastatorum. Sunt & alij nouitij in Ammiano ac Vegetio, sed qui stabilibus hastis pugnant siue contis. Itaque in Glossis, *Hastatus* explicatur *Κοιτοφόρος*. ^{* Quod verbum ad emissionē.}

„ *Ætate florentissimos.*] In Liuiio est, *Robustior indetatas, quibus Principibus est nomen*. Sicut in eodem de Hastatis, *Flos iuuenum pubescentium*. Ex quo facilè colligas, ^{Lib. viii.} *Principes maturi.*

Hastatos adolescentes aut iuuenes fuisse; Principes, viros aut viris proximos, Triarios, grandes & maturos.

Vnde dicti. „ *In Principes.*] Varro deriuat, qui à principio gladiis pugnabant, & post commutat à re militari minus illustres sumuntur. Verba obscuriuscula, sed credo sensum: Olim Principes à principio pugnabant, vnde & nomen: postea alij minus illustres sumpti in eum locum. qui? nempe Hastati. Tale aliquid fuisse sub Seruio, & in acie stetit ordine classium, * alibi edifferetur.

*Lib. III
Dialog. I. I.

„ *Ætate maximos.*] In Liuiio, *Veteranum militem & spectatæ virtutis.*

*Triarij
vnde.*

Tertiarij.

Pilani.

Armites.

„ *In Triarios.*] Sic dictos, ait idem Varro, quod in acie tertio ordine extremis subsidio deponuntur. Ergo ab ordine dicti, quia tertij. Est & in Glossis, *Tertiarius*, ἐφεδγος: quasi dicas subsefforem, & in vicem locumque paratum. Ipsi etiam Triarij subsidebant, presso altero genu. Sed vetustam magis vocem credo Pilanos fuisse: ideò, inquit, Varro, quod pugnabant pilis. Et ipse totus ille ordo *Pilus* dictus. An & *Armites*? Glossæ suggerunt: *Armites*, ἀπὸ τῶν οἰ ἐν ἐξάτῃ τάξεα.

*Quot
Triarij.*

*Cur pau-
ciores alijs.*

„ *Diuidunt autem in hunc modum, ut maximi ætate sint sexcenti.*] Addit numerum cuiusque generis, & primum Triarios facit sexcentos: idque semper, & legionibus etiam auctis non augent ipsi. Quæ ratio ista est? & cur tam dispar ab alijs partibus ista pars? Plures dari possunt. Prima, quod robora hæc & flos ipse virorum: atque ideò, si non numero, tamen virtute æquarent. Altera, quod rarò aut nunquam hæc pars pugnabat sola, sed in extremo demum integrabat aciem alijs admixta. Tertia, quod ob adiunctas etiam copias fuit acies iusta.

Nam

Nam cogita Imperatorem in hac parte (postea docendum) cum eo Selectos & sæpè Extraordinarios, item plerosque Euocatorum: hi iuncti numero priores superent, nedum æquent. Quarta, à nobis recenter excogitata, quòd olim ita fuit in Pisanis: nec id mutatum, etsi in totâ re, institutione nouâ Velitum, mutatum. Ad Liuium* mox diducam: tu memento.

*Dial. III.

» *Principes mille ducenti.*] Quo ipso numero reliquæ ^{Quot} duæ partes, Velitum dico & Hastatorum. Collige & ^{Principes.} consumma, reperies legionem Polybianam *quater mille virorum & ducentorum.* Ad numerum autem hunc ipsum vnius partis haud dubiè Liuij. locus facit de Petilio Consule: qui auxilium laturus, *ad cornu suum tendit cum mille ducentis viris.* Est ipsa vna pars siue Principum, siue Hastatorum. Vnde enim aliter tam iustus numerus? nec diuisio alia in exercitu ad hanc summam.

Lib. VII.

» *Quòd si plures quattuor millibus sint, prorat à diuidunt.*] Genera tali illo numero definiuit: sed quid si legio igitur maior, & quinque aut circiter millium? nam ^{Partes cū} & id fiebat. Tunc, inquit, augebant partes proportionem, ^{legione} Triariis modò exceptis. Facile est. Pone legionem ^{augentur.} *quinque millium ducentorum:* habebunt genera milites *mille quingentos triginta quattuor:* Triariis tamen exceptis. Sic in sexmillenariâ, aut tali.

DIALOG. II.

De Manipulis militum. Eorum numerus, & Græca nomina.

HABES Genera militum: eo ad *Partes.* Parùm enim sit sic distinctos, nisi & diuisio fiat utilis ad
I 2 imperia,

imperia, & ad pugnas. Erant igitur in quattuor his generibus *Manipuli*, ex iis *Cohortes*, ex his *Legio* tota. De Manipulis, doctorem nostrorum audiamus: & fac quod soles.

Εξῆς ὃ τῶις μετὰ τῶν ταξιαρχῶν διείλον τὰς ἡλικίας ἐκάστῳ εἰς δέκα μέρη, πλὴν τῶν προσφομάχων. καὶ προσένειμαν ἐκάστῳ μέρει τῶν ἐκλεχθέντων ἀνδρῶν, δύο ἡμίονας, ἢ δύο ἔραγες. τῶν δὲ προσφομάχων ἑὸν ἐπιβάλλοντας κατὰ τὸ πλῆθος, ἵσους ἐπὶ πάντεσσι τὰ μέρη διένειμαν, καὶ τὸ μὲν μέρος ἐκάστον ἐκάλεσαν καὶ τάγμα, καὶ ἀπεῖραν, καὶ σημαίαν.

Post hac, una cum Ordinum ductoribus diuidunt aetates singulas siue Genera, quamque in decem partes, exceptis Velitibus. Ipsos Velites, uti multitudo est, aequabiliter distribuunt in omnes partes. Atque unamquamque harum partium appellant Ordinem, & Manipulum, & Signum.

Pauca verba, sed grauida & plena sunt, dilatemus & referemus. Ait:

Tribuni & Centuriones diuidunt.

„ *Una cum Ordinum ductoribus diuidunt.*] Qui diuidunt? Tribuni, de quibus anterior sermo. Sed id, inquit, cum *Ordinum ductoribus*, id est Centurionibus, quos in consilium & auxilium hinc assumunt. Nam etsi de iis postea dicam, ut confusio vitetur; tamen scito creatos iam esse, atque id statim post Genera diuisa.

Quot manipuli in legione.

„ *Aetates singulas siue Genera, quamque in decem partes.*] Aetates appellat, quia pro aetate diuisi, ut dictum. Leue est: hoc in magno, quod tam disertè ait *quamque aetatem diuisam in decem partes*, Velitibus tamen exceptis. Ergo triginta istae fuerunt, & tot Manipuli in legione: quos hinc dicit Partes. Consentit L. Cincius apud Agellium: *In legione sunt centuriae sexaginta, manipuli triginta.*

Lib. xvi. cap. lxxv.

ginta, cohortes decem. Et est vetustissima hæc diuisio, imò à Romulo ipso, si Ouidio accredo. Is cùm de anno decem mensium differeret, & quæreret huic rei argumenta, hæc quoque protulit:

Manipulorum veteres & diuisio.

Inde Patres centum denos secreuit in orbes

iii. Fab.

Romulus, Hastatos instituitque decem.

Et totidem Princeps, totidem Pilanus habebat

Corpora, legitimo quique merebat equo.

Et de *Patribus* ambigo an rectè scriptum, etsi probè scio centum eos à Romulo institutos. Sed quis me docet in decem partes, siue orbes, vt loquitur, diuisos vnquam fuisse? Quàm etiam non aptè, copulâ insertâ, curiæ milites statim miscet? Ego verò censeo litterulâ detractâ rescribendum: *Inde pares centum.* Pares ætate & habitudine, vt ferè in quoque genere seruabant. Mens igitur poëtæ, Inde factum vt Romulus decies centum pares eligeret, faceretque decem Hastatos: idem in Principibus, idem in Pilanis. Hastatos dico decem, ipsos Manipulos siue *corpora*, vt benè poëta appellat. Quàm verè etiam *centum*? Nam eo numero primi illi Manipuli fuerunt. Plutarchus aliiq̃ue asserunt: & consensu traditur primam legionem Romuli non nisi *trium milium* fuisse. Ergo quodque dictorum generum mille habuit: etiam Pilani, nec accurata alia diuisio adhuc reperta. A v d. Pulchra & vera (aut fallor) correctio, & in litterulâ quod momentum? L i p s. Sæpe in nostrâ Criticâ, vtilissimâ & saluberrimâ, si modicè adhibetur & modestè.

Dubitarè de lectione in Ouidio.

Coniectura in eo.

Hastatus ipse ordo.

„ *Ipsos Velites, uti multitudo est, equabiliter distribuunt in omnes partes.*] Valdè hoc notandum, Velitum nec

Velites extra Signa.

Manipulos vllos fuisse proprios, & quod sequitur, nec

I 3

Signa.

Subsigna-
nus miles
ab Auxiliis
diuersus.

Signa. Itaque *Subsignanus* miles diuiditur & secernitur ab isto leui. Tacitus 1. Hist. *Penino subsignanum militem itinere & graue legionum agmen traduxit.* Idemq; 111. Hist. *Monuit subsignano milite media firmare, auxilia passim circumfusa sunt.* Opponit Auxiliis, quæ in locum Velitum venêre. Sed ipsi igitur Velites, si propria nulla corpora, quos Duces habuêre: Credo Centuriones aliorum manipulorum, quo fine in eos sparsi. Nam hoc est quod hîc Polybius dicit, *aquabiliter distributos in omnes partes: id est, vt quodque genus quadringentos habuerit, quisque manipulus quadraginta.* Etsi rarò tamen in agmine aut acie sic incessêre, & seorsim ferè positi aut intermixti. Imperia tamen, & siquid opus, à Centurionibus illis quisque habebant, & ad hos se applicabant.

Velites
sparsi per
manipulos

Ordo,
quid.

„ *Appellant Ordinem.*] Etsi propriè, ex Liuius, Ordo manipuli pars est dimidiata. Nam cùm duo Centuriones sint in Manipulo, cuique suam partem assignarunt quam duceret, vocaruntque *Centuriam* aut *Ordinem*. Ea fuit *sexaginta militum* in legione veteri & Polybianâ: atque ita Liuius *Ordinem* definit. Mox plura. nam hæc connexa inter se sunt, & alibi repetenda.

Spira,
quid.

„ *Et Manipulum.*] Dixit Græcè *σπεῖρα*: sed aliter hîc reddi non potest, non debet. Scio equidem *Cohortem* eâ

Pro mani-
pulo capta.

voce Græcis vulgò notari: hîc res abnuir, & Polybius ipse non semel eâ voce pro Manipulo palàm est vñus.

Lib. x.

Idem Dionysius. cuius locum operæ est recitem atque illustrem. Gloriatur apud eum L. Siccus (Sicinium alij vocant) vir Romanus, & à robore notus, *triginta se annis in militiâ & in imperiis fuisse*, *τὸ δὲ μὲν σπεῖρας ἡγεμὼν, τὸ δὲ ὅλου τάγματος: aliàs manipuli ductorem, aliàs legionis totius.* Ita vertendū aio, & mecum, quibus notæ res Romanæ.

Romanæ. Nam quod faciunt *Cohortis Præfectum*, non potest pro istâ re militari. Inter ciues enim & in legionibus nemo fuit; sociorum Præfecti tantum, inter quos constat hunc Siccium non meruisse. Ergo ait, aliâs se Centurionem fuisse & manipuli ducem, aliâs Primipilum & caput legionis totius. Atque hæc prima igitur diuisio est in Manipulos, quæ diutissimè in militiâ mansit. Nam & Principum æuo, Tacitus: *Concionem, quia permixta videbatur, discedere in manipulos iubet*. Idem de Prætoriis quoque cohortibus: *Manipulatim allocuti sunt Licinius Plotius & Proculus Firmus*. Etsi paullo post (an sub Hadriano aut Antoninis?) mutauit, & Centurias pro Manipulis habere cœperunt, istos pro Contuberniis aut Decuriis ipsis. Vegetius: *Contubernium Manipulus vocabatur, ab eo quod iunctis manibus pariter dimicabant*. Appellat iunctas manus, cum ad manus ventum esset. Ait etiam *vocabatur*, quasi de æuo prisco: ne te hîc aut alibi fallat, paullo superius æuum, vt Traiani aut talium, ille habet pro prisco. Iam in Ammiano Manipulus non alio sensu. *Conuocatis*, inquit, cohortibus, & centuriis, & manipulis. Postponit enim Centuriis, & vsurpat vt illud æuum. Quid, quod vnus miles alibi Manipulus? In Glossis est: *πελταστής, manipulus*, de leui & viliore. Nec longè ab eâ mente Statius:

— arma manipuli

Ponè ferunt.

de armigeris Adraști aut ministris. At in iisdem Glossis est, *Manipularius*, ἀρχηγὸς ὄχλου: putarem λόχου, & *Ductorem manipuli* notari, etsi profectò in eum sensum apud veteres quidem non legas. Imò Manipularius, est gregalis.

DIA-

Dionysij
vera sen-
tentia &
versio.

Manipuli
diu in mi-
litiâ.

1. Annal.

1. Hist.

Aliâ signi-
ficatione
haberi im-
perio.
Lib. 11.
cap. xlii.

Lib. xvii.

DIALOG. III.

Inuoluta quadam Livi super Ordine euoluta, partim emendata.

HÆC ita edisserui, & clara, firma videntur: nisi quod ventus à Liuiio, qui turbat. Ille ubi bellum inter Romanos & Latinos narrat, & digressiuncula ordines (qui in utroque populo eidem) recenset: Deus bone, quàm à nobis abit? Dixeris de aliâ prorsus militiâ, quàm Romanâ, aut certè Polybianâ, eum loqui. Operæ tibi videtur ut verbatim legamus, & euoluamus? A V D. Vnicè aueo. nam in memoriam loci, te monente, redeo: quem quoties lego & insisto, apud Cimmerios agere me censeo & in nigrâ nocte. L I P S. Vide igitur, & seposito paullum Polybio, hæc lege:

Lib. VI II.

*Fuit ciuili maximè bello pugna similis, adeò nihil apud
 „ Latinos dissonum ab Romanâ republicâ, præter animos,
 „ erat. Clypeis antea Romani vsi sunt, deinde postquam sti-
 „ pendiarij facti sunt, scuta pro clypeis fecere. Et quod antea
 „ Phalanges similes Macedonicis, hoc postea Manipulati-
 „ structa acies cœpit esse: postremò in plures Ordines instrue-
 „ bantur. Ordo sexagenos milites, duos Centuriones, vexilla-
 „ rium vnum habebat. Prima acies Hastati erant, Mani-
 „ puli quindecim, distantes inter se modicum spatium. Ma-
 „ nipulus leues videnos milites, aliam turbam scutorum ha-
 „ bebat. Leues autem, qui hastam tantum gesaque gererent,
 „ vocabantur. Hæc prima frons in acie Florem iuuenum pu-
 „ bescentium admilitiam habebat. Robustior inde et astoti-
 „ dem Manipulorum, quibus Principibus nomen est, hos se-
 „ quebantur, scutati omnes, insignibus maximè armis. Hoc
 trigin-*

triginta Manipulorum agmen Antepilanos appellabant, „
quia sub signis iam alij quindecim Ordines locabantur, ex „
quibus Ordo unusquisque tres partes habebat: earum „
unamquamque Primumpilum vocabant: tribus ex vexillis „
constabat: vexillum centum octoginta sex homines erant. „
Primum vexillum Triarios ducebat, veteranum militem, „
& spectata virtutis: secundum Rorarios, minus roboris „
etate factisque: tertium Accensos, minima fiducia manum, „
eò & in postremam aciem reijciebantur. „

Ne vltra. affatim turbarum aut tricarum in his verbis.

Ait primò:

„ Adeò nihil apud Latinos dissonum ab Romanâ repu-
blicâ, præter animos, erat.] Communiter dicit, arma, or-
dines, manipulos, omnia eadem fuisse Latinis. Sed quod
est, ab Romanâ republicâ: in scripto optimo libro saltem
erat: ab Romanâ re. & malim.

„ Clypeis antea Romani vsi.] Ab capite petit & ab al-
to. Sed quod tamen ait de clypeis, non sic capiendum
quasi solis iis antea vsi: imò verò & scutis (ipse in censu
docuit:) sed quòd post stipendia instituta solùm vsi sint
scutis, antea etiam clypeis. * Postea docebo.

Cautio in
Liuiò.

* Lib. III.
Dialog. II.

„ Quod antea phalanges similes Macedonicis.] Quan-
do antea? Nam sub Romulo iam Legio, atq; etiam Ma-
nipuli, vt videbo. Quid ergo vis? credo hoc. Manipulos
quidem fuisse, sed non in acie diuissim & distinctè ste-
tisse: concurrisse per totas legiones, siue, vt ipse appellat,
phalanges. Nam & in ipsa illâ Macedonum phalange
discrimina sua & sectiones erant vsque ad Centurias,
Decurias: sed in acie iuncta omnia & deuincta. Tale
igitur fuisse vult olim. In Athenæo lego: Εἰλαβον δὲ καὶ

Phalanges
olim Ro-
manis.
Quo sen-
su?

Lib. VII.

K

περὶ

Athenaeus
explicatus

περὶ Τυρρηνῶν τὴν μάχην φάλαγγιν ἰσχυρὰν: *Acceperunt*
 & à Tyrrhenis pugnam per phalanges incedentibus. Agit
 de iis, quæ Romani à variis gentibus ad se traxerint. Sed
 hoc per phalanges ingredi, siue φάλαγγιν, aliter equidem
 acceperim quàm primò sonat. Nec enim vult, credo, le-
 giones ipsas ab Etruscis sumptas: sed magis, manipulos
 aut sectionem potiùs diuisionem quæ per manipulos in
 pugna. Nec aliter ego interpretor τὸ φάλαγγιν, quàm
manipulativam. De eà re sequitur:

Manipu-
lorum ve-
stigia.

„ *Hoc postea manipulativam structa acies cepit esse.*] Ite-
 rum rogo, Quando postea? incuria tua est (audeo dice-
 re) Liui, quòd non explicasti. Quin tu natare mihi in to-
 tà istà re videris, nec vel cum aliis scriptoribus, vel te-
 cum, satis consentire. Age, de Manipulis hoc quale est?
 Enimuerò Manipuli statim ab vrbe conditâ fuerunt,
 imò antè ipsam. Romuli primum tirocinium belli, &
 cùm eripiendo fratri Remulo pastorum manum colle-
 git, Manipulos habuit, vt fatentur prisci omnes qui hæc
 exsecuti. Illi ipsi Manipuli, centenùm hominum fue-
 runt. In Collectaneis de origine Romanâ: *Romulus co-
 ectâ pastorum manu, eaque in centenos homines distributâ,
 perticas manipulis feni variè vinctas dedit. Vnde institu-
 tum, vt postea milites qui eiusdem signi essent, Manipulares
 vocarentur.* Plutarchus eadem; & disertè illam totam
 manum facit συλλελογισμένην εἰς ἐκατοστάς: diuisam ordi-
 natamque in centurias. Ouidius:

111. Fast.

*Pertica suspensos portabat longa maniplos,
 Unde manipularis nomina miles habet.*

Ex ipso
Liui as-
serta.
Lib. 1.

At enim desierunt postea fortasse Manipuli. Imò tu ipse
 Liui renouas, & iam sub rege Tarquinio agnoscis: *Mi-
 scuit manipulos ex Latinis Romanisque.* Quæ tamen
 mixtio

mixtio non diuturna fuit, etsi habuit suas causas. Quin
 & sub primis statim consulibus ponis, atque etiam nu-
 merosè, & discretos: *Consulum alter T. Lucretius portâ* Lib. 11.
Nam cum aliquot manipulis militum est egressus. Atque
 adeò vniuersè alibi, nec falsò, affirmas: *Disciplinam mi-* Lib. 12.
litarem, iam inde ab initiis urbis, in artis perpetuis præceptis
ordinatâ modum venisse. Ita fanè, ab ipsis initiis, & Ro-
 mulus decem Manipulos in classe quaque instituit; &
 Tullus Hostilius fortasse digessit magis & perpoliuit.
 de quo Florus: *Hic omnem militarem disciplinam artem-* Lib. 1.
cap. 117.
que bellandi condidit. Sed quid tamen hic pro te? quod Excusatus
Liuius.
 antè dictum. non negare te de Manipulis, sed de eorum
 secretione in pugnâ, de quæ interuallis inter singulos,
 quæ postea (Etruscorum fortasse exemplo, ex Athenæo)
 sunt instituta.

„ *Postremò in plures ordines instruebantur.*] Ergo Ordo Ordo à
Manipulò
diuersus.
 aliud Liuiò quàm Manipulus est, quod nexus sermo-
 nis poscit, aut potiùs cogit. Primò in phalanges, inquit,
 diuisa acies, postea in manipulos, postremò & in plures
 ordines. Quis gradationem hanc non videt, & cum
 temporibus res distinctas? Nec enim vult sectionem ibi
 stetisse: sed ipsius Manipuli factas duas partes, quos Or-
 dines appellarunt. Itaque adiungit quid sit Ordo:

„ *Ordo sexagenos milites.*] Si ordo hîc ipse Manipulus,
 quod vulgò volunt: cedò, quis Manipulum tam exi-
 guum (nisi fortè in Triariis, de quibus non hic sermo)
 legit? Imò iam à Romulo centenarij illi, vt dictum, po-
 stea etiam auctiores. Nec tamen nego Ordinem inter- Quid Or-
do.
 dum pro Manipulo sumi: quod in hac ipsâ narratione
 alibi Liuius: sed nō hîc, vbi palàm distinguit. Quid ergo

hic idem, quod *Centuriam* idem Liuius appellat, Polybius *Partem*. Ille *Priorem* & *Posteriorem* in Manipulo agnoscit; iste *Dextram* & *Leuam*. Nec alio sensu *Ordines* petere, & *Impetrare*: item *Ordinis ductor*, pro Centurione ipso. Sequitur nodus,

absurda
lectio.

„ *Duos Centuriones*.] Itane? hoc conuenit & æquum est, vt in vno ordine duo sint Centuriones? vt Sexageni milites bis diuisi, quæque pars suum habeat? nunquam factum, nec nisi hic lectum. Age, pergamus. Addit quindecim Manipulos Hastatorum fuisse: ergo triginta Ordines. Totidem Principum: quid consequitur? In solis duabus classibus *centum viginti* Centuriones fuisse. Hæc talia sunt, vt color iis allini nullus possit ad fallendum. Equidem lectionem & distinctionem muto leuiter: *Ordo sexagenos milites & duos, Centurionem & vexillarium vnum habebat*. Ipsa hæc res fuit. Primùm, vetus ille & Liuij hic Ordo non *Sexagenos* milites habuit, vt Polybij; sed duobus plures, *sexagenos* inquam *duos*. Palàm id euincit Liuij numerus infra, qui in tribus vexillis (siue Ordinibus. tot enim Vexilla, quot ordines) *centum octoginta sex* milites ponit. Vnde illi sex super rotundum numerum, nisi à duobus istis qui redundant? Attende, clarum & firmum est. Secundò, feci *Centurionem & Vexillarium vnum*. Nec hic aliquid ambigui. vbi dux cumque, ibi Vexillum: & Polybius disertè, *In quemque Manipulum duos signiferos capit, scilicet in Ordine vnum*.

Confirmatio.

De numero manipulorum.

„ *Hastati erant Manipuli quindecim*.] Turbidus hic Auster, qui inuoluit, & euertit dicta omnia in militiâ, aut dicenda. Ergone xv. manipuli Hastatorum? totidem Principum? totidem Pilanorum? Sunt igitur in legione

gione non *triginta*, vt prisci consensu volunt, sed manipuli *quadraginta quinque*. Si sequimur; ecce & Centurionum numerus atque ordo mutandus, & erunt in vniuersum *nonaginta*. Id quoque contra scripta veteribus. At enim Liuius apertè, & iteratò. nam & mox sequitur, *Hoc triginta manipulorum agmen*, de duabus classibus: & deinde *quindecim* iterum adduntur. Quid dicam, aut expediam? Ades Critica, tu illa proba cum necessaria: & hinc puto esse. Legam: *Manipuli decem*: aut copulâ insertâ, quæ errorem genuerit, *Manipulique decem*. Etsi quid de causâ erroris quæro? nusquam magis aut crebrius, quàm in numeris, peccatum.

„ *Hoc triginta Manipulorum agmen.*] Meâ voluntate *viginti*.

„ *Antepilanos appellabant, quia sub signis iam alij quindecim ordines locabantur.*] Mirè hæc postrema inuoluta aut fœdata. Si sana sunt; aliâ mente & ingenio opus (ego cedo) ad eliciendum aliquid sani. Transilit ecce à Manipulis ad Ordines: & *alij*, inquit, *quindecim ordines*. Quid alij? quasi & Manipuli Ordines. Vide seriem, hoc euincit. Quid refutem, aut te teneam? sine fraude sententiæ dictio mihi esto. Corrigo: quia sub *signis iam alij* ^{fieri dâm} *decem ordine locabantur*. ^{correctio.} Qui alij *decem*? nempe manipuli. Quomodo locabantur? *ordine* (ita lego) & *sub signis*. Cur hoc monet? nōne & alij sub signis? Ita. sed quia hoc postea immutatum, & Rorarij & Accensi (id est leuis armatura) sub nullis signis: ideò expressè addit *ordine* stetisse (non sparsim in fronte, ad latera, aut per intervalla) idque sub signis. Qui veteris militiæ firmiter sciens est, hæc non refutabit. Quòd si quis totam vocem *Ordines* eiicit, per me licebit.

K 3

„ Ex

„ *Ex quibus Ordo unusquisque tres partes habebat.*]

Glossa
sublatum.

Nec id admitto. tollo *Ordinem*, ex repetitione prauè infertum, & lego: *Ex quibus unusquisque*. Quis unusquisque? manipulus, de quo præiuit. Sententiam totam clarè mox videbis: sunt enim nexa.

„ *Earum unamquamque Primumpilum vocabant.*]

Falsò, falsò. quid stultius, quàm singulas partes *Primas* dicere? Vbi ordo & positio est, etiam numerus variat

Corr. alio.

pro situ. Lego: *Earum unamquamque primam, Pilum vocabant*. Tres, inquit, sunt Manipuli cuiusque partes, non duæ, vt in prioribus. Primam quamque harum partium (sunt enim decem ita primæ) appellant *Pilum*. Nónne id clarum est? Tres fuère classes, *Hastati, Principes, Pilani*. Sunt isti vltimi, quibus subiuncti & adiuncti *Rorarij & Accensi*. Ergo in vno Manipulo tres partes, singulæ nominibus suis distinctæ. Ecce iam complexione sententiam totius loci: *Hoc viginti Manipulorum agmen Antepilanos vocabant. quare? quia iam sub signis & ordine alij decem Manipuli sequebantur; qui tres partes singuli habebant; & earum unaqueque prima, Pilus dicebatur. Quia igitur ante Pilum positi illi, Antepilani dicti.*

Cur. Antepilani dicti.

„ *Tribus ex vexillis constabat.*] Ipse Manipulus (δωδεκαχοῖν) constabat tribus vexillis. Quid mirum? ratio exigit, & antè dicta. Nam quisque ordo suum Vexillum habuit: tres hîc ordines siue partes: ergo tria vexilla.

Amens lectio.

„ *Vexillum centum octoginta sex homines erant.*] Iterum hîc vro & seco: Diodore vbi es? Nam age. decem manipuli in extremâ acie: cuiusque tres partes, & totidem vexilla: sunt igitur hæc triginta. Si autem in quoque

que vexillo homines *centum octoginta sex*; erunt in solâ
 hac acie *quinque millia quingenti octoginta*. Adde reli-
 quas duas, quæ & quanta ista legio? Atque hæc ex no-
 strâ primâ correctione: si *quindecim ordines* retines, par-
 tes & vexilla magis etiam auges. Ergo iterum necessariò
 seco, & vocè reiicio *Vexilli*. Lego: *Tribus ex vexillis con-* *Vox eie-*
ctâ.
stabat, centum octoginta sex homines erant. Id iustissimè
 & verissimè. Quisque ordo, vt antè dictum, sexaginta
 duo homines erant: tres sunt in Manipulo: ergo in to-
 tum homines *centum octoginta sex*. Atque est hæc ipsa *Paria hæc*
cum Poly-
bio.
 Polybiana militia & ordo, cum vnico saltem discrimi-
 ne, quod est à Leui armaturâ. Nam Polybij, vt dixi, seor-
 fim est, & extra ordines: hîc in Ordinibus & Pilanis *Sinus leuis*
armatura
alius.
 coniuncta: Sed numerum si vides, nihil discriminis
 prorsus. Nam sunt Rorarij *sexcenti viginti*, totidem Ac-
 censi: ergo simul *mille ducenti quadraginta*. Nônnetoti-
 dem Velites in Polybio? excipio, quòd quadraginta isti
 redundant, ex supernumerariis illis duobus. Idem est in
 Triariis siue Pilanis. ibi sunt *sexcenti*, hîc *sexcenti qua-*
draginta: & nunc vides ac discis causam (suprà tetigi)
 cur & vnde illi tam pauci respectu priorum. Ab anti-
 quo scilicet instituto est, & cum in vno Manipulo Le-
 ues habuerunt: ij postea diuulsi sunt & dirempti: man-
 serunt igitur illi eodem numero, nec aucti. Dic sodes,
 quæ diuinitio hæc sic attigerit, & vndique pariauerit,
 nisi quia res fuit? Vt igitur consummem, habes triginta *Consum-*
matio tota
& digestio.
 manipulos in Liui: priores viginti, faciunt homines *bis*
mille quadringentos octoginta: posteriores decem, *mille*
octingentos sexaginta. Ergo est hæc legio *quattuor mil-*
lium trecentorum quadraginta. Superat Polybianam cen-
 tum

Obiectio. tum quadraginta: qui nati sunt ex duobus supra sexaginta toties dictis. At in Liuiio mox sequitur, *Legiones tunc scriptas ferè quinis millibus peditum*: non ergo ad nostrum numerum. Aio id quoque falsò, & in Liuiio re-
Correctio. scribendum, *quaternis*. Bonâ fide, inuitus toties rescribo: sed quæ mea culpa, si res, si Liuius ipse poscit? * postea docebo. Turbinem hunc vitavi, & quanquam colligere paullum vela nos iussit & inhibere, non tamen ea scidit, nec eiecit de recto cursu. AVD. Per fidem, multa acutè, & me mirante. Vnum tamen quæro, de vltimo agmine. si tria illic vexilla, an etiam totidem Centuriones? nam id apparet. Si ita est, non ergo sexaginta Centuriones, pro tuo & Polybij sensu. LIP S. Benè infero. Sed hac de re mihi non liquet, nisi quod suspicor iam tunc Pilanos solos habuisse suos Centuriones, ijsque leuem illam manum paruisse. Itaque nec diuisa postea, habuit vltos duces. Quod autem de Vexillo ais, id hîc fefellerit, nec semper dux vbi illud. Hîc autem fuit, ad discrimen, non ad imperium: & quia armis ordines isti inter se distincti. Habes ad Liuiianum locum quæ nobis visa: ad quem si viros primores in doctrinâ adhæsisse dicam, quid faciam magnum? ego ad plures alios. & in isto ipso interdum Aristophanæum illud occurrit,

* An à viâ
 non prorsus
 exerramus?

ἢ τῆς ὁδοῦ τὸ ἀσάπαν ἡμαρτήκαμεν;

Vix tamen opinor. nisi si diuersissima illa Militia ab eâ quæ secuta, imò quæ præcessit. Tamen habe summam & id quod colligitur ex lectione vulgatâ. Hastati Manipuli quindecim, totidem Principes: singuli *sexagenum* militum, idemque quod Ordines. Sunt in quaque classe homines *nongenti*. Adde Pilanos, Rorarios, Accen-

Accensos, in quaque istarum classium *nongentos triginta*: erit tota legio *quattuor millium quingentorum nonaginta*. Sic tamen, vt postrema à nobis emendes, quæ nimis alioqui exorbitant.

DIALOG. IIII.

Cohors, Numeri, Spira. Cohors prima, Cohors Pratoria.

SED in viam redeamus, Liuius iam dimisso. AVD. Non hercules cum bonâ gratiâ. LIPS. Quid ita? AVD. Nimis secuisti & vsisti, nec iniuriâ timebas alium Diodorum. Nam tuus ille fuit, & ad plures abiit: homicida, occidisti. LIPS. Rides me? sed ferið. Lusi siue pugnaui semel in Diodorum; sed semel, sed in re feriâ. In his minutis & litterariis impugnet qui volet, non repugno. Nosti ingenium meum? pacis est: & cum Theognide,

— τὸν γ' ἐχθρὸν ἀλεῦμαι
Ωσε κυβερνήτης χοιράδας εἰναλίας:

— hostem ego vito,

Nauta velut scopulos vel vada nauifraga.

Sed ad rem nostram. Dictum de Manipulis, è quibus conficitur deinde *Cohors*. Ea vox origine Græcanicâ *Cohors* est, & χορτῶ illis, περιόρισμος καὶ περὶ χώρημα: siue vt Hesychius, περιόλος τῆς αὐλῆς: Vno verbo, quod clausum & septum in anteriore domo vel villâ, χορτὸν illi dixerunt, & Latini *Cohortem*, vel *Chortem*. Nam & sic scribebant, & vetusta marmora docent. Sic in Martiali *Rauca chortis aues*. Varro: *In plano cohors, in quâ pascebantur gallinae*. Vopiscus in Aureliano: *Rosas in eiusdem mulieris cohorte exisse purpureas*. Hodie quoque Galli, Hispani, Itali reti-

*Cohors
Græcum.*

III. de
R. R.

L nent,

nent, & superioris paullo æui scripta appellant *Curtēs*. Græca vox igitur, etsi Varro tamen deriuat etiam à coercendo: quòd circa eum locum pecus coereretur. Nostram ille idem ab hac rusticâ deducit. quòd ut in villâ ex pluribus tectis coniungitur & quiddam fit vnum, sic hæc ex manipulis copulatur cohors. E quot autem manipulis? tribus. Nam certum est, & prædocui, decem modò cohortes in legione fuisse. Sed quomodo è manipulis? an tribus eiusdem generis? exempli causâ Hastatorum, aut Principum? Minimè. nec commodè id potuit: superasset enim manipulus vnus in quoque genere post tres cohortes. Verius est mixtam è triplici genere fuisse, sic quasi paruam aliquam legionem. Habuit Hastatos, Principes, Triarios, è singulis manipulum vnum: & adde Velites, qui manipulos solent comitari. Ita fuit iusta plenaque legionaria cohors, homines *quadringenti & viginti*. Quòd si pleniores manipuli aut legiones, plenior scilicet etiam ipsa: atque ita *Quingenarias & Sexcenarias* etiam leges. Græci Historici eas vulgò vocant & reddunt Σπείρας: quod & Ennius vsurpauit Græcissans *spiras legionibus nexunt*: puto de Socialibus, quæ legionibus adnexæ. Nazarius etiam vsus in Panegyrico: *Cum spiris tenebrisque congressus*. Suidas interpretatur *Spiras*, etiam *Numeros*. Σπείραι, inquit, πλήθιν τετρατευμάτων, φάλαγξες, νέμεα. Et scis *Numeros* inferiore æuo crebrò legi, siue de cohortibus siue de Legionibus ipsis. Cohortes autem istæ omnes in legionibus numero æquales, quia & manipuli erant. Hoc miraris? fortasse quia dignitas aliqua *Prima* tribuitur. vt apud Cicero-
nem: qui vt magnum refert, *Bibulum amisisse totam cohortem primam*. Cæsar pariter attollit: *Duabus missis subsidio*

XXXI. de
L.L.

Tres ma-
nipuli in
cohorte.

Atque ij
è diuerso
Genere.

Spiræ.

Numeri
pro Cohor-
tibus.

Prima co-
horts dig-
nissima.

Ad Att. lib.
v. epist. xx.
Gallicæ.

subsidio cohortibus, atque his primis legionum duarum.
 Sed moneo, non à numero hoc, sed à splendore & pri-
 matu fuisse. Eminebat ceteris ideò, quòd primi in eà
 Centuriones generis cuiusque: fortasse & flos aliquis &
 electio virorum. Vegetius non te abducat. A V D. Iam
 rem tangis: is mihi in mente, & cōmouebat. L I P S. Non
 inquam te abducat dum scribit, in Primâ cohorte *mille*
centum quinque pedites fuisse, in aliis non nisi *quingentos*
quinguantinquae. Hæc nouitiæ militiæ sunt, procul
 à nostrâ priscâ. Illud modò obseruo, *Prætorias* fuisse
 quasdam, velut extra ordinem, edecumatas & grandes.
 Earum origo à P. Scipione, vt adfirmat Festus: *Prætorias*
cohors, quòd à Prætoribus non discederet. Scipio enim *Africa-*
nus primus fortissimum quemque dilegit, qui ab eo in bello
non discederent, & cetero militiæ munere vacarent, & ses-
quiplez stipendium acciperent. Non ergo antea? inquires.
 Non ordinaria, nec in istas stipendij aut vacationis le-
 ges. Alioqui & olim tale aliquid. vt in Liuiο, de A. Post-
 humio Dictatore: *Cohortem suam dilectâ manu, præsidij*
causâ, circa se habuisse. & appellat statim, *Cohortem Di-*
ctatoris. Sed & rarò factum leges, & fuit è voluntariis
 fortassis, aut in vnus pugnae euentum captis, illa ma-
 nus. Imò nec Scipionem priorem Africanum puto in-
 stituisse. Quo argumento? quia Polybius super eâ filet,
 non facturus si in vsu iam tunc fuisset. Atque adeò eius
 loco *Selecti* è sociis videntur fuisse, vt ex eodem discas.
 Igitur ipso Polybij æuo institutam verius est ab Scipio-
 ne Numantino. Indicat Appianus, qui de isto Numan-
 tiam ituro: Εθέλοντας Ἰνῶας ἐπηγάγετο καὶ πελάτας ἐν Ῥώμῃς
 καὶ φίλους πεντακοσίους, ὥς εἰς Ἰλνὴν κατέλεξας ἐκάλεσε φίλων Ἰλνῶν.
Voluntarios quosdam & clientes amicòsque suos Româ

Vegetius
 abut à pri-
 scis.

Lib. 11.
 cap. VI.

Prætorias
 Cohors.

A quo in-
 stituta.

Lib. 11.

Vter Sci-
 pio insti-
 tuerit.

Videri po-
 steriorem.

In Iberia.

eduxit ad quingentos, quos in cohortem conscribens appellauit Cohortem amicorum. Nec mirare si ἰλιν Cohortem, verto (scio Alam aut Turmam plurimum esse:) sed res hîc suadet, & Appianus ipse atque alij Græci, qui vsi pro peditum etiam manu. Neque nescio Prætorianos etiam equites fuisse: sed cum quingentorum hîc numerus sit qui cohorti respondet; itemque Festus originem rei ad Scipionem referat: bellius visum sic interpretari. De Turmâ sanè Prætoriâ, in Sallustio est, de Mario: *Cum turmâ suâ, quam ex fortissimis magis quam familiarissimis parauerat.* Vides in hoc genus adoptatos ferè & transcriptos amicos: etsi alij fortibus potius viris implebant. Plutarchus de Octaviâ, quæ ad Antonium vênit, adduxitque secum à fratre *Ἀπλέκτες στρατιώτας διχίλιους, εἰς σελιτηκὰς ἀσπίδας, κεκοσμημένους ἐν πρεπέσι πανοπλίαις: dilectos milites ad bis mille, in cohortes Prætorias digerendos, ornatos insignibus maximè armis.* Arma hæc fuère, thoraces squamei, & scuta imbricata. Dio ingerit in Macrino. quem scribit *Prætorianis suis abstulisse τοὺς θώρακας τὰς λεπίδας, καὶ τὰς ἀσπίδας τὰς σωληνοειδεῖς, quò leuiiores in prælio essent.* Ac per bella ciuilia cohortes istæ auctæ, & vnus aliquis plures habebat: quo exemplo Augustus denique Romæ circa se habuit nouem Prætorias cohortes, firmamentum imperij, & postea pestem. Veteres vt dixi non nisi vnâ, nec scio an omnes. In Cæsare quidem, tot præliis, nusquam mentio (pro meâ nunc memoriâ) Prætoriæ suæ cohortis: nisi quod libro primo Gallicorum obiter scribit, *cum solâ decimâ legione se iturum, sibi que eam Prætoriam cohortem futuram.* Sallustius Petreio tribuit: *Petreius cohortem Prætoriam in medios hostes inducit.* Nec dissimile, quòd Macedoni-

Turma
Prætoria.
In Iug.

In Anto-
nio.

Arma
Prætoria-
norum.

Plures Co-
hortes fa-
ctæ.

In Catil.

cedonibus fuit *Cohors regia*, de quâ in Liuius atque aliis legas. In Ammiano etiam Sapor Persarum rex *portis ob-* Lib. xix.
equitat cum cohorte regali. Vbi tamen Cohors de equiti- Cohors pro
 bus est, præter vsum antiquum. sicut alibi iterum: *Reli-* equite.
quos ex eâ cohorte ad pedestrem compegit militiam. Adeò Lib. xxviii.
 non res solùm, sed verba in militiâ iam confusa: sicut &
Turmam in eodem de Peditibus obserues.

DIALOG. V.

Legio, & paulatim eius augmenta.

EX Cohortibus *Legio* fit, atque iis denis. Dicta, ait unde dicta
 Varro, quòd *leguntur milites in dilectu*. Simile Plu-
 tarchus: *Εκλήθη λεγεών τῶ λογάδας εἶναι οὗ μαχίμους*
ἐκ πάντων. Vocata est *Legio*, quòd lecti ex omnibus essent mi-
 litares. Inuénit fecitque eam Romulus, sed quantam? Quanta
trium millium, vt Varro, Dionysius, Plutarchus tradi- primo.
 derunt: cùm sumeret è singulis tribubus singula millia,
 atque ex tres erant. Auxit idem Romulus, si Plutarchi
 verba sic capienda, post Tatium & Sabinos in ciuitatem
 acceptos. Nam tunc, vt inquit, αἱ λεγεῶνες ἐγένοντο πεζῶν
μὲν ἑξακισχίλιων, ἰππέων δὲ ἑξακοσίων: *legiones factæ peditum*
sex millium, equitum sexcentorum. Et vulgò erroris lati
 Plutarchum damnant, cùm certum sit diu pòst legiones Plutarchus exen-
 tantas numquam fuisse. At non ego. & optimi scripto- fatus.
 ris bonam hanc mentem malo, Romulum duplicasse
 legiones populo iam duplici, & binas fecisse tot mil-
 lium. Sanè de sexcentis equitibus in vnam legionem,
 nullo æuo factum. Tamen aucta haud longè pòst, an à
 Romulo, an à Tullo Hostilio? de quo Flori hoc exstat:
Hic omnem militarem disciplinam, artémque bellandi con-

L 3

didit:

Lib. vi
cap. xxx.

didit: vt appareat eum aliquid in militiâ & legionum numero aut ordine innouasse. Sed coniectura est: ista veritas, iam statim à regibus eiectis fuisse *quatermillenas*. Ita Dionysius à P. Valerio Poplicolâ scripta memorat *δέκα τὰς μυριάς ἐξ αὐτῶν τετρακισχίλιον ἑκάστον*: decē legiones, è quater mille viris singulas. Sed & Liuius haud longè posteriùs, bello Volscò *quattuor legiones quaternum millium* scribit. Auget & adiicit *ducentos*, post triginta circiter annos: *Decem legiones scriptæ quaternum millium & ducentorum peditum*. Hic vulgatus modus fuit, & diu mansit. Eò minus trepidè correxi in Liuiò suprà: *quaternis millibus*: quia hæc ille bello in Latinos scripsit, id est decennio post iam dicta. Atqui si *quinque millia* scribebant vulgò: quid ita non antè, non post commemorauit? imò cur aliter commemorauit? Excute libros omnes sub hæc tempora, *quattuor millia* reperiēs, non *quinque*. Ecce de legione quæ Rhegium occuparat, bello Pyrrhi: *Tota legio, millia hominum quattuor, in foro securi percussi sunt*. Sed & diu infrà initio belli Annibalicì: *Sempronio datæ legiones duæ, eæ quaterna millia pedites erant, & trecenti equites*. Imò expressè tempus idem Liuius adnotat, quo modus hic adauctus. Fuit eodem isto Annibalis bello. & alij, inquit, *quattuor legiones nouas scriptas tradunt, numero quoque peditum equitumque legiones auctas, millibus peditum & centenis equitibus in singulas adiectis*. En, tunc demum ad *quina millia* ventum, nec satis firmiter: cùm pro re aut tempore ad *quaterna* sua redirent. Quod Polybius plus semel suggerit, & variatum in occasionibus ostendit. Denique facta etiam *sex millia, sex millium*, id quæ à Scipione in Africam traiecturo, qui *suppleuit ita legiones* (ait Liuius) *vt singula sena millia & ducentos*

*Quattuor
millium
facta.*

Lib. VI.

Lib. VI.

Lib. VII.

*Firmata
Liuiana
correctio.*

Lib.
XXXVIII.

Lib. XXI.

*Quinque
millium
facta.*

Lib. XXII.

Sex millia.

Lib. XXX.

ducentos pedites, trecentos haberent equites. Iterarunt paul-
 lō pōst bello Macedonico. & idem Liuius: *Id præcipui* Lib. XLII.
provincia Macedonia datum, quod cum alterius Consulis
legionibus quina millia & ducenti equites ex vetere institu-
to darentur in legiones singulas, in Macedoniam sena mil-
lia peditum scribi iussa, equites trecenti equaliter in singulas.
 Vbi obserua vetus institutum appellari quina illa millia:
 quia nouitium istud Scipionis, nondum habebat firmi-
 tatem. At enim ibidem (monendus omnino es) *equites* *Correctus*
ducenti adtribuuntur, quasi ex more. Falsò, vt pōst doce- *Liuius.*
 bo: & iam nunc rescribe *pedites*. quod spondeo esse cer-
 tum. Nam plerumque *ducenti* isti supra quattuor, quin-
 que, sex millia addi solent: & malè exscriptor, qui in
equites mutauit. Nam illi ecce sequuntur, *trecenti equali-*
ter in singulas. Variatum, inquit, in peditibus fuit, nihil in
equite, & *trecenti equaliter* (tam in quina millia, quàm
 in sena) adscripti. Ex his vides Festum culpæ vix libera- *Festus in-*
 ri, qui sic scripsit: *Sex millium & ducentorum hominum,* *caute scri-*
ptus.
primus C. Marius conscripsit legionem, cum antea quat-
tuor millium fuisset. unde etiam Quadrata appellabatur.
 Bis aut ter falsus. primò quòd C. Marium *primum* scri-
 psisse ita tradit: secundò, quòd antea non nisi *quattuor*
millium: tertio, quòd ideò *Quadratam* dictam. Ego ma-
 gis arbitror à formâ & ordine, quem in acie tenebat.
 Sed peccat in hac re aliter Eutropius, qui iam sub an- *Item Eut-*
 num Urbis CCCXCII. legiones sex millium facit: *tropius.*
Ex
Romanis tantum tirones lecti sunt, factæque legiones de-
cem, qui modus sexaginta vel amplius armatorum millia
officiebat. Erras ô bone Eutropi, aut quod mitius est,
 tuus exscriptor, & *quadraginta* verum esset. Cæsaris au- *Cæsaris*
 tem & circà æuo quid fuerit, quæro. an Marianus ille *legiones*
modicus.
 modus?

modus? non persuadeor: imò ex Commentariis Iulianis legiones haud reperio (sedulò inquisitui) supra Polybianum longè modum. Quinimò veteranas infra. Lib. v. Ipse bello Gallico, *in duabus legionibus suis vix hominum millia septem* fuisse disertè scripsit. Item Hirtius bello Alexandrino, *Legionem sextam veteranam adeò diminutam, ut minus mille hominum in eâ esset.* Nec est error in numeris. proelia scilicet attriuerant alijque casus, & tarda sæpe supplementa. Augusti etiam æuo ad Polybij modulum fuisse, euincit Taciti locus iste, in seditione & sæuitiâ legionum Germanicarum. Cùm enim Centuriones suos verberarent & occiderent, sumpserè sibi, 1. Annal. *quit, sexageni singulos, ut numerum Centurionum adequarent.* Sunt ipsi Ordines, siue dimidiati manipuli veteres, *militum sexaginta.*

DIALOG. VI.

Equitum diuisio, Turma, & eorum in legione numerus.

PEREGI de Ordine peditum qui in legione, vis ut Equites adiungam? ratio poscit. In iis *Genera* nulla quærenda, vniusmodi sunt: tantùm *Partes*. Eas ipsas paucis verbis promit Magister:

POLYB. Παρεπλησίως δὲ καὶ τὰς ἰπ- *Consimiliter & equites in-*
 πᾶς εἰς ἵλας δέκα διέilon. *decem turmas diuidebant.*

Cùm dixisset *Genera* singula diuisa in decem partes, infert pari diuisione in equite vsos, & secuerunt, inquit,

Ἰνὰ πρὸ
Turma. „ *In decem turmas.*] Ita vertimus ἵλας, etsi primitus ea vox *Alas* insonat, & Lascaris ita scripsit. At quî id potest? vni legionì vna Ala est, in Alâ Turmæ deinde decem.

cem. Imò Legio propriè *Alas* non habuit: & est ea vox
 sociorum, quod curiosus Lector obseruet. Sunt igitur
 Turmæ. & satis auctor sic vertendi (ne ad alios eam)
 ipse Liuius. qui in pugna Hispaniensi Scipionis cum
 Hasdrubale, è Polybio, vt solet, transcribens, cùm ille
subductas ex acie τρεῖς ἰλας ἰππέων dixisset: iste vertit, *ternas* Lib. xi.
equitum turmas. Sed & Polybius in ipso hoc scripto sæ- Lib. xlviii
 pius sic vsurpat. Quid est igitur Turma? ter deni equites *Quanta*
 ex Varrone, qui & nomen à ternario illo numero petit. *Turma*.
Turma, inquit, *Terma* est. *E in V abiit, quod ter deni* *iiii. de*
equites ex tribus tribubus Tatiensum, Ramnium, Luce- *L.L.*
rum fiebant. Eadem, paribus verbis & sententiâ, Festus.
 Quid Isidorus? *Turma triginta equites sunt*. Hoc verius
 est, quàm quod idem alibi: *Legio habet sexaginta centu-*
rias, manipulos triginta, cohortes duodecim, turmas ducent-
tas. Itane *turmas ducentas*? imò *denas*, quod verum est; *Correctus*
 aut, *turmales ducentos*, quod haud longè à vero, & inter- *Isidorus.*
 dum sic fuit. Corrige ibidem, *cohortes decem*. Vegetius
 Turmam paullò grandiore facit: *Habet, inquit, vna* Lib. xi.
Turma equites triginta duos. Virgilius longè minorem: *cap. xlii.*

Tres equitum numero turma, ternique vagantur Lib. v.

Ductores, pueri bissemi quemque secuti.

Duodenos enim in quaque turmulâ ponit: sed hoc in
 ludicro: in militiâ fuerunt dicto iam numero, idque ex
 veteri instituto. Nam iam olim sub ipso Romulo *trecent-* *Equites in*
ti equites in legionem scripti, id est decem *tricenarie* *legione*
turmæ, ex Liuius, Dionysio, Plutarcho. Mansit post re- *trecenti.*
 ges exactos. & clarè idem Liuius: *Equites duarum legio-* Lib. iiii.
num, sexcenti ferè, ex equis desiliunt. ponit sexcentos in
 duabus, ergo dimidiatos in singulis. Idem haud longè
 post: *Decem legiones quaternum millium & ducentorum*

M

peditum,

peditum, equitum trecentorum. Iterum in bello Latino: Lib. viii. Scribebantur autem quattuor ferè legiones quaternis mil- libus peditum, equitibus in singulas trecentis. Hæc liquida & clara sunt, nubem inducit vnus Liuij locus in bello

Lib. xxi. Punico secundo: Alij quattuor novas legiones scriptas Liuij am- tradunt. numero quoque peditum equitumque legiones au- biguus lo- ctas, millibus peditum & centenis equitibus in singulas ad- ens. iectis: ut quina millia peditum, trecenti equites essent. Ne-

Aegrè & ambigüe expeditus.

Lib. xl.

bulla hæc est, aut fabula: & malo alios, quàm Liuium sic sensisse. An verò tunc demum trecenti facti? nego aliter antea legi, & à sæculis multis. Vereor ut tota scriptio in-

terpolata sit (quoties in Liuiio, & præsertim his libris Pu- nici belli?) & tantum de peditibus fuerit. Si non placet, tum placeat quadringeni equites rescribi. Id quoque enim factum reperio, etsi rarò, ut centenos adderent præter morem. Ipse Liuius: Nouam legionem quinque

Polybij falsa lectio Lib. lxx.

millium & ducentorum peditum, equitibus quadringenis Consules scribere iussi. A v d. Vtari iure quod dedisti, & interrompam. Tu negas de ducentis? audi Polybium pa-

lâm adfirmantem. Ῥωμαῖοι, καθάπερ καὶ πρὶν ἔργον εἰρήκαμεν, αἰ ποτε τέτταρα στρατὰ πεδὺ ἀποχειρῶσι. τὸ δὲ στρατόπεδον πεζῶς μὴ λαμβάνει περὶ τετρακισχίλις, ἰπῶεις δὲ διακοσίαις. Ἐπὰν δὲ πρὸς ὅλον χερσὲς ἔργα ποιοῦνται χεῖρα, ὅτῳ μὴ πεζῶς ἐν ἑκάστῳ στρατοπέδῳ ποιοῦσι περὶ πεντακισχίλις, ἰπῶεις δὲ τριακοσίαις: Romani, sicut antea diximus, semper ferè quattuor legiones efficiunt. Accipit autem legio pedites quidem circiter quater mille, equites verò ducentos. Quòd si quando maior necessi- tas appareat, pedites faciunt in quamque legionem quinque millia, equites trecentos. En, definit quando ducenti, quando trecenti; & illos magis vulgò. LIPS. Si im- prouisum mihi telum, percellerem: vidi antè, & animo remouui.

remôui. Nam clarum Polybij locum fateor, nego re-
ctum. Ne mihi hoc credas, volo Polybio ipsi. Nône re-
mittit nos ad ea quæ super hac re antè dixit? *sicut*, inquit,
ἔσ' antè diximus. Vbi igitur tale mi Polybi? Ecce verba
libro primo: Εἰ δὲ τῶν Ῥωμαίων τὰ πάντα τέσσαρα στρατόε-
δα Ῥωμαῖκά, χωρὶς τῶν συμμάχων, ἃ κατ' ἐνιαυτὸν ἀποχειρί-
ζονται, τῶν ἑκάστων ἀνὰ τετρακισχίλιους πεζοὶ, ἰππεῖς δὲ τριακο-
σίαι: *Sunt apud Romanos in uniuersum quattuor legiones,*
prater Socios, quas in annos singulos parant. Harum quæque
habet ad quater mille pedites, equites trecentos. Quid tu
iam mi Auditor? nône hic locus ex diametro pugnat
in alterum, atque etiam vincit? me iudice. & immute-
tur ille, ἰππεῖς τριακοσίαι, *equites trecentos*: quos certum est *Correctus*
semper & vulgò fuisse. Vniuersè Polybius in hoc no- *Polybius.*
stro libello, vbi de Dilectu: ἰππεῖς ποιεῖσι τριακοσίαι εἰς ἑκά-
στον στρατόπεδον: *equites faciunt trecentos in singulas legiones.*
Atqui legiones hæ eius non nisi quaternûm millium
sunt. Virgilius ad sollennem hunc numerum respexit:

— *equites ex urbe Latinâ*

Lib. ix.

Tercentum, scutati omnes, Volscente magistro.

Et *iustum* hunc Liuius appellauit: *Decreta duæ legiones* *Iustus e-*
cum suo iusto equitatu: Alibi simpliciter: *Bina legiones* *quitatus.*
cum suo equitatu: quia de numero constabat, & nullâ in Lib. xxi.
re minùs variatum. Absolui, nisi quòd Ouidij versum
addo, qui facit diuisioni dictæ:

Et totidem Princeps, totidem Pilius habebat

Ouidius
explicatus.

Corpora, legitimo quique merebat equo.

Non solùm, inquit, peditum genera in decem quæque
partes tributa, sed & eques. Nam & ille habuit decem
Turmas. Hæc mens: & sunt igitur Turmæ in Alâ, quod
Cohortes in legione: & Decuriæ, quod Manipuli. Ter-

M 2

næ enim

næ enim in Turmâ. Quod autem scripsit *legitimo equo*, aspectare equum publicum videtur & legibus datum: etsi is profectò nondum sub Romulo.

DIALOG. VII.

Sociorum diuisio, & numerus. Extraordinarij, Ablecti, Alares, & Ala.

ABSOLVI Ciues, Socios admitto: nisi quid tu me tenes. A V D. Ego te? tu me verò, vt suos à linguâ deuinctos Hercules ille Gallicanus. Quin perge, & tu Sol (si imperium mihi, quod olim Ioui, sit) siste. L I P S. Polybiana hæc igitur lege:

POLYB. Οἱ πρῶτον μὲν τοῖς ὑπάρχουσιν ἑκαστοῖς ἀποδοτέους ὡς τὴν ἀληθινὴν χρεῖαν ἐκ πάντων τῶν ὡς αὐτοῖς συμβαλόντων συμμάχων ἵππεῖς ἔκ πεζοὺς ἐκλέγουσι, τέτρες καλοῦντο ἐκτραορδιναίους. ὁ μετὰ τούτοις ὁμοῦ, ἑκλεκτοὺς δὲ τοῖς ἑκαστοῖς γίνονται τὸ πᾶν τῶν συμμάχων, τὸ μὲν τῶν πεζῶν, παρέχον τοῖς ῥωμαικοῖς στρατοπέδοις, ὡς τὸ πολὺ τὸ ἴσον τῶν ἵππεων, διπλάσιον. ἐκ δὲ τούτων λαμβάνουσι τὴν μὲν ἵππεων εἰς ἑκτὴν ἑκλεκτοὺς ἑκλεκτοὺς τὸ τρίτον μέρος. τῶν δὲ πεζῶν τὸ πέμπτον. οὗτοι δὲ λοιποὺς διᾶλθον εἰς δύο μέρη, ἓκ καλοῦσι τὸ μὲν δεξιὸν, τὸ δὲ ἀριστερὸν κέρας.

Præfecti primùm ex omnibus sociis aptissimos eligunt ad proprium usum, Cōsulum, tam equites quàm pedites, quos vocant Extraordinarios. Id valet interpretatum, Electi. Multitudo autem omnis sociorum est, peditum quidem par Romanis legionibus, vt plurimum; equitum dupla. Ex his accipiunt equitū quidem in Extraordinarios partem, admodum tertiam: peditum, quintam. Reliquos diuidunt in duas partes, appellantque alterum Dextrum, alterum Sinistrum cornu.

Hæc

Hæc ille de Sociorum diuisione, numero, & ordine breuiter, & miscet equites peditesque. Sed res intellegitur, & ego explicatiùs dicam. Ait:

„ *Præfeti.*] Ita ij dicti qui sociis præerant, vice Tribunorum, de quibus postea. Ij ergo nunc diuidunt & ordinant, sicut in legionibus Tribuni.

„ *Tam equites quàm pedites, quos vocant Extraordinarios.*] Obseruabis, pedites equitesque sociorum in duo velut corpora diuisos, nec habitos omnes vnà. Id ordinis ^{Diuisi & distracti socij.} causâ factum vt non nego; ita suspicor etiam securitatis. Nam cùm equites dupli essent ad legionarios, pedites numero pari: viri prudentes Romani (profectò ita fuerunt) non pro bono suo censuerunt coire omnes in vnum, vbi visu & æstimatione sui fiduciam caperent, & animos fortasse nouandi. Occultum sed verum dogma est, ad continendam militarem fidem, saluberrimum viribus non misceri. Itaque abiunxerunt, muneribus & nominibus, etiam distinctos. Pars *Alares* fuerunt; pars

Extraordinarij, de quibus primò agit. Ea vox, inquit, ^{Extraordinarij.} notat electos & eximios: quod verum est, & Ordinarij qui sunt in vulgo. Suidas hunc Polybij locum adspexit: *Ἐκτετατοῦς, ῥωμαϊκὴ λέξις. ἀλλοὶ δὲ Πιλέκτους: Extraordinarios, Romanus sermo. significat autem electos.*

Quanti isti fuerint, partitè dicit: Equites, inquit, ^{Equites inter eos. Numerus.} *tertia pars*: id est, è sexcentis *ducenti*. Tot enim in cornu vno sociorum fuerunt. Horum equitum mentio certa in Li-

uio: *C. Scribonium Præfectum socium ad vallum hostium cum equitibus Extraordinariis sinistra ala mittit.* ^{Lib. xl.}

ambigua alibi: *Cedere inde ab Romanis dextra ala & Extraordinarij cæpere.* ^{Lib. xxv.} Iterumque: *Sinistra sociorum ala* ^{Lib. xxxv.}

& Extraordinarij in primâ acie pugnabant. Dico ambi-

gua. quia etsi suspicetur quispiam ob *Ala* nomen adiunctum de equitibus capiendum; fortasse fallitur, & magis est utrosque pedites hîc capi. Mox dicam. Certè

Etiam pedites.

Eorum numerus.

Lib. XXXIII.

Quot istae cohortes.

Lib. XL.

Ablecti Extraordinariorum.

Quam multi.

& *Extraordinarij* pedites, ut Polybius palàm nunc asserit, & numerum etiam pandit. Fuêre, inquit, *pars quinta*. Nempe totius cornus. id autem legionem plurimùm æquabat: ergo è *quater mille ducentis* essent in *Extraordinarios octingenti quadraginta*. Quid si maior numerus sociorum, ut sæpe? crescebant & isti, sed ad modum dictum. Horum mentio item in Liuius: *Cohors Extraordinaria missa à Consule ad tuendum Quæstorium*. Et statim: *Quarta legio cum duabus Extraordinariis cohortibus portâ erupit*. Imò videtur & numerum alibi præire: *Quattuor Extraordinariis cohortibus duas adiunxit præposito M. Valerio*. Quattuor ecce facit, & duas adiungit siue Legionarias siue Alares. Sanè ille numerus *octingentorum quadraginta* aptissimè diuidatur in duas cohortes plenas, singulas *quadringentorum viginti*. Adde totidem è cornu altero, habes quattuor Liuianas. Sed tamen, ne te fallam, tam plenas eas fuisse non est censendum. Nam Polybius, etsi hîc nihil, tamen in castrorum positu suggerit, quod aliò nos vocet. Nam illîc disertè ex utroque isto genere capit & detrahit τὴν Ἀπλέκτων (ita loquitur) ὑπολέκτους: *Extraordinariorum ablectos*. Atque ait certam manum secerni ex istis solitam, qui semper iuxta Consulem, in viâ, in castris, in pugnâ, velut satellites quidam aut custodes. Nunc nota, in loco magis videbimus. Quot ergo opinamur istos fuisse? Opinamur. nam ipse numerum expressit nusquam. Si è *ducentis* equitibus (tot dixi *Extraordinarios* fuisse) *quadraginta* detrahas in vnam Turmam *Ablectorum*, meo animo sit fatis.

fatis. Ita in Consulari exercitu duas habebit Consul. Reliquæ erunt Turmæ Extraordinariorum quattuor, & iterum quattuor, ex vtrâque Alâ. Quid in peditibus? censeo cohortes quattuor vtriusque cornus fuisse, ex Liuiio: sed quales reliquæ sociorum, minus grandes, & hominum *trecentorum triginta sex*. Ita vna cohors iusta supersit in *Ablectos*. In quoque enim cornu diximus octingentos quadraginta fuisse: deduc *sexcentos septuaginta duos* in cohortes binas, dimidiata vna superest, homines *centum sexaginta octo*. Nectenda deinde & explenda alterius cornus dimidiatâ alterâ. Frontem ad ista contrahis? tristiora aut minutiora sunt: sed semel intelligenda ad seriam & plenam militiæ cognitionem. AVD. Non hercules mihi tristia. & si à se talia, tamen vt lupini affusâ aquâ macerantur & mitescunt: sic ista disertatione tuâ & linguâ. LIP S. Mi Auditor omitte. nam eloquentiæ quis hîc locus? quin verè hæc talia sunt quæ ornari negant, contenta doceri, vt olim poëta. Sed habes Extraordinarios: pergo.

„ *Multitudo peditum quidem par Romanis legionibus, equitum dupla.*] Vniuersè nunc definit de totis peditibus, totis equitibus sociorum. Et illi, inquit, vt plurimum, æquant legiones; isti excedunt. Liuius in eâdem sententiâ: *Scribebantur quattuor ferè legiones, alterum tantum ex Latino dilectu adiciebatur.* Et alibi: *Socij duplicem numerum equitum darent, pedites æquarent.* Denique & posteriori æuo plurimum hoc seruatum. vt in Suetonij Tiberio: *Bellum per quindecim legiones, parèmq; auxiliorum copiam gessit.* Et testimonia plura, quæ tute notabis. At enim in hac re variatum sæpe, idque iam olim: vt non frustra adiectione sibi cauerit Polybius, vt plurimum.

Numerus
sociorum.

Par ferè
Romanis.

Lib. viii.

Lib. xxi.

Cap. xvi.

Interdum
aliter, imò
sæpe.

plurimum. significans vulgò id fieri, & nisi temporì aut Patribus aliter visum fuisset. Nam hæc duo temperabant; & sæpe necessitas aliqua maiorem numerum imperabat, sæpe arbitrium Patrum. Equidem reperio post bellum Punicum secundum plures Sociorum ferè lectos: quidni? totâ Italiâ iam domitâ, & in societatem

Parte ter-
tiâ supe-
rant.

armorum adscitâ. Liuij libros si vides (non onero te exemplis:) ferè inuenies tertiâ aut alterâ parte socios excessisse, sed tertiâ creberrimè. Imò Liuius hoc quasi certum

Lib. xl.

& legitimum (aliter ac Polybius) refert: *Novus totus exercitus Consultibus decretus, bina legiones cum suo equitatu, & socium Latini nominis, quantus semper numerus, quindecim millia peditum, & octingenti equites*. Sed verba aut

Inuolutus
Liuij locus.

scriptio mihi incerta. Itane *semper* is numerus? Tu me longè aliter doces (vt Polybium hic omitam) libros tuos singillatim euoluentem. Iam addis etiam de *octingentis* modò equitibus: & hoc credam *semper* fuisse? Imò profectò *mille ducenti* esse debebant, ex more. Quid faciam huic loco? corrigam, quia sententiam non dirigo, faciamque: *quantus tum semper*, vocolâ istâ insertâ,

Correcti-
culâ euo-
lutus.

quæ adstringit & alligat ad tempora illa & annos. Credo verum esse. & cùm percurro eos libros & res sub bella Macedonum aut Antiochi gestas, sæpe reperio talem illum numerum, etiam in equitibus ipsis. Credes tu hoc nobis, aut quæres. Ita tum igitur: at paullò post, Polybij iterum æuo reditum ad priscum morem, & pedites vulgò alteri tanti, equites dupli scripti. Lubet quærere, cur equites magis dupli? Quia, opinor, latè socij per opida & agros sparsi: eoque facilius habere iis equos & tolerare. At Romani nec censu multi nimis equites tunc erant: & in vnâ vrbe haud tam commodè habebant.

Equites
cur plures
& sociis.

„ Appel-

„ Appellant alterum *Dextrum*, alterum *Sinistrum cornu*.] Numerum dedit, nunc diuidit. & est, inquit, distributio simplex, qualis legionum: faciuntque duas partes, etsi non legiones, sed *Cornua* appellant. Ita vox Græca ^{Cornua sociorum.} sonat: an pro mente tamen Polybij reddita? an pro re & more? Dubito, imò non dubito. Cedò exemplum vnum, vbi *Cornu* hac significatione, & peculiariter Socios notet, ego cedo. Scio & nimis memini, passim *Cornu dextrum* aut *sinistrum* legi in acie: sed tam de legionibus quàm de Sociis, nec de istis seorsim. Quid ergo ego? aliam vocem Latinam suggero, quæ sit in hunc sensum. Ea est, *Ala*. Dico *Alam dextram* & *sinistram* vocatas ^{Ala in peditibus.} partes illas duas sociorum. A V D. Ne calor te Lipsi auferat. & scin' de peditibus non de equitibus sermonem hunc esse? LIPS. O tuam prouidentiam! abripiebar, nisi reuocasses. Quin file homo, ego de peditibus probè me scio loqui, & *Alas* iis adsigno, præter vulgi ac tuam, vt video, mentem. Atqui res firma est: & Liuiana hæc audi. Primùm: *Dextera ala* (*in alas diuisum socialem exercitum habebat*) ^{Lib. xxxi.} in primâ acie locata est, in subsidiis duæ *Romanæ legiones*. Totam narratiunculam vide, consenties statim de peditibus hæc palàm & altero illo cornu scripta. Atqui vt nouum refert, *diuisum in alas exercitum habuisse*: fallor ergo qui apto hoc ad morem. Imò litterula elapsa nos fallit, & omnino scribendum: *habebant*, ^{Lenis correctio, sed cum momento rei.} numero multitudinis. Studiosè enim Liuius hoc ipsum, quod nunc ego, notat: & tunc, inquit, moris diuidi socios in duas *Alas*. Notat ideò, quia eius æuo & diu antè non iam socij: nec omnibus fortasse hoc gnarum. Iterùm: *Egregiè legiones, nec segniùs duæ ala pugnabant*. ^{Lib. xl.} Instructionem hîc pugnae & ipsam totam vide, certum

N

est

Lib. xvii. est pedites intellegi sociales. Tertiùm: *Prima legio & dextra ala praelium inibant.* Et ibidem: *Prima legioni tertia, & dextra ala sinistra subiit.* Vtrobique cum legionibus iungit & pariat, & nihil in iis pugnis videbit qui hoc non videt. Sed & suprà in Extraordinariis exempla quæ adduxi, faciunt istuc. Iam clarissimè & ἀναπόπτως hoc euincunt, *Alares cohortes.* Quæ enim istæ sunt? non aliæ quàm sociales, & quæ in duabus istis alis. Ecce ista Liuij: *Sp. Nautius dux alaribus cohortibus erat.* Et ne de pauculis suspicere aut cauillere, numerum ipsum expressit qui in utroque cornu. Nam mox ait: *D. Brutum, Scæuam legatum cum legione primâ & viginti alaribus cohortibus ire aduersum hostem iubet.* Erant ibi duæ legiones, & duæ Sociorum alæ: ergo tot cohortes. Quin ibidem etiam clarè à Legionariis seiungit. Sed & in Cæsare *Alarij* hoc sensu. De pugnâ cum Ariouisto: *Omnes alarios in conspectu hostium pro castris minoribus relinquit, quòd minus multitudine legionariorum militum pro hostium numero valebat, ut ad speciem alariis uteretur.* Mens ibi & consilium Cæsaris, non disiungere legionarios, sed vnâ habere ad pugnam: alarios autem, id est auxiliares & socios, pro castris alteris *in speciem*, ut loquitur, relinquere, terrendo hosti aut distinendo. Reuera enim huic manui (è Gallis plerique erant) non nimis fidebat.

xx. Ciuil. Iterùm in Cæsare hæc vox: *Legionibus completis duabus Varro, cohortes circiter triginta alarias addidit.* nempe auxiliares ex Hispanis. Ita in Capitolino: *Albino ex familiâ Ceioniorum duas cohortes alares dedi regendas.* Et iamne de pedestribus alis tibi persuasi? A V D. Non, sed extorsisti: cedo, credo, & cum meo bono. Nam hæc talia legebam magis antea quàm capiebam. L I P S. Ergo pergamus.

Lib. x. *Alares cohortes.*

Cesar explicatus. 1. Gallic.

In Clod. Alb.

pergamus. quò? porrò diuidere pedites, quod Polybius omittit. Quare? quíane similia omnia Romanis, exceptâ tamen cohortium frequentiâ? Nam cùm detracti sint *octingenti quadraginta* in Extraordinarios, palàm est remanere in Alam non nisi *ter mille trecentos sexaginta*. Diuide in cohortes decem: id quoque liquet, singulas *trecentorum triginta sex* esse. Cetera igitur similia. & hoc est quod Liuius asserit in bello cum Latinis: *Eodem ordine Latini instruxerant aciem, nec vexilla cum vexillis tantum, Hastati cum Hastatis, Principes cum Principibus, sed Centurio quoque cum Centurione, si ordines turbati non essent, concurrendum sibi esse sciebat.* Necesse enim est & Manipulos, & Centurias siue Ordines, eadem cum Romanis habuisse. Nos tamen ambigimus leuiter, an Polybij æuo sic factum. Primùm, quia ipse tale nusquam: sed nec Liuius temerè (excipio libro primo, ubi *manipulos Latinorum* nominat) nisi cohortes ingerit sociorum. Secundò, quia in castris metandis Polybius ciues quidem per manipulos distinguit; in sociis nihil tale, sed locat saltem per decem corpora, velut cohortes. Tertiò, quia posteriore etiam æuo cohortes auxiliorum legis, non manipulos, aut Hastatorum, Principum, Triariorumque distinctiones. Denique ex istis Polybij argumentum, quòd Extraordinarios tot decerpit. Si ita, flos ipse & robora abierunt, qui sunt reliqui in Triarios? Tamen haud temerè hoc decido, imò etiam in æquabili lance, & mediâ quod dicitur aginâ, adhuc nuto. A V D. Quiescere te video: res de Sociis facta? L I P S. Facta. A V D. Atqui Alæ peditum ab illis equitum te abduxerunt, & de iis nec verbum. L I P S. Iure suggeris, redeo & iam dico. Equites, cùm duplos ita po-

Decem cohortes sociorum.

Lib. VIII.

An & Manipuli & Ordines.

Ala eques.

Quanta
fuerint.

In Iug.

Ala pro-
pria de So-
ciii.

Lib. 11.
cap. 1. &
seq. vide.

Lib. xlix.

Lib. xl.

Lib. xxiv.

Glossa
eiectum e
Liui.

nimus, fuere in quamque pedestrem alam *sexcenti*: de-
tractis autem Extraordinariis, non nisi quadringenti.
Hic quoque numerus *Ala* dictus, & ipsi illi equites *A-*
lares. An non confusio in hac re? non, quia ferè equites
addebant, aut *cohortes*: aut certè narratio indicium fa-
ciebat. De his in Sallustio: *Ipse Marius cum equitibus*
sinistra ala esse. Non nisi sociales intellege, sicut & Vege-
tius distinguit. *Ala dicuntur*, inquit, *equitum*, quod ad si-
militudinem alarum ab utraque parte protegent acies, qua
nunc vexillationes vocantur. Est & aliud genus equitum,
qui *Legionarij* vocantur, propterea quod connexi sint legio-
ni. Facit idem postea: etsi haud negem *Alam* commune
nomen esse, & interdum de Romanis etiam dici, sed
(apud veteres quidem) perrarò. Liuius, de Scipione qui
trecentos iuvenes florentes aetate ad Sicularum equos
transscripserat: *Egregiam hanc alam equitum euasisse fe-*
runt. Ipsi viri & numerus sunt Romani. Sed exempla
hæc, ut dixi, perrara. *Alarij* de sociis in Liuius: *Alarij equi-*
tes, postquam tam memorabile facinus equitum Romano-
rum videre. Distinguit planissimè. atque iterum alibi:
(*Liuium Salinatorem, qui præerat alariis equitibus, quàm*
concitatißimos equos immittere iubet, & legionarios equi-
tes in subsidiis esse. Hoc ille in pugna quapiam L. Corne-
lij Consulis cum Gallis Boiis. in cuius principio erro-
rem non te celo, aut veriùs culpam. Nam scribitur: *Sini-*
stra sociorum equitum ala & Extraordinarij in primâ acie
pugnabant. At ego assero equites ibi nullos fuisse, & te-
merè per inscitiam insertos. Scripserat Liuius: *Sinistra*
sociorum ala: & pedestrem intellexerat illam partem.
Sciulus quispiam, qui Alas non nisi in equitibus norat,
eos iniunxit. Malè. ni ita sit (totam narrationem vide)
nunquam

nunquam mihi apud te stet fides. Sed nec olim solum
Alares socij, sed etiam postea Auxiliares dicti. Tacitus: 111. Hist.
Alares Pannonij, robur equitatus. Iterum: *Alarios equites* Annal. 111.
& leues cohortium mittit. Sed satis hæc firmauimus, por-
 rò imus. A v d. Reprehendo, & leuiter etiam sisto.
 Quanta hæc ala fuerit, dictum à te non doctum. LIPS.
 Ergo semper testes? ad morem me vocas, video, qui
 obtinuit: non inutilis herclè, vt omnia exemplis firmen-
 tur, sed tamen cum ambitione coniunctus sæpe, & inte-
 rim cum tædio lectoris. Audi. Quadringenariam hanc Numerus
in Alâ.
 socialem fuisse verè dixi, & Polybius euincit. Postea
 quoque tanta, ex Hirtio in elegantissimo libello (ita
 enim est) belli Africani: *Postquam equites quadringenti*
Juliani vim hostium sustinere non poterant, Caesar alteram
alam mittit, quæ sat agentibus celeriter accurreret. Vides
Alam dici quadringentos. Sed & grandiores tamen
 quædam fuere. vt in Liuiio: *Campanorum ala, quingenti*
ferè equites. In eodem alibi: *Nymidarum ala equites* Lib. x.
quingenti Nam *milliarias* quoque in Iulio Hygino lego:
 & in lapide prisco: PRÆF. ALBRITANNICÆ. MILIAR.
 Sed quanquam paullò grandiores, mansit tamen diui-
 sio illa in decem Turmas, ipsas quoque scilicet paullò
 pleniores. Hoc in Sociis fuisse Polybij castrensis metatio
 liquidò ostendit. An postea, & semper? negat Hyginus,
 & in manuscripto eius codice ita lêgi: *Ala habet turmas*
sedecim, decuriones & reliqua prout numerum turmarum.
 Non de nostris & communibus eum credo loqui, &
 fuerint tunc maiores. Dat & Tacitus suspicari: *Quat-* 11. Hist.
tuor equitum turmas, vniuersam Treuirorum alam cum
Julio Claßico misit. ex quibus pars in coloniâ Foroiulienfi
retenta, duodecim equitum turma aduersus hostem ière.

Si pro priscâ diuisione scriptum, duæ solæ turmæ re-
 manferint: si pro Hygini, octonæ. Sed & Turmas præ-
 Lib. xviii. grandes Ammianus facit, numeratque, *Duarum turma-*
rum equites circiter septingentos. Sed aut *septuagenos* cor-
 rigendum est, aut voce eâ latè abusus, non nouum il-
 li æuo.

DIALOG. VIII.

De Centurionum numero, ordine, prerogatiuâ, de Optio-
nibus, Primopilis, omnia accuratè.

Diuisio
 ducum.

IAM denique bonâ fide pergimus, nec te moror si mo-
 raris. Absolui de *Ordine in militibus*: alter in *Ducibus*
 superest, utilis atque etiam iucundus. Duces sunt duo-
 rum generum, *Proprij & Communes*. Illi qui certa alicui
 & uni parti præsum: isti, qui communiter omnibus. In illo
 genere *Centuriones* sunt & *Tribuni*: in isto, *Legati &*
Imperator. Videamus singulos, & *Centuriones* pri-
 mum: de quibus sic Polybius:

Εξ ἐκάστου δὲ τῶν περὶ
 ἐκείνων ἡρώων, πλὴν τῶν
 νεωτάτων, ἐξέλεξαν ταξιάρ-
 χους ἀριστὶνδλῶ δέκα. με-
 τὰ δὲ τούτους, ἑτέρων ἐκλο-
 γῶν ἄλλων δέκα ποιοῦν-
 ται. καὶ τούτους μὲν ἅπαν-
 τας περὶ στήθεσιν ταξιαρ-
 χους. ὧν ὁ πρῶτος αἰρεθεὶς,
 καὶ συνεδρίου κοινωνεῖ. περὶ
 ἐκλέγονται δ' οὗτοι πάλιν
 αὐτοὶ τοὺς ἴσους οὐραγούς.

Ex quoque autem dictorum
 Generum, exceptis natu mi-
 nimis, eligunt Ordinum du-
 ctores, secundum virtutem,
 decem. Post istos alterâ ele-
 ctione iterum decem: atque hos
 omnes appellant Ordinum
 ductores. quorum is qui pri-
 mus electus est, etiam consilij
 particeps fit. Isti autem rur-
 sus eligunt totidem Uragos
 quos dicunt, siue Tergi-duces.
 Post

ἐξῆς δὲ τούτοις μετὰ τῶν ταξιάρχων διείλοντο αἱ ἡλικίαις ἐκάστῳ εἰς δέκα μέρη, πλὴν τῶν γεσφομάχων· ἃ προσένειμαν ἐκάστῳ μέρει τῶν ἐκλεχθέντων ἀνδρῶν, δύο ἡγεμόνας, ἃ δύο ὑπαρχοὺς. τῶν ὅ γεσφομάχων δὲ τὸν ἑπιτάλαυντας καὶ τὸ πλῆθος, ἰσὺς ἑπὶ πάντα τὰ μέρη διένειμαν, καὶ τὸ μὲν μέρος ἐκάστον ἐκάλεσαν ἃ τάγμα, καὶ ἀπεῖραν, ἃ σημαῖαν· δὲ τὸν ἡγεμόνας κεντυρίωνας, ἃ ταξιάρχους. οὗτοι δὲ καθ' ἐκάστην ἀπεῖραν ἐκ τῶν καταλειπομένων ἐξελέξαντο αὐτοὶ δύο, δὲ ἀκμαϊτάτους καὶ ἡναισιότατους ἀνδρας σημαιοφόρους. δύο δὲ καθ' ἐκάστον τάγμα ποῖσιν ἡγεμόνας, εἰκότως. ἀδήλου γὰρ ὅτι καὶ οὗτοι ποῖσαι, καὶ οὗτοι παθεῖν τὸν ἡγεμόνα, τὴν πολεμικῆς χρείας ἐκ τῆς ἀνδεροφειδίας πείρασιν, ἃ δὲ ποτε βούλονται τὴν ἀπεῖραν χαλεπὴν ἡγεμόνα εἶναι ἃ πείρασιν. παρόντων μὲν ἐν ἀμφοτέρων, ὁ μὲν πρῶτος αἰρεθεὶς ἡγεῖται τῶν δεξιῶν μέρους τὴν σπείραν· ὁ δὲ δεύτερος τῶν ἀριστερῶν ἀνδρῶν τὴν σημαίαν· ἃ χειρὶ τὴν ἡγεμονίαν. μὴ παρόντων δὲ ὁ καταλειπόμενος ἡγεῖται πάντων.

Post hac deinde una cum Ordinum ductoribus diuidunt aetates singulas siue Genera, quamq; in decem partes: Et adtribuunt cuique parti ex uiris iam electis duos duces, et duos Uragos. Reliquos autem Velites, uti multitudo est, diuidunt aequabiliter in omnes partes. Atque harum quamque appellant Ordinem, et Manipulum, et Signum: ipsos autem duces, Centuriones et Ordinum ductores. Qui etiam ex reliquis eligunt duos, vigore corporis et animi praestantes, Signiferos. Duos autem in quemq; manipulum duces faciunt, merito. quia cum incertum sit quid quisque facere aut pati possit, nec res bellica excusationem capiat, nunquam uolunt manipulum sine duce esse. Vtroque igitur praesente, qui prior electus est, praest Dextra parti manipuli; qui secundus, Sinistra. Cum autem alter non adest, is qui relinquitur praest omnibus.

Hæc

Hæc sunt quæ noster doctor de numero & ordine inter se Centurionum, paucis benè intellecta etiam eruditiorum. Equidem in claram lucem dare enitar, tu animum & aures mihi. Ait:

„ *Ex quoque dictorum generum.*] Verba si examinas, efficiunt, non solum in quoque genere creatos Centuriones, sed ex quoque genere. Sic ut Hastati ex Hastatis, & deinceps. Quod in primâ istâ ordinatione servatum fortasse, aliàs sæpe neglectum aut calcatum: cum è genere in genus ad honestiores ordines, virtutis alicuius causâ, transferrent.

Centuriones primi,
è suo quisque genere

„ *Exceptis natu minimis.*] Ij sunt Velites, qui nec signa propria habent nec duces.

Tribuni
assignant
ordines.

„ *Eligunt.*] Ipsi Tribuni, ex sermonis contextu: sed sic ut Consulum iussu aut permissu. Nam isti profectò ordines dabant, attollebant, pro arbitratu. Apud Liuium:

Lib. xl.

Consul deprecatus est Tribunos plebis, ne prohibeant si quem cuique ordinem assignari è republicâ sit, eum assignare. Attamen vsi sub initium, & vbi tam multi assignandi, operâ Tribunorum. Itaq; & de iis apud Liuium Sp.

Lib. xl.

Ligustinus: Ordinem, quo me dignum iudicent Tribuni militum, assignare ipsorum potestatis est. Ibidem: *Tribuni militum in legione primâ primum pilum ei virtutis causâ assignarunt.* Nota, quòd ait sollenniter *virtutis causâ*: in formulâ id fuit, & iam sequitur in nostro:

Ob virtutem dati.

„ *Secundum virtutem.*] Quæ vtraque intellegenda, animi & corporis: sed maximè ista militaris. Lucanus de Scæuâ:

Lib. vi.

— *ibi sanguine multo*

Promotus, Latiam longo gerit ordine vitem.

Significat ob strenua facta multasque cædes promotum.

tum. *Promotum* dico, quæ frequens & velut propria in hac re vox est: eoque sensu Suidas: *ἀνὰ πρῶτον*: *Promotus*, qui prouehitur & ascendit apud Romanos. Exemplata tibi vltro obuia. A fortibus factis igitur promotio: & hoc milites reddebat fortes. In Tacito pluscula & ordine expressa, quæ hîc spectabant; dabo verba. *Centurionatum*, inquit, *Germanicus inde egit. Citatus ab Imperatore, nomen, ordinem, patriam, numerum stipendiorum, quæ strenuè in præliis fecisset, & cui erant donaria militaria, edebat.* Priora ad notitiam viri aut honestatem spectant, posteriora ad hanc rem propriè, & à strenuè factis aut donariis maximè promotio. De his Lucanus significat:

*Promoti,
& Promotio-
nes.*

*Requisita
in centu-
rione.
1. Annal.*

— *summitum munera pili*

Lælius, emeritique gerens insignia doni,

Servati cuius referentem premia quercum.

Significat, inquam hunc Lælium ciuicâ insignem fuisse, & ob id quoque Primopilatu donatum. Non est dubium, quin ista res inter firmamenta fuerit militiæ Romanæ: & infractam eam, cum hæc neglecta. Vegetius de suo æuo queritur, *Legionum robur infractum, cum præmia virtutis occuparet ambitio, & per gratiam promouerentur milites, qui consueuerant per virtutem.* Benè Vegetius, & ita post Augustum paullatim factum. Nam & ipsi Principes inter beneficia cœperunt dare, & ab iis petebantur. Plinius de amico quodam: *Huic ego ordines impetraueram.* Capitolinus: *Per Lollianum Auitum consulare virum ordinis ducendi dignitatem petiit.* Nec aliâ mente Iuuenalis:

*Lib. ix.
cap. 111.*

*Per gratiã
dati ordi-
nes.*

*Lib. vi.
cap. xiv.*

— *perlege rubras*

Maïorum leges, aut vitem posce libello.

Sat. xiii. vsq.

O

Quin

Centurio-
nes à cēsu.

Quia & census rationem habitam video, & quosdam ditiores statim ab initio Centuriones factos, sine militia aliis rudimentis. Mihi hoc Dio Cassius dicit, apud quem Mæcenæ suadet Augusto, *recipi in Senatum quos-*

Lib. LII.

dam Centurionum, modo non eos qui aliquando inter gregarios meruissent, & corbes ac storeas portassent. id enim indignum & turpe. ἐκ τῶν δὲ τῶν ἀπ' ἀρχῆς ἐκατὼς ἀρχισάντων ἔθεν κωλύειν τοὺς ἐλθοῦσι μάλιστα αὐτῶν μεταλαμβάνειν. *ex iis verò qui ab initio & semper Centuriones fuissent, nihil impedire prudentissimos eorum assumere.* Facit huc fortè il-

Lib. II.
Contr. I.

lud Portij Latronis apud Senecam: Census in castris ordinem promouet, census in foro iudices legit. Quid, quòd etiam aliter facti per opes? emebant. Sed hoc apud turpes, & cuiusmodi Pisonem Cicero carpit: quem ait, *Centurionatus palam vendidisse, ordinésque per seruulum assignasse.* Seruulum, non Tribunum, & interpretem nempe nundinationis.

Orat. in
Pison.

„ *Decem.*] Hæc est prior electio, & ita fiunt triginta.

Causa inter
rate ele-
ctionis.

„ *Alter à electione iterum decem.*] Adnota. duplex electio: & quo fine? cur non vno labore atque operâ defuncti, & statim initio legerunt *sexaginta*? Noluerunt, & est hæc causa. Triginta manipuli sunt in legione, ut diximus: in quoque Centuriones duo. Ut igitur constaret vter ex iis prior & quodam genere dignior esset, duplex hæc electio facta, & in quoque suo manipulo prælati electi illi primi. Mox magis aperiemus. Nota & amplius, clarissimè ex his verbis elici & asseri *sexaginta* Centuriones: quos etiam Tacitus, in verbis quæ suprâ de numero legionum dedi: *Sexageni singulos, ut numerum Centurionum adequarent.* Sed & Dionysius vbi de
Primi-

Sexaginta
Centurio-
nes.

I. Annal.

Primipilo, verbis infrà reddendis. Liquidum hoc est, & omnis ordo sic poscit: vbi mentem viri docti & harum quoque rerum curiosi habent, cùm *triginta* modò statuunt ex Polybij mente? valdè errant. Quid tamen insultem?

Ἀμαρτάνει τε καὶ σοφοῦ σοφώτερος.

Et labitur sapiente vel sapientior.

ait quispiam. Illi hîc, ego alibi: maximè ille, qui minimè se putat.

Qui primus electus est.] Primopilum intellegit Ergo clarum, electionem istam factam primùm in Triariis, tum Principibus, tum Hastatis: ordine scilicet dignitatum.

Etiam consilij particeps sit.] Pluribus eminuit iste Primus; etiam eo, quòd more & iure ad Consilium venit. Militare accipiliquet. in quod primò omnium Legati veniendi ius habebant & Tribuni. Equabatur igitur quadam parte istis. Liuius de prioribus Lib. IX: *Ad*

Consilium
militare.
Equibus?

Consules maestos, nec aduocantes quidem in consilium, sua sponte Legati ac Tribuni veniunt. De isto Cæsar: *Labienus noctis Tribunis militum primisque ordinibus conuocatis.* Iterùm: *Ad Consilium rem deferunt. L. Cotta compluresque Tribunum militum & primorum ordinum Centuriones nihil temerè agendum censebant.* Istos Primopilos

Legatis ac
Tribunis.

vi. Gallic.

v. Gallic.

Et Primopilis.

vtrobique intellegi probabile est, ac cum iis, primos Principes & Hastatos. Etsi interdum plerosque omnes Centuriones aduocatos legam: sed pro tempore, & arbitrio Ducis magis, quàm more. Cæsar instante pugna

Interdum
& alii Centurionibus.

in Ariouistum: *Conuocato consilio, omniumque ordinum ad id consilium adhibitis Centurionibus.* Interdum & Equites admixti, digniores scilicet militum, & Centurionibus æquandi. Cato Priscus apud Liuium, bello Hi-

1. Gallic,

Et equitibus.

O 2 spaniensi,

Lib.
XXXIII.

Dubitatio
in Liuji
verbis.

spaniensi, *Conuocari Tribunos Præfectosque, & equites omnes, & Centuriones iussit.* Et Præfectos inibi accipiam Sociorum, qui Tribunis pares. Miror tamen de *omnibus equitibus*: nam duas legiones Cato habuit, ergo equites sexcentos. Adde centum viginti Centuriones, duodecim Tribunos, totidem Præfectos sociales, concio ista non consilium. Dubitavi legere: *Præfectosque equitum omnes.* Atque ij sint Decuriones, meritò sanè vocati vbi omnes Centuriones. De equitibus aliquid indicasse Virgilius videtur:

Lib. IX.

*Ductores Teucrùm primi, & dilecta iuuentus,
Consilium summis regni de rebus habebant.*

Vt quid enim *iuuenes* consilio tam arduo miscet, nisi consideratione Romani moris (ita poëta hic amat) quo equites admissi? qui ferè è iuuentute.

„ *Isti autem rursus eligunt totidem quos Vragos dicunt.*] Qui autem *isti*? Centuriones, vt videtur, iam lecti: illi inquam *Vragos* sibi legunt. Sed quos? & quo Latino nomine dictos? iamdiu equidem ambigo & quæro.

Qui Vra-
gi Polybio.

An agmi-
nis coacto-
res?

Cap. XLV.

Si Græcanicam vocem intueor, dixerim esse *Agminis coactores*. Horum cùm alibi, tum in Suetonio, mentio: *Renunciantes coactum agmen, sicut erant, loricated ad discumbendum adhortatus est.* Atque hi profectò à fine & à tergo curant. Si tamen hos intellegit, & si ordinarium hoc munus, mirum non ab historiæ aut militiæ scripro-

An Optio-
nes?

re dictum aut tactum. An magis est *Optiones* hîc accipi? quos ipse cùm Græco verbo reddere non posset, simili notificauit? Credo hos esse. eò magis quòd à *Centurionibus* lectos dicat: & sunt sanè isti subsidia & velut vicarij Centurionum. In Festo: *Optio qui nunc dicitur, antea dicebatur Accensus. Is adiutor dabatur Centurioni à Tribuno*

Qui sint
isti.

Tribuno militum: qui ex eo tempore, quem velint, Centurionibus permissum est optare, & nomen ex facto sortitus est. Clarius scribatur: qui ex quo tempore. Nam hoc sentit dicitque Festus, antea *Accensum* dictum, cum Tribunus eum daret: sed postquam Centurioni optandi eligendi que ius fuit, factum *Optionem*. Nonius similiter: *Optiones in cohortibus, qui sunt honesti gradus, ut optatos, quod est electos.* Et Vegetius: *Optiones ab optando appellati, quod antecedentibus agritudine impeditis, hi tanquam adoptati eorum atque vicarij solent curare.* Quod aliquid etiam pro Polybij verbo. nam significat ipsos Centuriones antecessisse, istos a tergo fuisse. Et an fortasse in acie sic positi? opinor, etsi testibus haud firmem. Horum & Varroni mentio: *Optiones in turmis, Decurionum; & cohortibus, Centurionum appellati.* Item prisco lapide: BENEFICIARIVS. TRIBVNI. DEINDE. OPTIO. IN. CENTVRIA. In Procopio Latino facto: *Gezon erat quidam inter pedites eius ordinis quos Optios Romani appellant.* Sed & Tacitus inter officia militaria nominat, *Proculum tesserarium speculatorum, & Veturium Optionem, eorumdem:* paullo alio tamen, ut videtur, sensu. Sed in id æuum nunc non inquiri, & aliquid ad Tacitum dixi. An isti nostri sunt, quos *Succenturiones* Liuius? Ita enim bello Latino: *Centurioni primi pili permissum erat ab Consulibus, ut Succenturionem quem vellet legeret.* Credam; & hinc esse originem rei, à bello inquam Latino, occultè ab eo tactam. Nam antea, inquit Festus, Tribuni dabant: nunc permissum, *legeret quem vellet.* Video & in Dione Cassio ἐκ τῶν ἀρχαίων καὶ ὑπομετόνας iungi: id est ad verbum, *Centuriones & Sub-minores:* quasi dicas *Vicarios aut Procenturiones.* Ita acceperim: & notat,

Rescriptum
obiter Festus.Lib. II.
cap. VII.III. de
L.L.Lib. II.
Vandal.

I. Hist.

Succenturiones.
Lib. VI.

Lib. XLII.

tat, eos à Cæsare in Senatum etiam lectos. Simile in Tribunis & Ducibus fuit imo æuo, quorum *Vicarios* in Cæsareis scriptoribus sæpe leges.

„ *Adtribuunt cuique parti ex viris iam electis duos duces.*] Pars hîc manipulus est: tales in legione triginta: & in quâque duo duces siue Centuriones: quid ergo clarius quàm sexaginta eos esse? Mentem aut oculos alibi habuerunt, qui non viderunt.

„ *Centuriones & Ordinum ductores.*] Ipsa Latina vox in Græco est, *χενταριωνες*: sed adspiratè sic scripta. Credo quia sic solet illa ætas. Fabius: *Chorona*, *Chenturiones*, *Prachones* adhuc quibusdam inscriptionibus manent.

Lib. I.

Quot signa in manipulo.

Duo videri.

Lib. VII.

Lib. II. cap. XIII.

„ *Eligunt duos vigore animi & corporis præstâtes Signiferos.*] Ex hac scriptione clarum videatur, duo signa in quoque manipulo fuisse. Nec aliter è Liuius, qui in Ordine locat, id est dimidio manipulo, *Centurionem & Vexillarium unum*. Videtur & Vegetius facere: *Antiqui cohortes in centurias diuiserunt, & singulis centuriis singula vexilla constituerunt*. Dat ecce singula singulis Centuriis: atqui in manipulo centuriæ duæ. Ipse *Vexilla* dicit, sicut & Liuius *Vexillarium*: non quia reuera vela aut panni fuerint (nummi certè aut lapides non ostendunt) sed quia confundunt, & cum *Signi* voce miscent. Nam *Vexilla* propriè olim non nisi equitum. Hæc ita dixerim, sed non sine retractatione & dubio assensu. Nam profectò nimia videtur Signorum illa pluralitas, ut fuerint in legione solâ, peditum sexaginta; equitum dena. Sociorum totidem in peditibus, in equitibus duplum. Nam singulis turmis signa sua fuisse, non videtur ambigendum. Hæc, inquam, tot signa an non confusione fuerint? Accedit Varronis auctoritas, qui aliò ducit:

An fortè & vnicum

Manipus-

Manipulus, minima exercitus manus, quæ unum sequitur signum. De vno ait, non duobus. Ipse Polybius, Manipulum passim *Σημεῖον*, id est *Signum* vertit & appellat: sed *Signum*, non *Signa*. Quid quòd vna modò legionis Aquila, & ea Primopilo commissa? cur non hoc exemplo in ceteris? Denique Cæsar etiam fortasse nos huc inclinet. qui proelio Pharsalico *relata ad se scribit, centum octoginta signa militaria, aquilas nouem.* Atqui legiones Pompeianæ illuc vndecim steterant: ergo signa manipulorum circiter *sexcenta sexaginta*, ex priore illâ sententiâ: quod minimè conuenit in numerum Iulianum. Si enim nouem aquilæ captæ: quæ ratio aut proportio, vt tantum *centum octoginta* è reliquis? Magis autem ea, si vnum modò signum manipulis demus, & tot capta faciamus è trecentis triginta. Minutè hæc deduco: quid refert? non alij inquisuerunt, & semel hæc scire cupido est, non quia delectet *περιχολογῆν*. Quid ergo assero? nihil firmiter, sed propendeo vnicum vni manipulo fuisse. Ad Polybij & Liuij dico, duos quidem Vexillarios dari: sed non consequi necessariò de duobus Vexillis. Possunt enim ita dari, vt alter alterius vicem obeat in defatigatione (grauia enim hæc signa) aut etiam in morbo. Quæ ipsa caussa in Centurionibus duobus à Polybio expressa. Ad Vegetium, parùm is mouet. Nam eius æuo manipuli veri & veteres desierant, eorumque vicem Centuriæ iam erant. Sistit tamen iterùm Liuius, qui disertè tria Vexilla in tribus Ordinibus ponit, libro octauo, verbis suprâ, vbi de Triariis, Rorariis, & Accensis. Itaque hæcere me fateor, nec iurgium hoc discingere. Quidquid sit, illud arbitror, in postremo Genere, id est Triariis, non nisi singula signa stetisse. Argumento ab vnâ

III. de
L. L.

III. C. fuit

vnâ aquilâ; tum etiam quia exiguus ille manipulus, & numero non nisi vnus ordo: atque ita Liuius olim, cum Rorarij & Accensi adiuncti, non nisi vnum Vexillum donat. Credo igitur mansisse.

„ *Qui prior electus est præest dextra parti.*] Alio sensu hîc *pars*, & significat *Centuriam* siue *Ordinem*, id est Manipulum dimidiatum. Valdè autem notanda hæc Polybij, sine quibus quomodo de ordine & dignitate Centurionum expediamus? numquam satis certò. At nunc mihi omnia clara, & efficiam vt etiam tibi, si lubet attendere. A v d. Lubet? Ardeo. nunquam magis hæreo, quàm cum ista in Historiis lego, de promotionibus ad altiores ordines, de primo Principe, octauo Hastato, & talia. Plenè hæc semel tu & planè. L i p s. Faciam. sed vereor vt tenuia intercurrent, ad quæ non erigitur vulgus. Sed hoc seponam, tibi canam & paucis.

Diuisio & discrimin. Centurionum.

A numero.

Ordo Centurionum triplex, *A Numero*, à *Genere*, à *Situ*. *A Numero* est, qui in ipsis Manipulis aut cohortibus, & vt illi atque istæ non nisi Decimæ, sic Centuriones. A primo ad hunc numerum descenditur, nec itur infrà. Honestissimi autem semper, quod liquet, primi, & sic deinceps. *A Genere*, qui in ipsâ cohorte vnâ spectatur, & honestior Centurionum ille qui in eo honestiore. Exèpli causâ. Sex sunt Decimi in cohorte Decimâ: duo in Hastatorum manipulo, duo in Principum, totidem in Triariorum: qui honestissimi? Triariorum haud dubiè, tum Principum, vltimi Hastatorum. *A Situ*. tu denique, quod eos qui eiusdem Numeri, Generis, imò manipuli sunt, spectat. Quod discrimin aut præitio inter duos *Primos pilos*, duos *Octauos Hastatos*: istud quod Polybius in verbis ad quæ commentamur promittit, vt dignior

dignior sit qui *præst parti suæ ordini dextro*. Quis ille? certus, inquit, & sine controuersia semper qui primus electus est in electione priore. Vt totum me aperiam, & diffundam vel ex superuacuo, vide. Sunt duæ electiones (antè dictum:) & priore eligeant Centuriones triginta: nempe in quoque Genere & Manipulo decem: tum iterum triginta, diuisione eadem. Ergo omnes qui primi, secundi, tertij, in tali Genere, in tali manipulo, priore electione dicti, ij præerant dextræ centuriæ, & hoc aspectu in eodem Numero, Genere, Manipulo digniores. Hæc intellegi à te censeo: firmanda aut illustranda sunt exemplis, cò promptius quòd quædam ex iis in tenebris sunt aut lite: obscura dico, aut incerta. Ad Numeros & Genera spectant (iungi enim ferè solent) ista. Liuius de Sp. Ligustino, in concione ad populum, quæ tota sine hac notitiâ obtenebrat: *Virtutis causâ mihi T. Quinctius Decimum ordinem Hastatum adsignauit*. Fuerunt rudimenta eius militiæ, & ideò pro magno narrat, ordinem sibi adsignatum, etsi ille vilis & imus. Cicero: *Nascemius Cretensi bello, Metello Imperatore, octauum Principem duxit*. Atque obiter, in his talibus, *Princeps aut Hastatus* est ipse ordo. Quo etiam modo Ouidius: — *Hastatos instituitque decem*: & dictionis talis plurifariam exempla. Nescio an hoc in Cæsare: *Q. Fulginius ex primo Hastato legionis duodecime*. Quid enim aliud vult, quàm Centurionem fuisse (è sequentibus apparet) in primo ordine seu manipulo Hastati? Tamen nouitia & suspecta locutio, non nego, vt multa in hodierno Cæsare: & an non fuit, *Q. Fulginius Centurio primi Hastati*? malim, & puto: causamque corruptioni dederit nota, quâ sculpi & scribi Centuriones,

Duplicis
electionis
effectus.

Exempla
priorum
discriminum.

Lib. xlii.

Epistol. ad
Brut.

Hastatus
pro Ordine.

11. Ciuil.

Diuinitio
in Cæsare.

P

turiones,

Nota Cen-
turionum.

Lib. I.
cap. XVIII.

Hastatus,
pro primo
Hastato.

Lib. IIII.
cap. I.

Lib. XIV.

Exempla
de Situ.

Lib. XLII.

LI. I. Ciuil.
Caesar ex-
plicatus.

Lib. XIV.

Liuius am-
bigue cor-
rectus.

Centuriones solent vulgo. Millies in lapidibus est, & curua-
tur in modum vitei flagelli. Nam vitis scilicet insigne
Centurionum: eo quæ hac formâ illum notabant. Id in
x. litteram aut ex præposiunculam transisse, non no-
uum. Phrasis sanè vulgata noua, nec nunc mihi trans-
mittenda. Video etiam nominari sine notâ Numeri,
cum illâ Generis tantum. vt in Floro: *C. Minucius quar-
ta legionis Hastatus*. Sed quis intellegitur ergo? Κατ' ἐξο-
χὴν ipse primus. Orosius docet, qui de eâdem re & ho-
mine: *Minucius quarta legionis primus Hastatus*. Simile
in Liuiio: *T. Pedanius Princeps tertia legionis*: accipe pri-
mum, & ipse antè sic dixit. An eo sensu Suidas: Πείρχης,
ὁ ἐξ ἀρχῆς τῆς τάξεως ἀγὼν ποταμίου: *Princeps, dux agminis
apud Romanos*? an præstat simpliciter interpretari de
quocumque Centurione Principe? & certè eò facit. Ex-
empla aliquot vtriusque prioris discriminis habes: etiam
vltimi ista. Liuius in eâdem oratione Ligustini: *Hic me
Imperator dignum iudicauit, cui primum Hastatum prio-
ris centuriæ assignaret*. Iterum ibidem: *Mibi primus Prin-
ceps prioris centuriæ est assignatus*. Cur vtroque hic de
priori centuriâ tam disertim, nisi quia honestior, & est
hæc ipsa quæ Polybio *dextra*? In eandem mentem Cæ-
sar: *Omnes primæ cohortis Centurionibus interfectis,
præter Principem priorem*. Breuius dictum, sed æquiparat:
Princeps prior, & Centuriæ prioris. Vereor vt in Liuiio hîc
corruptiuncula: *T. Pedanius Princeps primus Centurio*.
Vtro modo vis distingui? *Princeps primus*? benè est, sed
tum Centurionis vox nonne vacat? An *Princeps, primus
Centurio*? non potes, & falsum sit: quia Primopilo hoc
conuenit, esse *Centurionem primum*. In notæ fidei libro
repperi: *primo Centurio*: parum est, sed tamen vacillatio
dat

dat suspicari ne fuerit, *prima* aut *prioris centurie*. Nam & *prima* non malè, aspectu ad omnes inferiores viginti. En exempla huius discriminis quoque habes. Sed iam ad promotiones eamus, quas tangit Cæsar sed non explicat, in his verbis: *Erant in eâ legione fortissimi viri, qui iam primis ordinibus appropinquabant, T. Pulsio & L. Varenus. Jj perpetuas controuersias inter se habebant, omnibusque annis de loco summis simultatibus certabant.* Obseruare potes diuturnas, & vt ipse ait, *perpetuas* has contentiones de loco fuisse, *omnibusque annis* repetitas. Quid ita? quia non saltu, sed gradu promouebantur, & ab infimis ordinibus perueniebant lento pede ad primos. Id quâ factum, quæro. An per Genera ascendebant? exempli causâ, vt à *Decimo* Hastato ad *Nonum*, & sic consequenter ad *Primum*? tum retrogradi à *Decimo* Principe ad *Primum*? denique à *Decimo* pilo ad *Summum*? Hæc non opinor, nec admitto. Per cohortes & manipulos magis est promotionem istam factam: hoc modo. Erant decem cohortes, infima *Decima*; & in eâ tres manipuli; in quoque horum duo Centuriones. Isti omnes Numero pares, Genere impares: ideoque prima promotio in eodem Numero & Cohorte, à manipulo ad manipulum, siue à Genere ad Genus fuit. puta, à *Decimo Hastato* ad *Decimum Principem*, ab isto ad *Decimum Pilum*. Tum expletâ eâ cohorte, Numero ascendebant, fiebantque *Noni*, mox *Octau*, & denique *Primi*. Cùm iam illîc, à *Primo Hastato* ad *Primum Principem*; à *Primo Principe* ad *Primum pilum* ibant. Hæc cùm ratio & analogia consideranti ita suadent, tum & firma auctoritas Vegetij, ista: *Vetus consuetudo tenuit, vt ex primo Principe legionis promoueretur Cen-*

Promotio
Centurio-
num.

v. Gallic.

Quo ordi-
ne.

Partiè
explicatâ.

Lib. 11.
cap. viii.

turio primi Pili. Si ita est, & non ex secundo Pilo; conue-
 nienter profectò de toto illo ordine digessi. Cùm igitur
 Cæsar ait, *primis illos ordinibus appropinquasse*: significat
 in secundo Principe aut Pilo fuisse, in cohorte inquam se-
 cundâ: & id certamen pluribus annis fuisse, quia pariter
 ascendebant, & in pari virtute adnixi præire non præ-
 ibant. Nam virtutis sæpe hîc aspectus, & ea eximia ad
 primos etiam locos saltu traducebat. O bona conten-
 tio! ô arcanum & vtile militiæ firmamentum! Sic Sp.
 Ligustinus in Liuius, à *Decimo Hastato* ad *Primum* tra-
 ductus; ab isto ad *Primum Principem*; iterum ab isto ad
Primum Pilum. Hæc omnia virtutis causâ: etsi tunc
 militia nondum continua, nec ita ordinariæ promotio-
 nes. At Cæsaris æuo iamdiu erant: ideoque magis infi-
 gni exemplo Scæua ille apud eum; qui cùm se facto
 probasset vix humanæ virtutis, & posteris quoque stu-
 pendo: statim hunc Imperator *ab octauis ordinibus ad*
primum pilum traduxit. Ita ipse Cæsar scribit, nec di-
 stinguuit quibus *octauis*, Hastatorum, Principum, an Pi-
 lanorum. Quid opus? inter imos ille ordo totus erat, &
 longè à primo: ideoque & *longum ordinem* Lucanus di-
 xit. In eadem enim re, de eodem Scæuâ: — *Latiam*
longo gerit ordine vitem: id est qui longinquus, & tardæ
 promotionis, procul à metâ. Hoc sensu & Frontinus, de
 Vespasiano Principe: *Cùm adolescentem honestè natum,*
angustiarum rei familiaris causâ ad longiorem ordinem de-
ductum rescisset; censu constituto exauctorauit. Laudatur
 humanitas eius Principis, qui cùm ordines tunc (suprà
 monui) à censu assignarentur, tenuem quendam, etsi
 stirpe honestum, ad infimos ordines detrusum videbat:
 è quibus cùm lentè debuisset ascendere & emergere, li-
 berali-

Virtus rû-
 pebat or-
 danem.

III. Ciuil.

Lucanus
 illustratus.

Et Fronti-
 nus.

Lib. XIII.
 cap. VI.

beralitate potius illum iuuit, & militiâ soluit. Sunt ij dem, *inferiores* aut *infimi* ordines vt Cæsari: *Q. Fulginius* Inferiores ordines. 11. Ciuil. ex primo Hastato legionis duodecima, qui ob eximiam virtutem ex inferioribus ordinibus ad eum locum peruenerat. Eidem: *Fabius Pelignus* ex infimis ordinibus de exercitu Eodem libro. Curionis. At contra, *primi* ordines sunt, illi in cohorte primâ: *Primus Hastatus* vterque, *Primus Princeps*, *Primus Pilus*. Non aliter acceperim, quoties primorum ordinum Centuriones lego. Vt in Liuiio: *Legati Tribuni*que Primi ordines. Lib. x. & primorum ordinum Centuriones approbauere. In Cæsare: *Legatos primorum ordinum Centuriones ad Cæsarem* 11. Gallicæ 11.1. Hist. mittunt. In Tacito: *Urgebatur maximè septima legio* nuper à *Galbâ* conscripta, occisi sex primorum ordinum Centuriones. Nota & numerum: *sex*, inquit, ergo omnes interfecti in cohorte primâ. Idem est, cùm primos ordines pro ipsis Centurionibus talium ordinum, compendio quodam dicunt. Vt Cæsar: *Cùm à Cottâ primisque ordinibus* v. Gallicæ *acriter resisteretur*. Iterum: *Labienus Tribuni militum primisque ordinibus conuocatis*. Apagere correctores. Hæc munda & bella sunt, & Frontino quoque imitata: *Imperauit Tribunis, & primis ordinibus, & centurionibus*. Lib. 1. cap. x. 10. Vbi tamen quasi seiungit à Centurionibus: sed hoc sensu, quod illi eximij super alios, non gregales: & valet, *ceterisque Centurionibus*. At enim primum etiam Primus ordinis quæ. 11.1. Hist. ordinem singulariè lego. In Tacito: *Iustus Catonius primi ordinis Centurio*. In Velleio: *Non in cruentis Centurionibus, qui etiam primi ordinis cecidere*. Et quia de vno ordine, magis est primorum primum capi, id est ipsos Primopilos. Qui verò *Principes ordinum*: nam & hos Principes ordinum. Lib. vii 1. in Liuiio obseruo: *Tribunos Principesque ordinum nominatim ad pugnam secum iterandam vocare*. De Imperatore

ratore qui suos excitat: & puto eum istos cohortis primæ
 maximè affatum. Idem paullò aliter, *Centurionum*
 Lib. II. *Principes. Non iam sensim, ut antea, per Centurionum*
Principes postulant: Sunt isti quoque primorum ordi-
 num, & postulata edita probabile est per cuiusque Ge-
 neris primos. En peruenimus iam ad apicem, & de
 De Pri- ipso Primopilo magnâ & inuidendâ militari dignitate,
 mopilo di- seorsim aliquid dicamus. Is appellabatur variè. *Centuria*
 Lib. II. *primi pili*, ut in Liuius: *Populus dedicationem adis dat*
M. Platorio Centurioni primi pili. Quæ vetustissima eius
 mentio in Liuius, & statim à partâ libertate: ut appareat
 * Suprà hunc ordinem, quod ad* intricata illa Liuij monuimus,
 Dial. III. vel hoc testimonio perpetuum Romæ fuisse. Nomina-
 Lib. poster. tur deinde crebrò. ut Velleio: *Primi pili Centurionem, no-*
mine Vibullium, fuste percussit. Cæsari: *P. Sextius Bacu-*
lus primi pili Centurio. Dicebatur & simpliciter *Primi-*
pilus, Primopilus, vocibus coalitis & iunctis. Cæsar: *Pri-*
 II. Gallie. *mipilo P. Sextio multis vulneribus confecto*. Liuius: *Duo*
 Lib. VII. *Primipili in utraque acie erant*. In lapidibus: PRIMOPIL-
 LO. LEG. III. & locis sexcentis. Dicebatur & absolutè
 Primus *Primus Centurio*. Liuius: *Primus Centurio, quem nunc*
 Centurio. *Primipili appellant*. Nihil cum aliis muta: *Primipili*,
 Lib. VII. nempe Centurionem, & repetenda in struendo ea vox
 est. Idem ἡγεμὼν τοῦ τάγματος, *dux legionis*, aliquoties
 Dux le- Dionysio: & στρατοπεδάρχης τοῦ τάγματος, *Praefectus le-*
 gionis. *gionis*: itemque Primopilatus ipse στρατοπεδάρχια. Cur
 tam honestè? quia res ita fuit, & caput ipse omnium
 Lib. IX. Centurionum, & ductor. Dionysius de Flauoleio Pri-
 mopilo, Ἦν δὲ ἀνὴρ δημοπικὸς, ἀλλὰ πᾶν ἐπαινομένων δι' αἰρετὴν,
 καὶ τὰ πολέμια ἀλκιμὸς, καὶ δι' ἄμφω ταῦτα ἐνὸς τῶν ταγμα-
 των τῇ λαμπροτάτῃ ἀρχῇ κεκοσμημένῳ, ἢ τὰς ἐξήκοντα ἐκα-
 τὼν ταρχίας

τῶν αρχίας ἐπεθαί τε καὶ τὸ κελδύμφον ὑπηρετεῖν κελύφῃ νόμος.
 τῆς ῥωμαῖοι τῆς ἡγεμονίας τῇ πατρίῳ γλώτῃ πειμοπίλους κα-
 λούσι: *Erat vir plebeius genere, sed virtute nobilis & bello*
bonus, atque ob ea utraque (duplicem virtutem nota in
Promotione) splendidissimā dignitate ornatus in unā le-
gionum, cui sexaginta centurias subsequi & quod iusserit
exsequi lex iubet. Hos tales duces Romani patrio suo sermo-
ne Primopilos vocant. Ait sequi eum sexaginta centurias: *Omnes*
 id est, omnes. Tot enim in legione: & ergo etiam in col- *centurias*
 legam suum, Sinistrum Primopilum, ius aliquod habet. *ducit.*
 Nam hæc de Dextro accipienda, & summo: nisi tamen
 imperium hoc inhibuere per vices. Ait & *iussa eius exse-*
qui debere. Ergo ne aliis imperat? non iure profectò aut
 more: suæ duntaxat centuriæ: sed quia Imperatoris sæ-
 pe mandata aut Tribunorum per illum edebantur in
 vulgus. Nec dubitare fas erat aut retractare, parebant.
 Etiam in acie, in agmine, illum adspectabant, & ad eius
 nutum sistebant aut procedebant: ideò, quia Aquilam *Aquila*
 regebat, primum signum. Dionysius hoc docuerit le- *præst.*
 ctorem intentum, de L. Siccio: Ετέρου δὲ πάλιν ἀγὼν Lib. xi
 ἐνστάντος, ἐν ᾧ ὅτε στρατοπεδάρχην τῶ τάγματος ἡμῶν συνέβη
 πεσεῖν, καὶ τὸν αἰτὸν ὑπὸ τοῖς πολεμίοις γενέσθαι, τὸν αὐτὸν τρέπον
 ἀγωνισάμενος, τὸν τε αἰτὸν θύεσθαι, καὶ τὸν στρατοπεδάρχην
 ἔσωσα. ὃς ἐμοὶ τῆς τότε βοηθείας χάριν δοποδίδες, τῆς ἡγεμονίας
 τῶ τάγματι ἀφίστατό μοι, καὶ τὸν αἰτὸν ἐδίδες: *Alio iterum*
prælio, in quo Præfectum legionis nostræ contigit cadere, &
aquilam venire in hostium potestatem, ego pariter pugnans
& aquilam servavi, & Præfectum eripui. qui gratiam mi-
hi auxilij eius referens, ducatum legionis cessit, & aquilam
dedit. Hic verti στρατοπεδάρχην τοῦ τάγματι, Tribunum *Vera sen-*
 qui castris & legioni præerat, video: sed Primopilum in- *tentia Dio-*
 tellegi *nysij ex-*
press.

tellegi verissimum est, nec aliud intellegi quàm *Primopilatum*, ipsam *εξαπεδαρχίαν*, de quâ infra addit. Argumentum certum, quòd nihil horum in Tribunum conuenit, omnia in Primopilum. quòd *Dux legionis*, quòd *Aquilam custodierit*. Nam cùm alij Centuriones sua signa adsisterent & tuerentur, hic totius legionis aquilam: quod etiam in Vegetio clarè. *Centurio*, inquit, *Primipili non solum aquila præerat, sed etiam quattuor centurias in primâ acie gubernabat*. De aquilâ, benè & ad vetustum morem: de quattuor centuriis, ad nouitium. æquè iste noster non nisi vni præfuit, & suæ. Ad eundem morem Valerius: *Aquilarum altera vix conuelli à Primipilo potuit*. Indicat ita præfuisse, vt etiam sub iter ipse euelleret refixam, & Signifero suo in manum daret. Quin etiam in ipsâ acie adsistebat, & tuebatur. Dionysiana illa suprâ hoc ostendunt, tum istud Taciti: *Ipsam aquilam Atilius Verus primipili Centurio, multâ cum cade hostium, & ad extremum moriens seruauerat*. Quia igitur aquila in Primopili tutelâ, & ei velut assignata, inde manauit, vt Aquila pro ipso illo munere & Primopilatu vsurparetur. A Plinio: *Centurionum in manu vitis, & opimo premio tardos ordines ad lentas perducit aquilas*. Id verò est, Vitis insigne Centurionatus, & ea per tardas promotiones & adscensus tandem perducit ad Primopili aquilam. Et velim inibi *lentas*, quàm *lentas aquilas*: tum quia de lentis ordinibus iam dictum, tum etiam quia re lætæ ipsâ & lætificantes, ob *premia*, vt loquitur, *opima*. Nō enim dignitas solum, sed opes adiūctæ: ideoq; *locupletem aquilam* hoc sensu, mihi quidē, Iunialis dicit: *Vt locupletem aquilam tibi sexagesimus annus Adferat*. —

Osten-

Lib. II.
cap. VI II.Lib. I.
cap. VI.

III. Hist.

Aquila, de
Primopila-
tu.Lib. XI III.
cap. I.Plinius ex-
plicatus.

Sat. XI III.

Ostendit, quod Plinius, tardum esse Primopilatum, & post gradatim ordines (si morem spectes, & nisi virtus perrumpat) decursos: sed tamen præmiis insignem. Mihi, inquam, poëta & meis auribus hoc sonat: Scholiasta veteri aliter, qui de Signifero hoc accepit. Atqui nec illa tanta dignitas, nec tam in quæstu. De istâ, etiam Martialis: *Grata Pudens meriti tulerit cum præmia pili.*

Lib. 1.

Quæ præmia? in pecuniâ primum, quam certam iis definiuit Augustus; & quam Papinianus tetigit: *Pater filiam ex ratione commodorum primi pili trecentos aureos accipere voluit.* Ad quam & Suetonius adspexit, cum scribit Caligulam, per improbam auaritiam, *plerisque Centurionum maturis iam, & intra paucissimos quàm consummaturi essent dies, primos pilos ademisse, caussatum senium cuiusque & imbecillitatem.* Scilicet præmia magna Primipilorum vel ex eo colligas, quod gregariis etiam militibus satis ingens summa definita: de quâ* alibi dictum. Pecunia igitur primum, fortasse pro censu equestri: certè adiunctus is honos, & pro equite erant, qui Primopilatu functi. Martialis:

Pecunia

Primopilis

Lib. xxiii.

De adim.

legat.

Cap. xlii.

*Ad 1. Annal. Taciti.

Dignitas

equestris.

*Sospite me sospes Latias reueheris ad vrbes,
Et referes pili præmia clarus eques.*

Ouidius de æmulo suo in amore:

*Ecce recens diues parto per vulnera censu,
Præfertur nobis sanguine factus eques.*

iii. Amor.

eleg. vii.

Rem, ait, indignam, quod mea puella præponit mihi stirpe equiti hunc nouitium à militiâ factum. Itaque de eodem:

*Læuam anus, cui nunc serum malè conuenit aurum,
Scuta tulit.*

Ostendit equitem ab insigni & anulo aureo. Denique
Q clarissi-

clarissimè ad primum pilum hæc refert, cum indigna-
tiuncula:

*Discite, qui sapitis, non hæc quæ scimus inertes,
Sed trepidas acies & fera bella sequi.*

Pròque bono versu primum deducite pilum.

A V D. Interpello. & bonâ fide, an non hodie, cum poë-
tâ, hoc liceat? quando nullus honos artibus, à quibus
verus omnis honos. Nam sine iis quæ fama diuturna?

*quid ex-
citas la-
crimâ dor-
mientem?
Phocyll.

L I P S. Omitte. — *Τί δ' ἀκρυον ἴδον ἐγείρεις; Tale æuum
est, & memento Καὶρὸς λατρεῖν, μὴτ' ἀνιπνέειν ἀνέμοισιν:

Temporibus servire, nec aduersarier Austris. Deus est qui
hæc dirigit, alibi alia excitat aut deprimit, bona, mala,
vt ei visum. Quis legem dabit? tu querelæ tuæ, si sapis,
& ego sermoni huic ne euagetur. Habes de Primopila-
tu, eiusque honore aut commodis: ad quæ Suidas etiam

Primopi-
laris quis.

adspexit: Περιοπλαράς, τὸ μείζον ἀξίωμα τῶν στρατιωτῶν
ἔχων ὡς ῥωμαίος: *Primopilarius, maximam inter mili-
tes dignitatem habens apud Romanos.* Cetera benè, sed

non in ipsâ voce, confundit enim *Primopilarem*, cum
Primopilo: id est qui habuit dignitatem, & qui habet.
Nam certum est Romano vsu dici Primopilares qui
fuerunt, vt *Consulares*, & tales. Tacitus circumscribit:

xxix. Ann.

P. Actium primi pili honore perfunctum. Sunt & in vtro-

Alij Pri-
mopili po-
stæ.

que legum Codice (Iustiniani & Theodosij) Primopili:
sed, ne res, diuersi ab istis. Illo æuo (sic pleraque mu-
tant) ministerium magis fuit, quàm honor: & sic dicti

Lib. viii.
Tit. ii. 11.
Lvi. & viii.

qui ad pascendos milites sollenniter ad limitem destinantur.

Qui mili-
tem pascunt

Ita in Theodosiano leges, & ibidem *pastum primipili.*

Facitne quod in lapide veteri: LEGIONEM. PAVIT?

Olim ite-
ratus hic
honor.

Sed quia olim quiddam eximium, petatum ambitiosè
& repetitum. Atque adeò Tribuni ipsi, postquàm de-
functi,

functi, capiebant. Liuius: *Additum legi, ne quis ubi Tribunus militum fuisset, postea ordinum ductor esset. id propter P. Salonium, qui alternis propè annis & Tribunus militum & primus Centurio erat, quem nunc Primi pili appellant.* Lex igitur iterare vetuit, sed post Tribunatum: aliter, nihil obstitit. Ita in Liuiio *Sp. Ligustinus, quater primum pilum duxisse* gloriatur: atque inibi quintum ducit. In Valerio: *Cornelius virtutis nomine quater honore primi pili ab Imperatoribus donatur.* Denique in Liuiio: *Septimum primum pilum iam Tullius ducit.* Septimum, dico, vt iterationem tantum, non numerum designet: nec quisquam arbitretur adiectione *Septimum primum pilum* dici, qui sermo in se pugnet. Credo me liquidum hoc satis è turbido de Centurionibus reddidisse: siquid minus tamen depuraui, posce. A V D. Tu verò non clarè solùm omnia, sed præclarè. Quem te dicam? totum Memorix dolium exhaustisse mihi videris. LIPS. Eà bonâ fuisse me, ad præceptorum admirationem non nego: sed anni & morbi hæc talia deprædantur. Tu de re, siquid voles, non de me. A V D. Approbè omnia, meo quidem sensu. Requisiui tamen inter exempla de Triariis, *Secundum* aut *Tertium pilum*, aut tale: nec dedisti. LIPS. Vt rem tibi dicam, non repperi, & in eâ enunciatione hæsito. Probabile tamen est fuisse, sic vt dicis, *Primum, Secundum pilum*, ab exemplo ordinum aliorum. Est quidem in Vegetio *Triarius prior*, & vidi qui pariter vellet *Triarium secundum*, & *tertium*: ô quàm vanè! Nam Vegetius (ipsum vide) longè hoc in aliam mentem: & totus hic ordo tunc alius, vt aliàs docebo.

Lib. vii.

Lib. xlii.

Lib. vi.

cap. i.

Lib. vii.

Q 2

D I A-

DIALOG. IX.

De Tribunis militum. eorum electio. item discrimina, munia, insignia.

PROXIMOS à Centurionibus Tribunos pono, quia ut illi Manipulis, sic isti legioni toti præfuerunt. Totidico: nec enim certæ eius parti. Ne moueat, quod Græci χιλιάρχας, id est *Millenarios duces* passim vocant: à similitudine aliquâ est, non à veritate. Nam quia in Macedonum Græcorumq; exercitu, supra Centuriones Millenarij isti erant: ideò traduxerunt ad Romanam militiam, etsi caussa nominis non respondet. Illi ipsi Chiliarchæ apud Macedonas quâdo cœperint, Q. Curtius exponit. Sub Alexandro id fuit *Singulis millibus peditum, ait, præfuturi erant, Chiliarchas vocabant. tunc primum in hunc numerum copiis distributis. Namque antea quingenariæ cohortes fuerant, neque fortitudinis premia cesserant* Ita lego, *cesserant, non gesserant* ut vulgò: quoniam adsignificat Chiliarchias istas dari ex virtute cœptas, antea non factum. Distributio autem talis in legione Romanâ nulla fuit, siue Genera videas, siue Cohortes. Illa quattuor tantum, istæ decem: at Tribuni sex fuerunt: quomodo aptes? Sed enim legio postea sex millia habuit. Scimus: sed hoc manet, per millenarios numquam distributam. Tamen ecce & Latini Græcos imitantur, & Varro Atacinus in pulcherrimo carmine præfatur:

*At nos congeries obnubit turbida rerum,
Ferratæque premunt milleno milite cura.*

Potuit aspectus tamen esse ad sex illa millia, non nego,
cūm

Tribuni
cur Chiliarchæ.

Isti in Macedonum exercitu,
Lib. v.

Curtius obiter correctus.

cùm & Tribuni sex essent. Sed imperium tamen commune. & benè Horatius :

Quod mihi paruerit legio Romana Tribuno.

Benè totam legionem sibi vindicat, quia bini & bini imperabant ei per vices. Apud Latinos nomen iis à tribu : quòd, vt Varro ait, *terni tribus tribubus Ramnium, Lucerum, Tatum olim ad exercitum mittebantur.* Quod non valet (Turnebo visum) ternos è quaque tribu captos : non : sed è tribus. Nam initiò hic numerus, qui vnà cum legione postea auxit. Creauit autem eos primò Romulus : eiusque exemplo reges & consules, vt opinor, donec & populus in hunc honorem ius ac suffragium sibi sumpsit. Id factum ex Liuiò colligimus circa annum vrbs trecentessimum nonagesimum tertium. *Cùm placuisset, ait Liuius, eo anno Tribunos militum ad legiones suffragio fieri (nam & antea, sicut nunc quos Rufulos vocant, Imperatores ipsi faciebant) secundum in sex locum Manlius tenuit.* Quibus verbis vltimis non ille sensus, quasi duodecim tantum Tribuni tunc creati in legiones quattuor, eorumque partem mediam populus creauerit : non assentior erudito Sigonio sic censenti : sed quòd è locis vigintiquattuor sex tantum, exigua quædam pars populo decisa. Ipse Liuius hoc addocet, cùm post annos paullò plus centum (hoc est, anno ccccxlvi) iterum mutatum narrat, atque ait : *Duo imperia eo anno dari coepta per populum, vtraque ad rem militarem pertinentia. vnum, vt Tribuni senideni in quattuor legiones à populo crearentur, quæ antea perquam paucis suffragio populi relictis locis, Dictatorum & Consulum ferè fuerant beneficia.* Scribit populum antea perquam paucos locos habuisse : non ergo dimidios, vt voluit ille. Et absurdum

Tribuni,
vnde.
lii. de
L. L.

In Varr.

A populo
quando
primum.

Lib. vii.

Liuij sen-
tentia.

Lib. ix.

Q 3

etiam

etiam sit, legionem tunc quæ supra quattuor mille, non nisi tres Tribunos habuisse: aut si ita, Liuium de augmento post non tradidisse. Nam quod idem ille hîc indicari augmentum censet, clarè aliud est: nec auctum Tribunos eunt, sed populi loca. Itaque antea pars quarta relicta populo, id est seni: nunc pars tertia Consulibus, & senosdenos ipse sibi sumpsit. Multos annos ita mansit,

Exclusus
populus.

Lib. XLII.

fit, donec minùs idonei paullatim creati à populo, per ambitum & gratiam, vt solet. Igitur bello Persei Macedonico, cùm id in metu, Consules, ait Liuius, ad populum

Mox ad-
missus.

Lib. XLIII.

ex SC. tulerunt, ne Tribuni militum eo anno suffragiis crearentur, sed Consulum Prætorumque in iis faciendis ius arbitriumque esset. Sed non id diuturnum; populus ius repetiit, & illo ipso bello (idem auctor) Tribunos militum non permissum vt Consules facerent, populus creauit. Itaque variabant & alternabant, donec Senatus decreuit (Liuij

Lib. XLIII.

etiam verba) vt in octo legiones parem numerum Tribunorum Consules & populus crearent. Æqualis hæc partitio, & nunquid in posterum firma? crediderim. Certè vtrumque genus Polybius noster suprâ agnouit, cùm Tribunos in legiones diuidit eo ordine quo à populo siue ab Imperatoribus sunt facti. Præmittit à populo: & monui illos quoque habitos digniores. Festus etiam de his vtrisque: Rufuli appellabantur Tribuni militum à Consule facti, non à populo: de quorum iure quod Rutilius Rufus legem tulerat, Rufuli ac post Rutili sunt appellati. Contrâ videatur verius: Rutili, ac post Rufuli. Nam Asconij etiam æno Rufuli vulgò dicti. Ille in Verrino Commentario:

Duplex
genus Tri-
bunorum.

Lib. II.

Tribunorum militarium duo sunt genera. primum eorum qui Rufuli dicuntur: hi in exercitu creari solent. Alij sunt Comitiiati, qui Romæ comitiis designantur. Itane in exercitu?

tu? Atqui Romæ dilectum Consules habebant, & ante
 eum Tribunos oportuit fuisse designatos. Verè hoc ex
 Polybio: sed sciendum Asconij, imò Ciceronis æuo, ali-
 ter fuisse. Perpetuæ iam legiones, nec annuo dilectu vl-
 trà opus, nisi fortè in supplementa: ita Prætores aut Con-
 sules, aut qui pro iis, creabant in prouinciis sæpe. Nam
 & isti in annos mutabantur. Sic à Cicerone, cum in Ci-
 liciâ Proconsul iam esset, *Scaptius Tribunatum accipit.*
 Ipse ad Cæsarem in Galliam scribens, *Trebatio neque*
Tribunatum neque Præfecturam, sed beniuolentiam petit.
 Plura exempla: sicut & iis ipsis tēporibus creationis à po-
 pulo, quæ semper honesta. Cato per illum, vt Plutarchus
 in eius vitâ: *Marius à populo petiit*, vt Sallustius: ipsi Cæ-
 sari *primus hic Romam reuerso per suffragia populi honor*
obtigit, vt Tranquillus scripsit. A quibus creati, vides:
 sed qui creati? Duplex genus, Equites & Plebeij. Plures
 ex Equitibus, vt in Polybio dictum. Atque ideò Cæsar,
 cum *Præfectos Tribunosque militum ad se missos*, mariti-
 mæ ciuitates in custodiâ habuissent: mox inter causas
 belli recenset, *iniurias retentorum equitum Romanorum.*
 Equites clarè appellat. Idem alibi: *Centuriones amplio-
 ri que ordinis equites Rom. in tribunitium restituit hono-
 rem*: de his qui ab Afranio ad se transissent. Vbi Tor-
 rentij Antistitis fidus liber sine copulâ habet, *amplioris*
ordinis. Credo verius fore: *Centuriones ampliori ordini,*
equites R. in Trib. vt pro conditione & genere velit
 quosque promotos: Centuriones ad altiores ordines,
 Equites ad Tribunatum. Ita autem isti ex Equitibus, vt
 etiam Senatores non rarò sint electi: præsertim grauiore
 bello. Liuius: *Duo Consulares Tribuni militum cum eo*
missi. Apud eundem Senatus decernit, *creari neminem*
Tribunum

Asconius
illustratus.Tribuni in
provinciis
facti.Ad Att. lib.
vii.

Ad Famil.

Cap. v.

Tribuni ex
equite.

iii. Gallie.

ii. Ciuil.

Diuina-
tiuncula
in Casare.Tribuni è
Senatoris.

Lib. xlii.

Epistol.
XLVII.Suet. Cap.
XXXVIII.Laticlauij
Tribuni.

In Silu.

Cap. x.

Lib. IIII.
epist.
Semestres

Sat. VII.

Iuuenali
lux.

Tribunum eo anno, nisi qui magistratum gessisset. Scilicet
vt experientiores bellorum essent, & æui iudicijque
magis maturi. Sed id rarum: alioqui contrà, gradus hic
ad Senatorium ordinem erat. Seneca hac mente: *Quàm
multos splendidissimè natos, Senatorium per militiam au-
spicantes gradum, fortuna depreßit: de Tribunis captis
aut cæsis in clade Varianâ.* Sic Dionis epitome in Domi-
tiano: Ἰσλι & Καλῶς εἰς κεχιλαρχικῶς ἐς βουλευίας ἐλπίδα:
*Julius Caluaster, qui Tribunus fuerat in spem Senatoriæ
dignitatis.* Hoc fine Augustus, Senatorum liberis protinus
à virili togâ latum clauum induere permisit, militiamque
auspiciantibus non Tribunatum modò legionum, sed &
Præfecturas alarum dedit. Atque hinc illo æuo aliud dis-
crimen Tribunorum subortum, vt quidam *Laticlauij*,
quidam *Angusticlauij* essent: illi qui ex Senatu, isti qui
ex equite nati. Vbique in libris & lapidibus occurrent
TRIBUNI LATICLAUII: atque eos Statius intellexit,

Quem deceat clari præstantior ordo Tribuni.
Præstantior ordo, est iste. At de Angusticlauiio Sueto-
nius Othone: *Interfuit huic bello Suetonius Lenis, tertiæ
decimæ legionis Tribunus Angusticlauius.* Vtrumque ge-
nus ambitiosè petatum & datum: & quò pluribus gra-
tificari possent, factum Semestre. Plinius: *Hunc ego rogo
Semestri Tribunatu splendidiorē & auunculo suo & sibi
facias.* Iuuenalis:

*Ille & militia multis largitur honorem,
Semestri vatum digitos circumligat auro.*
De Paride sermo, qui gratiofus apud Domitianum tales
hos Tribunatus impetrabat. Ipse explicat:
Præfectos Pelopeia facit, Philomela Tribunos.
Et appellat scitè *Semestre aurum*, quia anulo etiam aureo
Tribuni

Tribuni utebantur, quod Appianus in Punicis notauit. Ita ego hunc locum interpretor. quid ego? Scholiaſtes vetus in vitâ Iuuenalis ſcribit: *Satyram non abſurdè compoſuit in Paridem Pantomimum poëtâque Claudij Neronis, eius Semestribus militiolis tumentem*. Sic appellat iſtas Præfecturas & Tribunatus, à temporis ſcilicet modo. Suetonij locus eſt, in quo ego nihil verear verbi hoc reponere: *Equeſtres militias ita ordinauit, vt poſt Cohortem, Alam; poſt Alam, Tribunatum legionis daret*. Quid? Præfectura cohortis, & Tribunatus, equeſtres militiæ ſunt? Claud. cap. xxv. Suetonij forte correſponſio. nugæ. ego ſeriò repono, *Semestres*. Credis? ſunt quædam quæ examinata placent, alia in fronte: ego iſtud cenſeo ex illis. Atque hi ſunt Tribuni legionum, reperio & alios Tribuni cohortium 11. Ciuil. Lib. 111. epiſt. 1x. Cohortium, minùs ſcilicet honeſtos. In Cæſare: *Conſenſiſſe Gaditanos cum Tribunis cohortium*. In Plinio: *Tribunus cohortis ſub Claſſico fuerat*. Vetus Scholiaſtes illud Iuuenalis — *curam ſperare cohortis*, explicat *Tribunatum militum*. Et in Principum inferiorum hitoriâ vulgò leges, *Tribunos Maurorum, Aſſyriorum, Vocontiorum*, quæque alia gentes inter auxilia erant. In Vopiſci Probo videbis, vnum etiam pluribus cohortibus præuiſſe: *Tribunatum in eum contuli, datis ſex cohortibus Sarracenis*. Vbi ſanè, talibuſque locis, non aliud ea vox quàm Tribunus laxâ ſignificatione. Præfecturam ſonat: ſicut & *Tribunus Voluptatum, Stabuli, Fabricæ*, & compluria huiuſmodi poſteriore æuolecta tibi aut legenda. Priores illi tamen ſemper, vt dixi, magis honeſti. ideoque in Epiſtolâ Valeriani apud Vopiſcum leges: *Hospitia eidem, vt Tribunis legionum, præbebis*. Velleius Paterculus: *functum ſe Tribunatus caſtrorum* ſcribit: an à plebeio & vrbano illo ſic diſtinguens? an hoc ſignificans *Præfectum caſtrorum* ſe fuiſſe?

R

Nam

Munia &
officia Tri-
bunorum.
Lib. xxviii
Lib. ix.

De Idolol.
cap. xi.

Insigne
eorum.

In Punic.

Lib. vii.

Nam id munus sub Augusto & deinceps fuisse, è Tacito & Vegetio notum. At tu Tribunos iam pernocti, si Munia breuiter addam & Ornamenta. Munia sunt lus dicere. Liuius: *Tribunos & iura reddere in principis sinebant, & signum ab eis petebant.* Isidorus: *Tribuni vocati, quòd militibus siue plebibus iura tribuunt.* Complectitur vtrosque, & militum, & plebis. Tertullianus alludit, dum quærit an militia Christiano conueniat *etiam caligata vel inferior, cui non sit necessitas immolationum vel capitalium iudiciorum.* Ostendit Tribunos atque istos altiores gradus etiam de capite cognouisse: quod verum esse in Polybij de Castris cognosces. Secundò, Signum excubiis dant, Vigiliis curant, muntiones, exercitia: atque alia in tempore dicenda. Ornamenta sunt, Anulus aureus, quo ceteros milites non fas vti. Appianus: *χρυσοφορεῖσι τῶν στρατομένων οἱ χιλίαρχοι, τῶν ἐλαττόνων σιδεροφορέντων: Aureos ferunt anulos inter militantes Tribuni, cum alij inferiores ferreos gestent.* Quid ais Appiane? etiamne equites non gestant? Atqui notissima historia est de modiis anulorum à Magone in curiâ Carthaginiensium excussis, quos nisi equiti etiam detraxerint, vnde ea copia? Imò verò illi gestarunt: nec negat Appianus, cuius dictio non nisi ad pedites producenda. Equites autem pari pænè loco & dignitate cum Tribunis. Hoc discrimen tamen sustulit diu pòst Seuerus Imp qui inter alia militibus indulxit *ὁ δακτυλίοις χρυσοῖς χρῆσασθαι, etiam aureis anulis vti.* Herodianus in ipso. Fortasse & insigne alterum in veste, quam splendidior paullo gefisse vero assimile est. sicut & Centuriones ipsos. Liuius certè de Tribuno militum Decio: *Hac omnia sagulogregali amictus, Centurionibus item manipularium militum*

tum habitu ductis, ne ducem circumire hostes notarent, perlu-
strauit. In Appiano est, Octavianum Cæsarem *vestes* v. Ciuil.
prætextas, & Senatoriam dignitatem obtulisse Tribunis &
Centurionibus, præmiorum loco. Τοῖς, inquit, λοχαγοῖς
καὶ χιλιάρχοις περὶ πορφύρας ἐδῆται καὶ βαλδύκην ἐν ταῖς
πατρίσιν ἀξίωσιν. Sed hoc per bella ciuilia, cum omnia im-
modica, & pleraque iniusta. De more, sub Augusto &
deinceps, tunica laticlavi fuit Tribunis, iis qui Senato-
rij gradus aut stirpis essent. Nec aliud, nisi quod postea
Apparitores etiam reperio, sed ab Alexandro Principe
sublatos. De quo Lampridius: *Apparitores nullos esse pas-*
sus est. Tribunis aut Ducibus, nisi milites anteire noluit:
iusitque ut ante Tribunum quattuor milites ambularent,
ante Legatum decem. Duces ibi Legati, quod ipse expli-
cat: & ego iam nunc tangam. Ad hos enim eo.

DIALOG. X.

Sociorum Duces & Præfecti.

DE DI Proprios legioni duces, sed in Ciues, Pedites-
que tantum: Equites & Socij supersunt, quos vnâ
operâ nunc absoluiam. Diuisi per se, fateor: sed quia
pauca de vtrisque dicenda, tractatione coniungam. De
Equitibus, tu istæc in Polybio lege:

Παραπλησίως δὲ καὶ οὗτοι Equites similiter in turmas POLYB.
ἵππεῖς εἰς ἵλας δέκα διείλον. diuiserunt decem. Ex vna-
ἐξ ἑκάστης δὲ τρεῖς ἀποκρίνου- quaque tres sumunt futuros
σιν ἱλαρχάς. οὗτοι δὲ αὐτοὶ duces. Ἰστὶν ἱππῆστρος adsumunt
τρεῖς ἀποστέλαβον οὐραγούς. ὁ Vragos, siue Tergiductores.
μὲν οὖν πρῶτος αἰεθεὶς Qui igitur primus electus est,
ἱλαρχὴς ἡγεῖται τῆς ἵλης. οἱ δὲ imperat toti turma: reliqui
R 2 duo

δύο δεκαδάρχων ἔχουσι τάξιν. *duo Decurionum locū tenent,*
καλουῦνται δὲ πάντες δεκου- *atque adeo omnes Decurio-*
ρίωνες. μὴ παρὸν δὲ τοῦ *nes appellantur. Cum primus*
πρώτου, πάλιν ὁ δεύτερος ἰλάρ- *autem non adest, secundus*
χου λαμβάνει τάξιν. *Praefecti turmae locū adsumit.*

Pauca omnino hīc dicenda, & tota res clara. Ait:

„ *Tres sumunt duces.*] Sunt igitur triginta in decem
Tot Tur- Turmis: & dignum obseruatu est, quòd Turmas cum
ma quot
cohortes: Cohortibus componunt & numero æquant: Decurias
Decuria
quot Ma- cum Manipulis. Duces igitur etiam totidem: nisi hoc
nipuli. discrimine, quòd vna turma vnum, non geminos, vt
Manipulus habet. Quid autem opus geminare inter
tam paucos? praesertim, cum, vt addit,
„ *Isti ipsi tres adsumant Vragos.*] Vel hinc liquere potest,
Optiones
in equiti- rectè nos de Optionibus supra in Centurionibus affir-
bus. mase. Nam quos eadem voce hīc vocat Vragos, non est
III. de
L. L. alios accipere quàm Optiones. Varro: *Primi singularum*
decuriarum Decuriones dicti, qui ab eo in singulis turmis
sunt etiam nunc terni. Quos hi primò administratos sibi ad-
optabant, Optiones vocari cæpti, quos nunc propter ambi-
tionem Tribuni faciunt. Attende & examina. Terni, in-
quit, *Decuriones in singulis Turmis:* idem hīc Polybius.
J, addit, *primò administratos sibi adoptabant, Optiones:* sunt
palàm isti Vragi. Nam & Polybius ait, quod ipsi sibi eos
legebant. Sed Varro hoc amplius notat, immutatum
postea esse, & Tribunos militum Optionatus iam istos
dedisse. Idque propter ambitionem, inquit: quia honos
scilicet in eo & præmium. quod *M. Cato in eā quam*
habuit apud equites scripsit, apud Festum: *Maiores scor-*
sum atque diuersum pretium parauere bonis atque strenuis,
Decurio-

Optiona-
tus, ipsum
munus.

Decurionatus, Optionatus, Hastas donaticas, alijsque honores. Titulus ipse Orationis ad equites est, & res tota.

„ *Qui primus electus est, imperat toti turma.*] An igitur alio & Præfecti nomine dictus? negat statim Polybius, & omnes Decuriones ait appellatos. Etiam Vegetius: *Turma qui præest, Decurio nominatur. Vt enim centum pedites ab uno Centurione, sic triginta duo equites ab uno Decurione sub uno vexillo reguntur.* Vbi tamen notandum, mutatum iam in numero, nec tres sed vnum fuisse, nomine tamen prisco. Nam vt illa ætas Manipulos in pedite sustulit, sic etiam Decurias in equite neglexit. Amplius ait *sub uno vexillo.* Ergo quæque Turma vnum signum: non etiam quæque Decuria aut dux, vt in pedite factum. Nota, quia Polybius non dixit.

*Decurio
etiã Tur-
ma.*

*Lib. 11.
cap. XIII.*

„ *Cum primus autem non adest, secundus.*] Idem est, quod in Centurionibus. Sed hoc quæro & velim scire, an in ipsis Turmis non etiam ordo? vt alia prima fuerit, alia secunda, sic deinceps? necessum hoc est. Et si fuit, an non inter Decuriones ipsos? vt dignissimus sit, qui primæ, & sic reliquis, vt in Centurionum serie? id quoque opinor: non dictum tamen, quia à se videbatur notum.

*Ordo in
Turmis.*

*Et Decu-
rionibus.*

„ *Præfecti turma.*] Ne te vox fallat, non existimo Latinis sic dictum. Reddidi quod in Græco est, *ἡ ἀρχὴ*: quâ voce aliquoties hîc vtitur, & reliquos etiam duos sic appellat. At Romani in suis Turmis non agnouerunt nisi Decuriones. Quid Socij? liquidò nescio: neque adfirmem an habuerint diuisiones istas tam varias in vnâ Turmâ, Præfectos habuisse, hoc nunc memini legere. vt in Floro: *Frentana Turma Præfectus Obsidius.* Si tamen

*Præfecti
Turma.*

*Lib. 1.
cap. XVI.*

R 3

& De-

& Decuriones suos; quia Turmæ maiores, plures scilicet in vnâ Decuriâ. Hæc de Ciuibus. in Sociis nihil inuenio distinctè, præter hoc in Polybio. Tu lege:

POLYB. Αἱ ἐγγιθέντων δὲ καὶ τῶν *Iunctis congregatisque*
 συμάχων ὁμοῦ τοῖς Ῥωμαίοις, *sociis vnâ cum Romanis,*
 τῶ μὲν οἰκονομίᾳ καὶ τὴν χει- *horum quidem ordinatio-*
 ρισμὸν ποιεῖται, τούτων αὐτῶν *nem & gubernationem ha-*
 οἱ καθεσταμένοι μὲν ὑπὸ τῶν *bent à Consulibus consti-*
 ὑπάτων ἀρχόντες, πρὸς αὐτοὺς *tuti duces, qui Praefecti*
 ἐβόμμενοι δὲ πρᾶξι, δώδε- *appellantur, duodecim nu-*
 κα τὴν ἀριθμὸν ὄντες. *mero.*

„ *Iunctis congregatisque sociis vnâ cum Romanis.*] Iis videlicet sociis, qui iungi duabus legionibus & vni Consuli debebant.

„ *Horum quidem ordinationem.*] Spectat eò, vt velit dispositos per cohortes, centurias, discretosque esse nutu Præfectorum, sicut ciues Tribunorum. Sed & iidem minores duces, id est Centuriones & Turmarum Præfectos videntur designasse.

„ *A Consulibus constituti.*] Hoc valde ad rem Romanam & securitatem pertinet, vt arbitrio Consulum facti præcipui duces. Ideò non placet quod Lascaris vertit, *Constituti à sociis Principes*: inductus verbis, opinor, quæ* suprà aliter explicaui. Ego verò malo ipsos Consules, & mecum Polybius: ad Græca appello. Hoc, vt dixi, è re, contra omnem motum aut rebellionem; vt sociis duces Romani dederint, non altos scilicet aut animorum plenos, suspectos, aut parum fideliter Romanos.

„ *Qui Praefecti appellantur.*] Passim leges, atque etiam Præfectos Alarum aut cohortium, sed qui diuersi ab istis.

*Praefecti
 ordinant
 socios.*

*A Consu-
 libus Pra-
 fecti.*

* Lib. I.
 Dial. VII.

*Varij Pra-
 fecti.*

istis. Nam hi nostri, vt numero, sic iure & potestate Tribunis pares, & qui eadem omnia in Socios vsurpabant, quæ isti in ciues. Ipsos Præfectos Cohortium puto inferioris æui esse, cùm socii in ciues receptis Auxilia instituta. De Alis ambigo, an olim habuerint: sub Augusto quidem. de quo Suetonius: *Militiam auspicantibus non Tribunatum modo legionum, sed & Præfecturas Alarum dedit, ac nequis expers castrorum esset, binos plerumque Laticlauios praposuit singulis Alis.*

Cap.
XXXVIII.

DIALOG. XI.

De Legatis, qui Imperatoribus attributi.

COMMVNES nunc duces profero, qui non huic aut illi parti, sed omnibus copiis præfecti. Talium duo genera, Legati & Imperatores. De Legatis, vetus est: etsi non tam ad imperandum primò instituti aut missi, quàm ad consulendum. Missi dico. quia hinc videtur ipsum nomē, quod Senatus quosdā è primoribus in castra & ad Ducem legabat, militiæ gnaros, quorum operâ & consilio vteretur. Dionysius largiter explicat de L. Siccio, quem Decemuiri ex vrbe hoc prætextu & titulo miserunt in castra, fraude illîc, vt putabant, tollendum. Dederunt autem ei, vt inquit, ἐξουσίαν πρεσβευκὴν, potestatem Legati. tum subiungit: Εἴ τι δὲ πάντων τιμωτάτων τε καὶ ἱερωτάτων ὁ πρεσβευτὴς πρὸς ῥωμαίους, ἐξουσίαν μὲν ἄρχοντος ἔχων καὶ διώκων, ἀστυλῆαν δὲ καὶ σεβασμὸν ἱερέως: Est autem omnium res honoratissima & sacerrima apud Romanos, Legatus. vim quidem ac potestatem Imperatoris habens, sanctitudinem verò & venerationem sacerdotis. Vides nomen explicari: quod etiam Græci veteres ita feruant.

Legati vn-
de dicti.Causa &
institutio.

Lib. XI.

feruant. Dionysius hîc πρεσβυτάς: Polybius ante cum
 semper, & cum additione interdum πρεσβυτάς καὶ συμ-
 βύλας, Legatos & Consiliarios, muneri scilicet eorum ex-
 plicando. Iam olim in re Romanâ fuerunt, & quidem
 supra Tribunos. Liuius: *Concurrunt ad eum* (Appium
 Consulem) *Legati Tribuni que monentes*. Idem: *Dictator*
Mamercus Æmilius Legatos se sequi iussit Quinctium
Capitolinum & Fabium Vibulanum. Vbi de ratione con-
 stituendi etiam notes, & videntur ipsi Duces elegisse.
 Hîc de Dictatore, de Consulibus Sallustius: *Calpurnius*
Consul, parato exercitu, legat sibi homines nobiles. Cicero
 ad Atticum: *Dolabella me sibi legauit*. & alibi exempla.
 Imò verò proprium hoc Consulum fuisse dixeris, & eos
 Prætoribus quoque Legatos nominasse. Polybij verba
 eò ducunt, in Fragmento belli Hispaniensis. vbi narrat
 tantum fuisse eius terrorem, ob ferociam gentis & discrimi-
 na, ὥστε μήτε χιλιάρχους ποσποσδέεας πρὸς τὴν ἀρχὴν τοὺς
 ἱκανοὺς, μήτε τοὺς εἰσφερομένους ὑπὸ τῶν ὑπάτων πρεσβυτάς
 ὑπακύν, ἅς εἶδει ποσδέεσθαι μετὰ τοῦ στρατηγοῦ: *Ut nec Tribu-*
ni satis multi prodirent ad magistratum capiendum, neque
nominati à Consulibus Legati obedirent, quos oportebat
cum Prætoire ire. Quod tamen ita verum censeo, vt con-
 siliium consensusque interuenerit Patrum. Liuius: *Se-*
natus Cn. Seruilio Consuli negotium dedit, vt is in Mace-
doniam quos L. Æmilio videretur, legaret. Et Cicero in
 Vatinius, hoc maximè ei obiicit, quod morem hunc
 violarit. *Audire de te cupio, quo tandem S. C. legatus sis.*
Ne hoc quidem Senatui relinquebas, quod nemo unquam
ademit, vt Legati ex eius ordinis auctoritate legarentur?
 Et si reuera alij quoque neglexerunt, & idem Cicero in
 Sextianâ: *Quos Legatos non modò nullo S. C. sed etiam*
 repugnante

Vetus ca-
res.

Lib. II.

Lib. III.

Qui ele-
gerit?
Consules
ipsi.
In Iug.

Περὶ
πρεσβ.
CXL.

Sed scito
aut cōsen-
su Patrum
Lib. XLIII

repugnante Senatu, tute tibi legasti. Magna autem hæc dignitas, vt Dionysius exposuit: & munus eorum consulere, administrare, præesse, & vno verbo, vicariam operam Imperatori dare. Varro: *Legati qui publicè lecti* (nota publicè: ergo à Patribus.) *quorum opera consilioque vterentur peregrè magistratus, quæ nuncij Senatus ac populi essent.* Eisdem Cicero appellauit, *nuncios pacis ac belli, curatores, interpretes, bellici consilij auctores, ministros munieris prouincialis.* Larga ergo potestas, sed tamen Imperatori deuincta, ei que obnoxia. Cæsar: *Aliæ sunt Legati partes atque Imperatoris. alter omnia agere ad præscriptum; alter liberè ad summam rerum consulere debet.* Atque eâ re idem alibi scripsit, *Fiduciariam operam obtinere Legatum* scilicet quod reuocetur, cum vult is qui dedit, propriam, & à se non habet. Cum tamen habet, imperat, & imperij insignia etiam sumit. Liuius de Pleminio Scipionis Legato: *Sine respectu non maiestatis modò, sed etiam humanitatis, in Legatum impetum, licitoribus prius indignum in modum mulctatis, faciunt.* Vides lictores habuisse. Et Cicero de Verre Legato Dolabellæ Proconsulis: *In Achaiam sumptu publico & legationis nomine, cum imperio & securibus missus est.* Quod tamen obtinuisse modò cenfeo, cum absens Consul aut Proconsul, atque ipse sustineret eius vicem. De Numero eorum, parum certum est, plures paucioresque fuerunt, vt Senatui visum, & vt bellum aut res poscebat. Plerumque tamen pro numero legionum adtributi. atque ita Polybius mox in re castrensi, *duos eos agnoscit in legionibus binis; & ferè sic obseruabis.* Sub Principibus quidem duo genera Legatorum facta: *Consulares, & Prætorij.* Quorum

Eorum
munus

In Vatin.

Potestas
restricta.

III. Ciuil.

II. Ciuil.

Interdum
imperant.
Cum insi-
gnibus.
Lib. xxi.Quot Le-
gati.Singuli se-
rè singulis
legionibus.Duplices,
sub impe-
ratoribus.

S ille

ille toti exercitui præesset, isti legionibus singulis: idque Augusti inuento. Quasi enim vnus ille iam Imperator esset, rem administrabat per Legatos: nec aliter dicebantur: eoque nec triumphi ius habebant, cum omnia gererent auspiciis alienis. In Tacito atque illis scriptoribus hoc perpetuum: in quibus crebro legas *Legatos consulares*, aut compendio *Consulares*: itemque *Legatos praetorios*, siue *Legionum*. A Dione tota res explicata oratione Mæcenatis, & alibi. vocatque hos posteriores ὑποσεργήτους καὶ ὑπάρχους, *Sub-pratores aut Sub-præfectos*: qui ipsi postea *Duces* Latinis dicti. Apud Suidam aliquis scriptor: Ερρύετο τὴν πόλιν ἐνδον ἐξελαζόμενος Φορτωνίῳ ὑποσεργήτῳ & τὸν Πιτῆς μυσίας, ἧς δέκας καλεῖται. *Liberavit urbem intus quasitus Fortunio, Legatus copiarum Mysie, quos Duces appellant.*

Lib. LII.
& LIII.

Duces pro
Legatis.

DIALOG. XII.

De Imperatore ipso: Ductu & Auspiciis. Lictores, Paludamenta, Equi eius.

Imperator. **A**T supremus & communissimus, vt sic dicam, ducum, ipse Imperator, à quo ciues, socij, equites, pedites; denique omnes & omnia pendent. Ille est qui non ductum solum, sed auspicia etiam habet. *Ductus & cap. xxi.* *Distincta enim ista, & Suetonius benè de Augusto: Domuit autem partim ductu, partim auspiciis suis.* Ductu, cum ipse interfuit: auspiciis, cum illo mandante alius, & fortunam ac deos suos (loquamur cum priscis) commodante. Horatius pulchrè ad Augustum, de priuignis:

Auspicia.

Te

*Te copias, te consilium, & tuos
Præbente diuos.*

Lib. IIII.
od. XIII.

Significat ipsos duxisse, hunc direxisse & iussisse. Idem Ovidius clarè de Tiberio, ad eundem:

*Per quem bella geris, cuius nunc corpore pugnas,
Auspiciū cui das grande deosque tuos.*

Lib. II.
Trist.

Sed & Curtius hoc loquendi genus ad res Græcanicas transtulit, & sic apud eum Alexander: *Quorum alia du-*

Lib. VI.

Et meo, alia imperio auspicioque perdomui. Sumptum au-

Veterum
hic religio.

tem à more veteri, quo omnia gesta auspicatò, & præfer-

II. De di-
uinat.

tim in bellis. Cicero: *Rem bellicam maiores nostri admini-*

strari, nisi auspicatò, noluerunt. Et Liuius prælio Allienfi,

ut nouum, & triste prodigium habet: quod *nec auspicatò,*

Augurale.

nec litatò instruunt aciem. Denique sæpe apud eum,

II. De
Nat. deor.

aliosque mentio, *Consules auspicio operam dedisse.* Nec

Postea hac
imagina-
ria.

aliâ fini in castris ipsum *Augurale*, & iuxta Prætorium

II. De di-
uinat.

situm. Hæc olim ita, & feriò seruata, postea non nisi

imago & nomen mansit. Cicero: *Veritas auspiciorum*

Soli magi-
stratus
auspicia
habent.

spreta est, species tantum retenta. itaque maxima reip. partes,

Lib. XXII.

in his bella, quibus reip. salus continetur, nullis auspiciis ad-

S 2 nomen

nomen mansit: & P. Scipio quoque ea sibi vindicat, qui sine vlllo magistratu, Proconsule in Hispaniam missus.

Lib. xxviii

Ita enim ad seditiosos milites: *Qui mihi nec hodie quidem scire videmini quò amentia progressi sitis: quid facinoris in me, quid in deos sacramenti testes, quid aduersus auspicia sub*

Dilatatio
vocis.

xxi, Ann.

quibus militatis, ausi sitis. Atque adedò *auspiciu* simpliciter pro imperio. vt apud Tacitum: *Drusus vrbe egressus, repetendis auspiciis, mox ouans introiit.* Resumpsisse imperium Proconsulare significat, quod ingressu amiserat: nec ipsa auspicia fas capere extra urbem. Summus igitur Dux, cui auspiciu siue imperium: eiusque insignia lictores cum fascibus, atq; ij paludati. Ita enim ad bellum egredi solent. Silius de Varrone Consule:

Insignia
Impera-
toris.

Lictores
paludati.

Lib. ix.

Isque vt Varronem procul inter praelia vidit,

Et iuxta sagulo circumuolitare rubenti

Lictorem, Nospo pompam atque insignia, nospo:

Flaminius modò talis, ait.

Paluda-
mentum
ducis.

Lib. iiii.

Lictorem facit in rubenti sagulo ire, id est paludamento. Quin ipse Dux talis. Liuius iam olim de Fabio ad

Lib. vi.
de L. L.

Cremeram ituro: *Consul paludatus egrediens, in vestibulo omnem gentem suam videt.* Varro: *Paludamenta sunt ornamenta & insignia militaria.* Ideò ad bellum cum exit Imperator, & lictores mutant vestem, & signa incinuerunt, paludatus dicitur proficisci: quæ propterea quòd conspiciuntur qui ea habent, ac sunt palam, paludamenta dicta.

Ad tubam
exibat.

Obserua inibi ritum (nescio an alibi lectum) quòd etiam tubæ tunc incinuerunt, & ad eas facta profectio.

Ita Abolla.

Nisi fortassis huc referendum eiusdem Varronis fragmentum in Nonio: *Toga tracta est, & abolla data est ad turbam, ubi serà militiâ in munera belli vt prestarem.* Le-

gerem,

gerem, ad tubam, pro hoc ritu, & mox urbi serâ: eò prior, quòd Nonius inibi explicat *Abollam, vestem militarem*. Diceret igitur Varro, aut quicumque ille apud Varronem, togam sibi extractam, & paludamentum datum, incinente tuba. Tale in Sallustio: *Togam paludamento mutauit*. Et exempla plurima de hisce paludatis: cur obuia ingeram? nec temporis huius est, nec mei moris. Vnum Senecæ non transeo, quem & viri docti creptum nobis iuêre aut inuersum. Scripserat ille, in detestationem publicarum cædium: *Ex Senatusconsultis plebique scitis scelera exercentur, & publicè iubentur vetita priuatim. Quæ commissa capite luerent, eadem quia paludati fecere laudamus*. Nihil clarius ad hunc ritum. At quidam immutarant, *palam fecere*. quos secutum te M. Antoni nollem, qui Senecam iudicio tuo reformasti nuper: & (liberè dicam) sæpe tuo. Libris & membranarum fidei plus aliquid datum oportuit. Quid autem propriè *Paludamentum*? Varro dixit, *insignia & ornamenta militaria*. Militaria inquam, ne solorum Imperatorum censeas. Itaque & in Lucillij versu legas:

Ponè paludatus stabat rorarius velox.

Nempe sagulo militari amictus. & *Salix paludata* in Festo, sic ornata. Liuius de Curiatio è trigeminis cæso: *Cognito super humero fratris paludamento sponsi, quod ipsa confecerat*. Sagum est: & suprâ Silius *Sagula* licitoribus dat, *paludatis*. Item Cicero: *Togula licitoribus ad portam præsto fuerunt, quibus illi acceptis sagula reiecerunt*. In ipso Imperatore *Sagum* aut *chlamydem* scriptores vtriusque linguæ passim appellant. Scholiastes Iuuenalis, in illud: *Cumque paludatis ducibus*:] *Euntibus ad militiam*, inquit,

S 3

chlamy-

Seneca
sua lectio
asserit.

Epist. xcvi

Paludamentum, sagum est.

Vulgariū
etiam mi-
litum.

In Salix.

Lib. i.

In Pison.

chlamys
dicitur.

Sat. v. 1.

chlamydatis scilicet. Plinius Agrippinam Claudij, in
 Lib. XII. *emissione lacus Fucini præidentem, paludamento auro*
textili induit: Tacitus in eapse re, chlamyde auratâ. Plu-
 tarchus & Dio *χλαμύδα σεραμικήν* vel *σεραπωτικήν* non
 semel verunt: id est, *chlamydem Imperatoriam, vel mili-*
 Formapa- *tarem.* Quæ eius forma? lapides dant, & mox effigiabo:
 ludamēti. sed & Strabo indicat, cū scribit *χλαμυδοειδές εἶναι χῆμα*
 Lib. I. *τῆς γῆς τῆς οὐκ ἐκ μέρους:* *Chlamydis figurâ terram habitatam*
esse, id est, ut addit, extremis longitudinis vtrimque an-
gustis, latioribus imis. Talis facies: at color in Impera-
Coccum ei torio eximius, & quidem è cocco. Plinius: Coccum impe-
proprium. ratoris dicatum paludamentis. Et Silius:

At contrâ ardenti radiabat Scipio cocco.

Isidorus: *Paludamentum pallium fuit Imperatorium, coc-*
co, purpurâ, & auro distinctum. Non credimus illi de au-
 ro, pro veteri quidem more: atque hoc reseruatam tri-
 umphis. Ab hoc colore *Puniceum* dixerunt, siue *Puni-*
 cum, ut Horatius:

In Epod.

Horatius
 explicatus.

Terrâ marique victus hostis Punico
Lugubre mutavit sagum.

De M. Antonio Imp. qui victus ab Augusto ad priua-
 tum & tristem se habitum dedit. Græci *φοινικίδα* crebrò.
 Plutarchus de Crasso pugnaturò in Parthos: *Λέγεται δὲ*
ἡμέρας ἐκείνης ἐκ ὥσπερ ἐστὶ ἐπὶ ῥωμαίων σεραμνοῖς, ἐν φοι-
νικίδι ἐλθεῖν, αἰτ' ἐν ἱματίῳ μέλανι: *Dicitur autem eo die,*
 Lib. I. *non ut mos est Romanorum Imperatoribus, in puniceâ ve-*
 cap. VI. *ste progressus, sed atrâ.* Idem de eodem Valerius: *Ductu-*
rus erat à Carris aduersus Parthos. ei pullum traditum est
paludamentum, cū in prælium exeuntibus album aut pur-
pureum

pureum dari soleat. Atque habent hoc vterque inter tristitia omina. Sed quod de albo etiam est in Valerio, non uum est: sed verum. Nam etsi puniceo creberrimè, tamē & illo interdum. Hirtius de Scipione Imp. in Africâ: *Cum sagulo purpureo ante aduentum regis uti solitus esset, dicitur fuba cum eo egisse, non oportere illum eodem vestitu uti atque ipse vteretur. Itaque factum est illic, uti Scipio sese ad album vestitum transferret.* At de altero colore testimonia magis firmant. In Silio:

Album etiam paludamentum.

Bello Afric.

— *humeroque refulget*

Lib. III.

Sanguinei patrium saguli decus.

De Sempronio Consule. Dio Cassius alibi de Cæsare, quem Alexandrini natantem ex paludamento nouerant, *ἀλάρυα ἰμάτια, purpureas vestes* dixit. & alibi de Vibio Pansâ exituro in Antonium, *hominem qui puniceam ei vestem adferebat, prolapsus in effuso sanguine cecidisse, & vestem maculasse.* Id quoque inter tristitia omina. & quod de sanguine ait, scito sacrificiorum fuisse, quia inter vota & immolationes exhibant, & tunc vestem hanc capiebant. Cicero in Verrem: *Cum paludatus exisset, vota que pro imperio suo, communique populi Romani nuncupasset.* Liuius: *P. Sulpicius secundum vota in Capitolio nuncupata, paludatus, cum lictoribus ab urbe profectus.* Quæ profectio etiam celebris esse solet frequentiâ deducentium prosequentiumque. Idem Liuius: *P. Licinius Consul, votis in Capitolio nuncupatis, paludatus ab urbe est profectus. Semper quidem ea res cum magnâ dignitate ac maiestate geritur, præcipuè tamen conuertit oculos animosque, cum ad magnum nobilemque aut virtute aut fortunâ hostem euntem Consulem prosequuntur. Contrahit enim*

Lib. XLII.

Lib. XLVI.

Vota & sacra Imp. exeunte.

Lib. XXXI.

Deductio eorum.

Lib. XLII.

Orat. in
Pison.

Equi Im-
peratorij.

Lib. xv.

xxi. Ciuil.

Phalera
in eis:
Et coccum

enim non officij modò cura, sed etiam studium spectaculi, ut videant ducem suum, cuius imperio consilioque summam remp. tuendam permiserunt. Tangit hunc morem Cicero in Gabinium & Pisonem: *An cum proficiscebamini in provincias paludati, Consules vos quisquam putauit? Itaque, credo, si minus frequentia sua vestrum egressum ornando atque celebrando, at omnibus saltem bonis, ut Consules, non tristissimis, ut hostes aut proditores, prosequerentur. Atque hæc paludamenta siue insignia lictorum & ipsius Imperatoris fuerunt: addo & in equis eius tale aliquid usurpatum. Tacitus: Turbatus equus, qui consularia insignia gestabat, retrò euasit. Quod ille inter omnia aduersa refert Cæsennio Pato facta expedienti in Parthos. Nec alium sanè equum intellegit, quàm Imperatorium, quem vnum pluresue insignibus istis ornabant. Plutarchus de Crasso, item in Parthos: ἵππος δὲ τῶν στρατηγῶν Ἰνφαντὸς κεκοσμημένος, βίᾳ συνεπιπείσας τὸν ἡνίοχον εἰς τὸ πείθεσθαι, ὑποβρύχιον ἠφανίσθη: Equus unus ex Imperatoriis, splendide ornatus, per vim abstracto rectore in ipsum flumen, statim demersus disparuit. Nec scio an ad hunc ipsum hoc Cæsaris non referam: Pompeius iam cum intrà vallum nostri versarentur, equum nactus, detraxis insignibus Imperatoriis, decumanâ portâ se ex castris eiecit. Ambiguum enim est, vtrum sibi detraxerit insignia, an equo, an potius vtrique. Et quæ hæc insignia? phaleræ & aurum, fortasse & coccineum stratum. Priora de eodem Pompeio lego, bello in Sertorium, cum in manus pænè hostium venisse Plutarchus narrat: nisi quod equum eius diripuerunt, χρυσῷ κεκοσμημένον καὶ φαλάρων ἀνάπλεον: auro ornatum & faleris plenum. Sed & Iulius*

Iulius Obsequens prodigium triste Vibio Pansæ factum scribit, quod *equus faleratus in ipsius conspectu festinans concidit*. Denique hunc talem inter imperij insignia Dionysius ponit, de L. Quinctio Dictatore ad aratrum

Lib. x.

capto: ἵππους τε αὐτὰς φαλάγγας κεκοσμημένους εὐπρεπέσι ποσειδῶνα, καὶ πελέκεις ἅμα ταῖς ῥάβδοις, ἐδῆτας τε ἀλουργὰς, καὶ τὰ ἄλλα πρῶτον τῆς ἀρχῆς: *Equos ipsi phaleris decoris ornatos admouerunt, & secures cum fascibus, vestesque purpuratas, & alia imperij insignia*. Ac vidi in columnâ illâ Traiani, cùm in Italiâ essem, hos tales exstare sculptos, & haud longè Principem à Stratoribus duci. An non apud Græcos simile? De Alexandro quidem Curtius scripsit, Taxili inter alia dona misisse *triginta equos ex suis, cum iisdem insignibus, quos assueverant cùm ipsum veherent*.

In regibus
tale ali-
quid,
Lib. viii.

Sequitur Figura.

T



Et iam decurri secundum hoc velut spatium *Ordinis* in meo missu: fessus sum, & interiungam. A V D. Non licebit etiam de *Armis*? L I P S. Non nunc, frustra reuocas. Sol tua vota non audiit, inclinavit. & is cum Homero nos monet,

Ω'ρη μὲν πολέων μέθων, ὥρη δὲ καὶ ὕπνου:

Tempus sermonis varij, tempus quoque somni.

Abi, cras redi. Quid etiam hæres? A V D. Saltem, quod in primo sermone, da summulam. L I P S. Benè mones, cape.

T 2

TABV-

DE MILITIA ROMANA
TABVLA ORDINIS
IN MILITIBVS.

MILITES
DVPLICES
sunt:

CIVES,
qua Legio
dicitur: &
habet

SOCII,
qua Ala
dicitur,
aut Cornu:
& habet

EQVITES trecentos, vnus omnes generis: diuisos
in turmas decem: & has hominum triginta.

PEDITES quater mil-
le ducentos. Atque hi
sunt quatuor generum,

EQVITES numero du-
plo, id est sexcentos.
Diuiduntur in

PEDITES, quater
mille ducentos, vt plu-
rimum. Sunt duo
genera

VELITES, mille ducenti: diuisi equaliter per
reliqua genera & manipulos, in quoque ho-
rum quadraginta.

HASTATI, totidem. diuisi in decem mani-
pulos, singulos hominum cxx. Manipulus
Ordines siue Centurias duas habet, homi-
num lx.

PRINCIPES, numero & diuisione pari.

TRIARII, numero dimidiato, id est sex-
centi. Diuisio eadem, Manipuli & Ordines
dimidiati.

Isti omnes rursus, iuncti diuiduntur in Cohortes
decem, quaque habet tres manipulos: Ha-
statorum, Principum, Triariorum singulos:
& Velites Manipulis suis adiunctos. Ergo
sunt hominum quadringentorum viginti.

EXTRAORDINARIOS, qui sunt du-
centi: ex his vna Turma, id est quadragin-
ta ABLECTI.

ALARES qui sunt quadringenti. Diuidun-
tur in decem Turmas, singulas hominum xl.
Nota, Sociales Turmas decuria excedere
Ciuiles.

EXTRAORDINARIII, numero octin-
genti & quadraginta. Sunt Cohortes due
hominum trecentorum triginta sex: & vna
dimidiata, hominum centum sexaginta octo
in ABLECTOS.

ALARES, numero ter mille trecenti sexa-
ginta. Diuiduntur vel in Manipulos for-
tasse & Genera, ritu Ciuium; vel dumtaxat
in Centurias & Cohortes.
Cohortes singulae erunt, trecentorum
triginta sex; minores quam Ciuiles.

TABVLA ORDINIS IN DVCIBVS.

D V C E S
sunt dupli-
ces :

PROPRII,
vt sunt

CENTVRIONES,
in Manipulis.
Ordo & diuisio eorum
per Genera, Velutibus
exceptis. Sunt

HASTATORVM, decem paria. duo primi,
duo secundi, vsque ad Decimum : & pro
numero, ordo est dignitatum. Honestior in
eodem pari, ille qui priori Centuria praeest,
sive *Dextra*.

PRINCIPVM, numero & ordine iisdem.

TRIARIORVM, numero & ordine iis-
dem, nisi quod hic Primopilus, caput &
dux Legionis. is Primus Centurio dicitur,
& Aquila praeest. Sunt ergo in vniuersum
Centuriones sexaginta, & totidem Succen-
turiones sive Optiones.

Quod ad E Q V I T E S ciuium aut sociorum, per Turmas
singulas habent tres Decuriones: quorum primus, Prae-
fectus etiam dicitur. Sunt ergo Decuriones in Ala tri-
ginta, & totidem Optiones.

TRIBVNI, in vnâquâque Legione, sunt numero
seni, & totidem Praefecti in quâque Ala socialis sive
Cornu.

COMMV-
NES, vt
sunt

LEGATI, consilij causâ adiuncti, & auxilij ad imperan-
dum. Sunt ferè bini apud Polybium, alias plures, & mox
pro numero legionum.

IMPERATOR summus, cui ius in omnes.

T 3

IVSTI

IUSTI LIPSI
DE MILITIA ROMANA
LIBER III.

DIALOGISMVS I.

Ad Arma ventum. De Velitibus predictum, eorumque origine. tum Hastis eorum, Parmâ, Galeâ.

DE tertio conuenimus, & statim à cibo. Ego orsus sum, Benè maturè te sistis, nec es. è fæmineâ stirpe. A V D. Quid iam? LIP S. Nam eas è morâ natas, dixit Plautus: at tu vidêris potius è Metellis. A V D. Iterùm hæreo. LIP S. Quia enim *Celeris* cognomentum scis adhæsisse istis. A V D. Velim tibi, & statim venias quò te voco! LIP S. Quò istuc? A V D. Rogas? ad Circum nostrum, ad peragendos Martiales illos ludos. LIP S. Hodie adfatim talium, nec aliud in hoc mundi theatro. Galliam triplicem vide. ardet, imò exstinguitur, & vetus illa gloria ab it in fauillas. Europam totam. hostis barbarus imminet, & ille ab A siâ tyrannus cathenas minatur perpetuæ seruitutis. Itaque bella si vis, habes. A V D. Apage talia. nec vera & acria illa volo; sed hæc imaginaria, & quæ sensum ab iis abducant. LIP S. Non nego hunc quoque fructum esse in hisce studiis. & vt grauiora illa firmant in malis animum, sic hæc auocant & in se figunt. Ergo ad *Arma* imus? A V D. Imus. *Arma, arma.* LIP S. Tu quoque canis bellicum? Multæ hodie eiusmodi faces, vtinam
vel

vel aquis Stygiis restinguendæ! Sed ARMA tertia pars facta nostri sermonis, & incluseram definitionis apertis verbis: MULTITUDO IN ARMIS. Frustrâ enim Dilectus & Ordo, nisi & hæc adsint, ac prompto iam pugnare militi dent quo pugnet. Arma igitur duplicia: *ad petendum, ad tegendum*. Illa Tela propriè, & hæc Arma. Sed Polybius in exsequendo discrimen hoc non seruat: seiungit ipse & describit secundum Genera militum, quæ dixi. Dat primò Velitibus arma sua, tum reliquis: & vtraque illa mixtim pandit. Videamus, lege.

Καὶ τοῖς μὲν νεωτάτοις *Et iunioribus quidem man-* POLYB.
παρήγειλαν μάχαιραν φο- *dabant gladium ferre, & ha-*
ρεῖν, καὶ γροσφους καὶ παρ- *stas, & parmam. Parma au-*
μῶν. ἡ δὲ παρμη καὶ διῶα- *tem & firmitatē habet à stru-*
μιν ἔχει τῇ κατασκευῇ, καὶ *cturâ, & magnitudinem quæ*
μέγῃ & ἀρκουῶ καὶ πρὸς *fit tegendo. Cum enim formâ*
ἀσφάλειαν. περιφερὴς γὰρ οὗ- *rotundâ sit, tripedalem habet*
σα τὰ γήματα, τρίπεδον ἔχει *dimensionem. Adornatur*
τὴν διάμετρον. περὶ σκεπκοσ- *præterea & simplici tegmine*
μεῖται δὲ καὶ λιτὴ περικε- *capitis. atque est cum lupinâ*
φαλαίῳ, ποτὲ λυκείῳ, ἢ π *aut tale aliquid imponit, tute-*
τῶν τοιούτων ἴππι δέεται, σκέ- *le simul & signi causâ, ut du-*
πης ἅμα καὶ σημείου χάριν, *storibus ordinum cum stre-*
ἵνα τοῖς κατὰ μέρος ἡγεμό- *nuè aut aliter pugnaverint,*
σι περικινδυνεύοντες ἐρρωμέ- *possint innotescere. Telum ve-*
νως καὶ μὴ διάδηλοι γίνωνται. τὸ *rò quod Grossphos vocamus*
δὲ τῶν γροσφῶν βέλους ἔχει τὰ *habet in longitudine quidem*
μὲν μήκει τὸ ξύλον, ὡς ἴππιν *plerumque duorū cubitorum,*
δίπηχυ, τὰ δὲ πᾶχει δακτυλι- *in crassitie verò unius digiti.*
αῖον. τὸ δὲ κέντρον, σπιθαμιαῖον, *Ferrum est unius spithame,*
atque

κατὰ τοῦτον Πλεπὸν ἐξ- atque adeò extenuatum &
 εληλασμένον & σωοξυσμέ- in aciem productum, ut ne-
 νον, ὥς ἐκατ' ἀνάγκην διδέως cessariò statim à primo ia-
 δὸ τῆς πρώτης ἐμβολῆς καμ- ctu inflectatur, nec possint ho-
 πτεσθαι, καὶ μὴ διώσθαι εὖ stes retorquere. Nisi id
 πολεμίαις δὴ πρὸς ἀλλήν. εἰ δ' ἐ sit, commune fiat hoc te-
 μὴ, κοινὸν γίνεται τὸ βέλθ. lum.

Lenium
 militum
 plurage-
 nera.
 Veteres,
 Et Novi.

Ad verba ipsa priusquam venio, est quod prædicam. Velitibus arma hîc assignantur, sed quibus? propriè di-
 ctis. Nam ecce commune nomen est *Lenis armatura*: sed eius plura genera siue partes, ut *Rorarij*, *Accensi*, & quos *Velites* nunc dico. Illi priores duo, in *Veteri* leui armaturâ fuerunt, isti postremi, in *Novâ*. Hoc attende, & scito. nouum totum istud de Velitibus fuisse, & anteà *Funditores*, *Iaculatores*, *Sagittarios* & id genus in usu habuisse, quos duobus illis nominibus dicebant. Credo me alibi explicaturum: nunc hoc imbibere, mansisse illos ad bellum Punicum secundum, quo Velites instituti.

Velites
 quando
 primùm.

* Anno Vr-
 bis DXLII.

Lib. xxvi.

Anteà nego id nomen in Romanâ re aut historiâ esse. Sed tunc, inquam, instituti* obsidione Capuæ, & rem notabilem Liuius alijque notant. Cùm Romani, inquit ille, ab equitatu Campano (cui hodie quoque meritissima gloria) plerumque vincerentur, ægrè generosis animis fuit, & quod viribus deerat, arte aquauerunt. Ex omnibus legionibus iuuenes electi sunt, maximè vigore & leuitate corporum veloces. Eis parma breuiores quàm equestres, & septena iacula quaternos longa pedes data, præfixa ferro quale hastis velitaribus inest. Eos singulos in equos suos accipientes equites assuefecerunt & vehi post sese, & desilire perniciter, ubi signum datum esset. Inde equitatus quoque

quoque superior Romana acies fuit. Institutum ut Velites in legionibus essent. Habes institutionem, causam, & armaturam. Nec scio an exemplum non sit à Germanis nostris aut Gallis, quibus iam olim & diu antè id factitatum. Ipse Liuius: Galli inter equites raros sagittarios expeditosque levis armatura interiecerant. Idem postea: Veniebant decem millia Gallorum equitum, par numerus peditum, & ipsorum iungentium cursum equis, & in vicem prolapsorum equitum vacuos capientium ad pugnam equos. Cæsar quoque de Germanis, quicum Ariouisto: Erant equitum millia sex, totidem numero pedites velocissimi ac fortissimi; quos ex omni copiâ singuli singulos salutis suæ causâ dilegerant. Cum his in præliis versabantur, ad eos se equites recipiebant. hi, siquid erat durius, concurrebant: si qui grauiore vulnere equo deciderant, circumfistebant: siquod erat longius prodeundum aut celerius recipiendum, tanta erat horum exercitatione celeritas, ut iubis equorum subleuati cursum adequarent. Denique suo etiam æuo in eâ gente Tacitus hoc obseruat: Misti præliantur, apti & congruente ad equestrem pugnam velocitate peditum. Et quanquam istos equo vectos non legamus, quod de suis Velitibus Liuius: tamen certum est nec Velites postea vsurpasse, & tunc quoque cùm fecerunt, celeriter ex equis delapsos. Valerius de hac ipsâ institutione primâ: Q. Nauus Centurio è peditibus lectos expediti corporis, breuibus & incuruis septenis armatos hastis, paruo tegmine munitos, veloci saltu iungere se equitibus, & rursus celeri motu delabi instituit. quo facilius equestri prælio subiecti pedites, viros pariter atque equos hostium telis incesserent. Hæc origo. & mansit res diu postea, & Iugurthæ bello Sallustius: Auxiliarios equites Tribunis legionum & Præfectis

Etiam alij
populi sic
vsi.
Galli:
Lib. vii.
Lib. xlii.

Et Ger-
mani.
i. Gallico

De mor.
Germ.

Lib. ii.
cap. iir.

Quam diu
Velites.

fectis cohortium dissipaverat, ut cum his permisti Velites, quacumque invaderent, equitatus hostium propulsarent.

An & Cæsaris atque illo ævo, nescio. certè in scriptis eius non est mentio: imò si fuissent, quid opus ex antesignanis legionum eligere quosdam in hunc usum?

xxi. Civil.

Nam ita ipse bello in Pompeium: *Adolescentes atque expeditos ex antesignanis electos milites ad pernecitatem, armis inter equites præliari iussit*. Atqui Ammianus etiam *Velites*, & *Velitare auxilium* nominat. scio: sed non hos veteres, dumtaxat eorum exemplo, auxiliares & le-

Videri de-
fuisse cum
Sociis.

uius armatos. Ac mihi suspicio est (suspicio tantum) post Socios receptos in ciues mixtosque legionibus, Velites defuisse, & eorum loco fuisse iuniores quosdam Antesignanos, atque ita reliquas classes auctas. Livi-
us tale indicare videtur, cum scribit, pugnâ Africanâ Sci-

Lib. xxx.

pionis in Annibalem: *Velitibus (ea tunc levis armatura erat) vias complevit*. Ut quid enim sollicitè monet, tunc eam fuisse leuem armaturam, si etiam nunc erat? Sed non

Vnde dicti
Velites.

opinor. & profectò in Cæsare *Sagittarios & Funditores* leges inter leues, qui longè à nostris. A V D. Ego verò iamdiu post Cæsarem *Velitares*, & *Velitare auxilium*,

reperio in Ammiano Marcellino. Ergo iterum rediui-
ui? L I P S. Non ipsi, sed vox in quorundam usu, qui ta-
men eo verbo non nisi leuem militem signant. Nec ab-
surdè. Nam primos ipsos Velites Livi-
us indicat à *velocitate* dictos. & Festus asserit: *Velites dicuntur expediti mi-
lites, quasi volites, id est volantes*. Isidorus aliter, & *vel* à
velitatione vel à *ciuitate Etruriæ* quæ *Velites* vocabatur,
deriuat. Quæ ista ciuitas, nescio: *Veliates* quidem in Ita-
liâ, sed alibi lego. Heus tu, fugerat me panè dicere, hos
esse quos *Γεσφομάχους* Polybius toto isto libro & alibi
appellat:

appellat: nec Lascari tibi audiendum, qui *Pilanos* Lascaris hic error.
constanter vertit. Quàm ille errat? quàm ij (nec è grege
homines) qui secuti? Quibus iisdem *Hasta velitaris* est
Pilum, eodem illo Lascari præcunte. Quis autem nescit,
rei Romanæ non planè expers, *Pilanos* ipsos Triarios
esse? & *Pilum* commune legionariis telum? Statim do-
cebimus, nunc ad prima Polybij dicentis:

„ *Denunciant ferre gladium, & hastas, & parmam.*]
Vniuersè primùm arma eorum nominat, mox partitè Velitaria arma.
describit. Sunt hæc quæ Sallustius intellegit: *fere sagi-*
tarij, & cohors Peligna cum velitaribus armis, itineris In Iug.
properandi causâ.

„ *Gladium.*] Non aliter describit, nec opus erat, quia
fuit Hispaniensis. Idem inquam ille, qui aliis quoque Gladius Hispanie-
militibus, & postea ab eo exponendus. Liuius hoc mihi sis.
dicit, *Velitem* nostrum nominans: *Hic miles parmam tri-*
pedalem habet, & in dextrâ hastas quibus eminus utitur, Lib. xxxviii.
gladio Hispaniensi est cinctus. Quod si pede collato pugnan-
dum est, translatis in leuam hastis, stringit gladium. Vides
apertè quis gladius, & quo fine.

„ *Hastas.*] Benè multitudinis numero, habuit nam
septem, vt statim videbimus. Cur autem *γέγονος* (ita in
Græco) *Hastas* vertimus? cur non cum Lascari *Pila*? Hasta Ve-
Quia istud quidem ratio & Polybius ipse vetat, qui litum.
mox describit *Pila*: illud autem Liuius suggerit & ex-
empla. *Haste* inquam propriæ sunt Velitum, & sic ap-
pellant. Liuius: *Velites, emissis hastis, cominus rem gere-*
bant. Ouidius:

Utque petit primò plenum flauentis arena
Nondum calfacti velitis hasta solum. Lib. xxxi.
Etsi Velites nostros tempore poetæ eius fuisse non opi- In Ibin.
nor, Ouidius
cautè le-
gendus.

Iaculator
pro Velite.
Lib. I.
cap. XV.

Lib.
XXXVII.

Lib. VII.
cap. LVI.

Linij ver-
ba excussa.

Grosphi
vox.

Odys. d.
ver. 631.

nor, sed pro *Jaculatore* laxè sumit: vti contrà, istum pro
Velite Vegetius: *Claudius pluribus iaculatoribus institu-
tis atque perdoctis, hostem cui prius impar fuerat, supera-
uit.* Intellegit Appium Claudium Consulem, qui tunc
ad Capuam imperabat, cùm Velites inuenti. Et pri-
mum sanè præcipuumque eorum munus fuit, iaculari.
Istæ hastæ quia suâ quâdam formâ & minores; discre-
tim ab aliis dictæ, *Hastæ velitares*. Festus: *Aduelitatio,
iactatio quadam verborum figurata ab hastis velitaribus.*
Liuius: *Consul ingentem vim pilorum, & velitarium ha-
starum, sagittarum, glandisque parauerat.* Plinius etiam
scribit *Thyrrenum inuenisse hastas velitares, pilumque.*
Ex quo aliquid in Isidori mentem, qui Velites ex Etru-
riâ deducit. Sed profectò Plinius vniuersè ibi pro hastâ
missili: vt Liuius, cùm de ipsis nostris Velitibus: *Jacula,*
inquit, *præfixa ferro quale hastis velitaribus inest.* Atqui
nōne de iis ipsis sermo? ineptum ergo videatur eadem
per eadem illustrare. Sed quia propriè Velites tunc per-
ierant, communiter loquitur, & habuêre, inquit, hastas
ferro quale nunc quoque in iaculatoriis hastis. Hæc ad
Latinam vocem. de Græcâ, ea & in Plutarcho occurrit,
sed semel atque iterum, apud alios rariùs: tamen proba
est, & Polybius assiduè hac vsus. Γερόφον ipsum telum,
& ab eo Γερόφομάχος Velites dixit: Vulgata adhuc le-
xica aut *Pilum* cum Lascari explicant, aut, si Deo pla-
cet, *glandem*. Ridiculè. audiat optimus Scholiastes
pœtæ optimi, Eustathius, in istud — αἰγανέησιν ἵεντες,
hastis iacientes. Οἱ, inquit, παλαιοὶ φασὶν καὶ ὅτι αἰγανέα
γέροχος, μικρὸν ἀκόντιον ἔζηπτεον μήποτε ἔσφαλται τὸ γέροχος.
γέροφος γὰρ μάλιστα εὐρηταὶ διὰ τοῦ φ. εἴμνη ἄρα μεχθρικὴ
λέξις ὁ γέροφος, ὁ δὲ γρόχος ἀκόντιον. *Antiqui dicunt Ai-
ganeam*

ganeam esse Groschum, paruum iaculum. Et querendum an non error in isto, Groschus: crebrius enim reperitur Grosphus per.ph. Nisi tamen mechanica dictio Grosphus, at Groschus iaculum. Vides (etsi de scripturâ ambigit) tamen planè explicatum pro Polybij & nostrâ mente.

„ *Parma & firmitatem habet à structurâ.]* Atque ea firmitas etiam sit à materiâ. Vnde igitur? ex ære? nugæ: *Parma quâ materiâ.* nec honestiores ipsi talia nunc scuta habuerunt, nedum vt isti minimi. E corio? video eruditos quosdam velle *An è corio?* inductos à Suidâ: Παρμαί, δερμαῖνοι θυρεοὶ καὶ καρχηδονίαι: *Parma, coriacea scuta apud Carthaginenses.* Sed temerè fortasse inductos. Si talia apud Romanos, cur ad Carthaginenses restringit Suidas? Cur Polybius verbo non tangit, & discriminat à legionariorum? Nam istorum è ligno fuerunt, corio saltem superducto. Censeo *E ligno potius.* idem in istis. Ipse Polybius alibi indicat, qui stabilitatem & *δυσαν Romanæ parmæ tribuit: non habuisset **Vide mox de Scutis, Dial. seq.* è corio mero. Quòd ad Suidæ, certum est Afrorum pleraque scuta sic fuisse: sed Afrorum, vt *aliàs deducam. **In Obseru. Milit.*

„ *Formâ rotundâ.]* A quâ nomen petit Varro. Nam *Parma, inquit, quod à medio in omnes partes par.* Iustus *Parma rotunda.* orbis sit, ex iis verbis. Idem & *rotundas* in Fragmento quopiam facit: *Quem sequuntur cum rotundis Velites leues parmis.* *In Non.*

„ *Tripedalem habet dimensionem.]* Est Græcè διάμετρον: *Quanta fuerit, ambitus* & scimus eo verbo venire normalem plerumque lineam & rectam: Latini *dimetientem* dicunt. Si tamen hîc; est cur hæream, & opponam. Age, tripedalis est Diametrus? ergo Perimetrus siue ambitus nouempedalis. Id enim sequitur ex certissimo scito mensurato-
rum.

rum. Et tu talem parmam, *parvam* appelles, *breuem*, & denique *Parmulam*? His enim adiectiunculis aut nominibus Latini efferunt. vt Nonius: *Parma*, *breue scutum*. Isidorus: *Parma*, *leuia arma*, *quasi paruus clypeus*. Frontinus de ipsis nostris Velitibus: *Parmulis non amplis*

Lib. III.
cap. VI.

ornati. Valerius: *Paruo tegmine muniti*. Si inquam omnes consensu breuitatem & leuitatem attribuunt; qui potest in isto modo? qui adfatim amplus, & nec maior ferè in grauiore armaturâ. Nam scutum legionarij militis etsi *quattuor pedes* habet in longitudine, tamen *duos & semis* tantum in lato. Ergo eâ parte Parma vincat.

Lib. XVI.

Amplius. Liuius scribit, *Parmas iis fuisse breuiiores quàm equestres*: id est minores. Ego non credo vllum equitem commodè tractare posse hanc vndique tripedalem. Quid ergo censeo? nihil definitè & pro sententiâ, sed iniicio *Diametrum* hîc esse fortasse totam in ambitu mentionem. An cum exemplo? ipsius Polybij infrâ, apertè in Pilis. Atqui Parma tunc exigua, & non nisi pedalis in Dimetiente. Fateor. & ergo hoc est, quòd exiguam faciunt passim. Imò hoc est quòd C. Mario displicuit, & alias in vicem dedit. Festus ita: *Parmulis* (nota & hîc diminutionem) *pugnare milites soliti sunt, quarum usum C. Marius sustulit, datis in vicem earum Bruttianis*. Quid istæ Bruttianæ? apud eundem Festum: *Bruttiana parma, scuta quibus Bruttij sunt vti*. Nec de formâ aliud scio. A V D. Mi magister, audebis hoc pertendere, cum etiam in Liuiio sit: *Hic miles tripedalem parmam habet*? L I P S. Nempe eodem illo sensu. A V D. Atqui & Polybius hîc adtribuit *μεγέθος ἀρκούντες ἀσφάλειαν*, *magnitudinem qua sufficiat ad tutelam*. An talis hæc exigua? L I P S. Hoc me mouet, nec adfirmo, aut pertendo: absit.

Marius
aliquid
mutauit.

absit. quid in istâ re militari? in quâ ego quidem sum, quod dicitur, delphin in terrâ. Caussas tamen ambigendi me habuisse censeo: & alij * πολέμων ἐκ ἄγευσι iu-

* bellorum
non rudes.

„ *Simplici tegmine capitis.*] Significat ex ære aut ferro nihil fuisse, dumtaxat è pelle aut lanâ aliquid, & *Gale-*
rum aut *Galeam*. Nam sic discernit hanc à Casside Isi-
dorus: quod *Cassidis de laminâ est, Galea de corio*. Ille hoc
verè, & pro eo Tacitus: *Vix uni alteriue cassidis aut galea,*
de Germanis sic scribens, & manifestò abiungens. Ipsa
vox quoque præfert. quia *Galea* est propriè ἀπὸ τῆς γα-
λένης, à fele aut *mustella*: etsi Varro maluit petere à *Gale-*
ro. Sanè prisca tegmina ferè petebant à feris. vnde in Ho-
mero aliisq̃ue, ἰκπῶν, κυῖν, ταυρίν, αἰγείν: *mustellina, cani-*
na, taurina caprilla. Lego & in Suidâ: Αλωπεκία, ἡ περὶ
κεφαλὰ: *Vulpina, ipsa galea*. Sic igitur dictæ, quia à ta-
libus animalibus captæ. Mos qui passim tangitur à poë-
tis. vt Statio:

Galea à
Casside
differt.

Galea ety-
mon.

E pellibus
olim.

Telarudes trunci, galeæ vacua ora leonum.

Lib. vii.

Ipsas leoninas exuuias sumebant, & sic aptabant vt ca-
put capite velarent, ceteris humeros & dorsum. Home-
rus de Agamemnone:

Ἀμφὶ δ' ἐπεῖτα δαφνοὺν ἑῶσατο δέρμα λέοντος
Ἀΐδωι, μέγαλ' αἰο, ποδηνέες. —

Iliad. κ.
vers. 23.

Atque humeros circumiecit pellem inde leonis
Ardentis, magni, crurum tenuis. —

Noster Virgilius de Auentino Italo:

Ipse pedes tegmen torquens immane leonis
Terribili impexum setâ, cum dentibus albis
Indutus capiti, sic regia tecta subibat.

Lib. vii.

Nec de nihilo hoc poëta Romanus. quoniam & Ro-
mani

Signiferi
Romani
leoninum
induti.

mani in suâ militiâ vulgò vsurparunt, & adnoto in Columnâ Traiani signiferos omnes semper in hoc habitu. cum pelle dico leonis, quæ caput, humeros, dorsum tegat, & caudâ pedes flagellet. Etiam in Tacito, Germanicus *contectus humeros ferinâ pelle, adit castrorum vias.* Non sic tamen in nostro Velite, cui galea tantum è tali aliquo tegmine, & sæpe lupo, (Romanâ ferâ, & Romuli nutrice) quod apertè Polybius hîc signat. Alludit Propertius, de cascis illis Romanis:

Lib. VIII.
eleg. I.

Et galea hirsutâ compta lupina iubâ.

Virgilius: — *spicula gestant.*

Bina manus, fuluósque lupi de pelle galeros.

Aliâs ex vrsò, aut tali ferâ habuerunt. Statius:

Lib. VIII.

Ille Lycaonia rictu caput asperat vrsa.

Quin Claudianus Afris dat è serpente:

Lib. I. de
Laud. Stil.

Serpentum gestant patulos pro casside rictus.

Galeri.

Hæc talia *Galeros* appellat Virgilius suprâ, & Frontinus.

Cudones.

Veliti nostro *Galericulus* adaptat. Silius *Cudones* dixit:

— *caput his cudone ferino.*

Stat cautum.

Iterum: — *cudone comantes*

Disceit crines.

Sed & video Græcos iis vsos, aut finitimos. Xenophon

Lib. V.

de Thracibus: *Ἐπὶ δὲ τῇ κεφαλῇ κέκνη σκύπνα, οἷα περ τὰ*

Paphlago-
nū galea.

παφλαγονικά: In capite galea è corio, cuiusmodi Paphlagonum. Sed & Macedones habuere. Dio Cassius ait

In Caracalla.
Macedo-
num.

M. Antonium Caracallam, *legionem Macedonum instituisse, & prisco ritu ornasse.* Arma autem erant, inquit, *Κέκνη & ὠμοδόειον, & ὠρεξ λινούς, galea è crudo boue, lorica lintea; & quæ addit. Facit hoc poëta in Causiam Macedonum:*

Καυσίη,

Καὶ σὴν, ἢ τὸ πάριθε μακρόδοσιν δ' ἄλλον ὄπλον,
Καὶ σέπας ἐν νιφετῷ, καὶ κόρις ἐν πολέμῳ.

*Causia, quæ Macetum genti fuit utile tegmen,
Pilleus in nimbis, inque acie galea.*

AVD. Sed heus, Polybij verba cūm video: *atque est*, inquit, *cūm lupinam aut tale aliquid imponit, tutela simul & signi causā*: hæere incipio, vtrum nudo capiti, an galeæ alteri imponat? Eò magis, quòd in Vegetio memini legere: *galeas ipsas ad terrorem hirsutis* (alij libri *trisinis*) *pel-* Lib. 11.
libus tectas. LIPS. Nōn ita hīc factum. cūm præmiserit de *simplici tegmine*: nec ratio est tam cautè & custoditè armare istos. Addo legere me *Galeam venatoriam*, pro hoc sensu, in Æmilio Probo, de Datami: *Ipse agresti dup-* Galea venatoris.
plici que amiculo circumdatus, hirtaque tunicā, gerens in ca- In Datami.
pitate galeam venatoriam, dextrā manu clauam. Ita enim veriùs distingui, quàm vt ad *clauam* referatur. Et quidni isti vsi, quibus è cæde ferarum copia? Sed pergo.

„ *Habet lignum in longitudine duorum cubitorum.*]

Sunt igitur in hastili *tres pedes*. Nam quod in Liuiο est: *Septena iacula quaternos longa pedes data*. & in Fronti- Concordia
no: *Septenis singulos hastis quaternorum circiter pedum* inter Po-
armauit: id ad telum totum referendum est, vnà cum lybium &
ferri modo, qui fuit dodrantalis, id est haud lōgè à pede. alios.

„ *Crassitie vnus digiti.*] Ergo tenue lignum, & vt ho- Tenua
diernæ sagittæ. Quidni tale cūm *septem* ea tulerint? su- hasta ve-
prà in Liuij & Frontini verbis habes. Septena igitur illa litum.
implebant manum. Huc facit Valerij locus, sed cum Valerij lo-
nostrā correctione, qui scribit eos *breuibus & incuruis* cus tetatus
septenis armatos hastis. Breuibus, pedum quattuor: sed Lib. 11.
quomodo *incuruis*? an à ferro? non dicit Polybius. & cap. 111.

X

pone

pone hamatum fuisse, non tamen aptè hoc *incurium*. Libri scripti quos consului habebant, *inturmis*. Putarem *infirmis* verum esse, & ad hanc tenuitatem referrem.

„ *Ferrum est unius spithame.*] Ita Græcis dicitur, qui Latinis est *Palmus maior*, siue & *Dodrans*.

„ *Statim à primo iactu inflectatur.*] Tale aliquid in ipso Pilo machinatus C. Marius, ut post dicam. Hæc igitur arma Velitum: à quibus moneo haud longè *Peltastas* siue *Cetratos* abisse Græcorum. Ut alia loca omit-
Peltasta
aspidet Ve-
litibus. tam, Ælianus ita describit: Οἱ πελτασταὶ μέση πῶς κέχρηται σκευῇ. ἡ γὰρ πέλη μικρότερος ἐστὶν ἀσπίδος, καὶ κέφη, καὶ τὰ δόρατα πολὺ τῶν ὀπλιτῶν λεπτόμενα: *Peltasta mediâ utebantur armaturâ. nam Pelta parvus quidam clypeolus est, & levis, & hasta eorum longè infrâ modum Grauium.*

DIALOG. II.

De Scuto accurratè. Discrimen à Clypeo. Magnitudo eius, Circulus, Umbo, Origo, & exemplum.

VELITIBVS arma sua dedit, dat nunc Hastatis; imò & aliis iunctim, quia armis isti leuiter inter se dissidebant: & siquid fuit, dicit. Lege:

POLYB.	<p>Τοῖς γε μὲν ὀδυτέρῃς μὲν κατὰ τὴν ἡλικίαν, αἰσάτοισι δὲ προσαστορδομοῖσι, παρήγειλαν φέρειν πανοπλίαν. ἐστὶ δ' ἡ ῥωμαϊκὴ πανοπλία, πρῶτον μὲν θυρεὸς, & τὸ μὲν πλάτος ἐστὶ τῆς κυρτῆς ἑπταφανείας πένθ' ἡμιποδίων. τὸ δὲ μῆκος, ποδῶν τετταράων. ὃ δὲ μεί-</p>	<p><i>Secundis verò atate, & quos Hastatos dicunt mandabant ferre omnia arma. Sunt ea more Romano Scutum primò. cuius latitudo est in gibbâ superficie duorum pedum & semis: longitudo pedum quattuor. Maius verò</i></p>
---------------	---	---

ζων ἐπὶ καὶ παλαιαῖς, ἐν
 διπλοῦ σανδώματι, ταυρο-
 κόλλη πεπηγὼς ὀθονίῳ, μετὰ
 δὲ ταῦτα μοχλίῳ δέρματι περι-
 εἴληπται τὴν ἐκτὸς ἑπιφά-
 νειαν. ἔχει δὲ περὶ τὴν ἴτιν
 ἐν τῶν ἀνωθεν καὶ κάτωθεν
 μερῶν, σιδηροῦ σιάλωμα,
 δι' ἧς τὰς τε κατὰφορὰς τὴν μα-
 χαιρῶν ἀσφαλίζεται, καὶ τὰς
 πρὸς τὴν γλῶττιν ἐξερεῖσεις. πρὸς
 ἡμῶν δ' αὐτῶ καὶ σιδηρὸν κόγ-
 χον, ἢ τὰς ὀλοχερεῖς ἀπο-
 σείγει πληγὰς, λίθων καὶ σα-
 ρεωδῶν, καὶ κατόλου βιβαίων
 βελῶν.

verò etiam palmo præterea
 excedit. Est ex duplici tabu-
 latione, taurino glutinocum
 linteo compactum: dehinc
 vituli bouisue corio tegitur
 exteriorē superficiem. Ha-
 bet in curuaturâ circa supe-
 ram inferâque partem fer-
 reum munimentum, quo et
 contra ictus ensium defenditur,
 et contra inclinationes aut
 depositiones in terrâ. Aptâ-
 tur illi et ferreus umbo, qui
 vehementiores ictus auertit
 lapidum et sarissarum, et
 uniuersè violētī cuiusq; telī.

Assignat igitur primò.

„ *Scutum.*] Cui nomen ὤρετ' ὁ σκῦτον, id est à loro, è
 quo factum. Id verius, quàm aut à secando, quasi seca-
 tum, quod Varro comminiscitur; aut ab excutiendo, quod
 Isidorus, quia excutiat tela. Moneo differre à Clypeo, &
 separant quicumque signatè ac propriè locuti. Liuius:
Scuta pro clypeis fecere. Et est discrimen à formâ. quæ
 enim rotunda & in orbem iustum relata, Clypeos dixê-
 re; quæ in longum exhibant, Scuta. Virgilius:

— clypeique sub orbe teguntur.

II. Acc.

Idem: *Argolici clypei aut Phœbeæ lampadis instar.*
 Addit *Argolici*, quò magis orbem notet: quia talia illo-
 rum. Ammianus: *Fugum tereti ambitu, Argolici clypei*
specie. In Dionysio: ἀργολικαὶ ἀσπίδες: *Argolici clypei:* in

Lib. XXIII.

X 2

Serua-

Seruiano censu, qui simpliciter sunt *Clypei* Liuius nostro. At de Scutis, contra leges *Scuta longa*: & mox audiemus sic fuisse. Simile discrimen apud Græcos. & Homerus *Ἀσπίδας δ' ἰκύνεας* agnomento dixit, *clypeos rotundos*: at *ὑπερὲς* Polybius semper nostra *Scuta*: nec aliter Dionysius & Plutarchus. Dio & inferior illa ætas confundunt.

Duplex
scutum.

Quatum:

Et Imbricatum.

Lib. XLIX.

In Macri-
no.

Lib. IX.

„ *Cuius latitudo in gibbâ superficie.*] Metitur exteriorem ambitum, sed ubi? Scutorum enim vnum & commune genus, inæquali latitudine: ac patet magis produciturque circa vmbilicum, extremis angustioribus. In tali, crediderim mensurari mediam partem. Alterum genus rarius, sed tamen in vsu etiam, quod vndique æquali latitudine, & ianuæ velut formam habet, sed incuruæ: & vt apertè dicam, sectum canalem aut imbricem refert. Dio Cassius vtrumque genus copulat, cum Testudinem militarem struit, & in eius medio locat τὰς τὰς πλατεῖας ἀσπίδας (confundit vocem, debuisset *ὑπερὲς*.) ἔχοντας: eos qui *lata scuta habebant*: in lateribus δὲ ἀσπίσι ταῖς κοίλαις ταῖς σωληνοειδέσι χρωμένους: eos qui *scutis cauis in modum canalium factis utebantur*. Vtrumque in monumentis videmus: etsi cum discrimine vsurpatum, vt ostendit idem Dio. Nam notat Macrinum *Prætorianis militibus*, pugnâ in Antoninū, abstulisse τὰς σωληνοειδέας ἀσπίδας, *scuta imbricata*: quo *leniores*, inquit, eos *redderet ad pugnam*. Ergo hæc grauiora & longiora etiam, quod Polybius indicare mox videtur, & palàm magis Apuleius: *Miles*, inquit, *è legione, habebat galeam nitore præmicantem, & scutum ceteris his longius*. Nostrium intellegit, quod vulgaria anteibat, & digniores militum gestabant. Nescio an & Ammianus, de militibus quibusdam

busdam Romanis: qui veritine remanerent post signum Lib. XXIII.
 erectum, scutis quæ patula sunt & incurua, firmitus adhe-
 rentes, eaque licet imperitè regendo, per voraginosum am-
 nem velocitatem comitati sunt navium. Potest hæc signa-
 re, potest illa alia: quia omnia leuiter incurua. Forma &
 facies vtrorumque sic in sculpturis.



„ Longitudo pedum quattuor.] Vides prominuisse igi-
 tur scuta, & oblonga magis quàm lata fuisse. Iosephus Scuta ob-
longa.
Lib. I II.
Exc.
In Acmi-
lio.
 ideò appellat Romanorum istos *ὑπερὲς ἰσχυρὰς*, scuta
 longa: & Plutarchus, *ποδὴγεῖς*, ad pedes demissos. Nam reue-
 ra totum hominem tegebant, leuiter se inclinantem.
 Argumentum, quod Liuius scribit milites in vigiliis
 stantes, capite super marginem scuti posito, dormiisse. Si stan- Lib. XLIII.
 tes, debuit fuisse productū. Reperio & inferiore ac cor-
 ruptâ iam militiâ hunc modum. Nam in Nicetâ Cho-
 niate, vbi Eustratius quidam è legione Macedonicâ ad sin-
 gulare certamen in hostem producit: *ἀσπίς*, inquit, *ἀσπίς*
αὐτῶν ἐγγυῆρες καὶ ἕσχα διδοῦσι: scutum illi ad hominis longi-
 tudinem datur.

X 3

„ Maius

„ *Maius verò scutum etiam palmopraterèa excedit.*] Hoc fortassis illud incuruum est, de quo dictum. Sed quis id gestauerit? Triarij, opinor, aut digniores Principum: nec vulgatam Liuij scripturam audiemus: *Spoliare cupientem Triarij obiectis clypeis arcuere.* Illine clypeis? nusquam iam ij Romanis, & *scutis* reponere cum priscis libris.

Liuius correctus.
Lib. xxi.

Scuti ligna cuiusmodi.

De L. L.
Lib. xxi.

Equa arbore.

Lib. xvi.
cap. xl.

Salice saepe.

„ *Ex duplici tabulatione.*] Quo id sensu? an duas tabulas fuisse, incuruas sic aptatas? an duplicatum totum textum? Ego hoc opinor, & è pluribus minutisque tabellis corpus hoc iunctum. Varro subiicit, cum etymon scuti quærit: *A secturâ, inquit, ut secatum, quod minutè confectum sit tabellis.* Etiam Ammianus: *Cum apud Parisios adhuc Cæsar Julianus quatiens scutum variis motibus exerceretur in campo, axiculis quibus orbis erat compaginatus, in vanum excussis, ansa remanserat sola.* Ostendit pluribus lignis & axiculis constitisse. Atque hæc è certis arboribus, quas Plinius designat: *Frigidissima quamque aquatica, lentissima autem, & ideò scutis faciendis aptissima, quorum plaga contrahit se protinus, clauditque suum vulnus, & ob id contumacius transmittunt ferrum.* In quo genere sunt ficus, salix, tilia, betulla, sambucus, populus utraque. *Leuissima autem ex his ficus & salix, ideòque utilissima.* Vides Salicem inter utilissimas censerì, atque etiam vulgatissimas, ut aliunde disco. Adeò ut Græci poëtæ *ιτέων* siue *Salicem* dixerint pro ipso Scuto. Euripides: *Κρέων γ' τ' ἐν δένδ' ιτέων λαβὼν χεῖρ:*

Salicem Creon deinde suscipiens manu.

Hesychius: *Ιτέων, αἱ ἀσπίδες, διὰ τὸ πρῶτας ἐν ταύτης τῆς ὕλης κατασκευάζειναι: Salices, scuta. quia primitus ex hac materie sunt facta.* In Theocrito etiam est:

Αχθόμε-

Αχθομένοι σακέεσσι βραχίονας ἰτεῖνοισιν:

Eidyll. xvii.

Brachia vimineis scutis pressi atque grauati.

De Syracusiis loquitur. & nescio an non aliud ibi scutorum etiam genus tangit, quod non è tabellis, sed è viminibus textum. Ideò etiam ita verti. Nam Siculi & Syracusij talibus vulgò vsi. Festus: *Cerrones leues, & inepti, à cratibus dicti. quòd Siculi aduersus Athenienses cratibus pro scutis sint vsi, quas Greci γέρρας appellant.* Benè Festus. & cum eo Eustathius: Γέρραι, ἀσπίδες περσικαὶ ἐκ λύγων, καὶ οἰσύνων: *Gerra, scuta Persica, ex viminibus, & saligna.* Persis adtribuit, quia creberrimè & recentissimè ij habuerunt. Glossæ item: Γέρρον, εἶδ' ὁ ἀσπίδ' ὁ περσικῆς: *Gerrum, (hoc etiam genere vulgò extulerunt) genus scuti Persici.* In Xenophonte aliquoties ea vox: & Ammianus de Persis etiam sui æui: *Obtecti, inquit, scutis vimine firmissimo textis, & crudorum tergorum densitate vestitis.* Idem postea: *Manipuli peditum contecti scutis oblongis & curuis, quæ texta vimine & crudis coriis gestant.* Ipsa descripta habes, & item formam. A quâ tamen aliquid Strabo abit, qui de Persis: ὀπλιζόνται δὲ γέρρων ῥομβοειδῶν: *Ar-* mantur scuto rhombi speciem. Hæc figura non planè quadrat in Ammiani oblongam & curuam. Sed potuerunt à Strabone mutasse. In Eunapio lego Parthis quoq; (gens eadem, aut in eodem solo) scuta hæc talia, imò & galeas fuisse. Οἱ δὲ πᾶν παράθων, inquit, οἰσύναντες ἀσπίδας ἔχοντες καὶ κρόνη οἰσύναντες, πλοκὴν ἴνα πάτριον πεπλεγμένον: *Qui Parthorum scuta habebant viminea, & galeas vimineas, suo & patrio quodam modo intextas.* Nec verò Persæ tantum, sed Germani habuere. Ex Tacito: *Nec scuta quidem ferro neruòue firmata, sed viminum textus, vel tenues & fuscas colore tabulas esse.* Galli quoque in Cæsare: *Scutis*

Scuta è vimine.

Gerra.

Persæ sunt vsi.

Lib. xxiij

Ibid. Quæ forma fuerint.

Lib. xv.

11. Annal. Germanis hæc scuta. Et Gallis interdum.

ex cor-

ex cortice factis, aut viminibus textis, quæ subito ut temporis exiguitas postulabat, induxerant pellibus. De aliâ aliquâ gente Sallustius, in fragmento: *Soliti neçtere ex viminibus vasa agrestia, ibi tum quòd inopia scutorum fuerat, ab eâ arte se quisque in formam parmae equestris armabat.* Sed vterque ostendit non optima aut firmissima ea scuta fuisse, & adsumpta in egestate aliorum. Significat & Thucydides: *Ναύτας ἐξ ὀπίσθεν ἀσπίσι φάυλαις ἐοισύναις ταῖς πολλαῖς: Nautas armauit scutis improbis, & plerisque vimineis.* Tamen Macedones etiam olim vsi, sed quæ in ærea aut argentea Alexander mutauit: & hoc iis apud Curtium obiicit: *Ligneæ enim vasa desiderant, & ex cratibus scuta.* An non Itali & ipsi Romani? Dicas ex Virgilio, qui de Italis:

Improbæ
hæc scuta.

Macedo-
nes olim
vsi.

Lib. x.

Et Itali.

Virg. Aen.

*Fortasse
plectunt.

—* *plectuntque salignas*

Umbonum crates alijs.

Ex Lucano, de Romanis Arimini:

Lib. i.

— *nudâ iam crate fluentes*

inuadunt clypeos.

Intellegit vetustos, & pelle scissâ & fluidâ iam destitutos. *Crates* vterque dicit: quæ vox tamen & in tabellarum textum conuenire potest. Scuta tamen rotunda & equestria, cùm * Sallustius, tum Dio, indicare videntur (leuitatis fortasse causâ) talia fuisse. Dio sic de Saluidieno, qui cymbas quasdam contra Sextum Pompeium ridiculè instruxit: *Δερμάτινα πλοῖα, κατὰ τὰς ἐν ὠκεανῷ πλέον-
τας, ἐκποιῆσαι ἐπεχείρησεν, ἐνδοθέν μὲν ῥάβδοις αὐτὰ κέφαις δια-
λαμβάνων, ἔξοθεν δὲ βοῶς δέρμα ὠμόν, ἐς ἀσπίδ' κικλοτεγὲς
τόπον, ἀειτείνων: Coriacea nauigia, ut solent ij qui Ocea-
num nauigant, facere est aggressus, introrsus ea virgis leui-
bus intexens, extrorsus verò bouis crudum corium, in mo-
dum*

*In fragm.
suprà.

Lib. XLVIIII

dum rotundioris clypei, circumponens. Cum rotundo clypeo difertè comparat; qui equitum ferè fuit. Sed heus tu, cur non me reuocas euagantem? & nōne hæc extra Polybium? A V D. Non extra historiam aut militiam: & sint vtrique illustrandæ. Quin ad tales excursus liber esto, & iam nunc mappam tibi mitto. L I P S. Reduc & contrahe. non enim lubet extra viam: ipsa longa affatim, & fatigat. Pergo.

„ *Taurino glutino.*] Quod & linteum tabellis iunxit Glutinum in scuto. (de quo linteo hîc in Polybio:) & tabellas ipsas inter sese. Denique & corium firmauit. Aufonius:

Tergora dic clypeis accommoda quid faciat? glux. In Monof.

Videntur & neruo aut ferro vinxisse. ex Tacito: *Ne scuta quidem ferro neruoue firmata.* Sed ferrum referri ad orbem circumpositum potest, de quo Polybius tangit, vel ad Vmbonem: *nerui*, non nisi huic rei & tabulis vincendis fuisse videntur. Et Nerui. II. Anal.

„ *Vituli bouisue corio.*] Potius profectò *bonis*: & id robustius: tamen quia *μορχειν δερματι* in Græco est, de *vitulo* quoque expressi. Corij huius inducti apud Græcos Latinosque mentio, & creberrimè poëtas: qui coria Corium in scutis. etiam multiplicant & adaugent. Exempla illa omitto. propriè ad Polybium & ad verum, Statius:

Nec pudor emerito clypeum vestisse iuuenco. Lib. III.

Idem: — *graues clypeos casis vestire iuuenis.*

Sed & Liuius testimonium, in re miserabili, suggerit, de obsessis Casilini ab Annibale: *Postremò ad id ventum* Lib. XXIII. *inopia est, ut lora detractasque scutis pelles, ubi feruidâ molliissent aquâ, mandere conarentur.* Accusarem cupidinem

Y

nem

nem vitæ, nisi quod à constantiâ non ab ignaviâ fuit.
Silius idem de Saguntinis:

Lib. II.

— *resolutâque nudos*

Linquentes clypeos armorum tegmina mandunt.

Hegesippus de Iudæis, qui in vrbe sacrâ à Vespasiano obfessi: *Et cùm alia famis solatia non reperirent, detrahebant coria scutis, ut cibo essent sibi quæ præsidio non essent.*

Margo
ferreus in
scuto.

„ *Ferreum munimentum.*] In Polybio, σιδηρὸν σιάλωμα: quæ vox *labrum* & extremitatem talem mihi notat. Suidas ipsum hunc Polybij locum, opinor, respiciens: Σιάλωμα, σιδηρὸν περιφύεσθαι τῶν ῥωμαίων θυρεῶν: *Sialôma*, *ferreus ambitus Romani scuti*. Vult idem dictum Hesychius, sed obscuriùs: Σιάλωμα, μέρος τίς τῶν ὀπλῶν καλεσθῆναι θυρεῶν: *Sialôma*, *pars aliqua armaturæ, quam Scutum dicunt*. Plutarchus λεπίδα dixit, & auctorem huiusce rei

Camilli
inuentum.

In Camill.

Camillum fecit. Ille in pugna contra Gallos, quorum immanes gladios timebat, cùm alia machinatus est, tum istud. Τοῖς θυρεοῖς, inquit, κυκλῶς περιέμωσε λεπίδα χαλκῆν, τῇ ξύλῳ καθ' αὐτὸ τὰς πληγὰς μὴ εἶχοντο: *Scutis laminam ferream in orbem adaptavit, ligno solo ictus parum sustinente*. Ergo hæc causa vna & prima rei; altera quam Polybius adiungit, ad scuti tutelam & servamen. Inclinabant enim sæpe in terram, & ferè sic ante tentoria aut in excubiis habebant, pilis etiam (quod marmoranos docent) acclinatis. Ne ergo putisceret lignum, munimen à ferro.

Umbo è
vario me-
tallo.

„ *Ferreus umbo.*] Ita plurimùm & vulgò, è ferro. At poëtæ aureum etiam faciunt. ut Virgilius:

x. Aenæid.

— *vastos umbo vomit aureus ignes.*

Sed & Sidonius posteriore ævo reipsâ sic fuisse ostendit.

dit. *Clypeorum lux in orbibus niuia, fulua in umbombus, ita censum prodebat ut studium.* Hoc ille de Sigimere iuvene regio, eiulque comitatu selecto: & satis indicat ditiores argentum in ambitu, & aurum in umbone gestasse. Non is luxus olim. Umbonem autem certum est mediam illam partem scuti dictam, quæ protuberat & exseritur cum rotundo tumore. Ideo Umbo, quod Græcis est ὀμφαλῶν. Montes & eminentias hac voce Statius poëta sæpe appellat, quod iure suo doctus Scaliger nos docuit in Varronem. Sed & Latini vestis positum qui ad pectus exibat in tumorem, sic dixerunt. Tertullianus: *Totum contracti umbonis figmentum.* Iterum: *Recognito rursus umbone, & siquid exorbitauit reformato.* Persius:

— totaque impune Saburrâ

Permisit sparsisse oculos iam candidus umbo.

De tirone loquitur, qui in viros transcriptus, & depositâ prætextâ candidam togam sumpsit: unâ cum eâ etiam libertatem. Non aliter ego illa interpretor. Apuleius huc etiam ducendus: *Palla sub dextrum latus ad humerum leuum recurrens, umbonis vice, deiectâ parte laciniæ, multiplici contabulatione dependula.* Et Glossæ præfixæ: *Umbilicus*, ὀμφαλὸς ἀσπίδος, τῆς ἐννης: an non corrigendæ? *Umbo*, ὀμφαλὸς, & cetera. Nec enim Umbilici vocem profectò temerè in utrâvis eâ notione leges.

„ *ſctus auertit lapidum.*] Atque vsus alter, quod auertat etiam hostes. Nam in conflictu & pugna cominus utebantur eo ad impulsu. Suetonius de Acilio animoso milite: qui *abscisâ dextrâ, transiliuit in nauem, umbone obuios agens.* Curtius: *Totam aciem pauore suo fluitantem, umbonibus posse propelli.* Liuius: *Umbonibus incussâque alâ sternuntur hostes.* Iterum: *Alâ deinde & umbonibus pul-*

Y 2

santes.

Lib. iiii.
Epist. xx.

Quid umbo.

Pro mōte.

Pro vestis parte.
De pāll.
cap. v.
Ibid.

Sat. v.

Persio lux.

Lib. xi.

Umbone trudebant.

Iul. cap. lxxviii.

Lib. iiii.

Lib. ix.

Lib. xxx.

Vmbo pro humero. *santes.* Vbi Alam etiam dicit partem illam humeri brachiique adiutricem in hoc nisu. Quid, quod ipsa incurua illa pars, Vmbo? Fallor, aut sic Statius:

Lib. II.

— *clypeum non sustinet umbo*

Mutatum spoliis.

De Tydeo ait, defesso à pugnâ & vix arma sustinente. Ibi Luctatius: *Hic umbonem pro humero posuit, aut pro manu.* Martialis consimiliter, de valente suo liberto:

In turbam incideris, cunctos umbone repellet.

Profectò ista pars brachij est, proiecta & incuruans. Satis de Scuto, pro Polybij quidem mente. A V D. Non etiam pro meâ. LIPS. Quid abest, aut aues igitur? A V D. Principium & inductionem scuti, ob Liuij verba (in mente habeo) quæ me torquent. Nam cùm illa de

* Lib. II.

Dial. III.

Lib. VII.

Quando Romanis scuta.

* Ordine legebamus, hæc quoque erant: *Clypeis antea Romani vsi sunt, deinde postquam stipendiarij facti sunt, scuta pro clypeis fecere.* Ergo nec tunc demum scuta introducta, cùm stipendia, id est obsidione Veienti? Atqui ipse Liuius aliter, & iam in armandis classibus Seruianis, dat primori dumtaxat *clypeos* (αὐτῶν ἀργολικὰς Dionysius:) reliquis *scuta*, quos *θυρεοὺς* idem ibi Græcus. Sed & sæpius antea Scutorum mentio. LIPS. Me spectas? propè est vt negem respondere ad talia quæ abducunt extra Polybianum campum. Sed tamen quia in margine hæres, fiat. Tetigi suprâ leuiter de sensu verborum

Liuij interior sententia.

Romulus scuta induxit.

In Romulo

Liuij, qui non est (vt verba aspecta præferunt) quasi antea clypeis tantùm Romani vsi, postea scutis. Id verò falsum: sed quod vtrumque genus in vsu antea, postinde sola scuta. Breuiter hæc sententia. Origo igitur Scutorum à regibus, imò à primo ipso rege, si fidem habes Plutarcho. Ille sic de Romulo: *Θυρεοὺς τῶν Σαδίνων ὁ Ῥω-*

μύλος

μύλος ἐχρήσατο, καὶ μετέβαλε τὸν ὀπλισμὸν ἑαυτῆς τε ἔρρωμαιων
 πλεονεξίας ἀπιδας ἀργολικὰς φορέωντων : *Scutis Sabinorum*
Romulus est usus, & mutauit sua ac Romanorum aliorum
arma ante à clypeos Argolicos ferentium. Id verò palàm
 contra Liuium, & isto auctore diu permutatio hæc ante
 Veiens bellum; tunc scilicet cùm accepti, vnà cum Ta-
 tio, in urbem Sabini. Sed potest vterque verum dicere.
 & fuit ita sub Romulo, mutatum à Seruio; iterumque
 mutatum, obsidione Veiorum. Tamen ex Græco illo
 dixeris ortum & notitiam scuti esse à Sabinis. At negat
 alius Græcus, Athenæus: qui inter ea quæ Romani à va-
 riis gentibus hausere: *Ἐξ ἀσωνιτῶν*, inquit, *ἑμαθον θυρεῶν*
χρῆσιν : *A Samnitibus didicere scuti usum.* Cæsar apud
 Sallustium hinc stare videatur: *Arma atque tela mili-*
taria à Samnitibus sumpsimus. Et Arma & Tela nomi-
 nat: atque illa propriè scutum esse scimus, eaque quæ ab
 armo feruntur. Tamen ad Plutarchum magis ego eam,
 & à Samnitibus abiungam. Quid ita? causâ duplici.
 Priore, quòd diu ante Samnitas notos, aut certè bello
 notos, in usu Romanis scuta. Plutarchus, Dionýsius, Li-
 uius testes sunt. Nam isti bello non tentati ante an-
 num urbis ccccx: diu antè promiscua iam scuta, si illis
 fides. Alterâ, quòd etiam forma scuti Samnitici diffedit
 à Romani. Ita enim de illo Liuius: *Forma erat scuti*
 (Samnitici) *summum latius, quàm pectus atque humeri te-*
guntur, fastigio equali, ad imum cuneatior, mobilitatis
causâ. Facilis intellectu hæc descriptio, & videmus
 etiam in maiorum nostrorum insignibus aut monu-
 mentis hæc talia scuta. Sed enim Romanum diuersifor-
 me fuit, & quale dixi: Non ergo meâ sententiâ à Samni-
 tibus. An non à Liguribus potius? ita enim Liuius præire
 videtur,

An à Sa-
binis ex-
p'm.

An à Sam-
nitibus.

In Catil.

Potius à
Sabinis.

Lib. ix.

Iterum à
Liguribus.

Lib. XLIII videtur, & viri docti nuper ex eo firmant: *Stabilior aut parma aut scuto Ligustino Romanus erat.* En apertè distinguit, Romanisque tribuit & *Parmam* (nempe leuibus) & *Scutum*, (grauibus) sed *Ligustinum*. Nolo imponant tibi verba, aut viri cetera curiosi & docti. Hic glaucoma in eorum oculis, & remouebo. Liuius ibi de leui tantum milite agit, nihil de graui: Cur igitur scutum à parmâ diuidit? diuidit, sed *Ligustinum*. Scito igitur, totam illam à Liuiio memoratam ibi pugnam, solius leuis armaturæ vtrimque fuisse. Et à Perseo, inquam, & à Romanis, graues non concurrerunt. Liuius hic defectus & mutilus, eoque minùs id ex eo statim liqueat, at purissimè è Plutarcho, qui pugnam eam describit. Is facit Romanos Velites pugnasse, & vnà cum iis *septingentos Ligures*: qui leuiùs scilicet armati, & ideò expressim hic Liuius *Parmam* nominat, quæ Velitum; *Scutum Ligustinum*, quod eius gentis. Quale id fuit? è Diodoro discas, & totam hanc litem sopias: *Οπλισμὸν ἔχουσιν ὁ λῖγυες ἐλαφρότερον τῶν ῥωμαίων τῇ κατασκευῇ. σκεπάζει γὰρ αὐτοὺς ὡς ἀμύκητος θυρεὸς εἰς τὴν γαλατικὴν ῥυθμὸν δεδημιουργημένῳ, ἔχοντων σιμυλημυρὸν ζώην. ἔχει δὲ τὸ σκεπτικὸν θυρεὸν δορεὶς ἔξωθεν σύμμετρον. Αὐτοὶ δὲ ἔχουσιν ὡς ἀμύκητος θυρεὸς εἰς τὴν γαλατικὴν ῥυθμὸν δεδημιουργημένῳ, ἔχοντων σιμυλημυρὸν ζώην. ἔχει δὲ τὸ σκεπτικὸν θυρεὸν δορεὶς ἔξωθεν σύμμετρον. Αὐτοὶ δὲ ἔχουσιν ὡς ἀμύκητος θυρεὸς εἰς τὴν γαλατικὴν ῥυθμὸν δεδημιουργημένῳ, ἔχοντων σιμυλημυρὸν ζώην. ἔχει δὲ τὸ σκεπτικὸν θυρεὸν δορεὶς ἔξωθεν σύμμετρον.* *Armaturam habent Ligures leuiorem Romanâ. Tegit enim eos scutum longum, ad Gallicum modulum factum, & tunica cingulo adstricta. Circumponunt etiam pelles ferarum & modicum gladium.* Ecce habes *Scutum Ligustinum*, & simul leuiter armatos *Ligures* fuisse. Fragmentum in Suidâ reperio, quod huc facit, si corrigas: *Τῇ διωσίμῳ τῆς παρμῆς ἔχοντων λιβυτικῶν θυρεῶν ἀντιέχον ἐρρωμένως ὁ ῥωμαῖοι: Firmitate parma & Lybicornum scutorum fortiter resistebāt Romani.* Itane *Lybica* scuta Romanis? nulla. Scribe *λιγυστικῶν*: & scito è Polybio

Fallax Li-
uij scriptū.

Id contra
viros do-
ctos expli-
catum.

Forma
scuti Li-
gustini.

Lib. VI.

Quod dis-
sidet Ro-
mano.

Correctus
Suidas aut
Polybius.

lybio fragmentum esse hanc ipsam velitarem cum Per-
seo pugnam denarrante. Ex eo deinde vertit, vt solet, pe-
nè verbatim Patauinus. Hæc ita vera me dixisse ipse
Liuius etiam suggeret, qui paullò post adiungit, *Pu-
gnatum utrimq; leui armaturâ esse*. Faceffite igitur scuta
Ligustina à Romanis. A V D. Gaudeo quòd abduxerim;
tu me reduxisti, atque alios fortassis, errantes. LIPS. Vti-
nam me quoque alius, cùm opus, sed clementer! Nam
nostri pleriq; hodie Archilochi sunt, & gaudēt *ιαμείζειν*.

DIALOG. III.

Gladius Hispaniensis. Origo, Vsus, Bonitas.

Sed nos ad Polybium. Dat secundò grauiori militi Gla-
dium, & eum sic depingit:

Ἄμα δὲ τὰ θυρεῶν μάχαιραν,
ταύτην ὃ περὶ τὸν δεξιὸν φέρει
μυρῶν. καλεῖσι δὲ αὐτὴν ἱσπαν-
κὴν. ἔχει δὲ αὐτὴ κέντημα διάφο-
ρον, καὶ καταφορὰν ἐξ ἀμφοῖν
τῶν μερῶν εἰς αἰὶν, διὰ τὸ τὸν ὀβε-
λίσκον αὐτῆς ἰσχυρὸν ἔμειναι.

*Unà cum scuto gladium, POLYB.
imperant, quem fert ad de-
xtrum femur. Appellāt Hi-
spaniensem, habetque mu-
cronem eximium, & ictum,
utrimque vehementem, quo-
niam lamina eius firma est
& stabilis.*

„ *Gladium imperant.*] Gladium, inquit. non ergo plu- *Vnus olim
gladium.*
res, etsi postea ita fuit. Nam sequenti æuo minorem
etiam alium ferebant, quem *Pugionem* Latinâ voce Ta-
citus dixit; alij Græcanicâ, *Paramerium*, aut *Paraζο-
nium*, quia ad femur scilicet aut zonam pendêret. De
hoc quia nihil Polybius, omitto.

„ *Fert ad dextrum femur.*] Nouum est nostris mori-
bus,

Gladius an
ad dextrā?

Lib. III.
Excid.

bus, & videntur esse quæ resistant. Primum, quomodo facilis ea eductio? quomodo vagina inibi non impedimento ad pugnam? Sed & Iosephus contra, de ipsis Romanis: Οἱ μὲν πεζοὶ, inquit, μαχαίρας φορεῖσιν ἀμφοτέρωθεν. μακρότερον δὲ αὐτῶν τὸ λατὸν ξίφος πολλῶν. τὸ δὲ κατὰ δεξιὸν σπιθαμῆς ἑπτά, ἢ πλέον ἔχει μήκην. Pedites utrimque gladium gestant. Longiorem quidem illum ad sinistrum latus: nam qui ad dextrum est, palmi siue duodecim digitorum mensum non excedit. Nonne clarè longiorem, id est Hispaniensem istum ad læuam ponit? Sed & cum eo Sidonius, ubi urbem Romam armat:

Panegy.
ad Au-
thém.

— bullis hostilibus asper.

Applicat à la main fulgentem balteus ensem.

Variatum
in eâ re.

Quis autem ambigit, quin Romam ornet pro Romano more? Amplius, sub ipsum Polybij æuum nummos reperio, in quibus gladij sunt sinistri. Hæc cum ita sint, olim dubitavi ecquid ista Polybij vera satis aut sana. Nunc minimè, & eò descendo ut mutasse hanc rem censeam, & aliter atque aliter gestasse. Certè quin Iosephi, id est Flauiorum, æuo ita fuerit ut scribit, gladij nempe sinistri, non est ambigendum: & fortasse id introductum, cum Gladioli aut Parameria introducta. Etsi parùm etiam firmiter. nam ecce in columnâ Traiani plerosque militum cinctos iterùm pro prisco ritu dextros video, idemque in Antonini: etsi Imperator tamen ipse & Tribuni habent ferè sinistros. Omnino variauit ea res. & cur in Romanis ita miremur, quod non in Gal-
lis? Nam ij quoque certò dextros gestarunt, quod Strabo & Diodorus clarè scribunt. Atqui incommoda eductio. Non in Romanis quidem; qui nec longi nimis erant, & ab humero non à medio cingulo pendebant.

Denique

Denique credo eos spectasse scuti vsum, præcipui inter arma. Id impediri videbatur eiusque frequens motio, si gladius aut vagina sub brachio sinistro. Non ergo, in- quies, in pugnâ idem, cùm vagina ad dextrum? Reci- procatio enim brachij ad ictus impedita. Fateor, nec habeo quod dicam, nisi reiici solere tunc ponè tergum. Vno verbo, arbitraria hæc res fuit, & vtrunque causæ.

„ Appellant Hispaniensem.] Passim quidem & cre- brò: sed quid ita ante Hispanos etiam notos? Vt Liuius in pugnâ Manlij illâ veteri cū Gallo: *Manlius Hispano cingitur gladio*. In eadē re Quadrigarius: *Scuto pedestri & gladio Hispanico cinctus cōtra Gallum cōstitit*. Vterque disertè notat de Hispanico, me mirante. Vnde is tunc? quæ commercia? cùm Romani nec in Italiâ suâ domini etiam essent. At intellegunt formâ Hispanici fuisse. Nec id quidem dicet scriptor incertus apud Suidam (an non ipse Polybius?) qui hâc quoque refert ad tempora An- nibalis & secundi Punici belli. Tunc scilicet, cùm Ro- mani vires & constantiam experti militiæ Hispanicæ, adsumpsēre hunc ensē. Verba sunt: Οἱ ὃ κελτίεσσι τῇ κατὰ σκευὴ τὰν μαχαίρων πολὺ διαφέρουσι τὰν ἄλλων. Ἐ γὰρ κέντη- μα πρᾶκτικὸν ἔστι κατὰ φορὰν ἔχουσι δυναμένην ἐξ ἀμφοῖν τοῖν με- ρεῖν. ἢ ἔτι ῥωμαῖοι τὰς παλαιὰς λαμβάνοντες μαχαίρας ἐν τὰν κατ' ἀντίθετον μετέλαβον. τὰς τὰν ἰσθμίων. καὶ τὴν μὲν κατὰ σκευ- ῆν μετέλαβον, αὐτὴν δὲ τὴν χειρὸς τοῦ σιδήρου ἔτι τὴν ἄλλην ἴσι- μέλαιν ἐδάμωσεν διώανται μιμῆσθαι: *Celtiberi paraturâ gla- diorum longè aliis antecellunt. nam & mucronem validum habent, & ictum potentem ex utràque parte. Quare & Ro- mani vsitatos & patrios gladios deponentes, à temporibus Annibalis istos Hispanorum assumpserunt. Et formam*

Gladius
Hispani-
cus quàm
pridè notus
Lib. vii.
Agell. lib.
ix. cap.
xiii.

Videtur cū
Hanniba-
le illatus.

Z

quidem

quidem assumpserunt, ipsam verò bonitatem ferri & aliam accuratorem nequaquam imitari potuerunt. Hæc si vera (puto esse:) quid pro Liuiο aut Claudio vnum. appellaſſe eos gladium Hispanicum, ipsum pedestrem: non quia re ipsâ talis eſſet, sed quoniam Manlius eques, depositâ parmâ & longiore suo gladio (talis equitum, vt videbimus) sumpsit pedestre scutum, & gladium breuiorem, Hispanicum postea dictum. Si tibi color melior, alline.

Punctim
gladio vsi.

„ Habet mucronem eximium.] Quo Romani etiam maximè vsi, & Hispani hodie, etsi gladij eorum aliâ à priscis formâ. Polybius: Οἱ δὲ Ῥωμαῖοι ἐκ ἐκ καταφορῆς, ἀλλ' ἐκ διὰ λήψεως ὁρταῖς χεῖρες τοῖς μαχαίραις, πρᾶκτικῶς ἔκον- τήματ' περὶ αὐτὰς ὑπάρχοντ', τύποντες ἐς τὰ σέρνα καὶ τὰ πρὸς ὤπα διέφθειραν τὰς πλείους: At Romani non casim sed punctim rectis gladiis vtentes, mucrone ad hanc rem efficaci, ferientes in pectora & facies, plerosque interfecerunt. Scribit facies petiisse: ne primus Cæsar hoc iusserit Pharsalicâ illâ pugnâ, Miles faciem feri. De Hispanis, Lib. xxi. Liuius: Gallis prelongi gladij ac sine mucronibus, Hispano punctim magis quàm casim assuetο petere hostem breuitate habiles, & cum mucronibus. Et vtilitatem huius rei in Vegetio habes. Non casim, inquit, sed punctim tirones ferire discebant. Nam casim pugnantes non solum faciliè vicere, sed etiam derisere Romani. Casa enim quouis impetu veniat, non frequenter interficit, cùm & armis vitalia defendantur & ossibus: at contra puncta duas uncias adacta mortalis est. Deinde dum casa infertur, brachium dextrum latiusque nudatur: puncta autem tecto corpore infertur, & aduersarium sauciat antequam videat. Bonæ & veræ causæ. &, quod ipse quoque notat, hac re faciliè vicere eos

Puncta
vtilitas.

Lib. i.
cap. xli.

eos qui pugnabant cæsim. Dio Cassius tetigit pugna Iu-
lianâ in Ariouistum: Τά τε γὰρ ξιφίδια ἀπάν (ῥωμαίων) ἐ-
σμικρότεροι πᾶν γαλατικῶν ὄντα, ἐπὶ ταῖς περὶ σκολὰς χαλυβδινὰς
ἔχοντα, χεισιμῶτατα σφίσι ἐγένετο: *Gladioli enim Romano-
rum & breuiores Gallicis, & mucrones ἐ chalybe haben-
tes, utilissimi iis fuerunt.* Appellat ξιφίδια, gladiolos,
ad spectu ad Gallorum illos immanes: & re ipsâ fuerunt
haud magni.

Lib.
XXVIII.

„ *factum utrimque uehementem.*] Nota, *utrimque*: &
hinc faciliè formam faciemque Romani gladij colligas, *Forma
gladij Hi-
spanici.*
qualis ferè hodie est noster equester. Appâret ita in mo-
numentis priscis: etsi in iisdem etiam acie simplici, & su-
perne leuiter pandus, ad Orientalem aut Turcicam for-
mam. Sed iste rarior, & Polybio nunc ignotus. Ad cæ-
sam igitur seruiit etiam hic gladius, & ut res erat, Ro- *Is ad cæ-
sam quo-
que utilis.*
mani vsi. Polybius, vbi Romanam militiam & arma
cum Macedonum comparat: Τῇ μάχῃ ἐν μεταφορῇ *Lib. XVI.*
καὶ διαρῆσεως ποιεῖσι τὴν μάχην: quæ supinè interpres (ut ple-
raque alia) vertit. Ego sic: *Gladio punctim & cæsim pu-
gnant.* Nam illud ἐν μεταφορῇ, è translatione; ad pun-
ctam refero: & huic ἐν κατάφορῇ ex delatione aut emis-
sione, oppono. quia gladius scilicet in pungendo recipro-
catur & transfertur, in cædendo demittitur. Εκ διαρῆσεως
autem, cæsa est: ad verbum, ex diuisione. quia ictus ille
diuidit scilicet abiungitque. Tamen vide an non verius
sit, ἐν διάρσεως: è sublatione: quod Polybius alibi vsurpat
in hunc sensum. Scribit de Gallis: ἴδιον τῆς γαλατικῆς *Lib. IX.*
χρείας, ἢ ἐν διάρσεως μάχῃ: *Proprium Gallicani usus, pugna-
re cæsim.* Fateor tamen in Suidâ alibi & fragmentum hoc
legi: μαχομένων ἐν διάρσεως ταῖς μάχασι: sed hoc quo-
que fortasse malè. De uehementiâ autem ictus, exempla *Vis gladij
Hispanici.*

Lib. v.
De beuef.

Lib. xxxi.

Lib. vi.

In Aemil.

Breues
fuere.

Lib. vi.

in Senecâ: *Galeam macherâ Hispanâ diuisam*: in Liuiio: *Postquam gladio Hispaniensi detruncata corpora, brachiis abscisis aut totâ ceruice defectâ, & fœditatem aliam vulnerum viderunt.* Auctoritas in Diodoro: Οὔτε θυρεὸς, ἔτε καὶ ἄλλος, ἔτε ὅστις ἐπὶ τοῦ σώματος τὴν πληγὴν: *Neque scutum, neque galea, neque ossum sustinet ictum.* Plutarchus cum eo, pugnâ Aemilij in Persen: Μαχαίραι ἐκείνων ἐπὶ βάρους ἔκαταφορεῖς διὰ παντὸς ὅπλα χωρεῖσαι ἐπὶ τὰ σώματα: *Gladij illorum (Romanorum) gravitate & ictu per omnia arma ad corpora pervadentes.* Ait, *gravitate.* ergone tam magni? minimè, sed crassiusculi potius & firmi. Sculpturæ veteres sic ostendunt, & erutos ἐκ τῆς γῆς ἑαυτοὶ ἰδοῦντες, qui duos pedes in laminâ non explebant. Haud frustra ergo Liuius dixit, *brevitate habiles*; idemque *ad propiorem habiles pugnâ*: Dio ἑξήκοντα, *gladiolos*: & Lucanus *exiguos* isto versu:

Cantaber exiguis, & longis Teutonius armis.
Nec enim de Scutis acceperim, quæ Hispanis Gallisque pænè eiusdem formæ: magis de hisce gladiis, qui sic diuersi.

DIALOG. IIII.

Pilum totum descriptum. magnitudo, forma, violentia: & siquid mutatum.

TERTIVM inter arma *Pilum*: quod Polybium licet audias describentem. Lege:

Περὶ δὲ τούτων ὅσους δύο, καὶ κεφαλὰ χαλκῇ, ἔκαστος ἐκ κεφαλῆς ἑξήκοντα ἔσονται οἱ μὲν παχέες, οἱ δὲ λεπτοί. τῶν δὲ σεξεω-

Præter hæc pila duo, & galea area, & ocrea. Pilorum autem alia sunt crassa, alia tenuia. E crassis & firmioribus,

τέρων, ὅ μὲν τετραγύλοι παλαι-
στῆσαν ἔχουσι τὴν διάμετρον. ὁ
ἰ τετραγώνιοι, τὴν πλάτην. ὁ
γὰρ μὲν λεπτοὶ σιδερωτοὶ εἰκόσι
συμμέτροις, οὓς φορεῖται μὲν τῶν
πρὸ χειρὶν ἀπ' ἀντὶ τῶν
ἑξ ὅλου τὸ μήκος ἐστίν, ὡς τρεῖς
πῆχεις. περὶ στήρ μοσαι δ' ἑκάστοις
βέλους σιδερωτοὶ ἀγκιστρῶν,
ἴσων ἔχον τὸ μήκος τοῖς ξύλοις,
ἃ τὴν ἐνδεσιν καὶ τὴν χεῖρα οὐ-
τως ἀσφαλίζονται βεβαίως,
ἕως μέσον τῶν ξύλων ἐνδέοντες,
καὶ πυκναῖς ταῖς λαβίστι κατὰ
περὶ νῶντες, ὥστε μὴ πρὸς τέρην
τὴν δεσμὸν ἐν ταῖς χεῖρας διὰ
χαλαδίῳ, ἢ τὴν σιδερω-
θῆναι, καὶ περὶ ὅντα τὸ πά-
χος ἐν τῷ πυθμένι, καὶ τῇ
πρὸς τὸ ξύλον συναφῇ τῶν ἡ-
μιδακτυλίων, ἵπποισι καὶ
τοσαύτην πρὸς νοῖαν ποιοῦνται τῆς
ἐνδεσεως.

mioribus, iterum aliarotun-
da, quæ palmarem habent
diametrum; alia quadran-
gula, quæ latus. Tenuia au-
tem sibynis modicis asimi-
lantur, quæ ferunt unâ cum
prædictis. Omnium verò isto-
rum longitudo ligni, ferè tria
cubita. Aptatur singulis te-
lum ferreum, hamæum, lon-
gitudine par ipsi ligno, cuius
nexum & sionemque ita vali-
dè firmant, ad mediũ usque
ligni inferentes, & crebris fi-
bulis adstringentes, ut non
prius deuinctio illa inter viẽ-
dum solvatur, quàm ipsum
ferrum defringatur. etsi id
crassitiem habet in parte in-
feriore & quâ ligno insigitur
digiti & semis. Intantum
& tam proinde curant hanc
connexionem.

Sustine, & iam me audi. Ait:

„ Præter hæc pila duo.] Pila rectè verto, quod est in
illo ὅς. At Lascaris, & eum secuti alij, Veruta. Quis *De voce*
hoc dabit? quis non videt obnubilari aut eripi germa-
nam Pili descriptionem, alienâ hac voce immisâ? Imò
ὅς Plutarcho, Dionysio, Appiano, nostro assiduè, est *Ea Pilum*
Pilum. Res ipsa vociferatur: & nōne hîc legionarium *in Latio,*

Z 3 militem

*Peculiare
Romanis.*

militem armat, cuius proprium missile est Pilum? Inde
Silius sanè quàm commodè Latinos sic armat:

Lib. VIII.

*Non illis solitum crispare hastilia campo,
Nec mos pennigeris pharetram impleuisse sagittis,
Pila volunt, breuibusque habiles mucronibus enses,
Ære caput tecti surgunt super agmina cristis.*

Latini, inquit, non hastas spargunt, non sagittas; sed pila
iis telum, & breues Hispanici gladij, tum galea & cri-
stæ. Est ipse legionarius miles expressus. Sed & in Vege-
ti *pilatæ legiones veterum*: & in Festo, *Pilumnus populus*
explicatur ipse Romanus, *velut pilis uti assuetus*. Et quis
populus præter eos usus? Glossæ hunc faciunt: *Pilum*,
ὑπερών, ῥωμαίων δόρυ: canaculum, & Romanum telum.

*Corrupta
Glossa.*

Duplex interpretamētum dant; posterius clarè verum,
prius vitio exscriptoris obscurum aut falsum. Nam quid
hoc noui aut monstelli est, *Pilum* significare *canaculum*?

*Emenda-
ta.*

*Varro il-
lustratus.*

*III. de
L. L.*

Græca tamen vox id sonat, sed leuiter mihi reformanda
in ὑπερώ: quod valet *pistillum*. Ita sanè. *Pilum*, inquit
Glossographus optimus, duo notat, & *pistillum* & *telum*.
Nihil hîc dubium. atque adeò Varro *Pilum* pro telo
vsurpari cœptum vult ab illo. *Pilum enim dictum*, in-
quit, *ab omine quod hostes feriret ut pilum*. Ea lectio mihi
proba. & sicut instrumento illo rustico aut cibario teri
frangi que frumenta solent, sic isto hostes. Inde ca-
ptum omen, & vox tralata in bellum. Alij tamen re-
scribunt, *quod hostis periret, ut periculum*: mihi quidem
minus probè.

*Quot Pila
militi.*

1. Aen.

11. Theb.

*Duo vi-
dei.*

„ *Pila duo.*] Quem numerum poëtæ, ut solent, tan-
gunt. Virgilius: *Bina manu lato crispans hastilia ferro.*
Et Statius: *Quæ duo sola manu gestans, accliuâ monti
Fixerat, intorquet iacula.*

Sed

Sed & Vegetius apertè: *Habebant bina missilia, unum maius quod Pilum vocabant, & aliud minus quod Verutum.* Dissensu tamen aliquo cum Polybio, quòd is videatur duo maiora pila dare militi, alterum rotundum, alterum quadrum. Si tamen is eius sensus. Cur non ambigam? pleraque hìc breuiter aut obscurè dicta: sicut hoc ipsum quod ait, *tenuia tulisse eos unà cum predictis.* Quid? an præter duo maiora, etiam tenuia? An ex Vegetij mente, cum vno maiorum, alterum minus? Hoc magis credam, ne nimis manum iis impleam aut onerem. Quod tamen Vegetius de Veruto addit & distinguit: vix scio an ita veteres. Imò ex Polybio & Liuiio communiter hæc dicta Pila.

Lib. I. r.
cap. xv.

Discrimen
Vegetij
vanum.

„ *Rotunda quæ palmarem habent diametrum.*] Iterum hìc in voce Diametri hæsitatio. Si pro vulgi & communi sensu capio, erit directæ & penetrans linea palmaris: atque ita consequenter in ambitu tres palmi. Atqui crassiusculum iusto telum ita fiat, & quod ægrè strinxerit manus aut librarit. Quomodo etiam plura eiusmodi commodè tulerint? Amplius. quæ proportio vel analogia ferri deinde ad lignum? Nam Polybius adiungit, ferrum quâ ligno inno aptatur fuisse digiti & semis. Si autem lignum ipsum tripalme, quàm informis & inepta hæc deuinctio? Mouet & quod de quadrangulis pilis sequitur, ea latus habuisse palmare. Si quodque singulum latus, profectò nimis crescat, nec manus amplectatur. Ergo totum latus palmare facit, eoque exemplo de rotundis idem dicam. At enim vox Diametri mouet. Non me nimis, qui video aliàs etiam pro perimetro & ambiente lineâ eam capi. Quid si ab ipso Polybio? Fragmentum certè in Suidâ est de Cestrosphendone, & stilius no-

Super vo-
ce Dia-
metri.

Pro exte-
riore am-
bitu posita.

In voce
κίσπος.

lus nostrum sapit: in quo scribitur, Τὸ ξύλον τὰ μὲν μήκει
σπιθαμίδον, τὰ δὲ πλάτει δακτυλίαν ἔχον τὴν διάμετρον: *Li-*
gnum siue hastile longitudine spithamæ esse, crassitie digita-
lem habere diametrum. Vbi Liuius simpliciter reddidit,

Lib. XLII.

crassitudine digitali. Puto & alibi notabis. Sed ea senten-
tia certè hîc appositæ: & iusta ita crassities sit Pili, tum
etiam ferro suo conueniens. Adde quòd Hastæ velutum
conueniens, quæ cùm non nisi digitum crassa sit, nōne
largiter Pilum creuerit, si id digitos quattuor? Sed &
Dionysius cum Pila χερσὶ πληθῆ, siue *manum implentia* di-
xit (verba mox audies) magis est pro nostro isto capaci
modulo, quàm illo qui excedit. Moneo Lascarim in hac
re allucinatum, qui vertit *trientale latus*, & *trientalem*
diametrum. Atqui Palmus, vtcumque consideres, qua-
drans pedis siue assis est, non triens. Moneo id, non quia
errauerit, sed ne tu erres.

Lascaris
aberratio.Pila vulgò
quadrangula.

Lib. XXI.

„ *Quadrangula.*] Quæ crebra magis fuisse rotundis
videntur. Liuius certè vulgarem hanc Pili formam ag-
noscit, vbi de Falaricâ: *Hastili cetera tereti, praterquàm*
ad extremum unde ferrum exstabat. id sicut in pilo, qua-
dratum. Nisi fortè rotunda etiam, eâ parte sic forma-
bantur. Sed Appianus quadrata sola agnoscit, aut qui-
dem describit, in pugna C. Sulpicij cum Gallis: Τὰ δὲ δό-
ρατα ἦν ἐκ ἐοικότα ἀκοντίοις, ἃ ῥωμαῖοι ὑσσοὺς καλοῦσι, ξύλου
τετραγώνου τὸ ἡμισυ, καὶ τὸ ἄλλο σιδήρου τετραγώνου & τοῦδε μα-
λακοῦ χώρις γε τῆς ἀιχμῆς: *Erant hastæ non similes iaculis,*
quas Romani Husfos (imò Pila) dicunt, è ligno quadrangu-
lo parte mediâ, parte reliquâ è ferro quadrangulo, atque eo
molli, excepto mucrone. Breuis, sed bona descriptio. in quâ
quod negat *similia iaculis fuisse*, ferri hoc sensu potest,
non similia scilicet vulgatis leuibusque iaculis. Alioqui
profectò

Explicatus
Appianus.

profectò similia sunt, imò ipsa iacula: & suspicetur aliquis rescribendum potius, ἢν ἐν εἰκότι, sententiâ aiente.

Addit *mediam partem è ligno, aliam è ferro*: & consonat Fortasse correctum. cum iis quæ Polybius hoc loco. Hoc dissonat, quòd molle ferrum facit, credo ad inflexum, & vt in Velitum hastâ. At nihil tale noster, etsi postea opinamur sic fuisse.

„ *Sibunis modicis assimilantur.*] Variè vox scribitur, in *Sibuna*, primâ aut mediâ syllabâ, i. & y. alternante. Parùm hoc est. significatio quidem certa, venabulum fuisse, siue iaculum venatorum. Festus: *Sibunam appellant Illyrici telum venabuli simile*. Ennius: *Illyrici restant sicis sibunisque fodientes*. Qui vult vocem, vt vides, Illyricam fuisse: cur non magis Græcam, certè Græcis iam olim tritam? Et ipsi Illurij finitimi tunc, opinor, Græcissabant; & extra controuersiam, ipse Ennius. Magistri igitur Græci passim explicant & oggerunt hanc vocem. vt Hesychius: Σιβύνη, ὅπλον δόρυ πᾶσι πλῆσιον: *Sibuna, telum hasta consimile*. Idem iterum, sed pressius: Σιβίνη, κατὰ ἐξέλιον: *Subina, telum figendis apris*. Quo sensu Athenæus scribit, illatos in conuiuium Carani σιβύνας ἀργυρεῖς διαπεπλεγνημένους; *apros sibunis argenteis transfixos*. Cur tali pompâ? vt gloriosus conuiuator ostenderet verè feros esse, nec domi à coquo sed in siluis à venatore cætos. Legi & in Suidâ: Σιβύνη, ἀκόντιον ῥωμαίων: *Sibuna Romanum telum*. Quod verum sit, pro Polybianâ hîc descriptione minoris Pili.

„ *Telum ferreum hamatum.*] Siue mauis, *uncinatum*. Mucronatus. Sententia est, hamos retrò mucronem fuisse, ne facile esset euulsu semel impactum telum. Ipse autem mucro quantus aut quâ latitudine, non dicit: suspicor gran- Idem satis latus.

Idem satis
latus.

Lib. II.
cap. VII.

diusculum fuisse, tum pro ferri modo, tum ex Flori ver-
bis. Ait de primâ Romanorum pugnâ cum Philippo
Macedonum: *Nihil tamen terribilius fuit ipso vulnerum
aspectu, quæ non spiculis neque sagittis, neque Græculo ullo
ferro, sed ingentibus pilis, nec minoribus adacta gladiis, ul-
tra morem (sic lege, non mortem) patebant. Pila vocat in-
gentia, nec minores iis gladios. quæ si de longitudine ca-
pis, quomodo vera? Gladij certè breuiculi, & valdè in-
tra Pili modum. Magis est de latitudine dici & compa-
rari, & ita mucrones fuisse pænè pares.*

Pilum pō-
derosum,
& lentum.

Ad Mess.

„ *Longitudine par ipsi ligno.*] Plusculum hîc igitur fer-
ri, nec de nihilo Silius hoc iteravit, *pondera pili*. Sed &
Tibullus *Lenti* epitheto affecit: cur nisi quia pondus &
grauitas tale faciebant, præsertim nec adiutum vllis
pennis? — *celeremue sagittam*

Jecerit, aut lento perfregerit obuia pilo.

Et violen-
tum.

Lib. IX.

Lib. II.
cap. XV.

Ostendit & idem vim telo fuisse, & obuia ab eo perfra-
cta. Hoc quoque Liuius: *Pilum haud paullo quàm hasta
vehementius ictu missûque telum*. Vegetius magis apertè:
*Arte & virtute directum scutatos pedites & loricatedos
equites saepe transuerberat*. Et exemplum in Suidâ ex in-
certo scriptore: *Εξακοντίσας ὅσων δὴ ἴλασεν αὐτὸς τὴν τε θυρεὸν
καὶ τὴν ὀφθαλμίδα: Emissa pilo perfregit scutum eius & lorica.*
Sed ad Polybium: *ferrum, inquit, par ipsi ligno*. Quod
verum est: sed ita, vt seorsim non exstiterit & prominue-
rit totus ille modus, sed pars eius dimidia circiter infixâ
fuerit vel adfixa ligno. Hoc satis ostendit, cùm dicit *ad
medium usque lignum insertum fuisse*. Eminuit ergo in
mucronem & mansit cubitus & semis, alter ille modus
periit in ligno. Hoc notabis, vt iustam magnitudinem
totius Pili noris: quæ ex hoc ratiociniò fuit quattuor
cubitorum

Magnitu-
tudo pili:

cubitorum & semis, id est pedum septem paullo minus. Superavit igitur mensuram hominis: ideoque Silius niti in ea milites facit:

Stabant innixi pilis exercitus omnis.

Lib. xii.

Non longè ab hoc modulo Dionysius abit, cùm Pilum de industriâ sic describit. Εστὶ δὲ τὰυτὰ (ὅσους præmisit) βέ-

Lib. v.

ληρώμαίων, ἀσυνιόντες εἰς χεῖρας Ἰξακοντίζουσι, ξύλα περμή-
κη τε καὶ χειροπληθῆ, τριῶν οὐκ ἦτιον ποδῶν ὀβελίσκος ἔχοντα
πρὸς ἔχοντας, κατ' ὀβελίσκου ἑκατέρω τῶν ἄκρων, μετέωροις ἀκοντίοις ἴσα
σὺν τῇ σιδήρῳ: *Sunt hæc tela Roma orum, quæ cùm in manus*

veniunt, iaculantur; hastilia longa & manum implentia;
trium non minus pedum mucrones exstantes habentia rectâ
lineâ ab utroque extremorum; paria mediocribus iaculis

vnâ cum ferro. Verba, quibus insistendum leuiter & ex-

Dionysius
explicatus.

aminandum est. Ait hastilia manum impleuisse: suprâ mo-

nui & diduxi. *Mucrones non minus tres pedes exstitisse:*

imò magis, si Polybium audis. Et sanè sesquipede toto

minus in Dionysio est: an quia æuo eius iam decreuerat?

an quia de ipso exstante mucrone modò sentit, nec fer-

rum metitur quod in ligno? Sed nec sic consensus vsque-

quaque cum Polybio: & credo reuera æuo hæc talia

mutasse. Quidni credam? ecce Vegetij aut suprâ tem-

poribus, ferrum *trigonum* non *tetragonum* fuit: idem-

que non nisi *pedale*. Sic enim scribit: *Missilia quibus ute-*

batur pedestris exercitus Pila vocabantur, ferro subtili

trigono præfixa, vlnarum nouem siue pedali, quod in scutum

fixum non posset abscindi. Amplius in Dionysio: *rectâ li-*

neâ ab utroque extremorum. Dicit igitur obeliscos istos

siue mucrones (alij *verucula* reddunt) vtrimque fuisse

præfixos, vt verba quidem volunt. Verba, sed non res

aut ratio. nam quomodo? vtne ab vtraque ligni parte

a 2

tale

Pilum in
ferro de-
creuit.

Lib. i.
cap. xx.

*Suspecta
lectio.*

tale ferrum? manifestò falsum & ἄλογον est. Fateor exiguum ferrum suprâ addi potuisse ad defigendum, ut *σχωρωτήρ* fuit in hastis: sed nunquam hoc tripedale. Corrigenda Græca censeo, ἐν πατέρου, vel ἐξ ἑτέρου: ex altero.

*Fibulatio
in Pilo.*

*Diversa in
Plutarcho*

*Due modò
fibule.*

*Cur altera
lignea.*

„ *Crebris fibulis astringentes.*] Quod non miror in longitudine illâ ferri. Puto autem, & Polybius subindicat, non tubum siue auliscum fuisse tam grandem, in quem lignum immitteretur; sed potiùs duas vtrimque alas ferreas, quas fibulæ istæ comprehenderent & affirmarent. Fibulæ inquam crebræ (palàm in Polybio πυκναὶ λαβίδες) etsi è Plutarcho dixeris duas modò fuisse. Sed, ut verùm fatear, Plutarchi totum hoc mihi obscurum est, aut alia valdè ratio illigandi, & in breuiore ferro. Verba eius accipe, sed fideliter versa, in Mario: *Dicitur, inquit, Marius in pugna illâ cum Teutonis primùm innouasse hoc de Pilis. Nam cum antea immissio ligni in ferrum duabus fibulis (δυσὶ περὶ γούς) ferreis comprehensa & obstricta esset; tunc quidem Marius alteram ut erat reliquit; alteram tollens, clauum ligneum fragilem eius loco imposuit. hoc commentus & spectans, ut pilum scuto aduersarij incidens rectum non maneret, sed fracto ligneo clauo flexus fieret circa ferrum, & telum ob incuruitatem mucronis sic inherens traheretur.* Clarè adsignat duas tantùm fibulas, nec aliter potuit ad effectum quem denarrat. Fuerint igitur duæ alæ ferreæ, atque eæ vtrimque fibulâ suâ comprehensæ. Harum alteram dicit è ligno suppositam, ut scilicet impetu & peruatione teli incidentis diffracta, solueretur ea ala, & sic inflexâ alterâ telum pendulum & incuruum traheretur. Cui bono? ut impediret scilicet pugnantem, & scuto is commodè uti non posset. Quid ergo?

ergo? inquires. nōne & antè inhærebat, & impediēbat?
Ecce in Liuiο ante aliquot sæcula, pugnā cum Gallis:

Oneratūque telis (Pila præmisit) *quibus aut corpora trans-* Lib. 1x.
fixa aut prægrauata inherentibus gerebant scuta. Hoc ita
fuit, ob vncos scilicet qui vetabant extrahi pilum aut re-
uelli. Sed Marius putauit maius impedimentum hosti,
si pilum inflexum, non ita rectum pendēret, & motum
translationemque scuti vetaret. Certè flexio hæc pili Flexus in
postea etiam mansit; siue à Mariano inuento, siue à mol- Pilo.
litie & tenuitate ferri, quam Appianus agnoscit. In Cæ-
sare quidem legis, pugnā cum Heluctiis: *Gallis magno* r. Gallic.
ad pugnam erat impedimento, quòd pluribus eorum scutis
uno ictu pilorum transfixis & colligatis, cū ferrum se in-
flexisset, neque euellere, neque sinistrā impeditā satis com-
modè pugnare poterant. Adnoto etiam, Mariani huius fa-
cti memoriam exstare in Scholiaste prisco Horatij, qui
hæc poëtæ:

— *nec enim quiuis horrentia pilis*
Agmina, nec fractā pereuntes cuspide Gallos,
Aut labentis equo describat vulnera Parthi:

11. Serm. 2.

Hæc inquam poëtæ istuc refert. & *Ex historiā*, inquit,
de Mario hoc sumptum est. nam Marius aduersus San-
tonas (legendum *Teutonas*) *talia tela commentus est ut*
fracta mitterentur, ne remitti ab hostibus possent. In re, ea-
dem Plutarcho dicit; in causâ discrepat, & vult fuisse
ne remitterentur. Vtrumque potuit esse, & hæc quoque
causâ in Velitari telo à Polybio tacta.

De Galeâ, & multiplici cristâ.

SED perge, & lege:

POLYB. Ἐπὶ δὲ πᾶσι τῶν τοῦ πολεμικοῦ μὲν πλεονέχων, καὶ πλεονέχων φοινικίοις ἢ μέλασιν, ὁρδοῖς τε σὺν, ὡς πηχυαίοις τὸ μέγεθος. ὧν πολεμικῶν καὶ κορυφῶν ἅμα τοῖς ἄλλοις ὅπλοις, ὁ μὲν ἀνὴρ φαίνεται διπλασιούμενος καὶ τὸ μέγεθος, ἢ δ' ὑψὺς καλὴ ἔκαστα πληκτικὴ τοῖς ἐναντίοις.

Super hæc omnia adornantur apice plumeâ, pennis que puniceis aut nigris, rectis tribus, ad cubiti longitudinem. quæ cum in summo vertice aliis armis addiderint, vir duplo maior apparet, & pulchra ea species fit, hostique formidolosa.

Galea ex ære.

In Camillo.

Forma galeæ.

De Cristis agit, cùm antea breuiter & verbo de Galeâ dixisset. Est iis, aiebat, *Galea ærea*. Tales Liuius & Dionysius agnoscunt in Seruiano censu. Sed veteres cum χαλκᾷ aut ærea dicunt, ex alio metallo non excludunt. Camillus militibus suis ἐχαλκίδεσσατο (verba Plutarchi) κέραν τοῖς πλείστοις ὀλοσιδηρᾷ καὶ λεία τοῖς περὶ φερείαις, ὡς δὲ πολιδάμνειν ἢ κατὰ γυνὰς τὰς μαχαίρας: *Fabricatus est galeas plerisque totas ferreas, & leues in ambitu, ut gladij aut laberentur in iis, aut frangerentur.* Hoc ille fecit contra Gallos & immanes eorum gladios. Dixeris ergo non omnibus tunc fuisse galeas ferro aut metallo solido, sed è corio aut tali materie, ferro aliquo per lineas aut circulos inducto. Galearum autem forma, cuiusmodi passim in prisca æui monumentis apparet, hæc. Antrorsum apertæ, & ferri aliquâ eminentiâ, sed repandi. vnde & Silæ dictæ Festo: *Silus appellatur naso sursum versus repando. unde Galea quoque à similitudine Silæ dicebantur.* Ad latus &

tus & malas vtrasque, *Buccula*: sic dictæ, quòd buccas *Buccula.*
tegant. Liuius: *Alij galeas bucculasque tergere.* Iuuenalis:

— aut fractâ de casside buccula pendens.

Inde *Buccularij* in Paterno Iuriconsulto, qui has parant *Lib. XLIII.*
conficiuntque. Ab imis Bucculis lora, quibus strin-
gerentur ad guttur & firmarentur. De his Silius:

Cassidis à mento malefida vincula rupit.

Lib. XLIII.

Item Sidonius: *Alij de concauo tibi cassidis exituro, flexi-*
lium laminarum vincula diffibulant. Flexiles enim laminas *Lib. III.*
Lib. III. epist. III.

Bucculas istas vocat, sic aptas vt pendèrent à casside &
flecterentur: *Vincula*, hæc lora, quæ & Suidas intellegit, *Lora in*
& ὀχέας vocat. Οχέας, inquit, ὁ ἰμάς τῆς ἀεικεφαλᾶς, ᾧ συν- *galeis.*
έχεται περὶ τὸν τραχήλον & φορεῖται: *Ocheus*, lorum *galeæ*,
quo adstringitur circa collum ferentis. Hæ partes *Galeæ*
ad vsum; vna ad speciem aut terrorem, *Crista*. de quâ *Crista.*
Polybius solâ dicit, aliis omisissis. Quid ita? quia in hac
mira & propria quædam superbia an lasciuiâ Roma-
norum, & valdè sibi in iis placebant. Itaque ad hanc ea-
mus. Ait:

» *Apice plumeo.*] Sic reddidi, quod in Græco est, *πέρην* *Apex pro*
νω σεφάνω: quod ad verbum esset *corollâ plumeâ*. Sed quia *cristâ.*
non propriè hæc corolla, malui *Apicem*, & habeo au-
ctores. Virgilium: *Ardet apex capiti.* Statium: *Et cono*
Ladaus apex. Ipsa vox Græca *σεφάνω* aut *σεφάνη* valet
etiam in hunc sensum. Nec enim temerè mutauerim,
etsi vir eximius ingeniosè (fatendum est) fecerit, *πέρηνω*
τε φάλω. Sed retinet Suidas, qui vt vulgò hæc lêgit: & *In voce*
Plutarchus, qui *σεφάνην* in hac re dicit. De Pyrrho rege: *πέρηνω.*
Τὴν σεφάνην ἣ διάσημον τὸ κέραν ἢ ἀφελὼν ἔδωκέ τι τῶν ἐταί- *In Pyrrho.*
ρων: *Apicem quo insignis & cognobilis galea eius erat, ami-*
corum alicui auferens eam tradidit. Non enim de regiâ
vel au-

Apex
Pythi.

Plebeia
galea.

Lib. VIII.

Lib. II.
cap. XVI.

Φάλοι &
λόφοι di-
uersi.

vel aureâ aliquâ coronâ sentit (etsi vertunt sic interpre-
tes) sed de hoc insigni galeæ, quod proprium ipse ha-
buit *Cornua hirci*. Idem in eodem Plutarchus: Εγνώθη
τῷ τε λόφῳ διαπέποντο καὶ τοῖς τετριγυκοῖς κέρυον: *Agnitus fuit*
ab eximia cristâ, & à cornibus hircinis. Reges enim, item-
que digniores militum, insignes maximè & superbas
faciebant has partes. Contrà plebeij. nec alio sensu Lu-
canus de M. Bruto, in acie Pharsalicâ:

*Illic plebei à contactus casside vultus,
Ignotusque hosti, quod ferrum Brute tenebas?*

Vult eum habitu gregarij militis fuisse, & galeâ aut cri-
stâ minimè insigni. Sed & Centuriones Romano more
transuersas cristas hoc fine gerebant; vt inquam inter-
noscerentur. Vegetij quidem æuo sic fuit: olim non ar-
bitror. sed ille sic: *Centuriones habebant galeas ferreas, sed*
transuersis & argentatis cristis, vt facilius agnoscerentur.
Argenti aliquid mixti in cristis agnoscit, fortasse & auri
in nobiliorum. Non pello igitur σεφάνος vocem: & to-
tum illud cristatum cum alio sæpe additamento nōne
coronæ etiam speciem refert? maximè quia in capite, &
cum est triplex. Addo & φάλον propriè discretum esse
ὑπὸ τῷ λόφῳ. Ille *conus* est; hic *crista*. Græci litteratores:
Φάλοι, τὰ ἐπὶ τῶν περικεφαλαίων ἀσπίδισκια, λόφοι δὲ αἱ τρι-
χώσεις: *Phali, clypeoli in galeis; lophi, iuba aut cristæ*. Eusta-
thius: Φάλοι κατὰ ἑκάστην τῶν παλαιῶν συρίγιά τινα ἐπὶ τῶν με-
τώπων, εἰς ἃ κατέβητο ὁ λόφος: *Phali, iuxta quosdam vete-
rum, fistula aut tubuli super frontem, in quos cristæ immit-
tebantur*. Ita isti. nec nego tamen aut nescio Hesychium
confundere: Φάλος, inquit, ὁ λόφος τῆς περικεφαλαίας:
Phalus, cristæ galeæ. Fortassis & alij, quod alius quæ-
rat. Sed quod Eustathio φάλος, hoc Latinis est *Conus*.

Statius:

Staius: — *crista nitenti*

Insurgens cono. Et Glossæ explicant *Conum*, κύμβαλον καὶ ἄκρον τῆς περικεφαλαίας: *cymbalum*, Glossæ re-
 & *supremam partem galeæ*. De cymbalo non credo: & scripta.
 rescribo, κύμβαλον, Homeri etiam voce. Nam κύμ-
 βαλον, Hesychio interprete est τὸ ἀνώτατον μέρος τῆς πε-
 κεφαλαίας.

„ *Pennisque puniceis aut nigris.*] Appâret olim, & cùm
 Polybius scripsit, non nisi pennas ipsas rectas sic tulisse,
 sine alio paratu aut diffusione; qui mos ferè hodie Tur-
 carum. In monumentis tamen aliter conspiciamus, &
 ferè ad exemplum hodiernum. Sed quidquid eius fuit;
 colores videamus, quos ponit duos. *Puniceum* primò. Puniceus
 quem credo honestiorum fuisse, & aptum sanè sangui- color in
 neo huic Marti. Virgilius: cristis.

— *cristæque tegit galea aurea rubræ.*

Iterum: — *cristæque rubentes* *Excipiam sorti.*

Et tertium: *Purpurei cristis iuvenes.* Diodorus Hispanos
 quoque ostendit amasse: Περὶ δὲ τὰς κεφαλὰς κεράνη χαλ- Lib. vi.
 κὰ περικεφαλῶν φοινικοῖς ἡσκηδύρα λέφοις: *Circum capita ga-*
leas æreas ponunt, puniceis ornatas cristis. Ponit secundo,
Nigrum. Tristis ille & Diti sacer, ad quem multi in fe- Item ni-
 rali hoc certamine ibant. Puto viliorum fuisse, nec lêgi ger.
 exemplum. Benè de *candido*. vt in Virgilio:

Cuius olorina surgunt de vertice penna. Et candi-

In Statio: — *capiti intremit ærea cassis,* dus.

Ter niueâ scandente iubâ.

Is quoque color festus & dignior, datque Annibali Si-
 lius:

— *vibrant cui vertice coni* Lib. ii.

Albentis niueæ tremulo nutamine penna.

Lasciuia postea in hac re, & assumpsere etiam Pauo-
 num.

num. Sed fallor, aut regia & Iunonia hæc auis non nisi in Regum & Principum usu fuit. Indicat Claudianus, qui Honorio suo talem dat:

De vi.
consul.

*Quod picturatas galeæ Iunonia cristas
Ornet auis.*

Et scriptor Panegyrici ad Maximianum: *Offert tibi etiam tum puero galeam auro gemmisque distinctam, & pennis pulchra alitis eminentem.* Cui lux à Claudiano esto. Sed etsi de nigris aut fuscis negavi legere, non tamen ambigo quin tulerint: ut aquilæ, & talium auium, quæ pugnaces aut rapaces. vel omnis scilicet causâ.

Triples-
pè cristæ.

„ *Rectis tribus.*] Triples hæc crista est, siue *τρίλοφία* Græcorum, itemque *τρίφαλεια*. Quis non eius meminit? poëtæ certatim. ut ille:

Virg. vii.

Cui triplici cristata iubâ galea alta.

Valer. iiii.

Alter: — *triplici pulsans fastigia cristâ.*

Suide in-
uentium-
culâ.

Etiam alij. ut Suidas: qui Geryonem autumat dictum *τρίκεφαλον*, siue *tricipitem*, ὅτι τρεῖς λόφοις εἶχεν ἐν τῇ κεφαλῇ: quod tres cristas in galeâ haberet. Vide & lepidam narratiunculam apud Plutarchum in Arato, de virgine, quam captam miles galeâ suâ tricristi insigniuerat, & in Dianæ templo deposuerat: vnde egressa subito aspectu terruit omnes, quasi ipsa ibi Diana, urbemque seruauit. Hactenus de cristis Polybius. A v d. Quid de Iubis, eas omittis? L. I. P. S. Vnâ cum Polybio: nec enim, quod miremur, tangit. nisi tibi nostra coniectura sedeat, cui leuiter visum legere: ἢ ὁρῶντες διεξίεν: aut *rectis crinibus siue iubis*. Enimuerò quis nescit iubas creberrimè galeis impositas? Nec Græcorum tantum (perpetuum panè apud eos) sed & Latinorum. Virgilius de Mezen-

Iube in
cristis.

Mezentio: — *cristâque hirsutus equinâ.*

Lib. vii.

Silius de Curione Romano:

Horridus & squamis & equinâ Curio cristâ.

Lib. viii.

Idem de Flaminio Consule:

— *cui vertice fulgens*

Triplex crista iubas effundit crine Sueuo.

Cui Sueuum siue Germanicum etiam crinem adfingit, quia scilicet ille Flaminius triumphauerat de Gallis, quos cum Germanis confundi à poëtis id æui, haud nouum. Aliter ego quidem Silium non intellego. Est & in eodem Silio, de Marcello:

*Circumstant rapidi iuuenes, aptantque frementi
Sanguineas de more iubas.*

Lib. xii.

Et cum recogito, etiam in lapidibus vidi, etsi minus sæpè.

„ *Pulcher is aspectus, hostique formidolosus.*] In re tenui momentum ad pugnam & victoriam ostendit: & causâ duplici, inquit, bonæ cristæ. siue quòd vir maior, & animo quoque crescit: siue quòd hosti terrorem magis præbet. Vtrumque verum, & nescio quo naturæ ductu vbique terrarum ferè bellatores hoc adfectant. Orientales passim, atque etiam rudes isti in nouo orbe. Maiores nostri studiosè, etsi nos vulgò omisimus: studiosè? imò ambitiosè, & hinc insignia ista familiarum tam varia, quibus superbimus. Primi auctores rei Cares, quod scriptores adnotarunt. vt Herodotus: *Ἐπὶ τὰ καρήνια λόφος Ἰπιδέας κἄρες εἰσιν ἃ κατὰδείξαντες: Ἰν γαλῆς cristas illigare Cares sunt qui ostenderunt.* Strabo: *Τὸ δὲ αὖτε τὰ σεραπτικὰ ζήλου τὰ τε ὄχανα ποιεῖται τεκμήρια, καὶ τὰ Ἰπτιονια καὶ τὸν λόφος: Studij sui erga rem bellicam testimonia adferunt scutorum ansas, & insignia & cristas.*

Vfus cristarum.

Inuentores cristæ.
In Clio.

Lib. xiiii.

Idem Plinius prodidit ubi de inuentoribus rerum: idem Polyænus. Sed Galeas, & Cristas aliquot è monumentis vide.



DIALOG. VI.

De Loricâ, & variâ eius specie.

VLTIMVM inter arma, *Lorica*: quam duplicem fuisse ostendit in his verbis: Legito.

POLYB.

Οἱ μὲν οὖν πολλοὶ πρὸς λαβόντες χάλκωμα σπιθαμιαῖον πρῶτη πρῶτως, ὃ πρὸς ἰδέσθαι μὲν πρὸ τῶν ἑρῶν, καλοῦσι δὲ καρδιοφύλακα, τελείαν ἔχουσι τὴν κατόπισιν. ὃ δὲ ὑπὲρ τὰς μυρίας πεντάμυροι δραχμαῖς, ὥτι τοῦ καρδιοφύλακος σὺν τοῖς ἄλλοις, ἀλυσιδωτοῦς πρὸς ἰδέσθαι δῶρα.

At plerique capientes aream laminam quæ sit palmi maioris siue duodecim digitorum undique, nec amplius, eam pectori apponunt, & vocant pectorale. ac sic plenam iustamque habent armaturam. Qui tamen super decem mille drachmas censi sunt, ij pro pectorali, super cetera arma loricas capiunt hamatas.

καὶ ὁ δ' αὐτὸς τὸ πρῶτον τὴν καθοπλί-
σεώς ἐστι. Ἐπεὶ δὲ πρίγκιπας
καὶ τριάρους πλὴν αὐτῶν τῶν ὑστέρων
ἡ τριάρους δόρυ τε φορεῖσιν.

*matas. Par ratio similisque
armorum in Principibus est
& Triariis, nisi quod propi-
lis Triarum ferunt Hastas.*

„ *Plerique capientes aream laminam.*] Vult plerosque
militum non habuisse loricas illas hamatas, de quibus *Aeramē-
tum ad pe-
ctus.*
mox dicit: sed eius loco partem æris aut ferri procusam,
quæ tegeret summum pectus. Nam ima ventris scutum
fatis muniebat. Fuit ad simile quiddam hodierno pe-
ctorali, sed minus longum, & æquabiliter quadrum.
Id, inquit,

„ *Vocant pectorale.*] Diu hæsi quomodo verterem
καρδιοφύλακα, & sedit tandem istud. Nam quod Lascaris
Cordituum fecit, scitè vocem expressit, non tamen scri-
ptoris mentem. Cedò enim quis Romanorum sic dixit?
vbi vox ea lecta? Nec tamen dubium, quin obuiam
vulgatamque vocem Polybius habuerit in mente. Eam
cenfeo, *Pectorale*: & sic à re & vsu dicebant, pectori te- *Pectora-
le.*
gendo. Varro: *De corio crudo pectoralia faciebant.* Pli-
nius: *E pectoralibus eorum, ocreisque & galeis.*
Allusit & tetigit Silius:

Pectora pellis obit casti è venatibus urfi: *Lib. viii.*
pectoralia è corio vult fuisse, vti & Varro. Etiam è ferro,
idem: *Ille viris pila, & ferro circumdare pectus* *Ibid.*
Addiderat.

Xenophon de Persis: Θώραξ μὲν περὶ τὰ σέρνα ἐκάστω ἔσαι:
Lorica circa pectus cuique erit. An Liuij ea mens in Saliis
describendis, qui armati saltabant? *Aeneum pectori tegi-* *Lib. i.*
men. Ex ipso dicas, è Dionysio non dicas. qui hoc inter-
pretatur, χαλκείαις μίτεταις καλῶς σμύρνας: *areis balteis suc-* *Lib. ii.*
cinctos:

Lib. VII.

cinctos: & alibi clariùs appellat χαλκίνας ζωσῆρας, *aneā cingula*. Sed nec quod in eodem Liuius de Samnitibus: *Spongia pectori tegumentum*: huc conuenit propriè, nec illa ex ærē. Hoc genus appellat Polyænus ἡμιθωράκια,

Semilori-
ca.Lib. III.
Strat.

semiloricæ, in his verbis: Ἀλέξανδρος, inquit, ἡμιθωράκια τοῖς φεύγουσι στρατιώταις ἀντί θωράκων ἔδωκεν, ἵνα μένοντες μὴ ἀσφάλειαν ἔχοιεν, πῶν κτ' ἀρτίωπον κρυπτομήνων, φεύγοντες δὲ τὰ ὀπίθεν μέρη φυλλάσσεν μὴ διώκοντο: *Alexander fugitiuis militibus semiloricæ pro integris dedit, ut manentes qui-*

Duplex
lorica.

Lib. I.

dem tuti essent, anterioribus tectis; fugientes postica tueri non possent. Et Pausanias, loricas veterum & Homericas describens, ostendit habuisse duas partes. Δύο ἦν, αἶτ, χαλκᾷ ποιήματα. τὸ μὲν σέρων καὶ τοῖς ἀμφὶ τὴν γαστέρα ἀρμόζον, τὸ δὲ ὡς νώτου σκέπη εἶναι. γύαλα ἐκαλεῖτο. τὸ μὲν ἔμπροσθεν, τὸ δὲ ὀπίθεν προσηγόν· ἔπειτα περὶ τοῦ προσηγίου πρὸς ἄλληλα: *Due erant aræ partes. illa quidem pectori & iis*

Valerio
quaestio
lux.Lib. III.
cap. II.

que circa ventrem apta; hæc ut dorso tegmen esset. Vocabant Guala, siue Canea & incurua, à formâ. Illam antro-
sus, hanc retrorsus inducebant: deinde fibula utramque iungebant. Vide & inquire, fateberis adsimiles aut ipsas esse hodiernas loricas nostras. Ergo duæ partes: nec dis-
simile in Hamatis, quo aspectu Valerium arbitror *duas loricas* ex eâ fecisse. Nam de Scæua ille cùm scriberet, & factum eius attolleret Britannico bello; in scopulo, in-
quit, relictus, & diu magnâ vi hostium sustentatâ, cùm solus esset, tandem galeâ iam ictibus discussâ, & scuto cre-
bris foraminibus absumpto, profundo se credidit, ac duabus loriciis onustus inter undas enauit. Augendæ admiratio-
ni addit de *duabus loriciis*. sed quas eas suspicer? ab hoste alteram? non id tempus aut occasio legendi spolia, cùm suum scutum ipse amisit, siue ut honestè Valerius, *im-*
pendit.

pendit. Puto magis, intellegi duplicem hanc lorica, & hoc dilaudare, quòd fessus & duplici etiam lorica onustus potuerit enatare. De fibulis quidem, quæ in latere

Fibula loricae.

utroque loricas istas iungebant, in Silio est:

— quæ fibula morsus

Lib. VII.

Lorica crebro laxata resolverat ictu.

Et apud Suidam, de squameâ lorica Parthorum: Περὶ γὰρ τῶν τοῦ Τάρτου ἄρμας: Fibulae sunt ad latera. Sed & Pausanias hîc apponit.

„ *Plenam iustâque habent armaturam.*] Corpore scilicet iam undique munito & tecto. Quod ita gloriatur Titus Cæsar de suis Romanis, apud Hegeſippum: *Progredimur in bellum muniti undique. Tegitur galeâ caput, lorica pectus, totumque clypeo corpus. Ubi feriat hostis Romanum militem reperire non potest, quem ferro tectum circumspicit.*

Romani undique armati.

Lib. I. r. cap. XXII.

„ *Qui tamen super decem mille drachmas censi.*] Designat genus militum, idque à censu, quibus necessitas ferendi non pectoralia, sed totas loricas. Ij erant ditiores, & quod summa ista indicat, è primâ classe. Atque isti etiam olim, ex Seruij instituto, eximiè & præter ceteros debebant armari: quod ex Liuiio & Dionysio discas. Mansit sub Polybio, atque etiam postea, ut videtur. Nam eâ causâ Hirtius in Bello Hispaniensi aliquoties *Loricatos* exprimit & nominat, quasi militum digniores aut certè ditiores. *Loricatus unus*, inquit, *ex legione vernaculâ ad nos transfugit.* Iterum: *Centuriones loricati octo ad Cæsarem transfugerunt.* Nisi tamen ita agnominat legionarios, & ad discrimen armaturæ leuis. Ad Polybij mentem facit quod Panegyristes ad Constantinum: *Tibi vincendi erant milites, pro nefas! paullo ante*

Primæ classis armati meliora.

Prætoriani loricati.

Romani,

Romani, & armis omnibus more primæ classis armati. Hoc ille de Prætorianis Maxentij, quos loricas eiusmodi gestasse mox docebo.

„ *Loricas capiunt hamatas.*] Græcè ὥρεκας ἀλυσιδω-
Lorica ha- τες, quod ad verbum esset *Loricas catenatas*: sed Latini,
matæ. vt ego, dixerunt. credo, quia circuli & catenæ nexæ, hamuli speciem dimidiatæ referebant: an quia & hami catenulas iungebant? Dicere hoc Sidonius videatur:

Paneg. ad
 Anthem.

— *nec sutilis illi*

Circulus impactis lorica texuit hamis.

Lib. I. Reg. cap. XVII. Etsi potes etiam pro priore sensu interpretari. *Lorica* quidem *hamata* versa à veteri Bibliorum interprete, vbi in Græco ὥρεξ ἀλυσιδω- & hamos siue catenas legis hîc passim. In Virgilio:

Loricam confertam hamis aurôque trilicem.

Lib. VII.

In Lucano: — *qua torta graues lorica catenas*

Opponit.

In Statio:

Lib. XII.

Multiplicem tenues iterant thoraca catena.

Quid ea fuerit.

Galli rep. pererunt.

De L. L.

Et non aliud quidem fuit, quàm circuli siue anuli ferrei inter se nexi, more quem hodie Galli & Germani feruamus, etsi exolescentem. Imò origo à Gallis. Varro: *Lorica à loris, quòd de corio crudo pectoralia faciebant. Postea succuderunt Galli è ferro sub id vocabulum ex anulis ferream tunicam.* Verè de etymo. etsi Isidorus aliter: *Lorica, quòd loris careat. solis enim ferreis circulis contexta est.* Ridiculè, vt solet. Sed postea, inquit Varro, *Galli succuderunt è ferro.* Quando postea? Quin ego loricas æreas Romæ diu reperio ante Gallos notos. In ipso Seruij censu præscribitur primæ classi *lorica ex ære.* Sed credo eam fuisse, qualis Homeri & veterum, è laminâ non ex anulis: quod genus suprâ diximus, & σαδῖς vel σατῆς appellabant:

Verba
 Varronis
 controuer-
 sa.

labant: scilicet quia solidi, & stabant sine inflexione.

Ergo hamatæ istæ à Gallis. quarum alterum etiam ge- Lorica
squamea.

nus, quod non anulis solis sed & squamis constat. Græci In Lucul.

φολιδωτὲς vocant, vel λεπιδωτὲς, à squamis piscium vel

serpentum. Sic Lucillum Plutarchus scribit, ipso die In Macr.

quo pugnauit in Tigranem, indutui habuisse θώρακα σι- Eius textus
& conscrip-
tio.

θηρὲν φολιδωτῶν: *loricam ferream squameam.* Et Dio Cas-

sius, Macrinum Imperatorem abstulisse Prætorianis Lib. v.

θώρακας *λεπιδωτὲς, loricas squameas:* notescque ab his

exemplis, honestiorum planè has fuisse. Has dico hamis Tertullia-
nus illu-
stratus.
De Pall.
cap. 1111.

& laminis solidis simul constitisse. ex Silio qui Flami-
nium Consulem armans:

Loricam induitur. tortos huic nexilis hamos

Ferrosquama rudi, permistoque asperat auro.

Et Isidoro: *Squama est lorica ex laminis æreis vel ferreis*

concatenata in modum squamarum piscis. Ipsas ergo squa-

mas catenæ iungebant. Tertullianus hanc intellegit &

Alexandro Magno tribuit: *Pectus squamarum signaculis*

disculptum (malo discalptum) textu pellucido tegendo nus-

dauit. Et Virgilius:

— rutilum thoraca indutus ænīs

Horrebat squamis.

Silius: *Horridus & squamis & equinâ Curio cristâ.*

Hanc aut priorem idem:

At laterum textus spatiosâque pectora seruat

Nexilis innumero chalybum subtemine thorax:

Has ipsas Squamas etiam *Plumas* video dici, à specie pa-

ri. In Statio: *— ensē germani in corpore pressit,*

Qua malè iam plumis imus tegit inguina venter.

Atque explicat ibi Luctatius, *laminis.* Parthorum assi-

duum hoc tegmen, etiam in equis. Iustinus: *Munimen-*

Lib. xli. tum ipsis equisque lorica plumata sunt, quæ utrumque toto
 Lib. xxiii. corpore tegunt. Ammianus de iisdem: Hostem undique
 laminis ferreis in modum tenuis plumæ contextum. Sallu-
 In Fragm. stius: Equites cataphracti, ferreâ omni specie, equis paria
 operimenta erant, quæ lintea ferreis laminis in modum plu-
 mæ adnexuerant. Et ipse quidem linteo laminas super-
 necit, Virgilius pelli,

*Spumantemque agitabat equum, quem pellis ænīs
 In plumam squamis auro conserta tegebat.*

Quam etiam pellem auro consertam facit: an quia au-
 rum in squamis mixtum, an quia ipsæ squamæ auro in-
 nexæ? id esset, catenulis aut filis ex auro. Certè squamas
 Lib. iiii. ipsas ordine connexas & ratio vult, & Curtius: Equiti-
 bus equisque tegumenta erant ex ferreis laminis, serie inter
 se connexis. Atque eo sensu Hamari laminas Claudianus
 Lib. i. dixerit: — coniuncta per artem

in Rufia.

*Flexilis inductis hamatur lamina membris,
 Horribilis visu. credas simulacra moueri
 Ferrea, cognatoque viros spirare metallo.*

Nisi si ibi verius, animatur lamina: quod quasi viuere in
 corpore & aggenita videatur. Ammianus, qui sæpe vi-
 dit: Praxitelis manu polita crederes simulacra, non viros,
 Lib. xvi. quos laminarum circuli tenues apti corporibus, flexibus am-
 Corpori toti apta. biebant, per omnia membra diducti, ut quocumque artus
 necessitas commouisset, vestitus congrueret, iuncturâ coha-
 renter aptatâ. Plenissimè scriptor Græcus apud Suidam:
 Θώραξ ὃ ἰππέως πάρεστιός τε ἐστὶ. τὸ μὲν γὰρ αὐτὸς περὶ σῶ-
 να τὸ καὶ μηρούς, ἔχει δὲ καὶ ἀγκυλὰς, καὶ κνήμας καλύπτει. τὸ δὲ ὀπι-
 σθεν νῶτά τε καὶ τὴν αὐχένα, καὶ τὴν κεφαλὴν ἀπάσας. πέζοναι δὲ εἰσι,
 περὶ τοῖς πλάτοσιν πεποιημέναι, αἷς ἐκάτερον τῶν μερῶν συμ-
 πορπητὸν ὅλον σιδήρεον ποιεῖ φαίνεσθαι τὴν ἰππέα. καλύει δὲ καὶ τὸ
 σιδήρεον

σιδήρῳ ἔτε τὰς ἐκτάσεις τῶν μελῶν, ἔτε τὰς συστολάς. ἔτως ἀκριβῶς πρὸς τὴν τῶν μελῶν φύσιν πεποίηται. ὁπλίζουσι δὲ καὶ τὸν ἵππον ὁμοίως σιδήρῳ πάντα μέχρι τῶν οὐχῶν. διότι ἔδεν αὐτοῖς ὁφελος ἂν εἴη τῶν ἰδίων ὀπλῶν, εἰ ὁ ἵππος αὐτοῖς παραπύλοιτο: *Lorica Parthi equitis est talis. Prior eius pars pectus & femora & manus extremas & crura tegit: posterior, tergum & cervicem & caput totum. Fibula verò sunt ad latera, quibus utramque partem iungunt, atque ita totum equitem ferreum dant videri. Prohibet verò nihil aut impedit ferrum membrorum extensiones siue contractiones: adeò curiosè factum sectumque est ad naturam membrorum. Armant autem & equum similiter ferro, totum quidem & usque ad ungulas. hoc ideò, quia nihil iis arma prosint propria, si equus interficiatur. Isti igitur Parthorum Cataphracti siue Clibanarii, de quibus & Propertij versus:*

Lib. III.

Ferreus aurato neu cataphractus equo.

sed à Doussâ filio nostro emendatus, *arato*. Nec soli illi, sed & Sarmatæ in hac armaturâ. Tacitus: *Cataphractæ Principibus ac nobilissimo cuique tegmen, ferreis laminis aut preduro corio confertum.* Valerius Flaccus:

Clibanus
Sarmatarum.
1. Hist.

*Sarmaticæ coiere manus, fremitusque virorum
Semiferi, riget his molli lorica catenâ,
Id quoque tegmen equis.*

Lib. VI.

Et desculpti hi tales in columnâ Traiani, cum contis, atque etiam sagittis. Nec verò ferro solùm neceiebant has loricas, sed & cornu. Ammianus: *Sarmatis & Quadis hastæ sunt longiores, & lorica ex cornibus rasis & laevigatis, plumarum specie, linteis indumentis innexa.* Ideò iure in Taciti loco suprâ ambigam, (non enim asseram. absit.) an non reponendum *preduro cornu*. quoniam & Pausanias, ut proprium, Sarmatis hoc adtribuit, atque adeò

Lorica
cornea.
Lib. XVII.Suspiciu-
culam Ta-
cito.

Lib. I.

negat ferrum iis esse. Τὲς ἔν θώρακας, inquit, ποιῶσι τὸν
 τρόπον τοῦτον. ἵππους πολλὰς ἕκαστος τρέφει. ταύταις ἐκ ἐς
 πόλεμον χεῖνται μόνον, ἀλλὰ καὶ θεοῖς θύουσιν Ἰπχωρείοις.
 συλλεξάμενοι δὲ τὰς ὀπλὰς, ἐκκαθάραντές τε ἔτι διελόντες, ποιῶσιν
 ἀπ' αὐτῶν δρακόντων φολίσιν ἐμφορῇ. ὅσις δὲ ἐκ εἰδένω δρε-
 κόνται, πίτυός γε εἶδε καρπὸν χλωρὸν ἐπ. ταῖς οὖν Ἰπὶ τὰ καρπὰ τῆς
 πίτυος φανομύχαις ἐν τρυμαῖς εἰκάζων τὸ ἔργον τὸ ἐκ τῆς ὀπλῆς, ἐκ
 αὐτῶν ἀμαρτάνοι. ταῦτα διατετήσδυτες, ἔτι νεύροις ἵππων ἔτι βοῶν σὺρ-
 ράψδυτες, χεῖνται θώραξιν, οὔτε δι' ἡσπερίαν τῶν ἐλληνικῶν δύ-
 δέουσιν, ἔτε ἀσθενέσιν. καὶ γὰρ συσάδην τυπύμυροι καὶ βλη-
 δέντες ἀνέχονται: Thoraces verò ita faciunt. Multos equos
 quisque nutrit. iis non ad bellum modò utuntur, sed ἔτι diis
 patriis suis immolant. colligentes verò ungulas, eas purgan-
 tes ἔτι diffecantes conficiunt ex iis quiddam draconum
 squamis simile. aut si quis draconem non viderit, vidit au-
 tem nucis pineæ fructum viridem, iis ἐν nuce segmentis aut
 torulis si opus ἀσimilarit, haud erravit. Has igitur squamu-
 las perforantes, ἔτι nervis equinis aut bubulis consuentes, lo-
 ricas ad usum habent, neque decore Graecanicis inferiores,
 neque infirmiores. Nam ἔτι cominus percussa, ἔτι iactu pe-
 titæ, resistunt ἔτι sustinent. Graphicè ibi loricas istas de-
 scriptas habes: ad quarum exemplum Domitiani Prin-
 cipis illa fuit, Martiali laudata:

Lib. VII.

*Quam vel ad Aetolæ securum cuspidis ictum
 Texuit innumeri lubricus unguis aprī.*

Martialis
explicatus.

Nec enim hîc optimo nostro Turnebo assentior, squa-
 mas aeneas explicanti, quæ aprinarum ungularum speciem
 referrent. Imò ex ipsis ungulis. & imitari hoc ideò Do-
 mitianus ambitiosè voluit, quia expeditionem in Sar-
 matas ipse suscepisset (in Tranquillo leges) & laureum
 de iis

de iis Ioui consecrasset. Sed satis de loricis hamatis. ad quas referendi Statiani versus isti:

— *latus omne sub armis*

Lib. iiii.

Ferrea suta tegunt.

Iterum: — *magnorumque area suta*

Lib. iiii.

Thoracum.

Et tertium:

— *ter insuto servant ingentia ferro*

Lib. vii.

Pectora. nam tergo numquam metus.

Vbi *suta* hæc appellat, siue catenas iunctas, siue laminas nexas, vtrum voles. Ait & in extremis versibus *ter insutum ferrum*: vt ostendat *trilicem* loricam eam fuisse. id est, catenas aut laminas sic geminatas. Sic in Virgilio:

Loricam confertam hamis auroque trilicem.

In Valerio: *Per clypei cedentis opus, partemque trilicem.*

Lib. ii.

In Silio: — *textam nodis auroque trilicem*

Lib. ii.

Loricam.

Et si hæc postrema ad lineam loricam fas sit & transferri.

At de squamis etiam geminis Virgilius:

*Nec duplici squamâ lorica fidelis & auro
Sustinuit.*

Lib. ix.

Atque hic talis textus an non *Crates* in Statio?

Omnibus erat & propugnant pectora crates.

Lib. iiii.

Item Silio: — *clypeo stetit aris in orâ*

Lib. v.

Cuspis, & oppositas verita est transmittere crates.

An clypeorum * crates intellegunt, quibus coria induta, & umbo ex ære aut ferro? An potius, vt dixi, has loricas, in quibus anulorum ordines & textus velut crates referunt? An denique aliud genus, quod Statij & Silij æuo crebrum? cùm segmenta ferrea, tamquam fasciæ aliæ aliis superpositæ, corpus ambiunt. Nusquam lēgi, fateor: sed in columnâ Traiani assiduum & pænè vni-

* Suprà de iis, Dial. ii.

Lorica segmentata.

cum in Romano milite hoc genus. Sunt & linei thoraces: sed quid ad Polybium? omitto. A v d. Imò, te quaeso, exsequere. si non ad Polybium, nōne ad historiam?

Linea loricata.

LIPS. Et Græcam quidem ac Romanam. In vtraque enim crebra mentio, ac varij populi vfi. Ipsi Græci primum, & quidem vetustissimi, etiam apud Homerum:

Iliad. β.

cui Ajax dicitur *λινωθώρηξ*, *lineo thorace indutus*, itemque Adrastus. Quos locos Plinius adspicit cū scribit: *Ho-*

Lib. XIX. cap. I.

nos lino etiam Troiano bello. cur enim non & praeliis intersit, ut naufragiis? Thoracibus lineis, paucos tamen, pugnasse testis est Homerus. In Alcæo etiam poëtâ apud Athenæum *θώρηκες νεόλινοι* recensentur, *thoraces è nouo lino.*

Græcis crebra.

Imò communiter Græci induerunt post Iphicratem ducem. de quo ita Æmilius Probus, an Cornelius Nepos? sed quicumque is auctor: *Genus loricarum mutauit,*

In Iphicr.

Macedonibus usurpata.

& pro ferreis atque æneis lineas dedit. Gestarunt & Macedones. quorum arma olim erant, Dione auctore, *θώραξ λινὸς τρίμιτος*, *ἀσπίς χαλκῇ*: *thorax lineus trilix, clypeus æreus.* Sed & Alexander ipse apud Plutarchum induit *θώρακα λινούν διπλοῦν*: *thoracem linteum bilicem.* Iam

In Alex.

Et Thracibus:

Lib. V. Anabaf.

etiam Thracibus Xenophon adscribit *χιτωνίσκους ὑπὲρ γονάτων, πάχος ὡς λίνου σρωματόδεσμου*: *tuniculas super genua, crassitie ut linum quo stragula vinciuntur.* Cuiusmodi

Hispanique.

Lib. III.

Hispanorum credo fuisse, quos pugnâ Cannensi Polybius destituit *ἐν λινοῖς πεπορφύρεσι χιτωνίσκοις*: *in lineis purpurâ prætectis tunicis.* Quod ipsum ex eo Liuius.

Lib. III.

Nam tunicae illæ profectò vicem thoracum fuerunt. atque ita de iisdem Hispanis Strabo: *Λινωθώρηκες & πλείους πάνιοι δὲ ἀλυσιδωτοῖς χρωῶται*: *in lineo thorace plerique, pauci hamatis utuntur.* Quinetiam Chalybes apud Xeno-

III. Anabaf.

phontem (atquin ferri ibi copia) in hoc thorace. *Εἶχον*, inquit,

inquit, ἑώρακας λινοῦς μεχρὲς ἑήτεον: *Habebant loricas lineas ad imum ventrem usque*. In Italiâ quoque usurpaverunt. & Livius Augustum legisse asserit *in thorace linteo scriptum*, de Cossi opimis spoliis. Qui vetus fuerit oportet, & ab illo ævo. Silius etiam populariter Faliscos ita armat: *Indut'osque simul gentilia lina Faliscos*.
Meminit & alibi:

— *leuum quâ tegmine thorax*

Multiplicis lini claudit latus.

Sed & Suetonius de Imp. Galbâ: *Thoracem induit linteum*. In usu ergo plurifariam: etsi Pausanias tamen deprimat, & venantibus magis, quàm pugnantibus commendat. Οἱ ἑώρακες, inquit, οἱ λινοὶ μαχομένοις μὲν ἔχ' ὁμοίως εἰς χεῖρας. διὰσι γὰρ καὶ βιαζόμενοι τὴν σιδήρεον θηρέοντες ὥφελουσιν. ἐναποκλοῦνται γὰρ σφίσι καὶ λεόντων ὀδόντες ἔπαρδάλεων: *Loricæ linteæ pugnantibus non aequè utiles. Transmittunt enim vel coactæ & fractæ ferrum: venantibus autem prosunt. Franguntur enim aut retunduntur in iis lectum dentes & pantherarum*. Ita Pausanias iudicat haud vanè de priscâ quidem conficiendi ratione, quæ erat ut è filis pluribus funiculos struerent, eosque deinde necerent & inter se aptarent. A multitudine filorum, an funiculorum? bilices, trilices, dixêre. Plinius auctor Amasim Aegypti regem thoracem habuisse, *cuius singula filatrecentis sexagintaquinque filis constabant*. Idem de eodem Herodotus, nisi quod *trecenta sexaginta* modò scribit. Diuersum paullò genus videtur, de quo in Nicetâ Choniata lego: Is in Isaacij rebus Córadam quemdam Montisferratensem mirificè laudat, & robur eius extollit. addit deinde: *Αὐτὸς μὲν αὖτε θυρεὸν περικαλῶτα διηγωνίζετο, ἐκ δὲ λίνου πεποιημένον ὕφασμα, ὃν ὡς αὐστηρῶς ἰκανῶς ἠλίσμενον διάβροχον,*

Et Italiâ.

Lib. II. II.

Lib. IX.

Cap. XIX.

Pausanias de his iudicium.

Lib. I.

Lib. XIX. cap. I.

In Thal.

Novæ officii ratio.

διὰ βροχόν, πολλάκις περιπυχθέν, δίχην θώρακα ἐνεδύετο. ἐς
 τσῆν δὲ ἦν ἀνιπυπὲς ἀλσὶ καὶ ὄνω συμπληθέν, ὡς καὶ βέλους εἶναι
 πάντες σεγανώτερον: Ipse tunc quidem sine scuto pugnabat,
 sed ex lino factum textum quoddam, vino austero affatim
 salito madidatum, sæpius replicatum, loco thoracis indue-
 rat. Adeo autem ictibus resistebat vino & sale coactum &
 perfusum, ut omni telo esset robustius. Mirus ille thorax
 & conficiendi ratio: cur periiit? requiri deberet, & for-
 tasse posset ex iis quæ Nicetas scribit. Dixit autem πολ-
 λάκις περιπυχθέν, sæpius replicatum fuisse: & paullo post,
 συμπληθέν ὄνω καὶ ἀλσὶ, quasi fulloni à arte confectum indi-
 cans, ut coactilia solent. Et verò ἐλάνη etiam eiusmodi
 coactiles thoraces reperio. ut in Suidâ, ἐσὶ scriptore vete-
 ri: Φοροῦσι δὲ Ἰππὶ ταῖς κεφαλαῖς θώρακας πλεητούς, ὧν τὰ κύμα
 ὑπάρχουσι σερρὰ διὰ τὴν χερσότητά των πλεημάτων: Ferunt in
 capitibus thoraces coactiles, quorum sinuatio firma & sta-
 bilis manet ob bonitatem coactilium. Significat à caloni-
 bus aut ipsis militibus per viam gestatos, ut onera alia,
 in capite, sic tamen duros ut nihil inflecterentur, & ser-
 uarent cavitatem suam & habitum corpori aptum. Vi-
 deo & Cæsaris ævo in usu fuisse, etsi fortasse non tam
 probos. Scribit de suis in metu hostilium sagittarum:

III. Ciuil. Omnes ferè milites aut ex subcoactis, aut ex centonibus tu-
 Subcoacta in Casare. nicas aut tegmenta fecerant, quibus tela vitarent. Subco-
 acta dicit, quæ Vlpianus Coactilia, Plinius lanas coactas:

Lib. viii. cap. XLVIII & sunt nostra hodie Feltra. Plinij verba: Lana per se co-
 acta vestem faciunt, & si addatur acetum, etiam ferro re-
 sistunt. Aceto ipse vim tribuit, quam Nicetas vino au-
 stero, nisi si & acetum ipse intellexit. Lanei igitur etiam
 Spongia in Liuiο. Thoraces: & an non tale aliquid Spongia Samnitum in
 Liuiο? Spongia, inquit, pectori tegumentum. Ego opinor,
 & Spon-

& *Spongias* item *retiariorum* Tertulliano. Labente ævo video tunicas integras ex his coactis factas, quas vulgò milites gestabant, & *Thoracomachos* dicebant. Exstat

*descriptio plena in libello qui *Notitiæ imperij* subiun-

*Etiam
Figura.

gitur, & ne quærere habeas, cape verba. *Inter omnia quæ*

Thoraco-
machus.

aduersum bellum prouida posteritatis cogitauit antiquitas, *Thoracomachum* quoque ad leuamen corporis armorum ponderi & asperitati subiecit. Hoc enim vestimenti genus, quod de coactili ad mensuram & tutelam humani corporis conficitur, de mollibus lanistimoris sollicitudo sollertiâ magistrâ composuit. ut hoc inducto primum lorica vel clibanus aut his similia fragilitatem corporis ponderis asperitate non laderent: membra quoque vestientis inter armorum hiemisque discriminali solatio adiuta labori sufficerent. Sanè ne idem *Thoracomachus* pluuiis verberatus, ingrauescente pondere adficiat vestientem, de *Lybicus* benè confectis pellibus ad instar eiusdem *Thoracomachi* faciem conuenit superinducere. Plenè dicit omnia. Causam inuenti, quæ

leuitas & mollities, Materiem, quæ lana coactilis; Vsum, qui ad muniendum & vestiendum. Dico ad vestiendum, & forma quoque talis fuit, demissa infra genua.

Pro veste
fuit.

Figura ostendit. & de istis *Agathias* censeo loqui cùm in *Narfetis* acie instruendâ contra *Francos*, collocan-

tur ἐπὶ τῷ μετώπῳ καὶ πρὸς αὐτὰς θώρακας ποδὶ ἥρως ἐν νημιδίοις: in fronte *Principes*, loricas ad pedes vsque demissas induti.

Lib. II.
Agathias
explicatus

In alias profectò hoc non conuenit. Itaque *Penulæ* speciem & vsum contra frigus habuit, & sic etiam dixerunt.

Glossæ veteres: *Thoracomachus*, *penula militaris*.

Id genus,
penula di-
cta.

Suidam hinc explicabis: Μωδυάς, εἶδος ἱματίου ὅπερ καλεῖται λωρίκιον: *Penula*, genus vestis quod lorica dicitur.

Hæc, hæc lorica: & in ipsâ descriptione vestimentum

d. appel-

Tegmen
Thoraco-
machi.

Zaba.

Nov.
LXXXV.
Cap. III.

Pondus lo-
ricarum.

appellatur. Addit in fine tectam contra pluuias fuisse, & nelana paullatim eas combiberet. Idem Isidorus voluit: *Deciliciis autem & poliuntur & teguntur lorica*. Suidas Zabarium hoc tegmen dicit: Ζάβαρον, ἐν ᾧ αἱ Ζάβαι ἀπόκεινται. Ζάβα δ' ὡρίκιον: *Zabarium, in quo Zaba reponuntur. nam Zaba, lorica est*. Ita illa ætas nominabat, & reperis in Leonis libello militari *Zabas cenductis tegi*: id est centunculis. In Iustiniani Nouellâ quapiam, τὰς λεγομένας Ζάβας ἢ τοῖς ὡρίκια, *eas quæ Zaba siue lorica dicuntur*. Hem quò abeo? ad quàm diuersum à tuo Polybium? cùm omnia lapsa, & militiæ Romanæ vix umbra. Iuuat tamen & illa nosse ob scriptores infimos, quibus in occasione non inuidemus lucem. Absolui. A V D. Curiosè aliquid quæro. L I P S. Nego. A V D. Quid ita? L I P S. Hoc ipsum, quia curiosè. Non amo hoc genus, atque utinam ad fructum & vsum magis referamus nostra! A V D. Imò tale erit. Rogo in veteribus illis loricis ecquæ grauitas? Nam scriptor ille de Thoracomacho hoc nomine maximè commendat illam nouitiam, quòd pondus præ eâ haberent veteres. L I P S. Quippe ut omnia metalla. Redeo tamen in memoriam loci in Plutarcho, qui non præit ad maximum pondus. Scribit in Demetrio: Θώρακες αὐτῷ δύο ἐκομίσθησαν ἐκ κυπρῶν σιδηροῖ, ὅλκῃς ἑκάτερος τεσσαράκοντα. δυσπάρεισθαι δὲ αὐτῶν ἔρωμεν Ἰππιδεικνύμενος ὁ τεχνίτης Ζώϊλος, ἐκέλευσεν ἕξ ἢ εἴκοσι βημάτων ἀφεῖναι κατὰ πελλικὸν βέλτε. ἔπερσπερόν τε, ἀρραγῆς διέμενεν ὁ σίδηρος, ἀμυχήν δ' ἰμόλις εἶχεν ἀμβλείαν, οἷαν ἀπὸ γραφεῖς: *Lorica illi allata fuerunt ex Cypro ferrea, librarum utraque (an utraliber?) quadraginta. Earum impatientiam & robur cùm ostendere artifex Zoilus vellent, iussit immittere à sex & viginti passibus telum catapultarium. quod*

cum

cum violenter incidisset, ferrum sine fracturâ mansit, stric-
tissimam verò vix leuem & cacam habuit quasi à scriptorio sti-
lo. Non negabis & pondus hoc exiguum fuisse, & robur
eximium, quod tamen & nostri hodie æmulantur. Se-
quitur in Polybio:

„ *Par ratio ac similis armorum in Principibus est.*] Tri-
a igitur hæc genera pariter armata, & discrimen modò
aliquod à censu, vti dictum. Vnum excipit, quòd

„ *Pro pilis Triarij ferunt hastas.*] Pila enim isti non
habent, causâ apertâ: quoniam in extremo depositi,
longiùs ab hoste erant quàm vt pila eorum pertinge-
rent, aut vim perferrent missa. Altera etiam causâ, quòd
fortasse contra equitum irruptionem & totam ordi-
num confusionem muniuerūt istos hastis: quibus acies,
vt Liuius loquitur, *velut vallo septa inhorrebat*. Istas igi-
tur hastas ad statariam & manuariam pugnam habe-
bant, & vt idem Liuius, *ad ora fodienda*. Ipsi Polybio
narratur, pugna cum Gallis, *Tribunos militum iussisse ha-
stas Triariorum tradi primis manipulis, atque ita iis pu-
gnari in ora Gallorum*. Ne tamen erres, hastæ istæ non
nimis longæ, nec vt Macedonum sarissæ. Quî potuif-
sent? scutum maius sinistrâ Triarij gerebant, nec viden-
tur nisi vnâ manu commodè tractasse istas hastas.

Triarij si-
ne Pilis.

Lib. viii.
Hastæ eo-
rum.

Ibid.

Lib. ii.



DIALOG. VII.

De Ocreis obiter. tum ex professo & plenè de Equitum armis.

DE Armis, quod ad Pedites, plenè absolui. A V D. Interrumpo, & nego. Nam vbi Ocreæ? verbo tetigerat Polybius: expectabam vberiore à te explicationem. L I P S. Profectò iure me reuocas: nam exciderat: sed breuiter cape. *Ocream* singulari numero tribuit & nominat Polybius: an ergo vnam tantum? Haud de nihilo hæc dubitatio est. & in Vegetio palàm scriptum: *Pedites scutati etiam ferreas ocreas in dextris cruribusangebantur accipere.* Dat vnus modò cruribus, & signanter *dextris*. Cur istis? causam inibi ex eodem elicias, quòd in pugna cominus, *dextros pedes inante milites habere debeant: at cum missilibus certatur, sinistros.* Itaque iam olim legas quosdam populos contra, sinistrum modò crus texisse, qui scilicet iaculis pugnabant. vt Liuius de Sānitibus: *Sinistrum crus ocrea tectum.* Silius de Sabinis:

*Vna ocrea
an dua
milii?*

*Lib. i.
cap. xx.
In dextro
crure.*

*Aliis in si-
nistro.*

*Lib. ix.
Lib. viii.*

*Cunctis hasta decus, chypeis que refertur in orbem,
Vertice & implumes, & laui tegmine cruris
Ibant.*

Describit eos leues, cum hastâ, cum parmâ, sine cristis, & quales Velites Romani erant. Igitur & sinistrum modò crus armat ab hac, an ab aliâ causâ, aut more? Hæc ita ex Vegetio: tamen de priscis, magis est vt crus vtrumque fuerint tecti. Monumenta lapidea clamant & sic ingerunt: Liuius etiam & Dionysius in censu Seruiano, qui *Scutum & Hastam* singulariè, at *Ocreas* plurium numero eloquuntur. Nisi quis de monumentis dixerit,

d 3

Ocreas

Ocreas quidem conspici, sed non inferri ferreas eas utrasque fuisse. Ut voles iudica. ego ad Equites transeo, an desino, & satias te habet eiusmodi sermonum? A V D. Scin quomodo? Ut arena cum multum bibit tamen aret, sic ego sitiens assidue tuorum sermonum. Perge & infunde. L I P S. Quin tu perge, & hæc lege:

POLYB.

Οἱ ὁ καθολισμὸς τῶν ἱππέων
νυν μὲν ἐστὶ ἀσπληθὴς τῶν
ἐλλήνων. τὸ δὲ παλαιὸν πρῶτον
μὲν θώρακας οὐκ εἶχον, ἀλλ' ἐν
περιζώμασιν ἐκινδυνύον. ἔξ οὗ
πρὸς μὲν τὸ κατὰ βαίναν, & ταχέως
ἀναπηδᾶν ἵπποις, ἐπί-
μως διέκριντο καὶ περικταίως, πρὸς
δὲ τὰς συμπλοκάς ἵπποφάλας
εἶχον, διὰ τὸ γυμνοὶ κινδυνύειν.
τὰ δὲ δόρεα κατὰ δύο τρόποις,
ἀπὸ ἀκτῶν αὐτοῖς. καθὰ μὲν γὰρ
λεπτὰ & κλαδὰ ἐποιεῖντες, οὔτε
ἐπὶ ἀποτεχνῶν ἠδυνάοντο σκοπεῖν
σοχάζεσθαι, πρὸς δὲ τὴν τιμὴν ἵπποδο-
ραλίδας πρὸς ἐκπροσερεῖσαι, κρα-
δαυνομένοισι δὲ αὐτῆς τῶν ἱππῶν
κινήσεως, τὰ πλείστα σωελεῖσθαι.
πρὸς δὲ τοῖς δύο σαρπηλέων
κατασκαδάζοντες, μιᾷ τῇ πρῶ-
τῇ διὰ τὸ ἵπποδορατιδῶν ἐχέοντο
πληγῇ. μετὰ δὲ ταῦτα κλαδὸν ἐνίων,
λοιπὸν δὲ ἀπὸ ἀκτῶν αὐτοῖς καὶ
μάταια. ἐν γὰρ μὲν θυρεὸν εἶχον

*Armatura equitum nunc
quidem cōsimilis est illi Græ-
corum. At antiquitus loricas
non habebant, sed in veste
succincti pugnabant. Ex quo
quidem ad descensum ascen-
sumq; facilem in equos ma-
gis expediti erant, sed ad con-
gressus minus tuti ἔσ' securi,
cum inermes pugnarent.
Hastæ etiam dupliciter inu-
tiles iis erant. quod ἔσ' gra-
ciles faciebant ac tremulas,
eoque nec collineare rectè po-
terant ἔσ' scopum tangere, ἔσ'
priusquam cuspidem in ali-
quo defigerent, concussæ ipso
motu equorum plerq; fran-
gebantur. Addo quod sine
imā cuspidē factæ, solam pla-
gam ictūque primore par-
te dabant: eaque defractā re-
liquum inutile & inefficax
iis erat. At vero scutum ha-
bebant.*

ἐκ βοείας δέρματος, τοῖς ὀμφα-
 λωτοῖς ποποῦσις παρὰ πλῆπον,
 τοῖς Ἰππὶ τὰς θυσίας Ἰππιδεμέ-
 νοις. οἷς οὔτε πρὸς τὰς Ἰπποβόλῃς
 ἦν χρεῖσαι, διὰ τὸ μὴ εἶσιν ἔχειν
 ὑποτὶ τῶν ὀμφῶν ἀποδερματίζ-
 μωροι ἔκ μὲν ἄντες, δὲ χρῆστοι καὶ
 πρῶτον ἦσαν, ἔκ νῦν ἐπὶ γίνον-
 ται παντελῶς. διόπερ ἀδοκίμα τὸ
 χρεῖας οὐσίς, ταχέως μετέλαβον
 τὴν ἑλληνικὴν κατὰ σκεδὴν τῶν
 ὀπλῶν. ἐν ἧ τῶν μὲν δοράτων τὴν
 πρῶτον διδῶν τὸ Ἰπποδορατίδος
 πληγὴν ὀξοχον ἅμα ἔκ πρᾶκ-
 τικῶν γίνεσθαι συμβαίνει, διὰ τὴν
 κατὰ σκεδὴν, ἀπὸ μὲν ἔκτασις
 ἔκ δόρατος ὑπάρχοντος· ὁμοίως
 ἔκ καὶ τὴν ἐκ μεταλήψεως τοῦ
 σαυρωτῆρος χρεῖαν, μόνιμον καὶ
 βίαιον. ὁ δ' αὐτὸς ὁ λόγος ἔκ πε-
 ρὶ τῶν θυρεῶν. καὶ γὰρ πρὸς τὰς
 Ἰπποβόλῃς, ἔκ πρὸς τὰς Ἰππιδέ-
 σεις, ἐσκηῖον καὶ τεταγμένον
 ἔχουσι τὴν χρεῖαν, ἀσυνιδόντες
 ἐμιμήσαντο ταχέως. ἀγαθοὶ
 γάρ, εἰ καὶ πνὲς ἕτεροι, μεταλα-
 βεῖν ἔδην, καὶ ζηλεῖν τὸ βελ-
 πον Ῥωμαῖοι.

bebant ex bovillo corio, um-
 bilicatis placentis similli-
 mum, quas in sacrificiis so-
 lent apponere. quibus neque
 in pugna commodè erat uti,
 quia firmitatem non habe-
 rent; & ab imbre corio soluto
 aut vitiato, inutilia ἔς olim
 ἔς nunc fiant prorsus. Jccir-
 cò improba eorum usus cum
 esset, statim assumpsere Gra-
 canicam paraturam armo-
 rum, in quâ hastarum qui-
 dem prima cuspide plagam
 directam & validam esse
 contingit, quoniam stabile ἔς
 immobile hastile est; itémque
 ex transsumptione, imx cu-
 spidis usum firmum ac vio-
 lentum. Eadem ratio in scu-
 tis. Nam ἔς in aggressione
 & oppositione stabilia ἔς fir-
 miter tensa manent. quod
 cum vidissent, imitati sunt
 statim. Boni enim prompti-
 que sunt Romani, si qua gens
 alia, assumere mores ἔς emu-
 lari siquid alibi bonum.

Habes hîc duplicem armaturam equitum, & quæ olim
 fuerat, & quæ tunc erat. De eâ quæ olim, ait:

„ Lori-

Spreta
vulgata
versio.

Equites ve-
ste cincti.

Lib. vi.
Fortasse
trabeati.

„ *Loricas non habebant, sed in veste succincti pugnabant.*] Ego sic verto & exaudio, quod in Græco est ἐν περὶ ζώμασι. At Lascaris fecit in subligaculis pugnasse. Neque negotium id quoque περὶ ζώμα Græcis esse: sed quis crederet nudos eos & campestri solo tectos pugnasse? Indecorum & inutile fuerit, tum etiam sine exemplis. Mea mens est, veste saltem fuisse tectos, & quò magis expediti essent, super eam cinctos. Iuvat Festus: *Endo procinctu, in procinctu. nam apud antiquos togis incincti pugnasse dicuntur.* Item Plutarchus de testamentis in procinctu: μέλλουσι δὲ ἑυρεῖς ἀναλαμβάνειν καὶ περὶ ζώνης τὴν τήβεννον: *Jam scuta capturis & togam accincturis.* Propriè autem ad equites, quod Dionysius in Transvectione scribit: *eos in togis quas Trabeas dicunt transvectos, tanquam è pugnâ venirent.* E quo colligas pugnasse eo habitu, & super trabeas fuisse cinctos. quod nec Virgilius abnuat:

— *parvâque sedebat Succinctus trabeâ.*

Aliquid etiam huc Scholiastes vetus Horatij conferat, in illud — *cinctutis non exaudita Cethegis.*

Cinctutis, inquit, antiquè militaribus viris, & ad militiam paratis.

Veteres
quomodo
in equum.

Lib. iiii.

„ *Ad descensum ascensumque facilem in equos.*] Quod utrumque meritò spectabant, cùm auxilio nullo aut fulcro vterentur ad alleuandum. Lego interdum hastâ innixos fuisse. ut in Liuvio, de Cornelio Cossio: *Quem cum equo ictum deiecisset, confestim & ipse hastâ innixus se in pedes excipit.* Videntur & equos quidam insuevisse ad flectenda crura, & sese demittendum. ut Silius de equo miræ fidei & ingenij:

Lib. x.

*Inde inclinatus collum, submissus & armos,
De more inflexis præbebat scandere terga
Cruribus.*

Nempe

Nempe herum suum grauiter læsum in pugnâ Cannen-
 si suscipere voluit in dorsum, vt solet. Aliis dignioribus
 aut mollioribus (nec enim vulgò) fuit qui manu tolle-
 ret, & adiutaret. *Stratores* ij Latinis dicti, quia & sterne- *Strator.*
 rent equum, & in eum subleuarent. Spartianus: *Cum il-* *In Caracal.*
lum in equum strator eius leuaret. Ammianus de Iuliano:
Lapso milite, qui se infessurum equo dextrâ manu erexit. *Lib. xxi.*
 Idem de Valentiniano: *Cum eum elatus non susciperet* *Lib. xxx.*
equus, anteriores pedes præter morem erigens in sublime, de-
xtram stratoris militis iussit abscindi. Sunt isti Græcis ἀνα- *Anaboleus*
 βολαῖς, ab attollendo. Plutarchus: Ἀναβόλαις αὐτὸν ἀράμμοι παρε- *pro Stra-*
 παρέει χεῦτοχάλινον, καὶ αὐτὸν ἀράμμοι παρε- *to.*
 βίβασαν, ἔπαρειποντο πληγὴν τὸν ἵππον ἰπταχύνοντες: *In Crasso.*
Simul
Crasso admotus est equus auratis frenis, & Stratores eum
sustollentes imposuerunt, & secuti sunt equum verberibus
incitantes. Hoc sensu in Suidâ scriptor aliquis: Ο ἵβασι-
 λεὺς τὸν ἀναβόλαια ἀραγκαλῆσάμηνον καὶ ταχέως ἀναβόλαις ἰπ-
 τὸν ἵππον, ἥτισσε μῆν: *Rex stratorem vocans, & statim equum*
conscendens, petiit bibere. Ac rectè ibi Suidas interpreta-
 tur Ἀναβόλαις, τὸν ἰπτὸν τὸν ἵππον ἀνάγοντα: *eum qui in equum*
tollit. Sed quod idem addit: Ἀναβόλαις, καὶ ἡ ἀπὸ ῥωμαίων *Etiam pro*
 λεγομένη σκάλα: *Anaboleus, etiam ea quæ Romanis Scala* *scansit in-*
dicitur: quasi velit esse scansorium aliquod instrumen- *strumento*
tum: id verò mihi dubium est, nec exemplum quod af- *fortasse.*
fert euincit. Nam subiicit in fidem: Ο ἵβασιας μεγίστας
 ἵππων χωρὶς ἀναβόλαις ἐπέβαινε: *Masias cum senuisset, in*
equum sine scansorio instrumento conscendit. Non, in-
 quam, euincit. Et moneo ex Appiani Lybico esse sum-
 ptum, atque ex eo corrigendum: ὁ ἵβασιασας. De Ma-
 fanisâ enim rege hoc narrat, eum inter cetera senectæ
 ætatis commoda, hoc quoque habuisse, vt agilitas non
 e defereret,

desereret, & vltro ac sine stratoris operâ (cur non sic interpretetêre?) iret in equum. Tamen pro Suidæ sententiâ etiam Eustathius, vber sed vtilis Scholiastes, in Homerum: *Αναβολεύς ἔμόνον ῥοσίδηλον ὃ δὲ πόδας ἐν πτέρυγας ἐφίπποι γίνονται πνες, ἀλλὰ καὶ ἄνθρωπος ὃς εἰς τοῦτο ἔργον καὶ θυπέρχεται*: *Anaboleus non solum ferrum illud minutum dicitur, cui pedes imponunt quidam vt inscendant commodius; sed etiam vir ipse qui ad tale opus adiut at.* Ex quibus doctissimus Budæus efficit veteribus notos etiam fuisse subiices illos pedaneos ex ephippio vtrimque dependentes, quibus hodie vtimur ad scandendum & innitendum. Quod tamen verba Eustathij mihi clarè non dicunt: sed potuit instrumentum designare non pensile, sed portatile, quod apponerent iuxta equum, & eo velut gradu attollerentur. Fit hodie interdum in curribus, & essent verè ex Suidæ interpretatione *Scale*. Posset Plutarchus huc trahi, dum notat *Gracchum vias reparasse, & lapides haud longè distantes in marginibus defixisse*, ὡς εἰν ῥαδίως τοῖς ἵπποις ἔχουσιν *Ἰππιβαίνον ἐπ' αὐτῶν, ἀναβολέως μὴ δεομένους*: vt esset facile iis qui equos haberent eos inscendere, *instrumento scansili non egentes*. Etsi nihil video cur non hîc quoque vertere fas sit *Stratorem*. Sed quidquid huius sit, illud tamen tene, Eustathium dicere *quosdam* vsurpassè, non ergo vulgò omnes: & eius æuo si pedanei illi subiices fuerunt, non certè prisco magis. quod statux & imagines omnes euincunt. Nusquam enim in iis forma aut vestigium, & pedes semper penduli, sine alio fulcro. Atque adeò res noua, vt nec sit ei Latinum nomen: nisi quod patrum ætate Franc. Philelphus ne res cottidiana careret vocabulo, *Stapedam* appellauit, quòd pes in eo staret. Budæus melius puriusque putauit circumscribi,

Odys. α.
vers. 155.

Pedanei
subiices an
veteribus.

In Grac-
chis.

cumscribi, & *Subijcem pedaneum* dici. A v d. Vt video non omnia laudabilium veteres inuenere, quædam relicta & nobis. Nam certè hoc ferrum utile. & firmiori fessioni est, utile & scansioni. quæ meo animo difficilis fuit, utique armatis. LIPS. Nobis ita sit, nempe in exercitatis At illi continuo vsu discebant, idque inter militiæ rudimenta. Quid tamen tantopere mirandum? nonne & rusticuli nostri cottidie vsurpant, & nullo nisu subiiciunt se in equos? Ita veteres, atque id saltu quodam factum Virgilius tangit:

*Infiliebant
equis pri-
scis*

— corpora saltu

Subijciunt in equos.

Sed de Romanis propriè, Vegetium audi. *Non tantum à tironibus, sed etiam à stipendiosis militibus salitio equorum districtè semper est exacta. Quem usum usque ad hanc etatem, licet iam cum dissimulatione, peruenisse manifestum est. Equi lignei hieme sub tecto, & stat e ponebantur in campo. super hos iuniores primò inermes, dum consuetudine proficerent, demum armati cogebantur ascendere. Tantæque cura erat, ut non solum à dextris, sed etiam à sinistris & insilire & desilire condiscerent, euaginos etiam gladios vel contos tenentes. Hoc enim assiduâ meditatione faciebant, scilicet ut in tumultu prælii sine morâ ascenderent, qui tam studiosè exercebantur in pace. Vides salitio- nem hanc inter assidua exercitia vel ad Vegetij tempora, cum bona pleraque iam perierant, retentam: haud æquè necessariam, si vel tunc equestria ista fulcra. A v d. At in Vegetij verbis non dissimulo mirari me de gladio euaginato quod ait, & sic quoque insiluisse. LIPS. Nihil est. Vfus hæc & plura potuit: & nonne de Pompeio Plutarchus tradidit, iam senem exercuisse se inter milites, & in*

Lib. I.
cap. XVII.

*Pompeij
dexterâ*

In Pöpeio. *equo visum, siue (vt verba eius sunt) ἵππότην, ἐλκόμενον τε καὶ εἰς ἀπεγαγμένως θέοντι τὰ ἵππων καὶ κατὰ κλείοντα εὐχερῶς: trahentem atque educentem gladium sine difficultate, equo incitato & currente, iterumque facillimè reposuisse? Quod factitatum, & quædam talia, Viennæ memini à Turcici generis equite, spectante D. Maximiliano Imperatorum optimo, & magnâ nobilium ac popularium turbâ.*

In Cæs.

Inlū Cæs.
saru equi-
tandi pe-
ritia.

Veteribus
non sella
in equis.

Epistol.
LXXX.

Quidam
& sine
stratū.

Quid ille idem Plutarchus de Iulio Cæsare? Τὸ μὲν ἵπ-
πιδεῖν ἐν παιδὸς ἦν αὐτῷ ῥάδιον. ἔδισο γὰρ εἰς τὸ πῶς τὰς χεῖρας
ἀπάγων, καὶ τῷ νώτῳ περιπλέκων, ἀνακράτῃ ἐλαύνει τὸν ἵπ-
πον: Equitare à puero illi facile erat. Assueuerat enim manus
retro inuertens & dorso suo implicans totis viribus equum
admittere & concitare. Ecce. hæc & talia, facilia redde-
bant iis quæ nobis sunt ardua, & discendo exercendo-
que verè militaris Ars fiebat. Sed alterum etiam moneo,
cur faciliior hæc salitio. nempe quòd Sellas istas eque-
stres altiusculas, & è ferro lignoque compaginas, non
habebant. Quid ergo earum vicem? stragula quædam è
panno, corio, pelle, quibus equos insternebant, eoque
& Srata dicebant: ferè vt hodie nostri agasones. Seneca:
Stultus est, qui equum empturus, non ipsum inspicit, sed stra-
tum eius & franos. Iterum: Equum empturus, solui iubet
stratum. Græci σέωματα pariter dixère, itemque Εἰπίπια:
quâ voce vulgò & Latini vsi. Varro: *Mihi puero modica
una fuit tunica & toga, sine fasceis calceamentum, equus
sine ephippio.* Et ostendit quosdam duriùs aut fortiùs ha-
bitos, ephippiis etiam caruisse. Quod tamen non ita
perpetuum fuisse arbitror, vt Neronis denique æuo E-
quites in transuehendo ea vsurparint: quod ex Dionis
compendio suprâ monui, & aliorum traxi. Profectò
iamdiu in promiscuo vsu ephippia, & omnis lectio do-
cet.

cet. Quin Cæsar cùm Germanos ostendit iis caruisse,
hoc quoque addocet, Romanos habuisse, quos eo no-
mine vt molles illi contemnebant. *Nilil, inquit, eorum* III. Gall.
moribus turpius aut inertius habetur, quàm ephippiis uti.
Istaque ad quemuis numerum ephippiatorum equitum,
quamuis pauci adire audent. Ac vide quàm mutauerint.
Tales Germani olim, & in dorsis equorum nudis: nunc
sellæ istæ altiores & fabrè factæ, eorum quasi peculiæ.
Quâ in re, vt multis aliis, conuenit iis cum Persis, de
quibus Xenophon: *Νῦν δὲ σπώματα πλείω ἔχουσιν ἢ τὰν* Lib. VIII.
Pers.
ἵππων, ἢ τὰν θινῶν. & ὅ τῆς ἵππειας ἔτος ὥσπερ ἑμαλακῶς
καὶ ἡδονῇ ἡμέλονται: *Nunc autem stragula plura in*
equis habent, quàm in lestis. non enim tam equitationis cu-
ram habent, quàm mollioris sessionis. Notat & ipse durio-
res olim fuisse Persas, suo æuo degenerasse & has ad de-
licias venisse. Sed Germanis fortasse cāssa alia eiusmodi
sellarum, nimirum firmitas, & quia securiùs sic con-
currunt & configunt. Certè in sola & passa illa stragu-
la vt facilius ascendere, ita & deiici aut delabi. Sed de
Romanis igitur, dixi instrauisse corium aut pellem. eo-
que in Glossis priscis scriptum: *Εφίππον, scordiscæ.* Nam Pelles pro
stratis.
& in aliis Glossis explicatum reperio: *Sordiscum* (an
Scordiscum?) *corium crudum.* E corio igitur aut pelle ani-
malis cuiuspiam: & poëtæ huc aspiciunt, cùm nobili-
bus viris rariores quasdam pelles substernunt. Vt Sta-
tius Parthenopæo è lynce:

Cornipedem trepidos suctum prauertere ceruos,
Velatum gemine deiectu lyncis.

Silius Flaminio Consuli è tigride:

Stat sonipes vexatque ferox humentia frenâ,
Caucaſeam instratus virgato corpore tigrim.

Lib. III.

Lib. V.

Silij for-
casus im-
prouida
seruatio.

Centun-
culi pro
stratis.

Lib. II.
cap. IIII.

Lib. VII.

Et tapetes.

Non tamen sine notâ, quòd iam tunc Italiæ eam feram communicat, visam primùm sub Augusto, vt Plinius tradit. Sed vel poëticum ius excuset; vel quòd de pelle tantùm, quæ aduehi potuit etiam ignotâ ferâ. Alij etiam centunculos insternebant aut viliores pannos. Ex Frontino, in Stratagemate quopiam narrando: *Agasones lixasque armatos simul ire iussit, iumentorumque magnam partem instratorum centunculis, vt per hoc equitatus species obiceretur.* Ex Liuiio, in re simili: *Mulis strata detrabi iubet, binisque tantùm centunculis relictis, agasones armatos imponit.* Vbi *Strata* intelleges clitellas & talia ad onera ferenda. Sed honestiores vestem scilicet pretiosam magis instrauisse, aut tapetem. Silius:

Illum Sidonio fulgentem ardore tapeta:

Lib.
XXXIII.

Sella no-
stra quan-
do nata.

Lib. III.
Epist. III.

De equo dicit, qui sic instratus. Lego & apud Liuiũ: *Et cum tibi viro liceat purpurâ in veste stragulâ uti, matrem-familias tuam purpureum amiculum habere non sines? & equus tuus pretiosius instratus erit, quàm uxor vestita?* In dissuasiõne legis Oppiæ hæc dicuntur, & temerè à quibusdam reponi video, *lectus tuus.* De equo verum est, & ius fuit purpurâ aut cocco insternere magistratibus & qui cum imperio erant. Atque hi sunt, quos suprà dixi, *Consulares aut Imperatorij equi.* A V D. Satis noua me doces. sed amplius, Sellæ ergo istæ nostræ nuper natæ? LIPS. Nequaquam, nec dixi. Negauì perueteres, non tamen facio nouitias: & fortasse Sidonij Apollinaris æuo iam in vsu. Inducunt hæc verba: *Alij sanguine ac spumis pinguia lupata suscipiunt, alij sellarum equestrium madefacta sudoribus fulcra resupinant.* Nam & *Sellas* nominat, & *resupinata fulcra*, vtrumque pro hodiernis. Quid, quod in columnâ Traiani (sæpe mihi aduocatâ aut aduocandâ.

uocandâ. multa ibi imago rerum veterum.) forma quædam nostræ huic consimilis? Imperatorios equos ex eâ suprâ dedi, & respice. Sed fortasse verius, structum farctumque aliquid è pannis ibi esse ad mollius insidendum, sine ligno tamen aut ferro. An & Dionis ea mens, vt sub Nerone primùm hæc talia ephippia equites receperint? vix opinor, nec eò produxerim.

„ *Hæstas graciles faciebant ac tremulas.*] Duplici ergo causâ inutiles, cùm nec figerent fortiter, nec collinearent rectè. Sed de fixatione tamen aliter apparuit in concursu Aruntis & Bruti, cùm *uterque* (Liuij verbis) *contrario ictu per parmam transfixus, duabus hærentes hæstis ex equis moribundi lapsi sunt.* Dixeri fortes robustasque fuisse: aut potius illud pro Polybio, parmas tunc penetrabiles & infirmas. Atque id sequitur:

„ *Scutum ex bouillo corio.*] Accipio, corio mero, & nullâ materie subiectâ aut ligno. Si enim & ista, cur reiiciat? *Parma equitum.* cur non pedestre scutum bonitate æquiparet? Sed credo è corio solo fuisse, arte leuiter durato, quod tamen per pluuiam (vt addit) resolveret. Fuit igitur cuiusmodi *E corio mero.* Afrorum olim scuta, de quibus Suidas: Πάρμαι, δὲ ἐξ ὠνάριος: *Parma, coriacea scuta apud Carthaginenses.* Sallustius & Numidis tribuit: *Super terga gladij & scuta, verùm ea Numidica ex coriis, ponderis gratiâ simul & offensæ, quò leuius streperent.* Item Afris Silius:

— rudis his tunc parma, breuique

Lib. II.

Bellabant ense.

Nec aliam quàm hanc rudem è corio intellegit, *Citram* *Cetra pro-* vel *Cetram* propriè iis dictam. Isidorus: *Cetra, scutum* *prie.* *loceum sine ligno, quo vtuntur Afri & Mauri.* Scholiastes Iuuenalis: *Oryx animal minus quàm bubalus, quem Mauri Vncem*

ri *Uncem* vocant. cuius pellis ad cituras (bene Pythœus *citrâs*) proficit, scuta *Maurorum* minora. Citra quidem & in Glossis scribitur: Ἀπὸς ληστεικῆ, *citra*. An quia latrocinantibus utebantur? an rescribimus, λιβυτικῆ? sed vix ausim. Addo, Hispanorū etiam Cetrâs fuisse, eorum maximè qui proximi Mauris & Afris: atque inde in Cæsare

i. Ciuil.

Lib. xxi.

Sauroter
in hastâ.

Iliad. i.

Hispanorum cetrata cohortes. & in Liuiio: *Hispani cetrâs suppositis incubantes flumen transnatauere.* Sed videndum an non paullò aliâ, atque alibi quæsiuero.

„ Sine imâ cuspide.] Græci hoc vno verbo σαυρωτῆρος

dicunt, siue etiam σῦρακα & ἑλαχόν. Sed priore voce Polybius hîc vsus, itemque Homerus:

— ἐγχεα δὲ σφιν

Ορθ' Ἰπὶ σαυρωτῆρ' ἐλήλατο.

Vbi sic Eustathius: Σαυρωτῆρς σιδήριον κοῖλον ἔξ ἄκρου ὀξὺ, ὡς ἐν π. δέμενον τὸ ὀπίσω ἄκρον ἔδραται ὁρθὸν αὐτὸ ἐσάναι ποιεῖ πηγυρῶρον κατὰ γῆς: *Stauroter ferrum paruum cauum, in acutum desinens, cui inserta infima pars hastæ efficit ut recta statuatur defixa terre.* Ac vides inibi alterum etiam vsus eius ferri, nempe ad hastam rectam defigendam, cū ea feriata. Sed ad vsus Polybianum, exemplum incerti scriptoris apud Suidam ecce istud: Καὶ τάχ' ᾤεισπράσας τὸν ἵππον εἰς πρὸντα παῖς τὰ σαυρωτῆρι διὰ τοῦ τραχήλου: *Et celeriter equo conuerso ad iam lapsus, percutit eum cuspide imâ in gulâ.*

„ Umbilicatis placentis simillimum.] In Græco est vox

Popana.

Popani. de quo genere Suidas: Πόπανα, πλακύνια πλατέα. ἑλεπία ἑ ᾤεισπρεῖν: *Popana, placentia lata, & tenues, & rotunde.* Ex iis & formam equestris scuti vides, siue potiùs

Lib. ii.

Parmæ. Ita enim olim vocabant. Liuius: *Desiliunt ex equis, & pro antesignanis parmas obiciunt.* Iterum: *Vexilla*

se suo-

se suorum parmasque cernere equitum. Et ferè ita Liuius. sicut & Glossæ explicant: *Parma*, ἀσπίς ἰππική.

„ *Assumpsere Grecanicam armaturam.*] Quæ ea fuerit, nemo melius Iosepho dixerit: si tamen tam plena &

instructa ea iam tunc Polybij æuo. Sed Iosephus audia- Equitam
omnia ar-
ma, ordine.
Lib. III.
Excid.

tur. Τοῖς ἰπποδῶσιν μάχαιρα μὲν ἐκ δεξιᾶ μακρὰ καὶ κόντιος ἰπ-
μύκης ἐν χειρὶ. θυρεὸς δὲ ὡς αὖ πλὺτον ἰππεπλάγμενος καὶ κατὰ
χωρὺ τοῦ παρήρτιωται τοῖς ἢ πλείους ἀκόντες, πλατεῖς μὲν αἰχμας,
ἐκ δὲ ποδῶν δὲ δοράτων μέγεθος. καὶ ἄνθη καὶ θώρακες, ἰμοίως
τοῖς πεζοῖς, ἅπανσι: *Equitibus gladius est ad dextrum oblon-*

gus, & contus item longus in manu. scutum ad latus equi Gladus ibi
dexter.
transuersum, & in pharetrâ portantur tria aut plura iacu-
la, cuspide lata, & hastis magnitudine non cedentia. Galeas
& loricas omnes habent, uti pedites. Fida & multiplex hæc
armatura, ac lubet per partes inspicere. Ait primò gla- Istæ ob-
longæ.

dium fuisse ad dextrum. Nota igitur, more Polybianò &
veteri equites tunc gestasse dextros gladios, etsi pedites
eos iam haberent sinistros. Sed addit, *oblongum* fuisse:

aliter quàm in nostris equitibus, qui breuiorem pede- Lib. VIII.
stri gerunt. Olim contrà, & valdè olim. Nam & in Dio-
nyfio est de equitibus Romanis, sub annum urbis
CCLXVII. Εἰς τὰς μὲν εἰς ἀκοντίζουσι τὰς λόγχας. ὅς τ' ὅτε
ὁμοσε χωρῶντας τοῖς ἰπποῖς ξίφεσι μακροτέροις ἔσιν παίοντες,
πολλὰς ἐρρίπτεν ἡμιθανεῖς. *Deinde alij eiaculati sunt lanceas,*

alij eos qui propius accedebant, equestribus longioribus gla-
diis ferientes, multos prosternebant semineces. Ad duo no-
tabilis locus. quòd & lanceas eiaculati equites sint: &
quòd gladij eorum tales. Ac de istis, posteriore etiam æ-
uo in Dione Chrysostomo testimonium obseruo, cùm
ille de Charidemo quodam viro nobili: Παρέζωτο δὲ μά- In Boiyā

χαιρα μεγάλην τῶν ἰππικῶν: Accinctus erat longiorem gla-

f

dium.

Contus vel hasta. dium ex illis equestribus. Pergit porro addere Iosephus, *contum in manu longum.* & intellegit grandiore concursoriam hastam, ad hostem cominus ferendum aut deiiciendum. Non est dubium quin & olim hastæ huic vsui, non tamen femore aut genu obnixæ, ob ferrum in imo quod dixi. Alij tamen sic ferebant, cùm *σάυρατῆρ* scilicet aberat: vt Afer ille, de quo Silius:

Lib. xv.

*Sustentata genu per campum pondera conti
Sarmatici prona aduersos urgebat in hostes.*

Vt Sarmata quispiam in Valerio:

Lib. vi.

*— campis hostilibus umbram
Fert abies obnixa genu.*

*Hasta etiā
iaculato-
rie.*

*Galea &
lorica.*

*Super Ap-
piani loco*

Sed Romani an sub brachium inclinauerint & ad latus applicauerint, haud assero: ratio illa & aspectus acutioris ferri sic poscit. At illud satis nouum, quod Iosephus subiungit, *in pharetrâ tria aut quattuor iacula.* Nil tale in Polybio, aut vllō veterum: nisi quod in Dionysij suprà verbis vidimus, *eiaculatos fuisse hastas.* Sed licet, imò oportet fortasse, intellegere concursorias illas hastas, quæ tunc minores & tremulæ habere potuerunt duplicem hunc vsu. Aliter in Iosepho, & palàm distinguit, & velitares istas hastas plures donat. Aëuo igitur hoc accessit, ac cominus atq; eminus pugnare eques ille potuit. Postrema sunt, *galea ac lorica iuxta ac peditibus.* Dat igitur omnia arma, & pari, vt apparet, modo. Si ita est, quid igitur Appianum induxit scribere de Scipione, in pugna Africanâ cum Annibale: *Cùm pedites proculcarentur ab elephantis in acie mediâ, qui ob gravitatem armorum parum agiles erant ad insequendum aut refugendum, Scipio iussit Italicos equites ab equis desilire leuius armatos, & tela conicere in elephantos?* Ecce, res tota & ver-

& verba dicunt clarè leuia arma equitum præ pedestribus fuisse. Atqui nōne omnia eadem peditibus habebant? Iosephus asserit, & ex Polybio idem dicas. Nisi fortè tunc & illis bellis, nondum mutauerant armaturam veterem, & in togis pugnabant. Sanè per bella Græcanica paullo pōst, armaturam Græcanicam, vt noster vult, assumpsisse haud dissidet à vero: atque ita factum Scipionis, & Appiani dictum probes. Nec mouet me, quòd in Silio aut poëtis iamantè loricae sunt equitum: quia poëtis, nec in talibus veri curiosis. Si tamen aliter; tum dixerim, loricas & scuta equitum breuiora fuisse, eoque ipsos leuiiores. In rebus leuibus, mi Auditor, nōne interdum hæremus, & fortasse satagimus? ac vereor ne medicas* Τὰς κέρχρους ἀποτρέψω. A V D. Ego-

*granada
tornare.

ne? cui fructuosa hæc cura, & iuuat atque opus in talibus recidere, ac stirpes tollere dubitationum. Tu perge cum Deo. L I P S. Cum Deo desino: finis in Polybio armorum, nec aliunde arcesso. Frustrà me aspicias, haud aliter hoc fiet. A V D. Non audeo equidem impellere. & quod illa apud Plautum modestè ad suam matrem, ego ad te:

*Ad loquendum atque ad tacendum tute habes
portusculum.*

Sed tamen apophoretum in abitu ecquod das? L I P S. Quod illud? A V D. Hoc sollenne dico, de collectione & summulâ, L I P S. Fiat, etsi vix hîc opus.

C O L L E C T I O

A R M O R V M.

V E L I T V M

Gladius Hispaniensis.
 Hastula, trium pedum longitudine, digitali crassitie,
 ferro molli duodecim digitorum.
 Parma, tripedalis.
 Galea, è pelle aut corio.

H A S T A T O R V M,

&

P R I N C I P I V M

&

T R I A R I O R V M

Scutum, latum duos pedes & semis, longum quattuor,
 & interdum palmum.

Gladius Hispaniensis, firmus mucrone & verimque
 ictu.

Galea area, cum cristis.

Ocrea

Rotundum

Pila duo. Vnum maius vel
 idque Quadrangulum.
 Minus, simile Venatoris hastæ.

Omniū istorum longitudo in ligno, tres cubiti; in fer-
 ro, totidem. sed pars media fibulis nexa ligno. Mu-
 cro hamatus. Triarii ferunt hastas.

Lorica duplex, vel è laminâ area seu ferreâ, digitorum
 vndique duodecim, Pectorale dicta:

Vel ex catenis & squamulis confecta, quæ Hamata.
 Hæc ditiorum.

E Q V I T V M

Scutum.
 Hasta.
 Gladius.
 Lorica.
 Galea.

ARMA
 secun-
 dum ge-
 nera. Pri-
 mō

IVSTI

IUSTI LIPSI
DE MILITIA ROMANA
LIBER IIII.

DIALOGISMVS I.

*Dispositio Aciei & communis ordo, tum via & intervalla:
perque ista accessio & recessio.*

DE quarto venit meus ad constitutum,
Ecce me, inquit, si vnquam audum
nunc audiendi. Aciei enim & pugnae res
erit. Subrifi, & cum hac spe, inquam, li-
cet abeas. Vbi in Polybio verbulum?
quare, vestiga, non reperiēs: atque ita cum dux noster
& magister deficit, ego subsisto & sileo. A V D. Tūne? &
sic me ludum facias? Dicat non dicat Polybius, si vitio
ego, dices. L I P S. Flocci & pappi mihi tuæ minæ.

— *ἐλπίσας αἰγες ἀγέσθων. A V D. Imò, tu hīc mihi ob-
noxius, ex promisso. Diuisio & definitio tua volunt, &
cum primis ipsa res: quæ nulla est, si A C I E M omittis.

Nōne eius causa omnia? nec priora tantum, *Dilectus*,
Ordo, *Arma*: sed ipsa *Disciplina* huc respicit, & nihil eā
opus nisi ad fortiter & feliciter pugnandum. Ergo vno
verbo mi Doctor, doce: aut. L I P S. Quid facies? A V D.
In vincla te dabo, sed hæc brachiorum, nec dimittam,
nisi impetrato. L I P S. Omitte, impetrasti: etsi reuera he-
reo vnde ordiar, quā progrediar: quia orbita nulla pres-
sa, quam insistam. Cum omnia circumspicio, nihil me-
lius quā ad Liuium me vertam, qui Latinos & Ro-

manos ordines, tum & Acie[m], instruxit. Hæc tu mihi lege, & Polybium dimitte: non sine castigatiunculâ quod rem ipsam præcipuam libarit nec verbo. Causam tamen fortassis habuit, quod ex historiis eius & variis pugnis dispositio hæc potuit esse nota. Sed legito:

Lib. VIII.

*Ubi his ordinibus exercitus instructus esset, Hastati
 „ omnium primi pugnam inibant. Si Hastati profligare ho-
 „ stem non possent, pede presso eos retrocedentes in intervalla
 „ ordinum Principes recipiebant. Tum Principum pugna
 „ erat, Hastati sequebantur. Triarii sub vexillis considebant
 „ sinistro crure porrecto, scuta innixa humeris, hastas sub ere-
 „ ctâ cuspide in terrâ fixas, haud secus quàm vallo septa inhor-
 „ reret acies, tenentes. Si apud Principes quoque haud satis
 „ prosperè pugnatum esset, à primâ acie ad Triarios sensim
 „ referebantur. Inde rem ad Triarios redisse, cum laboratur,
 „ proverbio increbuit. Triarii consurgentes, ubi in intervallo
 „ ordinum suorum Principes & Hastatos recepissent, extem-
 „ plo compressis ordinibus velut claudebant vias, unâque con-
 „ tinenti agmine, iam nullâ spe post relictâ, in hostem incede-
 „ bant. Id erat formidolosissimum hosti, cum velut victos in-
 „ secuti, novam repente aciem exsurgentem, auctam nume-
 „ ro cernebant.*

Ecce tibi ACIES, quæ definitioni nostræ his verbis infi-
 ta, AD IMPUGNANDVM AVT REPUGNANDVM.
 Nam duplici hac causâ omnis acies instructa, id quæ vi-
 ctoriæ spe & fine. Pleraque autem ea omnis vno & sim-
 plici ordine disposita, quem hîc habes: ordine dico per
 Genera militum siue classes. Nam

*Hastati omnium primi pugnam inibant.] Non pla-
 nè aut vniuersè verum est, sed primi omnium dumtaxat*

ex

ex statariâ & graui acie. Nam Velites certè ante eos, aut leues milites, pugnare soliti: & sic per gradus virium pugna procedebat. Ab infirmioribus, paullatim ad magis firmos firmosque ventum. Perpetuus & inuiolabilis ferè hic ordo, veteri & bonâ quidem re Romanâ. Aliter alibi in Liuiio, sed suspectè aut falsò. Falsò hîc, in pugna Scipionis cum Syphace & Asdrubale: *Romanus post Principes Hastatorum prima signa, in subsidiis Triarios constituit.* Non est ita. aliter Appianus & Polybius in eapse pugna, & disertè statuunt (Polybij verba) *Πρῶτον μὲν τὰς τῶν ἀσάτων σημαίας, ἔπειτα δὲ τὰς τῶν πεζυκίων τελευταίας δὲ τῶν τριάρων: Primum quidem Hastatorum signa, post ista Principum, extrema verò Triariorum:* atque inserit, factum id à Scipione *κατὰ τὸ παρ' αὐτοῖς ἔθος: iuxta morem Romanorum.* Simile Appianus, & nihil certius. Corrigatur ergo Liuius: *Romanus Principes post Hastatorum prima signa:* à Carolo Sigonio quoque ante nos obseruatum. Suspectè autem in loco Liuij altero: *Pugna exorta est, non illa ordinata per Principes, Hastatósque, & Triarios.* Enimuerò hæc pugna talis inordinata & præter mores, nec est vt Liuius ita scripserit. Vereor vt hostales locos non imperitia, sed improuida peritia corruerit cuiuspiam, qui aut vocem *Principum* attenderit, eoque primos fecerit; aut qui Vegetij scripta & monita sic locantis: *In primâ acie, inquit, pugnantes Principes, in secundâ Hastati, in tertiâ Triarj vocabantur.* Alibi iterat: *Prima acies Principum, secunda Hastatorum.* Moneo te, nequid hæc turbent aut offuscent, alio ritu hæc scripta, & alio sensu. Ritu quidem, qui sub Hadriano aut Traiano cœpit (habet hæc pro veteribus, vt obseruabis, Vegetius) quî in militiâ multa immutarunt. Sensu autem,

Ordo in
pugna
vniu.

Lib. xxx.
Liuij cor-
rupta scrip-
tione.

Correcta.

Lib. xxi.
Suspecta
aliter.

Vegetius
aliter ac
prisci or-
dinat.

Lib. i.
cap. xx.

Lib. i.
cap. xv.

Lib. III.
cap. XIII.

tem, vt *Principes* fuerint (ipse met sic definit) *in primo ordine exercitati & veteres milites: Hastati in secundo, circumdati cataphractis sagittarij, necnon optimi milites cum spiculis vellanceis, quos prius Hastatos vocabant.* Vides diuersa omnia à priscis. & scribit etiam, quos antea *Prin-*

Antepilani
tunc Prin-
cipes.

Lib. XVI.

cipes vocabant. Non ergo tunc & tuo æuo? non communiter, sed magis *Antepilanos.* Ex Ammiano: *Antepilani Hastatisque & ordinum primis, velut insolubili muro, fundatis.* Allusit in Simplicio quodam, qui anteire decessorem suum omni prauitate studebat: *Hic in cruento cer-*

Lib. XIV.

tamine cum Maximino, velut antepilano suo contendens, superare eum in succidendis familiarum nobilium nervis studebat. Is ergo tunc ordo. & firmat alius Ammiani locus, si emendetur, iste. *Imperator cateruis peditum firmis medium inter acies spatium, secundum Homericam dispositionem, prestituit.* Quid tu ais? *firmis?* & Homerum aduocas? planissimè aduersus ille est, & *infirmos in medio

Lib. XXIII.

locat. Nota res est. eo que hîc rescribendum, *infirmis*, ad hunc Vegetianum morem. In fronte enim veteres & exercitati illi *Principes*, in medio Sagittarij & Hastati, in tergo Triarij. Ergo inter firmissimos interiecti infirmi.

*Vide infra Dial. V.

Ammianus
corruptus.

Non aliter tunc fuit: olim aliter, vt dixi, & pluribus exemplis (quid opus in re notâ?) possim firmare.

„ *Eos retrocedentes in intervalla ordinum Principes recipiebant.*] Dispositio fuit, quam posuit: sed ratio pugnae, inquit, diuisa & per partes. Hastati quidem primi è graui armaturâ pugnabant: quid si pellerentur, aut non pellerent hostem? retrocedebant in intervalla ordinum, & *Principes* excipiebant. In hac re ars omnis & arcanum, vt sic dicam, militiae Romanae: habere vias inter manipulos, claudere & aperire eas, prout visum. Huic inuento,

Recessus
& receptio
in inter-
ualla.


inuento, non fallor, omnes eorum victorias liceat pænè
 adscribere. Appellat hîc *interualla ordinum*: aliàs, *Vias*. Via ordi-
num.
Lib. xix.
Lib. x.
 Vt: *Vias patentes inter manipulos antesignanorum*. Iterùm:
Panduntur inter ordines via. Et in hoc ipso textu quem
 libamus, *Veluti cludebant vias*. Nec aliud est, quod
 suprâ dixit: *Manipuli distantes inter se modicum spatium*. Lib. vii.
Lib. vi.
 Quod item de Camillo: *Obuersus in aciem, ordines inter-*
equitans: nempe per hæc spatia. Græci διαχώρες vocant.
 Suidas: Διαχώρες, τὰ διαστήματα τῶν λόγων. Quæ autem,
 & quot, & quanta illa? dabo pro viribus, nec rem
 tam vtibilem patiar hære in finibus Noctis. Duplicia
 primùm hæc interualla, *inter Genera*, & *inter Manipu-* Distincta
hæc inter-
ualla.
Prima
transuer-
sa, & Ge-
nerum.
Secunda
directa, &
Manipu-
lorum.
los. Inter Genera, transuersa erant, post singulum quod-
 que militum corpus. Vt post Hastatos, spatio relicto,
 Principes sequebantur; iterùm spatio post istos, Triarij.
 Ergo transuersa illa interualla, dumtaxat bina. Alia in-
 ter Manipulos, directa spatia aut viæ, & quæ in vno ipso
 Genere Manipulum à Manipulo discernebant. Hæc in
 denis manipulis necessariò nouem erant, vt facilè per te
 vides. Sed quanta singula? firmiter & solidè nescio, imò Modus eo-
rum &
quantitas.
 credo pro locis, pro copijs, pro ducis arbitrio variasse.
 Tamen illa transuersa grandiuscula fuisse dixeris, ex
 Polybio notante, Annibalem in pugna Africanâ *ter-*
tiam aciem (ita diuiserat, Romano exemplo) *plus stadio à* Lib. xv.
secundâ remouisse. Etsi de Romanis hoc non dixerim;
 sed probabiliter, quod in positione & sectione castro-
 rum, id hîc fuisse. Quid enim aliud ea, quàm velut dis-
 posita acies? Ibi ergo prima via transuersa *Quintana*;
quinquaginta pedum est: altera *Principialis* siue *Princi-*
piorum, pedum centum. Vix ambigo quin tale in acie
 communiter. & Principes ab Hastatis *quinquaginta*
 g circiter

*Vsus &
fructus
Viarum.*

*Ratio re-
cedendi, &
fructus ma-
nipulorum.*

circiter pedes remoti, Triarij ab illis *centum*. Nam hîc Prætor erat, & signa, & Principiorum ipsa forma. Opus etiam profectò tali aliquo interuallo ad procedendum aut recedendum, & ne agmina miscerentur. Iam in directis Vijs, aliter atque aliter fuit pro vsu. Si Velites (vt sæpè) interiecti, lati uisculas fuisse oportuit, *pedum* xx. aut xxx. Si non, fuerint sanè pedum x. Id quoque pro numero legionum aliter: & vbi hæ multæ, ac quod sequitur, manipuli, spatia non potuère esse magna: imò fortasse Cæsaris & inferiorum æuo, cùm iam non binæ, sed quaternæ, octonæ, denæ pugnarent legiones, diuisio & interualla facta non per manipulos, sed per cohortes. Cogitetur. Sed vsus enim uerò istarum Viarum magnus, & quem Liuius hîc proponit. In pugnâ, etsi diuisi ordinibus, tamen vnum omnes corpus statim fiebant, cùm opus: & per vias istas iungebant se, disiungebant. Hoc ita exempli causâ, factum. Hastati premuntur, volo Principes succedere, & istos recipere: statim id fiebat beneficio Viarum. Recedebant enim Manipuli Hastatorum singuli, & auersi leuiter vias Principum ingrediebantur, quas ij laxabant, & ipsi quoque leuiter procedebant. Tum aut retinebant apud se Hastatos, duplicato agmine, aut planè fessos retrò se locabant in grandiore interuallo, ordinibus semper (longus vsus id faciebat) seruatis. Idem in Triariis: si Principes improsperè pugnantibus receptarent. Iamne hoc capis? A V D. Propemodum. in vnâ re hæsito, quomodo manipuli manipulos non impulerint in hoc recessu? nisi si in latus flexi & obliqui retrocesserint. LIPS. Nihil horum. video te in vnâ & summâ re falli, quam mea culpa est quòd non prædixi. Censes Manipulos rectos oppositos

sitos fuisse, Vias item per tria Genera iuisse rectas: est error. Singula Genera Vias suas dimensas habuere, sed non per alia Genera penetrantes. Manipuli Principum claudebant à tergo viam Hastatorum, & liberum per eam aspectum aut excursum habebant: idemque Triarij, per istorum. In quincuncem igitur dispositio ista manipulorum fuit, vt semel dicam. Vide formam:



Iam, aut tardâ manu & mente es, aut certè capis. A v d. Capiò, sed auctorem das qui firmet? LIPS. Non ego sufficio? A v d. Mihi. sed quid si apud alium edissero, & refragetur? LIPS. Fundum auctoremque Polybium dabis, in pugna Africanâ. Attende, vnicus locus est, sed firmus. Ο' μὲν πόπλις, inquit, ἔθηκε τὰς τάξεις τῶν ἰδίων δυνάμεων τρόπον τοῦτον. πρῶτον μὲν οὖν ἀτάτοις καὶ τὰς τούτων σημαίας ἐν διαστήμασιν. ὅππῃ δὲ τῆς οὖν πρίγκιπας, πρῶτος τὰς σπείρας ἔκατα τὸ τῶν πρώτων σημαίων διάστημα, κατὰ πρῶτον ἔθ' ἐπὶ τοῖς Ῥωμαίοις, ἀλλὰ κατ' ἄλλας ἐν ἀποστάσει, διὰ τὸ πλῆθος τῶν παρὰ τοῖς ἐνδοκείοις ἐλεφάντων. *Pu- blius ordines copiarum suarum sic instruxit. Primum Ha- statos eorumque Manipulos per intervalla. post istos, Princi- pes, statuens manipulos non ad priorum manipulorum inter- uallum (utimos est Romanis) sed alios post alios recto ab- scessu, idque ob multitudinem hostilium elephantum. Vide.*

g. 2

Scipio,

Scipionis
diuersa lo-
catio.

Scipio, inquit, in hac pugna non seruauit communem receptumque Romanorum morem in manipulis collocandis. Neque enim manipulos ad interualla & vias opposuit, sed ipsos sibi & à tergo adnexuit, vt viæ directæ per omnia Genera sine obstaculo penetrarent. Cur ita? quia elephanti hostium timebantur, visumque pro bono locum iis dari per medias acies, & sine confusione manipulorum agi ad extrema. Et res & causa clara est. Si enim manipuli sollenni more dispositi, incurrissent necessariò in Principes obiectos. Appianus in hac narratione conuenit cum Polybio: λόχοις ὁ ὁρθὸς ἐποίητο πάντας, ἵνα δι' αὐτῶν ὁ ἰππῆας δι' ἑαυτῶν διατρέοιεν: *Ordines omnes rectos instituit, vt per eos equites facilius discurrerent.* In facto consentit; in causâ aliam dat, & ad equites transmittendos. Sed parum est. Liuius mirificè

Obscuritas
in Liuiio.
Lib. xxx.

obscurat: *Non cōfert as autem cohortes, ante sua quamque signa instruxit, sed manipulos aliquantum inter se distantes, vt esset spatium quò elephanti hostium accepti nihil ordines turbarent.* Si ausim dicere, non videtur animum ha-

Fortasse
depulsa.

buisse in Polybij animo, aut parùm intellexisse. Certè implicatè scribit. Tamen ea mens. non instruxit cōfert as cohortes, sed quamque in recto ordine ante sua signa. Nam in vulgari dispositione cohortes non sunt rectæ, nec signa signis respondent: quod faciliè vides si tres quosque manipulos iungis: □ □ : & ex iis cohortem efficis. Ita enim debes. At erant rectæ in hac Scipionis: □ □. Vereor molestus aut putidus esse in istâ minuta-

Virgilio
lux.

11. Georg.

tim deductione: sed quid faciam? volo intellegi. Virgilij versus commodè succurrunt, qui sunt pro communi hac locatione. Vult arbores aptè poni & seri, idque ad militiæ exemplum:

Ut

Ut sapè ingenti bello cùm longa cohortes
 Explicuit legio, & campo stetit agmen aperto,
 Omnia sunt paribus numeris dimensa viarum.

Comparat cum manipulis aut cohortibus explicitis in legione. Quis ergo dubitat, quin certissimo rei rusticæ præcepto, arbores seri velit in quincuncem? Atqui is ordo & situs est alternans ille, quem dixi. Habes de intervallis, in quibus momentum bonæ militiæ Romanæ posui: ego? imò Polybius ipse, cùm Flaminium culpat, qui imperitè aciem instruxerat in Gallos. παρ' αὐτὴν γὰρ, Lib. ii.
 inquit, τὴν ὀφρυῶ τῆ ποταμοῦ ποιητά μὲν & τὴν ἐνταξιν, διέ-
 φειρε τὴ τῆς ῥωμαϊκῆς μάχης ἰδίον, ἔχ' ὑπολειπόμην & ῥ-
 πον πρὸς τὴν Ἰπὶ πόδα ταῖς πεύραις ἀναχώρησιν: Ad ipsam
 enim ripam & supercilium fluvij aciem disponens, abstulit,
 quod proprium est Romanæ pugnae, locum manipulis ad
 lenem retrorsum recessum. Proprium hoc esse Romano-
 rum ait: & ita fuit. Quæ gens alia habuit, sic per minur-
 tas partes? Atque hoc Liuius in eâ attollit, & Macedo-
 nicæ anteponit: Romana acies distinctior, ex pluribus par- Lib. ix.
 tibus constans, facilis partienti quacumque opus esset; faci-
 lis iungenti. Nec aliam sententiam Polybianis istis tri-
 buo: Οὐσης γὰρ διασπάσου τῆς ῥωμαίων τάξεως καὶ διωά- Lib. xv.
 μεως, τὴν ἀνδρα συνέβη καὶ καθόλου καὶ κατὰ μέρη μάχεσθαι
 πρὸς πάσας τὰς Ἰπφανείας, διὰ τῆς μιᾶς ἐντάξεως αἰὲν
 ἔγχεσθαι τὰν δύο σημαίων συνεπιστρεφουσάν πρὸς τὸ δεόμενον:
 Cùm enim esset diuidua & seiungi facilis Romana acies,
 eueniebat singulos & uniuersè & per partes pugnare in
 omnes aspectus & latera, idque unius instructionis bene-
 ficio, semper in propinquo duobus signis se obuertentibus quæ-
 res vocaret. Nam primùm διάσπασον scribit, diuidi fa-
 cilem Romanam aciem: & verissimum est, ex re &

Liuij verbis. Quid enim facilius quàm manipulos iungere, disiungere, abducere quò libêret? Non vidit vir eruditus, qui rescribi hîc censuit: *δυσδιασπάζε*. quasi hoc magis in laudem, quòd *agrè solueretur* & firma staret. Quod verum quoque, sed alio aspectu, nec hîc habet locum. Addit, *pugnasse quosque in quasque facies*. Id quoque verè, si irrupisset & insinuasset per interualla hostis, aut si ipsi seorsim abiuncti. Denique exiguo illo manipuli corpusculo, omnes vtilis, cùm ita vsus. In fine, *duobus signis se obuertentibus*. Ita feci & verti, quod etiam ante nos interpres. Sed quæ hæc duo signa? vnus nempe manipuli. nec aliud dicit, quàm duos Ordines siue Centurias in vno Manipulo sub duobus signis iunctos. Sed hoc tamen ambiguum, & melius fortasse scribi: *ἐγγυλατὰν δὴ σημαίων*: *proximis quibusque signis*. Vulgò quidem vnâ voce editur *διοσημαίων*, corruptè.

„ *Hastati sequebantur.*] Dixeris igitur à tergo positos Hastatos, solis Principibus iam pugnantibus. Nec abnuo: sed sæpè aliter factum, & iunctim quoque pugnassee sine fraude opinor.

Subsessio
Triariorum.

„ *Triarj sub vexillis confidebant.*] A quâ sessione Εφεσδοι, *Tertiarij* explicantur in Glossis: & Varro, quòd *Triarij subsideant*, ab eo *subsidium* vult dictum. Plautus respicit: *Agite, subsidite omnes, quasi solent Triarij*. Causa huic sub sessione in Vegetio: *Triarij*, inquit, *genibus positos solebant intra scuta subsidere, ne stantes venientibus telis vulnerarentur.*

Lib. I.
cap. XI.

„ *Scuta innixa humeris.*] In mentem aliquando venit legi posse, *innexa humeris*. quasi vellet loris quibusdam (*τελαμανας* Græci dicunt) ab humeris reuincta fuisse.

Mace-

Macedones ita solent, & commodius sic fuisset tractare vtraque manu hastas. Sed nihil muto, & capiamus à situ ipso sic subsidentium scuta in humerum inclinasse. Porrigebant enim & attollebant leuiter sinistrum genu, eoque attollebatur & scutum.

„ *Sub erectâ cuspide.*] Vnicâ voce verius, *sub erectâ cuspide*, ^{Surrectâ vox.} à surrigendo. In Virgilio: — *tot surrigit aures.* In Lucilio: *Nunquid mutino subrectoque huic opus signo?* malè editur, *subiecto*. Intellegit turpiculas illas res & phallos erectos. In ipso Liuiio: *subrecto mucrone.* ^{Lib. VII.}

„ *Compressis ordinibus velut claudebant vias.*] Claudii ergo ordines solent in ipsâ pugnâ, ad vim atque impetum maiorem: ijdem aperiri ad receptum suorum. Tacitus & suo æuo mansisse ostendit: *Sed ubi fortuna contra fuit, non laxare ordines, non recipere turbatos.* Sed enim hîc quæstiuncula. Triarij, de more veteri, in custodiâ ferè castrorum: quomodo nunc in acie? Dionysius illud firmat: Οἱ τριάριοι, inquit, εἰσὶν οἱ πρεσβύτατοι τῶν στρατευομένων, οἷς τὰ στρατόπεδα ἐπιτρέπεται φυλάττειν ὅταν ἐξίωσιν εἰς τὴν μάχην, καὶ ἐφ' ἧς τελευταίους καταφεύγουσι διὰ τὴν ἀνάγκην: *Triarij sunt vetustissimi militum, quibus castra solent commendare custodienda cum in aciem exeunt, & ad quos postremos confugiunt urgente necessitate.* Iterum: ἦσαν δὲ τοῦ χάρακος φύλακες οἱ τριάριοι λεγόμενοι, παλαιοὶ τε καὶ πολλῶν ἐμπειροὶ πολέμων, οἷς ἐχάσθαι, ὅταν ἀπογνώσθῃ πᾶσα ἐλπίς, εἰς τοὺς περὶ τῶν μεγίστων ἀγῶνας καταχρῶνται: *Erant castrorum custodes Triarij, veteres milites & multorum bellorum usu docti, quos ultimos adhibere solent rebus desperatis, & cum nulla spes reliqua.* Custodiæ eius & in Liuiio notabis exempla. Quid ergo? non de more pugnabant? vix apparet, olim quidem. Nam quòd aliquis suspice-

III. Hist.

Triarij castra seruunt.
Lib. VIII.

Lib. V.

suspiceretur partem ad castra, partem in acie relictam; ægrè potuit. Exigua enim manus, & in duabus legionibus non nisi *mille ducenti*. Nisi tamen dimidia illa pars relictæ, expleta & adaucta fuit Sociorum Extraordinariorum adiectione, itemque Euocatorum aliquot: quod haud temerè opinèrè. Sed tamen ex Dionysio fensèris, seruatos in castris ad res vltimas, nec nisi in magnâ necessitate ad aciem ductos.

DIALOG. II.

Velites ubi olim & postea Locati. item Equites, & Socij.

*Discrimen
leuis ar-
matura.*

*Veteris eius
dispositio.*

HABES totam Aciem, & qualis vulgò, imò semper, in communi isto ordine fuit. A V D. Egone totam? imò manca & mutila est, & pleræque partes defunt. Vbi Velites? vbi Equites? vbi Socij? in Liuij aut tuis verbis nihil vidi. L I P S. De Socijs, ne mirare. nam pugna hæc in ipsos Socios fuit. Itaque oppositos, non appositos cogitabis: & Liuius dicere nihil potuit. De Velitibus, cum distinctione res explicanda. Fuit Vetus leuis armatura, vt monui, fuit Noua. Hic de Veteri cogitandum, quæ constitit Rorarijs & Accensis. Eorum dispositio paullò alia, quàm postea fuit. nempe non in primâ acie aut viarum interuallis, sed post Triarios, in extremâ acie ipsâ. Liuius clarè dicit in pugna istâ cum Latinis. Qui ergo orsi pugnam? Hastati. qui deinde? Principes. Sed tum *Rorarij procurrebant inter antepilanos* (ita Liuius) *addebantque vires Hastatis & Principibus*. Procurrebant inquam, per vias illas & interualla. De Accensis, addit, defessis iam alijs, *ab nouissimâ acie procedere ante signa iussos*.

fos. Itaque hoc ritu, profectò non committebant pugnam Leues isti: quod postea factum, & ratio sic volebat. Pugnant enim fundis, iaculis, & telis quæ eminus mitterentur. Quod autem aliquis dixerit, non semper ita factum, sed in eâ modò pugna, Consule ob causas sic disponente: non apparet id fanè è Liuiò. & Dionysium alibi cùm examino, reperio ordinem hunc à Seruio sic fuisse. Nam ille duobus locis, vbi classes recenset & ordinat, ostendit in militiâ & acie quoque sic stetisse. Nam de *Primâ*, cùm censum & arma edidisset, subiunxit: *χώραν δὲ κατεῖχεν ἐν τοῖς πολέμοις τὴν προαγωνίζομένην τῆς φάλαγγος ὅλης: locum verò in bellis habuit primum, & ante reliquam totam copiam.* Iterum de *Secundâ*: *ἐκοσμεῖτο ἐν τοῖς ἀγῶσι μετὰ τὰς προμάχους: Ordinabatur in acie post primos pugnatōres.* De *Tertiâ* pariter, *χώρῃ καὶ στάσι τετῶν ἐν τοῖς μάχαις μετὰ τὰς ἐφεσώτας τοῖς προμάχοις: locus horum & statio in pugnis iuxta eos qui post Principes.* De *Quartâ* denique: *στάσι ἔχει ἐν τοῖς ἀγῶσι τὴν ὑσάτιον: locum in certaminibus ultimum habet.* Quid ergo *Quinta* Dionysi? *τέτερος, inquit, ἔξω τάξεως ἔταξε στρατεύεσθαι: hos extra ordinem iussit militare.* Eadem, & totidem ferè verbis, postea iterat in iudicio Coriolani. Quæ ego adduxi fusiùs, vt semel de origine & ordine militiæ priscæ constet, & quomodo is paullatim mutarit. Ergo Seruij instituto, ditissimi quique in primâ acie, & hoc est quòd Varro *Principes* deducebat, & ** olim à principio gladijs pugnasse adseuerabat.* Sequebantur ordine opum alij, & in extremo denique ij viliores & pauperes, & qui leuib. telis pugnant. Sed qui isti extrâ ordinem *Quintani*? Accensi, ex Liuiò, & qui iustus etiam miles non erat. Olim hæc ita. sed cùm mul-

Lib. IIII.

Lib. VII.

Lib. IIII.
de LL.* Vide supra lib. II.
Dial. I.

h ta in.

ta in eo ordine damnanda vsus & ratio docuissent, tempore mutarunt. Quæ enim ratio, optimos ditissimosque omnes exponere periculis, in primâ acie obiectos? noluerunt, & Principes secundo loco statuerunt. Postea etiam ætatum discrimina magis spectarunt, & reduxerunt ad morem, quem in Liuiio vides. Sed nec ibi steterunt. res docuit Leues propugnare debere, atque eo exemplo Velites à Triarijs remouerunt, & ad principia locarunt. Vbi? aut quomodo? distinctè hoc dicam,

Varia locatio Velitum.

Ante signa.

Lib. xxx.

Inter signa.

Ibid.

Lib. xxx.

Inter signa.

In cornibus.

Lib. x.

Lib. x.

Lib. x.

Lib. x.

Lib. x.

Lib. x.

Lib. x.

quia variauit. Triplex ferè eorum locatio. Interdum ante omnia signa, & in fronte. vt pugnâ Manlij in Gallogræcos, apud Liuium: *Ante signa modico interuallo Velites erant.* Iterumque: *Consul primâ in acie locatâ Leui armaturâ.* Interdum mixta primis manipulis, aut potius insita in iam dictis Vijs. Liuius pugnâ Africanâ: *Vias patentes inter manipulos antesignanorum Velitibus complet.* Sallustius pugnâ Metelli cum Iugurthâ: *Inter manipulos funditores & sagittarios dispersit.* Appianus pugnâ cum Antiocho: *Αναμεμίχρατό τε ἅπασιν ψιλοὶ τε καὶ τοξόται πολλοί: Intermixti erant omnibus Velites & sagittarij multi.* Denique interdum, non in Vijs sparsi, sed in cornibus positi iunctim. Vt pugnâ Cannensi Appianus: *μέγας ἕκαστον αὐτῶν εἶχε τὸς πεζοὺς ἐν μέσῳ, τὸς δὲ ψιλὰς καὶ ἰππέας ἐκατέρωθεν: Quaque pars habebat pedites (grauiores) in medio, Leues & Equites utrinque in cornibus.* Crebra ea dispositio, vt obseruabis: & Vegetius vt sollennem recipit: *Funditores, inquit, & Sagittarij præcipuè in cornibus locabantur, à quibus pugnandi sumebatur exordium.* Sed ubicumque positi, prodire ante alios soliti & pugnam committere, cum datum signum. Polybius: *Ἀμα τὰς τὸς ἀκοντιστὰς προσελθόντας ἐκ τῶν Ῥωμαίων στρατοπέδων, κατὰ*

κατὰ τὸν ἔθισμόν, εἰσακοντίζεν: Unà cum eo, quòd Iacula-
tores prodeuntes è Romanis legionibus, iuxta morem, eia-
culabantur. Ostendit morem hunc fuisse, etiam prius-
quàm Velites propriè dicti instituerentur. Itaque siue
manipulis infiti, siue cornibus assiti, procurrebant, &
vnà cum Equite ferè pugnabant. Cedentes autem inter
legiones recipi solent, & à tergo poni, aut iterum alià
procurrere. Ipse Eques, quid? dupliciter ferè locatus. Equitum
locatio.
Primò in cornibus, ita vt legiones sociosque medios ha-
beret. Quæ ordinaria ferè positio, & in superuacuum In corni-
bus.
adduxerim exempla. Altera, vt à tergo interdum pone-
rent, spatijs relictis inter manipulos, aut & legiones, A tergo.
quâ possent cum impetu emitti. Id fiebat fallendo hosti,
& vt improuisa res esset. Liuius: Dictator reliquerat in- Lib. x.
terualla inter ordines peditum, quâ satis laxo spatio equi per-
mitteri possent. Idem: Hispani inter cornua & mediam aciem Lib. xxix.
interualla patentia satis latè fecerunt, quâ equitatum, ubi
tempus esset, emitterent. Et Romani more suo exercitum
cum instruxissent, id modò hostium imitati sunt, vt inter
legiones & ipsi patentes equiti relinquerent vias. Ad hanc
dispositionem Velitum Equitumque, imò & legio-
num, Panegyricus scriptor facit, ad Theodosium: Ecce
lux tandem, & iam omnis campus horrebat. diuisi in cornua
equites, lues ante signa Velites, dispositæ manipulatim co-
hortes, & gradu pleno ferentes agmina quadrata legiones.
Item Apuleius: Cum tuba bellicum cecinit, protinus vnus- De Mando
quisque competens capeffit officium. Velites executione ador-
nant ordines, principes curant, equites ordinibus præsumunt. Tentata
emendatio
Apuleij.
Quæ in mendo, & fortè purganda: Velites excussione
adornant, ordines principes curant, equites ordinibus præ-
eunt. * Præire inquam equites ordinibus malo, quàm * Nam
procurrere
cum Veli-
tibus so-
lent.

h 2

præesse,

præesse, quia res magis sic fuit. Tentabam etiã: *Velites excutiunt, adornant ordines*. Sed fortasse in verbis ijs altior aliqua plaga, mihi nunc non sananda. Ad interrogata tua perēgi, nisi de Socijs: quod vno verbo potest Stetere enim plerumque in Cornibus & ad latera legionum, *Sociorum positura.* ipsi diuisi in cohortes, fortasse & Manipulos, vt legiones. *Lib. xxx.* Liuius: *Romani mediam aciem, Latini cornua tenuerunt.* Atque hinc est, quod ipsas Alas siue agmina sociorum *Lib. xxxi.* *Cornua* appellata Polybius scripsit. Quid tamen, cū nulla media acies, & duo cornua tantum? Sæpē id, imò plurimum olim, cū duæ Romanæ tantum legiones. Tum scilicet, exteriores cuiusque cornu partes Socij tenebant. Atque hæc, vt dixi, plurimum. nam & in fronte, aut aliter, socios positos leges, pro loco aut vsu. *Lib. xxxi.* Liuius: *Dextera Ala in primâ acie locata est, in subsidij duæ legiones.* Idem de Equitibus. Quid te moror? numquam mihi res facta, si diductè omnia prosequar. Contraho, & tuæ obseruationi aut industriæ, cū viam feci, quædam relinquo.

DIALOG. III.

Signa quot, & ubi fuerint. Antesignani & Postsignani.

AVD. Magna mihi, fateor, lux affulsit per hos sermones; nondum plena. Sed vt solem sæpē cū se explicuit, alia nubes excipit & intercipit: sic fit huic menti. Priora perrupi, & iam video: obnubilat de *Signis & Antesignanis*. Dic sodes, vbi illa locata, & qui isti? *Lips.* Addam & hanc operam, & per me nihil deerit (pro copiâ quidem) quo minùs rem totam & ex asse cognoscas. De Signis ita habuit. Duplicia illa olim, *Peditum*

ditum & Equitum. Peditum, iterum duplicia: Manipulorum, & totius legionis. Manipulorum fuere, perticæ cum ligno transfuersario suprâ, ferè in crucem. Quibusdam, dextræ, corollæ, aut alia ornamenta in vertice superposita; plerisque clypei rotundi, siue imagines ad perticam adfixæ. Da mihi veniam ne hîc fusiùs describam: alibi fiet. Legionis totius, Aquila fuit: id est alitis eius effigies siue corpus ex argento vel auro, summæ perticæ insistens, & pede altero fulmen sæpe tenens. Hæc Peditum signa: Equitum, vexilla fuere, siue quadri ad hastam volitantes pannuli, ritu ferè hodie in Bandis equitum nostrorum. A V D. Cohortium ergo Signa omittis? L I P S. Quia res antiquas tracto, nec censeo olim fuisse. Aut cedò mihi imaginem alibi in lapidibus aut nummis. Nisi tamen similia quædam manipulorum fuerunt, sicut in Prætorijs cohortibus video sculpi. Neq; enim liquida mihi tota res: cùm in Tacito legam: *Una tres aquilas & signa cohortium locant.* Iterum: *Concionem discedere in manipulos iubet. vexilla præferri, vt id saltem discerneret cohortes.* Sed ego credam, Cohortium ibi signa, non nisi hæc Manipularia esse: ideò sic dicta quia è manipulis cohortes. Tamen labente æuo non abnuo propria sua cohortibus fuisse, sed nouâ & distinctâ formâ. Vegetius: *Dracones etiam per singulas cohortes feruntur ad prælium.* Dracones habes, sed qui non ante Traiani aut illud æuum in Romanâ militiâ conspecti. Qui Lucanum aspexisse putant, scribentem:

— per signa decem felicia castris:
& explicant, totidem cohortium signa: id est decem: quàm illi pueriliter errant? Nam ibi quidem iuramentum est per signa felicia decem castris, siue decem annis. Ergo

h 3 non

Peditum
signa.

Equitum
signa.

An cohortibus olim
seorsim
signa?

1. Ann.

Ibid.

Vix videri,

Postea
fuere.

Lib. 1.
cap. 11 11

Lib. 1.

non nisi manipulorum olim signa, quod ad pedites quidem attinet, & ea in numero de quo * suprà disputavi. Legionis etiam totius non nisi vna aquila: nec Socij, cum in alijs pares, eam habuerunt. Ideò improuidè à Lucano scriptum aliquis censeat, de Arimino à Cæsare capto:

Lib. I.

Ut nota fulsere aquila, Romanique signa.

Nam vna profectò fuit, nec tunc apud Cæsarem (consensu omnium) non nisi legio vna. Sed aut improuisio, vt dixi; aut de industriâ enallage quædam poëtica numerorum. Sanè per Aquilas, legiones ipsas numerant.

Bell. Hisp.

atque ita Hirtius: *Erat Pompeij acies tredecim aquilis constituta*: significat & valet, totidem legionibus. Sed hæc clara; illud magis obtenebrat de Signorum loco. Tu Polybi cur hæc filuisti? verbo vno docere & firmare nos poteras, qui nunc pendente vestigio imus & quærimus per coniecturas. Dixeris in principio fuisse, ex eo quòd in agmine anteibant. Liuius: *Dictator signa efferri, ac sequi armatos iubet*. Clarum est præire. Sed & in Tacito, de ardore militum scriptum: *Nolle requiem, non expectare ducem, antecire signa, urgere signiferos*. Quod præter morem factum ostendit, & cupidine pergendi. Simile in Statio:

Signa ubi posita.

Lib. X.

I. Hist.

Lib. VII.

— *retrò vexilla tubæque*

Post tergum, & litui bellum inuenere secuti.

Sic ergo in agmine: an non idem in acie? haud prorsus, nec credam nuda & prima signa statim obiecta hosti. Munita fuerunt, & vallum aliquod, vt sic dicam, viro- rum obiectum. Atque ij sunt, quos passim legimus *Antesignanos*. Non enim ipsi Leues aut Velites eâ voce capiendi, & discernit palàm Varro: cuius versus hosce
(versus

Antesignani.

(versus enim sunt Trochaici scazontes) in Nonio legas:

*Quem sequuntur cum rotundis Velites leues parmis,
Antesignani quadratis multis insignibus tecti.*

Vbi corrigam *quadrati*: & ipsos Antesignanos ita appellari credam, quia manipuli eorum tali formâ (postea discas) & situ quadro: aliter sanè quàm Velites, qui incompositi & sparsi. Facit etiam *multis insignibus tectos*, quod ad Cristas galearum, (ex ipsâ decerant Velitibus) referas aptè, siue & ad insignia scutorum. An & Insignia hîc ipsa militaria Signa? sed quod primò dixi, propiùs verum puto. Antesignani ergo prima acies, & qui positi ante signa, ijsque propugnandis. Ideò Dionysius alijsque Græcorum *προμαχες τῶν σημείων* vertunt, *propugnatores signorum*: siue etiam *πρωτάκτες*, *prepositos*.

Liuius hoc satis dixerit: *Pugna orta est non illa ordinata* Lib. xxix

per Hastatos Principesque & Triarios, nec ut pro signis Antesignanus, post signa alia pugnaret acies. Itaque duplex velut acies aut diuisio in quoque Genere, *Antesignanorum* & *Postsignanorum*: à situ scilicet & loco, cum signa remota paullum à principio, & circa medium essent. In quoque dixi Genere. quod ipsum clarè Liuius: *Cadunt*

Antesignani, & ne nudentur propugnatoribus signa, fit ex Lib. xx.

secunda prima acies. Arbitror enim dicere, quod pulsîs Hastatis in periculo eorum signa versabantur, nisi Principes excepissent. Et sanè cum quisque manipulus signum aut signa sua habuerit; nōne probabile in acie sub ijs & ad ea stetisse? Tamen dubitatiuncula hîc aliqua è verbis Liuij, narrantis pugnam Scipionis Africanam: *Vias patentes, inquit, inter manipulos Antesignanorum Velitibus complet.* Factum totum considera. profecto inter ordines Hastatorum omnium interpositi Ve-

lites,

Lib. xxx.

Liuij locus

considera-

me.

Lib. xv. *Antesignani* erant. Itaque Polybius hæc ita refert: τὰ διασημαία τῶν πρώτων σημασιῶν ἀνεπλήρωσε ταῖς τῶν προσφομάχων σπείραις: *Interualla primorum manipulorum impleuit Velitari manu*. Ex quo inferas totos Hastatos venisse etiam in hoc nomen, quia positi ante præcipua & plurima signa. Hoc sensu Liuium alibi exaudio: *Legionum Antesignani pila coniecerunt*. Item Cæsarem: *Unius legionis Antesignanos præcurrere, atque occupare eum locum iubet*. Iterum: *Adolescentes, atque expeditos ex Antesignanis electos milites, inter equites præliari iussit*. Quæ etsi aliorum trahi possunt, tamen intuenti propius totum corpus anterioris aciei apparebit sic dictum. Pro priore tamen illo sensu etiam *Prosignani* Frontino: *Sulla triplicem peditum aciem ordinauit, relictis interuallis propter leuem (ita legendum est) armaturam & equitem, quem in nouissimo collocauerat, ut, cum res exegisset, emitteretur. Tum prosignanis, qui in secundâ acie erant, imperauit ut densos palos defigerent*. Intellegit Principum Antesignanos, ut narratio quidem præfert: nisi velimus triplicem aciem fuisse, & quamque triplici Genere suo distinctam: ut, si legiones aliæ post alias. Lego & *Postsignanos* Lib. xvi. in Ammiano: *Cum ad alios Postsignanos in acie locatos extremâ venisset*. Iterumque: *Postsignani nostri, qui editiora collis tenebant*. Quos dixeris ipsos Triarios esse, aut certè totum illud post Aquilas & præcipua signa agmen. Signa igitur sic locata, ut ostendi, cuiusque manipuli circa medium: item Aquila circa medium totius legionis, & vbi Imperator.

DIALOG.

DIALOG. IIII.

Ducum, militumque locatio distinctè: & poena qui ordinem liquisset.

AVD. Ergone Imperator mediâ eâ parte? LIPS.
Probabile est, & exempla ostendunt. Virgilius:

— medio dux agmine Turnus

Imp. me-
dius.

Vertitur arma tenens.

Ratio etiam vult, ut ibi sit unde prospiciat & mandet facillimè in omnes partes. qui locus medius est, sed paullum tamen ad finem magis admotus. Nam inter Principes & Triarios, ante aquilas, stetisse censeo Imperatorem. Argumento, quòd is eius situs in castris, ante Principia dico & aquilas. Itaque & Sallustius de Carilinâ: *Ipse cum libertis propter aquilam adsistit.* Cum libertis, quos fidos habebat & ad sui custodiam: sicut Imperator Ablectos apud se & quosdam Euocatos. Sed ubi Legati & Tribuni? item iuxta Imperatorem: nisi tamen Legati curarent & præpositi essent certæ alicui regioni aut cornui, quod sæpe. Tunc enim in medio eius loco Imperatoris agebant. Quod idem aliquando in Tribunis, ut huic aut illi parti præficerentur. Sed vulgò credo retrò Principes stetisse, quo ordine in castris: & iuxta eos, sociorum Præfectos. Tacitus indicat: *Ante aquilam Præfecti castrorum Tribuniq; & primi centurionum, ceteri iuxta suam quisque centuriam.* De ingressu Vitellij eiusque exercitus in urbem scribit: qui compositus & sub signis. Notes inibi primopilos (ij sunt primi centurionum) ad aquilas suas stetisse: ceteros in manipulis & centurijs suis. Liuius quoque pro hac mente:

Iuxta
aquilas.

Legato-
rum locus.

Tribuno-
rum.

III. Hist.

i

Duces.

Lib. III.

Duces legatique, & quod circa signa roboris de exercitu fuit, Thufculum petiere. Intellegit Tribunos, Primopilos, & Triariorum Centuriones, & fortasse Triarios ipsos, quorum custodiæ aquila erat & præcipua signa. At

Centurio-
num.

Centuriones ipsi vbi? Tacitus dixit, iuxta suam quisque centuriam: id est, opinor, in capite ipso. Nam credo à fronte Centuriones præiuisse & curasse, vt Optiones eorum à tergo. Argumentum à castris. vbi item in manipulis primum locum, & sedem habent. Et sanè si ordinum ductores propriè, anteeunt & ducunt. Seneca al-

De con-
stant. cap.
vlt.

lulsi: Quo quisque genere honestior, famâ, patrimonio est, hoc se fortius gerat, memor in primâ acie altos ordines stare. Idem

De Tranq.
cap. III.

alibi: Quid si militare nolis nisi Imperator aut Tribunus? etiamsi alij primam aciem tenebunt, te fors inter gregarios po-

Seneca
explicatus.

suit. Vbi aliâs etiam scriptum, inter triarios: haud improbè. etsi prior lectio magis pro mente Senecæ videtur. & Non es, inquit, inter primos in republicâ, nec vt Imp. Tribuni, aut Centuriones: tamen inter gregarios & vulgus militas: milita igitur. Nec ea ibi sententia, tamquam Imp. aut Tribuni sint in primâ totâ acie: non: sed primi in suo extremo ordine, scilicet Triariorum. Etsi fateor interdum honestissimos, gloriæ aut exempli causâ, in primam ipsam aciem iuisse, ac pugnasse. Idem

In Epist.

Seneca: Prima acies Pompeianarum partium Senatus. Multi enim Senatorij in illis castris, non legitimi milites sed voluntarij, & quasi Euocati: atque ij, ait Seneca, inter primos Centuriones & fronte aciei steterunt. Fecit hoc & Catilina, sed causâ aliâ: Centuriones omnes lectos & Euocatos, prætereà ex gregarijs optimè quemque armatum in primam aciem subducit. Ecce Centuriones omnes lecti, & Euocati in fronte statuuntur, sed præter morem

morem sanè. nisi esset, cur Sallustius signanter narra-
 ret? Sed fecit ipse, vt robur omne illuc haberet, & vi per-
 rumperet ac laceraret. Non ergo omnes ibi de more
 Centuriones, imò tantum Hastatorum: sed nec Euo-
 cati omnes, dumtaxat qui aut sponte vellent, aut qui
 manipulo pro Centurione essent. Talis Crastinus in ex-
 exercitu Cæsaris, qui proelium commisit, & *manipulares*
suos se sequi iussit. Atqui ille euocatus: & pugnavit ta-
 men in legione Decimâ, in quâ primum pilum duxerat,
 inter primos. Aliàs, ipse Cæsar Euocatos Pompeij *totâ*
acie dispergit. AVD. Video locatos iam Duces singit-
 latim: sed hoc adde, in equis an pedibus pugnarunt?
 nam videor legisse de equis. LIPS. Distinctè hoc dicen-
 dum est. Imperator ipse plurimum in equo. & sic Li-
 vius de Camillo: *In equum insit, & ante signa obuersus*
in aciem ordines interequitat. Et hoc fine Imperatorij illi
 equi, de quibus dictum. Ipsi Tribuni sæpe in equis.
 Cæsar: *A Tribunis militum reliquisque equitibus Romanis*
atque Euocatis equos sumit. Vides equos habuisse: imò
 interdum inter equites pugnasse. Liuius: *Equites duci-*
bus Tribunis haud multo plus hostibus quàm suis præbuerunt
tumultus. Quod an in omnibus tribunis verum fuerit,
 nescio: fortasse in ijs tantum, qui ordinis & loci eque-
 stris: plebeij, steterint pedites inter suos. Sed de his Cæ-
 sar quoque capiendus: *Cæsar primum suo, deinde omnium,*
è conspectu remotis equis, vt æquato periculo spem suam tolleret.
 Intellegit de Ducibus alijs & Tribunis. Fecit idem Ca-
 tilina apud Sallustium: *Remotis omnium equis, quò militi-*
bus, ex æquato periculo, animus amplior esset, ipse pedes exerci-
tum instruxit. Sed & Spartacus fugitiuorum Imp. apud
 Plutarchum, pugnâ in Crassum, *admotum equum gladio*

Imperator
in equo.

Lib. vi.

Sæpe &
Tribuni.
vii. Gallic.

Lib. x.

Lib. i.

In Crasso.

i 2 confo-

Lib. xvi. confodit, eâdem causâ. Legi & in Ammiano: *Alema-*
norum impeditum fremitus indignationi mixtus auditus est, vo-
ciferantium relictis equis secum debere versari regales, ne si-
quid contigisset aduersum, desertâ miserabili plebe, facilem dis-
cedendi copiam reperirent. A V D. Teneo iam de Ducibus:

Militem
certus or-
do.

bus: ipsi gregarij milites quo ordine? & an quisque se
 locabat in suo manipulo vbi vellet? L I P S. Minimè.
 nec dubito quin hoc quoque compositè, vt alia fue-
 runt. In Vegetio lego: *tirones secundum matriculæ ordi-*

Lib. i.
cap. xxvi.

nem in aciem dirigi. An secundum ordinem quo lecti &
 adscripti? an potius matricula hæc fuit ordinis à Cen-
 turione instituti? Nam ipsum credo suos iuxta vires, &
 pro iudicio, locasse, certis quemque locis, quos in acie
 & agmine tenerent. Ni hoc esset, quomodo Liuium

Lib. ix.

illud verum? *Sed signa undique corbant, & notis ordinibus*
in veteri disciplinâ militiæ, iam sine præcepto vllius suâ sponte
struebant aciem. Nouisse quemque ordinem & locum
 Eum quis- que nouerat.

Lib. ix.

lites cogeant, vt tirones assuescerent signa sequi, & in acie
agnoscere ordines suos. Quos quidem ordines pertinaci-
 ter seruabant. eoque Cæsar, cum de Hispaniensi milite
 Sedulo seruabat.

i. Ciuil.

scripsisset: *Genus erat pugna militum illorum, vt magno im-*
petu procurrerent, audacter locum caperent, ordines suos non
magnopere seruarent: tum denique de suis & Romanis
subiunxit, perturbatos eos fuisse insuetos huius generis pugna.
Circumueniri enim sese ab aperto latere procurrentibus singu-
lis arbitrabantur. ipsi autem suos ordines seruare, neque ab
signis discedere, neque sine graui causâ eum locum quem ce-
perant, dimitti censuerant oportere. Imo verò mors poena
 erat, si qui reliquissent. Iosephus: Οἱ ῥόμοι δὲ αἰὲς καὶ τὰς
 Lib. v.
Excid.

ἑαχὺ-

Ἑγεσὶππὶ τῆς τάξεως παρεκινήσαντας θανάτῳ κολάζουσι: *Leges Romanae semper eum qui vel leuiter ordine excesserit, morte puniunt. Hegesippus hoc vertit: Legibus egredienti ordinem praescripta mors est. Tacitus: Qui signa reliquerat, statim capite poenas luebat. Quod idem in agmine feruabant. Tacitus de Corbulone: Legiones veterem ad morem reduxit, nequis agmine decederet, nec pugnam nisi iussus iniret. Idem: Vexillum ad ripam vertit, pro desertore fore clamitans si quis agmine decessisset. Et si non mors hic semper, sed minor poena. Liuius de Scipione Numantino: Quem militem extra ordinem deprehendisset, si Romanus erat, vitibus; si extraneus, fustibus cecidit. Quod intelligendum, ubi minor excessus & aberratio. quod si maior, profecto desertionis poena mors erat. Quis autem in ea, distincte Appianus: τὸ νόμον λείποντα τὴν ὑπὸ τῆς πολεμικῆς ἡγεμενὲς τὴν ἀποχωρῶντα πορρωτέρω σάλπιγγος ἀκοῆς: *Lege desertorem habente, qui longius quam unde tuba audiri posset, excessisset. O prisca, o nostri mores, quam dissidetis? Hodie nihil tam impune quam vagari, praedari, rapere: olim mors leuiter abeunti. Nec Romani solum hic seueri, sed etiam Graeci, qui hos tales ignominia notabant. Demosthenes: Ὑμεῖς τὴν λείποντα τὴν ὑπὸ τῆς στρατιῆς τάξιν ταχθεῖσαν, ἅπμιον οἶδατε προσήκον εἶναι καὶ μηδενὸς τῶν κοινῶν μετέχον: Vos eum qui adsignatum a duce ordinem deseruerit, infamem iudicatis esse debere, nec ullam reip. partem attingere. Atque id, opinor, quia periuri. Atheniensibus enim solenne hoc iuramentum ante militiam: μήτε ἱερὰ ὄπλα κατὰ χυμῶν, μήτε τὴν τάξιν λείπειν: nec sacra arma dedecore affecturos, nec ordinem deserturos: quod ita in Lycurgo Rhetore aduersus Leocratem scriptum. Sed & Lacedaemonijs legem Demaratus apud**

xii. Ann.

Pena in agmine. xi. Ann.

i. Ann.

Epit. lvi.

Quatenus aliquis desertor. In punia.

Gracis simile. Orat de Rhodior. libert.

Et Spartanu.

Lib. VII. Herodotum recenset: & φεύγειν εἶδεν πλῆθος ἀνδρῶν ἐκ μάχης, ἀλλὰ μένοντες ἐν τῇ τάξει ἐπικρατέειν ἢ ἀπολλυμένους: non fugere ullam virorum multitudinem in acie, sed stantes in ordine vincere aut mori. Duræ leges, inquires. duræ, sed vtilēs: & istæ sunt quæ viros, quæ milites pepererunt, gentium hominumque victores. Nec miror de prisco illo ævo. ecce & Iulianus Imp. suo iam prauo & laxo, Lib. XXIII. decem milites ex his qui fugerant, ex auctoratos capitali addixit supplicio, secutus veteres Leges. Narrat in rebus eius Ammianus. A V D. Quàm vellem sub talibus legibus nostri milites? L I P S. Quid ita? A V D. Vt aut alij essent, aut non essent.

D I A L O G. V.

In occasione de Signis dictum, de formâ eorum singillatim, de cultu & religione.

AT enim alia etiam hîc mihi cupiditas. L I P S. Non amo cupidos. A V D. Imò, vt Lucilius ait,

— cupiditas

Ex homine, cupido ex stulto numquam tollitur.

Honestâ hæc nostra cupiditas, & discendi amor. De Signis deferendis agis, antè de locandis: dic semel & explica quæ ipsa Signa. Distulisti? sed res poscit, & ego. L I P S. Atqui ad Pugnam ego iam ibam. & vereor ne vt oculi, qui huc illuc flectuntur, parum intendunt: sic ego minus aliquid in præcipuâ re videam, tuâ auoca-

* Quod in pedibus est, eat & currat. *tione.* A V D. Culpa hæc mea fuerit, recipio: * τὸ δ' ἐν ποσσὶ ἴτω γέγον, vt ait Pindarus. L I P S. Tu quidem si me iubeas sidera exhibere, credo debeam: ita quod cœpisti vrges. Obtempero igitur Eurystheo meo, & scito, Duplicitia

plicia in militiâ nostrâ Signa esse, *Peditum Equitumque*.
Peditum item duplicia, *Legionis* totius & *Manipulorum*.
 Signum legionis, Aquila, vt suprâ tetigi: nec nisi vnus ^{Aquila}
 vna. Imò nec sociorum quidem, & quia hæc præcipui ^{legionu.}
 imperij signum, subiungi sub eam socios voluerunt &
 auxilia, non seorsum habere. Huius origo variè peti-
 tur. A Ioue alij, qui hanc insigne militiæ habuerit, qui- ^{Origo eius.}
 dam à Troianis; ego fortasse nihil errem, si aut ipsos à se
 Romanos reperisse dixerim, aut vicinorum exemplo.
 Sanè rapacium aliquot animalium effigies adsumi &
 præferri, bello conuenit: & video variè olim fecisse Ro-
 manos. Nec enim solam Aquilam prisca illi, sed plura
 eiusmodi animalia prætulerunt, nata in pugnas aut
 raptus. Plinius hoc docet: *Romanis Legionibus aquilam* ^{Alia quo-}
C. Marius in secundo consulatu suo propriè dicauit. Erat & ^{que anima}
antè à prima, cum quattuor alijs Lupi, Minotauri, Equi, Apri, ^{lia olim.}
que singulos ordines anteibant. Paucis antè annis sola portari ^{Lib. x.}
in aciem cœperat, reliqua in castris relinquebantur, Marius ^{cap. 1111.}
in totum ea abdicauit. Notanda nobis monitio hæc Pli-
 nij, & miranda. An non mirer rem tam nouam esse, &
 diu post Polybij æuum, de eximiâ & solitariâ hac digni-
 tate aquilæ: & tamen non ipsum, non Liuium aut Dio-
 nysium, aliorum illorum signorum meminisse? Atqui ^{Incertum,}
 fortassis cohortium illa fuerunt. Non potest: cum quat- ^{vbi ea.}
 tuor ea tantum nominet Plinius, cohortes autem de-
 cem sint: sed & addat, *singulos ea ordines anteisse*. An er-
 go manipulorum? id dicendum sit: aut fortasse ad vete-
 res illos ordines & Genera militum Plinium respexisse,
 cum instruebantur (antèa monui ex Dionysio) per
 quinque suas classes. Etsi postea etiam quinque ordi-
 nes, in ipso Liuiio explicati; nempe *Hastati, Principes,*
Triarii,

Triarij, Rorarij, Accensi. An ergo fortasse singuli isti discretum tale signum habebant? sed Triarij ipsam Aquilam? qui volet, examinet: in Festo quidem lego: *Porci effigies inter militaria signa quintum locum obtinebat, quia confecto bello inter quos pax fieret casâ porcâ fœdus firmari solebat.* Ecce & ille quintum locum tribuit: ergo inter Accensos esto. Nam in manipulis aut cohortibus, ubi denarij sunt numeri, non habeo aptare hoc discrimen. Nominat & Festus *porcum*, qui Plinio est *Aper*. Idem & de * Minotauro commemorat: *Minotaurus*, inquit, *inter militaria signa, quod non minus occulta esse debeant consilia ducum, quâ n fuit domitium eius Labyrinthus.* Bellè hæc dicuntur, sed vnde rusticulis illis Romanis Minotaurus & fabella hæc innotuit? Vide ne verè, non Minotaurus, sed taurus fuerit: vti alia animalia illa nota Italiæ, & capta ob causam quam dixi. Certè & Taurus robustum ac ferox animal, atque aptum pugnae: nec aliter etiam Germani prisci *imagines ferarum* habuisse à Tacito scribuntur inter signa. Sed Aquilæ hæc dignitas etiam apud alias gentes fuit. Persis regale hoc signum: atque ita Xenophon de Cyro: ἦν δὲ αὐτῷ τὸ σημεῖον αἰετὸς χρυσεὺς ἐπὶ δόρυ γε μακρὸν ἀνατεταμένον. καὶ νῦν δὲ ἐπὶ τούτῳ τὸ σημεῖον τὰ περσῶν βασιλεῖ διαμένει: *Erat ei signum aquila aurea in hastâ longâ extensa. Et nunc quoque ipsum hoc insigne Persarum regi manet.* Iterùm Xenophon in rebus Cyri minoris: καὶ τὸ βασιλείου σημεῖον ὄραν ἐφασαν, αἰετὴν πρὸς χρυσεὺν ἐπὶ πέλτῃς ἐπὶ ξύλον ἀνατεταμένον. *Regium insigne videre se dicebant, aquilam auream in peltâ super hastam extensam.* Sed quomodo hæc in peltâ depicta in eâ aut sculpta? an super peltam imposita, & velut pedibus ei insitens? quod voles, arbitrare. Meminit

* Etiam
Vegetius
lib. 111.
cap. VI.

Aquila
Persarum.

vii. Pæd.

x. Anabaf.

nit Curtius, de Dario: *Inter hæc aquilam auream pinnas extendenti similem sacrauerunt.* Talis omnino Romana, ut ad eam redeam, quæ summæ hastæ insitebat ex auro vel argento, & fulmen sæpe vnguibus tenebat, quasi iaculatura. In Nummis M. Antonij & Augusti sic ap-

Lib. III.

Forma Ro.

Aquila.



pâret: sed & in Dione alibi lêgi inter prodigia tristiora, *aquilas fulmina è pedibus abiicisse & remississe.* Sed nec corpus ipsum aquilæ magnum, cum Florus scribat, Clade Varianâ, *signiferum aquilam intra balthæi sui lateras gerentem in cruentâ palude delituisse:* ne scilicet poterentur eâ hostes. Tale in Silio, pugna ad Thrasymenum:

Lib. XLIII.

Lib. IIII.

Occulere interdum & terra mandare parabat,

Lib. VI.

Sed subitis victus telis labentia membra

Prostravit super, atque illatâ morte tegebat.

Hæc forma Aquilæ: nisi quod in Dione tamen intricatum aliquid de sacello vel ædiculâ, in quâ eam locat.

O ὁ δαίμων, inquit, ὠνομασμένῃ, ἐκ δὲ νεῶς μικρῆς, καὶ ἐν αὐτῇ αἶψα χρυσεῖς ἐνδύεται, καθίσταται τε ἐν πᾶσι τοῖς ἐν τῇ κατὰ λόγῳ στραπέδοις, καὶ ἀμύσσει ἐκ τῶν χειμαδίων, πλὴν εἴποι σύμπας ὁ στρατὸς ἐξίοι, κινεῖται, καὶ αὐτὸν εἰς αὐτῆς ἐπὶ δόρατος μικρῆς ἐς ὃν τὴν σύρακα ἀπηγμένε, ὥς ἐς τὸ δάπεδον καταπήγνυσθαι, φέρεται. *Aquila quæ dicitur, est sacellum exiguum, & in eo aquila aurea locatur, statuiturque in omnibus ordinarijs legionibus, nec quoquam ex hibernis effertur, nisi cum omnis legio exit, quam vir unus in hastâ parvâ* (ma-

Lib. XII.

k

lim

lim μακρὸς in Græco, id esset *longa*) cuius inferior cuspis
in acutum desinit ut in terram defigi possit, portat. Dico
Obscura intricatum hoc de sacello. vbi enim in Numis vsquam
illa Dionis. talis effigies? quin nudæ eæ conspiciuntur (& centenæ
 aliquot exstant) sine tegmine vlllo sacelli. Nōne etiam
 prægrauæ hoc pondus ferenti fuisset? In columnâ tan-
 tū Traiani, nescio quid in alis aquilarum imponitur,
 quod fateor me non explicare. Nisi ergo Dionis infimo
 illo æuo mutata aquilæ forma, censeo mentem eius esse,
 aquilam cū in hibernis esset in sacello repositam, at-
 que inde motam cū educenda. Id mihi Herodianus
Signa in approbat, qui de Prætorianorum castris loquens, Anto-
adiculâ.
Lib. III. ninum venire facit εἰς τὴν νεών, ἐνθα τὰ σημεῖα καὶ τὰ ἀγάλ-
 ματα τῆ στρατοπέδου πορρωθεῖται: *in sacellum, vbi signa*
et imagines exercitus adorantur. Sed & figulina opera
 nostrâ ætate ibi eruta, cum inscriptione, EX AEDICV-
 LA AVGVSTORVM: quam hanc esse nihil absurdum.
 Enimuerò & olim Romæ signa in templo. Dionysius:
 Εκέλευσεν ἐκ τῶν ἱερῶν τὰ σημεῖα ἐκφέρειν: *Iussit è templis*
signa efferre. Et si templum verius esset, singulariter: quo-
 niam reposita ea in erario, templo Saturni. Liuius: *Signa*
Quæstores ex erario deferre iubet. Et alibi: *Signa erario*
prompta feruntur ad Dictatorem. Illic igitur, & religio-
 nis causâ, & custodiæ, quia pecunia ibi publica & ar-
 gentum. Nec aliter Galli olim τὰς χρυσᾶς σημαίας τὰς
 αἰκινήτας λεγόμενας ἐν τῷ τῆς ἀθηνᾶς ἱερῷ εἶχον: *aurea signa,*
quæ Immota vocitabant, in Minervæ templo habebant: quod
Fixa in Polybius scripsit. Est autem in Dionis etiam descriptio-
terrâ.
r. Ann. ne, *defigi in terram solere*: quod in exemplis multis legas.
 Tacitus: *Plurimus circa aquilas labor quæ neque figi limo-*
sâ humo, neque aduersum ferri ingruentia tela poterant. Fi-
 gebantur

gebantur igitur & in ipsâ pugnâ, cùm ea in loco staret, nec impelleretur hostis. Sed & in castris defixæ stabant, ac legis inter prodigia cùm in hostem eundum esset non potuisse euelli. Huius sententiæ puto quod in Thebaide Tragoediâ, Senecæ inscriptâ, legitur:

— *era iam bellum cient,*

Aquilæque pugnam signifer motâ vocat.

Non enim ibi ventilatio aliqua aut in aëre motus aquilæ capiendus, sed quod refixâ ac loco motâ ab Signifero fuerit præeunte ad pugnam. Etsi tota res vana, nec credimus Thebanos olim aut Græcos (de ijs sermo) aquilam vsurpasse. Sed Romanos scilicet ritus poëtæ trahunt ad alios. quod ipsum Statius in istâ re, cùm de Adraсто loquitur, militare consilium habente:

Ventum ad consilij penetrare, domumque verendam Lib. 2.

Signorum, magnis ubi dudum cladibus ager

Rerum extrema mouens frustra consultat Adraстus.

Nam facit Signa adseruari in tabernaculo Adraсти, siue in Prætorio. quod ipsum indicare Tacitus videtur de seditioso milite, *Vexillum in domo Germanici situm flagitare occipiunt.* Etsi aliud fortasse illud vexillum (in Tacito dixi) & certum ante Prætorium potius, quàm in ipso Signa fuisse. Videndum etiam in Statio, an non verius distingui *Signorum cladibus*: enallage quadam poëticâ vt dicat, Adraстum ægrum animi fuisse ob multa signa cladium quæ animo iam reuoluebat. Sed ego ab aquilâ nostrâ abeo: de quâ tamen Iosephi egregius locus: *Ἀετὶς πάντες ἀρχαὶ ῥωμαίοις τάγματα, βασιλεὺς τε οἰωνῶν ἀπ' ἀντων καὶ ἀλκιμώτερος ὢν. ὁ δὲ καὶ τῆς ἡγεμονίας τεκμήριον αὐτοῖς, καὶ κληδὼν ἐφ' ἧς ἀνίσωσι τὰ κεραιήσιν δοκεῖ.* *Aquila omni legioni apud Romanos præst, rex ipsa omnium animum,*

Et eadem valentissima. Unde etiam imperij signum ipsis est, et velut omen victoria in quoscumque eunt. Transeo ad Manipulorum Signa: quæ olim quid fuerint ipsa vox illa indicio est. Nam cum perticis fæni manipulos seu straminis suspensos ferrent, illa ipsa manus quæ ea sequeretur dicti Manipuli. Poëta:

*Manipuli
signum.*

Pertica suspensos portabat longa maniplos,

Unde manipularis nomina miles habet.

Sed hæc rustica non mansere. posterior forma fuit, hasta in cuius summo transuersum ligneolum, modum crucis. Nummi & monumenta passim ingerunt, & sæpe cum manu supra eminente: nonne allusione ad Manipuli vocem? Sed & orbiculos quosdam vel clypeolos, qui infra crucem hastæ adnexi, iidem nummi & lapides ostendunt. Quid fuerunt? ex argento vel auro imagines deorum primò, deinde & Imperatorum. Tertulianus: *Omnes illi imaginum suggestus in signis* (ita legimus) *monilia crucium sunt.* Trahit ad nostræ & sanctæ crucis gloriam: & omnes illi adtextus & structura imaginum, inquit, in manipularibus signis, quid nisi ornamenta crucis? Dixi deorum primò fuisse, nec ambigo quin Martis, Romuli, & talium innexa olim: qui scilicet militares dij, & conspiciuntur in nummis, ante Principum æuum: sed ab hoc exemplo ipsorum deinde Imperatorum. Sic Drusi imago inter signa, apud Tacitum: *Tua Diue Auguste calo recepta mens, tua pater Druse imago.* Sed & Seiani per adulationem, in Suetonio: *Munera Syriacis legionibus dedit, quod sola nullam Seiani imaginem inter signa coluissent.* At de Cæsarum, scriptores vulgò. Suetonius: *Artabanus transgressus Euphratem aquilas & signa Romana, Cæsarumque imagines adorauit.*

*Imagines
in signis.*

1. Ann.

*Lib. cap.
XLVIII.*

*Cal. cap.
XIII.*

adoravit. Etsi distinguere ibi à Signis videri possit, & seorsim quoque effigies illorum adoratas. Sed in Arriano certius, Dissertationibus Epicteti: τὰ σημεῖα τῆς ἐπιλέκτε στραπᾶς, αἰετοί, εἰκόνες βασιλῆιοι, σέμματα, πάντα χρυσᾶ, ἀνατεταμένα ἐπὶ ξυστῶν ἡρghρημένων: *Signa selecti exercitus* (id est, legionum) aquile, *imagines Principum, vexilla, omnia aurea, extensa in hastis argentatis*. Nota, *Signa ex auro vel argento.* quòd aurea ipsa fuisse dicit, etsi hastas argentatas. Olim tamen & signa ex argento. & causa in Plinio: *color argento clarior est, magisque diei similis: Et ideo militaribus signis familiarior, quoniam is longius fulget*. Non abdicat aurea, sed magis vulgò fuisse ait ex argento. De his imaginibus Tacitus: *Vexillarius direptam Calba imaginem solo adflixit*. Panegyristes ad Maximianum: *Demens qui nesciebat, quocumque fugeret, ubique numina vestra divinitatis esse, ubi cultus vestri, ubi signa coluntur*. Nec sustulit ea prorsus Constantinus Imperator. etsi in Eusebio scriptum, quòd *crucem signis inseri iusserit, καὶ τῶν χρυσῶν ἀγαλμάτων ὅποια πρῶτον αὐτοῖς ἔβη ἢ τὸ μνηέν: Et aurearum imaginum, cuiusmodi antea solent, nullam*. Aut enim de mortuis tantum Imperatoribus hoc sentit, aut non diuturnum fuit. Ipsius certè Constantini & filiorum imagines sunt in Signis, quæ nummi ab illo ævo repræsentant. Sed & Vegetius diu post illum: *Prima cohors imagines Imperatorum, id est divina Et presentia signa veneratur*. Apud eundem, *Imaginary vel Imaginiferi, qui imagines Imperatoris portant*. Sed nota, Imperatoris, unius numero: ergo non iam defunctorum. Hæc talia Tacitus intellexit, in aduentu Teridatis: *Agmina legionum steterè fulgentibus aquilis signisque Et simulacris deum in modum templi*. An & Isidorus, cùm scribit: *Pilam in*

Signa ex auro vel argento.

Lib. xxi.

1. Hist.

Lib. iiii. de Vir. Const.

Lib. ii. cap. v.

xiiii. An.

*Lib. xvii. signa constituisse fertur Augustus, propter nationes sibi in cuncto orbe subiectas, ut * magis figuram orbis ostenderet.*

* E scriptis
libris lego
malis id est,
pomis.

*Signum
Pila.*

Ergo olim sic accepi, & ad clypeolos illos rettuli: valdè nunc resilio, & scio signa hæc imaginum fuisse diu ante Augustum. Quid ergo Isidorus vult? nouum imò vetus, sed paucis notum, signum tangere: quod fuit pila vel globus in summâ hastâ. Turcæ hodie retinent, & equinos aliquot pilos ab eo globo pendulos demittunt. Fallor, aut hoc est quod Beda sic tangit de Eduino rege:

*Lib. ii.
Hist. cap.
xv i.*

Nec non & incedente illo ubilibet per plateas illud genus vexilli quod Romani Tufam, Angli appellant Tuis, ante eum ferri solebat. De splendore & pompâ regis eius scribit, & vel pacis tempore semper incesse cum hoc vexillo. Gratia tibi esto Beda qui nominasti, & per te Vegetio iam suppetiamur perpetuùm aliâs laborâti. Scribit iste in signorum recensu: Aquila, dracones, vexilla, flamula rufa, pinna.

*Lib. i i i.
cap. v.
Vegetius
correctus.*

Malè rufa. quia etsi puniceas fuisse fateor, non tamen solas. Libri scripti (Stevvechius testatur) tuba, imò duo ex ijs tufa. Amplector, teneo, & in ordine isto signorum deinceps colloco: flamulas, tufas. Ipsa vox an non Gallis hodie Pilam sonat, qui E addito Etufam? Sed hanc tamen inter equestria magis fuisse arbitror, quia post Flamulas Vegetius recenset. Satis de Manipulorû signis: ad Equitum imus. A v d. Cohortium ergo omittis? L I P S. Non enim propria opinor fuisse. Tacitus quidem ingerere videtur: Concionem discedere in manipulos iubet, vexilla præferri ut id saltem discerneret cohortes. Et iterum: vexillarius comitantis Galbam cohortis. Tertiùm: Unâ tres aquilas, & signa cohortium locant. Sed hæc talia non nisi de manipulorum signis capienda videntur, qui manipuli diuisi per cohortes. Si aliter: cedò, quod signum id fuit?

An cohortibus signa?

1. Ann.

1. Hist.

enim propria opinor fuisse. Tacitus quidem ingerere videtur: Concionem discedere in manipulos iubet, vexilla præferri ut id saltem discerneret cohortes. Et iterum: vexillarius comitantis Galbam cohortis. Tertiùm: Unâ tres aquilas, & signa cohortium locant. Sed hæc talia non nisi de manipulorum signis capienda videntur, qui manipuli diuisi per cohortes. Si aliter: cedò, quod signum id fuit?

fuit? Consule omnes nummos aut lapides, præter manipulorum & legionis non reperiēs. Rideo qui Lucanum eò traxit: — *per signa decem felicia castris. Signa decem*, inquit, *totidem cohortium sunt*. O bone, quàm facis quod ego sæpe, & erras! Illa verò *castra decem* sunt, non signa: & per castra, totidem intellegit annos. Nusquam ergo cohortium signa? imò, sed inferiore æuo, quo multa iam nouata: & è Vegetio colligas singulis cohortibus fuisse suos Dracones. Sed quid ad Polybium aut priscos? Magis appositè addubites, an Sociorum manipuli signa habuerint, an tantum cohortes. Equidem in Liuiο lego: *Quattuor millia militum amissa*, ^{Sociorum signa.} *& legionis secunda signa tria, undecim vexilla socium nominis Latini*. Videtur Signa tribuere ciuibus, vexilla socijs: vti & hoc loco: *Proxima porta cohors Peligna erat*, ^{Lib. xxv.} *cuius præfectus Vibius creptum vexillum trans vallum hostium iecit*. Tribuit Vexillum cohorti: sed an toti, an eius parti? Nam de voce, haud valdè moueor, & scio Liuium ac Tacitum cum Signo miscuisse. Equidem temerè nihil hîc adfirmem, qui nec de totâ distributione cohortis Socialis firmiter scio: etsi inclino magis, centurias etiam fuisse, & in ijs sua signa. Hoc olim. postea nihil abnegem, Vexilla cohortium propriè dici. Sic in Aufonio: *Clara cohortis vexilla regens*: id est, cohorti Præfectus. In Capitolino de Pertinace: *Vexillis regendis adscitus est*. Omitto ista, & ad vetera ac propria Vexilla venio, quæ Equitum fuerunt. De ijs Liuius: *Vexilla se suorum parmasque cernere equitum*: de Romanis equitibus dicit. Idem de socijs: *Inferre vexillarios iussit signa*. Propriè *vexillarios*: & erant hæc vela quædam quadra expansa ad hastam: sed vela modica, vt in monumentis compa-

Sociorum
signa.
Lib.
xxxix.

Lib. xxv.

Equitum
vexilla.
Lib. viii.

compârent. Nostra ætas retinet in equitum bandis, et si formâ paulum diuersâ. Propius accedunt templorum vexilla, quæ in lustratione & processibus anteferuntur.

Vexillatio.

Lib. II.

cap. I.

Cap. xx.

Flamule.

Hinc *Vexillatio*, de ipsis equitibus aut eorum Alâ, crebrum posteris verbum. Vegetius: *Equitum ala*, quod protegant acies, quæ nunc *Vexillationes* vocantur, quia velis, hoc est flamulis, utuntur. In Galbâ Suetonij, *Germanicorum vexillatio*: quæ Tacitus ambiguo magis sensu dixit *Germanica vexilla*. Sed in Vegetij verbis, sunt qui *Flamulas* in *Fameola* mutant. ô malè! abstineant. Georgius

Cedrenus: Βιξιλاتیωνες, οἱ ῥωμαίων ἱππεῖς. καὶ βίξιλα, παρεπετάσματα ἐκ πορφύρας καὶ χρυσοῦ, εἰς τετραγώνον σχῆμα πεποιημένα. ταῦτα ἐξαρτῶντες ἐπὶ μακρῶν δορυάτων, κυκλᾷ παρεπορευόμενοι τῶν βασιλέων, κατασκέπτουσιν αὐτούς. Εἶεν δ' αὖ τὰ λεγόμενα φλάμελα: *Vexillationes*, *Romanorum equites*. *Vexilla*, παῖσι παννὶ seu veli ἐ purpurâ ἔσ' αὐρο, in quadratam formam effecta. Hæc adaptantes longis hastis, circum *Principes* in orbem euntes, eos tegunt. Sunt autem illa quæ nunc *Flamule* dicuntur. Ille idem de Arabibus: τὸν τῆς εἰρήνης ἐγγεγραφοῦ χάριτίν ἐπὶ φλαμελίᾳ κρεμάσαντες: *Chartam conscriptam*, *pacis testem*, super *flamulâ* suspendentes. Sic vertendum id fuit: & ducendus huc etiam Suidas: Σαυρίων, εἶδος σημαίας ἢ φλαμελῆς: *Saurion*, *genus signi vel flamule*. Quid tamen *Saurion*, ignoro. Noto

Vexilla è ultra in Cedreni verbis, è purpurâ fuisse. Potest aptari *purpurâ* Capitolini illud in Gordianis: *Sublatâ de vexillis purpurâ Imperatores eos dicemus*: et si Dracones tamen tunc etiam purpurei. Isidorus de coloribus Circi: *Rufescos*

Lib.

xviii.

Auro

mixta.

currere Marti sacrauerunt, à quo Romani exoriuntur, ἔσ' quia vexilla Romanorum cocco decorantur. Ille idem Cedrenus aurum miscet, & circum Principem ea locat.

Hoc

Hoc ipsum Ammianus de Constantio Cæsare Romam
venire gestiente: *ut pompam nimis extentam, rigentiâque* Lib. xv.
auro vexilla, & pulchritudinem stipatorum ostenderet tran-
quillus agenti populo. Atque his vexillis, sed & signis ^{Nomen}
alijs, ^{Principis} nomen Principis inscriptum. Dio de Verginio ^{in Signis.}
Rufo: *Ipsam Cæsarem & Augustum appellabant. cumque* In Nerone
non acquiesceret, τῶν στρατῶν ἕως ἐνὶ τῶν σημείων ταῦτα
διατάχων ἐπέγραψε: militum quispiam uni è signis ce-
leriter hæc inscripsit. Suetonius in Vespasiano: *Assensere* Cap. vii.
cuncti, noménque eius vexillis omnibus sine morâ inscripse-
runt. Allusit auctor Thebaidos:

— *aureâ clarum notâ*

Nomen Ducum vexilla præscriptum ferunt.

Ostendit aureo textu fuisse istas litteras. Hoc quoque
à ritu magis prisco videtur, cùm vnum aliquod & Im-
peratorium vexillum grande præferretur, nomen eius
habens, non tamen aureis sed puniceis litteris inscri-
ptum. eoque vexilla ipsa tunc non punicea, sed candidi
potius coloris. Dio de isto in rebus Crassi contra Par- Lib. xl.
thos: *Σημεῖον δὲ π τῶν μεγάλων τοῖς ἰσίοις εἰκοτόν, & φοιν-*
ικὰ γράμματα ἐπ' αὐτοῖς πρὸς δήλωσιν τῆς τε στρατῆς & τῆς στρα-
τηγῆς σφῶν τῶ ἀντοκράτορος ἔχόντων, εἰς τὸν πόταμόν διπὸ τῆς
γεφύρας περὶ τραπεζῆν ἐπέπεσε: Vexillum quoddam ex illis
magnis, quæ velorum sunt similia, & quæ puniceas litteras
inscriptas habent ad notitiam exercitus & summi eius Im-
peratoris, id tale in flumen è ponte inuersum decidit. Hoc
ad equestres Flamulas commodè non referas, sed fuit ^{Signum}
potius Imperatorium quoddam signum: quod poste- ^{Impera-}
rior ætas *Labarum* dixit. De quo vberius non nunc di- ^{torium.}
co, non item de Draconibus, quia hæc inferioris æui.
A v d. De Labaro remitto, de Draconibus vrgeo: &

I

Musarum

Musarum fidem, dicito. LIPS. Non rogas, sed iubes,
 cū sic rogas. accipe vbertim. Draconum origo vnde
 sit, inuenio magis, quā credo. Isidorus ab alto petit
 & à nostro Phœbo: *Draconis signa*, inquit, *ab ipso Apolline*
morte Draconis inchoata, dehinc à Grecis & Romanis in
bello gestari cœperunt. De Apolline, haud illepidè, de Gre-
 cis falsò. Nam quis ijs vnquam scriptor tribuit? Alijs
 aliquot gentibus magis reperio. vt Assyrijs, Ioannes Cu-
 ropalates: *Cyrus*, inquit, *ut Medorum principatum adeptus*
est, Assyrijs quoque bellum intulit, & ab ijs cepit κα-
 βάδιον, καὶ τὸ δρακόντειον φλάμυλον: *tunica genus, & Dra-*
conis vexillum. Indis tribuit scriptor incertus apud Sui-
 dam, cuius ipsa verba dabo, quia graphicè depingit: *Ιν-*
δοί, ἔθνη βαρβάρων. κατὰ δὲ τὸν πόλεμον ἦσαν αὐτοῖς σημαῖαι
τῶν ἰππέων κατ' ἐκάστην χιλιοσὴν δράκων ἐπὶ κάμακθ' ἀνα-
τεταμένθ'. ἔ' ἀργυρεῖ μὲν ἡ κεφαλὴ πεποιήται, σεσηγῶτων ὀ-
δόντων, καὶ τῶ χασματθ' ἀπειλὴν ἔχοντθ'. τὸ δὲ ἄλλο σῶμα
σηλεκούφον ἦν, ἐς τε μῆκθ' καὶ βάθθ' καὶ τὸ ποικίλον τῆς χροῆς
ἐς ἀλήθινον δράκοντα: Indi, gens barbara. quibus in bello erant
signa, in quosque mille equites Draco, extensus in perticâ. Eius
caput ex argento factum erat, dentibus restrictis & nudis, mi-
nace rictu: reliquum corpus sericeo textu, longitudine & cras-
sitie & varietate coloris in verum draconem. Sed qui apud
 eum isti *Indi*? an Orientales illi, magnus nobilisque po-
 pulus? minimè: *barbari*, vt ipse met ille scriptor ait, & nisi
 fallor (imò non fallor) illi ipsi quos alij dicunt & scri-
 bunt *Sindos*. Sed illa prior scriptura alibi quoque reper-
 tur, & sunt populi Scytharum. Certè Scythas Draco-
 nibus vsos, ex eodem Suidâ haurio, apud quem inno-
 minatus item scriptor: *σημεῖα σκυθικὰ ἀ φέρουσιν ἐν τῷ πο-*
λέμῳ ὑφάσματα εἰσι βαφῇ πεποικιλμένα, ἀ εἰς ἰδέαν μά-
 λιστα

Draconū
origo.

Lib. xvii.

Assyrii ijs

vs.

De offic.

Cōstantin.

Et Indi.

In χιλιόσθ,

& voce Ιν-

δοί.

Indi &

Sindi ijdē

hic populi.

Scythæ

Draconi-

bis vs.

λιστα ὁφέων εἶναι, καὶ ἀπὸ τῶν αὐτῶν συμμέτρων: *Signa*
Scythica, quæ ferunt in bello, sunt vela vel textilia colore va-
riegata, quæ in speciem maximè serpentium assimilata sunt,
et suspensa è mediocribus hastis. Vides ergo Scytharum
 esse, quorum pars aut confines cùm sint Daci; quid mi- ^{litè Daci.}
 rer eos quoque vulgò vsurpasse? Imò non alia signa ha-
 bent in columnâ Traiani, bello illo Dacico, & sæpe ibi
 videas expressa. Atque ego censeo ab illis ipsis Romanos ^{Romani ab}
 sumpsisse, vt fit, imitatione. Placuit enim ille terror ^{issu:}
 quem moti in aëre faciunt, & visum bello aptius quàm
 Romana illa signa. Ab ijs, inquam, origo, vel hoc ar-
 gumento, quòd antè Traiani æuum non eos in rebus
 Romanis legas. Nisi quis tamen à Persis magis petat, ^{Aut à Per-}
 cùm in Vopisci Aureliano legam, inter spolia à Zeno- ^{sis.}
 biâ capta & traducta, etiam *Persicos dracones.* Atque
 hoc faciat pro sententiâ Curopalatae suprâ dictâ. Dein-
 ceptis quidem crebri in Romanâ historiâ: & Vegetius
 notat, *Dracones per singulas cohortes à Draconarijs ferri* ^{Lib. 11.}
in prælium. Si per singulas cohortes, sanè multi. Vt ad- ^{cap. 11 & 12.}
 dam, proprios quosdam & peculiare Principis fuisse,
 qui toti è purpurâ in eius comitatu. Significat, Ammia- ^{Lib. xv.}
 nus de Iuliano veniente in prælium: *Quo agnito per pur-*
pureum signum Draconis summitati hasta longioris apta-
tum, Disertè *purpureum* ibi dicit, qui color imperij: &
 nisi fuisset, cùm tam multi Dracones in acie, vnde ex
 vno illo Cæsar * agnitus? Sed color eminebat, vt dixi: &
 de ijs capiendus idem Ammianus ingressu Constantij
 Augusti in urbem: *Alternūque potestatis gressus multi-*
plices alios purpureis subtegminibus texti circumdedit Dra-
cones, harum aureis gemmatisque summitatibus illigati,
hiatu vasto persflitiles, et ideo velut irâ perciti sibilantes,

1 2

cauda-

* Nisi pla-
 cet longiorē
 hastam eam
 ceteris fuisse,
 ex Am-
 miano.

*Dracones
circa Prin-
cipem.*

*caudarumque volumina relinquentes in ventum. Quorum
sententia est (nam vulgò malè distinguuntur:) alias
varias potestates siue Præsides & Duces circa Impera-
torem incessisse, atque eos circumdedisse deinde Dra-
cones. Poëta Claudianus Honorij Principis ingressum
Draconibus quoque ornat: — quid fixa Draconum*

*vr. Cōsul.
Honor.*

Ora velint, fluitent ventis, an vera minentur

Sibila, suspensum rapturi dentibus hostem.

*An in ve-
lo Draco-
nes?
An soli-
da corpo-
ra?*

*Vbi fixa ora licet accipere (aliter, fissa, legerem, id esset
aperta.) in ipsâ hastâ per guttur sic infixâ, vt in columnâ
Traiani alibi comparent. Nam vt te moneam, etsi ὑφ' ἄσ-
ματ' supra dicuntur; etsi textu sericeo; etsi flamula; de-
nique subtegminibus texti Ammiano: tamen profectò
ambigas, an in velo sic depicti fuerint aut acu texti; an
potius corpus totum solidum è pannis & subtegmine
factum. Moueor ita censere è Traiani columnâ sæpe di-
ctâ, in quâ palâm sic exstant: corpora dico, non imagi-
nes: moueor & à verbis supra Græcis, vbi longitudo &
profunditas ijs datur. Quid, quod sibilasse eos volunt,
concepto vento? Sed hoc ad sonitum, quem velum mo-
tum facit referri etiam possit: etsi Ammiani verba ma-
gis nos inclinent illuc. *Hiatus*, inquit, *vasto perflatiles,*
& ideò velut irâ perciti sibilantes. Vastum hiatus vult
perflari, & illinc sibilum nasci. Scriptor quispiam in Sui-
dâ de hoc sibilo: καὶ τινὰ ἤχῃ πρὸς τὴν συγκίνησιν ὑπὸ τῇ
πνοῇ διερχομένην εἶα: *Atque etiam sibilant & sonant ali-*
quid ad motum, à vento aut spiritu per vim penetrante. Vi-
detur & eò Sidonius spectare, versibus hisce, pugnâ
*inter Vandalos & Romanos: — iam textilis anguis**

*Panegy-
Maior.*

*Discurrit per utramque aciem, cui guttur adactis
Turgescit Zephyris, patulo mentitur hiatus*

Iratam

*Iratam pictura famem; pannoque furor em
 Aura facit, quoties crassatur vectile tergum
 Flatibus, & nimium iam non capit aliud inane.*

Adhibe mentem tuam & sensus, vix aliud possis dicere
 quàm defingi ab eo rotundum & inanem Draconem,
 ita textum vt vento turgescat quem per guttur admit-
 tit. At in sententiam tamen aliam ducat Prudentius:

Pròque ventosis draconum, quos gerebant, pallijs,

*πῆλ' εἰς φ.
 Hym. 1.*

Præferunt insigne lignum quod draconem subdidit.

De Draconarijs duobus loquitur, qui è militibus ag-
 gregati ad cœtum Christi. Et vocat ecce *Pallia draco-*
num, quod sit pro mente & ritu vulgi: cùm & hodie in
 velis militaribus varia sic pingamus. Habes quos vo-
 luisti Dracones: ego in gradu me compono vnde deie-
 ceras, imò ad lineam ipsam venio quam institi, de Signis *Signa sa-*
 non deferendis. Hæc enim illa Romana signa, quæ sacra *cta.*
 habuerunt, per quæ iurarunt, & quos vnicos bello-
 rum deos. Bono consilio, vt religionem animis ingigne-
 rent, & signorum non amorem tantùm sed veneratio-
 nem. Ergo firmiùs asseruabant, fortiùs amissa recupera-
 bant. Quoties legis, integras acies iam fluctuantes, iam
 recedentes, restitutas & impulsas signis in hostem ia-
 ctis? Suadebat enim repetere non pœna tantùm quæ *In hostem*
 manebat ijs amissis, sed etiam pudor & religio, & quasi *iaci solent.*
 deos ac sacra sua prodidissent. Pœnæ exempla, in Dio-
 nysio. *Quidam*, inquit, è ducibus signa suis erepta in hostes *Mors pœ-*
iecerunt, vt languidioribus aut timidioribus ex necessitate ro- *na, si ami-*
bur imprimerent, scientibus quòd ijs qui signa non retulissent, *fissent.*
cum ignominia esset moriendum. In Liuiò: *Inermes milites,* *Lib. 1x.*
signo amisso signiferos, duplicariosque qui reliquerant ordi- *Lib. 11.*
nes, virgis cæsos securi percussit. Religionis exempla, in *Deorum*
Deorum *ijs cultus.*

Apologet. Tertulliano: *Religio tota castrensis signa veneratur, signa iurat, dijs omnibus preponit*. In rebus ipsis; quod perfugium illic ut in sacris. Tacitus: *Signa & aquilam amplexus religione sese tutabatur*. Ammianus: *Qui fraudum conscius & noxarum ad militaria signa confugit*. Quod ea ornabant, ungebant, colebant, ut ipsos deos. Claudianus:

— *Mauortia signa rubescunt*

Floribus, & subitis animantur frondibus haste.

Claud. cap. xlii. Neron. cap. xlii. Suetonius eo sensu: *Neque aquila ornari, neque signa conuelli potuerunt*. Nec aliter in eodem, de laribus: *Kalendis Ianuarijs exornati lares*. Etiam ungebant. Plinius:

Lib. xlii. cap. iiii. *Aquila certe ac signa illa puluerulenta & custodijs horrida, inunguntur etiam festis diebus, utinamque dicere possimus quis primus instituisse*. Scilicet deos quoque solent ungere, & lauare, & cibos apponere, & omnia quæ in rebus latis more humano. In marmore antiquo: CORONÆ. INLATÆ. SIGNAQVE. VNCTA. Seneca in hac superstitionem: *Alius fictor est, alius unctor, qui vano brachiorum motu imitatur ungentem*. Minutius Felix: *Lapides uncti & coronati*. Ab hoc ergo ritu Signa uncta, sed non fevero & Polybiano illo æuo; ipse Plinius ostendit rem nouitiam esse. Habes religionem in Signis, & verè de ijs Dionysius: *τιμωτάτα πάσαις ταῖς ἑθνεύσεσσι, καὶ ὡς περ ἰδρύματα θεῶν ἐς τὴν νομίσανται*. Venerabilia

Lib. vi. *maximè ea Romanis, & tanquam deorum statuas, sacra arbitrantur*. Item Tacitus: *Conuersus ad signa & bellorum deos*. Iterum: *Sequerentur Romanas aues, propria legionum numina*: de aquilis. A v d. Cetera capio, Plinij locum ruminor de custodijs signorum. Appellat enim ea in verbis à te dictis, *custodijs horrida*. Quæ illæ? LIPS. Subitò rogas, subitò respondeo, videri ad aquilas & signa carcerem

Carcer ad signa.

cerem militarem fuisse: quia is locus maximè conspicuus & nocte dieque custoditus. Carcerem quidem in castris Tacitus agnoscit, in seditione militum Pannonicâ: *Blesus paucos adfici verberibus, claudi carcere iubet.* Et ^{I. ADN.} statim inibi, *carcere effracto solvunt vincula, desertorésque & rerum capitalium damnatos sibi miscent.* Iuuenalis: *Leuâque si longo castrorum in carcere mansit.* Finis esto, figuras è columnâ Traiani vide, cuiusmodi & in Nummis atque alijs lapidibus conspiciuntur.



A VD. Auidè inspicio: sed dubium me magis quàm doctum figura hæc reddit. De aquilis solis dixisti: quid ista sibi vult ouis, an aries in perticarum vnâ? quid sphynx in alterâ? LIPS. Mehercules mihi quoque Sphynge opus sit, quæ doceat soluere quidquid ponis aut ligas.

De

Ovis in si-
gnis.

De oue, an cane, an lupo (haud clarè nimis diiudico) non aliud possum, quàm nouum aliquid esse: & si ouis, an pacis oblatae symbolum? clementia & lenitas proposita, si se dedant? Si canis, aut lupo, indicationes notae, etsi non origo. Equidem in Appiano etiam lego, elephantem inter signa legionis cuiusdam fuisse, & assignant caussam: ἡ δὲ στρατὸν τῷ καίσαρι εἰς τοῦτον ἀνέ-
 θάρρησεν, ὥς τὸ πεμπτὸν τέλει, αἰτήσαν ἀντιπαλῆναι τοῖς
 ἐλέφασιν, κρατῆσαι πάνυ καρτερώς, καὶ νῦν ἀπ' ἐκείνῃ τὰδε
 τὰ τέλει ἐλέφαντες εἰς τὰ σημεῖα θίχωνται: *Exercitus Ca-*
saris ita animo confirmatus est, ut Quinta legio poposcerit
opponi elephantis, eosque egregie vicerit, ac nunc etiam ea
de causa elephantem in signa huic legioni constituuntur. Quod
 tamen ita intellego, vt amotam aquilam non opiner,
 sed in clypeis signisq; manipulorum elephantem fuisse.
 Fortasse idem in iam dictis.

Elephas.

II. Ciuil.

DIALOG. VI.

Homer.

Duplex, triplexque acies, & aliquot eius forma.

SEd nobis euenire videtur, quod pueris qui ad aquas
 ludunt. ij cum lapillum in stagnum iecerint, paul-
 latim magis magisque maiores orbes faciunt: & tu
 scrupo vno iniecto, varios circulos consequi facis roga-
 tionum, responsionum. Semel tibi dico, desine. multa
 huic rei annexa, aut adsita: & si maximè coner,

Ἀλλ' ἔτις ἅμα πάντα διωήσμαι αὐτὸς ἐλέσθαι:

At minimè potero completter omnia solus.

Redeamus, vnde abiuius, ad Ordinem aciei, qui ta-
 men explicatus. Sequebatur *Forma*, id est quâ positurâ
 & velut facie acies instructa. Hæc non varia admodum
 apud

apud Romanos: & fuit ferè aut *Duplex*, aut *Triplex*. *Du-* *Acies du-*
plex.
plex, cùm tota acies in cornua duo secta, Dextrum ac
Læuum. Ea sæpissimè obtinuit in exercitu Consulari:
cùm duæ legiones, & singulis sua auxilia adiuncta.
Hanc sectionem certum est veterem esse, & alijs quo-
que gentibus vsurpatam. Polyænus quidem eam refert
ad Pana auctorem. Διονύσιος, inquit, στρατηγὸς ἦν ὁ πᾶν. ὃ- *Lib. i.*
Stratag.
Cornua
Pan rep-
perit.
τῷ πρώτῳ τάξιν εὗρεν, ὠνόμασε φάλαγγα, κέρασ ἑτάξε
δεξιὸν καὶ λαίον. ταύτῃ τοι ἄρα κερασφόρον τὸν πᾶνα δημιερ-
γῆσι: *Dionysij siue Bacchi Dux fuit in militiâ Pan. Is*
primum repperit ordinem, nominauit phalangem, cornu in-
stituit dextrum & læuum. Ex quo cornutum etiam Pana
vulgò desingunt. Exempla aliquot eius locationis apud
Romanos quærere, & ponere, sit stillicidium de situlâ
fumere: sexcenta sunt. *Triplex* est, cùm præter cornua, *Triplex*
acies.
alia etiam media exsurgit. Id quoque crebrum: non so-
lùm vbi plures legiones, sed & cùm duæ: istis scilicet in
medio positis, socijs ad vtrumque cornu. Res per se cla-
ra, & obuia exempla. Sed est & alia ratio *Duplicis* *Tri-* *Aliter du-*
plex acies.
plicisq̃ue aciei: cùm præter simplicem illam diuisio-
nem, à tergo etiam sectio fit & discrimen. Vt si quattuor
legiones habeam, duas in fronte cùm Socijs suis pono;
totidem à tergo, velut in subsidijs suppono. Idem in
duabus quoque factum, & aut Ala vtraque sociorum
(sive Cornu maius) præposita, subiunctis legionibus,
aut contrâ. In Liuiο rem vide, pugnâ in Annibalem
Marcelli: *Pugnatum amplius duabus horis est. cedere inde* *Lib. xxvii*
ab Romanis dextera Ala & Extraordinarij cæpere. quod
vbi Marcellus vidit, duodevicesimam legionem in primam
aciem inducit. Dum alij trepidè cedunt, alij segniter sub-
eunt, turbata tota acies est. Iterùm alio prælio idem Mar-
cellus

Ibid. antè. cellus: *Diu pugna neutro inclinata stetit. prima legioni ter-*
tia, dextra Ala sinistra subijt. Sed & de legionibus ipsis
Lib. xxx. sic dispositis, exempla. In Liuiio: *Pratoris legiones in pri-*
ma acie fuerunt, Cornelius suas in subsidijs tenuit. Alibi:
Subsidia. *In primam aciem suas legiones Sempronius induxit, in sub-*
sidijs locatæ P. Licinij legiones. Et plura. Has autem se-
Lib. xxix. cundarias aut tertiarias legiones siue copias, *subsidia* aut
in Iugurth. *subsidiarias* etiam vocabant. Idem Liuius: *Cedenti duo-*
decime legioni quæ in læuo cornu erat, tertiamdecimam legio-
nem ex subsidijs in primam aciem firmamentum ducit. Sal-
lustius: *Ibi commutatis ordinibus, in dextro latere, quod pro-*
Nec totæ semper legiones, sed cohortes aliquot sic sub-
Lib. ix. *stitutæ.* Liuius: *Subsidiarias cohortes, quæ integræ ad lon-*
gioris pugnae casus reseruabantur, in primam aciem exem-
plo emisit. Ad has posituras Tibulli isti versus faciunt,
 ad Messallam:

Seu sit opus quadratum acies consistat in agmen,

Rectus ut aquatis decurrat frontibus ordo:

Seu libeat duplicem, seu iunctum cernere Martem,

Dextrâque ut læuum teneat, dextramque sinistra

Miles, sitq; duplex gemini victoria casus.

*Tibullus
explicatus.*

Facit variam pugnae faciem, ut ipse appellat. Primò, *Qua-*
dratam simplicem, fronte recto: secundò, *Duplicem*,
 utroque cornu: tertio *Iunctam*, quam capiebam *Tripli-*
cem, aliâ scilicet ad duas iunctâ. nam sic fiebat, quod
 hîc dicitur, ut dextrâ suâ miles qui in læuo est sinistram
 medijs aspiciat; sinistram suâ, qui in dextro eiusdem medijs
 dextram. Inspice, intelleges. Sed remoratur aut potius
 reuocat, quod sequitur — *sitq; duplex gemini victo-*
ria casus. Ita enim non duplex, sed triplex è triplici acie
 victoria

victoria sit & casus. An *Iunctam* igitur intellegit, sub-
 iunctam & duplicatam, de quâ diximus? vt acies aciei
 sit supposita? Hoc opinor. & vtroque sanè dextrâ suâ
 sinistram appositi cornus cornu aspicit, & contrâ. Nec
 mihi displiceat etiam scribi: — *duplicem seiunctum cer-
 nere Martem.* vt duas modò posituras nominet, Qua-
 dratam simplicem, indiuisam: & hanc abiunctam, in
 duo cornua: facili ita sententiâ. Hæ præcipuæ sunt &
 receptæ Romanis instructiones: quas tamen leuiter va-
 riabant promouendo aut retrahendo. Quid velim, ex-
 empla docebunt. Plerumque enim æqualiter vtroque Frons re-
cta.
 cornu & simul concurrebant: quod Cato apud Festum
 dixit, *Recto fronte*: Tibullus in citatis versibus, *æquatis
 frontibus*. Et de eâ re Vegetius: *Una depugnatio est fronte
 longâ, quadrato exercitu, sicut etiam nunc & prope semper* Lib. III.
cap. XX.
Ea vulga-
rissima.
Frons ob-
liqua.
solet prælium fieri. Altera depugnatio *Obliqua*, cùm cor-
 nu ante cornu promouetur. Græci Tactici: λοξὴ φά-
 λαγξ, ἢ τὸ μὲν κέρασ ἑτερον, ὁπότερον αὖ περιήρηται, πλη-
 σίον τῶν πολεμίων ἔχουσα, καὶ ἐν αὐτῇ τὴν ἀγῶνα ποιούμενη.
 τὸ δ' ἑτερον ἐν ὑποστάσει δι' ὑποσολῆς ἔχουσα: *Obliqua pha-
 lanx, quæ alterum cornu, utrumcumque prædictum fuerit
 iuxta hostes magis admouet & eo prælium facit, alterum
 autem abiungit.* Vegetius de hoc genere: *Secunda depugna-
 tio est Obliqua, plurimum melior. Huius talis est modus.* Ibid.
*cùm instructæ acies ad congressum veniunt, tunc tu sini-
 stram alam tuam* (Cornu intellegit, & mox ita vocat)
*à dextrâ aduersarij longius separabis, ne vel missilia ad
 eam vel sagittæ perueniant: dextram autem alam tuam
 sinistra illius ale iunge, & ibi primum inchoa prælium.* Sed
 ipse à Dextrâ modò committi vult prælium, non æquè
 à Sinistrâ. & damnat idèò, quòd tunc, inquit, quasi mar-

Vegetio
claritas.

cuse est impetus, & aperticum difficultate aggrediuntur hostes.

Benè monet, pro armaturâ veteri. Nam si cornu sinistrum tuum promoues aduersus hostile dextrum, profectò latus nudum obijcis hosti, qui missilibus aut sagittis à sinistro suo tutò petet. Hoc est quod ait, *apertos aggredi tunc hostem*: quia scuta nempe in sinistris. Qui aliam causam quæsiuit, & ad infirmitatem sinistrarum partium retulit, nã ille Vegetium aut rem non cepit. Pro hac ratione Cæsar in Ariouistum pugnauit, & cùm triplicem aciem instruxisset, tamen à dextro cornu

1. Gallie.

Sinuata
acies.

De vita
Beat. cap.
IIII.

(eius verba sunt) *quòd eam partem hostium minimè firmam esse animaduertat, prælium commisit*. Tertium genus, cùm in triplici acie, tertiam & mediam amoues ab hoste, & cornua modò immittis. Seneca tangit: *Quemadmodum idem exercitus modò latius panditur, modò in angustum coarctatur, & aut in cornua sinuat à mediâ parte curuatur, aut rectâ fronte explicatur*. Scipio vsurpauit in Hispaniâ. qui cùm aliquot diebus obseruasset sic structam hostium aciem, vt optimi in medio essent, infirmiores in alis: ipse contrâ instruxit, & auxilia in medio posuit, ciues & quod roboris erat, in alis. Ubi igitur (ait Liuius)

Lib.
XXVIII.

iam incipienda pugna tempus erat, Hispanos (ea media acies erat) presso gradu incedere iubet. ipse è dextro cornu nuncium ad Silanum & Martium mittit vt cornu extendere in sinistrâ parte, quemadmodum se tendentem à dextrâ vidissent, & cum expeditis peditum equitumque prius pugnam consererent, quàm coire inter se media acies possent. Ita diductis cornibus sinus in medio erat, quia segniùs Hispanorum signa incedebant. Hæc prouisio & instructio certam victoriam dedit, cùm firmissimi cum infirmis concurrerent, & alij dum suum hostem expectant in medio

dio manent otiosi, denique alienâ fugâ & clade consternati. Quartum genus, huic aduersum. cùm scilicet ipsa ^{Gibbera acies.} media acies prominet & incurrit prima in hostem. Greci ἐπιπαμπές, *flexum* dicunt, siue etiam κυρτὸν *gibberum*. Aelianus: Ἐπιπαμπῆς παρόταξις, ἐπὶ τὰ μέσα τοῖς πολέμοις προσπίπτει, τὰ δὲ κέρατα ἐκ τῶν ὀπίσω μερῶν ὀρθὰ ὑφ' ἑαυτὴν ἔχει τεταγμένα: *Flexa instructio dicitur, cùm media hostibus incidunt, cornua autem retrò recta habet collocata.* Hac Annibal in pugnâ Cannensî scitissimè est usus: sed cum eâ quoque arte, vt cornua robustissima haberet & integra seruaret, & medijs denique pulsis, sinu factò, immitteret ea vtrîmque legionibus, victoriæ suæ certam causam. Quàm vtiliter talia nostri Duces meditentur & vsurpent? & paullatim credo facturos, vt ingenia & institutionem quorundam video, qui succrescunt.

DIALOG. VII.

Aliæ quædam acierum formæ. Cuneus, Globus, Forfex, Turris, Serra.

AVD. Non aliæ igitur aut plures Aciei formæ? Nam resistis & files. LIPS. Cogito, siquid vtiliter etiam addam. Nam omnia congerere, & figuras aliquot subtiliter ex Tacticis delineare aut explicare, non est visum: quo fine? Romani rarò vsurparunt, & sunt magis inuentiunculæ & schematismi ingeniorum. Quædam tamen apud Romanos etiam vsurpata interdum, quæ strictim & per indicem dat Cato. Festus ex eo citat: *Sine fortè opus sit cuneo, aut globo, aut forcipe, aut turribus, aut serra vt adoriare.* Cato senior est, quem

Lib. x.
cap. ix.

Cuneus.

Lib. i.
cap. xxvi.

Lib. xvii.

Lib. iiii.
cap. xix.

Lib. ii.

scripsisse scimus De re militari. Hæc & pauca alia Agellius item prodit Capite proprio: *Vocabula sunt militaria, quibus instructa certo modo acies solet appellari, Frons, Subsidia, Cuneus, Orbis, Globus, Forfices, Serra, Ale, Turres.* Sed Catonis verba atque ordinem insulam: quia quæ prætereà Agellius, iam per me aut ipsum te nota. Nominat *Cuncum* primò. qui est cùm angusta in fronte acies, trigoni formâ, paulatim se pandit. Igitur & *Trigonum* vocant. Vegetius: *In Trigonum, quem Cuneum vocant, acies mutanda est.* Item Εμβολον siue Rostrum Græci. Illorum Scholia: Εμβολον παρατάξεως ὄνομα. ἔστι δὲ τὸ ἡμισὺ τῆς ῥόμβου: *Rostrum instructionis nomen. est autem dimidia pars rhombi.* Dixere & *Caput porcinum*, quia assimilatur, & quia velut fodit & ruit inuadendo. Ammianus: *Desinente in angustum fronte, quem habitum Caput porcinum simplicitas militaris appellat.* Vegetius: *Cuneus multitudo peditum, quæ primò angustior, deinde latior procedit, & aduersariorum ordines rumpit. Quam rem (lego, Quæ) milites Caput porcinum appellant.* Sed vberimè & optimè hæc omnia Agathias historicus, quem locum & Suidas exscripsit, cuius verba fideliter vertam: *Erat ijs forma aciei velut in rostrum. Littera enim Δ. assimilabatur. Et anterior pars quæ in acutum desinebat, tecta & densa erat, quia scutis undique muniabatur. Dixeris caput eos porci structurâ eâ efformasse. Crura autem utrimque secundum ordines & cohortes in profundum composita, & pleraque parte in obliquum extensa, deibant paulatim & disungebantur, donec in maximam latitudinem progressa desinerent: ita ut medius locus vacuus relinqueretur, & terga militum nuda per ordinem conspicerentur.* Hoc ille de Francis, qui pugnâ in Narsetem sic vsi. Sed &

& Hispani olim creberrimè. ac de ijs Liuius: *Celtiberi* ^{Hispani}
^{vbi cuneis.}
^{Lib. xxi.}
vbi ordinatâ acie & signis collatis se non esse pares legioni-
bus senserunt, cuneo impressionem fecerunt. quo tantum va-
lent genere pugnae, vt quacumque parte perculere, impetu
suo sustineri nequeant. Romani etiam non rarò. vt apud
Liuium: Cuneo quidem hoc laxum atque solutum agmen, ^{Lib. xxii.}
ac si nihil obstat, transibimus. Apud Cæsarem: Milites ^{vi. Gallic.}
castris exclusi, cuneo facto, & duce Tribonio equite Rom. per
medios hostes perrumpunt. Etsi vox ea notione etiam aliâ,
ne erres: significatque historicis multitudinem confer-
tam. Ita Liuius: Cuneum Macedonum, phalangem ipsi vo- ^{Lib.}
^{xxxii.}
cant. Idem de manipulis vel cohortibus Latinorum:
Tantâ cede perrupere cuneos. Tacitus: Ceteruis & cuneis ^{Lib. viii.}
^{vii. Gallic.}
concurrerant. Cæsar: Hostes in foro ac locis patentioribus
cuneatim constiterunt. Sed secunda Forma in Catone Glo- ^{Globus.}
bis. quem Vegetius explicat, & dici ait, qui à suâ acie se- ^{Lib. i. i.}
^{cap. xix.}
paratus, vago superuentu incurSAT inimicos. Sed credo &
figurâ globosâ & in rotundum fuisse. Tertia, Forceps: ^{Forceps.}
quæ in Agellio Forfex: sed in figurâ idem est. Dicitur,
cum contraria Cuneo acies instruitur, latioribus primis
& apertis, ac paulatim desinentibus in angustum. Ve-
getius de eâ: Ex lectissimis militibus consertis in V litteram
hic ordo componitur, & illum Cuneum excipit, atque ex
utraque parte concludit. Vbi & vsum eius vides, ad cu-
neum soluendum & atterendum. Fecit Narses apud
Agathiam contrâ Francos: ῥτε, inquit, ὁ νάσης Πηκάμ- ^{Lib. i.}
^{ψας ἡρέμα καὶ ὑπομηκύνας τὰ κέρατα, καὶ Πηκάμπιον ἐμ-}
^{ποδοδίαν (ὡς αὖ οἱ Τακτικοὶ ὀνομάσασιν) τὴν φάλαγγα κατα-}
^{στήτας, παρακλέυεται, & alia: Tum Narses incuruans paul-}
^{latim & cornua producens, & Inflexam anteriorem vt}
^{suo verbo Militares scriptores dixerint, aciem constituens,}
^{iusit.}

inſiſſit. &c. Spectauit & huc Ammianus: *Cogitatum eſt enim ſollicitéque preſtructum, ut ſauientes ultra ſolitum Alemāni vagantéſque effuſi, multitudine geminatā noſtrorum, forcipis ſpecie, truſi in anguſtias caderentur.* Quartum in Catone, *Turres.* Ea forma Græcis πύργος. & Heſychius explicat τὰξιν ὀπλιτῶν ἐν τετραγώνῳ: *ordinem militum in quadro.* Euaſtathius in hoc Homeri:

Turris.


Iliad. μ.

Οἱ δὲ τε πυργηδὸν σφῆας αὐτὰς ἀρτύναντες:

Aſt hi turritim ſeſe ipſos deinde locantes:


is, inquam notat: πύργος δὲ νῦν ἐρρέθη διάταξις στρατιωτικῇ τετραγωνοειδῆς, κατὰ πλυνθίον σωτεταγμένη: *Turris nunc à poetā dicta eſt inſtructio militaris, quadriformis, iuxta laterculum diſpoſita.* Vultne idem cum laterculo eſſe? an conſtare è laterculis, & Turrim eſſe in altum profun-

Turris.



Laterculum

Serra.



dumque quadram inſtructionem? laterculum autem potiùs, iacentem, & in latum. Voces & imagines ſubinducant. Quintum *Serra.* de quā in Feſto: *Serrā præliari dicitur, cum aſſiduè acceditur recediturque, neque vlllo conſiſtitur tempore.* Id fiebat cum manipuli primæ aciei modò inuadebant, modò reſiliebant, & reddebatur dentata quæ-

dam forma. Potuit & aliter, cum Velites ex interual-
lis manipulorum inſiliebant & reſiliebant. Ita Paulus Aemilius, pugnâ in Perſem: *Triplicem aciem cuneis* (id eſt manipulis) *inſtruxit. inter quos ſubinde Velites emiſit. Quo genere cum proſlogari nihil videret, cedere inſtituit, ut duceret hoſtes in confragoſa.* Non alia equidem de figuris habeo digna aut vtilia dictu.

Lib. 11.
cap. 117.

DIALOG.

DIALOG. VIII.

*Exempla aliquot pugnarum: Crassi, Manlij, Caesaris
cum Afranio, Caesaris cum Pompeio.*

AVD. Commodum & comem te mihi exhibes, testari debeo, ita me Deus amet. Sed ecquid etiam magis? & per exempla etiam te diffundis, atque illustras aut approbas præcipuas istas formas? Insignes multæ pugnae pugnatæ sunt, velim quasi * αὐτίπτης paullisper * ^{ocularis spectator.} esse, & lustrare te designante. LIPS. Possim cum Socrate dicere, * σὺ δὲ με οἶσι λόγων πινὰ εἶναι θύλακον. Et * ^{Tu me censes sermonum aliquem esse sacrum.} unde hæc mihi prompta? AVD. Nempe cottidie iis inuerfariis, & Historiæ, tuum pabulum. Denique an vnquam * ἐρμῆς ἀμύθηται? LIPS. Pertendis, & ideò se- ^{* Mercurius insas.} quor. Molli fronte sum ad negandum. atque ut aqua in ligno aut læui lapide facilè ducentis digitos sequitur, sic ego preces. Videbo an memoria fauebit: audi. Esto prima forma *Quadrata* simplex, sine vllâ diuisione. Haud sæpe repperi: est tamen in Plutarchi Crasso his à ^{*Quadrata iusta acies.*} me redditis verbis. Nam ille ita struxit in Parthos.

At Crassus attonitus fuit prorsus, & præ trepidatione non PLVT. planè consistens struxit aciem. Primum quidem, de Cassij sententiâ, raram & tenuem per plurimum campi produ- cens, ne circumueniretur: & equitatum ad cornua diffudit. Postea immutauit, ac contractis copijs ancipitem aciem fecit, & profundum laterculum, sic ut duodecim cohortes quodque latus teneret. Ad quamque cohortem equitum Turmam apposuit, ut nulla pars indiga auxilij equestris esset.

n

Mira

Mira hæc fuit dispositio, singillatim examinanda. Ait:

„ *Raram & tenuem.*] Cassiana hæc sententia bona erat contra equitatum, quo hostis valebat. Alioqui contra grauem & statarium militem non item, quia facilis perruptu cùm roboris nihil introrsus est.

„ *Profundum laterculum.*] Vides ergo plurimùm esse laterculum non profundum, id est, vt dixi suprâ, expansum & iacentem. Sed iste Crassi æquilaterus fuit.

*Pensitata
Plutarchi
verba.*

„ *Ut duodecim cohortes unumquodque latus teneret.*] Istæ sint cohortes non nisi quadragintaquattuor, simplici ordine sic dispositæ: si tamen repeti placet & in numerum bis venire cohortes aut turmas angulares. Si non, age ponamus reipsâ vndique duodecim: atq; erunt quadraginta octo. etsi neutrum sine scrupulo fiet. Nam Crassus legiones ibi habuit, ipso Plutarcho auctore, *septenas*. at ille cohortium numerus non explevit omnino *quinas*. Desunt enim cohortes duæ. Cogitandum igitur & adsumendum, reliquas *vigintiduas* cohortes in mediâ quadraturâ ad subsidium sitas. Idem de leui armaturâ supplendum. quam habuit ad *octo millia*, ex eodem Plutarcho. Vbi igitur hæc? vel inter equitatum & cohortes interiecta, vt solet, vel sparsa in fronte.

*ἵλαν pro
Turmâ.*

„ *Ad quamque cohortem equitum turmam.*] Nec hîc res sine nodo. In Græco est ἱππέων ἵλαν. Alam igitur vertimus, vt alij? Oportet tum fuisse tot alas quot cohortes, & essent *septuaginta*: inmanis numerus, etiamsi minuas & reducas. An magis ergo *Turmam*, vt ego? omnino verius est. etsi nec sic numerus vndique iustus: quia Turmæ *septuaginta* efficiant non nisi equites largissimè

gissimè *bis mille octingentos*. At enimuerò *quattuor milia* equitum noster iste tribuit Crasso. Tamen hîc maneo & perseuero: sed cum indicatione, aliquot turmas equitum præsidij causâ aut subsidij in medio stetisse, iuxta ipsos Duces. Paullò post quidem lego in Plutarcho, Crassum filium erupisse cum *mille trecentis equitibus*: atque ita facilè ad numerum dictum, aut suprà, pertingas. Hæc scrutari interdum vtile: nec cum vulgo, scriptores tenui lectione & velut summis labijs libare. Esto forma altera. *Quadrata* duplex. Exempla centena: *Quadrata gemina*. sed sume acrem illam pugnam pro imperio inter Latinos & Romanos, ad quam Liuij verba pertinent quæ suprà adduximus, & hæc quæ addit:

Instructis sicut antè dictum est ordinibus, processere in aciem. LIV. Lib. VII.
Manlius dextro, Decius læuo cornu præerant. Primò utrim- "
que equis viribus res gerebatur, deinde ab læuo cornu Ha- "
stati Romani non ferentes impressionem Latinorum se ad "
Principes recepere. "

Ecce quattuor hîc legiones fuêre, in quoque cornu igitur duæ. Quomodo instructæ? *ordinibus*, inquit, *quibus antè dictum est*: id fuit, vt diuisio corporum esset in Hastatos, Principes, Triarios. Quæ diuisio in quacumque dispositione olim firma: & in Simplici formâ aperta. Fiebat enim tum retrorsum quasi triplex acies, porrecta & in laterculum iacens. Homericâ illa vetus non longè absistit

Ἰππῆας μὲν πρῶτα σὺν ἵπποισιν καὶ ὄχεσφι, Iliad. 2.
πεζὺς δ' ἐξόπιθεν εἵσεν πολέας τε καὶ ἑσπλῆς
Ἔρκ' ἔμεν πολέμοιο· κακὲς δ' ἐς μέσσον ἔλασεν:
Atque equites posuit cum curribus ordine primo,

n 2.

A tergo

A tergo pedites præstanti robore, belli

Munimen septimque, sed in medio agmine viles.

Ecce, triplex in profundum est acies, cum vijs & interuallis: sed differt à Romanâ, quòd in medio viles sint & imbecilli, quos ipsi in fronte magis ponebant. Cetera vix abeunt, & fortissimi certè in tergo, vt Triarij nostri. Eustathius in hunc locum: *Herodorus & Apion*, inquit, *dicunt ad laterculum aciem hanc structam: hoc est, ad ordines oblongos, pari numero constantes, vt inter duos ordines via aliqua sit media, per quam progredi ac regredi liceat: quas vias poëta appellat pontes.* Tales igitur Ordines, siue Genera, vt ego appellauì: sed hæc ipsa deinde diuisa in manipulos, cum suis interuallis. Sed ipsi manipuli quomodo, & quàm densè ordinati? In quadrum fuisse hoc primùm moneo: & ex cuneis illis quadris quadratum deinde corpus totius legionis. Iccircò Ennio *Quadrata* legio dicta, non à numero quater millium, vt vult Festus. Et hoc sensu Panegyricus de acie iam dispositâ: *Gradu pleno ferentes agmina quadrata legiones.* Ergo si iustè propemodum quadratos manipulos volumus; fuerint in quaque lineâ deni milites in latum, duodeni in longum. Ita legio Polybiana in fronte habuerit *centum* viros: in profundum *trigintaquattuor*, sic vt Triarios (ij dimidiati sunt) diuidas in senos & denos. Senos in latum, denos in profundum. Haud longè à meo calculo acies & phalanx Antiochi regis abiit: *que à fronte introrsus in duos & triginta armatorum ordines patebat.* Ita Liuius describit: qui non alibi (quod sciam) tenuit ita de ipsis Romanis. Nisi quis tamen huc ducit, quod est in pugna cum Latinis: *Acie in plures ordines instructam, ordinem sexagintaduos milites habuisse: ita inquam, vt quisque*

*Quadrata
legio.*

*Lib.
XXXVII.*

*Examina-
ta Liuij
scriptio.*

que manipulus diuifus in duas partes, in fronte *duos* viros habuerit, introrfus *sexaginta duos*. Ita legio vna Polybiana in profundum habuiffet viros *centum quinquaginta*: in latum, non nifi *viginti*. Quod fortaffe sub initia *Ordo in manipulos* haud absurdum fic fuiſſe: & inde *Ordines* dictos, quia duplex ita ſeries eſſet in Manipulo vno. Cogitetur. At poſteà, non mihi dubium manipulos raros, denſos, factos pro tempore & arbitrio ducum, & legionem tamen in latum magis extenſam. Id eò, quò plures in fronte pugnatores eſſent, nec tot otioſæ manus; tum etiam, vt Principes pila ſua poſſent permittere ad hoſtem. Quod identidem factitatum legimus, haud commodè ſi prior acies tam profunda. Huic rei etiam inuentum reperiò, *Ratio mittendi pila.* vt in genua primi ſubſiderent donec poſteri emiſiſſent.

Appianus notat de Sulpicio Dictatore in Gallos: Εξέ- *In Gallic.* λευσε τὲς Ἰππὶ τῇ μετώπῃ τεταγμένους ἑξακοντίστοιτας ὁμῶς συγκαθίσαι τάχις, μέχρι βάλλωσιν οἱ δεύτεροι, καὶ τρίτοι, καὶ τέταρτοι. τὲς δὲ ἀφιέντας αἰεὶ σιωῶντες, ἵνα μὴ κατ' αὐτῶν ἐνεχθεῖν τὰ δόρατα: *Iussit eos qui in fronte erant cum iecissent, simul inclinare & subſidere, donec ſecundi & tertij & quarti iecissent. Ut autem quiſque emiſiſſet, ſubſidere, ne in ipſos tela inferrentur.* Hoc etſi ibi factum Appianus velut ſingulariter notat; tamen credo & aliàs, & hunc fuiſſe communem morem. Quomodo efficaciter alioqui tot tela emiſſa? De ordinibus hoc poſſum dicere. quos tamen valdè interdum auctos, & * *eis βάλλει* ductos ** in profundum.* non nego, cùm locus arctus ita vellet. Liuius appellat *Multiplicare ordines.* *Quæres, inquit, & paucitatem eorum* *Multiplicatio ordinum.* *inſignem, & multitudinem Etruſcorum, multiplicatis in* *Lib. 11.* *arcto ordinibus faciebat.* Ad quem locum Glareanus ſubſiſtere & caligare ſe fatetur, Sigonius & Robortellus digladian-

gladiantur: sententia autem planissima videtur & facilis transitu, cum pauci in arcto loco sunt, è propinquo numerari & conspici quod in Romanis ibi: cum multi, magis etiam apparere, tergo retrorsum diffuso & vasto, quod in Etruscis. Multiplicantur igitur ordines siue in profundum, siue etiam in latum. ut in Curtio: *Triginta & duo armorum ordines ibant. neque enim latius extendi aciem patiebantur angustia. paulatim deinde laxare se sinus montium & maius aperire spatium coeperant, ita ut non pedes solum pluribus ordinibus incedere, sed etiam lateribus circumfundi posset equitatus.* Ordines enim singuli viri, quos alij vel ponere sequuntur, vel ad latus adhærent: pro duplici aspectu. Vegetium video & *Acies* hoc sensu dixisse, libro 11. cap. xv. Sed enim ut quanto loco quanti milites ordinari possint & soleant videamus, opus prænoscere spatium quod inter eos fuit. Id Polybius noster expressit, cum Romana arma & militiam componit cum Macedonicis: Ἰσχυροὶ μὲν ἔν τε τοῖς ποσὶ μετὰ τῶν ὀπλῶν καὶ ῥωμαῖοι: *Consistant igitur in tribus pedibus una cum armis etiam Romani.* Significat tam Romanos quam Macedonas tres pedes spatij habuisse: idque utrimque, à latere & à tergo. Ita enim addit: *ob gladij scutique usum commodum, debere eos habere spatium, ut minimum, tres pedes, κατ' ἄνω καὶ κατὰ ὀπίσθον, ut loquitur: inter substem, & inter adstem: quod est, à tergo & ad latus.* Vegetius paululum diuersè. *Singuli armati, inquit, in directum ternos pedes inter se occupare consueverunt, hoc est in mille passibus, mille sexcenti sexaginta sex pedites ordinantur in longum: ut nec acies interluceat, & spatium sit arma tractandi. Inter ordinem autem & ordinem à tergo in latum sex pedes distare voluerunt, ut haberent* pugnans-

Lib. III.

Spatium
inter sin-
gulos.

Lib. XVII.

Dissensio
Vegetij à
Polybio.
Lib. III.
cap. XIII.

pugnantes spatium accedendi & recedendi. Vehementius enim cum saltu cursuque tela mittuntur. Ecce in directum, ut ipse ait, siue κατὰ ἀγασάτην cum Polybio, pedes dat ternos, & in hoc consentiant: inter ordines, id est inter præstites & substites, duplicat & facit sex pedes. Atqui Polybius & hîc non nisi ternos. Concilies, quod Polybius de pugnâ propinquâ & in manibus loquitur; Vegetius aspicit magis longinquam, & cùm iacula emittuntur. Hîc autem plusculo spatio opus: sed postea coeunt & se densant. Semel hæc dicta ad vniuersam instructionem sunt: & Imaginem tibi communis huius pugnae pingo, sed ad numeros Polybianos.

Inferatur Iconismus
Aciei vulgatæ.

CONTINVS AC


... ..

... ..

... ..

... ..

ICONISMVS ACIEI




A. Equites sociorum, vtriusque
cornu viginti Turmae.
B. Hastati sociorum Alae sinistrae.
C. Hastati legionis secundae.
D. Hastati legionis primae.
E. Hastati sociorum Alae dextrae.

F. Equites Romani, Turmae
viginti vtriusq; legionis.
G. Equites Extraordinarij, vtriusq;
cornu Turmae octo.
H. Principes sociorum sinistri.
I. Principes legionis secundae.

K. Principes legionis pri
L. Principes sociorum dex
M. Triarij sociorum.
N. Extraordinarij pedites, et
vna & dimidia,
duae, si voles.

ACIEI VVLGATAE.



Principes legionis primae.
 Principes sociorum dextri.
 Triarii sociorum.
 Extraordinarij pedites, cohors
 et dimidia, seu
 velites.

O. Triarii legionis secundae.
 P. Imperator, circa eum Tribb.
 et custodia equitum
 peditemque. Stat ante
 aquilas.
 Q. Triarii legionis primae.

R. Extraordinarij pedites, vt
 ante, alterius Alae.
 S. Triarii sociorum.
 T. Velites sparsi ante et per
 intervalla.
 V. Legatus qui praest cornui.

DECLARATIO ICONISMI.

ACIES quæ media est, legiones habet duas, primam & secundam. Prima ad dextram esto: quoniam & hic ambitio, & in Tacito legi cauendo dissidio, legiones de ordine sortitas. Etiam in Hirtio scriptum, seu quis alius auctor belli Hispaniensis: Hic Decu-^{III. Hist.} mani suum locum, cornu dextrum, tenebant, sinistrum tertia & quarta legio. Ostenditque eum sollemnem, & honoris causâ, locum optimæ legioni fuisse: Quod Cæsar etiam indicat, acie in Pompeium: Cæsar superius institutum seruans, Decimam legionem in dextro cornu collocauerat. nec aliud est hoc, quod tangit, institutum.

IMPERATOR inter duas legiones istas esto, & ad vtrasque aquilas: si tamen aquila sic sita. Ambigo enim, nequid celum, an sic ordine prima, secunda, tertia ad decimam cohortes locatæ sint: an non potius prima media, & iuxta eam secunda, dein latere altero tertia, & sic alternatim. Causa ambigendi duplex. Prior, quod media omnia ipsis honestissima, atque etiam tutissima, & videtur ideo meritò Primuspilus & aquila fuisse in medio manipulorum. Altera, quod legiones video sepe singulas & seorsim pugnasse aut iunctas cum Socijs: non ergo tunc decorè magis Aquila media? Quid decidam, firmiter non habeo: prius non displicet, ubi duæ aut plures legiones: displiceat ubi vna.

SPATIUM hic paullo maius relictum, ubi Imperator & Tribunus, tum etiam custodia Imperatoria Euocati quidam & Ablecti: Hos arbitrari est aut in spatio isto vtrunque constitisse ad Imperatorem, aut non absurdè, quoniam Triarij pauculi præ prioribus, aciem & agmen illud expleuisse: pedites quidem. Nam equites ex ijs discursauerint assidue cum Imperatore.

SOCII in vtroque cornu locati, sed cohortibus aut manipulis non ita plenis. At subuentio & expletio ab Extraordinarijs fortasse: quos conuenienter ad tergum ijs iungo: atque id quasi Triarios quosdam, manum scilicet selectam. Nec numero longè à Triarijs, nam fuerunt in quoque cornu, detractis Ablectis, 504. Neque nuda hæc coniectura est. Vestem & robur ei dat Liuius, qui aliquoties in pugna sic coniungit. Vt libro XXVII. Cedere inde ab Romanis Dextra ala & Extraordinarij cœpère. Iterum XXXV. Sinistra sociorum ala & Extraordinarij in primâ acie pugnabant. Nec enim aliud ibi Alæ,

o

quàm

quàm cornua hæc sociorum peditum, vt à me doctum. Sic autem in corpore iungas, an magis diuidas, tui arbitrij esto.

VELITES interiecti manipulis sunt, etsi aliter fuisse etiam supra dictum.

EQUITES vtrunque ad latera. sed quæro an ipsi diuisi, & inuicem sibi iuncti? an seorsim Romani, seorsim socij? Istud magis probo, & ex lectione obseruato, vbi seorsim aliquid sæpe de operâ equitum Romanorum. Quin vt pedites diuisi, sic profectò & equites fuerunt. Ob stare videbatur, quòd pleniores Turmæ sint Equitum socialium: non me mouet. & potuere octo illæ turmæ Extraordinariæ iungi, cùm ita visum, Romanis. Imò opus fuit: & vbi aliàs stetissent? nam iuxta Praetorem satis sui Ablecti. Socij autem, etiam absque Extraordinarijs, ducentis equitibus illos excedebant. Vtrunque ergo steterunt: sed ciues scilicet ad dextram. Quo ordine aut serie locati? per Turmas: easque densiores aut rariores, vt Ducibus visum. Credo plurimum extensas in latum, vt plures pugnare possent: nec displiceat per Decurias partiri. sic vt vna Turma tres viros habuerit in profundum, & velut manipulo in locatione respondeat. Primus Decurio sit in lineâ vltimâ, siue tertiâ, alij in suis. Sed ipsæ Turmæ deinde ter aut quater geminandæ sint, ne in profundum vltra finem legionum excedant: quoniam certum est triginta equos in lineâ plus spatij tenere quàm trigintaquattuor viros. Ergo sunt quaternæ aut quinæ: seu quâ aliâ partitione, adiunctis Extraordinariorum octonis. Nimis hic τριχολογῆν non est opus. Sed illud etiam puto, equites haud indecorè paulum prominuisse vltra pedites: exemplo Velitum, quibus iuncti, & vnâ ferè pugnabant. Hæc tota est Acies. cuius latitudo in fronte pedites 400. equites 80. aut cum Extraordinarijs plures. Velites spatij nihil occupant, quia sparsi per intervalla aut ante frontem. Singuli pedites inter se occupant* ternos pedes, ex Polybio: nec longè plus* equites. Totum spatium 1440 ped. Sed adde intervalla inter manipulos, & legiones, & cornua, & turmas: haud minus isto erit, imò amplius, & faciliè ad 1600 pedes accedat. Totus ergo podismus 3040. At verò in altitudine sunt homines trigintaquattuor: quibus spatium inter singulos trium item pedum ex Polybio, vel potius senum è Vegetio. Adde grandiora intervalla duo inter classes militum: fiet podismus 360 circiter pedum. Multo igitur plus in latitudine: quod etiam Vegetius alibi docet. Et si tamen nihil hîc definiti est: in exemplum modò hæc allata, & fuere in arbitratu Ducum.

* Essent
1200.
* Essent
240.

A T

AT NOS pergamus porrò, & exemplum etiam pugnae vnius aut alterius ex inferiore æuo habe. Prius Cæsarianæ cum Afranio: etsi non pugnae propriè (nec enim ad manus ventum) sed instructionis ad pugnam, quæ sperabatur. Cæsar ipse sic describit:

Acies erat Afraniana duplex, legio quinta, & tertia in subsidijs locum alariae cohortis obtinebat. Cæsaris triplex, sed primam aciem quaternæ cohortes ex quintâ legione tenebant, has subsidiariae ternæ, & rursus alia totidem suæ cuiusque legionis subsequabantur. Sagittarij funditoresque mediâ continebantur acie, equitatus latera cingebat.

CÆS.
I. Ciuil.

Res per obscura videtur, & eò magis quia parum pura verba. Scribitur, *acies Afraniana duplex legio quinta, & tertia in subsidijs*. Quid? eòne sensu, vt vna legio quinta in fronte fuerit, altera in subsidijs vt solent alariae cohortes? An magis placet cum Faëрно (viro & Critico bono, quod scripta mihi probant) rescribere, *duplex ex legione primâ & tertiâ, in subsidijs locum alariae cohortes obtinebant*. In parte melius veriusque, fateor: sed vtrouis modo duæ tantum legiones Afranio tribuuntur, falsò. Ille verò quinque habuit, quod ex Cæsaris prioris scriptione certum est: imò vel septem, si emendata est epitoma Liuiana. Sed sunt quinque: & legamus igitur,

Acies erat Afraniana duplex, legionum quinque, & in subsidijs l. a. cohortes obtinebant. ^{Is correctus.}


Iste est sensus. Afranius duplicem aciem struxit. prior fuit è quinque legionibus distincta, altera subsidiaria è cohortibus alaribus siue socijs, nempe Hispanis. Hos enim grandi numero Afranius conscripserat, habebatque ad cohortes circiter octoginta, quod è prioribus item Cæsarianis constat. Ergo quia numero æquabat ferè octo legiones, pro le-

gionibus ijs est vsus in acie secundâ. Quid autem Cæsar? ipse triplicem ita struxit.

*Reiecta
vulgata
lectio.*

Vera reposita.

„ *Primam aciem quaternæ cohortes ex quintâ legione tenebant.*] Si hæc sequeris, non nisi pauculæ cohortes in totâ acie erunt, impar valdè numerus pro Afranij: & falsus etiam pro copijs, quas Cæsar tunc habebat. Nam & ipsi legiones quinque fuerunt, nec eâ parte vincebatur: sed auxilia exigua aut nulla habebat, eoque artificiosâ diuisione semuniuit, & copias locauit. Lege igitur: *quaternæ cohortes ex quinque legionibus*, & scito numerorum errorem esse. Dispositio talis. In primâ acie quinquies quaternæ cohortes, in secundâ quinquies ternæ, in tertiâ totidem: atque addit, *sua cuiusque legionis.* id est, quamque vnam legionem sic in tres partes diuisam, vt primâ acie habuerit quattuor cohortes, secundâ & tertiâ ternas. Nihil verius aut clarius: & nōne bisternæ & semel quaternæ cohortes, legio vna sunt? Dispositio autem haud dubiè cohortium fuit obliqua, cum interuallis suis, & ad instar manipulorum. Addit de Sagittarijs, qui in mediâ acie: hoc est vel in medio totius, vel in Partium interuallis. Equites ad latera, de more. Ecce delineabo crassè hanc Aciem, nequid erres.



A. Signat legionem primam, cuius sunt subditæ cohortes: B. secundam, & sic deinceps.

Altera

Altera explicanda mihi pugna & instructio eiusdem Cæsaris in Pompeium campis Pharfalicis. Ea pugna magna, inter magnos duces, vltima in libertate & pro libertate. Cæsaris verba plura sunt, excerpta quæ meæ rei.

Cæsar cū Pompeij castris appropinquasset, ad hunc modum aciem eius instructam animaduertit. Erant in sinistro cornu legiones due, traditæ à Cæsare ex Sc^o. initio dis-
 CÆS. 111. Ciuili
 sensiois. quarum una prima, altera tertia appellabatur. in eo loco ipse erat Pompeius. Mediam aciem Scipio cum legionibus Syriacis tenebat. Ciliciensis legio coniuncta cum cohortibus Hispanis, quas traductas ab Afranio docuimus, in dextro cornu erant collocata. Has firmissimas se habere Pompeius existimabat. reliquas inter aciem mediam cornuâ-
 que interiecerat, numeroque cohortes centum decem expleuerat. hæc erant millia quinquagintaquinque. Euocatorum circiter duo millia, quæ totâ acie disperferat.

Ipsa verba prius lustranda breuiter sunt, verè inquam lustranda alibi & purganda. Ait:

„ Altera tertia appellabatur.] Ineptè hoc, appellabatur: nec vnquam ita ipse Cæsar. Qui hoc fecit, quasi de æuo veteri locutus est, & cū iam non istæ appellationes. Sed hoc & alia vitia aut interpolationes crebrò nos in Cæsare deprehendimus, & protrahemus vnà cum ipso, si Deus volet. Nunc de re. Tertia, inquit. Imò

Quarta est Lucano:

— cornus tibi cura sinistri

Lentule cum primâ, quæ tunc fuit optima bello,

Et quartâ legione datur.

Poëtam hoc ignorasse, aut neglexisse? non solet in his talibus, & historicâ fide agit. Ego verò numerum eius in Cæsarem admiserim: hoc magis, quòd Commentarij

o 3 isti

De con-
 gnomine
 legionis
 dubitat.

isti alibi in eodem numero vacillant. Nam quæ hîc est *tertia*, ea scribitur in octauo Gallicorum, *decimaquinta*. *Ex suo numero*, inquit Hirtius, *decimam quintam ex Sc. tradi iubet*. De primâ: ibidem iam dixerat.

„ *In eo loco ipse erat Pompeius.*] Dissentiunt Plutarchus, Appianus, Lucanus: quos vide. Cæsari in hac re cur non est creditum? an ipse mente totus in pugnam parum certò hæc animaduertit? & vidit ibi fortasse Pompeium, sed non substitit & aliò mox iuit?

„ *Cum legionibus Syriacis.*] Quæ duæ. Initio huius libri: *Exspectabat cum Scipione ex Syriâ legiones duas.*

Cohortes
Hispani-
enses.

„ *Cum cohortibus Hispanis.*] Caue imponat tibi, & putes Hispanos gente fuisse. Non. nec is honos vel fortissimis exteris, vt inter legiones locentur & pugnent. Intellegit Romanas cohortes, sed quæ in Hispaniâ fuerant cum Afranio, & ab eo traductæ ad Pompeium erant: aptiusque dixisset *Hispanienses*. Veteranus haud dubiè miles, & reliquæ illarum legionum, quæ partim Cæsari adhæserant, partim domum iuerant relictis signis.

III. Ciuil.
initio.

„ *Traductas ab Afranio docuimus.*] Nusquam in his libris doctum, qui & aliâs mutili. Tangi tamen hos milites iudico in verbis, sed corruptis: *Magnum numerum ex Thessaliâ, Bœotiâ, Achaïâ, supplementi nomine in legiones distribuerat: his Antonianos milites admiscuerat*. Nusquam isto æuo Antonianos milites reperio, & habeo falsos: vide an non *Afranianos*, de istis. Dicit Pompeium multos ciuium aut militum qui sparsi in Græciâ, collegisse in explendas legiones, iisque admiscuisse Afranianos quosdam: sic tamen vt seorsim etiam fuerint Hispanienses

Diuinatio
in Cæs.

nientes istæ cohortes ad numerum legionis. Sed hoc coniecturale est, & idè iuxta falsum.

„ *Has firmissimas se habere.*] Non ad cohortes tantum refer, sed ad legiones omnes dictas: quæ veteranæ scilicet fuerunt.

„ *Reliquas.*] Nempe quinque legiones tironum. Ex ipso Cæsare, qui Pompeio cohortes cx. tribuit: ergo legiones vndecim. De hac locaturâ Frontinus: *Legiones secundum virtutem cuiusque firmissimas in cornibus & in medio collocavit, spatia his interposita tironibus supplevit.* Sed quo sensu *spatia interposita suppleta* dicit Frontinus, aut Cæsar, *legiones reliquas interiectas*? An vt in fronte simplici vndecim istæ legiones fuerint? an vt, more manipulari illo, istæ quinque introrsum paullò reductæ & ad spatia appositæ fuerint? Mihi hoc aptius videatur, & vt triplex illa acies maneat distincta, fortasse alioqui confundenda: etsi verba tamen magis in priorem mentem, nec repugno. Steterint sanè sex legiones, binæ & binæ, suis locis: eæque velut robur totam aciem in cornibus & medio firmauerint ac coërcuerint: adsitæ deinde istis, sed cum interuallis, quinque aliæ infirmiores.

„ *Hæc erant millia quinquagintaquinque.*] Negant Plutarchus & Appianus, qui de *quadragintaquinque* millibus magis dicunt. Nam Plutarchus Cæsarem habuisse *xxii. millia* scribit, Pompeium paullò *plus altero tanto*. Est etiam in optimo Torrentij (Antistitis nostri in religione & doctrinâ) libro, *xl v. millia* palàm scriptum. Atqui vndecim legiones fuisse diximus. Quid tum? sex veteranæ fuerunt, eoque parum plene: sed nec tironum illo æuo tam grandes. Argumentum è pluribus Cæsaris locis,

Lib. ii.
cap. lxxx.

Modica
aut parua
legiones
veteres.

locis, sed & ex isto: cū suas copias scribit non nisi *xxii. millium* fuisse. Atquin habuit *octoginta cohortes*, id est legiones octo. Ergo nec *termillena* singulæ fuerunt, scilicet quia prælijs accisæ, & veteranæ.

Euocato-
rum loci.

„ *Totâ acie disperferat.*] Hoc verò notandum est. & colligas Euocatos in acie certum locum non habuisse, sed aut circa Imperatorem stetisse quosdam, aut maiorem partem per manipulos variè sparsos: idque in fronte iuxta Centuriones, reliquis regimen & exemplum. Nunc Cæsaris aciem videamus, & lege hæc verba:

CAES. *Cæsar superius institutum seruans, decimam legionem in dextro cornu, nonam in sinistro collocauerat, tametsi erat Dyrrhachinis prælijs vehementer attenuata. huic sic iunxit octauam, ut penè unam è duabus efficeret, atque alteram alteri præsidio esse iusserat. cohortes in acie habebat octoginta, quæ summa erat xxii. ∞. Sinistro cornu Antonium, dextro P. Sullam, mediâ acie Cn. Domitium præfecerat, ipse contra Pompeium constitit. simul his rebus animaduersis quas demonstrauimus, timens ne à multitudine equitum dextrum cornu circumueniretur, celeriter ex ternâ acie singulas cohortes detraxit, atque ex his quartam instituit.*

„ *Huic sic iunxit octauam.*] Cæsar numero legionum non tam potens quàm Pompeius, robore præpollebat. Itaque ad eius exemplum aciem triplicem quidem instruxit, sed non legionibus sic densauit. Dumtaxat sinistro cornu duæ fuerunt, eæque semiplenæ: medio, & dextro, vtroque vna. Super sunt ergo quattuor etiam legiones, vbi locandæ? nihil ipse dixit, quod miror. sed cogitandum, ab eodem Pompeij exemplo, fuisse interiectas. Vna & vna igitur ad vtrumque cornu, duæ circa aciem mediam. Sed addit:

„ *Ex*

Correlius
Cæsar.

Lib. 11.
cap. 111.

Frontinus
explica-
tus.

citum & illos scriptores, nusquam locatam aciem signatè sic reperies: sed per cohortes aut legiones diuisam. In Cæsare quidem Antesignani aliquoties nominantur, sed loco Hastatorum ferè, vt appâret. Sed quò eo? plura congero, & vetus tamen verbum monuit, *Retibus non sepibus esse piscandum.*

DIALOG. IX.

Allocutio exercitus ante pugnam, de suffragio & refragio militari.

AC iam absoluimus totum hoc de Acie: ipsa structa est, Signa disposita, Forma exposita: quid superest nisi pugna? quæ iam manuum est, non verborum. Ergo eamus. **A V D.** Enimuerò frigida hæc tua pugna, & non in magnâ spe victoriæ. **L I P S.** Quid iam? **A V D.** Non enim vides? languent tui milites, non *Alloquio* non *Classico* à te excitati. Et cur sollemnia omisisti militiæ Romanæ? **L I P S.** Homo audacule, & cur edictum à te spretum Dictatoris? quod pro numine semper obseruatum non ignoras. Nónne paulloante vetui subijcere aut interpellare? Age licitor, stringe securim. **A V D.** Interritus expecto, nec à Papirio hoc ego Fabius Romam fugero. Quid fugero? imò vt Diogenes olim Cynicus, cùm affectaretur assiduè Antisthenem & vel inuito adhæret, atque ille tandem baculum etiam tolleret & minaretur, *Percute*, inquit, *vel sic maneo*: idem ego mi doctor, *Cade, non cedam*. **L I P S.** Tu quidem Canius mihi videris, & ludens ac cauillans ire ad mortem. **A V D.** Modò ne canis. **L I P S.** Imò & canis: vsque eò enim gannis aut latras, donec aufers. **A V D.** Ergo vnum hoc etiam
fermonis

sermonis frustulum, & das me in soporem. Spondeo, in hunc diem quiescam. LIPS. Faciundum est, vt video: sed cum tuâ lege. Attamen considera, an non ordine & orbitâ nos remoues crebrâ hac interpellatione? AVD. Imò in ipsam adeò repono. Nam profectò post stru-ctam aciem, aut sub id tempus, duo illa ferè secuta. LIPS. Ergo accipe ô auide Cerbere & has offas: priorem de *Allocutione*. Sic appello, cùm Imperator affatur pu-blicè suos milites, & retinet aut impellit. Retinet ali-quando nimis aut properè gestientes; impellit, tardan-tes aut timentes. Ad summam, format in quacumque re & docet. Vtile haud dubiè vetus hoc institutum, ho-die vt alia omisum, & cùm licet illud Spartani cuius-piam vsurpare, * *Εἴρηται τὰ καλά*. Vtile inquam. cùm Im-
* Perierūt
bonestā.
Fructus
alloquij.
 perator consilio & sæpe eloquio validus, & semper au-
 ctoritate, suos compositâ oratione excitaret, & vel timi-
 dis robur ac vires daret. Ab illo autem ardore ad pug-
 nam rectâ ibant, cùm præsentia Imperatoris adhuc in
 oculis, & verba in auribus versarentur. Mihi certum
 est, acies aliquot erectas & ad victoriam firmatas solâ
 hac concione. Sed quâ ea formâ? videamus. Sæpe inter-
 equitans ordines, ita affatus eos est, sub ipsam pugnam:
 sæpe in castris, & ante egressum. Aliquando etiam ex-
 tra suspicionem omnem pugnae, siqua seditio aut quere-
 la, aut alius animorum morbus, cui sermone medere-
 tur. Sed cùm in castris, aut etiam in ipso campo inter-
 dum, fiebat in Tribunali, quod è cespite subitò erige-
 bant. Altior enim esse Imperator debebat, & ad audi-
 tum faciliorem ac latiore, tum ad auctoritatem. E ce-
 spine dixi Tribunal fuisse, etsi in Hibernis fortasse etiam
 è lapide nihil vetat: sed illud ferè solenne, & è militiæ

*Allocutio
in Tribu-
nali.*

x. Ann.

ritu reperio. Tacitus de seditionis: *Congerunt cespites, extruunt Tribunal.* Lucanus de Cæsare:

Lib. v.

— *stetit aggere fulti*

Cespitis intrepidus vultu.

Statius, de Bolano:

Hic suetus dare iura pater, hoc cespite turmas

Affari.

In Nero-
ne.

Dio, de Bōundicâ reginâ Britannix: *ἡ ἀνέβη τῇ τ' ἐνμα ἐν γῆς ἐλώδους ἐς τὴν ῥωμαϊκὸν τέγρον πεποιημένον: Et con-*

scendit tribunal è terrâ palustri, Romanum in morem factum. Mulier scilicet illa plus cordis habuit, quàm multi viri: & militem suum non duxit solùm, sed publicè affata est & instruxit. idque Romano ritu, in cespite, vt

Milites or-
dinati in
audiendo.

1. Ann.

Dio notat. Circa autem hunc cespitem siue tribunal, milites dispositi non confusè nec vt quisque accurrerat, sed per manipulos & turmas. Germanicus Cæsar apud Tacitum, *Concionem, quia permista videbatur, discedere in manipulos iubet; vexilla præferri, vt id saltem discerneret cohortes.* Vbi & vexilla prælata notes, id est Signa manipulorum turmarumque & ipsarum legionum. Plinius in Laudatione Traiani: *Multa post sæcula tribunal viridi cespite exstructum, nec fascium tantum sed*

* Nec male
horrore.

*pilorum signorumque * honore circumdatum.* Laudat in Traiano, quod is quoque ritu prisco militem affatus sit: ritu, qui exoleuerat sub Domitiano & eiusmodi ignavis. Affatus autem, inquit, *in cespite*: quem non cum fascibus lictores solùm adstarent, sed circumstarent milites cum Pilis & Signis. Ergo armati: & sic Claudianus:

De bell.
Gordon.

Dictis antè tamen Princeps confirmat ituros,

Aggere conspicuus. stat circumfusa iuuentus

Nixa hastis, pronasque ferox accomodat aures.

Signa

Signa autem antestabant, & iuxta ea Centuriones & Duces: etsi Legati & Tribuni fortasse à lateribus illi aut tergo. In figurâ mox videbis. Ammianus de Constantio: *Tribunal insistens, signisque ambitus & aquilis, & ag-* Lib. xvii.
mine multiplicium potestatum, his exercitum allocutus est.


Idem de Iuliano: *Ipse aggere glebali assistens, coronâque* Lib. xxi.
celsarum circumdatus potestatum, talia sereno ore differuit.

Vides Aggerem, vides Signa, vides potestates siue Duces. Etsi legas etiam vocatos milites in concionem ad ipsa Signa: id est ad Principia: cùm nempe in castris affatio esset. Ibi quippe ante Prætorium, vt dicam in re castrensi, ipsum Tribunal. Hoc sensu Lucanus de Cæsare:

Conuocat armatos extemplo ad signa maniplos.

Lib. i.

Sed nota & inibi, cum armis conuenisse. Ista in Nummis & lapidibus sic expressa.





Tale igitur alloquium: quid in eo amplius? approbatio aut improbatio, & vtrumque per sua signa. Veteri quidem ritu reperio clamorem in assensu, & dextras sublatas: contrà, fremitum aut mæstam taciturnitatem.

Clamor in assensu.

In Liuiio: *Omniâque ea ingenti alacritate per clamorem militarem indicem omnium assensus agebantur.*

Lib. VII.

Idem scriptor in ipsâ Ducis oratione: *Si iam satis animi est decernique placet, agitedum, clamorem qualem in acie sublaturi estis,*

Lib. I.

hic tollite, indicem voluntatis virtutisque vestre. Atque adeò appellat hunc communiter assensum militarem alibi: *Hoc silentium milites, omisso militari assensu, in me audiendo seruandum est.*

Lib. VII.

Ubi sententiam meam peregero, tum quibus eadem placebunt, in dextram partem taciti transibitis. Noluit enim Dux ibi clamorem, quia hostes fallendi erant, & pro militari Senatorium assensum usurpauit. Valerius Flaccus ad hunc ritum:

— *oritur clamor dextraq; sequentum*

Verba ducis.

Vbi & Dextras elatas habes, vt in Lucano:

— *his cunctæ simul adfensere cohortes,*

Elatasque altè, quæcumque ad bella vocaret,

Promisere manus.

Item Dextra elata.

Lib. I.

Apposito sanè signo: siquidem manibus peragendum plerumque erat quod incitabantur. Sed & tertium assensus genus exstat, Concussio armorum: sic, vt hastis ferirent scuta. Ammianus: *Hac fiducia miles, hastis feriendo clypeos, sonitu adsurgens ingenti, vno propemodum ore dictis fauebat & cæptis.* Idem aliàs: *Nec finire perpesi quæ dicebantur, stridore dentium infrendentes, ardoremque pugnandi hastis illidendo scuta monstrantes, in hostem duci exorabant.* Dissentire tamen idem & abire à se videtur,

Vel Arma concussa.

Lib. XX.

Lib. XVI.

Lib. xv.

vel eadem
sublata.Vel cum
crepitu
mota.
Lib.
xxiii.Germa-
norum hi
ritus pro-
prii.
De morib.
Germ.

v. Hist.

vii. Gallic.

detur, cum scribit: *Militares omnes horrendo fragore scuta genibus illidentes, quod est prosperitatis indicium plenum (nam contra cum hastis clypei feriuntur, ira documentum est & doloris) immane quo quantoque gaudio Augusti probare iudicium.* Satis palam quidem dicit, *hastis scuta ferire, in dissensu & ira esse; in assensu & favore, scuta genibus illidi.* Sed credo conciliari si dixeris, assensum eum per iracundiam bonum optabilemque in hostem esse: itaque accipi, cum Imperator de pugna aut acie affatur. At contra infaustum hoc idem, cum alia de re allocutio, & in qua animis irisque nihil opus. Inuenias & paullo aliter assensum hunc indicatum in eodem scriptore, videlicet sublati scutis. Vt libro xxiii. *Conclusa oratione praeliator miles exsultans, sublati altius scutis, nihil periculosum fore vel arduum clamitabat sub Imperatore.* Quod simile est illi de sublati Dextris. Iterum etiam aliter, in crepitu armorum. *Hac modesta Imperatoris oratione delinitus pro tempore miles, auctoritatem eius sublimitatemque cordis consensu extollebat in calum. quod cum verè atque ex animo dicitur, solet amor ex crepitu leui monstrari.* Sed hæc talia profectò non prisca nimis nec merè Romani ritus: ab exteris & barbaris censeo manasse. Germani quidem & Galli sic factitarunt ab antiquo. Tacitus de illis: *Si displicuit sententia, fremitus aspernantur; si placuit, frameas concutunt.* Honoratissimum genus assensus est, armis laudare. Iterum de iisdem: *Ubi sono armorum tripudisque (ita illis mos) approbata sunt dicta.* At de Gallis Cæsar: *Conclamat omnis multitudo, & suo more armis concrepat, quod facere in eo consueverunt, cuius orationem approbant.*

DIALOG.

DIALOG. X.

De Claſſico. de Tubâ, Lituo, Cornibus, Buccinâ, ſeorſim: item de Tympanis.

ALLOCVTIO finiit, *Clasſicum* excipit. Id eſt, cùm ſigna omnia pariter canunt, & militem vocant incitantq̃ue ad pugnam. Ducta vox à Claſſe, quòd ſonotali claſſes olim ad concionem vocabantur: ſiue etiam, ipſa primitùs à *calando* (quæ Iſidori ſententia eſt) *calasſica*. Sanè vocari claſſico ſolere, verum eſt. & ita Liuius: *Clasſico concio aduocata.* *Conſul claſſico ad concionem vocat.* Simile in ipſâ vrbe olim. & in Lucillio lego: Lib. vii.

Rauco conuentionem ſonitu & curuis cogant cornibus. Velit fortasſe aliquis, *Rauco concionem*, cauſâ verſus: etſi *conuentio* in hac quoque re bona. Ritus valdè antiquus: & Propertio ſi fides,

Buccina cogeſcat priſcos ad verba Quirites,
iam tum Romulæo illo æuo. Idem Dionyſius: τὸς δὴ μοπκὲς ὑπὲρταί πινες κέρρασι βοεῖσις ἐμβυκάοντες Ἰπὶ ταῖς ἐκκλησίαις συνηγον: *Plebem miniſtri quidam cornibus bouillis, id eſt buccinis, inſonantes ad concionem cogeſcant.* Vterque de Buccinâ, cui *Clasſici* nomen propriè etiam aptare Vegetius videtur. *Clasſicum*, inquit, *appellatur, quod buccinatores per cornu dicunt.* Sed & Seneca in Oedipo: Lib. ii. cap. xxxii.

Sonuit reflexo clasſicum cornu.

Tamen contrâ, ſoli etiam Tubæ Suetonius adſcribit: *Raptâ ab uno tubâ, ingenti ſpiritu clasſicum exorſus eſt.* In Iul. cap. xxxix. Sed in hiſtalibus non aliud eſt, quàm τὸ πολεμικὸν ſiue τὸ παρὰ κλητικὸν ſημαίνειν, *bellicum & incitatorium canere*, certis videlicet modis. Quod in pugnâ quidem legitimâ

q

fiebat

Clasficiū,
è pluribus
sonis.

Lib. II.
cap. XVIII.

Lib. II.
cap. XXII.

Ode. I.
lib. II.

Litui,
quid?

Diversi à
Tubâ
In Oedipo.

Sunt inter
cornua.

Lib. VI.

Lib. I.

fiabat omni illo instrumento, & Cornuum & Tubarum. Fabius: *Quid autem aliud in nostris legionibus cornua ac tuba faciunt? quorum concentus quanto est vehementior, tanto Romana in bellis gloria ceteris praeferat.* Vegetius: *Quoties pugnatur, & Tubicines & Cornicines pariter canunt.* Video & Lituum misceri ab Horatio:

*Jamiam minaci murmure cornuum
Prastringis aures, iam litui sonant.*

Quid igitur isti? distincti à cornu? Horatius facit. à tubâ? Seneca:

*Sonuit reflexo clasficum cornu,
Lituisque adunco stridulos cantus
Elisit are.*

Nam facit *aduncâ* esse formâ, quæ vix in Tubâ. Et Lucanus apertè seiungit:

— *stridor lituum clangorque tubarum.*

Dixeris à similitudine Auguralis litui appellatos, qui in extremo incuruus. Festus ita de nostro, etsi alio etymo: *Lituis, quòd litis sit testis. est enim genus buccina incurva, quo qui cecinerit, dicitur Liticen.* Ennius: *Inde loci Lituis sonitus effudit acutos.* Dat acutum sonum, uti & Statius:

Et Lituis aures circumpulsantur acutis.

Stridulum Seneca, in versibus datis. & alibi idem:

*Iam tacet murmur graue clasficorum,
Iam filet stridor Litui strepentis.*

E quibus colligimus grandem aut patulum canalem hunc non fuisse. Nec malè fortasse Charisius: *Liticen à Lituo, quod est genus tuba minoris.* Fuit igitur medium aliquid inter Tubam & Cornu: non rectum prorsus ut illa, nec totum incuruum, ut istud. Quin tamen confundant

fundant interim scriptores, haud abnuo. vt Ammianus: *Vocum Lituatorumque intonante fragore cohorrui*: de classico ipso, & laxè ac diffusè eâ voce est vsus. vt idem alibi: *Litui itinerarium sonant*, de tubis cornibûsque: sed & sæpius. A v d. Sed ipsa igitur Tuba quæ, & cuiusce-
modi? L i p s. Huiusce, cuius hodie apud Europæos ferè *Tuba forma.*
vides. Aere directo ducta est, canali ad exitum latiore.
Itaque Ouidius discriminat à Cornibus:

Non tuba directi, non aris cornua flexi.

Et Iuuenalis:

Cornicini, siue hic recto cantauerat ære.

Nescio, inquit, Cornicinem hunc an Tubicinem fuisse dicam. Ex ære igitur, & talis. Hac causâ in Propertij *Tuba ærea.*
versu vidi qui mutarent,

Et struxit querulas rauca per ossa tubas.

Lib. VIII.

Nolim nunc ego. potest enim *πομπικῶς* per Tubam Cornu intellegere: potest dicere, primas Tubas ab exemplo *Fortasse ossa ossa mista.*
cornuum structas: potest denique simpliciter capi, & asseri in ipsa tubâ osseum aliquid fuisse, quod insitum aut impactum ad sonorem. Artemidorus dicet, qui de ijs *qui in somnio tubâ canere visi, id tale somnium*, inquit, *agrotantes tollit.* *σύγκειται γὰρ (ἡ σάλπιγξ) ἐξ ὀστέων καὶ χαλ-* *Lib. I. cap. LVIII.*
κῆς: composita est enim tuba ex osse & ære. Subtilis interpretatio. Mortem tuba præsignificat. quianam? quod ex ossibus facta, notat in cineres & ossa teiturum. Potuisset & alia addi, quod funera quædam * elata ad tubam, vt iam nunc dicam. Ista militaris tuba, est & alia ** Statim doceo.*
sacrorum dispare vsu, nescio an formâ. Varro de eâ: *Tu-* *Tuba in sacris.*
ba à tubis, quod etiam nunc ita appellant tubicines sacro-
rum. Deducit à tubo siue canali, quem referebat. De eâ Festus: *Armilustrum, festum quo res diuinas armati faciebant.*

ciebant, ac dum sacrificant tubis caneant. Ipse iterum Varro: Tubilustrum appellatum, quod eo die sacrorum tuba lustrantur. Calpurnius in Eclogis:

Inter sacra tubas, non inter bella sonare.

Suidas. Σάλπιγξ, ἱερὰ πικρὸν τῆτο ὄργανον. ἱερεῖς γὰρ ἐχρῶντο τῇ σάλπιγγι: Tuba, sacrum hoc instrumentum. sacerdotes

Vbi supra.

nam utebantur tubâ. Artemidorus, Σαλπίζειν δοκεῖν σάλπιγγι τῇ ἱερᾷ, δέλεος καὶ πάντας ἐν ὑπηρεσίᾳ ὄντας τῆς δελείας ἐλευθεροῖ. ἰδίον γὰρ ἐλευθερίων τὸ ὄργανον: Uideri sacrâ tubâ canere, seruos & omnes qui in ministerio aliquo, liberat &

Tubâ digniores etiā utebatur.

Lib. LVII.

absoluit. proprium enim liberorum hoc instrumentum. Discis hinc & vile nihil in hac re fuisse, imò summates viros exercuisse. ut in Dione Norbanus consul tubâ canere solitus & in eâ re multus, prodigium tamen fecit, quod ipsis Kalendis anni cecinit, quasi belli signum dedisset. De Tubâ satis dictum, nisi vis me addere curiosa quædam de

Id. Iliad. z.

genere Tubarum & discrimine, ex Eustathio petita. Ille

Tuba prius Græcis ignota.

Eius species plures.

adnotat, Homerum quidem Tubam nouisse, nusquam tamen heroibus tribuisse, quia nondum tunc in usu Græcorum. Facit autem lex eius genera. primam quam Minerva inuenit, quæ etiam Argiuis colitur hoc cognomento, Σάλπιγξ Ἀθηνᾶ. Alteram apud Aegyptios, quam Osiris

* χυών.

repperit, quæ * Chnoue, dicitur ipsis, utunturque ad sacri-

* Nota hoc de Gallicâ

ficia. Tertiam, * Gallicam, conflatilem, haud nimis magnam, quæ os habeat deformatum in bestias, & canalem ipsum plumbeum, in quem inspirant Tubicines: atque esse eam acuti soni. Vocatur autem ab ipsis Gallis Carnyx. Quartam, Paphlagonicam, cuius os effigie bouis, graui mugitu, sursum inflandam. Quintam, Medicam, è calamo tubum habentem, graui sono. Sextam, Tyrrhenicam, cuius inuen-

* Obserua.

tores Tyrrheni, quæ similis * tibia Phrygiæ, habens orificium scissum

scissum aut fractum. Ea valdè acuta est. Hæc ille Scholiastes. & notabis de Tyrrhenicâ, quam volunt esse hanc nostram & Romanam, atque ab ijs traductam. Volunt inquam Græci Latiniq̃ue consensu. Diodorus Siculus de Tyrrhenis; τὴν τε σάλπιγγα λεγομένην ἐξεδ-
 εον, ἐυχρηστοτάτην μὲν εἰς τὰς πολέμους, ἀπ' ἐκείνων δὲ ὀνο-
 μαθεῖται τυρρηνίην: *Et tubam dictam inuenerunt, utilis-*
simam ad bella, quæ ab ijs Tyrrhena appellatur. Athe-
 næus *Cornua* etiam adiungit: τυρρηνῶν δὲ ἐστὶν εὐρημα
 κέερατά τε καὶ σάλπιγγες: *Tyrrhenorum inuentum sunt,*
Cornua & Tuba. Statius:

Horrent Tyrrhenos Heliconia plectra tumultus. quod valet, Musas abhorrere (ô quam verum!) à belli-
 co tumultu & sono. Hyginus aliquid addit singulare: *Tyrrhenus Herculis filius tubam inuenit. qui conchâ per-*
tusâ buccinauit, & pagum conuocauit, testatq̃ue sunt se
mortuum sepultura dare. Unde tuba Tyrrhenum melos
 dicitur. Quod exemplum hodie Romani seruant, & cum
 aliquis decedit tubicines cantant, & amici conuocantur,
 testandi gratiâ eum neque veneno neque ferro perijisse.
 Notabis de tubâ ad mortuos: sed mortuos nobiliores.
 neque enim vulgò ea, sed in funeribus, opinor, Indi-
 citius: scilicet ad populum classico conuocandum. Pro-
 pertius amolians illam pompam:

Nec mihi tunc fulcro sternatur lectus eburno,

Nec tuba sit fati vana querela mei.

Persius de beatulo, qui calces porrexerat: *Huic tuba, can-*
dela. Quod ipsum in militibus decorè seruatum, vt ij se-
 pelirentur ab bellicum hoc instrumentum. Tertullia-
 nus de Coronâ Militis: *Et mortuus tubâ inquietabitur*
aneatoris? Sed ne euager, de Tyrrhenicâ tubâ Suidæ

locum addo: κώδων καλεῖται τὸ πλατὺ τῆς σάλπιγγος. σοφοκλῆς χαλκοσόμενος κώδων ὡς τυρσηνικῆς. πολλὰ δὲ εἰσι εἰδη σάλπιγγων, αἰγύπια, εἰθυσικαί, τυρρηνικαί. πρῶτος δὲ ἀρχώνδας συμμαχῶν τοῖς ἡρακλείδαις ἤγαγεν εἰς ἑλλήνας τὴν τυρρηνικὴν σάλπιγγα. διὰ τὸ φησὶ τυρσηνικῆς: *Codon dicitur latior pars et os tubæ. Sophocles: Tanquam arei codonis è Tyrrheniâ. Sunt enim multa genera tubarum, Aegyptia, Libyca, Tyrrhenica. Primus porro Archondas*

* Anno circiter octogesimo post Troiâ captam.

* *Heraclidis commilitans, adduxit in Græciam Tyrrhenicam tubam. Ideò Sophocles dicit Tyrrhenicam. Totidem ista in Scholiaste Sophoclis: & observes tempus signatum, quo ad Græcos denique hæc tuba. An eigo eadem Græcanica cum Romanâ? siquidem ab eadem vterque populus gente desumpsit. Non vult L. iunius, qui de captâ per insidias Tarento: Terrorem (potius errorem) et tuba audita ex theatro faciebat. nam et Romana erat à proditoribus ad hoc ipsum preparata, et inscipienter à Græculo inflata, quis aut quibus signum daret, incertum faciebat. Et sanè grandiore fortiorisque soni Romanam fuisse, è Fabij suprâ verbis discas. Dimitto Tubam, Cornua venite. De ijs Varro: Cornua, quòd ea quæ nunc sunt ex ære, tunc fiebant ex bubulo cornu. Nihil verius. & prima origo à boum cornibus, & pastorū instituto. Nā illi sic calabāt pecus aut boues. Propertius:*

Cornua quid, & unde.

Nunc intra muros pastoris buccina lenti Cantat.
Lib. IIII. Columella: *Ad sonum buccinæ pecus septa repetere consue-*
scat. Et in Dionysio supra fuere, κέρατα βοεία, cornua bu-
bula, de conuocando populo per Buccinam. Ergo
olim nihil discriminis inter Buccinam & Cornu: pos-
teà fuit, & Cornua ista ex ære facta grandiora, & ma-
gis reflexa. In lapidibus appàrent. Distinguit & Vege-
tius

Discreta à Buccinâ.

tius apertè, *Tubicines, Cornicines, Buccinatores: qui vel tubâ, vel ære recuruo, vel buccinâ committere prælium solent.*

Lib. i. r.
cap. v. i. r.

Artemidorus de Cornibus: *σφγύλη δὲ σάλπιξι σαλπίζειν, ποιηρὸν. & ὃ ἱερὸν τὸ ὄργανον, ἀλλὰ πολεμικόν: Inflexâ tubâ (id est recuruo ære) canere, malum. non enim sacrum hoc organum, sed bellicum.* At olim, vt dixi, confundebant.

Olim minime.

nec aliter Dionysij hæc ex audio, in classium descriptione *σαλπιγκτὰς καὶ βυκανιστὰς* recensentis, qui Liuius sunt *Tubicines & Cornicines*: ipsi inquam Dionysio, *Tubicines & Buccinatores*. Confundere etiam postea Vegetius videtur: *Buccina*, inquit, *quæ in semet æreo circulo reflectitur.* Sed vt rem dicam, implexa ista in Vegetio. vti cum *Cornu* etiam facit, *quod ex uris agrestibus argento nexum, temperato arte spiritu, auditur.* Inconstans est, & antè ex *ære recuruo* id confluit. Vnde autem Romanis

Vegetius ex uris facit.
Lib. i. r.
cap. v.

vrorum ea copia? sed hæc inferioris æui sunt, & à barbaris fortasse desumpta. Ad *Buccinam* seorsim eo: quam seiunctam à prioribus fuisse, etiam Vigiliæ ostendunt. Nemo illuc *Cornu* aut *Tubam* sonuisse dixerit, sed *Buccinam* signanter plerique omnes. Exempla audies in ipsis* Vigiliis. Nunc quid fuit? *Cornu* bouillum initio, vt dixi: nec à boue malè deriuēs, vt instrumentum quod bubus canit, aut quod boues canit & vocat. Varro tamen *Buccinatorem* à vocis similitudine & cantu dictum mauult, quia *Bou Bou* canit. Quod Isidorus ineptè flexit, & *Buccinam* à voce, quasi *Vocinam* deriuat, quod *Pagani* eâ vocabantur. Vtut de* verbo est, rem in

Buccina.

* Lib. v.

* An & à Græco βυκανιστὰς?

re Romanâ teneo: an illud ipsum cornu? vix puto, sed & hanc ex ære factam, similitudine tamen retentâ, & sono. Suidam ride & reiice, qui in litterâ Iotâ initiali, *Ἰβύκινον* appellat, & ab *Ibyco* deducit. Ride dico, & quæ citat ex

Suida et rot.

Polybij

Polybij libro secundo esse scito, vbi *Βυχανιτῶν*, non *Ἰβυ-
 κωνιτῶν* hodieque scriptum. A V D. Plura talia & Suidas
 ille & Grammaticorum gens peccat, ter inepti sæpè aut
 stulti. L I P S. Fateor. sed admoneo, vtcumque pecus Sui-
 das est, auream tamen esse, & è meliore metallo vellus
 ferre. Carpsit & sumpsit ex optimis qui fuerunt, & non
 sunt; vtinam iudicio & curâ, addo & fide, meliori! Nam
 & nomina ferè supprimit, & intendere oportet quid
 eius sit, quid alienum. Ceterùm etsi ille, vt dixi, Arcadi-
 cum & Midinum sapit; alios tamen lectores suos fa-
 cit, qui curiosi quidem sint & intenti. Hoc in occasione
 volui: & peregi, opinor, de toto hoc genere quod in
 Classica venit. Vniuersè appellabant *Æneatores*, quia
 omnia ex ære. In Glossis: *Æneator*, *σαλπῆς*. In Am-
 miano: *Æneatorum occentu signo dato, progrediendi ad
 pugnam*. Idem iterùm: *Dato æneatorum occentu sollenni-
 ter signo adpugnandum*. Et in Suetonio aliisque ea vox.
 A V D. Equidem discrimina hæc habeo; numerum, si id
 potest, velim scire. L I P S. Ægrè equidem diuino: suspi-
 cor tamen multos fuisse, & cuique manipulo aut tur-
 mæ suos. Inducit Sallustius, de Mario: *Cohortium, tur-
 marum, legionum tubicines simul omnes canere iubet*. Laxè
 Tubicines, & intellegit eâ voce etiam qui cornu. Sed vi-
 des cohortibus, id est manipulis, nisi fallor, & turmis, &
 legionibus ipsis distinctè assignari. Quomodo? vt sin-
 gularum partium sui fuerint & tot fortasse quot Signa:
 tum etiam communes legionis. Illi tempore pugnae, in
 suâ quisque parte steterunt; isti iuxta aquilas & Impera-
 torem. Dionis locum considero, & huc apto, pugnâ Phi-
 lippensi inter Brutum & Octavianum: *Deinde Tubicen
 vnus utrimque insonuit, & mox alij pariter responderunt.*
 Priores

Descriptis
 eius iudi-
 cium.

Æneato-
 res.

Quot in
 exercitiis?

Non infra
 Signorum
 fortè nu-
 merum.

Lib.
 XLVII.

Modus in-
 cinendi
 Classici.

Priores quidem ij qui rotundo quodam loco constituti, tubis certum aliquid modulabantur, quo ut consisterent & praelio se pararent milites, admonebantur: tum deinde omnes reliqui, qui animos irasque militum acuebant, & ad pugnam excitabant. Obserua triplicem tubæ sonum. Primum, vnius & singularis, qui primopili fortasse, haud longè ab Imperatore, eiusque nutu incinuit: secundum, aliquot aliorum qui in loco quodam orbiculato & fortassis editiore stabant, ad signa & aquilas, ut existimo: tertium, omnium aliorum per cohortes, per turmas, qui pariter iam classicum canebant. Nam duo priores soni non nisi expediendo militi videbantur, paullatimque eius animi & iræ motæ. Facit enim profectò hoc sonus, & magnam vim habet ad spiritus & sanguinem euocandum. Ideò placent hîc quoque Romani, qui non in equitibus solùm Tubas, ut nos, sed & peditibus habebant. Tubæ autem illius primæ exemplum fortasse in Apuleio, in quo multi mores reconditi, paucis verbis aduelati: *Cùm tuba bellicum cecinit, milites clangore incenssi, alius accingitur gladio, alius clypeum capit, alius equum frenis temperat.* Est enim adhuc non verum classicum, sed præparatorium illud ad pugnam. Tangitur & totus iste mos ab Hirtio, bello Africano: Cùm, inquit, Cæsar deliberaret etiã de pugnâ, *subitò dextro cornu tubicina in-* De Mundo.
Apuleius
explicatus.
iusu Cæsaris canere cæpit. Ecce in cornibus etiam tubicines, & omnino sparsi per manipulos: sed ij signum à Primopili Tubicine, aut Imperatoris, expectare debent, tum fuccinere. Lego & in Græcorum militiâ: *ἐνα- In Centu-
τον αρχιδὺ ἐκτάκτας ἔχειν ἐ. σημειοφόρον, ἑξαγόν, σαλπικτήν, rijs Gra-
ὑπερέτην, ἑξατοκήρικα: Centuriam quamque habere super- corum Tu-
bicen.*
numerarios (aut extraordinarios) quinque. vnum signife-

r rum,

rum, Uragum, Tubicinem, Ministrum, Praconem. Itaque & hic per centurias: si idem in Romanis, numerum tenes. A v d. In peditibus etiam Tubas locasti aut Cornua: nihilne tympanorum, & cuiusmodi hodie vasa

Tympana
an Roma-
nis?

Lib. III.

* σαλ-
πιών τε
καὶ τυμ-
πανισών.

* Simile in
Seneca &
Quintil.

Dionysius.
corrigen-
das.

Lib. v.
Strat.

Habuerūt
Indi.
Lib. VII.
Ibid.

pulsamus? LIPS. In Romanis nihil: apud alias tamen gentes obseruitaui. A v d. Imò in Romanis, nisi aliud doces: & redeo in memoriam legere apud Dionysium, in classibus describendis sub Ser. Tullio, *duas centurias*

* *Tubicinum & Tympanistarum, & qui aliis quibusdam organis ad bella vocabant.* Habes & alia etiam genera, nempe Cornua, præter Tympana & Tubas. LIPS. Locum commemini, sed semper mihi in suspitione. Quis enim umquam Tympana præterea Romanis assigna-
tuit? Imò in conuicio apud illos, * *Tympanotuba* (in Plauto) & Galli matrisdeum, id est effæminati pulsabant. Quid etiam ipse Dionysius, non refellit? cum dicta sua

ibidem recolligens σαλπιών τε καὶ τυμπανισών nominat, tympanorum nullam mentionem. Idem libro septimo facit, ubi de classibus hæc repetuntur: ibi quoque, inquam, τυμπανισαί leguntur, nec dubito quin verbis illis tuis reponendi. Maximè cum Liuius in eadem re, *Tubicines & Cornicines* usurpet. Vetera tamen Tympana, & ab ipso Baccho, sed in eo ferè choro relicta & apud molles. Polyænus de Baccho eiusque rebus: καὶ κυμβαλοῖς καὶ τυμπάνοις ἐσήμαιναν ἀντὶ σαλπίγγος: Et *cymbalis & tympanis signum dedit, loco tubæ.* Et ab eo fortassis est, quod in bello usi etiam Indi. Curtius: *Indi tym-*

pana suo more pulsantes. Iterum: *Post elephantos Porus peditem posuerat ac sagittarios tympana pulsare solitos. id pro cantu tubarum Indis erat.* Scriptor quispiam apud Suidam: Σαλπίγγειν ἰνδοὶ ἐχρῶνται, ἀλλ' ἀντὶ σαλ-

πίγγων

πίγγων αὐτοῖς εἰσιν αἱ μάστιγες, αἷς ἀποκτυπῶσιν εἰς τὴν αἴ-
 ρα, καὶ τύμπανα φεκώδη πινὰ βόμβον ἐξ ἑαυτῶν ἀνιένται: *Tis-*
bis Indi non utuntur, sed pro ijs sunt Flagella, quæ excu-
tiunt in aërem; Et tympana item, horribilem quemdam
bombum emittentia. Inuenio Abaros quoque, gentem
 barbaram (Hunos alij vocant) habuisse. Menander *Et Abari.*
 historicus: Οἱ δὲ ἄβαροι κατὰ τὴν τῷ πολέμῳ κίνησιν ἐβό-
 λοντο ἤχον ἐγγεῖραι ζυμμιγῇ τε καὶ ἄγγελον, ἐπὶ τῷ ἐν ζῶν τῷ
 ἀλαλάγματι ἰπιδεπῆσαι τοῖς τυμπάνοις: *Abari initio præ-*
lij statuerant excitare mixtum quemdam Et ferum sonum,
simulque cum barritu personare tympanis. Cuiusmodi ta-
 men hæc tympana, haud probè scio: & à nostris certè
 diuersa illa Indorum. Nam in Suidâ describuntur: *ex Tympana*
Indorum
qualia?
palme arboris cauato stipite, cui tintinnabula ex orichalco
introrsus adaptabant, Et os deinde vasi taurino corio occlu-
debant: atque id in altum ferebant, concutiebantque in
acie. Tintinnabula igitur, quæ multa Et magna intus, in-
conditum quemdam sonum edebant. Plutarchus Parthos *Et Parthia*
talia.
quoque facit non cornibus, aut tubis incitare se ad pug-
nam: ἀλλὰ, inquit, ῥόπτρα βυβόπαγῃ καὶ κοῖλα περιτεί-
ναντες ἡχείοις χαλκοῖς ἅμα πολλαχόθεν ἰπιδόπῃσι. τὰ δὲ
φθέγγεται βύτιόν τι καὶ δεινόν, ὠρυγῇ θηελώδῃ καὶ τραχύτητι
βρογτῆς μεμιγμένον: sed stipites quosdam corio tectos Et
concauos tintinnabulis arcis circumpositis plurifariam si-
mul pulsan. Illi verò obscurum aliquid Et terribile re-
sonant, ex ululatu ferino Et tonitru commixtum. Hæc
 illi de Tympanis. etsi in marmoribus tamen Galli *Diuersa in*
lapidibus.
 trisdeûm conspiciuntur tympanum manu tenentes, ro-
 tundum infrà, suprà planum: atque ibi corium indu-
 ctum, quod bacillis pulsan. cuiusmodi hodie equestria
 Germanorum vel Afrorum tympana. Plinius ab eâ for-

o Lego,
ema,
Lib. IX.

Lib. I.
Biblioth.

Tympana
nostra lig-
nea.

mâ margaritarum quoddam genus *Tympanium* vocat: quibus, inquit, * *una tantum est facies, & ab eâ rotunditas, auersis planities. ob id Tympania nominantur.* Describit Apollodorus hæc talia, & vult Salmoneum ijs tonitru imitatum: καὶ βύρσας μὲν ἐξηρημένας ἐξ ἄρματος μετὰ λεβήτων χαλκῶν σύρων, ἔλεγε βροντᾶν: *Et pelles deductas, in curru, cum aneis lebetibus agitando, dicebat se tonare.* Imò tales etiam pelles non in ære tantum, in ligno sic cauato & aptato, apud Isidorum: *Tympanum*, inquit, *est pellis vel corium ligno ex unâ parte extentum.* Dimidiatum nostrate tympanum: iam plenum in eodem, sed alio nomine. nam *Symphoniam* vocat. *Symphonia*, inquit, *vulgò appellatur lignum cauum, ex utraque parte pelle extensâ, quam virgulis hinc & inde Musici feriunt.*

DIALOG.



DIALOG. XI.

*Clamor militum sub pugnam & Baritus:
concussio item armorum.*

SED iam remos inhihero, & demitto vela, portum
attigi propositum in hodierno cursu. AVD. O si
ausim! LIPS. Nouus hic pudor. eloquere. AVD. Imò
vetus mi præceptor, nec ille solùm in animo isto habi-
tat, sed in vultu sæpe rubor. Quòd apud te excusserim,
alia virtus fecit (sic interpretor) cupiditas discendi.
Sed si vis, hanc omitto: illa seruo. LIPS. Serua, serua
fili, gemmas pulcherrimas in iuuentute. Quod ad me,
cum Plauto,

Ego illum perijisse duco, cui quidem periit pudor.

Sed & rubor ille non improbus, quem scitè aliquis dixit
Colorem virtutis. Quid tamen vis? nam vel silentio &
modestiâ istâ à me impetres, quod non verbis. AVD. Si
vacat & commodum est, aliquid etiam de *Incitamentis*
in Acie aut *Signis*: quæ videntur his abesse. Nam de
Allocutione dixisti, item de *Classico*: sed ego & *Clamore*
legisse recordor, & *Signa* quædam pugnae. Si inquam
vacat, doce. LIPS. Ego verò faciam. & vt vinitor in
vindemiando minutos etiam racemos repetit & colli-
git: sic ego vel hæc tenuia, siquid omisi. Subijcis de
Clamore: benè atque ordine. nam ille *Classicum* excep-
pit. Itaque edebatur in ipsâ imminente iam coniun-
ctione & conflictu, incitatio pariter animi & virium,
atque hosti terror. Nam hos habebat fines. Itaque an-
tè, & cùm eminus, silentium vastum erat: idque Ho-
merico versu Agellius approbat, apud quem *Graci ta-*

*clamor
post clas-
sicum.*

*Quando is
editus!*

citi

citi eunt, spirantes robur: at Troiani contrà cum clamore, ut grues. Subijcit deinde, quod huc valdè facit, & ad litteram dabo: *Quid ergo ille vult ardentissimus clamor militum Romanorum, quem in congressibus præliorum fieri solitam scriptores Annalium memorauerunt?* Et respondet, ac prudenter distinguit: *An tum etiam gradu clementi & silentio est opus, cum ad hostem itur, in conspectu longinquo procul distantem? Cum verò propè ad manus ventum est, tum iam è propinquo hostis & impetu propulsandus est, & clamore terrendus.* Ostendit incursum & impetum dumtaxat cum clamore factum. Atque ita etiam Vegetius: *Clamor autem, quem Barritum vocant, non antè debet attolli quàm utraque acies se iunxerit.* Verus herculè hoc institutum. & Cæsar ita memorat, cum caussis, vbi Pompeij consilium damnat, qui id omiserat: *Neque frustrà antiquitus institutum est, ut signa undique concinerent, clamorèmque universi tollerent, quibus rebus & hostes terreri, & suos incitari existimauerunt.* Duplicem dat causam, à me tactam, Hostium terrorem, Sui incitamentum. Iam tum in Romuli rebus Livius clamorem hunc agnoscit: *Fusi primo impetu & clamore hostes.* Et statim post reges: *Consul nec promouit aciem, nec clamorem reddi passus.* Et sparsa in omni historiâ exempla: omni, etiam Barbarorum. Velut enim naturâ duce hic clamor vsurpatus: & facere hodie solenniter lêgi noui orbis gentes. Quis autem clamor ille, aut in quæ verba, Græcorum siue Romanorum? nam probabile est certa & perpetua quædam fuisse. Equidem velim scire, & indago, sed vereor ut certò adipiscar. Arbitror vocem aliquam confusam, repetitam fuisse, nec quidem significantem: cuiusmodi subitæ & primi

Lib. 1.
cap. xi.Lib. III.
cap. xvi. II.

III. Ciuil.

Lib. 1.

Lib. II.

Quis ille
clamor?

mi impetus esse soleat, sillabæ potiùs quàm verba. Facit apud Græcos quidem ipsa vox, ἀλαλάζειν καὶ ἀλαλαγμός, assidua in istâ re: & quid aliud quàm formatæ à sillabâ istâ repetitâ, *Alal!* quâ utebantur scilicet in prouocando. In Suidæ collectaneis hoc apertè satis dicitur: Οἱ προσιόντες εἰς πόλεμον ὃ Ελελεὺ ἐφώνον μετὰ τινὶ ἐμμελῆς κινήσεως: *Euntes ad prelium illud Eleleu acclamabant, cum modulato quodam motu.* Ibi tenuius, & malo litteram tamen grandiore. Apud Romanos quid fuerit, planissimè ignoro: nisi quod *Baritum* vel *Barritum* posteriore æuo reperio, sed Germanorum verbum. Vñ tamen Romani. an quia sillaba illa repetita prior, vt hodie Germanis quibusdam, *Har har?* an à clamore ductum? quoniam * *Bæren* vel *Bëren* hodieque sublatè & ferociter clamare nobis signat. An denique ab vrsis formatum? qui *Bëren* item nobis: & haud absurdè ab ijs petitum, quod quasi vocem illam imitantur. Vox quidem nostras, Tacito teste: *Sunt illis (Germanis) hæc quoque carmina, quorum relatu, quem Baritum vocant, accendunt animos, futuræque pugnae fortunam ipso cantu augurantur. Affectatur præcipuè * asperitas soni, & fractum murmur obiectis ad os scutis, quo plenior & grauior vox reperiussa intumescat.* Nec absonum quod de vrsis dixi, cum & λυκηθμόν legam, quasi dicas *Lupinum sonum*, in re eadem, & qui lupos vlulantes imitabantur. Scriptor apud Suidam: καὶ ἐν οἷς ἀβάρηι ἐσβάλλουσιν ἀθρόως, χρησάμενοι τῷ στυγνῷ λυκηθμῷ. φίλη δὲ αὐτοῖς ἡ τοιαύτη ὠρυγή: *Igitur Abari ingruunt conferti, utentes consueto suo lupino sono. gratus autem & solens ijs talis vlulatus.* Credo & Gallos vfos, ex Liuiο: *Galli occurrant in ripam, cum varijs vlulatibus cantuque moris sui.* Sed Germanorum

Alalag-
mus Gra-
cotum.

Baritus.

*Vnde &
fluctibus
marinis
apud nos
nomen.

De morib.
Germ.

* Quæ est
in litterâ
R.

Lupinus
vlulatus.

Lib. xx.

norum igitur Baritus. quem & Romani inferiores as- ^{Baritus & Romano-}
 sumpsere, nec vno loco ijs tribuit, & describit Ammia- ^{tum.}
 nus. Ut in concione Constantij Imp. ad milites: ^{Lib. xxi.} *Ut nec*
oculorum vestrorum vibrata lucis ardorem, nec baritus
sonum perferant primum. Alibi: ^{Lib. xxxi.} *Et Romani quidem voce*
undique Martia concinentes, à minore solit à ad maiorem
protolli, quam gentilitate appellant Baritum. Vbi descri-
 bitur in parte etiam Baritus: clariusque eidem, de Ger-
 manis ipsis: ^{Lib. xvi.} *Gesturientes Baritum ciere vel maximum,*
qui clamor ipso feruore certaminu à tenui susurro exoriens,
paullatimque adolescens, ritu extollitur fluctuum cautibus
illisorum. Hic Baritus igitur, qui in Festo etiam Barbari-
 cum dictus: *Barbaricum appellatur clamor exercitus, quod*
eo genere barbari utantur. At Romani non clamore so-
 lum vfi, sed strepitu etiam & concussione armorum.
 Polybius in pugna Reguli cum Xantippo: ^{Arma iūē} *κατὰ τὰ*
παρ' αὐτοῖς ἔθνη συνεψόφησαν τοῖς ὅπλοις καὶ συναλαλάζον- ^{concussā.}
τες ὥρμησαν Ἰπὶ τὰς πολεμίας: ^{Lib. i.} *Ex more ijs consueto armis*
concrepuerunt, & una clamantes inuasērunt hostem.
 Idem in pugna Scipionis cum Annibale: ^{Lib. xxi.} *Οἱ ῥωμαῖοι κα-*
τὰ τὰ πάτρια συναλαλάζαντες καὶ συνεψόφησαντες τοῖς ἔ-
φεσι τὰς θυρεάς, προσέβαλον τοῖς ἐναντίοις: Romani, iuxta
morem patrium, clamore sublato, & gladijs adscuta con-
crepantes, inuasērunt oppositos. Dio Cassius in pugna ^{Lib.}
 Pompeij nocturnā cum Mithirdate: ^{xxxvii.} *πρώτον μὲν οἱ σαλ-*
πιγκταὶ πάντες ἅμα τὸ πολεμικὸν ὑπὸ σωθῆματ' ἐβόησαν.
ἔπειτα δ' οἱ τε ξρατιῶται καὶ ὁ λοιπὸς ὄχλ' ὅπας ἐπηλάλα-
ξε. καὶ οἱ μὲν τὰ δόρατα πρὸς τὰς ἀσπίδας, οἱ δὲ καὶ λίθους
πρὸς τὰ χαλκὰ σκευὴ πρὸς ἐπέρχουσαν: Primum tubicines
omnes ex composito simul bellicum cecinerunt: tum milites*

*Quod nō
 sic solet, vā
 antequā
 nūl.

Et reliqua turba omnis (id est, calones & lixæ) conclamavit. Et illi quidem hastas aut pila ad scuta concutiebant, * isti lapides etiam ad ærea vasa: Quâ tamen narratione hoc de calonibus nouum, & temporis illius modò fuit, nec trahendum ad morem: tunc scilicet vsurpatum, quò maior sonus strepitusque esset terrendo hosti.

Lib.
XLVII.

At de militibus ipsis, iterùm Dio in pugna Philippensi: καὶ τότε ἀλαλάζαντες οἱ ὀπλίται, τὰς τε ἀσπίδας τοῖς δορατοῖς ἐκρούσαν, καὶ ἐκείνα ἐπ' ἀλλήλους ἐξηκόντισαν: Deinde (post classicum) clamantes milites, scuta sua pilis percusserunt, & ea ipsa in sese mutuò iecerunt. Mansit mos Ammiani etiam æuo, atque ipse cum causâ additâ prodit:

Lib. XIII.

Quibus occurrere benè pertinax miles explicatis ordinibus parans, hastis que feriens scuta (qui habitus iram pugnantium concitat & dolorem) proximo iam gestu terrebat.

Lib. XVI.

Quod ipsum vsurpabant etiam nondum vicino hoste, & cùm duci in eum vellent. Idem scriptor: Nec finiri perpeSSI quæ dicebantur, stridore dentium infrendentes, ardoremque pugnandi hastis illidendo scuta monstrantes. Et meminisse huic rei oportet, quæ dixi in Assensu militari, suprâ. Habes de clamore. qui tanti apud illos æstimatus, vt ex eo diiudicarent de euentu pugnae. Liuius:

Clamor
momenta
habebat.

Lib. XIII.

Clamor indicium primum fuit, quò res inclinatura esset. excitatior crebriorque ab hoste (Volsco) sublati; ab Romanis dissonus, impar, segnis, sæpe iteratus, prodidit pauorem animorum. Simile Plutarchus in futurâ clade Crassianâ. Cùm is, inquit, suos clamorem tollere iussisset; maestitiam eorum accusauit, quòd imbecillum, & inaequalem edidissent.

AVD. Hoc mihi mirum: & tantine ea res? an homines, vt aues, olim clamore abigebantur? LIPS. Ne illude.

momen-

momentum habet ea res etiam à naturalibus caussis. Quippe duo sensus in nobis per quos Timor maximè in animum penetrat, Oculi & Aures. Alterutrum igitur illorum qui turbat, nã ille victoriæ suæ multum confert. Quid autem magis aures, quàm validus & magnus sonus? Itaque non iniuriã Catoni Prisco hoc *Catonis dictum.* adscribitur: *Verba plus quàm gladium, & voces quàm manum, hostes territare & in fugam vertere.* Sciuit Iosephus ille, & bonus dux, & scriptor. qui bello in Romanos, cùm morem eorum nossset occlamandi, metuens ne sui terrerentur: ἐκέλευσε πρὸς τὴν ἀλαλαγμὸν τῶν Λαγμάτων ὑπηρεῖσαι τὰς ἀκοὰς, ὥς μὴ κατὰπληγῇεν: *iussit ad clamorem legionum aures obstruere, ne percellerentur.* Idque illi utiliter & suo bono fecerunt. Quid opus, si non violenta aliqua vis in istâ re? Itaque iam olim & aliæ usq; gentes: idque Pane inuentore, vt vult Polyænus. Is scribit, cùm Bacchus expeditione Indicâ in valle aliquâ cauâ cum copijs esset, ex aduerso autem infinita hostium multitudo; nonnihil in animo pertimuisse. Tum Pana suasse, vt noctu Dionysij exercitus maximum clamorem tolleretur, quem cùm & petra & valles exceptum referrent & augerent, hostes territos in fugam se dedisse. Inde natum vt terrores eiusmodi Panici appellentur. Imò verò Macedones & Persæ etiam vsi. de quibus ita Curtius: *Jam in conspectu, sed extra teli iactum, utraque acies erat, cum priores Persæ inconditum & trucem sustulere clamorem. Redditur & à Macedonibus maior, exercitus impar numero, sed ingris montium vastisque saltibus repercussus.* Etiam Græci, quibus aut τὸ ἀλαλάζειν passim tribuitur, aut τὸ παυανίζειν. Thucidides: Επεπαυανίσο αὐτοῖς ὡς ὑπὸ τῶν:

Lib. vii.
cap. xviii.

Lib. 2.
Strat.

Lib. iiii.

Paan
Græcorū.
Lib. 1.

Paan *ijs clamatus ad naualem congressum.* Ibi Scholia-
stes: Δύο παιᾶνας ἦδον οἱ Ἕλληνες, πρὸ μὲν τῆς πολέμου, τῷ
Ἀπεί μετὰ δὲ τὸν πόλεμον, τῷ Ἀπόλλωνι: *Duos Paanas*
norunt Græci. unum ante prælium, Marti; alterum post
prælium, Apollini. Illum priorem, ἐμβατήριον παιᾶνα,
congressuum Paana, Plutarchus in Lycurgo dixit: hunc
alterum, ἐπὶ νίκιον παιᾶνα, *victorialem* in Romuli rebus.
Videntur cum cantu aut rythmo quodam fuisse, atque
ideo *Pæanes dicti.* Mansit apud imos etiam Græcos,
Christia-
nerum. qui, tamen vt Christiani, *Vicit crux,* pro pæane habe-
bant. Cedrenus hoc tradit in Basilio Imperatore, pugná
cum Manichæis: Βοῦν σάβαρᾱ παιανίσαντες, καὶ τὸ (Σταυ-
ρὸς νενίκηκε) συμβοήσαντες, Παιτίθενται τοῖς ἐχθροῖς: *Voce*
magnâ Paanem canentes, & illud, Crux vicit, concla-
mantes, aggreduuntur hostes.

DIALOG. XII.

Signum pugnae, Tunica punicea: signum pugnae, vox
& tessera.

Signum
mutum
pugnae.

Tunica
russa.

DE *Clamore* habes: qui rarus apud nos, aut nullus,
nisi quòd Asiaticos & Turcas audio seruare. Etiam
Hiberni in Europâ suum *Pharro* ingeminant, & Hibe-
ri interdum acclamant. Sed mos non in magno hodie,
nec sollennis. Superest de *Signo* pugnae, quod diuersum
à *Classico*: quia istud mutum. Illud auribus, hoc oculis
seruiit, & tempore *Classicum* præiuit. Nam Romani,
cùm decretum iam pugnare, tunicam russam in Præto-
rij fastigio extendebant in hastâ, vt eo signo miles mo-
ueretur

neretur parare se & arma; tum etiam, vt siqui dispersi, conuenirent. Vtile fuit in re subitâ, & vt momento omnes monerentur. De hoc signo aut palàm, aut occultiùs, plures scriptores. Palàm, vt Plutarchus: Τὸ τῆς μάχης ση-

In Fabio.

μεῖον ὁρᾷσθαι. ἐστὶ δὲ χιτῶν κόκκινον & ὑπὲρ τῆς σεραμικῆς σκη-

νῆς διατεταμένον &: *Pugna signum proposuit. Est autem tunica*

In Bruto.

coccinea super tabernaculum Imperatoris extensa. Idem iterum: Ἀμα δὲ ἡμέτερον περικελευμένον τῷ βασιλεὺς καὶ κασίου χά-

ρακι σύμβολον ἀγῶντος, φοινικῆς χιτῶν: Unà cum luce propo-

situm fuit Bruti & Cassij castris pugna signum, punicea tunica. Isidorus: Russata, quam Græci phœniceam vocant,

nos coccineam. Hac sub Consulibus Romani usi sunt mili-

tes, unde etiam Russati vocabantur. Solebat enim pridie

quàm dimicandum esset, ante Principia poni, admonitio & indicium future pugne. Ait ante Principia, quod Plutar-

Aut vexil-
lum russū.

chus super tabernaculum Ducis: & benè. quia Præto-

rium ante ipsa Principia situm. Sed quod isti Tunicam,

11. Gall.

alij Vexillum appellant. vt Cæsar: Cæsari omnia uno tem-

Bell, Hisp.

pore erant agenda. Vexillum proponendum, quod erat in si-

gne cùm ad arma concurrere oporteret. Hirtius: Cùm iter fa-

Lib. xxviii.

cere Cæsar vellet, renunciatum est à speculatoribus Pompe-

1. Ann.

ium de tertiâ vigiliâ in acie stetisse. Hoc nuncio allato, ve-

xillum proposuit. Ammianus: Signis illicò fixis ex more,

μιοι, σημεῖον ἔχουσιν, ἡμέτερος μὲν, φοινικίδα ἢ δόρυ, ὡς ἔστιν ἡ-
λξ, νυκτὸς δὲ πῦρ: *siquid hostes incurrerent aut molestarent,*
signum tollere, de die quidem puniceam vestem in hastā al-
tā, de nocte ignem. Ita Appianus in Ibericis. Et hæc satis
aperta sunt: rectè aut obscuriùs alij etiam tangunt. Vt

Linio lux.
Lib. I.

Liuius: *Poscunt pugnam, postulant ut signum detur.* Quod
tamen aliquis vel ad Clasticum, vel ad vocale signum

Lib. VI.

etiam trahat. Firmiùs alibi: *Latus ad milites iam arma ad*
propositum pugnae signum capientes processit. Nam ait pro-

Lib. XII.

positum: quod non conuenit nisi in istud. Iterùm: Varro
nihil consulto collegā signum pugnae proposuit. Nec minus

Lib. VI.

apertè etiam Dionysius: Επειδὴ δὲ τὰ σημεῖα ἤρθη παρ' ἐκα-
τέρων τῆς μάχης: *Postquam utrimque signa sublata sunt pu-*

Et Diony-
sio.
Lib. X.

gna. Iterùm: Επειδὴ τὰ σημεῖα ἐκέλευσαν ἀρθῆναι τῆς μάχης:

Postquam signa tolli iussit pugna. Mihi, inquam, apertè:
etsi alij de Signis militaribus capiunt & vertunt. Ea qui-

Lib. I.

dem ipsa Græcanica phrasis in Thucydide est, & in si-
mitem huic meo sensum. Επειδὴ τὰ σημεῖα ἐκατέρωθεν ἤρθη,

Græcis ta-
le aliquid.

ἐναυμάχουν: *Postquam utrisque signa sublata sunt, nauale*
prælium inierunt. Et post: ὡς ἡ μάχη ἐγένετο καὶ τὰ σημεῖα

ἤρθη, βραχύ μὲν πᾶσι τοῖς Ἕλλησι ὡς βοηθήσοντες. ἐπεὶ δὲ διατάχης
ἡ νίκη τῶν Ἀθηναίων ἐγένετο, καὶ τὰ σημεῖα κατεσπάρθη, πάλιν

ἐπὶ δουλώσαντες ἐς τὸ τεῖχος: *Vt pugna facta est, & signa subla-*
ta, paululum quid progressi sunt ut auxilium laturi. post-

quam verò victoria Atheniensium celeriter fuit, & signa
detracta sunt, iterùm ad præsidium suum rediére. Ea Suidas

Suid. in
σημεῖα.

& Scholiastes sic interpretantur: Σύμβολα πᾶσι εἶχον ἅ-
κατὰ τὸν καιρὸν τῆς μάχης ἐδείκνυντο. καὶ ὅτε μὲν ἀνετείνετο τὰ σύμ-
βολα, ἤρχοντο τῆς μάχης. ὅτε δὲ κατεσπάρθη, ἐπαύσαντο: *Signa*
quædam habebant, quæ sub tempus pugna ostendebantur. &

cum

cùm ea erigebantur, pugnam incipiebant; cùm demittebantur, desinebant. Aliquid ad hunc morem, quod Dio Chrysostomus suo etiam æuo vsurpatum ostendit, vt in muris Signum poneretur, instante hoste. Nam ita in Boristhenetico: Καὶ αἱ τε πύλαι συγκέκλειοντο, καὶ τὸ σημεῖον ἦν τὸ Πρὶν ἢ τείχεος τὸ πολεμικόν: *Et porta clausa erant, & in muro signum sublatum bellicum.* Imò de istâ ipsâ rursâ tunicâ reperio exempla. Plutarchus de pugna Antigoni cum Cleomene, *quiescere*, inquit, *quosdam iussit, ἄλλοις δὲ ὑπὸ ἑ βασιλέως ἀρτὴν φοινικίς ὑπερσαρίσσης διατεταμένη: donec à rege sublata esset punicea vestis, super sarissam extensa.* Quod ipsum & in Polybio ita leges. Simile, quod Polyænus de Conone: Επῆρε τὴν φοινικίδα. ἣν δὲ ἄρα μάχης σὺν ὅλημα τοῖς κυβερνήταις: *Sustulit puniceam vestem. erat ea autem signum pugnae gubernatoribus nauium.* Est quidem in Homero etiam, de Agamemnone suos ad pugnam vocante:

Πορφύρεον μέγα φᾶρξ ἔχων ἐν χειρὶ παχείῃ.

Il. 8. vers.
221.

Purpuream endo manu validâ tollens sibi vestem.

Sed non nisi de propriâ & regali eius veste Eustathius accipit, quam suspicari licet manu alleuatam ab eo, in festinatione & cursu. Sanè de tali aut alio signo vix mentio in Homero. Nec huic rei aliud lêgi, nisi si fortè in Curtio, de Alexandro. qui cùm Tubæ sonis haud pariter ab omnibus exaudiretur, cùm castra mouenda essent, *Perticam quæ vndique conspici posset, supra Prætorium statuit, ex quâ signum eminebat pariter omnibus conspicuum.* Sed id quale fuerit, non dicit. Etiam Perfas (in Ammiano) video ad oppugnationem vocari, *signo per flammeum*

Signum
ad iter.
Lib. v.

flammeum erecto vexillum. Et iam habes omnia Signa: an mentior? & vnum etiam superest, leue, facile, quod *pugna signum* item dicunt, aut simpliciter *Signum*.

De Tesseris.
12.

Illud idem, *Tessera*: & Græcis *σώθημα*. quod datur in vno alteroque verbo sub ipsam pugnam ab Imperatore, vt eo symbolo commilitones inter se norint, & item hostem. Cuius vsus perit, cum iste quoque tenet. Tacitus

in Histor.

in bello ciuili: *Crebris interrogationibus notum pugna signum.* In Thucydide simile, pugna inter Syracusios &

Lib. vii.

Athenienses: Καὶ τοῖς ἐρωτήμασι τὸ ξυώθημα τὸ πυκνοῖς χρώμασι, σφίσι τε αὐτοῖς θορυβὸν πολὺν παρέχον ἅμα πάντες ἐρωτῶντες, καὶ τοῖς πολεμίοις σαφὲς αὐτὸ κατέστησαν. *Crebris interrogationibus signi vtentes, sibiipsis tumultum crearunt, omnes simul interrogantes, & hostibus notum id fecerunt.*

Acutum.
Lib. i.

Remedium huic rei non absurdum in Polyæno, qui inter Stratagemata recenfer quod *Acues quidam dux Arcadium* τοῖς ἰδίοις ὀπλίταις ἔδωκε σώθημα, κτείνειν δὲ τὸ σώθημα ἐρωτῶντας: *suis militibus signum dedit, interficere eos qui signum interrogassent.* Ita Arcades cum non rogarent taciti que essent, interrogantes Lacedæmonios (noctu autem hæc gesta) interimebant. De hoc signo Cæsar capiendus, pugna subitariâ in Neruios: *Cæsari omnia vno tempore erant agenda. vexillum proponendum, quod erat insigne cum ad arma concurrere oporteret: signum tubâ dandum, acies instruenda, milites cohortandi; signum dandum.*

11. Gallic.

Cæsar illustratus.

Tria hîc habes nostra signa: *Vexillum, Clasicum, Tesseram.* de quâ postremâ, nisi verba postrema capis, superflua videantur aut inculcata. De eodem Hirtius, bello Africo: *Cæsar signo Felicitatis dato, equo admissio in hostem ire contendit.* Fuit igitur ibi signum, *Felicitas*: vt Bruto

Libertas

Libertas: & plerumque tale aliquid, breue, & ominis boni. Vegetius: *Vocalia signa dicuntur, quæ voce humanâ* ^{Lib. III. cap. v.} *pronunciantur. sicut in vigiliis, vel in prælio, pro signo dicitur; ut puta, Victoria, Palma, Virtus, Deus nobiscum, Triumphus Imperatoris, & alia quæcumque voluerit dare is qui in exercitu habet maximam potestatem.* Veteres magis, nomina ferè deorum dabant, quos aut patriâ, aut ipsi Duces colebant. Ita Cyro signum erat, Ζεύς σύμμαχος, ἡγεμὼν, σωτήρ: *Jupiter socius, Dux, Servator*, ut Xenophon tradit: Cæsari *Venus genitrix*, ut Appianus: Augusto, *Apollo*, ut Valerius. Et si alia quoque, imò & dicta ^{Lib. III. cap. v.} & versus: quæ longum sit persequi, & spontè occurrunt. Ego verò peregi iam plenè, tu abi, cura corporis me vocat. A V D. Nónne in crastinum reuocas? L I P S. Sub lege, si illud nobis erit. Ego in tam tenui valetudine quid mihi pollicear? nec multa aut longè iaculor, ut poëta loquitur, tam imbecillus. A V D. O vtinam aliter sit! vtinam de meis viribus, imò & annis, tibi addam! L I P S. Amanter hæc potius, quàm sapienter: nec è medio spatio reuocari ad carceres velim, vtique in tam exercito cursu. Tu BREVIARIUM cape, & salue.

BREVI-

B R E V I A R I V M

L I B R I Q V A R T I.

ORDO & DIVISIO IN GENERA

Hastatos. qui per manipulos dispositi primi,
cum interuallis.
Principes secundi, pariter.
Triarii tertij, pariter.
Velites sparsi in manipulos, in lateribus, in
fronte.
Equites, ad latera, aut interdum in vjs &
à tergo.

IN ACIE
quattuor
dicta:

SIGNORVM
locatio &
DVCVN


Hac circa frontem, in quoque Genere. Vnde Antesignani &
Postsignani.
Ex his Tribuni, Primopili & Imperator, circa medium, cir-
câque Aquilas: Centuriones in fronte, ad suos quisque
manipulos.
De ipsis Signis & formâ, in occasione additum.


FORMA
instru-
ctionis

Quadrata plurimum: eâque duplex, aut triplex.
Aliter etiam duplex aut multiplex, cum Subsidijs.
Variatur Schematiformis, Cuneo, Globo, Forcipe, Turribus, Serrâ.

ADIVNCTA
Actei. vt

Allocutio.
Clasicum.
Clamor.
Signum pugnae.





1

IUSTI LIPSI
DE
MILITIA ROMANA
LIBER QUINTVS.

Qui est de DISCIPLINA.



2Teu

807

ANTVERPIÆ,
EX OFFICINA PLANTINIANA,
Apud Viduam, & Ioannem Moretum.
M. D. XCV.

Cum Privilegiis Casareo & Regio.

2


LIBRERIA

DE

LIBRERIA ROMANA

LIBRERIA

LIBRERIA



LIBRERIA

LIBRERIA

LIBRERIA

LIBRERIA

LIBRERIA

I V S T I L I P S I
 DE MILITIA ROMANA
 L I B E R V.

D I A L O G I S M V S I.

*Ad Disciplinam transitum, ac primò de sede eius, Castris.
 Ea laudata, diuisa, partes recensita.*



V D I T O R ad me solito maturior venit, & inquit, Amœnior hic, Lipsi, dies est, Diffusumque nitet pacato lumine calum: ut ait Lucretius: visne ambulemus? Aura prouocat, tum etiam liberior sermo atque animus erit in spatiis his camporum. L I P S. Non nolo: & scis me, cum Cicerone olim, tueri valetudinem crebrâ istâ domesticâ ambulatione: quidni magis amem & vsurpem, cum licet, illam subdiualem? Fiat. heus puer, cedo calceos & pallium. Habeo. imus? quò? A V D. Ad mœnia hæc si voles, verè amœna. Aquam hinc vides, illinc viridia, paullo longiùs agros & camporum spatia olim culta, nunc, heu, deserta. L I P S. Deserta? imò excisa pleraque aut deiecta. En stirpes, en arbores, quæ fuerunt! en domus & ædificia, quæ fuerunt! Ferum Martem, nec qui animata solùm vitâ deuoluit, sed euerit quidquid stetit. O etiam ferini animi, qui cladibus his auctores! qui delectamini, qui gaudetis, & per malam ambitionem fouetis. Meo voto, in vos & capita vestra expetant primæ glandes emissæ aut prima tela. A V D. Tu ille mitis sic loqueris? L I P S. Loquor. isti ma-

A a 2 lorum

lorum fons & causa, isti per prauam cupidinem aut metum bella nobis suscitant post ipsos mansura. Iterum voueo. cadant, & his victimis Bellona placata abeat, & candida Pax succedat. A V D. Pacem laudare tecum possumus, atque etiam amare: sed te doctore didici, ut in aëre sic in terrâ suas esse bellorum tempestates, & deiici istâ grandine atque atteri hominum aliquot stirpes. Nōne ferre nostrum est? nōne iurare, ut sic dicam, in communem istam legem?

Euripid.

Μοχθῆν ἀνάγκη. τὰς δὲ δαιμόνων τύχας

Ὅσις φέρεται καὶ τις ἀνὴρ ἔστι σοφός:

Dolere & affligi necesse. at qui Deum

Sortem optimè fert, ille vir verè sapit.

L I P S. Scio, & à me fiet. qui noui non casus solùm, sed ludibria rerum humanarum. In eo tamen maneamus,

Aristot.

*Sapiētem
mediocres
affectus
habere,
nullos non
habere.

*ὅν σοφὸν μετριοπαθὴν μὴ εἶναι, ἀπαθὴν δὲ μὴ εἶναι. A V D. In istâ re maneo, in aliâ affectum vehementem habeo.

L I P S. Quem, aut in quâ? A V D. Desiderij vel cupidinis potius peraudiendi de re institutâ. A D DISCIPLINAM ventum, quâ opus hodie maximè, & quæ non vsu solùm sed notitiâ videtur mihi cessisse. Tu renouas?

L I P S. Non mearum virium. Suggestere aliquid possum ex illâ veteri, capiat ex eâ aut hauriat si quis volet. Ambulemus, fabulemur, Polybium habes? A V D. Ecce meâ præuisione puer habet. L I P S. Benè est, audi. Discipli-

Disciplina
definitio.

nam comprehendi in definitionis meæ verbis, S V B CERTA LEGE. Nec enim aliud ea est, quàm *Præscriptum & lex quadam militandi, & in militiâ se gerendi.* Itaque ea continet, tempus, modum, munia, opera, militiæ: & quæ pleraque Polybius exsequitur, etsi nec dispositè satis nec plenè. Sed siquid ille omittit, aut alibi

aut

aut hîc dicam. Politicis enim nostris Monitis siue Notis quædam reseruamus, antè etiam à nobis factum. Tu librum cape, & lege:

Τούτων δ' ὁπρεπῶν χρομέ-
νων, ὡς θαλαβόντες, ὁ χιλιαρ-
χοι εἰς ῥωμαίους, ὁ μὲν καὶ εἰς
συμμάχους κατετραπέδου-
σαν, ἐνὸς ὑπαρχόντος παρ' αὐ-
τοῖς θεωρήματα ἀπὸς τῆς τὰς
καρεμβολῆς, ὅς κεν αὖτε πρὸς
πάντα καιρὸν ἔσται. διὸ καὶ δο-
κεῖ μοι πρὲς πᾶσι καὶ αὐτῶν, ὅς πε-
ραθῆναι καὶ δόξαι ὁδὸν τε καὶ λό-
γον εἰς ἀκρότητας εἰς ἐννοίαν ἀγα-
γεῖν, ὅς καὶ τὰς πορείας καὶ στρα-
τηρίας καὶ ὡς ἀτάξει χρησι-
μοῦ τῶν διωάμεων. τίς γὰρ
οὕτως ἐστὶν ἀπεικὼς πρὸς τὰ
καλὰ καὶ σπουδαῖα τῶν ἔργων,
ὅς οὐκ αὖ βουληθεῖν μικρὸν τῆ-
μελέεσθαι τῆς πᾶσι τῶν
τίσεων, ὑπὲρ ὧν ἅπαρ ἀκρό-
τητων ἐστὶν ἐπὶ πρᾶγμα ἐνὸς
τῶν ἀξίων λόγου καὶ γνώσεως.

His ita paratis, accipiunt POLYB.
Tribuni Romanos unā &
Socios, & castrametantur:
unā quidem apud eos & pa-
riformi metatione, quā utū-
tur in omni tempore & loco.
Ideoque & visum mihi nūc
decorum, conari, quantum id
verbis potest, audientes in-
ducere in notitiam modi &
ordinationis, circā itinera,
circā metationes, circā in-
structiones copiarum. Quis
autem adeò abhorret abiun-
ctusque est à pulchris & ho-
nestis rebus, ut nolit paullo
attentiùs hac inquirere, quæ
cum semel audierit, gnarus
erit unius rei inter alias di-
gnissima notitiā & conside-
ratione?

Ad castra, ut vides, nos ducit: & Disciplinam ego istinc ordior, non quia sola ea pars, aut non ea alibi, sed quia hîc præcipuè. Nam Castra re ipsâ gymnasium, palæstra, sedes imò & domicilium Disciplinæ. *Munia, Opera, Exercitia, Præmia, Pæne* sunt in castris: & vno verbo, hîc regitur miles & formatur. Ipsa Castra non sine Di-

Laudatio
Rom. ca-
strorum.

sciplinâ fiunt aut constant: quæ accuratissima sanè apud Romanos. Audi hoc à me. si in togâ aut sago pars alibi aut specimen Romanæ prudētiae: hîc reperies, imò sapiētię, & iudicio eo verbo vtor. Non vanè aut leuiter Polybius hîc attollit, & *rem unam omnium cognitione dignissimâ* ait. Quis Polybius? quo vix alius scriptor iudicio firmior, & nemo certè vsu atque experiētiâ doctior. Ergo verba cogitatè examinemus & pensiculemus.

Vetera ca-
stra.

Frontinus
tamē vult
à Pyrrho.

Lib. III.
cap. I.

Non meo
assensu.

„ *Castra metantur.*] Nam quamprimùm iuncti ciues & focij, non confident sine castris. Sed ea iunctio plerumque in locis hosti vicinis, aut certè extrâ Romanum solum. Nullam illi noctem (vide curam & prouidentiam) sine castris agebant, & semper ligneis terreisque istis mœnibus, vt in vrbe, cincti. Quando id institutum? ab antiquo, si Liuium & Dionysium interrogas, qui sub regibus & statim post eos, castra ponunt, vallo & fossâ cingunt. Pluries meminerunt. Eò mirer à Frontino hanc rem ad Pyrrhi tempora relatam, & asseri ab eius exemplo, institutam. Nam ait: *Castra antiquitus Romani passim per corpora cohortium, veluti mapalia, constituere soliti erant: Pyrrhus Epirotarum rex primus totum exercitum sub eodem vallo continere instituit. Romani deinde, victo eo in campis Arusinis, castris eius potiti & ordinatione notatâ, paulatim ad hanc usque metationem quæ nunc est peruenerunt.* Totâ in re dubito, & controuerto. Romani, inquit, antea per cohortes? atqui Manipulos fuisse docuimus, & eam olim diuisionem. Pyrrhus primus exercitum sub eodem vallo? nec apud Græcos quidem verum, & in Homero ipso exempla sunt quæ refellunt. Illud fortasse potuit, Pyrrhum (vt fuit diligens ordinis & instructionis) primum curiosius meliusque castra digessisse:

gessisse: & fortasse ad illud instar Romani. Fortasse in-
 quio. nam cur adfirmem? video in reliquo ordine om-
 nia composita iam antè apud Romanos: potuit & de-
 buit ἀναλόγως etiam in castris. Si aliter: cur Polybius, qui
 sic libens abit & trahit in laudem suæ gentis, imitatio-
 nem hanc siluit? Imò cur diuersa tota & alia apud Græ-
 cos ratio? quod ipse infrà dicet. Sed siue à se, siue ab aliis
 Romani: pulchra & admirabilis hæc facies ipsis etiam
 Græcis. Philippus Macedonum, narrante Liuiο, *subie-* Lib. xxxv;
cta cernens Romana castra, admiratus esse dicitur & uni-
uersam speciem castrorum; & descripta suis quaque parti-
bus, tum tendentium ordine, tum interuallis: & negasse
Barbarorum ea castra ulli videri posse. Idem hoc Pyrrho
 Plutarchus adscribit: illi, dico, Pyrrho Epirotæ: si verè,
 quomodo Frontinus verè? Sed Plutarchi verba hæc:
 Τάξι τε καὶ φυλακὰς καὶ κόσμον ῥωμαίων ἐπὶ τὸ χῆμα τῆς στρα- In Pyrrho
 τωπέδειας ἐθαύμασε. ἐπὶ τῶν φίλων παραγορεύσας τὸν ἐγὼ ταῦτα,
 τάξις μὴ, εἶπεν, ὡς μεγάκλεις αὐτὴ τῶν βαρβάρων ἐβάρβαρεθ:
Ordinem, & vigilias, & apparatus Romanorum, & fi-
guram ipsam castrorum admiratus est: & proximum ami-
corum affatus, O Megacles, inquit, hic ordo barbarorum,
non est barbarus. Si ipse Pyrrhus metationi huic adstu-
 puit: non ab eo profectò exemplum.

„ *Unâ quidem apud eos & pariformi metatione.*] Ali-
 ter quàm apud Græcos aliosque, qui pro locis & tempo-
 ribus mutabant. Non sic Romani, simplex semper &
 eadē, excipio quod minor vel auctior spatio, pro nume-
 ro legionum. Sed quadrata semper, sed portæ & sectiones
 eadem, sed tabernacula ducum & militum eodem situ.
 Hinc utilissima illa notitia castrorum, & præuisa & in-
 uenienda militibus omnia, sicut ciuibus in aliquâ vrbe.

Vniuf-

*Vniuniformia
 Romanis
 castra.*

Duorum
generum.

Æstiva.

Statiua.

Claud.
cap. I.

Lib. I.

Sedes, pro
castris.

Hiberna.

In Aurel.

Lib. V.

Lib. I.
cap. XII.

Vniusmodi igitur semper castra, si formam consideres: paullò alia, si apparatus totum & instructum. Nam moneo, duplicia Romanis castra fuisse, *Æstiva* & *Hiberna*. Illa, quæ mobilia, & æstatis siue expeditionis tempore, in vnam sæpe noctem structa. Quæ iterum duplicia à moræ mansionisque differentiâ. Si enim vna alteraque, aut omnino paucæ noctes in iis agendæ: sine aliâ additione *Castra* dicebant, aut *Mansiones* etiam posteriore æuo. Si diutius subsistendum, ab ipsâ re *Statiua*, aut *Statinas*. In Suetonio *Æstiva* habes: *Obiit in castris Æstiuis, quæ ex eo Scelerata sunt appellata*. *Statiua* in Liuiio, sub Rege Tarquinio: *In iis Statiuis, ut sit, longo magis quàm acri bello*. Dixi & *Statinas* appellari, voce, in postremis scriptoribus reperiendâ, & intellegunt *Sedes*. Verba edicti Alexandri Imp. apud Lampridiû: *Illâ die, illâ horâ, ab urbe sum exiturus, & si dij voluerint, in primâ mansionem mansurus*. Deinde per ordinem *mansiones*, deinde *Statiua*. *Sedes* dixi intellegi: & ipsa ea vox pro castris. Vegetius: *Eruditi in sedibus milites*. Ammianus: *Militares numeri destinatas remearunt sedes*. Et plusscula exempla. At *Hiberna* sunt, quæ per hiemem & in diuturnâ mansionem militibus receptaculum: ab ipso item sic tempore dicta. *Hiemalia* Vopiscus appellauit: *Tuum est illic Hiemalia & Æstiva disponere, ubi tuis nihil deerit*. Istorum origo in Liuiio, bello Veienti: *Hibernacula etiam, res noua Romano militi, edificari cœpta*. Annæus Florus: *Tunc primum hiematum sub pellibus, taxata stipendio hiberna*. Id fuit sub annum Urbis CCCLVIII. Hæc non est dubium quin paratu & opere paullò accuratiora *Æstiuis* fuerint: & meritò, tum contra cæli iniurias, tum quia vsui plura necessaria in diuturnâ morâ. Itaque hæc talia, fortasse

fortasse & Statua, partes siue membra habebant magis distincta, vt *Armamentarium*, *Fabricam*, *Valetudina-*
rium, & siquid reperis tale. Imò reuera instar opidorum
 sæpe struebantur, præsertim in finibus imperij, & vbi
 perpetuæ stationes & prætenturæ contra hostem. Tale
 in Euphratis, Danubij, Rheni nostri ripâ: & hæc ea ori-
 go & genitura nobilium aliquot hodie opidorum. Ad
 hæc etiam, ea quæ *Procestria* dicebant, nisi fallor. Festus
 enim in eâ voce explicandâ nutat: *Procestria*, quò proce-
 ditur in muro. *Ælius Procestria* ædificia esse dixit extra
 portam. *Artorius* quæ sunt ante castra, etiam qui non ha-
 bent castra, propugnacula quibus pro castris vtuntur ædifi-
 cant. Sententiæ tamen haud nimis diuersæ, si attendis.
 Prima est, locum spatiumque sic dici processus in mu-
 ro. quid vult? ambulacra illîc, à procedendo? vix opinor,
 & malim scribi, quò proceditur à muro. vt sint *Procestria*,
 quidquid ante muros est. quomodo *Ælius*, ædificia extra
 portam: quasi Suburbia aut *ωγάζεα*. At *Artorius*, vult
 ædificia esse ante castra: & si non sint castra, illa ipsa quæ
 loco castrorum sunt, propugnacula ædificiæ. Ita enim
 postremam vocem scripserim, & me capis. Duplex est
 sententia scilicet *Artorij*: aut ædificia ante castra esse;
 aut ipsa illa quæ vice castrorum vsurpantur. Sicut *Pro*
castris, duo notat, & ante ea, & pro ipsis. Sed quid iuuat
 hæc* *Ἰζανθίζω*? tenuis fructus: magis noto, pro *Arto-*
rij priore sententiâ morem castrensem esse, quem *Taci-*
tus notat. *Subuersa longæ pacis opera*, haud procul castris in
 modum municipij exstructa. Sunt profectò hæc *Proce-*
stria: quæ adnexa ferè Hibernis aut Statiuis, vt eò recipe-
 rentur lixæ, aduenæ, & qui alij paganorum castra se-
 querentur. Misceri enim eos militibus, non Romanus

Membra
castrorum

Procestria

Diuinatio
in Festo.

Et iterum.

* subtiliter
vellere,
spinas ab-
legere.
Tacito lux.
1111. Hist.

Lib. VI.

vsus. Cæsar pro hac consuetudine, cùm Germanos equites subito scribit ad castra auolasse: *Nec prius sunt visi quàm castris appropinquarent, usque eò ut qui sub vallo tenderent mercatores, recipiendi sui non haberent facultatem.* Manifestò dat intellegi, lixas, id est mercatores & id genus, sub castris tetendisse, non in castris; & receptum denique in ea habuisse, hoste instante.

„ *Circa itinera, circa metationes, circa instructiones copiarum.*] Tria polliceri videtur iam dicturus, *Agmen, Castra, Acies.* Priora duo exsecutus est, etsi ordine alio: tertium desidero, si tamen id sensit. Vox Græca sanè eò ferè ducitur: & si ita est, absoluo culpæ Polybium cuius antè reum feci, quasi neglegenter de Acie omisisset. Fortasse nunc non ipse, sed exscriptorum aut temporum culpa hæc subduxit.

DIALOG. II.

Prætorij positura, eius magnitudo, & partes.

POLYB.

Ἐστὶ δὲ τὸ γένος αὐτῶν τὸ στρατοπέδειασι τοῖσι. Ἐκείνῳ δὲ αἰσθητὸν ὅτι αὐτὸς ἀπὸ τοῦ στρατοπέδου, τέταρτον ἐπιπλεῖσθαι εἰς σωφρονισμὸν αὐτῶν ἀπὸ τῆς ἀσφαλείας, ἢ τοῦ στρατοπέδου οὐκ ἔστιν ἀκαταλαβάναι. τῆς δὲ τῆς σημαίας, ἢ μέλλουσι πηγνύσθαι ταύτῃ, ἀπομετρεῖται περίεξ τῆς σημαίας τετραγώνῳ ὅτι πᾶσι. ὥς τε πᾶσας τὰς πλευρὰς ἑκάστην ἀπέχων πόδας τῆς σημαίας,

Est autem metatio castrorum eiusmodi. loci semper, quem castris dilegerint, aptissimam & commodissimam partem aspectui simul & iussioni, eam sibi vindicat Prætorium. Signo autem posito, ubi id defixuri sunt, mensurâ definitur circum id signum quadratum spatium, sic ut omnia latera à signo centum pedes absint, fiatque
tota

τὸ δ' ἐμβαδὸν γίνεσθαι τετρά- tota ipsa area siue pedatura
πλεθρῶν. iugerum quaternum.

CVm laudauit Polybius castra, ponit & designat:
sed Prætorium primò. Quidni illud? honoris &
decentiæ causâ primo Duci primus locus. Tamen Ve- Signa pri-
mo locas
Vegetius.
getius ipsa Signa militaria præmittit, atque iis locum
præmetatur. *Prima, inquit, signa suis locis intra castra po-
nuntur, quia nihil est venerabilius, eorum maiestate militi-
bus. Deinde Duci Prætorium eiusque comitibus præpara-
tur, ac Tribunis tabernacula collocantur.* Et Polybius hîc
quoque (& magis postea) *Signi aut Vexilli* meminit pri-
mò positi: sed in alium sensum, nec illius militaris. Sanè
Vegetij aucto dixeris Signa in vno loco circa Principia
constitisse: quod & ex Taciti scriptis liceat opinari. At
Polybius Signorum mentionem haud aliter facit, vide-
turque locare in Manipulis suis quodque, aut Turmis.
Ista quidem Signa, quæ ad locum notificandum, me-
tatorum sunt, vt postea dicam, non legionum aut ma-
nipulorum.

„ *Apertissimam & commodissimam partem aspectui simul
& insioni.*] Nempe eam partem quæ editior, aut cui Prætorium
in edito
aut conspi-
cua.
aliunde nihil obstabat: quæ aspici vndique & aspicere
poterat, è quâ dari mandata & audiri. Nam ecce Allo-
cutio, Signi ad pugnam propositio, circa Prætorium aut
super ipsum facta: quæ locum volebant liberum & con-
spectum. Ea ipsa res ad maiestatem aliquam & vim im-
perij faciebat, eminere loco qui dignitate eminebat.
Ipsam etiam Tabernaculum, nisi fallor, non latius so- Ipsam
erectius.
lùm ceteris, sed altius, & quasi in vrbe aliquâ templum.

„ *Prætorium.*] Vna ista vox Latinis, quam duplici Po-
lybius interpretatus est, & σκαμνοῦ σκηνήν: tabernaculum.

strategii. *Pratoris*. Et si Græci quoque simpliciter στρατήγιον, quasi
Imperatorium aut *Pratorium* dicunt. Corrigi Suidam
 ita censeo: στρατήγιον ὁ τόπος ὅς ἐστι στρατῶν: *Strategium locus*
exercitus: imò verò τὸ στρατηγεῖν, vel ex iis quæ Sui-
 das adtextit. Sed cur Latinis *Pratorium*? Festum audi:
In initio Praetores erant, qui nunc Consules, & ij bella admi-
nistrabant. quorum tabernaculum quoque dicebatur Præ-
torium. Augustæ ætas videtur & hoc *Augustale* dixif-
 se: ut quidem in Fabio lego, sed solo: *Carmen funebre,*
proprie Nenia, & tabernaculum ducis, Augustale. Potest
 ab Augustis ita dictum esse, qui in eo tendebant: sed ex-
 emplum tamen eius verbi aut usurpationem, mirum
 nusquam reperiri. Aliter autem etiam Latinis vox *Præ-*
torij: nec pro loco solum, sed pro conuentu & homini-
 bus qui in eo loco. Hoc sensu *Pratorium* dimittere di-
 cunt: quod est proinde, quasi *Curiam mittere, aut Sena-*
tum. Lib. xxx. *Liuius: Tribunis edicit, ut ubi Pratorio dimisso signa*
 Lib. xxxvi. *concinuissent. Idem iterum: Priusquam Pratorium dimit-*
teret, denūciauit. Iterumq;: Fuluius dimittens Pratorium
Tribunis militum imperat. Quæ missio semper ad horam
& statutum tempus facta, scilicet vespere & luce abeun-
te, cum Vigiliæ mox constituendæ essent, & quisque ad
corpora aut munia sua curanda abiret. Ideò mandata,
siqua in noctem aut primam lucem Imperator vellet,
tunc dabat: ne quies turbaretur castrorum. Dictio hæc
 Lib. xxi. *restituenda Liuius, in rebus Annibalis. ubi acer ille Im-*
perator & in dolos intentus, sub pugnam ad Trebiam, fra-
tri suo Magoni in tabernaculo inquit: Delige centenos vi-
ros ex omni pedite atque equite, cum quibus ad me vigiliam
primam venias: nunc corpora curare tempus est. Ita praco-
nium missum. Sic scribunt usque adhuc, & explicant
 Præco-

Præcones circummissos qui edicerent corpora curare. Ego verò non admitto in Romanâ aut Punicâ militiâ *Præcones*: etsi Græcos habuisse probè scio: magisq̃ue accedo veteribus libris, in quibus constanter repperi, *Prætorium missum*: & quis non probet? Simile est alterum illud è militiâ, *Mittere principia*. In Frontino leges: *Perstare in principiis, donec ea mitterentur, præcepit*. Quod ille de militibus dixit ignominiâ notatis, & oculis omnium in fœdo habitu ibi expositis. Tentanda non est aut im- mutanda ea scriptio (conati quidam:) firmaturq̃ue ite- rum à Frontino: *Tempus elegit quo missa principia quie- tem omnibus castrensibus dabant*. Quid igitur hoc est? pænè idem quod alterum prius: & dicuntur mitti aut dimitti Principia, cùm Tribuni non vltra ibi præfident, ius aut mandata dispertiunt, sed sub noctem ad Præto- rium eunt, mox ad se ituri. Id verò est *mittere principia*, & conuentum militum soluere qui ibi frequentes. Cùm de Vigiliis agemus, capies hoc magis.

*Correctus
Luius.*

*Principia
mittere.*


*Lib. IIII.
cap. I.*

*Lib. II.
cap. V.*

*Quo sensu
dictum.*

„ *Vt omnia latera à signo centum pedes absint.*] Signum hoc fuit vexillum album, vt infra dicam. Ab eo remo- uet quaquauerfus latera pedes centenos. Est igitur qua-

*Area
Prætorij.*



dratum hoc iustum, cuius latera singula *pedum du- centenûm*. Nam vide in fi- gura. Grandis igitur & capax hæc metatio, ac par (vt mox videbis) illi quat- tuor manipulorum, siue hominum *quadringento- rû octoginta*. Ergo ne opus tantâ opus. Primùm, quia

*Cui tam
ampla.*

B b 3

ipse

ipse Prætor pro se laxius paullo agere & tendere debuit, quàm caput aliquod è vulgo. Deinde, quia ministri aut comites illi plures, quos iuxta se habebat. Inter ministros, lictores erant primò, & peculiares deinde serui ad varios eius vsus. Inter comites, honestiores multi qui amicitia causa aut militia sponte eum secuti. Hi è *contubernio Prætoris*, aut *Contubernales* eius dicebantur, quoniam eadem ista pedaturâ tendebant. Imò Senatorum filij, & tale nobiliorum genus, comitari ita magistratus solebant. Atque ipse Iulius Cæsar, cum suâ quadam causa peregrinari nobiles nollet, tamen hoc vtiliter à maioribus institutum non abrogauit, & cum exceptione edixit: *Nen quis Senatoris filius, nisi contubernalis aut comes magistratus, peregrè profisceretur.* Ita Suetonius in eius rebus. Et sanè utilitas hinc clara quòd iuuentus castè modesteque agebat sub oculis & in latere ducis: quòd sermonibus sæpe militaribus, & interdum consiliis, intererat: denique *duces agere*, vt Plinius admonet, *parendo discerebat.* Sed & laxitate Prætori opus, ad mulos & iumenta quæ plura habebat, itemque ad suppellectilem & vasa. Pecunia è publico ad *Mulos & tabernacula* dabatur: & altera ad *Vasa, Vasarium* appellata. In his quidem, adeò non vsum sed delicias & luxum quidam spectabant, vt de Cæsare scripserit Suetonius: *In expeditionibus tessellata & sectilia pauimenta circumtulisse.* scilicet quibus Prætorij sui solum parte aliquâ regeret, & sterneret in breuem vsum. Nec de Prætorio plus hauseris è Polybio: de meo aliquid addam: quoniam toto capite adnuis, fiat. Forma eius fuisse videtur rotunda, ex Varrone: *In cauedio si locus nullus relictus sub diuo qui esset, testudo dicebatur, à testudinis similitudine: vt est in Prætorio*

Ministri
& appariti
Prætorij.

Comites
& Contu-
bernales.

Cap. XLII.

Muli &
vasa mul-
ia.

Iuliana
delicia.

Cap. XLVI.

Forma
Prætorij.
III. de
L. L.

torio in castris. Significat testudineâ formâ id fuisse, pæ-
nè in rotundum. Hac causâ fortasse Iosephus cūm tem-
plo componit: ὁ σεατήριον, inquit, καὶ ὁ ἀπλήσιον: *Præto-*
rium templo simile, quòd templa pleraque rotunda: aut
etiam, quòd eminebat in mediis castris, vt in vrbe ali-
quâ templum. An & quia religio ibi, & pars sacrorum?
certè *Augurale* fuit, vbi sacrificare & auspicari Impera-
tor solet. Tacitus de Germanico: *Nocte ceptâ egressus*
Augurali, per occulta & vigilibus ignara. Meminit ite-
rūm: *Structam ante Augurale aram subditâ face accen-*
di. Ita enim legerim magis, quàm vt vulgatur: *Structa*
ante Auguralem aram. Quasi Ara aliqua cognomento
Auguralis fuerit: quod non probo, nec etiam ante aram
aliquid strui mos, sed in ipsâ, aut super ipsam. Itaque
crediderim ante ipsum Augurale aram hanc fuisse, in
quâ sollenniter libamenta aliqua illata & cremata, cot-
tidianæ religionis ergo. An non Dionysius hanc intel-
legit, cūm inter prodigia scribit: Τὸ ἐτέρον τῶν ἰσάτων
γαῖς μαλὶς κεραυνὸς εἰς τὸ σεατήριον ἐμπεσὼν, τὸν τε σκηνὴν
διέσπασε, καὶ τὴν ἐστὶαν ἀνέτεψε: *In alterius Consulū,*
C. Manly Prætorium fulmen incidens, & tabernaculum
disiecit, & focum siue Aram euertit. Nisi si de Larum ma-
gis foco intellegit: quod in medio pono. At ipsum no-
strum hoc est, quod *Auguratorium* Iulio Hygino dici-
tur (vir ille de Castris scripsit, & vidi in codice veteri ac
libaui) *Auguratorium*, inquam, ipsi: qui & situm docet: *ubi id sitū.*
Auguratorium parte dextrâ Prætorij, Tribunal leuâ, vt
accepto augurio in super ascendat. Ecce duo membra Præ-
torij, Augurale & Tribunal, & vtrique suum locum.
Quod autem *dextrâ* ait, aut *sinistrâ*: puto capiendum
pro intrantium ratione, & aspectu venientium à Decu-
manâ.

Lib. iir.
Excid.Cum tem-
plo compa-
ratur.Augurale
in eo.
ii. Annal.

xv

In Tacito
nostra le-
ctio.Ara ad
Augurale.

Lib. ix.

ubi id sitū.

manâ. Sed & Stabula, Culinam, & eiusmodi partes seorsim in Prætorio fuisse, tu tibi subieceris me silente, nec longè à Prætorio *Armamentarium*, cùm id fuit.

„ *Tota ipsa area siue pedatura iugerum quaternum.*]

In Græco *Plethra quaterna* sunt: nos fecimus *iugera*, etsi plurimum opinione Iugerum est paullò maius. Possis ve-

Versus,
quid.
1. de RR.
cap. I.

riùs firmiusque, *Versus*. Varro: *Versum dicunt centum*

pedes quoquoversus quadratum. Quod ipsum dimensum quater est in areâ Polybianâ. Sed Varro addit, in *Cam-*

paniâ vulgò sic appellare & metiri: contrâ Hyginus in

Dalmatiâ. *Iugerum*, inquit, in *Dalmatiâ Versus* appel-

lant, in *provincia Carbonensi* alij *Libram*, alij *Paral-*

leuam. Sed in verbis quid insistam, cùm rei adfatim?

A V D. Etiamnum insistes, & te rogo. L I P S. Quid illud?

Pedatura.

A V D. *Pedaturam* hîc quam appellas, ea firmat mihi pe-

dem. Libera & expedi. L I P S. In facili est: quia tamen

voce eâ sæpe & necessariò vtar, audi. Quod Græcis πο-

Podismus.

disμός, id Latinis *Pedatura*: etsi *Podismi* ipsâ Græcanicâ

voce crebrò in hac tali re Vegetius vsus. Podismus au-

tem, dimensio, aut & dimensum ipsum per pedes: sicut

σταδιαμός, per stadia. Ad verbum est, *Pedatura*. Glossæ

Lib. III.
cap. VIII.

illæ fidæ: ποdisμός, *pedatura*. Vegetius: *Singula centuria*

v. Var. IX.

accipiunt pedaturas. Cassiodorus: *Pedaturas murorum*

omnes subeatis. Hyginus in istâ re castrorum: *Si strictior*

fuerit pedatura. Et accipiunt, vt vides, non pro ipsâ men-

surâ tantum, sed pro spatio areaque quam sic dimensi.

Pes pro
ecdem.

Nescio an Frontinus magis nouè hoc ipsum non *pedem*

Lib. IIII.
cap. III.

dixerit: *Pomiferam arborem*, inquit, *quam in pede castro-*

rum fuerat amplexa metatio. Interpreter equidem, *peda-*

turâ & *areâ*: nisi quis extremum & finem castrorum ma-

lit. Sed pro priore tamen sensu sciat & Senecam esse:

Exigua

Exigua saepe area in multos usus describentis arte patuerunt, & pedem quamuis angustum dispositio fecit habitabilem.

DIALOG. III.

Tribunorum metatura, Quaestoris, Euocatorum, Ablectorum, Extraordinariorum.

IAM perge sodes, & lege:

Τέτρε δὲ σχήματος αἰὲν ὡς αὖ
μίαν ἐπιφάνειαν ἐπιδραῖν, ἥ-
τις αὖ ἐπιπρόφορτα φανῇ ὡς
τετὰς ὑδρείας καὶ ὡς νομάς πα-
ραβάλλεται τὰ ῥωμαϊκὰ στρα-
πέδα τὸν τόπον τῶν, ἐξ ὑπερ-
χόντων χιλιαρχῶν ἐν ἐκάστῳ
στραπέδῳ καὶ τὸν ἀρπύλλον, οὕτως
δὲ στραπέδων ὄντων τὰν ῥωμαϊ-
κῶν αἰὲν μετ' ἐκαλέσθαι ὑπάτων,
φθινερὸν ὅτι δώδεκα χιλιαρχὸς
ἀνάγκη συστῆσθαι ἐκατέρω τῶν
ὑπάτων. πρὸς αὐτὴν δὲ τὰς τούτων
σκηνὰς ἐπὶ μίαν διδῆαι ἀπά-
σας, ἥτις ἐστὶν ὡς ἀλλήλων τῇ τε
τετραγώνῳ ὡς κελεύει τὴν πλο-
υρά. πεντήκοντα δ' ἀπέχει πόδας
ἀπ' αὐτῆς, ἵπποις ἅμα δ' ὑπο-
ζυγίοις ἐπὶ τῇ λοιπῇ τῶν χιλιαρ-
χῶν διποκδοῦν ἕπος. αἱ δὲ σκηναὶ
ἐπὶ προσήμους σχήματος εἰς ἑμ-
παλιν ἀπὸ στραμμέναι, πῆλυνται

Ad huius figura semper POLYB.
unum adspectum & latus,
quod optimum videatur a-
quationi & pabulationi lo-
cantur Romanae legiones hūc
in modum. Cum sex Tribu-
ni sint in legione, ut diximus,
& duae sint utique legiones
ipsius Consulis, liquet duode-
cim Tribunos alteri Consu-
lum in militiā adesse. Collo-
cant horum tabernacula ad
unam rectam lineā omnia,
quae parallela sit & paridi-
stās lateri Quadrati in hanc
rem capte. Distet autem ab
eo quinquaginta pedes: equis
scilicet, & iumentis, & reli-
quis Tribunorum impedi-
mentis locandis. Taberna-
cula autem praedicta Figura
aversa ponuntur, ut extror-
sum

Cc

sum

πρὸς τὴν ἐκτὸς Τριφάνειαν, ἥ σοι
 ἔστω ἡ καλεῖσθαι καὶ ἀπαξ ἡμῖν
 αἰεὶ ἑπ' ἀντὶς χήματος καὶ πρὸς
 σωπόν. ἀφ' ἑσῶσι δ' ἀλλήλων μὴ
 ἴσον αἰτῶν χιλιάρχων σκηναί. Τσ-
 οῦτον δὲ ῥήπον, ὥστε παρ' ὅλον τὸ
 πλάτος αἰεὶ τῶν Ῥωμαίων σε-
 τῶν παρὲν παρέχων.

*sum spectent. quod sit, & ap-
 pelleretur semel à nobis totius
 figura castrensis frons & fa-
 cies. Distant inter se Tribu-
 norum tentoria aqualiter,
 & eò producuntur, ut omne
 spatium attingant Romana-
 rum Legionum.*

Statuto Prætorio & sede Consulis, proximum est locare
 ab eo proximos. ij sunt Tribuni. Ponit: & indicat quâ
 parte semper. Ait:

*Prætorij
 aspectus
 Decumana
 nā versus.*

„ *Ad huius figura semper unum aspectum & latus.*] Se-
 riò hoc monet & præmittit, numquam variatum in hac
 positurâ. Semper ad vnum latus idemque huius Qua-
 drati Tribuni collocati; & infra eos, legiones. Quod au-
 tem latus? id, inquit, quod aquando aptissimum sit &
 pabulando. Igitur aptabant ita castra, ut Prætoria ferè
 porta hostem spectaret, Decumana auerfissima ab illo.
 Et per hanc plurimùm aquabantur & pabulabantur:
 ergo & facies castrorum tota versa in illam.

„ *Quinquaginta verò pedes ab eo distat.*] Rimanti aut
 inquirenti omnia hîc satis clara. Linea ista, inquit, paral-
 lela distat à lineâ Quadrati quinquaginta pedes. Quo
 fine hoc spatium? ut tabernacula illîc Tribunorum pos-
 sint statui: atque ea ipsa laxiora, calonibus, equis, mulis.
 Quis nescit honestius paullò comitatos instructosque
 fuisse hos militum duces, & sæpe Senatores?

*Frons ca-
 strorū, du-
 plici confi-
 deratione.*

„ *Totius figura castrensis frons & facies.*] Id eâ causâ,
 quòd omnia illuc spectent & intendant. Hac igitur con-
 sideratione Prætoria porta, & quæ iuxta eam, tergum
 & po-

& posteriora castrorum sunt: Decumana & introrsum alia, facies & pectus. Diuersa inspectio est, cum Tacitus *auersa castrorum*, Decumanam appellat: & Liuius, *ab tergo castrorum* eam ponit: quod fit intuitu & relatione ad hostem. Nam hæc ferè semper illi auersa, & tum frons censetur pars ei proxima & opposita.

„ *Distant inter se Tribunorum tentoria aequaliter.*] Nota non continua igitur fuisse, nec connexa. Cur autem separata? credo ad vsum militare, & vt commeatus ac transitus vndique ad Forum vtrumque esset, per minutas illas vias & spatia interiecta. Sed & dignitas locationis maior, sic diuisæ & abiunctæ. Quanta autem illa interualla? in Tabulâ videbis. Nunc, si placet, lege non quæ sequuntur, sed paullò inferiùs, quæ huc spectant. Etsi enim Polybius ipse Principia & legiones hîc adtexit: tamen ordini meo & intellectui tuo aptius, totam *Superiorem* partem simul describi, & tum ad *Imam* iri. Ergo ista nunc lege:

Ο' δ' ὑπὸ ταῖς τῶν χιλιάρχων
σκηνῶς ὅπου ἐν ῥῆσι ὑποπέπλω-
κώς, ἑξ ἑκατέρου τῶν μέρους τῶν
στρατηγῶν ὡς ἀσάσεως ὡς ἀκεί-
νους, ὁ μὲν εἰς ἀγορῶν γίνεται
ῥῆσι, ὁ δ' ἕτερος τὰ τε ταμίαι καὶ
ταῖς ἀμάλκτω χορηγίαις. ὁ δὲ τῶν
χιλιάρχων σκηνῶν, καὶ τῶν οἶον
Ἰππικῶν ἔχοντες τάξιν ὡς
ταῖς σκηνῶν, οἱ τῶν Ἰππικῶν
ἰππέων. ὁ δὲ τῶν ἰππέων, καὶ τινες τῶν

At qui ponè Tribuno- POLYB.
rum tentoria locus iacet,
ἑξ ex utraque parte Pra-
torio adiacet, eius una pars
Foro destinatur, altera
Quæstori eiusque apparati-
bus. Ab utroque verò ex-
tremo Tribunorum taber-
naculo, retrò quasi inflexam
metationem habent Extra-
ordinariorum equitum Ab-
lecti, ἑξ quidam ex iis qui
Cc 2 ultrò

ἐθελοντηδὸν στρατοῦ μύρων τῇ τῶν
 ὑπάτων χάριτι. πάντες ἔτι στρα-
 τωπεδίουσι πρὸ αἰῶνος ἐν τῶν πλα-
 γίων ἔχοντες χάρακος ἑπὶ φανείας.
 βλέποντες ὁ μὲν ἐπὶ τὰς ἑτα-
 μείου στρατοῦ, οἱ δ' ἑκατέρου
 μέρους εἰς τὴν ἀγορὰν. ὡς δ' ἐπὶ
 τὸ πολὺ συμβαίνει ἰσότης, μὴ μόνον
 στρατῶν δὲ σὺν ἑαυτοῖς τῶν ὑπά-
 των, ἀλλὰ καὶ τὰς πορείας, καὶ
 καὶ τὰς ἄλλας χρείας περὶ τὸν ὕ-
 πατον, καὶ τὴν ταμίαν ποιῶν τὴν
 ἐπιμέλειαν, καὶ τὴν ὅλῃ διατε-
 λῶν. ἀντίκεινται ὅτε τοῖς ἐπὶ τὴν
 χάρακα βλέποντες οἱ τὴν στρα-
 τῶν χρείαν παρεχόμενοι περὶ τοῖς
 πορείαις ἑαυτοῖς ἰσότητος. ἐξ ἧς
 ὅτε τοῖς δίοδος ἀπολείπεται πλά-
 τος ποδῶν ἑκατὸν, πρὸς ἄλληλην
 ὁ μὲν ταῖς ἑλὼν χιλιαρχῶν σκηνῶν.
 ἐπὶ τὰ τετρα ὅτε τὰς ἑταμείων, καὶ ἑτα-
 μίαν, καὶ ἑταμείων πρὸς αἰῶνος,
 πρὸς πάντα τὰ προειρημύνα μέ-
 ρη ἔχοντες χάρακος. πρὸς ὅτι τὴν ἀνωτέ-
 ρω πλὴν τῶν ταύτης, οἱ τῶν συμ-
 μάχων ἰσότης ἐπὶ τῶν στρατο-
 πεδίουσι, βλέποντες ἐπὶ τὴν τὴν
 ἀγορὰν αἶμα καὶ τὸν στρατὸν, καὶ
 τὸν ταμίαν. καὶ μέντοι τὴν τὴν τῶν
 τῶν ἰσότητος παρεμβολῶν, καὶ κατ'
 αὐτῶν τὴν ἑταμείαν περὶ τῶν,

ultrò ac sponte in gratiam
 Consulū militant. Hi om-
 nes locantur et spectant
 transversa latera, alij
 Quæstorium intuentes, a-
 lij Forum. Plerumque
 autem evenit, istos non mo-
 dō metari circa Consules,
 sed et in agmine et viā
 faciendā, alijsque admi-
 nistrationibus, curare at-
 que agere apud Consulem,
 et Quæstorem. Oppo-
 nuntur istis in vallum spe-
 ctantes, consimilem pradi-
 ctis usum præbentes Pedi-
 tes. Supra deinde utrosque
 via relinquitur lata pedes
 centum, parallela Tribu-
 norum tentoriis, ad utrum-
 que autem Fori latus et
 Prætorij et Quæstorij per-
 tingens et ad omnes dicti
 valli partes. Ad superum
 huius via latus sociorum e-
 quites Extraordinarij me-
 tantur, Forum versus aspi-
 cientes, et Prætorium, et
 Quæstorium. Circa mediam
 horum metaturam, et è re-
 gione ipsius Prætorij, via re-
 linqui-

δίδωθ' ἀπολείπεται πεντήκοντα
 ποδῶν, φέρεται μὲν ἐπὶ τὴν ὀπί-
 σθεν πλευρὴν τῆς στρατοπέδεως, τῇ
 ἢ τὰξὶ πρὸς ὁρθεῖας κειμένη τῇ προ-
 ερημικῇ πλατείᾳ. τοῖς δ' ἱπποῖσι
 τὰ τοῖς ἀντίτοιποι τίθενται πάλιν
 οἱ πᾶν συμμάχων ἐπὶ λεκτοί πε-
 ζοί, βλέποντες πρὸς τὴν χάρακα,
 ἐπὶ τὴν ὀπίσθεν ἐπὶ φάνταν τῆς ὁλης
 στρατοπέδεως. τὸ δ' ἀπολεπόμε-
 νον δὲ ἐκατέρωθεν μέρες τῶν κέ-
 νωμα ὡς αἰσῶν ἐκ τῶν πλαγίων
 πλευρῶν δίδεται τοῖς ἀλλοφύ-
 λοις, καὶ τοῖς ἐκ τῆς καιροῦ περὶ
 γνωμένοις συμμάχοις.

linquitur quinquaginta pe-
 dum, quæ fert ad postica
 castrorum, ordine autem
 & situ rectangula est præ-
 dictæ viæ latæ. His demum
 equitibus auersi locantur
 sociorum Extraordinarij pe-
 dites, aspicientes vallum
 & tergo castrorum. Quod
 autem superat vacuum ex
 utraque harum partium,
 ad latera transversa, id
 datur extraneis & si quis
 subito & ex tempore socius
 aduenerit.

Tribunos cùm locauimus, videamus ecquis alius è di-
 gnioribus in isto tractu? Ita, inquit, etiam Quæstor.
 Vbi? designat:

„ Qui ponè Tribunorum tentoria locus iacet.] Amplius
 & ducentorum pedum scilicet in longo, maior in lato.
 Atque is ab utraque parte Prætorij, utrisque Tribuno-
 rum tentoriis respondet. Quid autem eo fit?

„ Eius una pars Foro destinatur.] Quod & rebus vœ-
 nalibus, opinor, seruiit, & conuentibus, & legationibus
 etiam audiendis In Suidâ reperio fragmentum: Ολίγον
 ἐξωτέρω τῆς στρατηγικῆς σκηνῆς, χωρίον ἡ ὥσπερ ἀγορὰ ἀπεδεί-
 κτε. ὃ δὴ γνῶμα περὶ σκηνοπέδου. ἐκεῖσε δὲ αἱ πρεσβεῖαι καὶ αἱ ἀγέ-
 λαι καὶ ὅλα ἐγίνοντο: Paullum ultra tabernaculum Præto-
 rium, locus ostensus fuit velut Forum, qui Gnoma appella-
 batur. Illic autem legationes & nuncij, & alia administra-
 bantur.

* Lego
 ἄλλα.

bantur. Sed nescio tamen an non de loco & Foro Quæstorio hoc accipi verius sit, quoniam ad eum veniebant & deducebantur primò legati. Ita sanè in Hygino scriptum: *In Quæstorio maximè legati hostium & obsides, & si qua prada facta fuerit in quæstione* (forte Quæstorio) ponitur. Quod autem Suidas ait *Gnomam* appellari, mihi inauditum est: doceat qui nouit.

„ Altera Quæstori, eiusque apparatibus.] Vtrumque hoc spatium grande fuit, & in omni latere circiter *pedum trecentorum*. Vnum igitur, atque id dextrum (respectu Prætoris in castra versi) Foro seruiit: alterum, de quo nunc, Quæstori. Sed itane Polybi ponis? palàm, & mox reponis. At nobis tamen dubitatio aut remora, ex Liuii aliquot locis, qui in te pugnant. Narrat alibi, Samnites in castra Romana improuisos irrupisse: & ab tergo, inquit, castrorum, portâ Decumanâ, impetus factus. itaque captum Quæstorium, Quæstorque ibi L. Opimius Pansa occisus. Quid clarius, quàm haud longè à Decumanâ Quæstorium fuisse? Sed & Quæstoriam portam idem nominat, & ponit à Prætoriâ longè. vt cùm de L. Æmilio, qui suos instruit in castris aduersus Ligures. Is M. Valerium erumpere Extraordinariâ portâ iussit: ad dexteram principalem hastatos legionis primæ instruxit: tertia legio aduersus sinistram principalem, Q. Fulvius Flaccus cum dexterâ alâ ad Quæstoriam portam positus. Pressius hæc considera. Ad quattuor portas exercitum instruxit, & orsus ab Extraordinariâ (ea est Prætoriâ, ad veramque Principalem, & tum Quæstoriam descendit. Quæ hæc esse potest, nisi Decumana ipsa? sic dicta scilicet, quia Quæstorio vicina. Indicat iterùm Liuius, cùm Galli Boij Sempronium in castris aggrediuntur. ac dum ille, inquit,

Quæstorium
vbi.

Liuius dis-
sentire vi-
detur.

Lib. x.

Quæstoria
porta.

Lib. xl.

inquit, suos disponit & duabus Principalibus portis signa Lib. XXXI III.
 efferre iubet: alius tumultus ab aduersâ parte castrorum est
 exortus. In portam Quæstoriam irruperant Galli. Et mox
 addit: tria prælia circa castra locis distantibus fuisse. Ecce
 duas principales portas abiungit à Quæstoriâ, & hanc ait
 in aduersâ (siue magis placet auersâ, aut diuersâ) parte
 fuisse: item, prælia illa distantibus locis facta. Atquin
 profectò si Quæstorium, vbi Polybius ponit, nihil cla-
 rius, quàm ad alteram Principalem id fuisse. Hæc talia
 sunt mi Auditor, vt ego quidem sine calumniâ nihil iis
 obtendam. Descendo illuc, vt olim & veteri æuo Quæ-
 storium fuerit è regione Decumanæ, viâ mediâ Concilia-
tio citata. *Quintana*. Rationem ille situs habuit. quòd in vtraque castro-
 rum parte voluerunt imperium aliquod & magistra-
 tum esse. Si ita est, tum & viam illam latiore fecerim,
 & centum haud minus pedum. Argumentum aliquod
 pro hac re, quod etiam postea (Quæstorio iam transla-
 to) forum illud Quæstoris *Quintana* appellata: quid nisi
 prisco nomine, vt solet, retento? Nam quod Isidorus
 ait: *Quintana, pars plateæ quintæ est, quæ carpentum progre-* Quintana.
di potest: aut nec verum est, aut nihil ad hanc nostram
 facit. De quâ Festus: *Quintana appellabatur in castris*
post Prætorium, vbi rerum utensilium forum fuit. Et si in
 eo legitur: *Quintana appellabatur porta in castris.* Sed
 portæ profectò vox delenda (palàm enim falsa) aut in
 partem commutanda est. Vnde enim in portâ forum?
 Sed etiam alibi sic appellabant, exemplo castrensi. Sue-
 tonius de Nerone: *Quintanâ domi constitutâ, vbi parte* Cap. xvi.
prædæ & ad licitationem diuendendæ pretium assumeretur.
 Hæc olim dico sic fuisse: ante Polybij tamen æuum mu-
 tasse, & visum transferri Quæstorium in Prætorij latus,
 vt vici-

ut vicinius esset. Nescio an non huc Hygini nota faciat: *Quæstorium*, inquit, dicitur quòd aliquando ibi *Quæstores* pedaturam acceperint, quod est supra *Prætorium* in rigore porta, quæ à cohortibus decimis ibi tendentibus *Decimana* est appellata. Videtur agnoscere veterem illum situm, & retentam etiam appellationem: etsi aliter ostendit nunc esse. *Aliquando*, inquit, *ibi acceperunt pedaturam*: nempe priscis temporibus. An magis est intellegi, quòd iam ævo Principum *Quæstores* non amplius in militiam irent: atque ita nomen loci sine re esset? Sed tamen situs quem tangit, non est profectò iste Polybij & nouus: sed planè vetus ille, è regione *Decumanæ*. Nisi quis alius in verbis iis sensus, quem scrutari magis pensiculatè haud possum: quoniam scriptus ille codex non vltra mihi ad manum, & paucula sunt excerpta. Siquis habet, & tanti est, videto, imò edito & videndum etiam aliis præbeto. Qualiæcumque illa vetera, præ istis certè nouitiis ponenda quæ sic affatim Typographia atque etiam *ἀνεκτίτως* nobis protrudit. Vis dicam tibi verum verbum? Ars ea quæ instaurandis litteris fuit, ea ipsa perdendis profligandisque erit, ut facilitatem hanc video imperitum quidquid aut ineptum diuulgandi. Sed ad meum *Quæstorium*. censeo igitur variasse, quod ad locum: & occurrit Liuij testimonium, è quo colligas satis longulè antè Polybij ætatem pro eius situ fuisse. Ita enim libro xli: *Prætorio deiecto, direptis quæ ibi fuerant, ad Quæstorium, forum Quintanumque hostes peruenierunt*. Apparet ad *Prætorium* & *Forum* adsitum tunc fuisse, ut verba hæc præferunt. Sed quid tam curiosè hæc persequor? & an non in ventum brachia iacto, aut cum Aristotele, *Γὰρ πτωχὸς δάκνῃ? vereor: de modo *Quæstorij* magis

*Volantia
sector.

magis addo: et si nec id liquidò possum. Polybius filuit: credam dimidiatum ad Prætorij fuisse, id est *ducentos pedes* in longum, *centenos* in latum. Amplitudo quidem opus fuit, ad comæatus, vestes, pecuniam, prædam, aliâque reponenda. Sed in verborum textu pergamus.

„ *Ab utroque extremo Tribunorum tabernaculo.*] Impleuit de præcipuis imperiis, transit ad milites qui vsui aut tutelæ eorum adiuncti. Nam Supera ista castrorum pars nihil habet præter duces, & eorum comites, aut administratos. Valdè hoc notandum. atque omne corpus legionum & fociorum infrà metationem habuit: eaque causâ ibi denique *Principiorum* nomen, & quasi hæc Supera esset extrâ castra. Amplius obserua. nihil aut parum è ciuibus iuxta Consulem aut Tribunos fuisse: nonne mirum? & quæ ratio? sapiens, vt mihi videtur.

Supera.
paris tota
Ducum.

Socij enim
stodia Cō-
sulis.

Quare?

Primò, Sociorum florem, id est Selectos & Extraordinarios, abiunxerunt loco & metatione à corpore reliquo, vt minor occasio coeundi esset, & fortasse in Romanos conspirandi. Certum est, vires abiunctas & discretas, minùs esse validas aut paratas. Deinde etiam: credo hoc spectasse, vt custodiam & tutelam suam Sociis permetterent, obligandæ eorum fidei: quia palàm sic iis creditum (naturâ humani ingenij) magis prouocabat vt tales se exhiberent quibus meritò crederetur. Fides habita fidem alligat, in animis quidem vbi alti aliquid est aut honesti. An & illa tertia causâ, vt robora hæc & apices fociorum circa se haberent, in oculis semper & aspectu? nequid dicere aut agere aliud possent clàm & in secreto? Quæcumque ex his causis, certum est sic fuisse: nec nisi Euocatos solos è ciuibus (eos ipsos sæpe pauculos) in parte eâ metatos. Hoc quoque ideò, quòd isti non legi-

Euocati
ibidem, &
quare?

D d

timi

timiaut scripti milites, sed veterani quidam erant, & voluntarij, ideoque velut comites & amici Consulis atrinsecus ad latus eius locabantur. Specie honoris haud dubiè factum; sed & præsidij ac custodiæ, vt fida saltem illa manus è ciuibus ad manum esset. Sed iam ad verba.

AVD. Imò ad mea rogata. Nam dicebas, *impleffe eum de imperiis*: itane? Vbi ergo *Legati*, quos nusquam video locatos? LIPS. Benè hoc iniicis, dabo. Polybius quidem etsi Legatos in castris statim agnoscit, & excubias iis assignat; tamen omisit & oblitus est Pedaturam. Quam aptè videor iis dare ad latus alterum Prætorij, & vbi Forum. Ita parte vnâ Quæstor sit, parte alterâ ipsi. Omnino ratio vult haud longè Prætorem eos tetendisse; quia & dignitate proximi, & ad eum sermonis consilijque causâ sæpe aduocati. Quid si plures iam Legati, & tot quot legiones, vt inferiore æuo factum? Credo, cùm tunc Quæstor non ita vulgò comitaretur, eos vtrimque ad latus Prætorij fuisse, & sic medium habuisse suum Ducem.

Lib. III.
Excid.

Dux summus
medius
dux Ducum.

Iosephus hæc talia vult: Μέσας δὲ τὰς τῶν ἡγεμόνων σκηνὰς τίθενται, μεσάτωρ δὲ τῶν τῶν στρατῶν: *Media tabernacula ducum suorum ponunt, maximè autem medium est inter ista Prætorium.* Quod veteri nouoque more verum est, & semper in medio Tribunorum aliorumque Ducum Prætoris locus. Profectò vt in ipsâ acie Prætor siue Consul (confundimus ista, vt scis) post Hastatos & Principes ante Triarios stabat, mediâ ferè acie, & ad latera Tribuni; ita hîc, nisi quòd pro Triariis Ablecti & Extraordinarij & Euocati substituti. Quia igitur medium ita Prætorium, in Ammiano scriptum: *Aleman-*

Lib. XVI.

Castra
Prætoria.

nos adusque Primanorum legionem locatam in medio peruenisse, quæ confirmatio Castra Prætoria dictitatur. Nempe à

pe à similitudine istâ posituræ in castris. Sed ohe, iam ad verba.

„ *Ab utroque extremo Tribunorum tabernaculo.*] Intellegit extremum, versus portas Principales, & vbi desinunt legiones, socij excipiunt. Nec tamen ita accipio, quasi ab ipso tabernaculo metatio ista rigidè cœperit: imò interuallum decorè medium aliquod fuerit, separandis Tribunis à Præfectis, vt mox dicam.

„ *Quasi inflexam metationem habent.*] Non incuruam aut lunatam, sed quæ in cubitum aut anconem. Figura castrensis, quam dabo, hæc & alia aperiet.

„ *Extraordinariorum equitum Ablecti, & quidam ex iis qui ultrò ac sponte militant.*] Duo genera hîc collocat, *Ablectos* equites & *Euocatos*. Vbi? & quo ordine? Utrosque Forum aut Quæstorium intuentes: quod ex Tabulâ quoque clarum est: sed suprâ, nisi fallor, *Ablectos*, infrâ *Euocatos*. Istos enim digniores habeo, & ideò iuxta Præfectos Tribunosque statim eos loco. De modo pedaturæ, nihil ipse dicit: & in *Euocatis* incertus fuit: nec in *Ablectis* quidem nimis certus. Suprà disputaui de eâ re, sed ratiunculas nondum dispunxi: nec scio an vna in totum cohors, an duæ, id est è quoque cornu vna fuerit in hoc genus. Sed observa etiam, quòd ait *quosdam* ex *Euocatis*. non enim semper *omnes*: & numerus si grandior extra exiguam hanc areolam iis locus, quem postea dicet. Nam tibi lectione & mente hæc coniungenda sunt, aut mihi superuacuè multa iteranda, quod fugio, fugi, fugiam.

„ *Euenit istos non modo metari circa Consulem, sed & in agmine & viâ aliisque administrationibus curare atque agere apud Consulē & Quæstorem.*] Clarè hîc habes mu-

Dd 2.

nia

*In certum
quot Ab-
lecti.*

nia Ablectorum & Euocatorum, tam equitum quam peditum: qui fuit à custodiâ & velut satellitio Consulis esse. Plurimum ij iuxta eum, in castris, in agmine, putô & in acie ipsâ.

„ *Via relinquitur lata pedes centum.*] Pari igitur magnitudine, quâ via principiorum. Cur tanta? vt foro latitudo sua maior & Quæstorij areæ esset, ad res vanales, ad prædam, ad circulos etiam & sermones. Quid si & illa causâ, vt in necessitate commodè in isto vacuo copix instrui & educi in hostem possent? puta, cùm eruptione pugnandum, aut tempore tali. Hæc est quam *Quintanam*, vt opinor, Hyginus appellat: *Lateribus Quæstorij tendere debet ad viam Quintanam centuria Statorum, vt posticum Prætorij tueantur.* Cùm enim de *Postico Prætorij* exprimat, non est intellegere aliam illam & inferiorem *Quintanam*. A quâ tamen & hanc ego censeo dictam, & quia Quæstor olim in verâ *Quintanâ* (à quintis cohortibus ibi tendentibus dictâ) nunc eo translato, hæc quoque proxima via, & quæ vsui vernalium, vt prior illa, seruiebat, vênit in idem nomen. Pars superior explicata est, quâ fini quidem opus. Nam verba Polybij singula rimari, non est otium aut pretium: & quamuis obscura quædam aspicienti videantur, in spicienti minimè. & siquid erit, in lucem dabit Tabula subiicienda.

*Quintana
duplex.*

D I A

DIALOG. IIIL.

Inferior castrorum pars explicata, & deinde cum Declaratione & Podismis suis proposita.

AD Inferiorem partem eamus, & tu (quod ille de viro magno olim) *Cedò magistrum*. Polybij inquam hæc lege.

Ἀπομετρησόντων δὲ πάλιν ἑκάστην ποδῶν εἰς τὸ πρῶτον κατὰ πάσας τὰς σκηνάς, λοιπὸν ἀπὸ τῆς αὐτῆς πλάτης ὁριζούσης διθείας, ἥ τις γίνεται παράλληλος ταῖς τῶν χιλιάρχων σκλαῖς, ἀπὸ ταύτης ἀρχόνται ποιεῖσθαι τὰς τῶν στραπέδων παρεμβολάς, χειρίζοντες τὸν τρόπον τοῦτον. διχοτομήσαντες τὴν πρῶτην εἰρημένω διθείαν, ἀπὸ τοῦ τοῦ σημείου πρὸς ἑρπᾶς τῇ γραμμῇ, ἧν ἵππεις ὁρτίες ἑαυτοῖς ἑκατέρωθεν τοῦ στραπέδου παρεμβάλλουσι, πρὸς τῇ κοίτῃ διέχοντας πόδας ἀλλήλων, μέσσην ποιούντες τὴν τομὴν τοῦ διαστήματος. ἐστὶ δὲ ἢ τε τῶν ἵππεων καὶ τῶν πεζῶν σκλωποῖα ὡς ἀπλήσι. γίνεται γὰρ τὸ ὅλον χῆμα καὶ τῆς σημαίας καὶ τῶν οὐλαμῶν

Iterum cum dimensi fuerint centum pedes antrorsus legiones versus, tum à lineâ rectâ spatium hoc finiente (quæ lineâ respondeat & parallela sit Tribunorum tentoriis) à lineâ illâ, dico, ordinuntur facere castra & domicilia legionum, hoc modo administrantes. Cum diuiserunt prædictam lineam rectam in duas partes, ab hac sectione & signo rectis ad lineam angulis equites utriusque legionis aduersos inter se locant, quinquaginta pedum interuallo: sic ut mediam faciant sectionem ipsam eius interualli. Est autem metatio tenteriorum tam equitum quam peditum similis. Fit enim uniuersa figura & Manipuli & Turmæ POLYB.
Dd 3 quadrata.

τετραγώνον. Τοῦτο δὲ βλέπει μὲν
εἰς τὰς διόδους, ἔχει δὲ τὸ μὲν μῆ-
κος ὡς μίτον, τὸ πλάτος δὲ
δύο. ἔστι γὰρ ἑκατὸν ποδῶν. ὡς δὲ
ἑπταπολὺν τὸ βάθος ἵσον πε-
ρῶνται ποιεῖν, πλὴν τῶν συμμά-
χων. ὅταν δὲ τοῖς μείζονσι στρα-
πέδοις χεῖνται τὸ κτλ λόγον ἔτι τῶ
μήκει καὶ τῷ βάθει περὶ δεκάσι.
ἡμιμυρίας ὅ τῆς τῶν ἵππων πα-
ρεμβολῆς κτλ μέσας τὰς τῶν χι-
λιάρχων σκηνάς, οἷον εἰς ῥύμης ἡ-
νὸς ἑπτακασίου πρὸς τὴν ἀρπ-
ρηθεῖσαι διδῆναι, ἔτι πρὸς τῶν
χιλιάρχων ἔπον. τὰ γὰρ ὅτι ῥύ-
μαις πρὸς ἀπλήσιον ἀποτελεῖται
τὸ τῶν διόδων χῆμα πασῶν, ὡς δὲ
ἑξ ἑκατέρου ἑξ ἑμέροις, αἷς μὲν
ταγματῶν, αἷς δὲ ἑλαμῶν. ἑπ-
τὸ μῆκος ὅ παρεμβεβληκότων,
πλὴν τοῖς περὶ ἡμιμυρίαις ἵπ-
ποδῶν κατὰ πινυδὺν ἑξ ἑμφοτέ-
ρων τῶν στραπέδων τεταρταίοις
κατ' ἑλαμὸν ἑκάστῳ σημαῖ-
αν εἰς ὁμοίῳ σχήματι περὶ δεκάσι.
συμφανόντων μὲν τῶν σχημα-
τῶν ἀλλήλοις, βλέπόντων δὲ
ἑμπαλιν πρὸς τὰς ἐναντίας
τοῖς ἵπποδῶν ἑπτακασίας, ἡ-
μίσι ποιοῦντες τὸ βάθος τοῦ
μήκους ἑκάστης σημαίας, τῷ

quadrata. Aspicit verò in-
vias siue exitus, & habet lon-
gitudinem definitam & cer-
tam illam quæ ad viam. Est
enim centum pedum. Pluri-
mum verò & latitudinem
adaquare conantur, præter-
quam in Sociis. Quod si le-
gionibus magis plenæ & nu-
merosis utantur, pro ratâ ad
longitudinē & latitudinem
adiiciunt. Factâ igitur hac
locatione Equitū ad media
tabernacula Tribunorum,
quasi Strigâ aut Vico trans-
uersario ad dictam rectam
lineam (re enim ipsâ vicis af-
similatur hæc Figura viarū,
ab utraque parte & Mani-
pulorum & Turmarum, in
longum se extendentium.)
tum dictis Equitibus à tergo
Triarios utriusque legionis
apponunt, quemque Mani-
pulum cuique Turmæ figurâ
pari. Sic quidem ut figuræ se
mutuò tangant, sed Triarij
in alteram partem aspiciant
Equitibus obuersi. Faciunt
etiam dimidium latitudinis
pro longitudine in quoque

Mani-

καὶ κατὰ τὸ πλῆθος ἡμίση ὡς
 ἑπτακλίτους εἶναι τοῖς τῶν ἄλλων
 μερῶν. διόπερ δυνάσων ὄντων
 πολλάκις τῶν αὐτῶν, ἰσάζειν
 αἰεὶ συμβαίνει πλεονάζοντα τὰ μέρη
 κατὰ τὸ μήκος, διὰ τὴν τοῦ
 βάτους διαφορὰν. αὐτοῖς δὲ
 πεντήκοντα πόδας ἀφ' ἑκατέ-
 ρων τούτων ἀποσφίσαντες, δυνά-
 μεις παρεμβάλλουσι τοῖς πρὶν
 εἰσὶν οὖν πείγχιπας. νομίζοντων
 δὲ καὶ τούτων εἰς τὰ περὶ τὴν
 μέτρα διαστήματα, δύο αὐτῶν
 πάλιν ἀποτελοῦνται ῥύμαι, τὰς
 μὲν ἀρχὰς ἀπὸ τῆς αὐτῆς δι-
 στάσεως λαμβάνουσαι, καὶ τὰς
 ἐκβολὰς ὁμοίως τοῖς ἰσχυρί-
 σιν, ἐκ τοῦ περὶ τῶν χιλιάρχων
 ἑκατομπεδίου διαστήματος, λή-
 γουσαι δὲ περὶ τὴν κατὰ τὴν
 πικρὴν τῶν χιλιάρχων πλεονάζον
 τοῦ χάρακος, ὡς δὲ ἀρχῆς
 ὑπεδέμεθα κατὰ τὸν ἰσχυρισμὸν
 εἶναι τοῦ παντὸς σχήματος, με-
 τὰ δὲ οὖν πείγχιπας ὅπου τῶν
 τούτων ὁμοίως ἐμπάλιν βλέ-
 ποντες. συμφαινόντα δὲ τὰ
 σχήματα πέντες, οὖν αἰσά-
 τοις παρεμβάλλουσι. δέκα δὲ
 σημαίας ἐχόντων ἀπὸ τῶν τῶν
 μερῶν κατὰ τὴν ἑξάρχῃς διαί-

*Manipulo, quia Triarij
 numero dimidiati sunt ad
 Manipulos alios. Itaq, cum
 numero saepe impari sint ipsi
 viri, tamen longitudinem æ-
 qualem esse contingit, quo-
 niam latitudinem variant.
 Atque iterum quinquagin-
 ta pedes ab iis utrisque abs-
 cedentes, oppositos ἑ ἀνερ-
 sos Triariis locant Princi-
 pes. His ipsis spectantibus ἑ
 vergentibus in spatia atque
 intervalla iam dicta, duo isti
 iterum vici sunt, initium
 quidem capientes ab eadem
 rectâ lineâ, ἑ ingressus eos-
 dem cum equitibus, ex spatio
 illo centum pede quod ante
 Tribunos est; desinentes por-
 rō finientesque in partem la-
 tūsque castrorum Tribunis
 oppositum, quod ab initio di-
 ximus velut frontem esse fi-
 gura totius. Secundum Prin-
 cipes verò, iterum aversos lo-
 cant Hastatos, figuris ta-
 men ἑ areis contingentibus
 se ἑ iunctis. Cum autem
 decem Manipulos singula
 partes ac Strigæ habeant, ex
 dictâ*

ρεσιν, πάσας ἴσας συμβαίνει γίνε-
 σθαι τὰς ῥύμας ἔκτ' ὃ μῆκος,
 καὶ τὰς δ' ἀποτομὰς ἰσάζειν αὐτῶν
 τὰ πρὸς τῇ κατὰ τὸ πρὸς ὥπον
 πλὴν ῥᾶ ἔχοντες, πρὸς ἑὸν ἔ-
 λας τελευταίας σημαίας ἑπὶ σπρέ-
 φοντες στρατοπέδου σιν. ἀπὸ τῶν
 αἰσάτων πεντήκοντα πάλιν δια-
 λήψεις πόδας, ἔξ τῶν συμμά-
 χων ἵππεῖς αὐτοῖς παρεμβαλ-
 λουσι τέττις, ποιούμενοι τὴν ἀρ-
 χὴν ἀπὸ τῆς αὐτῆς διθείας, ἔλ-
 χοντες ἑπὶ τὴν αὐτήν. ἔστι δὲ τὸ
 πλῆθος τῶν συμμάχων, ὡς ἐπ' αἰ-
 νῶ προσεῖπα, τὸ μὲν τῶν πεζῶν πᾶ-
 ρον τοῖς ῥωμαίοις στρατοπέ-
 δοις, λείπον τοῖς ἑπὶ λέκτοις. τὸ δὲ
 τῶν ἵππεων διπλάσιον, ἀφ' ἡμε-
 ρῶν ἔκ τῶν ἑπτέτε μέρους εἰς ἑπὶ
 ἑπὶ λέκτοις. διὸ ἔστι τὸ βάθος αὐ-
 ξοντες τοῖς πρὸς λόγον ἐν τοῖς
 στρατοπέδοις γήμασι, πει-
 ρῶνται ἔκτ' ὃ μῆκος ἑξισοῦ τοῖς
 τῶν ῥωμαίων στρατοπέδοις. ἀπὸ
 τελευτῶν ὅ τῶν ἀπασῶν πέντε
 διόδων, αὐτοῖς εἰς τοῦτο παλιν ἀ-
 πέστραμμένας, ὁμοίως τοῖς ἵπ-
 πῶσι πᾶσαι τὰς τῶν συμμά-
 χων πεζῶν σημαίας, αὐξον-
 τες τὸ βάθος πρὸς λόγον, βλα-
 πούσας δὲ πρὸς τὴν χάρακα,

dicta divisione: efficitur ut
 omnes vici equales sint lon-
 gitudine, itemque fines
 desinentia pares in latere ca-
 strorum ad frontem. in quam
 versos etiam extremos Ma-
 nipulos locant. Ab Hastatis
 rursus quinquaginta pedum
 intervallo Sociorum equites
 ponunt, adversos illis, ini-
 tium facientes ab eadem re-
 ctâ lineâ, et desinentes in
 rectâ. Est autem multitu-
 do Sociorum, ut praedixi, pe-
 ditum quidem par Roma-
 nis legionibus, exceptis ta-
 men detractisque Extraor-
 dinariis; equitum verò du-
 pla, his quoque tamen ut de-
 trahat tertiam partem in E-
 lectos. Ideoque est latitudi-
 nem istis augentes in figuris
 castrensibus, conantur lon-
 gitudine exaequare legioni-
 bus Romanis. Absolutis igitur
 omnibus quinque viis,
 iterum aversos ab Equitibus
 locant peditum socialium
 Manipulos, augentes lati-
 tudinem proportionem, aspe-
 ctum habentes vallibus versus,
 et utram-

καὶ πρὸς τὰς ἐκ τῶν πλαγίων
ἑπιφανείας ἑκατέρως. καὶ
ἑκάστῳ δὲ σημαίαν τὰς πρῶ-
τας ἀφ' ἑκατέρου τοῦ μέρους
σημίας. ὧς τὰξίαρχοι λαμβά-
νουσιν. ἅμα δὲ τὸν θεωρημέ-
νον τρόπον παρεμβάλλοντες
καὶ ἑκάστον μέρος τὸν ἐκ τῶν
οὐλαμὸν, διὰ τοῦ πέμπτου πεν-
τήκοντα πόδας ἀφιστάσι. ὧς
πλησίως δὲ καὶ τὰς τῶν πεζῶν
τάξεις, ὥς γίνεσθαι καὶ τῶν
τῶν ἄλλων διὰ μέσων τῶν στρα-
τοπέδων δίοδον, ἑπικάρσιον μὲν
πρὸς τὰς ῥύμας, ὧς ἄλληλον ὃ
ταῖς τῶν χιλιάρχων σιλωαῖς, καὶ
καλῶς πέμπτην, διὰ τὸ ὧς τὰ
πέντε τάγματα παρήκειν.

*Et utramque faciem aut la-
tus transuersum. In omni
autem Manipulo, prima ab
utraq; parte tentoria Cen-
turiones habent. Ad prædi-
ctum verò modum locantes
ad quodque latus Sextam
Turmam, à Quintâ pedi-
bus quinquaginta eam ab-
ducunt. similiter et peditum
Manipulos, ut fiat alia via
per medias legiones, trans-
uersa quidem quòd ad Stri-
gas, sed parallela tentoriis
Tribunorum: quam appel-
lant Quintanam, quòd
quinque illos ordines secat
et peruadit.*

Iam siste. Diutius passus sum te legere, ut semel libera-
rem. Nunc denique absoluiſti totam Inferiorem par-
tem, diuisam & ipsam in duas partes, sed conformes. Via
enim media transuersa secat quinos Manipulos à qui-
nis: sed in locatione aliâ, nullum discrimen. Percurra-
mus igitur Polybiana verba, quia hoc solum & funda-
mentum est cui inædificamus: sed verè percurramus.
Faciam breue, & scio te velle. Ait:

„ *Iterùm cum dimensi fuerint centum pedes antrorsus.*]

Vides hîc spatium centenarium à Tribunis ad Legio-
nes: quid id fuit? *Principia* Romanis dicta. Etsi enim
propriè sic appelles initium ipsum castrorum ubi legio-

*Principia
in castris.*

Ee

nes

Duplici
sensu.

Ciceroni
lux.

Lib. xxvii.

Othon.
cap. i.

Principia
sacra.

nes (inde enim vox) tamen totum hoc spatium medium constat sic esse dictum. Plutarchus in Galbâ verbatim conuertens, ἀρχαία dixit, cum additione, ἀ πρυγία ρωμαίων καὶ ῥοι: *Archea, siue Jnitia, quæ Romani Principia appellant.* Cicero ad Brutum: *Spes libertatis nusquam nisi in castrorum vestrorum principiis est.* Cur non tota castra nominat? cur hæc eximie? quia in Principiis, aut iuxta illa, Tribuni, Præfecti, honestissimi Decurionum & Centurionum: quibus scilicet cura maior & amor reip. ac libertatis, quàm militari vulgo. Capita ergo intelligit & vertex castrorum, qui ibi metabantur. Liuius: *Tribunos iura reddere in principiis sinebant.* Credo sedisse eos iuri dicundo ante tentoria sua, non ad Signa aut Aquilas ipsas. Idem ibidem: *In Principiis Prætorioque, ubi sermones inter se ferentium circulos vidissent.* Profectò viam & spatium ipsum intellegit inter legiones medium & Tribunos. Etsi legas propriè & strictè magis, ipsa initia castrorum militarium, & ubi Signa præcipua defixa, sic appellata. Suetonius: *Capite puniuit, & quidem ante principia castrorum.* Id valet, in viâ istâ & spatio ante signa. Simile in Quintiliani Declamatione pro Milite: *Sed neque hoc Mars parens, neque signa militaria aquilæq; victrices sinant, ut tuâ quoque sententiâ quisquam vir, & Romanus, & miles, nimium pudicus sit, apud quem ante principia agendum est.* Sed hoc pro priore fortasse sententiâ, quia probabile causam hanc ad Tribunal dictam, & ante Prætorium ipsum. Potest & eò trahi Suetonianum scriptum: ut ille punitus sit viâ & vacuo eo quod Prætorio anteiaceret. E Quintiliani autem verbis colligas, sacra & casta hæc Principia habita, & fuisse in religione. Tacitus ipsum indicat, cum de lasciuiente fæminâ

minâ narrat: *In ipsis principiis stuprum ausam.* Exaggerat flagitium, à sanctimoniâ loci. Et ita fuit, ob præcipua signa quæ ordine illîc antefixa. Nam primæ omnes Decuriæ & Manipuli metabantur illîc, vt intelleges è Polybio: ergo & signa quæque prima, id est primi Hastati, primi Principis, & Primipili etiam, id est Aquilæ ipsæ. *Signa præcipua ibi.* An & hoc verum, omnium cohortium signa ibi defixa, ante Prætorium scilicet, & non mouenda nisi eo sciente, iubente? nonnulla suadent, maximè quæ lego in historiis sequentis æui. Sed vt nunc hoc non definiam, constat sanctiorem hunc locum habitum: vbi legionum scilicet numina, & vbi aræ item atque altaria exstructa. Quod verum esse volo tamen non nisi in Statiuis aut Hibernis. Tacitus de Planco: *Ac ni aquilifer Calpurnius vim extremam arcuisset, rarum etiam inter hostes, legatus populi Romani, Romanis in castris, sanguine suo altaria deum commaculauisset.* Præmisit autem, Plancum in castris primæ legionis signa & aquilam amplexum, religione sese tutatum fuisse. De hisdem aris in Dione Cassio, qui inter signa Varianæ cladis refert, quòd *δοξαται ἀπ' ἀρκτε φερόμενα πρὸς τὰ τῶν Ῥωμαίων στραπέδα ἀγαπῆσαι ἐδόκει μέλιος αἱ τε περὶ τὴν βωμὸν αὐτῶν κηρία ἀνέπλαστον: Hastæ à Septemtrione delatæ incidere in Romana castra videbantur, & apes circa altaria eorum cerificauerant.* Castrensia altaria, ista sunt: fortassis & Ara ante Augurale obuersa, de quâ suprâ. Equidem in Græcorum etiam rebus hunc morem & religionem recognosco. vt cùm Homerus de Achæis suis scribit:

*Ara in
Principis.
i. Annal.*

*Ara in
Græcorum
castris.*

— ἵνα σφ' ἀγορή τε δέμις τε
ἦν, τῇ δὲ καὶ σφί θεῶν ἐτετεύχαστο βωμοί:
— ubi iis Fora, iudiciūque,

Ec 2

Atque

Atque inibi constructa deorum altaria sancta.

In Foro ille ponit, & ubi iudicia: Romani in Principiis, ubi item iudicia, præmia & poenæ.

*Via ca-
strenses.*

v. Gallic.

„ *Quinquaginta pedum intervallo.*] Ordinaria ista di-
mensio, & viæ sic grandes, non decoræ solùm, sed vtilis.
ad equos & iumenta educenda inducenda. Interdum
tamen contractas reperio, ob aliquam causam. ut in
Cæsare: *Castra etsi erant exigua per se vix hominum mil-
lium septem, præsertim nullis cum impedimentis; tamen an-
gustius viarum, quantum potest, contrahit.* Quin nomina
sua Viis istis fuerint, vix ambigo: nondum tamen mihi
fuit reperire.

*Pedatura
diuersa.*

„ *Latitudinem adæquare conantur, præterquam in So-
ciis.*] Longitudo, inquit, areolarum semper pariat: non
æquè latitudo. & causa est, quòd Turmæ quædam aut
manus militares grandiores. Ut in Sociis ecce, equites
quadraginta sunt in Turmam: at in ciuibus duntaxat
triginta. Ergo meritò iis spatium & pedatura amplior:
sed id accedat in latum. Et Socios quidem excipit ipse
tantum: tu potes & Triarios, qui angustius quàm lon-
gius (dimidiatus enim numerus) metantur. Obserua
hîc autem, longitudinem castrorum Polybio dici &
cenferi, à Prætoriâ ad Decumanam: latitudinem, à Prin-
cipali Dextrâ ad Sinistram.

*Longitudo
castrorum
quæ?*

Lib. III.

Striga.

„ *Quasi Strigâ aut vico transversario.*] Πύμν est in Græ-
co, quod sulcum & tractum notat, ὡς τὸ πύδν. In Hesy-
chio legas: Πύμν, τὰ ἐς ἐγμῶ. Putabam ἐγμῶ, quod
esset tractus, & ordo solus, singularis. Iosephus in castro-
rum re adhibet hoc quoque verbi: Πυμοῦ μὲν οὖν δὲ οὐδὲν ἐ-
τασσεῖσθαι τὸν στρατόν: *Diuidunt in strigas & ordines intror-
sus compositè admodum sua castra.* Latinam vocem *Striga*

Hyginus

Hyginus præit: *Poterunt Singulares in strigâ Pratoriano-
rum tendere.* In Festo, *Striges* sunt ordines rerum inter se
coniunctæ collocatarum à stringendo. *Verti & Vicum.* nec
malè: cùm in Glossis sit, *ῥύμν*, *vicus*: in Apostolorum
Actis, *προσβήντι τῷ τὴν ῥύμν τὴν καλαμὴν ὁδοῖαν*: vbi benè
interpretes, *Vade in vicum qui vocatur rectus.* Vt igitur
Vici in vrbibus id quod ex domibus constat, ait Varro, id De L. Li
est medium illud inter vias: ita in castris manipulorum
ordo cum tentoriis. quæ castra ipse Polybius cum vr-
be confert.

„ *Figurâ pari.*] In longum, non in latum.

„ *Duo iterum vici fiunt.*] Scilicet in quaque legione
vnus: an duo, quia Quintanâ mediâ secantur?

„ *Ingressus eosdem cum Equitibus.*] Siue & Triariis.
Equites tamen nominat, quia illorum ἐξόχος hæc area,
& Triarij additi ac subiuncti.

„ *In partem latiusque Tribunis oppositum.*] Nempe
in decimo suo ordine desinunt, ad vallum & Decu-
manam.

„ *Figuris tamen & areis contingentibus se & iunctis.*]
Vt lucri locus fiat, nec via interseratur non necessaria.
Auerſi enim sic positi & tergis contingentibus, vtrunque
exitus suos habent, nec alteri alteris molesti.

„ *Idèoque & latitudinem istis augentes.*] Scilicet E-
quitibus sociorum, qui Romanis plures.

„ *Omnibus quinque viis.*] Haud plures agnoscit, dire-
ctas quidem & in longum. Nam transuersarię tres sunt, Quot viæ
castrorum.
vt in Figurâ vides.

„ *Iterum auersa locant ab equitibus peditum socialium
signa.*] Hic dubitatio mihi iusta de sociorum locatione.
Vtrumne, vt Romani, per manipulos suos & vias di- Socij an
manipula-
tim distin-
cti.

stinctè locati? an coniunctim magis per cohortes? Illud prius similitudo suadere & ratio etiam videatur: quia sic cum equitibus omnes iuncti iisque appositi, conferti sint, nec commodè positi ad ingressus aut egressus. Hoc tamen alterum magis pro Polybij mente videtur, certè verbis, cùm dicit: *Omnes quinque vias absolutas*: omnes inquam: non ergo aliæ restant. Item cùm addit, *aversa equitibus locari peditum socialium signa*: non distinguit Triarios tantum, sed vniuersè profatur. Amplius, cùm scribit *auctam latitudinem pro portione*. Itane *auctam*? minutam oportuit, si manipulatim locati: quoniam minores & infrequentiores ij in sociis, quàm in Romanis. His inducor, cohortatim locatos socios, sed suâ quadam manipulorum fortasse diuisione. Dicam ad Tabulam.

Cohortes
socia mi-
nores.

„ *Aspectum habentes vallum versus, & utramque faciem aut latus transuersum.*] Triplex ergo iis egressus: in vallum primò, & deinde ad Principia & ad Quintanam. Hoc appellat utrumque latus transuersum. Et si duplex etiam vallum est, quod spectant, in latum & in longum. Vt paullum diducam. vide quinque superiores cohortes, ex iis prima in Principia, si volet, exit: tres mediæ, in vallum oppositum: quinta, vel istuc, vel in Quintanam. Simile de quinque aliis: & iam ista intellegis? nam contractiore fronte te esse video. A V D. Mentiri non est meum. quod igitur apud te mi Magister liceat, totidem hæc ista, quot effatus es, perdidisti verba. In situ hoc toto nihilo sum tibi doctior. L I P S. Hem! te sic esse, quod non es? Nam acumen & sagacitatem tuam sæpe in experimento didici. Sed quod euenit tamen, præuidi: & suspicabar auditum vnum fugiti-

fugitium non esse combibendæ huic doctrinæ. Ad
oculos me vertam, & Tabulam tibi habe, quam con-
sultò attuli, depictam & descriptam. Intuere. A V D. O
meum Solem! sic te appellem, imò & publicum: &
proprium hoc tuum, quæ vis & concepisti, sermone
aut stilo efferre atque illustrare super multos. LIPS. Ne
blandire. haud magna laus est: & fortasse quia ego mi-
nùs acutus, diffusiùs alios doceo, quæ ægrè fuerit cepis-
se mihi. Sed tu hoc age, & vide.


Sequitur Tabula & Forma
Castrorum.

TABV.

TABVLA ET FORMA CASTRORVM.

2017

X



2017

- | | | |
|----------------------|----------------------------|------------------------------|
| A. Praetorium. | K. Extraordinarij equites. | T. Quintana. |
| B. Quaestorium. | L. Extraordinarij pedites. | V. Spatium ad vallum. |
| C. Legati duo. | M. Principia. | Xa. Porta Praet. |
| D. Tribuni. | N. Equites Romani. | Xb. Porta Decum. |
| E. Praefecti socium. | O. Triarij legg. | Xc. Porta Princip. dextra. |
| F. Euocati equites. | P. Principes legg. | Xd. Porta Princip. sinistra. |
| G. Ablecti equites. | Q. Hastati legg. | |
| H. Euocati pedites. | R. Equites socij. | |
| I. Ablecti pedites. | S. Pedites socij. | |

DECLARATIO ET DISQVI-
SITIO TABVLÆ.

IN TENTE aspicias. dic sodes, Tabula hæc te iuuat?
AVD. Vel maximè, & ex veri verbo, non solum
 oculis quàm auribus plus credo, sed etiam plus disco.
 Utinam tu porrò adiuues, & velut designator per sin-
 gula loca me circumducas & illustres! **L**IPS. Comiter
 fiet: & tanquam ramulos omnes huius arboris excu-
 tiam ad tuum fructum. Prima esto

PARS SVPERA, ET

PRÆTORIVM in eâ. quod in medio situm vides, non Prætorium
est me-
dium. quidem castrorum, sed aliorum ducum. Magnæ ratio-
 nis hic situs. Primum, non longè ab hoste, & ad Præto-
 riam portam, quæ illum semper ferè spectabat: nimi-
 rum vt obseruet siquid ille moliat aut moueat, &
 nuncios quoque aut exploratores statim admittat.
 Causa altera, vt duces omnes circum se habeat, quo-
 rum consilio, cum opus, statim vtatur: item iubeat ali-
 quid aut mandet. Tertia, vt in conspectu habeat subie-
 cta castra & militem totum, videatque siquid peccent
 aut turbent. Ipse ille aspectus coërcebat milites, qui scie-
 bant semper sub oculis sui Ducis se versari, eoque in
 omnibus magis compositè se gerebant. Nec Ducis tan-
 tum, sed Ducum. quoniam Quæstor, Legati, Tribuni
 omnes ferè huc spectabant. Denique causa etiam hæc,
 honor & dignitas. quod media omnia honestiora, imò
 & tutiora. Atque ita in corpore etiam isto cor circa me-
 dium, & subiectas habet inferas illas partes. Ad Præto-
 rium situm est

FF

QVÆ

Quæstor, dexter. **QVÆSTORIVM**, ad latus, dextrum dicam an sinistrum? Si Imperatorem aspicio in castra versum, sinistrum fuerit: si Aquilas & ipsa castra, magis dextrum. Eadem dubitatio in Dextrâ & Sinistrâ portâ Principali. Sed quod ad rem, hilum non interest vtrum latus sic appelles: teneas tamen Quæstorium ad dextram fuisse. cur? & an supra Legatos? ita, quia iste magistratus populi Romani, alij non nisi in dignitate. Itaque supra Legatos Quæstor.

LEGATI, meritò iuxta Prætorium à nobis siti, etsi Polybius non fecit verbum. In latum tabernacula illorum produxi, vt ne Prætorium eiusque conspectum Ablectis & Euocatis prorsus eriperent: quod idem in Quæstorio sum secutus. Alioqui si quis malit in longum obtendere, haud repugnem: nisi quod meum illud magis fortasse decorum. Alter eorum facie in Ablectos spectauerit, alter in subiectos Tribunos. Viam inter ipsos & Prætorem mediam feci, sed exiguam; quâ vel ad ipsum irent, & item qui in contubernio Prætoris illac exirent. Adiungi enim prorsus & adnecti haud placet.


Situs Tribunorum distinctus. **TRIBUNI**, sub ipsum Prætorium ordine siti. Diuisi in duas partes viâ mediâ, quæ à legionibus ad Prætorium ducit: & ita collocati seni, & seni, vt quisque ordo suam legionem habeat in conspectu. Exempli causâ, sex Tribuni primæ legionis, huic sunt oppositi: sex secundæ, illi. Ordo etiam inter ipsos, vt primus Tribunus (nam scis dignitatem & ambitionem in eo fuisse) ad Prætorium primus esset, oppositis equitibus; secundus deinceps, & sic ad sextum. Tabernacula illorum secreta & disparata: siue quia dignitas in eo aliqua est, seorsim tendere: siue quia ratio voluit vias quasdam medias esse, per

per quas ad Forum vtrumque sine ambitu iretur. *Eæ* viae utiles quattuor sunt in vtraque parte: quinta enim perit Prætorij obiectu. Caput tu moues? quid displicet? A V D. Displicet, quod Prætorium totum non est liberum; & amplius, quod viae illæ duæ inutiles, & cum loci iacturâ. L I P S. Me quoque aliquid mouit initio. sed cum Polybij verba pensitavi, aliter non potui. Ait enim disertè, *Tribunorum tentoria equaliter inter se distetisse*: ergo viae & interualla fuerunt. Ait amplius cum equites locat, *initium iis esse à medijs Tribunorum tentorijs*. Igitur palàm locanda duo prima, id est media, ad viae illius vtrumque marginem, iuxta quam equites metantur. Nisi hæc in Polybio essent: ego verò libens totum Prætorij spacium vacuum liberumque reliquisssem, pulchrè & utiliter etiam ad com meatum. Idem ad alloquia aut iudicia. & profectò cum hæc considero, inducor vt credam sic fuisse. Nam Tribunal ecce ad latus vnum fuit: quomodo alloqui milites commodè illinc potuit, tentorijs obiectis? Iam iudicia si exercenda, cum consilio militari: videantur ea commodè in aditu & vestibulo Prætorij exercita, sed spatio vastiore. Quod si placeat, remoueantur vndique Tribuni à Prætorio, imò via etiam inter ipsos & illud media sit pedum *viginti quinque*: (ij pedes resultant ex quinquaginta pedum viâ Prætorio oppositâ: numera, & reperiēs) quæ via seruiat pulchrè ad transitus in Forum vtrumque: tum Tribuni excipiant, & degant in spatio iusto pedum trecentorum. Ita singulis pedatura sua manebit pedum *quinquaginta*: & decorè incipient à peditibus ipsis, id est Triariis: habebuntque equites (honestissimi ciuium) liberum in Prætorium aspectum & accessum. Ista placent: quid ta-

*via inter
Tribunos.*

*Addubita-
tum in hac
re.*

men Polybij verbis fiet de interuallis? Vide an non ser-
uare ea possis, imò debeas, legionibus magis plenis.
Nam cùm eæ essent *quinque millium & ducentorum*: pa-
lâm est auctum modum in Principum & Hastatorum
pedaturâ: ergo & in spatio opposito, v i Tribuni. Com-
modè igitur tunc & loces ita, & exigua des interualla.
Etiam vt id non sit; verba tamen Polybij & præcepta
serues, si in latum tentoria Tribunica facias pedum mo-
dò *quadraginta*. Nihil impedit, & viæ tunc fuerint me-
diæ pedum *duodenûm*. Alterum de equitibus, quod ob-
stat: benignè intellegendum sit, opponi eos mediis Tri-
bunorum tentoriis in parte. quod verum esse ex situ vi-
des: & accipe, si vis, tabellam.



Præfecti
equantur
Tribunis.

Examina-
tæ eorum
pedatura.

PRÆFECTI sociorum. quos Polybius (ô incuriam! nec aliter possum dicere, si scriptum hoc integrum) nusquam locat. Nos ad latera Tribunorum ponimus, situ & modulo paribus: quidni? cùm pari munere & dignitate. Vbique eos Polybius æquiparat: nisi quod illitamen honestiores, quatenus ciues. Ratio etiam vult opponi eos suis Alis siue Cornibus: sicuti legionibus Tribuni. Diuidantur ergo, & sint in quaque parte seni, eâdem metaturâ quâ Tribuni, nisi quòd viæ aut interualla hîc magis exigua, an potius nulla? Cui enim vsui? nec transitus

transitus hîc aut commeatus vlli, cùm à tergo excipiant Euocati & Ablecti. Quid ergo fiet spatio grandiori, quod est ped. *trecentorum sexaginta trium & semis*? Nam triginta pedes ex ipsâ illâ viâ capimus *quinquaginta* pedum, quæ Socios à legionibus abiungit. Hoc ideò, quia Polybius scribit Ablectorum & Euocatorum tabernacula incipere obliquo flexu statim ab extremis Tribunorum. Igitur non tam grandi interuallo abiungenda videntur: aliquo tamen, vt & ipsi, & Præfecti etiam, distincti sint à Tribunis. Meâ istâ mensione sint interiecti pedes *viginti*. Illinc ergo si ordiare Præfectorum tabernacula, possis in longum minuere de mensurâ Tribuni-ciâ, nec dare iis *quinquaginta*, sed *quadraginta* pedes tantum. Ita parabis, & reliquum supernè Euocatis vtiliter addes. Imò si plures infrâ socij (quod sæpe, & non rarò duplici numero:) tum profectò magis etiam minuenda illa mensura altior, aut ipsi Præfecti non producendi ad vltimos Sociorum. Vtrouis modo, vacuum accedet supernè aut ad latus vtiliter imò necessariò, quia tunc quoque Extraordinarij augendi & Ablecti.

Hæc no-
tanda.

EVOCATI equites. quos hîc colloco proximos à Præfectis, quia dignitate supra Ablectos sunt. Polybius tamen Ablectos priores nominat, & parum refert supernè an infernè ponas.

EVOCATI pedites. Horum omnium numerus incertus est, & sæpe plures quàm vt ista area capiat. Sed Polybius *quosdam Euocatorum* modò hîc ponit: vbi reliquos? Si plures fuerint, vel ad latera Præfectorum locandi, vel Extraordinariorum, suprâ in Vacuo: vel etiam noua area iis in Foro transuerso. Nam hoc quoque in-

Ef 3 terdum

terdum impleri, & tum Forum in Quæstorium transferri Polybius infrà dicet.

ABLECTI equites. Turma vna.

ABLECTI pedites. Cohors vna nunc esto.

EXTRAORDINARIJ equites. Sunt Turmæ in vniuersum octo: vtrimque locantur quattuor. Eos infrà ponimus, Prætorium & Fora spectantes (etsi quidam aliter:) quia Polybij verba volunt. Est quoque pro ceterâ locaturâ, vt pedites à tergo equitum sint (vt Triarij in legionibus) equis obseruandis.

*Conside-
rata pos-
itio Super-
rior.*

*Tota è
Socijs ferè.*

EXTRAORDINARIÆ Cohortes. quas tres faciamus nunc esse: & quomodo locamus, vt par vtrimque numerus? non potest sine diuisione. Esto igitur vtrimlibet vna cum dimidiâ: sed dimidiæ duæ viam aspiciant, atque ita iunctæ quodammodo sint, nisi pedum aliquot intervallo. Si plures hîc locas, & pauciores in Ablectis: facile è dictis pariare. Habes partem totam Superam, quæ intricatior est, quia à Polybio minus signatè descripta. Itaque variant positione alij & numeris: ego me spero, si non vera, verisimilia dixisse. Nunc considera, quod ad prudentiam Romanam, in omni hac parte vix ciues vllos esse. En custodiam primarij Ducis & Ducum, committere socijs voluerunt: quid nisi vt fide sic habitâ magis adstringerent eorum fidem? Sed & caussa occultior altera, quod præcipuos sociorum circa se & in ore atque oculis habebant, nequid clam consulerent aut innouarent. Etsi autem isti vndique cingunt Imperatorem & in custodiâ habent; non tamen ita, vt non sit præsidium aliquod ciuile, si opus. Nam & Euocati vtrimque sunt, veterani milites: sunt in contubernio eius centeni aliquot homines: adsident cum suis Quæstor

stor & Legati: præfident Tribuni, ad quos ei semper receptus, & per eos in medias legiones. Consideratio altera, quòd loca hîc magna & vacua. quare? vel quia decorè ibi, vel quia vtiliter. Decorè, vt Forum vtrumque: *Cur ibi spatia vacua?* vbi siquid litis aut iniuriæ, in propinquo qui soluant aut vlciscantur. Vtiliter, vt Quintana illa magna; quia si opus instruere exercitum in castris, ibi & in Foro vtroque facillimè fiat. Item si educendus; sublati Extraordinariis & in latus sepositis, grande spatium ad ordinandum. Sequitur nunc

P A R S I N F E R A.

E QVITES Romani. Hi, vt dignissimi, in medio locati, & liberrimos habent egressus. Tuti hîc: & quamquam in acie alia dispositio; tamen recepti nunc inter pedites, quia in castris nullus eorum vsus.

TRIARII, honore & loco ab istis proximi, & conueniunt in vnâ aream: tum vt via compendifiat, tum vt equos obseruent, ne in castris soluti aut vagi dent turbas. Hoc Polybius infrâ dicet.

PRINCIPES & HASTATI. in vnâ item areâ, & vides non manipulatim solùm, sed cohortatim pulchrè locatos. Triarij enim, Principes, Hastati, sic in vnâ lineâ faciunt quique suam cohortem. Sed vbi Velites igitur? *De Velitâ metaturâ.* inquires. hîc verò dubitatio aut velitatio: & ô Polybi cur siluisti? Per te sumus in errore aut tenebris, & verbo vno alteroq; poterat illucere. Non fecisti. & ideò ecce qui intentius hæc scrutamur, sententiis dissidemus. Volunt quidam Velites mixtos manipulis fuisse, & areas *Aliorum sententia.* satis esse capaces. Mouet eos, quòd Polybius de Ordine antè dixit, *Velites per manipulos equaliter esse distributos.*

Hîc

Hic igitur, inquit, sunt. Sed quid dicitis? *equaliter?*
 Iniuria Triariorum sit: quorum dimidiata pedatura ha-
 bere & recipere tantos debeat, quantos in plenâ suâ
 Principes & Hastati. Subueniunt, & aliter diuidunt,
 ac Principibus & Hastatis duplum assignant, nempe
quadraginta octo: Triariis non nisi *viginti quattuor*, in
 manipulum quemque. Proportio est, fateor: sed quo-
 modo Polybio igitur innituntur, qui de *equali diuisione*
 asserit? Ruit hoc fundamentum: sed nec aliâs firmum.
 Enimuerò si Velites mixti Triariis: cur non iis obserua-
 tionem equorum potiùs Polybius iniungit? certè mini-
 sterio illi propiores. Amplius, cur tam distinctè Triar-
 ios, Principes, Hastatos collocat: nec verbum de istis
 adiungendis adiungit? At enim alibi non est eos collo-
 care. Imò verò est, & fortassis Polybio præeunte. Certè
 cùm verba eius examino, quæ infra sunt de Excubiis,
 sedem videor Velitarem repperisse. Ait: Τὴν δὲ ἐκτὸς ἑπι-
 φάνειαν ὁ γερσφομάχοι πληρεῖσι, παρ' ὅλον καὶ θυμέραν τὸν
 χόρον καὶ τακοιτῶντες: *Exteriorem ambitum Velites noctu*
complent, de die ad totum vallum accubantes: siue vt alia
 lectio, *παροικῶντες, adhabitantes*: quod magis etiam sit pro
 meâ mente. Ait clarè Polybius noctu excubare Velites
 pro castris, & extra vallum: de die iuxta vallum (interius
 profectò) tendere & adiacere. Haud aliter acceperim, &
 sunt quæ inducant. Illud maximè, quòd sicut in acie, in
 agmine, & passim extra ordines Velites sũnt: ita híc quo-
 que, & ad latera sunt proiecti. Tota etiam castrensis ra-
 tio sic vult, in quâ optimi quique medij, & paullatim
 venit ad extremos. Vt igitur infimi omnium sunt Ve-
 lites, ita extimo ordine meritò locandi. Quis is est? ad
 Vallum, & spatium illud quod castra interiora ambit.
 Amplius.

*Ex refuta-
ta.*

*Nostra
Locatio.*

*Confirma-
ta ea.*

Amplius. notat infra Polybius Velites ab excubiis & ministeriis diurnis esse immunes: ergo, ne planè feriat, hîc ad vallum sint, & obseruent, & vt in acie quoque, proximi sint hosti. Sanè incustoditum hoc totum vallare spatium esse non conuenit, aut leuiter custoditum. Quid multa? considera, nihil aptius inuenies ad hos locandos. Partitio autem, cum duplices sint Velites, legionum & sociorum, vt illi sint ad superam inferamque partem; isti ad latus vtrumque. Eadem enim partitio Polybij statim in opere castrorum, vt socij latera sua muniant: legiones quæque vnum, prima superum, & inferum secunda. Itaque *mille ducenti* Velites supra Prætorium tendent, totidē ad Decumanam: *mille*, ad quamque Principalem. Tendent autem simplici ordine, nec multum spatij sument introrsum: quia scilicet grande vnumquodque latus est, & pedum *bis mille* ac supra. Sed nec impedimēta multa Velites habent aut arma, & minore podismo iis opus. Opponat aliquis. At enim sic laxè nimis Principes & Hastati tendent. Non est ita. nam *αὐτὰρ ἵπποι* si equites triginta, & totidem equi, par spatium manipulo habent: cur non homines centum viginti? maximè cum centuriones, optiones, signiferi & honestiores illi militum, calones suos habuerint, & sarcinas, & iumenta. Nam cuique manipulo ego mulos fuisse arbitror ad tentoria, molas, & hæc talia ferenda: quæ non reperio gestasse milites ipsos. Cogitetur etiam aliquid loci perisse in tabernaculis figendis, & singulorum interuallis. quoniam omnia sic iuncta fuisse, vt exitus aut transitus non esset, haud opinor, nec fuerit decorū. Ista in eâ re mihi videntur, sed non adfirmatè; & hîc illud locū habeat, imò in pleriq; hoc antiquario studio,

Quomodo
vocat: Velites.

Σοὶ μὲν τὰ δε δόκουντ' ἐστίν, ἀλλ' ἐμοὶ τὰ δε.

Tibi illa sic videntur, aſt iſt hæc mihi.

Pegamus: ſequuntur

EQVITES ſocij. vniuerſum autem corpus ſociale extrorſum ſitum eſt, vt ferè in acie ipſâ. Nec imprudentiæ fuit eos diuidere, & vires ſeiungere: vt contra Romani medijs iuncti, & numero firmi.

PEDITES ſocij. quibus vias nullas dat aut interual- la, ſed ſic per cohortes locat. Cohortes autem iſtæ, detra- ctis Velitibus, modicæ ſunt, nec niſi hominum *ducento-*

*Socij quo-
modo lo-
cati?*

rum trigintaſex. An autem conſuſè locati? an per genera ſua diuiſi? ponamus iſtud fuiſſe (eſi ſuprà diſputaui) & Triarios ſeorſim, Principes, ac Haſtatos fuiſſe. Ita dico ſeorſim, vt iuncti tamen lateribus eſſent, ſicut Haſtati & Principes tergis. Ideò autem lateribus hîc iungo: quia ſi Triarios iuxta equites in longum pono, proſectò incommodiſſimo illi loco ſint, & ad exitus inepto. Ma- lim ergo aliter: & ſic locare, vt omnes Centuriones Val- lum ſpectent, aut Principia & Quintanam. Hoc ex di- gnitate eorum, & commodo: & facit, quòd Polybius *in*

*Prætoria
cohortes,
vbi?*

capite utroque cuiuſque manipuli ordinum ductores ponit. Hoc notare te volo in totâ metatione: & Decuriones aut Centuriones ſcire eſſe in capitibus ad Vias; & iuxta eos Signiferos, vt opinor. Præcipua hæc ſunt monenda: niſi quid tu ſuggeris. A V D. Suggero. Prætoria cohors aut cohortes vbi ſunt? nuſquàm locaſti. L I P S. Non enim Polybius, nec tunc adhuc vulgò erat. Cùm fuit autem, omnino oportet iuxta Prætorium tetendiſſe, iuxta Le- gatos aut Quæſtorem. Sed aliud mihi hîc occurrit. Su- perior tota pars Socios ferè habet: quid ergo cùm Socij non fuerint? cùm omnes ciuitate donati & in legiones tranſ-

*Mutatio
in caſtrâ.*

transcripti: quod haud longè nimis à Polybij æuo fuit. Censeo partem eam tunc occupasse Prætorias cohortes, quæ magis cœperunt inualescere, itemque equitum aliquos selectos. Puta idem de Euocatis, qui tunc quoque plures. In Hygino ad hanc rem reperio, *Prætorianos & Equites Singulares* iuxta Prætorium tetendisse, Principum scilicet æuo. Nec ambigere oportet, quin tunc multa mutata, præsertim in supernis. Siquis volet Vexillarios quoque legionum, id est Veteranos, ibi metaturam habuisse: meo animo haud aberret. Sed iam quoque dentur & declarentur Tabulæ nostræ numeri &

P O D I S M I:

PODISMOS appello, ut dixi, *Pedaturas siue mensiones pedales*. Sed cum *Pes duplex sit, Simplex & Magnus: utriusque nobis usus erit. illius, in mensuris longitudinis aut latitudinis; huius in utriusque. Nam pes magnus Varroni est, qui aliis Planus aut Constratus, & vulgo nostro Quadratus aut Superficialis. Huius usus in areis metiendis, & ut planities ac capacitas tota innotescat. Videamus.*

PRAETORIUM quadratum iustum est, ducentorum vndique pedum. Latere in latus ducto efficitur area ped. 40000. passuum 1600.

QUAESTORIUM dimidiatum feci ad Prætorium, haud absurdâ causâ. Proximus ille dignitate est: dimidium ergo *pedaturæ* esto. & magis ideò, quia amplæ ei vasa, & instrumenta. Habet 200. ped. in latum, 100. in longum. Planities ped. 20000.

LEGATI iterum dimidiati ad Quæstorem. Ergo habento in longum singuli 50. ped. in latum 100. Ne aberres in lato aut longo: ex Polybij mente longum appello, spatium à Prætoriâ ad Decumanam, latum à Principali ad Principalem. Est area 5000.

TRIBUNI iterum dimidiati, & habent æqualiter in quadro 50. ped. Sunt in areâ 2500.

PRAEFECTI pares Tribunis, cum exceptiunculis quas dixi.

EVOCATI, quorum numerus incertus, & ideò *pedatura*. Sunt tamen triginta, id est Turma una Romana: habebunt 80. ped. in longum,

gum, 125. in latum. Area 10000. Supersunt inibi 238 $\frac{1}{2}$. Ea area esset pedum circiter 20000. Caperet igitur manipulos duos civiles peditum, id est homines 240.

ABLECTI, sint Turma vna socialis. ergo 40. equites: ergo area 13333 $\frac{1}{2}$. Efficiunt eam numeri à me notati, in long. 120. in latum 111 $\frac{1}{2}$. A tergo (item opinione meâ) cohors vna eiusdem nominis, 336. hominum. Area illi esse debet 28000. ergo essent in latum 233 $\frac{1}{2}$. circiter, in longum 120. Supersunt ped. 19. Ego eos in super habui notare in meâ Tabulâ, & plenos adnumeravi.

EXTRAORDINARII equites, Turma quattuor sociales. areola diuise ad modum dictum. Idem in Cohortibus supernè tribus, vtriusque vna cum dimidiâ. Vacuum superest, palàm ita Polybio scriptum, sociis aduentantibus relinquendum. In

PORTE INFRA, primi EQVITES. Podismus è Polybio notus, est area ped. 10000. Ad passus si redigas, sunt 400. Hoc in omnibus manipulis equaliter & turmis. An non grande spatium triginta equitibus, triginta equis? nec enim vnus plus vno militari equo, opinor, habuit. Dico non prae grande. nam cogitandi calones totidem, fortasse & Decurionibus ipsis aliqui honestiores comites aut ministri: item iumenta aut muli ad sarcinas, hordeum, frumentum. Nec enim ipsi equites onusti, aut eorum insectorij equi.

TRIARI. Dimidiati ad equites. liquet. Cetera paria, & ratio eadem podismorum etiam in legionibus auctis.

VIAE definitæ à Polybio, suntque omnes aut quinquaginta, aut centum pedum. Excipio minuscilas inter Tribunos aut Praefectos: excipio & semitas inter tabernacula, si quæ fuerunt.

PORTAE singula 50. ped. meâ mensione. latiore enim ingressu opus vehiculis & iumentis.

VALLI modus parte vnâ 2017. ped. alterâ plusculo maior 2050. Metatio superior visa mihi exigere: etsi potes aliquid recidere, si voles. Nam Polybius sanè æquilatera castra mox dicet: sed an capiendus sic rigide? Ego verò scio Martiam hanc esse, non Mathematicam arenam. Illi ipsi qui æquare voluerunt, cum ad rem ventum non fecerunt. Vides in toto ambitu esse milliare vnum & semis, & aliquot passus. In eo spatium peditum 16800. locarunt bellè & commodè, equitum 1800: præter comites Prætoris, Legatorum, Quæstoris Tribunorum, præter omne
genus

genus calorum, iumentorum & impedimentorum. An nostri sic hodie? militares sciunt, & ij viderint: ego non diutius his immoror, ne tibi cum Claudio videar morari.

DIALOG. V.

De Tentoriis, Fossâ, Vallo, Portis.

AVD. Tenet me & oculos hæc species, tota pulchra, prudens, imò sapiens, quod initio dixisti. Unde rusticulis ista mens? nam tales putantur prisca Romani: etsi multa sub regibus, quæ & cor & elegantiam ostendunt. LIPS. Nobis sic videntur, fateor: sed velim examinari à peritis & Martialibus; quia, vt Fabius ait, *tum dignum opera pretium venit, cum inter se congruunt præcepta & experimenta*. Sed examinari dico ab iis, qui non omnium litterarum aut artium rudes: in quos profectò conuenit — * *ἄς ἐκ ἐνὶ κενταύροισ*. At nos, si lubet, * *Ment nō inest Centauris.* pergamus: enucleanda etiam quædam in his Castris. Polybij ista lege:

Τῶν δ' ἔτι εἰς ἐχόντων, τὸ μὲν
σύμπαν χῆμα γίνεταί τετρα-
πέδειας τετραγώνου ἰσοπλευροῦ.
τὰ δ' καὶ μέγας ἢ δὴ τὸ τετρυμνο-
μίας ἐν αὐτῇ, & τὴν ἄλλης οἰκono-
μίας, πόλιν ὡς ἀπλησίαν ἔχοντα
διάθεσιν. τὸν δὲ χάρακα τῶν σκη-
νῶν ἀφίστοι καὶ πάσας τὰς ἰπ-
φανείας διακοσίους πόδας. τοῦτο
δὲ τὸ κένωμα, πολλὰς & δοκιμὰς
αὐτοῖς παρέχεσθαι χεῖρας. πρὸς τε
τὰς εἰσαγωγὰς, & τὰς ἰξα-

His ita constitutis, tota POLYB.
figura castrorum fit quadra-
ta, æquilatera. Partes au-
tem eius & in strigarum se-
ctione, & in alio ordine, vr-
bi similem locationem ha-
bent. Vallum verò ipsum,
abiungunt à tentoriis qua-
uauerſus pedes ducentos.
Id vacuum multas & spe-
ctabiles utilitates iis præbet.
quoniam & ad egressus in-
gressusque

γωγὰς τῶν στραπέδων διφυῶς
 ἔχει ἑδεύσας. ἕκαστοι γὰρ καὶ τὰς
 ἑαυτῶν ῥύμας εἰς τὸ ῥ' κοίωμα
 ποιεῖν τὴν ἐξοδὸν, ἀλλ' οὐκ εἰς
 μίαν συμπύκνοντες ἀνατρέπουσι
 συμπάσιον ἀλλήλους, ἵας τε τῶν
 παρειατομῶν θρεμμάτων, ἑ
 τὰς ἐκ τῶν πολεμίων λείας εἰς
 τοῦτο πᾶσαντες ἀσφαλῶς προὔ-
 σι τὰς νύκτας. τὸ γὰρ μέγιστον ἐν ταῖς
 ὀπθίδεσσι ταῖς νυκτεριναῖς, οὔτε
 πύρ ἔτε βέλθ' ὀξικνεῖται πρὸς
 αὐτοῦ, πλὴν τελείως ὀλίγων γί-
 νε' ὅ γὰρ ταῦτα χερδὸν ἀβλαβῆ, διὰ
 τε τὸ μέγεθ' ὅ τ' ἀποσάσεως, καὶ
 διὰ τὴν τῶν σκηνῶν πρὸς αἰσιν.

Paullò pòst:

Τῆς γὰρ ταφρείας ἑ χαρακοποι-
 ῖας, δύο μὲν ὀπθίδουσι πλδι-
 ραὶ ταῖς συμμάχοις, παρ' αἷς καὶ
 στραπέδου εἰς τὸ κέρως αὐτῶν ἐ-
 κάτερον. δύο δὲ ταῖς ῥωμαίοις, ἐ-
 κατέρω τῇ στραπέδω μία. διαι-
 ρεθεῖσθαι δὲ τὸ πλδιρῶς ἐκάσθης
 καὶ σημαῖν, τὴν μὲν καὶ μέρθ'
 ὀπθίδου ἐκ ταξιαρχοὶ ποι-
 οῦνται παρεσῶτες. τὴν δὲ κατό-
 λου δοκιμασίαν τῆς πλδιρῶς
 δύο τῶν χιλιάρχων.

gressusque copiarum conue-
 nit (singuli enim iuxta Stri-
 gas suas in hoc vacuum ex-
 eunt, nec confusi proterunt,
 se & conculcant:) & pecu-
 des adductas aut preda ex
 hostico captas huc agunt fe-
 runtque & noctibus seruāt.
 Precipuum verò, quòd in
 nocturnis assultibus, neque
 ignis, neque telum ad eos
 peruenit, prater pauca: eā-
 que ipsa innoxia ferè fiunt,
 tum ob interualli spatium,
 tum ob tentoria circum-
 posita.

Fossa verò ac valli struen-
 di duo latera incumbunt so-
 ciis, ad quæ utrumque eo-
 rum cornu metatur: duo
 alia Romanis, cuique legio-
 ni unum. Diuisio autem
 latere unoquoque per mani-
 pulos, curam partium Cen-
 turiones gerunt, ilque assi-
 stunt: uniuersi autem ope-
 ris probationem duo Tri-
 bunorum.

Hæc

Hæc sola noster doctor de totâ facie Externâ: leuiter profectò, imò neglegenter, si fas hoc mihi dictu. Nam cùm tres sint Externæ huius partis partes, *Fossa, Vallum, Porta*: duas priores libat, tertiam nec verbo tangit. Ait:

„ *Figura castrorum fit quadrangula.*] Hanc formam

Romani amauerunt, & elegerunt præ Græcanicâ, quæ Græcorum
rotunda
castra.

δὲ καὶ ἡ ἑσπεροπεδούεω ἐνόμισε χεῖναι λυκῆργον. διὰ μὲν γὰρ τὰς γωνίας δὲ τετραγώνους ἀχέουσιν εἶναι, εἰς κύκλον ἑσπεροπεδούεω, εἰ μὴ ὅπως ἀσφαλὲς εἴη, ἢ τεῖχος, ἢ ποταμὸν ὅπως ἐχούειν.

De rep.
Laced.

Dicam & quomodo castra poni oportere censuerit Lycurgus. Quia enim angulos dispositi loci inutiles arbitratur, in orbem magis castra ponebat, nisi aut mons aliquis tamen daret, aut murus, aut fluium à tergo haberent.

Nec caussa nulla illa Lycurgi, quam in opidis ferè condendis secuti sunt: tamen Romanis placuit aliter, & ex iustâ item caussâ. Interior enim illorum tota dispositio hanc talem formam cupit, aut potius poscit. Itaque Iosephus etiam sic describit: Διαμετρεῖται, inquit, παρεμβολὴν τετραγώνου ὡς:

Lib. III.

Ad mensuram constituuntur iis castra quadrangula. Vegetius tamen & alias formas suo æuo in vñ ostendit, & exemplo Græcorum ad locum ferè aptatas.

Pro necessitate loci, inquit, vel Quadrata, vel Rotunda, vel Oblonga castra constitues. Lib. III.
cap. VII.

Vbi quæ sint Oblonga, ne addubites: non ouatâ sanè formâ, sed quibus, vt mox ait, *ultra latitudinis spatium tertia pars longitudinis additur.*

Itaque ea quoque *Quadra*, sed non *Quadrata*, id est æquilatera, pro Vegetij sensu. Leo Imperator, cuius vñ bonumque libellum De militiâ habemus, is quoque duas hæc quadrangulas agnoscit: *Diuersos situs & formas*

formas Fossatorum antiqui tradiderunt in castris ponendis. Laudabilis autem *Quadrata* atque *Oblonga* est, tum quia ordinata, tum quia necessaria. Sed in Vegetio etiam *Rotunda* ponitur, tunc recepta: & exemplum eius in Am-
 Lib. XIII. miano: *In valle gramineâ properium, multiplicato scuto-
 rum ordine, in orbiculatam figuram metatis tutius castris,
 quieuius.*

„ *Æquilatera.*] Exiguo quidem discrimine, ut ego
 suprâ depinxi.

„ *Urbi similem locationem habent.*] Iterat hoc infrâ
 vberius.

„ *Vallum verò ipsum abiungunt à tentoriis.*] Quod va-
 cuum, si manere in imagine istâ urbis lubet, haud ab-
 surdè *Pomœrium* dicam, quia introrsum post muros est.
 Eius usum triplicem Polybius promit. Primum,

„ *Ad egressus ingressusque copiarum.*] Nempe ut com-
 positi ineant, atque in vacuo eo per Genera & Manipu-
 los se disiungant: iterumque in egressu, sic iungant.
 Quod vribile maximè, si eruptione pugnandum, & in-
 stat hostis. Secundum,

„ *Ad pecudes adductas aut preda.*] Mira providentia,
 & ne hoc quoque nomine confusio minima in castris.
 Nec tamen in longum ibi præda seruata: sed ab ipsis, aut
 Quæstore, mox vendenda. Pecudes etiam intellego, tam
 eas quæ ex hoste captæ, quàm has quæ in militarem ci-
 bum, etsi pauca, sequebantur. Nec enim tales multæ
 deliciae. Tertium,

„ *In nocturnis assultibus.*] Si hostis, inquit, noctu assi-
 liat, aut per insidias & clàm tela immittat, innoxia ferè
 sunt ob illud spatium interiectum, & cum perueniunt,
 viribus defecta.

„ *Neque*

„ *Neque ignis, neque telum.*] Ignis voce, tela ignita siue faces intellegit, in crebro vsu veteribus ad pugnas, vt *alibi scribo.

*In Face
Hist.

„ *Tum ob tentoria circumposita.*] Nihil nobis vsquam de tentoriis dixit, cuiusmodi ea fuerint: firma tamen fuisse hinc discas. An igitur ex asseribus aut tabulis, & ideò Tabernacula dicta? In hibernis fortasse & perpetuis illis castris nihil absonum: tamen vulgò minimè. & constat fuisse tentoria hæc è corio & pelle. Inde & nomen, quia funibus tendebant & detendebant. Cæsar: *E corio aut pelle.*

Tentoria
cuiusmodi
diz.

Signo profectionis dato, tabernaculisque detensis. Tacitus: *VII. Gallie.*
Incisis tabernaculorum funibus, suismet tentoriis coopertos *III. Hist.*

arucidabant. Isidorus: *Dicta Tabernacula, quòd cortinae funibus distenta tabulis interstantibus, appenderentur, quæ tentoria sustinerent.* Et si ipse *Cortinas* dicit, & è lino fortasse intellegit, de quibus statim. Nec *Tabernaculorum* vox imponet. cum Festus monuerit, à *tabernis tecta castrensia*, quamquam pellibus contegantur, *Tabernacula dicta.* A formâ igitur aut vsu simili, non à materie: & istæc è pellibus corioque fuerunt. Iosephus de Romanis: *Tὰς δ' ἐπ' αὐτῶν αἰσῶντες πελὲς ὑπὸ τοῖς σκηνώμασι: pelles sub quibus tendebant.* In epistolâ

Valeriani apud Trebellium: *Tribuno Claudio pellium* *In Claudi.*

tentoriarum decurias triginta dabis. Adnota obiter, è publico etiam datas: sed Ducibus. Nam Tacitus contrâ, Tiberij æuo, *vestem & tentoria redimi* à militibus dicit. Sed de pellibus his & Tacitus, de Frisiis: *Tributum iis Drusus modicum iusserat pro angustia rerum, vt in usus castrenses coria bouum penderent.* In tentoriorum scilicet vsu, & si fortè scutorum. In eiusdem Taciti suprâ loco: *suismet coriis coopertos* (non autem *tentoriis*): scripta lectio probè ad hunc sensum refert. Ita igitur de more: in-

H h

terdum,

De bello
Afric.

Correctus
Hirtius.

1. Anabaf.

Lib. 1. 11.

Lib. 11.
Stratag.

Lib. 11.
Bell. Pers.

terdum, vbi inopia, etiam stramentis, centunculis, aut vestibus vfi. Sic Cæsar cum milites in Africam expeditos & nihil præter arma ferentes transuexisset: *Attenuati illi, opido perquam pauci sub pellibus acquiescebant; reliqui ex vestimentis tentoriolis factis, atque arundinibus coriisque contactis permanebant.* In Hirtio ita scriptum, nec sine vitio. Quomodo enim *arundinibus coriisque contacti*, si negat pelles habuisse? Corij sanè vox falsa: & puto *storeisque* verum esse. In vetustiore tamen libro, *arundinum copiis* lego: ex quo haud malè, *arundinum copulis*. Ergo pellibus sic vfi, & inde vulgata historicorum scriptio, *Sub pellibus esse*. Fecerunt & Græci, quibus Xenophon *σενάσια καὶ διφθέρες* adtribuit: *tentoria & tegmina, pelles*. Q. Curtius de Alexandro Macedone: *Pellibus saepe tabernaculi alleuatis, ut conspiceret hostium ignes.* Quod autem in Polyæno scriptum de Agefilao, eum *iussisse milites castra bis ter in die mutare, atque ita necessario ligna multa incidisse cum tentoria erigerent* (τὰς καλὺσας ἐγείρω-τας;) eaque arte Bæotiam callidè vastam reddidisse & sine arboribus: id non eò facit, quasi tentoria tota è lignis, sed dumtaxat fulcra & tigilla lignea fuisse quibus erigerentur & sustinerentur. Quod ipsa eius verba significant. Etsi tamen è ligno etiam reperio. vt in Procopio (versionem modò vidi) de Belisario: *Ipse subito tugurio ex crassis asseribus compacto, quod Papilionem vocant.* Vocem & hanc notabis, quæ item in Trebellij triginta tyrannis, de Herode: *Homo Orientalis & Græcæ luxuria, cui erant sigillata tentoria, & aurati papiliones.* In Lampridij Alexandro: *Apertis papilionibus prandit atque cenauit.* Isidorus: *Papiliones, à similitudine parui animalis volantis.* Hæc ita priscis: etsi è lino etiam, nostrate isto ritu, adnoto fuisse.

fuisse. Isidorus suprà indicat: & clarè Suidas: Τένδα παρ' ἡμῶν οἰκία ἐκ λίνου: *Tenda apud nos domus ex lino.* Res & vox est hodierna. Talia igitur tentoria, sed quàm multa in Manipulum? lubet inquirere: & credam duodecim fuisse. Vegetius quidem auctor vndecim homines vnà tetendisse, & id *Contubernium* appellatum. *Singula*, inquit, *contubernia*, hoc est vndecim homines deputantur. Idem præsidem iis dat Decanum, qui est ipse scilicet vndecimus: *Decani decem militibus præfunt, qui nunc caput contubernij vocatur.* An ab isto capite Italij hodie *Caporales*, vetli *Corporales* alij efferunt, & ad Ammiani *Concorporales* nos remittunt. Hyginus porrò numerum hunc minuit, & octo in contubernio ponit. *Centuria habet milites octoginta, papiliones tendit decem, papilio tegit homines octo.* Vegetij numerus magis pro Polybiano æuo, nec pro ipsâ arêâ ineptus, vt terna & terna steterint tabernacula, ordine quaterno. Atque istæ sunt velut domus militares, cuique notæ, & sciebant quoto, & apud quem manerent. Itaque familiaritas quædam erat & nexus, *Contubernalem* esse: sicut *Adtubernaless* Festo dicti, quorum tabernacula iuncta. Ipsi autem Centuriones in capite cuiusque Manipuli ad exitum siti, vt Polybius palàm scripsit: reliquos adritos probabile est, vt ætas aut dignitas cuiusque erat. **A V D.** Sed enim hoc quoque aueo scire. nihil membrorum aut discriminum in his tentoriis? non culina, non cubicula & lecti? **L I P S.** Rideo. & tu verò parùm cogitas strictam & duram militiam Romanam. Quid culinâ opus? cùm panis cibus esset, & obsonia nulla aut rara? de quibus postea tamen dicam. Decubiculis aut lectis, apage. Illi verò aut humi iacebant, aut super gramen aliquod aut stramen. **Liuius**

Quot tentoria in Manipulū?

Contubernium.

Lib. i. cap. vi.

Lib. i. cap. viii.

Militum stibadia.

Lib. xxi.

de Annibale: *Muli saepe militari sagulo opertum humi iacentem inter custodias stationesque militum conspexerunt.* Et lego Scipionem Æmilianum (cui comes noster Polybius) cum solutam disciplinam corrigeret ad Numantiam, lectos vetuisse habere, atque ipsum primum in stramento dormiuisse. Appiani verba: Κλίνας τε ἀπέπεν ἔχειν, καὶ πρῶτον ὁ Σκίπιος ἀδὼν ἀνέπεν. Sed satis de Tentoriis, ad Polybij verba redeamus.

In Iberic.

„ *Fossæ autem ac valli struendi duo latera incumbunt sociis.*] Vbique prouidentiam videas & mireris. Ecce & in

Ordo in munitione.

muniendis castris perpetuus & certus ordo: & ut quisque in iis locum & tentorium suum nouerat, sic partem quoque operis, quæ obueniret. Nam Socij semper duo latera habebant, vbi tendebant: & eo ordine etiam, nisi fallor, quo tendebant: Romani duo reliqua, per manipulos sic diuisi. Quid autem, cum desierunt iam esse Socij? tum per legiones diuisio facta; & si plures, singulis suum latus. In Cæsare: *Singula latera castrorum singulis adtribuit legionibus munienda.*

III. Ciuil.

„ *Curam partium Centuriones gerunt.*] Quisque in suo manipulo. Vegetius: *Opus Centuriones decempedis metiuntur, ne minus foderit aut errauerit alicuius ignauia.* Vbi velim legi, eruerit: sicut & Rutra in hac re legas.

Lib. III.
cap. VIII.

„ *Operis probationem duo Tribunorum.*] Centuriones quidem per partes intendunt: sed toti operi præsunt & curant duo Tribuni. ut scilicet vniuersè omnia aptè & cohærenter, & nequid ipsi Centuriones remittant. Vegetius idem: *Tribuni circumueunt, nec antè discedunt quàm fuerint vniuersa perfecta.* Qui sunt autem isti duo Tribuni? è quaque legione vnus, qui per menses suos imperium habeat, ut mox discēs. Nec plura nobis de Fossâ

Tribuni
intendunt
munitioni.Lib. III.
cap. VIII.

aut

aut vallo Polybius: ego necessario aliquid ad lucem tuam addam. Fossâ igitur exterius vallo præducta: præducta, inquam, & sic ab ipsâ re dicebant. Tibullus: Fossam præducere.

Quâ deceat tutam castris præducere fossam.

Vegetius: *Tunc opere tumultuario fossa præducitur. Cæsar: Fossas transversis viis præducit. etsi vulgò ibi perducit.*

In Silio: — *fossas instant præducere muris.* Dicebant & *Deprimere fossam*, itemque *Percutere*: ac notabis per te exempla. Ea fossâ lata plurimum octo pedes, & totidem

alta. Iosephum sic interpretor, vbi de castris: *Τάφρος ἑξῶθεν τοῦ ἐξάμηνου βάρους τετραπηνχίς, καὶ ὀπίσθινος*: Magnitudo eius. Lib. i. c. i.

Fossa exterius circumijcitur profunda quattuor cubitis, lata equaliter. Definit quattuor cubitis: sed cubitum illic maiorem accipio & duorum pedum: etsi nec sic modus Fossæ nimis amplius.

Nec abs re fortasse in Iosepho legi: *δεκάπηνχίς*. qui essent quindecim pedes: vt in Cæsare plus semel lego. Imò etiam alij adaugent. & Vegetius, etsi re-

bus labentibus, ac post Iosephum: *Milites, inquit, gladio*

cincti fossam aperiunt, latam aut nouem aut undecim aut tredecim pedibus: vel si maior aduersariorum vis metuitur, pedibus decem & septem vel nouem.

Imparem enim numerum seruari moris est. Ait primò, *accinctos fodisse.*

quò facit hoc Taciti, inter Corbulonis seuera recensentis, *Militem quia vallum non accinctus, atque alium quia*

pugione tantum accinctus foderet, morte punitos. Ponit deinde modum, sed varium, vti reuera fuit, pro temporibus, pro arbitrio Ducis. Sed quod notat *imparem de mo-*

re seruatum: ipse contrait, dum alibi scribit: *Vbi vis*

acrior imminet hostium, tunc legitimâ fossâ ambitum conuenit munire castrorum, ita vt duodecim pedes lata sit, &

al' a sub lineâ, sicut appellant, nouem. En, facit legitimam.

Hh 3 fossam

Magnitudo eius. Lib. i. c. i.

Lib. i. c. viii.

ii. Annal.

Lib. i. cap. xiiii. Vegetij à se dissensio.

foſſam duodenūm pedum:quem parem numerum eſſe
 liquet. Sed quod dicitur hīc *ſub lineā*: idipſum Hirtio,
 niſi fallor, *directis lateribus*. Foſſam duplicem, inquit, pe-
 dum quindenūm lateribus *directis* deprimi iubet. Ita alti-
 tudo maior, quā ſi iacentia latera facias & metiare.
 Atque hoc de Foſſā: Vallum ipſum nunc deſcribo, quod
 appello aggeſtum ē terra & ſudibus, ad labrum interius
 foſſæ, velut murum. Duæ igitur eius partes (vt diſtinctè
 explicem) Agger, & Sudes. Agger eſt ipſa terra, de quā
 Virgilius:

Caſtrorum in morem pinnis atque aggere cingunt.

Lib. I.
cap. XIII.

Modus
eius.

Lib. XXXV.
cap. XLII.

Ibid.

Ceſpes ipſe
quāntus.

Ibid.

Sepes ali-
quādo cir-
cumpoſita.

Aut rami
interpoſiti.

XXI. Ciuil.
Valli alti-
tudo.

Deſcribit eum Vegetius: *Si nimia neceſſitas non premit,*
ceſpites circumciduntur ē terrā, & ex illis velut murus in-
ſtruitur, altus tribus pedibus ſupra terram: ſed ubi vis acrior
imminet hoſtium, tunc creſcit in altum quattuor pedes. Po-
nit ceſpites ad hanc ſtructuram: vti & Plinius. Ceſpitum,
inquit, natura caſtrorum vallis accommodata. Huius &
 modulū præſcribit Vegetius: *Ceſpes ſit altus ſemiſſem,*
latus pedem, longus pedem ſemis. Nam nec temerè aut pro
 arbitrio hunc exſcindere licuit, ſed omnia ad normam.
 Quid autem ſi terra ſolutior fuerit (vt Vegetius loqui-
 tur) vt ad ſimilitudinem lateris, ceſpes non poſſit abſcindi?
 Tum fanè, vt inibi addit, aut foſſa præducitur, cuius in-
 trinſecus agger excreſcit: aut vt poſtea, ſepibus ductis, vel
 interpoſitis ſtipitibus ramisque arborum, ne terra facile di-
 labatur, Agger erigitur. Hoc ipſum Hygino monitum:
Ceruoli, trunci rami, ad hos decurritur, ſi ſoli naturā, ni-
miā teneritudine, ceſpes frangeretur. Iſte Agger eſt, qui sæ-
 pe, vt opinor, vltra Vegetianum modum. In Cæſare qui-
 dem lego: *Erat eo loco foſſa pedum quindecim, & vallus*
contra hoſtem in altitudinem pedum decem, tantum dēmque
 eius

eius valli Agger in latitudinem patebat. In Hirtio etiam: *Castra imperat vallo pedum duodecim muniri*. Pars altera, vt dixi, *Sudes*: qui propriè *Valli*, & inde compositum ex *Sudes*, & *Valli*, idè. vtroque, dixère *Vallum*. Virgilius priore & propriâ notatione: *Quadrifidasque sudes, & acuto robore vallos*. Ibi Seruius: *Bis idem dixit. nam & Valli & Sudes idem sunt*. Magis prisci dixère & *Suros*. *Suri*, *fustes*, ait Festus, unde *σούροις* *Surculi*. Idem Ennij *Crebrisuro* notat: eaque voce notari *vallum crebris suris*, id est *palis munitum*. Sed *Sudium* vox creberrima. vt in Valerio: *Tragulis & pilis, quia roborea sudes deerant, vallauit*. E robore eas sumit, ex acere Propertius:

Hunc Tatius fontem vallo praeingit acerno.

Lib. VII.
cap. VII.

E quâ arbore.

Lib. IIIT.

Sed non est dubium quin è quocunque & obuio ligno, robusto tamen, cùm daretur. Iterùm de Sudibus Ammianus: *Vallo sudibus fossaque firmato*. Idem: *Vallum sudibus densis & fossarum altitudine cautius adstruebatur*. sæpiusque. In Vegetio igitur cùm legitur: *Quibus protecti bellatores, si lutum obfuerit, ciuitatis fossatum etiam comportatis lapidibus complent*: longè aliam lectionem scripti libri præeunt: in quibus ferè est, *bellatores sudatum auferunt*. ex quo illud natum: *si lutum obfuerit*. Atqui (vide & considera) *luto* non ibi locus. Equidem lego: *Sudetum auferunt*. Sub musculis, inquit, protecti bellatores detrahunt *sudes* mœniorum, & fossas complent. Nam & in opidis etiam istæ *sudes*. Sidonius ad Narbonem Martium:

Lib. IIIT.
cap. XVI.

Correctus
Vegetius.

Obiectu sudium coronat agger.

Igitur quâ formâ *Uepres Uepretum* faciunt, *Salices Salicetum*, tali *Sudes Sudetum*. In Suidâ est: *Σέδες Τον, ὃ Φωσά Τον*: Et Suidæ. *Sedetum, fossatum*. Vide ne *Σέδες Τον* vera lectio sit, *Sudetum*:

tum: nisi quis existimat à *Sedibus* dictum hoc *Sedetum*.

Ipsi valli
quales?

Forma Sudium siue Vallorum quæ fuerit, diffusè in Polybio ipso nostro habes, de rebus Quinctij Flaminij in Græciâ. Ipsum vide. Inter alia ostendit, non *equabili* &

Lib. xvii.

simplici ligno fuisse, sed habuisse, ut ipse appellat, δύο κεραίας: ἢ κεῖς ἢ τετραεῖς: duas eminentias & velut cornua, aut tres aut quattuor. Significat ramos in maiore stipite, qui recisi ut cornua eminebant. Tales præsertim in summo

Varro ex-
plicatus.
De L. L.

erant, eoque Varro, me iudice, aspexit cum scripsit: *Val- lum, vel quod ea varicare nemo possit, vel quod singula ibi extrema bacilla furcillata figuram habeant litteræ V.* Duplex etymon dat. siue quod nemo ea varicando transscendat, siue quod in capite & extremo bacillorum V. littera sit expressa. Ostendit amplius idem Polybius, Φι-

Valli su-
perne acu-
ti.

λοπόνως ἀπὸ ζυμύρας τὰς κεραίας: studiosè acutas fuisse eminentias illas vallorum: & causam addit, nequis facile posset apprehendendo euellere, lubrico scilicet ligno. Causa etiam altera in promptu, contra transgressum aut transcensum. Hæc acumina Ammianus ita expri-

Lib. xxv.

mit: *Castra ponuntur, undique, in modum mucronum, præacutis sudibus fixis.* Isti sunt Valli aut Sudes: quas in Ag-

Lib. i. l. i.
cap. viii.

gere illo terreo defixas satis liquet. Vegetius: *Super aggerem valli, hoc est sudes vel tribuli lignei, per ordinem digeruntur.* Itaque longiusculos fuisse oportuit hos vallos, cum pars in terram defigeretur, firmamenti causâ, & pars emineret. Et si implexos & deuinctos inter se etiam fuisse, ex Polybio discas. Hæc ratio tota vallandi nec an-

Valliratio
Græcè νο-
τα.

Iliad. i.
vcl. 349.

tiquis Græcorum ignota, imò usurpata fuit, ex Homero. Nam ille Agamemnonem sic facit castra ædificare ad

Troiam: Καὶ δὴ τὰχ' ἔειπε, ἔηλασε τὰ φρονεῖν ἐπ' αὐτῶν
Εὐρείαν, μεγάλην, ἐν δὲ σκόλοπας κατεπῆζον:

Et mu-

Et murum construxit, & hunc fodit prope fossam,
 Latam atque ingentem, & vallos posuit quoque in ipsâ.
 Satis de Vallo: pars tertia, *Porta*. Quot eas fuisse dici- Porta in
castris.
Lib. XL.
 mus? quattuor. Ex Liuiio: *Ad quattuor portas exercitum
 instruxit.* Vbi autem? ad vnum quodque latum vnam, ex
 Iosepho: Πύλαι δ' ἐνοικοδομήνται τέσσαρες, καὶ ἕκασον ἑπε- Lib. III.
 εῖσιν κλίμα: *Porta inaedificantur quattuor, ad vnam-
 quamque ambitus partem.* Atque inter eas prima *Præto-* Prætoria.
Lib. XXV.
ria, quæ scilicet vicina & à tergo Prætoris. Ammianus:
Ausi inter hæc equitum cunei, portâ perruptâ Prætoriam,
prope ipsum tabernaculum Principis aduenire. Festus: *Præ-*
toria porta appellatur in castris, quâ exercitus in prælium
educitur. Et sanè solet ea plerumque obuerti hosti, vt
 Decumana auerti. Vegetius: *Porta Prætoria aut Orien-*
tem spectat, aut illum locum qui ad hostes pertinet, aut illam
partem ad quam exercitus est iturus. Vbi igitur hostis in
 vicino, illum spectat: vbi minimè, alterutrum ex iis quæ Extraor-
dinaria
eadem.
Lib. XL.
 dicit. Hæc ipsa *Extraordinaria* Liuiio dicta: *M. Vale-*
rium erumpere Extraordinariâ portâ inisset: ab iis ipsis Tur-
 mis & Cohortibus, quæ illic tendunt. Duæ laterales &
 proximæ, *Principales*: è quibus *Læua* altera ad diseri-
 men, altera *Dextra*. Vnde nomen? à Principiis, quia his Principa-
les dua.
 respondent. An non ergo veriùs scribi & appellari *Prin-*
cipiales? profectò puto: nec *Principales*, id est principes &
 primariæ portæ verè dici possunt. Lucretius ita à Prin-
 cipio *Principiale* usurpat: *Principiale aliquod tempus cla-* Lib. V.
démque futuram. Et iterùm: *Haud sine Principiali aliquo* Lib. II.
leuore creata est. Harum mentio in Liuiio satis crebra: &
 loca alibi dedi, aut tu excerpes. Quarta, *Decumana*, à co- Decuma-
na.
 hortibus Decimis ibi tendentibus sic dicta. Ea est op-
 posita Prætorix, & remota ab hoste. Tacitus: *Cuncti ruc-*
 Ii bant

bant ad portas, quarum Decumana maximè petebatur, auersa hosti & fugientibus tutior. Vegetius ostendit supplicia extra hanc sumpta: Decumana quæ appellatur post Prætorium est, per quam delinquentes milites educuntur ad pœnam. Hæc eadem Quæstoria olim dicta, ut suprà dis- fertum. Ista olim: nec inferior ætas valde mutauit, nisi quod minores quasdam portulas interstruxit. Leo Imp. *Ambitus fossati Portas quattuor maiores & publicas habere debet, portulas autem paruas præterea complures.* Sed illas maiores quantas fuisse arbitramur? Iosephus grandes fuisse ostendit, Περὶ τῶν εἰσόδων τῶν ὑποζυγίων ἀμαρτῆς, & πρὸς ἐνδρομὰς, εἰ κατεπεύγοι, πλατείας: ad introitus iumentorum faciles, & ad excursus, si opus sit, latas. Ergo suprà, non minus patuisse quàm Vias censui, id est pedes quinquaginta. Fores & ianuæ etiā iis impositæ, ad ferendum ac referendū. Virgilius indicauit, in castris Troianorū:

Postea
plures
portula.

Fores in
portis.

Lib. II.

Portam, vi multâ, conuerso cardine torquet,

Obnixus latis humeris.

Hirtius item expressè:

III. Gallic.

Turres in
portis,

Et Vallo.

Lib. III.

Portis fores altioresque turres imposuit. Vbi & turres in portis ad defensionē notes: quod item sæpe in toto ambitu castrorū. Iosephus: Καὶ τὸ πρῶτον εἰς σκηνὰς διαλαμ- βάνουσιν, ἐξωθεν δὲ ὁ κύκλος λείχης ὅψιν ἐπέχει, πύργοις δὲ ἵσου δια- σήματος κεκοσμημένος. ἐπὶ δὲ τῶν μεταπυργίων, τὰς τε ὀξυβελεῖς, & κατὰ πέλτας, & λιθοβολὰς, & πᾶν ἀφ' ἡλίου ὄργανον πθέουσιν, ἀπαν- τα πρὸς τὰς βολὰς ἔτοιμα: *Et introrsum quidē tabernaculis locum capiūt, extrorsum verò ambitus muri præbet speciem, turribus ex æquo spatium instructus.* & per intervalla ballistas, & catapultas, & aliud omne instrumentum missile dispo- nunt, cuncta ad iactum parata. Quæ talia tamen non nisi in Statiuis & diuturnioribus sedibus credendum est ha- buisse. In vnam noctem, ne foribus quidem valdè opus.

DI A

DIALOG. VI.

De operibus. qui Immunes in iis, qui Munifices. Secordia posterioris aui.

HABES exteriorem quoque castrorum faciem : in quâ tamen scito variatum interim aliquid maioris firmitatis aut tutelæ causâ. Legas enim non rarò duplicem fossam, & duplex vallum: sed quæ scilicet eadem iam dictis. **AVD.** Linguam mihi soluis, quam ægrè coercui: & rogare libido, an hæc talia & tot opera ipsi milites? **LIPS.** Ipsi nec pro nostro more aut secordiâ munitores quosdam seorsim cogita, circumductos. **AVD.** Non cogito. sed calones, lixas, & id genus in mente habeo: & an non ij potius ad seruilia hæc munera admoti? **LIPS.** Seruilia appellas? ad quæ ego reperio ipsos Imperatores manum interdum admouisse, in calcar & exemplum. Excute hæc nostri æui iudicia, & scito Romanos sociosque communiter & sollenniter in his operibus fuisse. Cotidiana erât, & si qua alia res, hæc militem firmabat & indurabat. Vt tamen semel tibi explicem, Polybio paullum seposito, disce. Duo genera militum fuisse *Munifices & Immunes*. Illos, qui munus facerent: id est, fossas, vallum struerent, excubias stationesque obirent. Istos, qui his omnibus vacarent. De prioribus ita Festus: *Munifices, qui non vacabant, sed munus reip. faciebant.* Vbi illud, *reipublicæ*, suspectum leuiter habeo, nec scio an non magis publicè legendum, abiecto *rei*. Vegetius: *Munifices appellantur, qui munus facere coguntur.* In hoc genere omnes gregarij, & quibus honos aut gradus vacationem non dabat. Quidam enim, vt posui, *Im-*

Ipsi milites munificerunt.

Munifices.

Immunes.

muner erant, quos Festus *Beneficiarios* vocat. *Beneficiarij*, inquit, dicebantur, qui vacabant muneris beneficio. Et hîc displicet *beneficium muneris*: illud verò onus est. Lego: *muneribus, beneficio*. Sensus, sic dictos qui beneficio Imperatorum, muneribus vacarent. Duo enim genera eiusmodi *Immunium*: alij, qui ex lege & more vacabant; alij, qui ex beneficio. Ex lege, omnes Tribuni, Centurionesque, qui arbitri & exactores munerum erant, non actores. Item equites, ob dignitatem. Valerius me docuit in exemplo: *Equestris*, inquit, *ordinis bona magna que pars, quadringenti iuvenes, censoriam notam patiente animo sustinuerunt, quia in Sicilia ad munitionum opus explicandum ire iussi, facere id neglexerant*. Clarius ex Frontino, in eadem re: *Aurelius Cotta Consul, cum ad opus equites necessitate cogente iussisset accedere, eorumque pars detrectasset imperium, questus apud Censores effecit ut notarentur*. Ex quo liquet immunes eos vulgò fuisse, nec nisi in necessitate admotos: quod tunc quoque recusarunt in parte, ne ius scilicet suum remittere aut proiicere viderentur. In eodem numero pono etiam Veteranos & Euocatos, quos omnino probabile est, cum sponte militiam sumerent, munerum hac necessitate non adstrictos, nisi item in necessitate. A quo exemplo exauctorati & qui sub vexillo habebantur temporibus Principum, *ceterorum immunes erant* (ait Tacitus) *nisi propulsi sandi hostis*. Atque isti tales lege vacabant: beneficio autem, quibus id indultum per gratiam, siue quia virtute meruissent. Tale cum Annibal Imperator Campanis concedit, apud Liuium, *Ne ciuis Campanus inuitus militaret, munus sue faceret*: quod valet, nec ad militiam adigi debere, nec si in eâ sponte esset, ad munus. In eodem.

Liuius,

Tribuni,
Centurio-
nes, Equi-
tes vacat.

Lib. II.
cap. IX.

Lib. III.
cap. I.

Euocati
vacant.

Item Ve-
xillarij.
I. Annal.

Et quidam
beneficiarij

Imperator
indulgebat

Lib. XXI.

Liuius, octo cohortes Hernicorum scribuntur, *quæ duplex stipendium acciperent, immunes quoque operum militarium essent, in unum pugna laborem reservati.* Sed & apud eundem, Senatus inter cetera, quæ ignominiosè de Cannensibus reliquiis, censet: *Nequis eorum munere vacaret, neq. dono militari, virtutis ergo, donaretur.* Nec Imperatores solùm ipsi dabant, sed indulgebant aut conuiuebant etiam pro tempore Tribuni. In Quincti-
 liani Declamatione, pro Milite: *Transgo oblatam nolenti munerum vacationem, & blandius adulatum militi Tribunum.* Talia olim: at remissiore iam & minus intentâ militiâ, inualuit, Vacationes pretio etiam, idq. à Centurionibus emi. Inter alia, quæ militiam & rem Romanam euerterunt, hanc scito esse inter occultas causas. Redimebant igitur, & iam per bella ciuilia cœptum mansit sub Augusto. Tacitus in seditione quæ statim ab eius morte, loqui milites facit: *Hinc (è decem assium stipendio) arma, vestem, tentoria, hinc saxitiam Centurionum & vacationem munerum redimi.* Quomodo hîc saxitia, & Centurionum etiam avaritia aut fraus, declarat idem ampliter in rebus Othonis. *Flagitatum, inquit, ut vacationes prastari Centurionibus solite remitterentur.* Namque gregarius miles (nota gregarium tantum exprimi) ut tributum annuum pendebat, pars manipulis, pars per com meatus aut in ipsis castris vaga; dum mercedem Centurioni exsolueret, neque modum oneris quisquam, neque genus questus, pensi habebat. Per latrocinia aut raptus, aut seruilibus ministeriis, militare otium redimebant. Tum locupletissimus quisque miles labore ac saxitiâ fatigari, donec vacatione emeret. Ubi sumptibus exhaustus secordiâ miser elanguerat, inops pro locuplete, & iners pro strenuo in mani-

Lib. vii.

Lib. xxvi.

Et Tribuni.

Et Centuriones.

Vacationes emptæ.

1. Annal.

1. Hist.

pulum redibat. ac rursus alius atque alius eadem egestate ac licentiâ corrupti, ad seditionem ac discordias, & ad extremum, bella civilia ruebant. Sed Otho, ne vulgi largitione Centurionum animos auerteret, ex fisco suo vacationes annuas exsoluturum promisit: rem haud dubiè utilem, & à bonis postea Principibus perpetuitate disciplina firmatam. Tota res explicata, & seueriter etiam damnata: nisi quod postea remittit aliquid, & probat vacationes solui è fisco. Si te noui Tacite & rectum tuum sensum, non pro iudicio, sed pro tempore, & quia eò ventum vt foueri hæc vulnera possent non sanari. Quod autem ait, *rem eam à Principibus postea perpetuitate disciplina firmatam*: quid hoc est? an vt nemo postea munifex? omnes pretio è fisco soluto vacarent? Profectò non potuit, aut omnis iam munitio, & vigiliæ, & munia, cessarunt. Non ea mens. sed certo aliquo numero vacationes Centurioni solutas; ceterum, militi nullam sæuitiam vltra adhibitam, aut immodicè exagitatam, sed cùm opus, fecisse opus. Spes enim cùm recisa extorquendi, cessauit & tormentum. Sanè quia posteriore etiam æuo munierint opusque fecerint, dubitari non potest vel ex Vegetio, qui distinguit duo genera militum: *Principales*, qui *privilegiis muniuntur*, *Munifices*, qui *munus facere coguntur*. Ipse *Principales* appellat, illos *eximios* & in gradu: *Munifices*, *viliores* & *gregales*. Ita Ammianus: *Munificis militis vili & fortuito cibo contentus*: quod ita scribit in laudem & continentiam Iuliani Imperatoris. Iterumque: *Portio pultis parabatur exigua, etiam munifici fastidienta gregario*. In Codice Theodosij: *Qui contra hanc sanctionem fecerit, promotus regradationis humilitate plectetur, munifex pœnam deportationis excipiet*. Quibus locis

Muni-

In Tacito
scrupulus.

Is sublat.

Lib. II.
cap. VII.
Principa-
les milites.
Munifices.
pro gre-
gario.
Lib. XVI.

Lib. XXV.

Lib. V. II.
tit. V. l. II.

Munifices palàm distinguuntur à Principalibus siue Promotis. Vides quid moris fuerit, quomodo minuerit. & facit eò Dionis scriptio, qui Mæcenatem Augusto suadentem inducit, *ut allegat in Senatum quosdam* Lib. LII. *etiam ex Centurionibus*, πλὴν τῶν ἐν τῇ τεταγμένῳ ἐστὶν ἐργασίῳ. τῶν μὲν γὰρ τῶν καὶ φορμοφορησάντων καὶ λαρκοφορησάντων καὶ αἰχρῶν καὶ ἐπονείδισόν ἐστιν ἐν τῇ βελδοπικῇ πινὰς. Ἰξετάζεσθαι: *præter eos, qui aliquando inter gregarios militassent. Nam ex iis qui corbes aut sportulas tulissent, turpe & ignominiosum sit quosdam in Senatu censeri.* Ita Dio. qui censet Centuriones quoque Senatores fieri, sed nempe qui ab initio tales, aut in gradu aliquo: nec qui vnquam vilia ista obiissent. Vilia, ut ipse iudicat pro suo iam æuo: an pro veteri absit, aliter ostendimus. Et quid C. ille Marius, nōne à caligā ad Consulatum peruenit? nōne munifex, & qui vitem capite sæpe excepit & fregit,

Si lentus pigra muniret castra dolabra?

ut ait Satyricus. Sed molliore illo æuo, fracta & mollia etiam iudicia: puluerulenta virtus sorduit, & iam panè dedecus, esse verè virum. Audi Tacitum de Syriacis legionibus, quas Corbulo desides & ignauas repperit: *Satis constitit, inquit, fuisse in eo exercitu veteranos, qui non stationem, non vigilas inissent, vallum fossamque quasi noua & mira viserent, sine galeis, sine loriceis, nitidi & questuosi militiā per opida expletā.* O milites, sed Nerone non Corbulone dignos! Et tale, quod de Prætorianis Spartianus scribit: quos cū Iulianus, is qui imperium ab iis emerat, in campum produceret & exercere militariter vellet: illi vicarios operis, quod cuique prescribatur, mercede conduxerunt. Planè, ut de Ægyptiis Valerius: *qui dictu Archelai aduersus A. Gabinium mœnibus egredi, cū castra*

Dio exp̃-
catus.

XVII. Ann.

Mollitia
sub Prin-
cipibus.

In Iuliano.

Lib. IX.
cap. I.

castra vallo atque fossâ cingere iuberentur, vniuersi succla-
marunt, vt id opus publicâ pecuniâ faciendum locaretur.
Rides? qui magis quàm in nostris hominibus & mori-
bus, per quos certum est idem futurum si rogarentur?
imò seditionem futuram, si iuberentur? Ista sunt quæ
militiam perdiderunt, & perdunt: vilia habere & serui-
lia, quæ domini vsurparunt orbis terræ. Romani enim
certè tales: atque etiam Macedones, de quibus apud
Curtium, obsidione Tyri: *Macedonas inclytos armis, dor-
so, sicut iumenta, onera portare.* Quod iis obiciunt obfes-
si, dum terram fodiunt & sportis egerunt: obiciunt, in-
quam, sed mox subiiciendi. Nec Flori fanè illud æquis
oculis lego: qui de Scipione ad Numantiam, priscam
disciplinam reuocante: *Assiduis, & iniustis, & seruilibus*
maximè operibus attrinisse milites suos scribit. Apage,
seruilibus. numquam id in Romanis castris serui: quos
semel dumtaxat lego manum his operibus admouisse.
In Hirtio de bello Alexandrino: *Cum more operis cotti-
diani, magnam illam seruorum multitudinem quæ aggerem*
portabat, militum esse credidisset. Nam Cæsar ibi seruos
huic rei adstrinxit, quia militem paratum habere vole-
bat in pugnam: atque id Pharnacem fefellit. Num-
quam dico legisse me id expressim, & quod serui soli: et-
si quin milites interdum iuerint, cum opus subitum,
haud negem. In Cæsare etiam, obsidione Massiliensi,
cùm magnæ munitiones instituerentur, lego C. Trebo-
nium ad efficienda opera magnam iumentorum atque ho-
minum multitudinem ex omni provinciâ euocasse. Sed rara
hæc exempla olim: postea tota res abiit, & desierunt
muniri etiam castra. Vegetius de suo equo: *Huius rei (me-
tationis castrorum) scientia prorsus intercidit, nemo enim*
iam diu

Macedo-
nes opera-
rij.
Lib. III.

Lib. I.
cap. XVII.

Calones
aut serui
raro mu-
niebant.

II. Ciuil.
Interdum
& Provin-
ciales.

Munitio
deficit.

Lib. I.
cap. XXI.

iam diu ductis fossis fixisque sudibus castra constituit. Ob-
ferues inde Valentiniani iunioris igitur tempore Vege-
tium vixisse: nam senioris, castra adhuc in vsu. Ammia-
nus sanè aliquoties munit in Iuliani & Valentiniani re-
bus: & de huius fratre Valente in Alanos ducente, *Val-* Lib. xxxi.
lo, inquit, *sudibus fossaque firmato*. Non ergo tunc scien-
tia prorsus interciderat, aut vsus. Etsi iam aliud mu-
niendi genus & leuius cœperat, vt non vallo sed scutis, *Scutorum*
idque multiplicatâ serie, cingerentur. Idem Ammianus *munitio.*
in rebus Iuliani: *Quibus terminatis, reuocatus inuictissi-* Lib. xvii.
mus miles, prope supercilia Rheni tendebat, scutorumque
ordine multiplicato vallatus, victu fruebatur & somno. Ite-
rùm, in eodem Principe: In valle gramineâ properium, Lib. xxiii.
multiplicato scutorum ordine in orbiculatam figuram meta-
tis tutius castris quieuiamus. Quod ipsum in obsidionibus
opidorum aliquoties in eo scriptore factum aduertas. vt
libro xxi. *Ordine itaque scutorum gemino Aquileia cir-*
cumsepta. Alibi de triplici ordine, imò & quintuplici le-
gas. *Quinques ordine multiplicato scutorum cingitur ciui-* Lib. xix.
tas: quod de Persis Ammianus scripsit. Sed hæc scuta so-
la & sine viris deposita non est arbitrandum: recta qui-
dem sic & iuncta stetisse arbitror ad pila aut hastas ac-
clinata, sed milites item appositos ad tuendum. Sed ad
Vegetium quod facit, periisse hunc vsu: idem in fra-
gmento Græcanici scriptoris apud Suidam mihi obser-
uatum: qui Mauricium quemdam diu desitam sepul-
tamque hanc rem ait restituisse & eduxisse. *Οἱ Ῥωμαῖοι*
γὰρ, inquit, τὸ πλεονεχὲς ἀπετάφρουν, ἔτε μὲν ἐν Ἰππὶσιν
πάντα τὰ τοῖονδε εἶχον πλεονεχὲς ἢ μαυρίκιον τὸν πάλαι ἡγή-
σαντο ἔως πολέμου. ἐπεὶ δὲ ὅτε τὴν στρατηγίαν εἶχον, τὸ τοῖονδε
ραθυμίας παροτρύνοντες τὸ δέον ἐπαλήθαγε. Ῥωμαῖοις γὰρ μὴ βα-
λομήτοις

K k

λομήτοις

λαμβάνουσιν τὸ χεῖμα, καὶ ἐς λήθην κατὰ λίσσιν. πόντος γὰρ ὁ κενὸς
 πολέμιος: *Romani ante à castra non muniebant, atque adeò
 scientiam eius rei prorsus non habebant, priusquam Mau-
 ricius Pauli filius dux Orientali bello esset. Is postquam du-
 catum suscepit, hoc totum ignavia prioris correxit, & ad de-
 corum atque utile redegit. Romanis tamen ea res volentibus
 minimè erat, atque in obliuionem iam lapsa erat. Labor si-
 quidem ignavia aduersarius. Habes adfirmatum hoc
 ipsum quod in Vegetio, sed auctorem etiam resuscitatæ
 artis, dignum quem norimus. Vir enim profectò fuit,
 quicumque iste Mauricius. Et sanè sub Græcis iterùm
 vixisse ea videtur, si Leonis Imperatoris præcepta vsum
 habuerunt, quæ de Castris exstant. Ea ipse, voce eius sæ-
 culi, Ἀπληκτα vocat: & interpretatur Ἀπληκτον, τὸ φασά-
 τον. Suidas haud aliter: Ἀπληκτον, τόπος ἐνθα κατὰ λυσι τῆς
 ὁδοπορίας τὰ στρατόπεδα: *Aplectum, locus ubi à viâ quie-
 scunt legiones. Quis alius ille locus, quàm castra? Est & in
 Constantino Porphyrogenetâ id verbi: ἔτι, inquit, τὰ
 τῶν βασιλέων Ἀπληκτα διδοτεθῶσι, καὶ τὰς ὁδὸς ἐκκαθαίρουσι:
 Isti & castra Imperatorum disponunt ac dirigunt, &
 vias mundant.**

*Aplecta
 pro castris.*

DIALOG. VII.

SED excessimus, in viam redimus & ad Polybium
 nostrum, cum quo etiam ratiunculæ aliquid subdu-
 cendum de castris. Nam quia mutari in iis solet pro nu-
 mero militum maiore, imò sub duobus Ducibus gemi-
 nari: hæc quoque addit, non aliâ in re, fateor, quàm in
 hac castrensi, serius magis & accuratus. Nec omnino de
 nihilo, qui hūc libellum *De metatione castrorum* inscri-
 pserunt: quia plurima certè pars de istis. Verba hæc lege:

Quod

Εδὲ δὲ ποτε πλεονάζη τὸ τῶν
 συμμαχῶν πλῆθος, ἢ τῶν δὲ
 ἀρχῆς συστρατοδικῶν, ἢ τῶν ἐκ
 δὲ καὶ πρὸς τοὺς ἀσπασίους. τοῖς μὲν
 ἐκ δὲ καὶ πρὸς τοῖς ἀσπασίους
 νοῖς, ἐπὶ δὲ τῶν ἀσπασίους
 ναπληροῖσι τοῖς, τὴν ἀγορὰν ἐπὶ
 τὴν ἀμεινὸν σωματίζοντες εἰς αὐ-
 τὴν τὴν κατεπέμποντα πρὸς τὴν
 χεῖραν τὸν. τοῖς δὲ ἀρχῆς σω-
 εκπορευομένοις, ἐδὲ ἢ πλῆθος ἰκα-
 νώτερον, ῥύμῳ μίαν δὲ ἐκατέρω
 δὲ μέρεσι τῶν ῥωμαϊκῶν στρα-
 τῶν πρὸς ταῖς ὑπαρχέσαις πα-
 ρὰ τὰς ἐκ τῶν πλαγίων Ἰπφα-
 νείας, ὡς ἀπὸ τῆς. πάντων δὲ τῶν
 τεταρῶν στρατῶν, ἐπὶ τῶν ὑπα-
 τῶν ἀμφοτέρων εἰς ἑνὴν χάρακα
 σωματίζοντων, ἐδὲ ἑτερον δὲ
 νοῖν, πλὴν δύο στρατείας καὶ τὴν
 ἀρπύριον παρεμβολύκας αὐ-
 τετραμύκας αὐταῖς συνηρό-
 ας, συναπύκτας καὶ τὰς τῶν Ἰπ-
 λέκτων ἐκατέρω δὲ στρατῶν πα-
 ρεμβολάς. ἐς ἐποῖεν μὲν εἰς τὴν
 ὀπίσσω ἐλποῖντες ἐπιφάνειαν τὴν ὅλης
 παρεμβολῆς, ὅτε δὲ συμβαίνει γί-
 νεσθαι τὸ μὲν ἄλμα ὡς ἀμύκας, τὸ
 δὲ χωρίον διπλάσιον δὲ πρὸς ἐν, ἵνῃ
 δὲ πρὸς ἑμῶν ἡμιόλιον. ὅταν μὲν ἐν
 συμβαίνει ἐπὶ ὑπάτης ἀμφοτέ-

*Quod si aliquando maior POLYB.
 sit Sociorum multitudo vel
 ab initio comitantium, vel
 postea fortè superuenien-
 tium: his quidem qui postea,
 prater loca dicta, etiam eum
 qui ad Prætorium est com-
 plent, Forum ipsum et Qua-
 storiū, si res exigat, in unum
 conferentes. His verò, qui
 ab initio simul egressi fue-
 runt, si iusta multitudo sit,
 Strigam unam parte alte-
 ra legionum addunt versus
 vallum. Omnibus autem
 quattuor legionibus, ab u-
 troque Consule, in una ca-
 stra conductis, nō aliud men-
 te concipere oportet, quàm
 duos exercitus, modo quem
 supra dixi, pariter metatos,
 atque inuicem sibi obuertos
 esse: iunctos et sese contin-
 gentes, quâ parte Extraordi-
 narij utriusque exercitus lo-
 cantur, quos feci scilicet me-
 tari ad castrorum tergum.
 Ita fiet, ut Figura quidem
 sit oblonga, locus priore duplo
 maior, ambitus sesquialter.
 Cum igitur Consules unâ
 Kk 2. metan-*

εξ ους στρατηγεδδεν, ετως δει
 χειν) ταις στρατηγεδαις. οταν ο
 χωεις τ' αλλα μρωσαντως, λω
 δι' αγορεν, και τ' ταμειον, και τ'
 στρατηγον, μεσον πδεας των
 δυνεω στρατηγεδων.

*metantur, eiusmodi semper
 utuntur metaturâ: cum se-
 orsim, alia quidem sunt simi-
 lia, Forum verò, Quæsto-
 rium, & Prætorium in medio
 utriusque exercitus ponunt.*

Duo proponit, & exponit, quæ morari lectorem possint. Prius, de Sociis. Nam ij aliquando plures aut superueniant (puta à regibus aut sociis gentibus missi:) aut simul lecti & egressi sunt. quod crebrum, cum è Latio aliquando duplicem numerum aut sesquialterum, vt docui, capere solerèt. Quid tum igitur factum? ordine explicat. & pro aduentoribus quidem, inquit,

„ *Præter loca dicta*] Quæ ista? Vacua, vt opinor, post Extraordinarios relicta. Nam hoc disertè dixit, (spatij ibi aliquid redundare, aduenientibus implendum. Sed si ea non sufficiant; addit,

*Forum &
 Quæstorium
 inacta.*

„ *Etiam qui ad Prætorium est, complent.*] Nimirum spatium illud centum pedum & viam latam, antea relicta. Quod si opus etiam sit, totum Forum ad Prætorium vsque complent. Dixeris. vbi tunc igitur Forum? respondet, in vnum locum solere cum Quæstorio conferri: id est, vt locus ille vacuus antea vsibus Quæstoris destinatus tantum, nunc etiam foro rerum vanalium feruiat. At verò si ab initio maior fuerit multitudo, & castris nondum positis aut vallatis: tum aliter & magis compositè rem expediunt. quomodo?

„ *Strigam vnâ parte alterâ legionum addunt.*] Castra scilicet in latitudine augent, & ad socios alios socios ponunt, prorsus formâ & modo dicto. Ita fit tunc via media,

*Castra in
 latu sem-
 per aucta.*

dia, & alter Vicus. Sed hoc tantum, si iusta multitudo, inquit, ad locum implendum. Si non, supernè scilicet locantur. Credo idem factum, si tres (quod tamen rarò) sub vno Consule legiones: in latum, inquam, castra producta. Quid tamen si quattuor, & vterque ibi Consul? facilis ratio: & ait,

„ *Non aliud mente concipere oportere, quàm duos exercitus.*] Sententia tota. Binas esse copias, & bina velut castra, vno saltem vallo clausa. Itaque dispositio tota eadem manet, dumtaxat notandum binos istos exercitus à tergo sibi iungi, & Extraordinarios limitem castrorum esse. Atque istud facile: aliud mouet, obscurius aut implexius nobis. Quid enim si vnà quidem, sed non misceri volunt castris? vterque Consul seiunctos habere suos? Tum, inquit,

„ *Alia quidem sunt similia, Forum verò, Quæstorium & Prætorium in medio.*] Videtur dicere (videtur. nam satis hæc ambigua.) quod ad legiones, omnia tunc fuisse eadem: dumtaxat Prætorium, Quæstorium & Forum admota vtrimque ad vallum, & sic communionem inter Consules fuisse: singulis tamen castris vallo suo discretis. Nam hoc nisi fuisset, iam non esset metatio, & castra diuersa. Hoc autem fieri potuit, vel in Oblongâ illâ figurâ iam dictâ: saltem vt Extraordinarij amouerentur, & ad latus locarentur: vel in figurâ aliâ, vt castra velut geminarentur, sed duplici vallo secreta: Prætorium autem & adiuncta, ad latus vtrumque circa portas Principales. Ista ex Polybio. etsi rarò aut non leges (in libris qui hodie) Consules sic iunctis castris, vallo tamen diuisos. Et quid opus? nisi si auctoritatis seruandæ gratiâ: etsi & aliter ea salua. Scipio Imp. ad Pompeium venit: & vt

*Partitio
castrorū,
vbi duo
impp.*

xi. Ciuil. Cæsar narrat, *receptis omnibus in vna castra legionibus, ille suum cum Scipione honorem partitur, classicumque apud eum cani, & alterum iubet Prætorium tendi.* Simile Augustus in Agrippâ. & vt Dio ait, *siquando simul ad bellum irent, tabernaculum sui simile dabat, & signum ab utroque peti iubebat.* Diuisa quidem castra etiam lego, sed loco etiam diuisa & abiuncta: idque vel ob numerum militum maiorem, vt apud Cannas maiora & minora fuerunt: vel ob alium vsum, vt Cæsar in Ariouistum. Illud rari exempli, vtrumque Consulem conuenisse, & in castris nil mutasse: sed Hastatos ab Hastatis, Principes à Principibus, & sic ordine; itemque Centurionem à Centurione, Tribunum à Tribuno receptos. Quod Claudius Nero & C. Liuius vsurparunt, contra Asdrubalem: sed dumtaxat in vnam noctem, & ad fallendum hostem. Discas tamen ex eo, satis laxè metari solere, cum tot millia in iisdem locis possent recipere & inferere: expulsis, nisi fallor, & in vacuum ad valla reductis caloni- bus & iumentis plerisque.

DIALOG. VIII.

De ministeriis, quæ Tribunis & Equitibus & alibi præstantur, item de Excubiis & Stationibus.

SED de Castris ipsis denique iam peregrimus, sermone & re haud illepidâ, sed longâ: & subinde cum Pindaro vereor*, *μὴ κόρη ἐλθὼν κνίσῃ.* **AVD.** Harum quidem dapum haud satier, te condiente: & vetus illud verum didici,

*ne satietas venies
offendat.

Οὐ μὲν γὰρ παντὶς ἐστὶν ἀρτύσαι καλῶς:

Condire scitè non cuilibet datum est.

LIPS.

LIP S. Fortasse nec mihi, nisi quia amotus ita vult, cui bella etiam non bella. Sed sedem igitur Disciplinæ quia vidimus, nunc ipsam. Tria ad eam spectant, *Munia, Exercitia, Leges*. Quædam ex his prompta nobis in Polybio, quædam non erunt. Ipsum primò excutiamus: si quid deerit, & tempus & hic animus ferent, post dabo. *Munia* appellamus excubias, ministeria, & hæc talia: quæ in his Polybij verbis habes. Lege:

Εξῆς δὲ τῶν διέταξαν τὰς σημαίας ἐξ ἑκάστου στρατοπέδου τῶν περικίπων, ἔ τῶν ἀσάτων, δύο μὲν εἰς τὴν Ἰπμέλειαν ἔ τπε ἔ πρὸ τῶν χλιαρχῶν. τὴν δὲ δια τριβλὼν ἐ τῶν καθημερίαις οἱ πλείστοι τῶν ῥωμαίων ἐ τῶν ποιουμένων τῇ π λαίᾳ. διόπερ αἱ σπευδάζουσι περὶ ταύτης, ὡς φαίνεται καὶ καλλυνῆται σφίσιν Ἰπμελῶς. τῶν δὲ λοιπῶν ὀκτωκαίδεκα, τρεῖς ἑκάστου τῶν χλιαρχῶν διαλαγχάνει. τσαῦται γάρ εἰσι τῶν ἀσάτων ἔ πριγκίπων ἐν ἑκάστῳ στρατοπέδῳ σημαῖαι, καὶ τὴν ἀρπὴν ῥηθεῖσαν διαίρεσιν. χλιαρχοὶ δὲ ἐξ τῶν δὲ τριῶν σημαίων ἀναμέρῃ ἑκάστῳ τῶν χλιαρχῶν λειτουργεῖ λειτουργίαν τῶν τῶν. ἐπειδὴ δὲ καλὰ στρατοπέδῳ σσι, ἢ τὴν σκηνὴν ἰσῶσιν ἔ τῶν, ἔ τὸν πρὸς τὴν σκηνὴν ῥπον ἢ δάφισαν. καὶ π περι-

Deinde verò ordinant. POLYB.
manipulos, ex utraque legione, Principum ἔ Hastatorum, duos ad curam loci qui ante Tribunos est. In hac enim viâ plerumque diem, plerique militum terunt: ideoque cura iis est, ut aspergatur verraturque diligenter. Reliquorum autem manipulorum octodecim quisque Tribunus tres sortitur. tot enim sunt Hastatorum ἔ Principum in quaque legione manipuli, Tribuni autem ipsi sex. atque è tribus istis manipulis singuli ἔ per vices Tribuno hoc ministerium ministrant. Cum castra metantur, tentorium eius statuunt, ἔ locum circum complanant: ἔ si quid sepiendum

φάξαι δὲ ἡλίων σκευῶν ἀσφαλείας
 χάριν, ἔτι φρονιζέσιν διδόασιν ὃ
 ἔ φυλάκεια δύο. τὸ δὲ φυλάκειον
 ἐστὶν ἐκ τετάρων δυνάμεων, ὧν οἱ μὲν
 πρὸ τ' οὐλῆς, οἱ δὲ κατόπιν τῶν
 ἑστῶν ἵππων ποιεῖν τὴν φυλακὴν.
 ἑστῶν ὃ σημαίων ἐκάστη χιλίαρχω
 τριῶν, οὗ ἐκάστη δὲ τούτων δυνάμεων
 ὑπερχόντων ὑπὲρ ἑκάστην, χω-
 ρεῖς τῶν τριαρίων ἔ τρὶς φομαχῶν
 (ἔτι γὰρ ἐλαττωμένοι) τὸ μὲν ἔρ-
 γον γίνεται κόρυς, διὰ τὸ πρὸ
 τελευτῶν ἡμέραν ἐκάστη σημαία
 καθήκειν τὴν ληττεργίαν. τοῖς δὲ
 χιλιαρχοῖς ἅμα μὲν τὸ δὲ διχρη-
 σίας ἀναγκαῖον, ἅμα δὲ τὸ π-
 μῆς, διὰ τῶν περὶ τριῶν ἀπο-
 τελεῖται σεμνὸν καὶ περὶ αὐτῶν. αἱ
 δὲ τῶν τριαρίων σημαῖαι, τῆς μὲν
 τῶν χιλιαρχῶν πρὸς αὐτοὺς λη-
 τεργίας. εἰς δὲ ἑστῶν ἵππων
 οὐλαμοὺς ἐκάστη σημαία, καθ'
 ἡμέραν δίδωσι φυλακὴν αἰ-
 τῶν γεινῶν κατόπιν τῶν οὐλα-
 μῶν, οἱ τινες τηροῦσι μὲν καὶ
 τὰλλα, μάλιστα δὲ ἑστῶν ἵπ-
 ποις, ἵνα μήτ' ἐμπλεκόμενοι
 τοῖς δέμασι, βλάπῃνται πρὸς
 τὴν χρείαν, μὴ τελευτῶν καὶ
 περὶ ἵππων ἄλλοις τρα-
 χὰς καὶ δορυβοῖς ἐμποιοῦσι τῶν

piendum aut claudendum
 sit ad vasorum custodiam,
 id præstant. Dant ἑ duas
 excubias: quarum pars ante
 tentorium, pars post illud iu-
 xta equos agunt. Cum au-
 tem sint cuique Tribuno tres
 manipuli, ἑ in quoque isto-
 rum viri supra centum (Tria-
 riis exceptis ἑ Velitibus.
 nam hi non ministrant:) le-
 ue munus sit, nec nisi in quar-
 tum quemque diem ad ma-
 nipulum redit ἑ incumbit.
 Tribunis vero simul ἑ
 commoditas ex hisce mini-
 steriis, simul ἑ dignitas at-
 que honos imperio accedit.
 Triariorum porro manipu-
 li liberi quidem sunt à mi-
 nisterio Tribunitio, sed
 Turmis equitum excubiam
 cottidie præbent, ut quisque
 manipulus à tergo Turmæ
 assidet. Atque hi curant
 cum alia, tum equos maxi-
 mè, ne aut vinculis impediti
 inque ligati lædantur, inuti-
 les futuri ad militiam; aut
 soluti ἑ ruentes turbas ac
 consternationem excitent.

in

στρατοπέδῳ μία δ' ἐξ ἀπασῶν καθ' *in castris. Vnus verò ex om-*
 ἡμέραν. σημαία ἀναμείβεται τῷ *nibus manipulis in diem*
 στρατηγῷ παρκασιτεῖ, ἥ τις ἅμα *Imperatori excubat, quæ*
 μὴ ἀτφάλειαν παρκασιδαζει *res est tutum eum præstat*
 τῷ στρατηγῷ πρὸς τὰς Ἰπιδου. *ab insidiis, est ornatum,*
 λαίς, ἅμα δὲ κοσμεῖ τὸ πρῶτον *speciemque magistratui*
 μα τῆς ἀρχῆς. *addit.*

Positis castris, primùm post iuramentum (de quo dicitur in Legibus) præstitum, quod curant Tribuni, est partitio manipulorum ad ministeria, & munia diurna. Attende. pulchra videbis & composita, haud aliter quàm in familiâ boni patris.

„ *Ordinant manipulos, inquit, ex vtraque legione Principum & Hastatorum.*] Qui verò ordinant? Tribuni: quomodo? sorte. Quos? non omnes, sed Principum & Hastatorum ex vtraque legione. Triarios & Velites omittunt, quorum nullus hic vsus. Et ex vtraque legione ita, vt tamen sex & sex Tribuni, quique non nisi ex suâ legione manipulos capiant: nec miles extra suam legionem ministerium Tribuno præstet. Summatim hæc istis verbis primis dicuntur: quæ velim te libare oculis interdum, & eos tum ad me referre. Vix enim sermonem meum capias, nisi & Polybiana adiungas.

„ *Duos ad curam loci.*] Isti duo manipuli in totum sunt? an duo ex quaque legione? nempe vnus Principum, vnus Hastatorum ex quaque? Sunt verò ex quaque, atque ita quattuor simul, argumento claro ex verbis infra, cùm *octodecim manipulos* reliquos in legione dicit. Sunt autem in quaque ex vtroque hoc Genere viginti, decem Principum, decem Hastatorum.

Quot manipuli ad primam curam.

Ll

„ *Loci*

*Frequentia Principio-
tum.* „ *Loci qui ante Tribunos est.*] Ea sunt Principia, celeberrimus & sacerrimus locus, ut supra dictum, & hinc quoque clarè vides. Sermones enim ibi & conuentus in totum diem, atque etiam iudicia, & siquid aliud publicè agendum.

*Principia
versa, ter-
sa.* „ *Ut aspergatur verraturque diligenter.*] Heus tu Baetae, qui munditiâ & politia prouocatis aut vincitis omnes gentes, quid Romani tibi nostri videntur? non & ipsi politi, munduli, idque in ipsis castris? Noluerunt sordium hinc aliquid: & quia frequenti itu & attritu necessum erat puluerem aut lutum fieri, iusserunt in dies viam hanc adspergi & mundari. Illud, cum puluis; hoc cum lutum. Sed fortasse etiam non fallar, si cespitem hinc dispositum tessellatim dicam, instar pauimenti. Sit pro reliqua diligentiâ Romanâ: & Tribunicis tabernaculis ita factum mox dicet. Hoc magis adfirmem in Statiuis aut Hibernis; si ista quidem lapide aut glareâ etiam strata non fuerunt. A V D. O gratam mihi curam! & quæ alterum iniicit à te celatum. L I P S. Quid illud? profer. A V D. Verecundor. L I P S. Quid tandem? impurum aut infandum aliquid in castris his castris? A V D. Non tale. à naturâ est, sed & naturâ duce filemus. L I P S. Dic clariùs. A V D. Ea inquam quæ natura requirit, cum tam mundi Romani tui, vbi deposuerunt? L I P S. Profectò in risum me das inopinato hoc & iocoso quæsito. Tamen certè necessaria res, videamus. Quî autem definiam? veteres silent, quod tu quoque nunc ægrè proferbas. Coniicio, extra castra & vallum hæc fecisse, cum liceret: id est, de die. Quòd si noctu vigerentur, in tentoriis & vasis, ac calones aut ipsos asportasse. Discurrisse enim in tenebris per castra & excubias non opinor: & fraudi

*Vbi sordes
humanae?*

fraudi fuerit locus. Quid si etiam, vt Turcas hodie audio, in fossis quibusdam hæc excreuerint, iisq̃ue terrâ repletis, alias subinde nouas foderint? Id potuit, & Turcæ maioribus tabernaculis tentoriola quædam coniuncta habent cum his scrobibus: quæ tentoriola scilicet crebrò mutant. Faciunt simile in extis aliisq̃ue reiectamentis carniū, & ea defodiunt atque humo operiunt studiosè, contra fœtores. Salubria haud dubiè castra per minutas has obseruationes. At enim Spartani ^{Turcarum manducies.} ^{Spartanorum mos.} liberiùs aut inuerecundiùs se hîc gerebant. de quorum militiâ castrisq̃ue Xenophon hoc quoque narrat: Καὶ εἶπε Πρὸς τὰ ἀναγκαῖα ἀπὸντας οὐ δεῖ θαυμάζειν, ὅτι οὔτε ἀλλήλων, ὅτε τῶν ὀπλῶν πλέον, ἢ ὅσον μὴ λυπεῖν ἀλλήλους, ἀπέρχονται καὶ ὅτι ταῦτα ἀσφαλείας ἕνεκα ποιοῦσιν: At que eos qui ad necessaria secedunt, non oportet mirari quòd haud longius ab aliis aut ab armis suis recedunt, quàm quod satis sit ne nares offendant. hoc enim securitatis causâ faciunt, & ne excipiantur. Sed in ministeriis nostris pergamus.

„ *Quisque Tribunus tres sortitur.*] Hîc de sorte, antè non dixit: sed antè quoque admisi à sollenni militiæ, in quâ fors assidua aut certè crebra. Ait, *quemque Tribunum tres habere*: quid clarius? Sunt reliqui octodecim manipuli, seni Tribuni: tres igitur in singulos. Quid autem isti faciunt? sequitur,

„ *Tentorium eius statuunt.*] Non ergo lautioribus hisce Tribunis proprij ministri & serui? Fuerunt, sed visum tamen hæc omnia quæ militiam tangunt per milites fieri, tum contra ignauiam & otium, tum causâ obsequij, & vt opportuni magis imperiis atque obnoxij essent. Hodie abnuant, per malum fastum, qui in milite

Ll 2 bonus,

bonus, sed in hostem: apud Duces obsequiosi & flexi animi conueniunt.

Tentoria
cespitem
strata.

„ Locum circa complanant.] In Græco, ἐδάφισαν: pauimentabant. Nec tamen de vero lapideoque pauimento ceperim: vnde cottidiani & subiti isti lapides? sed de cespicio, & credo virides sic eos comportatos à milite & tessellatim dispositos. Si locus tamen vicinus præberet, aut diuturnior mora posceret (vt in Statiuis aut Hibernis) non abnuam etiam de glareâ aut lapide, quia istos homines video omnia de facili præstitisse, quæ ardua nobis & onerosa. Iulius quidem Cæsar *sectilia sua & tessellata* in hunc vsum circumtulit, vt supra monui: sed Iulius ille, qui omnia supra vulgus, & ipse reuera non è vulgo. Hæc ministeria Vegetius quoque tetigit: *Duci Prætorium præparatur, ac Tribunis tabernacula collocantur, quibus per contubernales deputatos aqua, lignum, & pabulum ministrantur.* Quæ postrema etsi Polybius non expressit: tamen fuisse olim censeo, & aquatum, lignatum, pabulatum milites istos isse in vsum Tribunorum.

Cæsaris
splendor.

Lib. III.
cap. VII I.
Ministeria
alia Tri-
bunus.

Excubia
Tribunis.

Comitan-
tur eos.

„ Dant & excubias duas.] Præter dicta, è ternis istis manipulis ordine Tribunis sunt excubitores. Quid isti agunt? velut custodes quidam sunt aut apparitores. Imò fallor, aut cum ipsis Tribunis, si exhibant, pars eorum exhibat: vt honestè scilicet per castra & alibi incederent, militibus sic comitati. Hunc morem collapsum restituit Alexander Seuerus, Imperator inter optimos, si quis facta & dicta eius iustâ trutinâ librat: *Apparitores nullos esse passus est.* (ita in vitâ eius Lampridius) *Tribunis aut Ducibus nisi milites anteire noluit. iussitque vt ante Tribunalium quattuor milites ambularent, ante Ducem sex, ante Legatum*

Legatū decem. Ecce quattuor milites adtribuit, quid nisi ipsam vnam Excubiam nostram? *Duci sex.* quis iste Dux, qui olim Legatus dictus, legioni nempe præpositus: ex quo colligas tres excubias eum habuisse. At ipsi *Legato decem:* id est, legato Consulari, aut exercitus primario Duci. Ex hisce Lampridij arbitror Trebellium Pollionem castigandum in triginta Tyrannis, Balistā decimosextimo: *Est Valeriani epistola, in quā docet sibi præcepta gubernandæ ip. ab eodem (Balistā) data, gaudens quòd eius consilio nullum adscriptitium, id est Vacantem haberet, & Tribunum nullum stipatorem, qui non verè pugnaret.* Scribo, & *Tribunus.* Est hoc ipsum quod Alexander sustulerat, sed postea iterum irruperat, ne Tribuni apparitores aut stipatores proprios haberent, qui annonas scilicet acciperent, & militum salaria absumerent: sed dumtaxat verè milites ante eos irent.

Trebellius
leuiter re-
scriptus.

„ *Excubia est è viris quattuor.*] Notetur seriò excubiarum hic numerus. qui ipse fuit etiam Vegetij æuo: *De singulis, inquit, Centuriis quaterni equites, & quaterni pedites, excubium noctibus faciunt.*

Quot ho-
minum
excubia?

„ *Leue munus, quoniam in quartum quemque diem ad manipulum redit, & incumbit.*] Ita est. Sunt tres manipuli, ergo ad primum quarto die munus redit. Sed in ipso Manipulo quoque, quindecim duplices tales Excubiæ: ergo quadragintaquinque in tribus: atque ita non nisi tali die ad singulos venit.

„ *Triariorum Manipuli liberi sunt à ministerio Tribunicio.*] Atque etiam Velitum, vt præmisit: sed Triariorum, ob dignitatem, istorum ob vilitatem: & quia vtrique aliò vocantur. Quò Triarij? addit,

„ *Turmis equitum excubiam cottidie præbent.*] Obser-

Ll 3 ua &

Equitibus
excubia
vnde.

ua & equitibus honorem habitum, qui primores ciuium & proximi à Tribunis. Sed nōne in vili, quòd istis ministrant Triarij? nōne dignius, si digniori? Non hīc quidem. aspectus ad locum metationemque fuit: & quia Triarij post ipsos equites, per commodum visum vt iis ministrarent, sine molestiā vllā suā, & in suis tabernaculis manentes. Nam & hoc adiungit, quemque Manipulum Excubiam dedisse Turmæ præpositæ, & cui ipse subiunctus. Hoc leue. & amplius: dedēre tantum excubiam vnā. Nam *φυλακείον* hīc singulari numero Polybius: conuenienter id ipsum. quoniam nec Equitum tanta dignitas; & quia ipsi Triarij etiam non nisi dimidiati ad alios Manipulos. Vide vbiq̃ue, in minimis maximis, analogiam & circumspectionem.

„ *Turbas & consternationem excitent in castris.*] Cuius rei exemplum in Tacito: *Fortè equus abruptis vinculis vagus, & clamore territus, quosdam occurrentium obturbauit. Tanta inde consternatio in castris irrupisse Germanos credentium, vt cuncti ruerent ad portas.* Et addit, sisti non potuisse, nisi quod ipse Legatus se proiecit in limine portæ, & pudore calcandi fugam repressit. Insigne exemplum etiam hæc talia minima cauenda, vicino maximè hoste: & vides Romanos veteres fecisse.

Excubia
Imperatoris.

„ *Unus verò ex omnibus manipulus in diem Imperatori excubat.*] Dubitare aliquis possit, vnūsnē ex omnibus omnino manipulus, an tantum ex triginta vnus legionis? Nihil enim definit, etsi hætenus sermo de vnâ legione fuit. Sed postea tamen etiam in Vigiliis vnus Manipuli accubantis Prætorio mentio tantum fit. Ergo hoc non decido: magis quero, Sociis quid factum? Quero? imò quoror etiam de te Polybi qui siluisti. Certè immu-

Sociorum
excubia.

immunes & vacuos eos fuisse non ego opinor, nec ratio vlla suadet. Puto igitur tribuendos ad exemplum Legionis, vt quidam etiam Manipuli Principia munda habuerint in suâ parte: aliæ excubiæ item Præfectis, exemplo Tribunicio: denique & Imperatori manipulus fortassis vnus. Fortassis. nam hîc hæreo: sumam ex Cornibus, an ex iis qui adiacent Prætorio Extraordinariis ipsis? Posset non incommodè aut indecorè sic fieri, vt Manipulus vnus ciuium excubuerit à fronte & à tergo, diuisus: vnus Sociorum, ad vtrumque latus. Deinde ipsos etiam qui proximi Equitibus, siue in Cornibus siue in Extraordinariis, probabile est Excubiam vnam iis dedisse, exemplo Triariorum. Quæro amplius, Cùm hæc ita in castris, quid ad portas & vallum, quis seruauit? nam aliquam ibi tutelam & custodiam fuisse ratio & testimonia euincunt. Passim lego de excubitu in portâ, atque etiam ante portam. In Sallustio: *Neque secus atque si hostes adessent, iter facere, castra munire, excubitum in portâ* (lego cum priscis libris, *portas) *cohortes ex legionibus, pro castris equites auxilios mittere.* Virgilius allusit, de animalculo aëreo:

Excubia
ad portas.

In Iug.

* plures enim in castris.

Sunt quibus ad portas cecidit custodia sorti.

II. Geor.

Atque adeò Romanus mos fuit totas Cohortes & Turmas habere & ponere quietas ante ipsas portas: non vnum aut alterum militem, vt hodie solet, quos à sentiendo *Sentinellas* vocamus. Illi plures, atque etiam cùm periculum esset, alios super alios, & longiùs abiunctos. Id vocabant ab ipsâ re *Stationes*. Stabant enim. Cæsar: *Quæ in statione pro castris erant Afranij cohortes.* Palàm hîc pedites habes: at equites in Sallustio suprâ, & nunc in Liuiο: *Manlius super castra hostium cum turmalibus suis*

Stationes.

II. Ciuil.

Ex pede.

Ex equite.

Lib. VII.

vtiles, quòd numquam hostis imparatos aut paucos de- Stationem
nefas de-
seri.
prehendebat, imò qui essent resistendo donec succurre-
retur. Anxiè autem seruata: & omnino capitale (nisi
magnâ vi abriperentur potiùs, quàm pellerentur) de-
seruisse. Polybius: Περίπυον ὡς τὰ ῥωμαίοις θάνατός ἐστι τοῦ Lib. 7.
ἀπογεμίνου τὸν τόπον καὶ φυγόντι τὸ ἀθάπαι δὲ ἐφεδρείας: Pæ-
na mortis apud Romanos, illi qui locum deseruisset aut om-
nino fugisset ex statione. Suidas ex hoc siue alio eius loco:
ὡς τὰ ῥωμαίοις θάνατος ἢν ἀπέφυγον τῆς ἐφεδρείας λιπόντι τὴν
τάξιν: Apud Romanos mors pæna, si quis liquisset locum sta-
tionis. Liuius: Apud Romanos, prasidio decedere, capitale Lib. XXI. 11.
esse, & nec liberorum etiam suorum parentes eam legem
sanxisse. Suetonius de Augusto: Centuriones statione de- cap. XXIII.
fert à, itidem ut manipulares, capitali animaduersione pu-
nit. Mitior postea militia facta, & Modestinus de hoc
delicto: Qui stationis munus relinquit, plusquam emansor Lib. III.
est. Itaque pro ratione delicti castigatur, aut gradu militiæ De re mil.
deijcitur. Sed qui igitur istas, quo numero, quo ordine Modus
Stationū.
subierunt? Adseueranter non dixero: sed ex omni gene-
re militum (exceptis Velitibus) suspicor obuisse. Quot:
ad singulas portas non minus Cohorte, & Turmâ vnâ:
interdum & plures, cùm iuxta hostis. Quattuor autem
portæ, in vniuersum quadraginta cohortes, & totidem
turmæ (exceptis iis qui ad Prætorium Extraordinarij
aut Selecti:) ergo munus redijt decimo quoque die: imò
quinto die, si illum medium diuidis (quod ab Æmilio
institutum) & secas. Ab hac re Extraordinarij immu-
nes? fortasse, quia Imperatorem exeuntem comitaban-
tur, eique præsidio erant. Si non; tum Prætoria porta cu-
stodiæ illorum esto: sed non sine ciuibus. Dixi plures in-
terdum aut geminatas cohortes fuisse: & verum est.

M m

In

Hirtius
correctus.

In Hirtio, de bello Africo: *Opera interim ipse cottidie* (de Cæsare) *circumire, & alternas cohortes in statione habere, propter hostium multitudinem.* Vbi vetus editio *alteras cohortes*: vt significet duas fuisse. Nam *alternas* profectò non conuenit, & fuerit hoc releuandis militibus, at non pellendis magis hostibus. In libro autem scripto Torrentij, *ad terras* compendio quodam scriptum: è quo libens fecerim, *ad ternas*. Imò mihi crede sic fuisse. Atque ita in stationibus Romani: paullò aliter Spartani, bonæ & compositæ item militiæ homines, de quibus Xenophon: Φυλακὰς γε μὴν ἐποίησε μεθ' ἑαυτοῦ, τὰς μὲν πρὸς τὰ ὅπλα εἶσω βλέπεσθαι. ἢ ὅ πολεμίων ἕνεκα, ἀλλὰ φίλων αὐταὶ καθίστανται. τὰς γε μὴν πολεμίους, ἵππεῖς φυλάττειν ἀπὸ χειρῶν ὧν οὐκ ἐκ πλείους περὶ ὁρᾶν: *Diurnas custodias instituit* (Lycurgus) *illas quidem quæ in castra & suorum arma uerse essent. non enim hostium causâ, sed sociorum & amicorum, & constituuntur. alteras quæ hostes obseruent, equitum, idq; in locis è quibus longissimè sit prospectus.* Spartani igitur asseruabant foederatos suos & armorum socios, vnâ illâ custodiâ, alterâ hostes. Custodia in socios peditum fuit, in hostes equitum, atque ea in locis ferè montanis aut excelsis.

DIALOG. IX.

De Vigiliis. Tessera in iis, Tessera, & Diuisio, & Circuitio, omnia distinctè.

MINISTERIA dicta sunt & diurnæ Excubiæ, ad Vigilias transit, quæ propriè sunt noctis. Sed quia tria in his ordine dicit, de *Tesseris* primò, tum de *Vigiliis* earumque numero, denique de *Circuitione*: hæc, inquam,

quam, omnia quia ipse distinctè, ego quoque partiar & distinguam, & singillatim de his dicam. Da te mihi, quæso: vereor enim vt tenebrosum aliquid in his Vigiliis & ab ipsâ Nocte. Verba Polybij cedò:

Τὴν δὲ Στυκτηρινὴ σωθήματος
 παρόδοσιν ἀσφαλιζόνται τὸν τό-
 πον Στρυ. καὶ ἕκαστον ἄνθρωπος τῶν
 ἵππεων τῶν πεζῶν ἐν τῷ δεκάτης
 σημαίας τοῖς τελευταίοις μέρεσι
 στρατοπέδουσιν καὶ τὰς ῥύμας.
 ἐν τούτων εἰς ἑκάστης ἀνὴρ λαμ-
 βάνεται καθ' ἐκλογὴν, ὅς τινος μὲν
 καὶ τὰς φυλακὰς λητρεῖων διπ-
 λύεται. παρὰ γίνεταί τ' καθ' ἡμέ-
 ραν δύνουλος ἡλίου πρὸς τὴν Στρυ-
 λιάρχῃ σκηπτήν, τὸ λαβὼν τὸ σὺν-
 θεμα (στρδ' ἐστὶ πλατεῖον ἐπιτε-
 γραμμίδιον) ἀπαλλάττεται πά-
 λιν. ἀναχωρήσας δ' ἐπὶ τὴν αὐ-
 τὴν σημαίαν ὅτε ξυλήφειον παρέ-
 δωκε, τὸ σωθήμα μὲν μαρτύ-
 ρων τὰ τ' ἐχομένης σημαίας ἡγε-
 μόνι, παρὰ πλησίον δὲ πάλιν ἕτος
 τὰ τ' ἐχομένης, τὸ δ' ὁμοιον ἐξῆς
 ποιῶσι πάντες, ἕως ἀνέπι τὰς πρῶ-
 τας, τὸ σωθήμας τοῖς χιλιάρχοις
 στρατοπέδους σημαίας ἐξικνή-
 ται. τότε δὲ πάλιν τὸ πλατεῖον ἐλπι-
 ῶν οἷος ἀναφέρειν πρὸς τὸν χι-
 λιάρχῃ, καὶ μὲν ἀνελεχθῇ πάν-

Nocturni signi traditio- POLYB.
 nem tutam securamque hoc
 modo reddunt. In quoque
 genere equitum & peditum,
 ex decimo signo, quod ulti-
 mum est & in strigarum
 parte extremâ, vir unus
 quispiam eligitur, qui à reli-
 quo munere excubiarum
 immunis sit. Is cottidie, so-
 le iam inclinante, ad Tri-
 buni tentorium venit, &
 signum accipiens (id verò
 est tabella latiuscula, inscri-
 pta) iterum abit. Rediens
 autem ad suum signum, li-
 gneolum istud tradit proxi-
 mi signi duci, atque ille
 similiter consequentis; de-
 nique alij sic ordine, donec
 ad prima & prope Tribu-
 nos metata signa perueniat.
 Hos oportet tabellam, cum
 lux nondum occidit, refer-
 re ad Tribunos. Quod si
 omnes relata sunt quæ da-

M m 2 tæ erant,

τα τα δοθέντα, γινώσκει, διότι
 τὸ σῶμα πάντων, καὶ διὰ πάν-
 των εἰς αὐτὸν ἦκει. ἐὰν δὲ ἐλ-
 λείπη ἡ, πῶς πόδας ζητεῖ τὸ
 γεγονός, εἰδὼς ἐκ τῆς ἑπιγραφ-
 ῆς ἐκ ποίου μέρους οὐχ ἦκε τὸ
 πλατέον. οὗ δὲ δὴ δῖρεθῇ τὸ
 κώλυμα, τυγχάνει τῆς καθη-
 κούσης ζητίας.

ta erant, cognoscit signum
 ad omnes, & per omnes ad
 se venisse. At si quod de-
 sit, confestim inquit in fa-
 ctum, noscens ex inscriptio-
 ne cuius partis signum non
 sit perlatum: & cuius cul-
 pā aut morā id factum, is
 subit convenientem pœnam.

„ In quoque genere equitum & peditum, ex Decimo si-
 gno.] Dicturus de Vigiliis, quia tota illarum ratio Tesse-
 ris constat, de his præmittit, & qui eas acceperint, dede-
 rintque. Ait igitur ex decimo quoque Signo (Manipu-
 lum, Cohortem, Turmam intellegit) vnum aliquem
 eligi qui à Tribuno petat, auferat, diuidatque. Quare ex
 decimo & ultimo signo? quia commodum diuisionem
 illinc fieri, vt ita ordine redeant ad Tribunos. In te-
 xtu verborum habes.

„ Vir vnus quispiam eligitur.] Et cui vnum hoc mu-
 nus: vtque ei vacet, est à reliquo munere immunis. Di-
 tesserarij. ctus ab ipsâ re Tesserarius, quod nomen in marmori-
 bus, inter militares titulos, sæpius legitur: etiam in Ta-
 cito, Tesserarius optio: & in Vegetio, Tesserarij qui tesse-
 ram per contubernia militum nunciant.

r. Hist.
 Lib. I r.
 cap. vi.

„ Ad Tribuni tentorium venit.] Ergo à Tribuno si-
 gnum petitur? ita, sed non primò. Ille ab alio accipit, &
 acceptum transfundit. Nam summi Ducis hoc est, &
 consensu refertur inter imperij notas. Scipio cùm sedi-
 tiosos increpat, hoc iis obiicit: In Pratorio tetenderunt
 Signum à Duce, sed per Tribu-
 nos.
 Lib. xxviii Albius & Atrius, signum ab iis petitum est? Tacitus de
 Tiberio

Tiberio verbis abnuente, re Principatum arripiente:
Signum tamen Imperatoriis cohortibus, ut Imperator de- 1. Annal.
derat. Dio cū notat honorem Agrippæ habitum, &
 communicatum ab Augusto, ut Imperatori: Τότε οὐ-
δυνα παρ' αὐτοῦ ποτεῖν αὐτῷ ἐδίδοτο: Et signum ab utroque co- Lib. LIII.
rū dabatur. Sed dabatur, nempe ipsis Tribunis. atque ita
 Suetonius Claudio: *Excubitori Tribuno signum, de more,* cap. XLII.
petenti. Idem Nerone: *Signum excubanti Tribuno dedit,* Cap. IX.
Optimam matrem. Appianus de L. Antonio, qui se
 Octauiano submitit, & *Tribunos,* inquit, *misit tesseram,* v. Ciuil.
militarem accepturos à Cesare. Illi autem & numerum co-
piarum ei attulerunt: uti & nunc in more est, Tribunum
petentem signum, dare Imperatori pugillares qui numerum
contineant militis presentis. Attende quod inibi est, de
 numero militum cottidie relato. Quis præter Appia- Mos de
 num tradidit? nisi quod Seneca tamen tetigit, De Tran- annume-
 quillitate cap. VIII. De Pompeij liberto Demetrio agit, rando mi-
 eiusque opibus: *Numerus illi cottidie seruorum, ut Impe-* lise.
ratori exercitus referebatur, cui iamdudum diuitiæ esse de-
buerant duo vicarij & cella laxior. Stomachatur in ser-
 uum, ita seruorum diuitem, ut ei, exemplo castrensi, cot-
 tidie referretur numerus superstitum. Vtile sanè hoc in
 militiâ, & omnino cauto Duci imitandum. ut quoniam Valde lau-
 multi per commeatus, aut quâ aliâ causâ, diffluunt; dabilis.
 multi casu aut ferro pereunt: sciat cottidie suas vires, &
 quid militum ad manum. Ruunt multi in pericula, fi-
 duciâ virium quas habere putant, nec habent: & frau-
 des quæ hîc hodie, non est ignotum, cū nomina ma-
 gis Centuriarum quàm numeri constant. Ergo pete-
 bant & capiebant Tribuni ab ipso primo Duce: at à
 Tribunis deinde milites. Liuius de seditione in Scipio-
 nem,

Lib. I. VIII. nem, quam tetigi: *Constabat tamen forma castrorum, quod Tribunos iura dare in Principiis sinebant, & signum ab iis petebant.* Nec pugnat cum eo quod Scipio dixit, *Albium & Atrium dedisse: quia id quoque, ut dixi, factum.* Hæc ita olim: Vegetij tempore dabat Præfectus legionis. Scribit inter eius munia: *Vigiliarum vel profectiois tessera ab eodem petebatur.*

Lib. I. I.
cap. IX.

Signum aut
tessera mi-
litum.

„ *Id verò est tabella latiuscula, inscripta.*] Quia Synthesma nominavit, & sæpius iterandum est, quid & quale sit meritò dicit. Est inquit, *tabella paullo latior.* Græcè vno verbo, *πλατεῖον.* *Tabellam* quidem & è ligno esse, ipse statim dicit, cum *ξύλινον* siue *ligneolum* appellat. Sed & Plinius: *Ligustrum tessera aptissimum.* In ambiguo tamen an non Lusorias intellegat. Sicut & in eodem, cum scribit *Signi dationem, tesseras, vigilias Palamedem inuenisse bello Troiano.* Dixeris quidem ex adiunctis, eum has nostras militares intellegere; sed suspendunt assertionem nostram Græci, qui Palamedi non nisi illas ad lusum adsignant. Sophocles:

Lib. XVI.
cap. XVIII.

Quis repperit?

Lib. VII.
cap. LYI.

Palamedes
luso-
ris.

— *χρόνου τε διατεχὰς σοφώτατος,*
Περσούς, κύβοις τε, τερπνὸν ἀργίας ἄκτ'
Εφθρε.

— *catosque temporis furunculos,*
Scruposque tesserásque, fallendo otio,
Inuenit.

Gorgias in Oratione pro Palamede, inter alia quæ reperit, enumerat *περσούς, χρόνους, ἀλυπον διατεχὴν: calculos, otij sine fastidio transactionem.* Alcidas contra Palamedem, *περσούς, καὶ κύβοις* inuenisse item tradit. Hoc Pausanias, & alij: sed de militari isto synthemate, quod sciam, nemo. Nam *φρυγῆς* siue *ignes excubiales*, quosadeum quoque

quoque referunt, alij sunt ab isto signo. Quisquis tamen inuentor, res vetus, & historicis ac poetis nominata. Virgilius:

Classica iamque sonant, it bello tessera signis.

Lib. vii.

Statius: — *dat tessera signum*

Lib. x.

Excubiis, positaque vices.

Nec ad ipsas Vigiliis solum, sed ad mandata adhibuerunt, quæ Tessera sic inscripta. Liuius: *Scipio tesseram* Mandata per tesseras.
vesperi per castra dedit, ut ante lucem viri equique curati Lib. xxviii
& pransi essent, armatus eques frenatos teneret equos. Hirtius bello Hispaniensi: *Tessera datâ (à Cæsare) extra val-*
lum omnes concisi sunt Mundenfes duces. Suetonius de Galbâ: *Sollenni spectaculo plaudentes milites inhiuit, tessera* Cap. vi.
datâ, ut manus penulis cohiberent. Atque ex his vides, Tesseras grandiusculas sæpe fuisse, & quibus inscribi plura possent. Imò libellos Suetonius appellat, in Tiberio: *Præcepta sequentis diei omnia, & siquid subiti muneris* Cap. xviii
iniungendum esset, per libellos dabat, additâ monitione, ut de quo quisque dubitaret, se neque alio interprete, quacum-
que vel noctis horâ, vteretur. Hoc ille in bello Germanico fecit, etsi reuera hæc talia Tesserae non semper erant, non propriè quidem illæ nostræ. Mandata potius, & securitatis causâ, nequis quid excusaret, data in scripto: quæ tamen cùm omnes tangerent, sic vespere data & transmissa, isto Tesserarum exemplo, quid impediatur? quia nempe tutò sic data sub noctem, & sine periculo reuelationis, vigiliis iam ponendis. Denique & celeriter sic transmissa, ordine noto. Statius hac mente:

— *longo fugit ordine velox*

Tessera.

Velocem appellat, & Polybius mox ostendit. Sed mandata igitur: atque adeò sapissimè Tessera ad iter.
quæ

Lib. XXI.

quæ ad Iter. Ammianus: *Per tesseram edicto itinere.*

Lib. XXIII

Idem: *Tesserâ datâ sollemni, armatos omnes celeri eduxere procursu.* Et idem: *Missâ per Prouinciales numeros expeditionali tesserâ, cunctos transire iussit Eufraten.* Vides ad

*Absentibus
etiâ missa.*

absentes etiâ missam: nec aliud, quàm mandatorium hunc libellum. Idem scriptor: *Missam ad se tesseram finxit, redeundi cum milite Gallicano.* Iterumque: *Milem diffusum per prouinciales leui tesserâ colligere.* Sed de his vialibus tessera Sidonius etiâ:

— *nec tessera castris*

In Ctesiphonta datur.

Dolet & tangit imminutas imperij vires, nec iam, inquit, tessera expectanda, *Pete Ctesiphontem.* Silius de Asdrubale:

Lib. XV.

— *tacitum dat tessera signum,*

*Dimissâ, in colles, pugna, siluasque ferantur,
Dispersi.*

Lib. III.
cap. XVII.

Quod ille Dux industriè fecit, & occultè præcepit ordinum ductoribus, ut si vincerentur, dispersi quisque suos ducerent ad Pyrenæum. Allusit & Hegefippus: *Miles tesseram expectat, seruus imperium. si quis horum sine præcepto exierit, alter desertor, alter fugitiuus est.* Atque addo astutiæ vel cautioni potius locum etiâ hic fuisse. Dabant enim interdum Signatas, nec nisi tempore & loco referandas.

Stratagemâ in Tessera.

De bello
Afric.

Cæsar in more habuit, ut magis celaret suum iter, auctore Hirtio: *Neque certum locum gubernatoribus quem peterent, neque ut mos ipsius consuetudoque superioribus temporibus fuerat, tabellas signatas dederat, ut in tempore iis perlectis locum certum peterent uniuersi.* Simile olim Hamilcar Poenorum dux: qui ut in Siciliam inopinatus appelleret, non pronunciauit quò profisceretur,

Lib. I.
cap. I.

sed

sed tabellas, in quibus scriptum erat quam partem peti vellet, signatas gubernatoribus tradidit, præcepitque nequis legeret, nisi vi tempestatis à cursu Prætoris navis abductus esset. Sed redeo ad verba Polybij, qui addit, πλεῖστον hoc inscriptum fuisse. Nempe ipso nocturno signo aut dicto, quod esse vellet Imperator. Sæpe vnum, alterum verbum erat; interdum mandatum, aut sententiam habebat, aut versum. Claudius quidem à Suetonio, in coniuratione dedisse scribitur excubitori Tribuno haud temerè signum aliud, quàm Ἀνδρ' ἀπαμύνασθαι ὅτε τις πλεῖστος χαλεπήνῃ. Qui integer Homeri versus est. Et Imperator quidem ipse ore dabat & pronunciabat (in hoc, aliisque exemplis:) sed Tribuni tum inscribebant, & diuidebant. Modus diuidendi iam sequitur:

*Inscriptio
Tessera.*

„ *Rediens ad suum Manipulum, ligneolum istud sine taleam tradit proximi Manipuli duci.*] Tesseraarius acceptâ tessera à Tribuno, non loci aut dignitatis ordine dabat, incipiens à primis manipulis: sed contrà, redibat ad suum & vltimum Manipulum, & Centurioni dabat: ille acceptam proximi Manipuli Centurioni, iste iterum proximi: donec ad primos manipulos peruentum esset. Bonus hic ordo dupliciter. tum, vt Vigiliæ in vltimis castris & hosti propinquis statim constituerentur; tum vt tessera sic viâ rectâ, & sine flexu, ad Tribunos rediret.

*Tessera ab
vltimis di-
uisa.*

„ *Hos oportet tabellam, cùm lux nondum occidit, referre ad Tribunos.*] Vides celeritatem. Luce ambiguâ, & sole occiduo, Tessera à Tribuno datæ; ante eundem occasum oportuit relatas. Quid si mora aut culpa? inquiritur, punitur. Et culpa quidem sic cognoscitur:

„ *Siquid desit, confestim inquit in factum, noscens ex*

N n

in scri-

inscriptione, cuius partis tessera non sit perlata.] Ecce, pono tesseram vnam ad Tribunum non rediisse: inter plures, vnde sciet ipse cuius partis aut classis desit? Ait Polybius, *ἐν τῇς Ἰαγερῶν, ex inscriptione.* Quid? nonne inscriptio eadem in omnibus? ita, quod ad symbolam aut signum nocturnum attinet, vnum & idem omnibus, in vnam noctem: sed præter hoc, alia etiam inscriptio quæ notaret partem aut genus. Exempli causâ, tesserarius Hastatorum, Principum, Triariorum, Equitum, quisque suam Tesseram accipiebat, cum notulâ H. P. T. E. aut tali, quæ initialibus aut pluribus litteris notaret genus. Quo fine? ne longè quærendum esset, si fraus aut delictum: sed statim constaret in tali parte peccatum. De ipsâ peculiari notâ, nihil certum habeo: sed probabile talem aliquam fuisse. Quæro amplius. in ipsâ illâ classe, vbi peccatum, quid si neget aliquis sibi datam? si, Thusco quodam, vt dicitur, iurgio, alter alterum culpat? Non potuit. nam testibus adhibitis consignatam, hoc est præsumendum: exemplo à Circuitoribus, qui in exploratione idem faciebant, Polybio mox teste. In re cuiusque capitali, credo hanc diligentiam & cautionem vsurpatam. Facile id autem: quia Centurionibus in tabernaculo, præsentibus militibus data. Hæc ratio Tesserarum, mihi proba & firma, præ nostrâ & hodiernâ. In aures saltem insusurramus, quàm facili lapsu aut veniâ, si neges intellectam? Discursu datur: nihil hîc opus, & distribuitur in summâ quiete. Et ipsi quidem Centuriones legunt, & porrò tradunt: sed lectam enunciant quorum sunt vigilandi vices. Ita omnia ordine à summo Imperatore Tribunus; ab isto Centurio; ab hoc miles in manipulo suo quisque accipit. Denique ratio sic imperi-

*Inscriptio
generum
in Tessera.*

*Laudata
Tessera.*

imperitandi aliud etiam aliquid proba, & quæ ad omnes it sine tumultu. Sequitur de ipsis Vigiliis. Lege:

Τὰ δὲ περὶ τὰς νυκτερινὰς φυλακὰς ἕως οἰκονομεῖται παρ' αὐτοῖς. τὴν μὲν στρατηγὸν, ἔτι τὴν τέττακλιν ἢ παρακοίβουσα σημαία φυλάττει. οὗ δὲ τῶν χιλιάρχων ἔτι τῶν ἱππέων ἐλαμους, οἱ διατεταγμένοι, καὶ τὴν ἀρχὴν λόγον, ἔξ ἑκάστης σημαίας. ὁμοίως δὲ ἔτι παρ' ἑκάστον τάγμα πάντες ἔξ ἑαυτῶν πρὸς αὐτὴν φυλακὴν, τὰς δὲ λοιπὰς ὁ στρατηγὸς διορίζει. γίνονται δὲ ὡς ἑπτά. τρεῖς φυλακαὶ ὡς τὴν ταμίαν, καὶ παρ' ἑκάστον τῶν πεσσοβυτῶν, καὶ συμβούλων δύο. τὴν δὲ ἐκτὴν ἑπταμερίαν ὁ γερσφομάχοι πληροῦσι, παρ' ὅλον καθεμέραν τὴν χάρακα ὡρακοιτοῦντες. αὐτὴ γὰρ ἑπταμερία καὶ τούτοις ἡ λειτουργία, ἑπὶ τῶν εἰσόδων διὰ δέκα ποιούνται. τούτων αὐτῶν τὰς προκοιτίας. τῶν δ' εἰς τὰς φυλακὰς ἀποταχθέντων ἀφ' ἑκάστου φυλακείου, τῶν τὴν πρώτην μελλόντων πρῶτον, εἰς ἔξ ἑκάστης σημαίας οὐραγὸς ἀγείρωσιν τὸν χιλιάρχον ἐσπέρας. ὁ δὲ

Ea verò quæ ad vigilias POLYB. *nocturnas spectant, sic ab iis administrantur. Imperatorem & Prætorium accubans manipulus custodit; Tribunos & Equitum turmas, ij qui è quoque manipulo constituti sunt, ut diximus. Similiter etiam per singulos manipulos omnes ex se ipsis Vigiliam disponunt, reliquas ipse Imperator ordinat. Fiunt autem plerumque tres Vigilie apud Quæstorem, & apud quemque Legatorum duæ. Exteriorum verò aspectum castrorum Velites complent, per totum vallum de die accubantes. Hoc enim munus iis incumbit. In portis singulæ eorum decurie excubant. Qui verò ad Vigilias destinati sunt, ex singulis eorum excubiis, unus cuiusque manipuli Tergiductor, ducit vespere ad Tribunum qui primas sunt acturi. Is verò*

Nn 2

dat

δίδοσι τοῖς πᾶσι ξυλήφια κα- *dat omnibus istis Tesserulas*
 τὰ φυλακὴν, βραχέα τελέως, *planè exiguas iuxta Vigi-*
 ἔχοντα χαρακτῆρα. *liam, habentes characterem.*

Excubia à
Vigiliis
discreta.

Lib. ix.

Iam ipsas Vigilias enumerat atque ordinat, quas *ὑπηρε-*
νὰς φυλακὰς nocturnas custodias dicit. Latini vno verbo
Vigiliis, & distinguunt ab *Excubiis*, quæ diurnæ etiam
 sunt. Isidorus non malè: *Excubia autem diurnæ sunt, Vi-*
giliæ nocturnæ: etsi illæ quoque pro istis vsurpatæ, & est
 generale nomen; at non contrà. Ait:

„ *Prætorium accubans manipulus.*] Vti & in diurnis ex-
 cubiis, & in numero nihil, sed homines mutantur.

vigilia per
manipulos

„ *Per singulos manipulos.*] Græcè est, *παρ' ἑκάστου τάγμα*,
 quod *per quamque legionem* sonare etiam potest: sed Po-
 lybius *Ordinem & Manipulum* ferè sic appellat, & res
 vult de istis capi. Quantulum enim esset, vnam Vigi-
 liam in quaque legione excubare? at illud bonum & ad
 securitatem dispositum, esse ordine per singulos mani-
 pulos, in longum latumque castrorum: atque ita nihil
 vsquam incustoditum. Sunt autem in quaque legione
 manipuli triginta: ergo excubabant homines *centum vi-*
ginti. Quid in Turmis equitum? non ponit, nec credi-
 mus fuisse. Iuncti enim iis Triarij dabant, & ipsi distri-
 cti in circuitione. Sitamen aliter, nihil mali. De Socijs,
 paria dicenda.

„ *Reliquas ipse Imperator ordinat.*] Quas reliquas?
 An omnes, præter eas quas ex se ipsi manipuli? vix ap-
 pâret. nam de more & sorte, vt in diurnis, probabile est
 in orbem iuisse. An istas reliquas quæ sequuntur, Quæ-
 stori & Legatis? Haud absurdum sit, dignioribus illis
 Vigiles

Vigiles ab ipso Imperatore adsignatos: & fortasse è superiori illo corpore Extraordinariorum, qui vicini. An reliquas etiam intellegere est, vt istæ quidem manipulares tali numero manserint: alia variauerint pro libitu Imperatoris, & pro discrimine temporum? Considera. non iuuat me opinionem hanc * *χρῆται τοι κίθηεν.*

*ollam depingere.

„ Tres vigiliae apud Quæstorem.] Versio & sententia nostra valdè abeunt à Ioh. Lascaris. qui sic reddidit: *Fiunt plerumque tres excubiae, apud Quæstorem vna, binæ apud Legatos.* Quasi hoc vellet Polybius, reliquas excubias ab Imperatore disponi, atque eas ferè tres esse: vnam Quæstori, duas duobus Legatis. Ego malim capi (& verba mecum Polybij) de numero excubiarum. vt tres ipsi Quæstori fuerint, id est homines duodecim: cuique Legato binæ. Etsi suprà tamen suspicatus sum huic quoque tres fuisse. Sed reuera suspicionibus hæc constant: & cur tam curiosè rimamur nullâ industriâ fortassis indaganda?

Ambigua Polybij sententia.

„ Exteriorum aspectum Velites complent.] Ambigas quid velit. vtrum fuisse eos intra castra, medios inter vallum & milites, vacuo illo spatio: an extra ipsa castra, & ad fossas. Illud securitas magis suaserit; istud Festus, qui ita scribit: *Procubitores dicuntur ferè Velites, qui noctu custodia causâ ante castra excubant, cum castra hostium in propinquo sunt. vt M. Cato in eo quem De re militari scripsit.* Notandus locus, & omnino huc facit. nam ait *noctu excubasse, & ante castra.* Sed fortasse hoc intellegit, quod in portis, aut ante eas. Certè si ad ipsum vallum extrorsus, non absque periculo eorum fuerit: etsi video semper istos in leui habitos & in vili. Seneca: *Bona aduenticia eo nobis loco sint, quo in castris auxilia & armatu-*

Velites ubi?

Velites proiecti & viles. De Vir. b. at. cap. VIII.

ra levis. Seruiant ista, non imperent. Etiam de die Polybius eos ad vallum locat, & videntur illuc sedes & tentoriola sua habuisse. Sed ait idem, *compleuisse exteriorem aspectum.* Ergo multos vigilasse oportet, in tantâ latitudine valli, quod fuit pedum supra *bis mille* in quoque latere, vt diximus. Sed intellego, non confertim impleisse & iunctos: sed sparsim, & per excubias diuisos. Pone (vt in manipulis) singulis centenis pedibus excubiam vnâ: tutelæ satis erit. nempe viginti excubiæ in latere, siue viri *octoginta*. Adde eos qui in portis.

Portarum
vigilia.

Equites
inibi.

Lib. I II.
cap. VIII.

„ *In portis singula eorum decuria excubant.*] An soli Velites? an nulli e ciuibus aut sociis adiuncti? Equidem vereor, vt parum firma sit hæc custodia, & Vegetio libenter accesserim qui & equites apponit. *Equites*, inquit, *extra vallum nocturnas excubias facere debent.* Id esset ab exemplo diurno, quo Stationes posuimus ante portas. Certè firmiorem aliquam manum ad ipsos aditus vt locemus, ratio inducit: & puto etiam manipulos, an cohortes potius, excubasse. Toties illud *Puto*? Quid enim faciam? vacillandum est, cum scipio noster Polybius deserit, ille qui olim ipsius Scipionis.

Divisio
Vigilum.

„ *Ducit vespere ad Tribunalum qui primam sunt acturi.*] Ex his aliisque certum est, Vigiles quaternos se diuisisse in quattuor partes, ita vt singuli vigiliam vnâ noctis obirent, sorte diuidente. Ad quam sortem Virgilius aspexit:

Omnia per muros legio sortita periculum

Excubat, exercetque vice quod cuique tuendum est.

Ad vices autem & mutationem Vegetius: *Quia impossibile videbatur in speculis per totam noctem vigilantes singulos permanere, ideo in quattuor partes ad clepsydram sunt diuise*

Lib. III.
cap. VIII.

diuisa vigilia, ut non amplius quàm tribus horis nocturnis *Per ternas
quique ho-
ras.*
neceſſe ſit vigilare. Bona & commoda ratio. Erant quat-
 tuor vigiles, atque ij vnà. ſed vnus ex iis ſuâ vigiliâ quiſ-
 que perſtabat intentus & verè vigil, alij adiacebant aut
 accubabant. Itaque his quies aliqua; & ille ſtans ſi auxi-
 lium poſceret, ad manum habebat. Multo melior hæc
 ratio quàm noſtrorum Sentinellarum, qui prorfus ſoli-
 tarij, aut certè à ſuis abiuncti. Itaque facilè intercipiun-
 tur, imò & occiduntur, ſine aliorum ſenſu. Sed iam ad
 Polybium, ait: Tergiductorem ſiue Optionem, ducere
 primos quoſque Vigiles ad Tribunum, quiſ ergo ſecun-
 dos, tertios, quartos? Nemo, nec vllus vltra diſcuſſus in
 caſtris: ſed probabile eſt, ipſos iſtos primos Teſſerulas
 quoque eorum vicem accepiſſe. Caſtra quidem noctu
 omnino quieta: ideoque ſtatuendum, Vigiles primos,
 etſi depenſo ſuo penſo, tamen non abiuiſſe ad tentoria,
 ſed illiſ reliquum noctis manſiſſe. Idem in ſecundis &
 tertiis, non poſt veniſſe ſub ſuam horam: ſed illiſ eam
 otio exſpectaſſe. Quærere lubet de Velitibus. an non iis
 Teſſerulæ? ſi fuerint, quis deduxit? Non enim iis Optio
 aut Centurio. Fuiſſe Teſſeras tamen, neceſſarium vide-
 tur pro fide Vigiliarum: & arbitrari liceat Optionem
 deduxiſſe manipuli eius, cui pars quæque Velitum ad-
 tributa. In Ordine ſuprà declaratum.

„ *Dat omnibus teſſerulas, planè exiguas, iuxta Vigiliam.]*

Vide ne te confundant aut turbent iteratæ iſtæ Teſſeræ. *Teſſerula
à prioribus
alia.*
 Nunquid enim antea habuimus, & Teſſerarius ipſe
 eam à Tribuno accepit? Ita planiſſimè. ſed nempe di-
 uerſam ab iſtis. Illa vniuſmodi fuit, & ſignum aut di-
 ctum nocturnum, quo ſeſe ab hoſte internoscerent: iſtæ
 diuerſiſformes, & propriæ cuique Vigiliæ. Etiam in mo-
 dulo

dulo discrimen. Illa *tabella latiuscula*, ut dixit: istæ *planæ exiguae*, & ut appellat, καίφη aut velut *taleola*. Omnino non aliud fuisse videntur quàm ligneola, cùm notâ duplici impressâ: alterâ manipuli, alterâ Vigiliæ ipsius. Id hoc fine, ut Tribunus eâ reddita, statim conspiceret quis in quoque manipulo, & quotâ Vigiliâ, munus fecisset aut non fecisset. Puta igitur fuisse insculptum, H. P. T. cum numeris *primi, secundi, tertij, quarti* manipuli: item-que V. I. V. II. aut talia, id est, *Hastati, Principis, Triarii* ille & ille manipulus: & *Vigilia prima, Vigilia secunda*, sic deinceps adiunctum. Sed iam de ipsâ *Circuitione* Polybium nobis lege:

POLYB. Η δὲ τῆς ἐφοδείας πίσις, εἰς οὗ ἱππεὺς ἀνατίθεται. δὲ γὰρ τὸν πρῶτον ἱλαρχίῳ καὶ ἑκάστον στρατῷ πεδον εἰ τῶν οὐραγῶν τῶν αὐτῶ παραγγέλλαι πρῶτῳ παραγγέλμα τοῦτον, ἵνα τέτταρον οὗτο ἑμφανίσῃ νεδωρίοις τῶν ἐκ τῆς ἰδίας ἰλῆς ποθ' ἀρίστου τοῖς μέλλουσιν ἐφοδεύειν. μετὰ δὲ ταῦτα τῶ τῆς ἐχονδρῆς ἰλῆς ἡγεμόνι δὲ τὸν αὐτὸν ἀφ' ἐσπέρας παραγγέλλαι, διότι τούτῳ καθήκει τὰ περὶ τῆς ἐφοδείας φροντίζειν εἰς τὴν αὐρίον. τοῦτον δ' ἀκούσαντα στρατηγῶς ταυτὰ δὲ ποιεῖν τοῖς ποσειρημένοις εἰς τὴν ἑποῖσαν ἡμέραν. ὁμοίως δὲ καὶ οὗ ἑξῆς. ὅ δὲ

Fides circuitionis equitibus committitur. Oportet enim primū Turma Prefectum, aut Decurionem in quaque legione, vni Tergiductorum suorum precipere manē præceptum huiusmodi. ut quattuor inuenibus Turma sua indicet atque edicat ante prandiū, iis qui debebunt circuire. Deinde sequētis Turma Prefecto oportet eūdem vespere indicare, quod ad eum sequentis diei circuitionis cura pertineat. Qui cū audierit, oportet consimiliter iam dictis eum facere in sequentem diem. Pariter & eos qui sequuntur. Qui verò

ἀσχετοὶ ὑπὸ τῶν ἑταίρων,
 ἐν τῇ πρώτῃ ἡμέρᾳ τέταρες, ἐπει-
 δὴν διαλάχουσι τὰς φυλακάς,
 πορεύονται πρὸς τὸν χιλιάρχον,
 ἑταίρων λαμβάνουσι, πόσῳ
 καὶ πόσας ἐφοδοῦσαι δεῖ φυλα-
 κάς. μὲν δὲ ταῦτα ᾤοντο οἱ
 τέταρες, ὡς δὲ τὴν πρώτην ση-
 μαίαν τῶν τριάρων. ὁ γὰρ ταύτης
 ταξιάρχος τὴν ἡμέλειαν ποι-
 εῖται ὅτι καὶ φυλακὴν βεβαιῶν.
 συνάψαντες δὲ ὁ καὶ τοῦ τὴν
 πρώτην ἐφοδοῦν φυλακὴν ὁ ταύ-
 τῃ λαχὼν, ἔχων μὲν αὐτὸν μάρ-
 τυρας τῶν φίλων. ἡ πορεύεται
 δὲ εὖ ῥηθόντας ῥῆγες, ὅτι μόνον
 εὖ περὶ τὴν χάρακα ἑτάς εἰς-
 ὄρας, ἀλλὰ καὶ εὖ καὶ σημαίαν
 ἀπαντᾷ, καὶ εὖ κατ' οὐλα-
 μέν. καὶ μὲν δὲ ῥῆγες εὖ φυλάτ-
 τουσιν τὴν πρώτην ἐρηγορέ-
 ται, λαμβάνει ὡς δὲ τούτων τὸ
 κάρφος. ἐὰν δ' ὄρη κοιμώμε-
 νον, ἢ λελοιπότα πινὰ τὸν ῥῆγον,
 ἡμαρτυρεῖται εὖ σῶει-
 γης, ἀπαλλάττεται. τὸ δὲ πα-
 ραπλήσιον γίνεται καὶ ὑπὸ τῶν
 τὰς ἑξῆς φυλακὰς ἐφοδούν-
 των. τὴν δὲ ἡμέλειαν τοῦ
 κατὰ φυλακὴν βουχθεῖν, ὡς
 ἀρτίως εἶπον, ἵνα σύμφωνον

verò ordinati ab Tergidu-
 toribus fuerint, ex primâ
 Turmâ quattuor, postquam
 sortiti fuerint Vigilias,
 eunt ad Tribunalum, ἔς scri-
 ptum accipiunt, quotam ἔς
 quot debeant obire. Post
 quæ illi quattuor accubant
 ad primum Manipulum
 Triariorum, siue Primum
 pilum. Eius enim Centurio
 curam habet ad quamque
 Vigiliam buccinâ signum
 dandi. Cum verò tempus
 appetierit, primam Vigi-
 liam circuit is qui eam sor-
 titus est, habens apud se te-
 stes aliquos ex amicis. Per-
 lustrat verò dictos locos, non
 solum circa vallum ἔς por-
 tas, sed etiam circa mani-
 pulos ἔς turmas. Quod si re-
 perit qui Primam agunt vi-
 gilantes, capit ab iis tessera-
 lam. sin aliquem dormientem,
 aut loci desertorem, testifica-
 tus proximos abire. Idem fit
 ἔς ab iis qui sequentes vigi-
 lias lustrant. Curam verò
 buccinandi ad quamque Vi-
 giliam, ut circuitoribus con-

Ο ο

ueniat

ἢ τοῖς ἐφοδοῦσι πρὸς τὰς φυλά-
 τῆρας, οἱ τῆς πρώτης σημαίας τῶν
 τριαρίων, ἐξ ἑκατέρου τῆς τετρα-
 δας ταξίαρχοι, καθ' ἡμέραν ποιεῖν-
 ται. τῶν δ' ἐφοδῶν ἕκαστος ἀμαλῶ
 φωτὶ πρὸς τὸν χιλίαρχον ἀνα-
 φέρει τὸ σιῶθημα, καὶ μὴν ἢ πάν-
 τα δεδομένα χωρὶς ἐγκλήματος,
 ἀπαλλάττονται πάλιν. αὐτὸς δὲ τις
 ἐλάττω φέρει τὴν πλήθους τῶν φυλα-
 κείων, ζητοῦν ἐν τῇ χαρακτῆρος,
 ποῖον ἐκ τῶν φυλακείων λελύται.
 ἴσως ὁ γνωστὸς, καλεῖ τὸν τα-
 ξίαρχον. ἔτι δ' ἄγχι τοῦ ἀποτα-
 χθέντος εἰς τὴν φυλακὴν, ἔτι δὲ
 συγγινώσκοντες πρὸς τὴν ἐφοδὸν. εἰ
 μὴν εἰς τὴν φύλαξιν ἢ τὸ κα-
 κόν, διθέως δὴ λῆς ἐστὶν ὁ τῶν ἐφο-
 δέων ἔχων, ἔπειτα μετὰ τοὺς
 τοῦ σωέγγυς, ὁ φείλει γὰρ τὸ ποι-
 εῖν. εἰ μὴ δὲν ἢ τοῖς γεγονόσι, εἰς
 τῶν ἐφοδῶν ἀναχωρεῖ τὸ γκλή-
 μα. καθίσαντος δὲ πρὸς τὸν χι-
 λίαρχον, καὶ χιλίαρχος κρίνεται.
 καὶ κατὰ δικαίον, ἐυλογοῦται.

*ueniat cum vigilibus, Cen-
 turiones primi manipuli
 Triariorum in quaque le-
 gione per dies curant. Quis-
 que autem circuitorum una
 cum luce ad Tribunalum de-
 fert Tesseram. Et si omnes
 redditæ sint, sine culpâ ab-
 eunt. Quod si quis paucio-
 res fert quàm pro numero
 Vigiliarum, inquirunt ex
 caractere quanam Vigilia
 defecerit. Quo cognito, vo-
 cat Centurionem, qui du-
 cit eos quorum Vigilia fue-
 rat. ij disceptant cum circui-
 tore. Et si Vigiliam delictum
 est, statim ostendit circuitor
 adhibitis testibus è proximis.
 id enim facere tenetur. Si ni-
 hil horum; in ipsum cadit
 culpa. Statimque consilio ad-
 uocato, Tribunus indicat,
 Et si damnatus fuerit, fuste
 percutitur.*

Posuit Vigiliæ, non est satis: firmandæ sunt, alioqui in
 noxam ituræ adeò non in bonum. Dum infidis aut in-
 cautis vigilibus fido, parùm ipse caueo, & obijcior hosti.
 Absit, absit à Romanâ prudentiâ: benè & tutò mu-
 niemus. Ait ergo.

„ Fides

„ *Fides circuitionis.*] Græcè ἐφοδείας, passim in re istâ: quod est, *obitus aut lustrationis.* Placet vox *Circuitionis* *Circuitio.* destinata in hanc rem olim, ut euincunt exempla. Magis tamen prisca aliter, dixeruntque (auctor Festus) *Fraxare, vigiliam circuire.*

„ *Equitibus committitur.*] Optimâ ratione. quiescant *Equites circueunt.* paullum Tribuni & Cêturiones, fessi diurnis curis: succedant isti, dignitate & fide proximi, aut pares. Hoc ante Polybium obtinuisse, etiam Liuius docet, qui inter prodigia memorat bello primo Annibalico: *Circumeunti vigilias equiti scipionem, quem manu tenebat, arsisse.* *Lib. xxi.*
Liuius lux. Quem scipionem? fortuitum, opinor, & per tenebras ad fulcrum: nisi quis signum aliquod imperij fuisse vult, ritu Centurionum: quod non probo. Allusit ad hanc equestrem circuitionem & Statius:

— *monitu ducis acer agebat*

Lib. x.

*Amphion equites, noctem vigilat aque castra
Explorare datus.*

Hæc de more. nec tamen nescias ipsos interim Tribunos circumiuisse, si propius discrimen. Liuius: *Acustodibus probra in circumeuntes Vigilias Tribunos iacta.* *Tribuni a
liquando
idem.* *Lib. xxviii* Quin & ipse Imperator interdum. quod de Tito in obsidione Hierosolymorum, Iosephus prodit: & de Mario Sallustius: *Vigilias ipse circuire.* Idem & Legatos iungit, de Metello: *Vigilias crebras ponere, & eas ipse cum legatis circuire.* *Et Imperator aut
Legati.* *As & Cê-
turiones.* *ii. Hist.* Posteriore æuo dixeris hac in re aliquid etiam Centurionibus fuisse. ex Tacito: *Deflagrante paullatim seditione addit consilium, vetitis obire vigilias Centurionibus, omisso tubæ sono, quo miles ad belli munia cietur.* Sed hoc magis fit intellegi de initiis vigiliarum, quæ Centuriones procurant: itemque de Tubâ, quâ solent Primi-

O o 2

pili

xv. Anal.

pili singulas ordiri. Est etiam in eodem Tacito: *Initia vigiliarum per Centurionem nunciari*. Quod ille inter solennia Romanæ militiæ refert, & ea quæ Teridates mirabatur. Credo autem fuisse, ut Centurio (an non ille ipse Primipili?) nunciaret Imperatori Vigilias iam positas, & castra in quiete esse. At sub Vegetij ævum *Circuitores* proprium munus fuit, & ut ipse loquitur, *militiæ gradus*.

Circuitores

Lib. III.
cap. VIII.

„ *Primum Turmæ Præfectum*.] Turmæ, non *Ale*, ut Lascaris vertit. In quaque Turmâ tres Præfecti siue Decuriones: nunc ait, hanc curam fuisse primi è tribus. Idque per vices iuisse in orbem: ergo vndecimo die redibat ad Turmam circumeundi munus. si tamen è quaque legione Circuitores capti, quod Polybij verba hîc ostendunt. Ergo octo fuerunt in vnam noctem, & partiti sunt lustrationem, quod nunc dicet.

Inquisita
ratio lu-
strandi.

„ *Scriptum accipiunt, quotam, & quot debeant obire*.] Si quattuor modò Circuitores fuissent, atque ij tota castra lustrassent: quid opus scripto, aut designatione? nulla. Sed quia octo, & bipertitò obibant: ecce cuique parti assignant Tribuni Vigilias quas lustrent. Sed an per legiones? id est, ut cuiusque legionis equites, suos lustrauerint? hoc nescio. Sed siue illud, siue aliter, utile tamen scriptum. Si enim quique in suâ legione obibant, sciebant quidem Vigilias in manipulis: sed quis, cuius partis, ad Prætorium, Quæstorium, Legatos, portas excubarent, id haud certò sciebant. Optimè Tribunus, qui idè scribebat. Sin autem Tribunus ipse castra diuidebat, & partes lustrandas, ne certum esset vnde inciperent, aut quos obirent: multo magis sanè hoc opus. Sed dices, cur *quotam* etiam scribit? Nam id iam constabat, & inter

& inter ipsos, vt Polybius dixit, fortiti erant. Maioris firmitatis causâ, & vt quisque cum notâ suæ Vigiliæ omnes eas haberet. In re, vnde salus castrorum pendeat, nolebant quæstioni aut excusationi locum vllum esse. Posses etiam in Græcis interpretari & legere, πόσων καὶ πόσας: *quantam & quàm multas*. Quod esset, vt non solum numerum Vigiliarum, sed modum & magnitudinem scirent. Nam hæc variabant: & alibi vna erat, alibi duplices, triplices, alibi manipulus totus. Hæc autem scienda, vt non de certitudine tantum, sed de numero quoque referrent.

„ *Accubant ad primum pilum.*] Bonâ causâ, vt proximi sint ad audiendum Signum, atque ei ipsi attendendum vt in tempore detur. Sed & honestum decorumque id Aquilis, ante ipsas, velut equestres excubias illas esse. Vno enim abeunte, reliqui tres accubabant.

Circuitores ad Aquilam adiacent.

„ *Cuius Centurio curam habet.*] Cur ille? quia magna hæc res: & ideò commissâ capiti Centurionum.

„ *Ad quamque Vigiliam.*] Quæ quattuor erant, & singulæ diuisæ in horas ternas. Lucanus clarè:

Vigilie quaternæ.

— *iam castra silebant,*

Lib. v.

Tertia iam vigiles commouerat hora secundos.

Quies, inquit, in castris erat, & tertiâ horâ parabant se Vigiles secundi. In Aufonio hîc Griphus:

*In Aufonio salebra
In Gripho Ternario.*

— *noctisque per umbram*

Tergemini vigiles.

Mihi quidem griphus, & ipse carmen sic inscribit. Vir doctissimus explicat: *Cum sint quattuor Vigilie, in singulis ternos vigiles fuisse, quemque pro suâ horâ excubasse*. Id verò numquam factum, Vigiliis quas Polybius & nos hætenus explicamus. Sed nec Vegetij temporibus ali-

O O 3

ter,

Lib. III.
Vigiles per
ternas ho-
ras.

*presertim
breuiori-
bus horis
æstiuis.

Clepsydra
ad vigilias.

Lib. V.

Buccina
ad vigilias.

Lib. VII.

Lib. XXVI.

Lib. IIII.

Lib. VI.

Lib. I.
cap. V.

ter, qui Vigiliis diserte *quattuor virorum* facit; & singu-
los *tribus horis* excubasse. Confusio fuisset illa * toties
mutandi: & quo signo? quis de horâ indicasset? Nam
buccina dumtaxat tertiâ quâque horâ sonabat. Aliud
est in Aufonij versu, & nisi quis explicat, muto: *noctis-
que per umbram Tergeminam*. Umbra inquam *tergemi-
na*, non ipsi vigiles: id est, horæ ternæ in vigiliis: quod
clarum. Poëtica quidem illa phrasis, eoque audacior; cur
offendar? Tot igitur Vigiliæ, & Primipilus Clepsydris
eas discernebat. Habebat vascula aquaria, siue *mensu-
ras ex aquâ*, vt Cæsar appellat quibus quattuor illa tem-
pora æqualiter distinguebant. Vegetius: *In quattuor
partes ad clepsydram sunt diuisa vigilia*. Cæsar de Britan-
niâ: *Certis ex aquâ mensuris breuiiores esse noctes quàm in
continente videbamus*. Agnitum id & obseruatum è vi-
giliariis hisce clepsydris significat, quæ castra comi-
tabantur.

„ *Signum buccinâ dandi.*] *Tubâ* dixit Lascaris: sed est
in Græco clarè *βυκινά*: nec aliter factum. Buccina huic
rei seruiit. Liuius: *Vbi secunda Vigila buccinâ signum da-
tum esset*. Idem: *Ut ad tertiam buccinam præsto essent*. Pro-
pertius: *Et iam quarta canit venturam buccina lucem*.

Silius: — *mediam somni cùm buccina noctem
Diideret, iamque excubias sortitus iniquas
Tertius abrupta vigil iret ad arma quiete*.

Vbi attende item de sorte ad vigilias, & mediam no-
ctem, id est tertiam iniquissimam habitam, quia turba-
ret totam quietem. Nam reliquis, bonam partem pri-
mæ aut sequentis noctis licebat dormire. Hauris etiam,
dormisse Vigiles cùm eorum fors & vices non essent.
Sed de Buccinâ, item Frontinus: *Sulla bello sociali nocte
profectus,*

profectus, relicto buccinatore, qui vigilias ad fidem remanentium diuideret, & quartâ vigiliâ commissa eum sequeretur, incolumes suos perduxit. Cicero huc aspexit: *Te* Orat. pro Mur. gallorum, illum buccinarum cantus exsuscitat. Sallustius communi verbo, & multitudinis numero, est usus: *Marius quàm maximum silentium haberi iussit, ne signa* In Lug. quidem, uti solent per vigilias, canere. An quia reuera plura, an quia pluries. Istud Ausonius significat:

— ter clara instantis Eoi

Signa canit serus, depenso Marte, satelles.

At illud è Vegetio firmes: *A tubicine, inquit, omnes vigilie committuntur, & finitis horis à cornicine reuocantur.* Lib. 11. cap. vii. Itaque Tubam adhibet ad initia, Cornu siue buccinam ad finem. Tacitus quoque in verbis suprâ datis tangit, *Omisso tube sono, quo miles ad belli munia cietur.* An & Tubâ adhibita? Tubâ, difertè. Sed & Iosephus: *Τὰς φυλακὰς καὶ τὰς ἑγέρσεις* 11. Hist. **σάλπιγες ἀγοσημαίνουσιν: Vigiliæ & excitationes, Tuba* *Sed Græca ea vox communior est. Signa omnia sub Vigiliis. *presignant.* Et certum est iam olim signa omnia cecinisse initio Vigiliarum, aut potius paullò ante ipsas, cùm scilicet Prætorium dimitteretur. Polybius, de Scipionis stratagemate, quo castra Syphacis incendit: *Ἐστὶ δ' ἐν Ῥωμαίοις κατὰ τὴν εἰρηνηκαίαν τὸν βυκανίαν καὶ σάλπιγκας πάντας σημαίνει πρὸς τὴν στρατηγού σκηνὴν, καὶ τὰς νυκτερινὰς φυλακὰς κατὰ τὸν καιρὸν τοῦ τόνισατος: Est enim mos Romanis, sub tempus canæ buccinatores & tubicines omnes canere ad Prætoris tabernaculum, ut tunc vigilie nocturnæ constituentur.* Lib. xv. Liuius ipsum illud narrans: *Ubi Prætorio* Lib. xxx. *dimisso signa concinissent.* Atque hoc est illud signum imperij, quod Cæsar tangit: *Pompeius receptis omnibus* 11.1. Ciuil. *in vna castra legionibus, suum cum Scipione honorem partitur, classicumque apud eum canit, & alterum illi iubet Præ-*
torium

De Liuij
sententiâ.

Lib. xxviii

torium tendi. Haud dubiè hoc ipsum est: sed ambigo an Liuius item eò aspexerit, siue Asdrubal apud Liuium: qui suspitione iniectâ de aduentu alterius Consulis in castra Liuij, *attendi iubet, semel bisue signum canat in castris*. Et statim addit: *Illud veterem ducem, & assuetum Romano hosti mouit, quòd semel in Prætoris castris signum, bis in Consularibus referebant cecinisse. Duos profectò Consules esse. Putarem de ipso isto classico intellegendum: sed Liuius singulariè signum dicit: & Silius in eâ re Buccinam nominat:*

Lib. xv.

— *bis clarum buccina signum.*
Præterea, gemino prodebat iuncta magistro
Castra regi.

De Taciti.
xv. Annal.

Vt fortassè ad Vigiliâs ipsas hæc sint referenda: & in vnis castris Buccinam vnâ sonuisse: nisi cùm duo Prætoria, & duo duces. In Tacito autem quod legitur, inter solennes militiæ ritus: *Initia vigiliarum per Centurionem nunciari, conuiuium buccinâ dimitti*: referebam olim ad hoc Classicum. Sed resisto: quia ante cænâ videtur illud cecinisse: hæc Buccina finit cænâ. Sed & ea hîc sola; in Polybio omnia signa. An non magis hic mos & sensus? Ante cænâ classicum cecinisse: eo signo Prætorem aliosque cænasse: tum Centurionem nunciâsse Vigiliâs incipere: & mox ad primâ Buccinâ conuiuium dimissum. vt quisque scilicet ad se iret, nec vltra discursu vlllo castra inquietarentur. Hoc nunc placet.

„ *Testes aliquos ex amicis.*] Primùm fidei causâ, vt si culpam alicui ingerat, non ille regerat aut abnuat: deinde decori etiam causâ & periculi, quia nec honestum, nec tutum fortassè, solos ita circuire. Ergo aliquem aut aliquos

aliquos ex amicis assumebant: sæpe eiusdem illius ordinis, & quibus operam hanc in simili reddebant.

„ *Attestatus proximos abit.*] Tam illos, quos apud se amicos habet, quàm Vigiles proximos.

„ *In quaque legione per dies curant.*] Hoc ille de Primopilo iterum, qui signum dat Vigilijs. Atque ait, *ex utraque legione Centuriones per dies fecisse.* Ita vertere malo illud Græcum καὶ ἡμέραν, quàm cum Lascari *cottidie.* Non enim, opinor, bis signum datum, & ab utroque Centurione, sed per vices id factitatum: & cùm quatuor essent (duo in quoque Manipulo) munus haud graue fuisse in quintum quemque diem. Si vt Lascaris, profectò graue, & singulis, aut alternis noctibus peruigilandum ad curam, in quâ nihil remisè aut otiosè agendum.

„ *Vocat Centurionem.*] Eius manipuli, in quo culpa. Cetera clara, vtique si vnâ cum meis iungas: quod semel te hortor. Finem Vigiliarum habes: nihil omissum? quædam. Primùm de *Armis* nihil dixit: sed sciri etiam eo silente potest, armatos vigilasse. Tacitus de instauratâ disciplinâ à Corbulone: *Stationes, Vigiliæ, diurna nocturnaque munia in armis agitabantur.* Quod tunc omissum scilicet, per longam pacem. Æmilius Paullus tamen olim sine scuto ire eos censuit: *Et nouo more,* ait Liuius, *scutum in vigiliam ferre vetuit.* Causam dedit: *Stare enim galeatos, deinde ubi fessi sint innixos pilo, capite super marginem scuti posito, sopitos stare.* Seneca hoc ipsum euenisse testatur: *Ut si necesse fuerit, stans etiam aliquando saucius pro vallo peruigilet, & ne pile quidem incumbat, quia solet obrepere interim somnus in aliquod adminiculū reclinatis.* Et si hoc de Scuto non mansisse arbitramur: & in monumentis lapideis Vigiles cum scuto ante se deposi-

Vigiles cū
armis.

xi. Annab.

Scutū olim
ademptū.

Lib. xlii.

Epistol.
xxvi.

Postea
redditum.

Pp

to sta-

Cap. xi.

De Tranq.
cap. vlt.Voces Vi-
gilum.
1. Annal.

v. Hist.

Lib. 7.

Lib. 11.
Strat.Lib. v.
Hexaëmer.
cap. xv.Quæ ea
fuerint?

to stare cerno. Sed de pilo aut lanceâ, cum eo stetisse etiam Tertullianus approbat, qui sic de milite Christiano, libro De Coronâ: *Et excubabit pro templis, quibus renuntiavit, incumbens & requiescens super luncho, quo perfossus est latus Christi?* In eodem etiam Senecâ lectum moneo, qui illo die in expeditione fuissent, ne vicibus quidem suis vigilasse. *Miles, inquit, vigilias diuidit: at nox immunis est ab expeditione redeuntium.* Causa ab humanitate, & quia tales egent quiete. Secundum. Nihil de *Vigilum* vocibus in Polybio: at Tacitus iniecit. *Inualidi ignes, interruptæ voces:* de nocte quam Romani egerunt in angore, obsidentibus Germanis. Iterum clarius: *Vigiles flagitium suum ducis dedecore excusabant, tamquam iussi silere, ne quietem eius turbarent. Ita intermisso signo & vocibus, se quoque in somnum lapsos.* Duo adhibita ostendit ad excitandum, *Signum* siue buccinam, & *Voces*. Et de his Dionysius iam olim. cum Sabini castra Romana tentarent noctu, & illi de composito negligentiam & somnum præferrent: *Ἡ πρῶτοι πορδύμνηροι, inquit, ἔτε φέγη λαμπήρων ἑώρων, ἔτε φωνὰς φυλάκων κατήκουον:* *Qui primi (Sabinorum) progressi sunt, neque splendores facium videbant, neque voces vigilum audiebant.* Nota ibi & Faces, de quibus statim. Lego & in Polyæno, Clearchum cum timeret incursuros noctu hostes, iussisse suis *ἐν τοῖς ὅπλοις διατελεῖν, καὶ τὰς ἐγέρσεις ποιεῖν πυκνὰς:* *in armis permanere, & excitationes crebras facere.* Ad voces has referendum videtur, quibus Vigiles cum clamore proximos & successuros excitabant. Ambrosius & eò respicit, de gruibus: *Post ubi vigiliarum munus fuerit completum, persuncta munere in somnum se, prævio clangore componit, ut excitet dormientem, cui vices muneris traditura est.* Et quæ autem voces? opinor, ex ipsâ re: *Vigila,*

gila, vigila. Tale aliquid in Seruio, qui sacerdotes ad templum Martis iuisse, instante bello, & *motis ancilibus dixisse, Mars vigila*, scriptum reliquit: quasi illum, more militiæ, ad excubandum prouocantes. Facit magis, quod hodie apud Turcas ille mos, & in arcibus opidif-
 que excubias ita agunt, vt altâ voce inuicem appellent se & responsent. Petrus Bellonius diligens vtilisq; obseruator monuit: itemq; amicus noster Carolus Clusius, Pannonos idem facitare, qui clarè & mutuò sibi accinunt *Σχολαῖν Σχολαῖν virratχto, Σχολαῖν*, id est, *Vigila vigila vigil, vigila.* Et cùm sub auroram se recipiunt, canunt: *Haynal vagyon szep pyros, haynal haynal-vagyon*, hoc est, *Erumpit iam elegans rubens* (scilicet aurora aut dies) *erumpit iam.* Sed & Persæ cantitare soliti in Vigiliis laudes sui regis. Ammianus: *Noſtri obtruncarunt vigiles omnes, ex vſu moris gentici iuſtitiam felicitatēque regis ſui canoris vocibus extollentes.* Quæ omnia bona & vtilia contra somnum nemo neget. Atque iſtæ olim voces: Græcis etiam Tintinnabula ſiue Campanulæ, ad excitandum. In Thucydide: *Τὸ ὃ κώδων παρηνεχθέντος, ἔταως ἐς τὸ διάκεινον, πρὶν ἐπανελθεῖν τῶν παρὰ δίδόντα αὐτὸν, ἢ παρόσθεσις ἐγένετο: Tintinnabulo enim prolato, priusquam rediret is qui tradiderat, ita in vacuum locum ſcalarum admotio facta.* De Braſidâ loquitur, qui Potidæam conatus capere noctu, dum is qui circuit tintinnabulum porrigit, atque ita locū paullisper deſerit. Ibi Scholiaſtes: *Ἐὼς ὃ ὁ περιὼν μετὰ τὸ κώδων ἄλλω παρεδίδε τὸν κώδωνα, χεὶρ ἐξήνομήρου, ἔλαθε παρὼς εἰς τὸν κλίμακα: Interea dum is, qui circuibat cum tintinnabulo, alteri illud traderet, tempore aliquo medio, ſefellit ſcalas admouens.* Hoc ipſum tempus (apud Plutarchum) Aratus inſidiis legit, cùm Sicyonem caperet: *Ἀναβαινόντων δὲ τῶν πρώτων, ὁ τὴν ἐωθινὴν φυλα-*

*Turca hæ
vocibus
vtuntur.*

*Et Pan-
nones.*

Et Persæ.

*Tintinna-
bula Græ-
cis.
Lib. 1111.*

κὴν ᾤξαιδιδούς ἐφώδουε κώδωνι, καὶ φῶτα πολλὰ καὶ φορητὸς ἦν
τῶν Ἰπποβοσκῶν. *Ascendentibus primis, is qui matutinam
vigiliam tradebat, transibat cum tintinnabulo, erantque
lumina multa & strepitus ingredientium.* Dio Cassius
Romanis Vigilibus in vrbe videtur ea dare. cū scribit

Lib. LIII. Augustum somnio monitum, Iouem Tonantem quasi
ᾠεφύλακα, procubitorem Iouis Capitolini fecisse, εὐὸς τε tin-
tinnabulum ei appendisse. ὃ δ' addit, τὰς συνοικίας ὑκτωρ
φυλάσσοντες, κώδωνι χρώνται, ὅπως σημαίνει σφίσιν ὁ πόταν Βου-
ληθῶσι, διώωνται: qui enim vicos noctu custodiunt, campanu-
lā utuntur, ut significare inter se, cū voluerint, possint.
Etsi haud prorsus eadem ibi causa. Sed Suidas de illo

In κώδων-
βοσκῶν.

ritu: Οἱ περίελοι οἱ τὰς φυλάκας περιπολοῦντες καὶ περισκο-
πεῖντες ἐρχόμενοι Ἰππὶ δὲ φύλακας, κώδωνας εἶχον, καὶ οὗτοι
ἐφόρεν περιέρχοντες τὴν κατὰ δούδα, καὶ ἵνα οἱ φυλάσσοντες ἀν-
τιφθέσκονται. *Circuitores, qui vigiliās circuībant & explora-
bant, eunt ad Vigiles, tintinnabula habebant, atque ea
concutiebant explorantes si quis dormiret, & ut vigilantes
voceresponderent. Quod nec hodie prorsus exoleuit, &
in arcibus plerisque ad campanulam Vigiliæ excitan-
tur. Satis de istis: addo aliquid & de fignibus, quos repe-
rio crebrò. In Propertio:*

Ignes Vi-
gilum.

Lib. IIII.

Ignes castrorum, & Tatiæ pratoria turma.

Lib. IIII.

In Statio:

— noctisque per umbras

Nunciat excubiis vigiles arsisse plateas.

I. Annal.

Lib. XXI.

In Tacito: *Apud Romanos inualidi ignes.* In Liuiio: *Plu-
ribus ignibus, quàm pro numero manentium, in speciem fa-
ctis.* Ac possis ad ignes referre, quibus cænæ & corpo-
rum curandorum causâ utebantur. quò Diodorus du-
cit, de Eumene: *fuisse suos luculentam flammam facere,
per intervalla circiter viginti cubitorum, tamquàm ad cenam
curamque corporis; secundâ vigiliâ minorem; tertiâ mini-
mam;*

nam, ut procul spectantibus vera castra viderentur. Quos scilicet ignes ita structos, in noctem & Vigiliis producebant, donec paullatim exstingerentur. Etsi tamen de Facibus propriè ad Vigiliis, aliquid ex Dionysio suspicere, qui suprà Φέψη λαμπήρων signanter dixit, id est Facium lumina. Item Statio, qui & ipse verbo Facium vsus:

*Tamen &
Facies alie.*

Incertaq, faces, & iam malè peruigil ignis.

Lib. VIII.

de languidis excubiis & remissis, ut Tacitus inualidos ignes. Atque idem Statio, ubi crebras excubias & dēsas notat, Contractaq, vices, & crebrior excubat ignis.

Lib. XII.

Quin & in Columnā Traiani, ubi Vigiles ponuntur, video super eos in turris fenestrā exsertam facem: quid? ad illucendum, & ut accedentes noscerent? opinor.



φρυκτοὶ
Græcorū.

Etsi alio etiam fine ignes in turribus aut speculis fuisse, probè scio: nempe ad indicandum aliquid aut significandum, quod genus Græci dicunt φρυκτός. Suidas inter alios: *Phrycti, faces quædam è ligno factæ, quas super muros ferentes significant vicinis aut sociis cum vident hostes aduentantes. Atque etiam cum socios vel auxilium vident: sed cum istos, gestant faces quietas; cum hostes, quatunt & mouent.* Talia Scholiastes Thucydidis: & res ab ipso Thucydide aliquoties memorata, & crebrò alibi in Græcorum actis. Conuenit quod Polybius διὰ τῶν πυρσῶν σημαίνειν, *per faces significare* dicit: & varium vsum eius rei explicat, & posse pro litteris etiam esse. Cur hodie ignorant aut neglegunt? & alia vsurpant magis molesta, & minùs certa. Sed ille scriptor diffusè exsequitur Decimi libri fine, quem vide. Inuentum hoc Sinoni adtribuit Plinius: *Specularem significationem Troiano bello Sinon inuenit.* An verius de Palamede? cui plerique Græci, vt Sophocles: — ὅς σεαυτὸν φρυκτωεῖαν,

Eorum
vsum pro
litteris.

Quia in-
uenerit?
Lib. VII.

ἵππου φυλάξεις, τὰ δοὰ σημαντεῖα
ἐδείξε.

Vt Alcidas in Oratione in Palamedem: Πυρσούς αὖ ἐσοφίσασθαι, ἀλλ' ἐφ' ἡμετέρῳ κακῷ: *Faces inuenit, sed in nostrum malum.* Ipse Palamedes apud Gorgiam ait, εἰς θυρηκείας πυρσούς, κρατίστους καὶ ταχίστους ἀγγέλους: *inuenisse faces, optimos & celerrimos nuncios.* Et quod tamen Plinius de Sinone, caussam habet, quòd illum volunt sustulisse facem quâ Græcos aduocabat. Q. Calaber:

Δὴ τὸτ' ἀπ' αἰθαλόεντα σίνων ἀναὶ πυρσὸν ἄφρε
Δεικνὺς ἀγγείοισι πῦρ δὲ σέλας:

*Tunc Sino flagrantem faculam sublime leuauit,
Ostendens Græcis ignis decus.*

Romani

Romani etiam vsurparunt. vt Scipio apud Numan- Romani
interdū vsi.
In Iberic.
tiam, quem Appianus scribit diuissse castra & per par-
tes assignasse Tribunis, cum praecepto, vt si impeterentur ab
hoste, de die panno rubro in hastā sublato significarent; de no-
cte, igne. Vt Cæsar: Celeriter, vt antè imperauerat, ignibus 11. Gallic.
significatione factā, ex proximis castellis eò concursum est.
Vegetius inter vsitata refert: Si diuise sint copiae, per noctem
flammis, per diem fumo significari sociis.

DIALOG. X.

*De imperiis castrorum, & administratione in his talibus.
Tribuni per vices faciunt. Et Salutationes ducunt.*

TANDEM, tandem, de Vigiliis absoluiamus, & ad
Exercitia imus. A V D. Nec nunc quidem plenè.
L I P S. Quid autem abest? A V D. De Tribuno, siue Tri-
bunis, quos crebrò Polybius & tu nominastis, & ferè
duos, aut vnum. Quis igitur iste? certus, an quem casus
dabat? L I P S. Ille verò certus, & nihil hîc à casu. Com-
modè autem petis: & dabo. quia facit non ad dicta so-
lùm, sed dicenda. Ordo in hac administratione certus
fuit, nec omnes Tribuni simul imperitarunt, nequa
confusio, aut dissensio etiam, esset. Scis illud vetus, *Οὐκ * Multorū
ἀγαθὸν πολυκοιρανίη. Quâ serie & discretione, ista Poly- imperium
non vitæ.
bij verba dicent: recita.

Τὴν δὲ καθόλου δοκιμασίαν τῆς Uniuersam lateris pro- POLYB.
πλευρᾶς, δύο τῶν χιλιάρχων ὁ- bationem duo Tribuni fa-
μοίως δὲ καὶ τὴν λοιπὴν τὴν καὶ ciunt. Similiter aliam etiam
τῆς στρατιᾶς ἐπιμέλειαν οὗτοι castrorū curam hi sunt qui
ποιοῦνται. καὶ δύο γὰρ στρα- gerunt. Nam in binos &
binos

αὐτὸν διελόντες ἀνὰ μέρῃ τὸ
ἐν μίῳ τῷ δὲ μίῳ ἀρχοῦσι,
καὶ πάσης οἱ λαχόντες τὸ ἐν τοῖς
παίθεσι, πρὸς δὲ ταῖς χεῖρας.
ὁ αὐτὸς τρόπος τῆς ἀρχῆς μὲν
καὶ τῶν πραιφέκτων περὶ τοῦ
συμμάχου, οἱ δ' ἵππεῖς καὶ τα-
ξιάρχου, πάντες ἅμα τῷ φωτὶ
παράγινονται πρὸς ταῖς τῶν χι-
λιάρχων σκηνάς. οἱ δὲ χιλίαρ-
χοι πρὸς τὸν ὑπάτου, καὶ κείνῳ
μὲν τὸ καλεῖσθαι αἰεὶ παρὰ τὴν
ἀριστερὰ τοῖς χιλίαρχοις, οἱ δὲ χιλίαρ-
χοι τοῖς ἵππεσιν ἔκταξι ἀρχοῖς.
οὗτοι δὲ τοῖς πολλοῖς, ὅταν ἐκά-
στων ὁ καιρὸς ᾖ.

*binos se diuidentes, semestris
spatij duos menses imperant,
et quos ea sors tangit, uni-
uersa administrationi ca-
strensi tunc praesunt. Idem
imperitandi modus Praefe-
ctorum in socios. Equites ve-
rò et Centuriones cum pri-
mâ luce veniunt ad tentoria
Tribunorum, Tribuni ad
Consulis: atque ille quid-
quid agendum Tribunis e-
dicit: Tribuni equitibus Cen-
turionibusque: isti vulgo mi-
litum, cum tempus cuique
rei venit.*

„ *Uniuersam lateris probationem.*] Hoc ad castrorum
munitionem spectat, de quâ dictum.

„ *Duo Tribuni.*] E quaq; legione vnus, vt iam audies.

*Manera
Tribuno-
rum.*

„ *Aliam etiam castrensem curam.*] Nempe vigilias dis-
ponere, circuire; tesseras & signum dare; denique, quid-
quid ad vsum, imperare. Sed in primis etiam ius dice-
bant, & causas siue lites militares cognoscebant. Liuius:

Lib. xxviii

*Tribunos et iura reddere in principis sinebant, et signum
ab eis petebant. Imò puniebant etiam, & de capite cog-
noscebant. in Polybio infrâ.*

*Diuisio
Tribuno-
rum.*

„ *In binos et binos se diuidentes.*] Totum hoc ita ex-
audio, vt velit vnus legionis sex Tribunos in tres se par-
tes diuisisse, & binos imperasse per binos menses. Ita,
cum duæ legiones in castris, quattuor erant qui impera-
bant:

bant: sed nec ij continuò, diebusque, nisi fallor, alternis.

Id à Consulibus quoque factum, cùm vterque in vnis A Consulũ
exemplo. castris, vt imperia in dies demutarent. Caussa sic censen-

di non vno loco Polybius (in totâ hac re castrensi:) qui

ferè ad vnum Tribunum omnia refert. Ad vnum dico,

cùm de vnâ legione; ad duos, cùm de duabus. Nisi ob-

seruas, hærebis sæpè in eius verbis. Ista diuifio commo-

da fuit & prudens: commoda ad alternam requiem;

prudens ad concordiam. Quisque enim suis diebus &

mensibus, in suâ legione, imperium inhibebat. Ad hanc

diuifionem spectauit Linius: *Secunde legionis Fuluius*

Tribunus militum erat. is suis mensibus dimisit legionem.

Disertè ait *mensēs*, multitudinis numero: & Polybius

hîc, *duos menses*. Alioqui potuisset diuifio institui, vt è

quaque legione vnus in mensem. Sed non est ita. & quæ

ratio in Centurionibus duobus valuit, ea hîc: vt altero

ægro aut impedito, alter nihilominus munia obiret. Li-

bet etiam quærere, cur in *semeſtre* tantùm? cur non dis-

creti sic in totũ annum? Ratio fuit, quòd annus actioni-

bis & negotiis inæqualis. Æstas tota in expeditione &

opere; hiems pigra & otiosa. Nequis ergo queri posset,

aut honoratum se parum aut nimis oneratum; omnes

ad res aut otium admittebant, prout tempora erant.

Cogitandum etiã, an non hæc *semeſtris* diuifio occa-

sionem dederit *Tribunis Semeſtribus*, de quîs dixi.

„ *Idem imperitandi modus Præſectorum in socios.*] Qui

Præſecti Tribunis vbique adæquantur.

„ *Equites verò & Centuriones.*] Omnesne equites? in-

definitè dicit: sed Decuriones intellegi tantùm, ratio &

exemplum dictare videntur: vt iuerint modò ij, qui in

imperio. Certè alius ille numerus prægrandis.

Qq

„ Cùm

Vnus in
diem im-
perabat.

Lib.
xxxiii.

Alia diui-
ſio reiecta.

Cur ſeme-
ſtris ea
ſuerit?

Equitum
nomine
Decurio-
nes.

„ *Cum primâ luce veniunt ad tentoria Tribunorum.*]

Centurio-
nes & De-
curiones
ad Tribu-
nos.

Ita me Deus, hoc pulchrum. Ecce sexaginta Centurio-
nes, triginta Decuriones (in vnâ legione supputo.) ve-
niunt agmine, & compositè, ad Tribunos: (omnèsne? an
eos modò, quorum illis mensibus imperium? hoc ve-
rius.) veniunt, inquam, ad Tribunos, per speciem offi-
cij, vt saluent & vt deducant. Quid tum? ipsi Tribuni

Tribuni ad
Imperato-
rem.

cum hoc comitatu ad Imperatorem summum. Nónne
decorè omnia & vtiliter, ad dignitatem imperantium
augendam? ad imprimendam subditis venerationem?

Lib. III.
Excid.

Iosephus de totâ istâ re: Ὑπὸ δὲ τῷ ἑω, τὸ σεβασμικὸν μὲν τῷ
ἐν ἑκατοντάρχαις ἑκάστοι, πρὸς δὲ τοῦ χιλιάρχου ἑτοιμασία
ἀπασὸν μὲν, μετ' αὐτὸν πρὸς τὸν ἡγεμόνα τῶν ὅλων ὁ ταξιάρχαι
πάντες: *Manè & sub auroram, milites quidem singuli ad
Centuriones, ad Tribunos porro isti conueniunt salutaturi:
cum quibus ad Ducem primarium omnes deinde ordinum
ductores.* Eadem dicit quæ Polybius: sed hoc amplius de
militibus, quòd ij quoque venerint è suâ quisque cen-
turiâ salutatum ducem. Iam addit noster:

Signum
manè datū
Tribunū.

Lib. III.

„ *Ille quidquid agendum, Tribunis edicit.*] Non otiosa
hæc aut honoraria tantum salutatio, sed visio. Numquid

vellent? Itaque Imperator tunc iis *Signum dabat*, atque
alia pro tempore edicebat agenda. De Signo, clarè ita

Iosephus: Οἱ δὲ αὐτοῖς τὸ τε δῆλον σημεῖον, καὶ τὰ ἄλλα πα-
ραγγέλματα δίδωσι διαφέρειν εἰς τὸν ὑποταγμένους: Ἰππε-
ς verò (Imp.) tunc illis ex more *Signum dat* & alia mandata
perferenda ad subiectos. Cur tamen tam manè signum?

*Nisi & in
diurnis ex-
cubiis veli-
mus fuisse.

nam illud* nocturnum opinor intellegi, & vigiliarum.
Ideò, quia & Tribuni plerumque diem occupati, & ipse
Imperator huc illuc distrahi poterat, & abire. Prouidè
igitur & maturè: atque ipsi tamen apud se habebant,
donec

dō nec promendi tempus, & vespere peterent Centuriones. Sed vide mihi etiam pulcherrimum imperandi modum. Imperator Tribunis edicit; isti Centurionibus; Ordo in imperio.
 Centuriones suis. Qui ipse apud Spartanos, vt scribit Lib. 7.
 Thucydides: Βασιλέως ἄγοντ' ὅπ' ἐκείνου πάντα ἀρχέται. Ἐ
 τοῖς μὲν πολεμάρχοις αὐτὸς φεράζει τὸ δέον, ὁ δὲ τοῖς λοχαγοῖς,
 οἵ κεν οἱ δὲ τοῖς πεντηκονταῖσι, αὐτὸς δὲ τοῖς ἐνωμοταρχαῖς,
 καὶ ἑτοῖς τῇ ἐνωμοσίᾳ: Rex cū ducit, ab eo omne imperium.
 & ipse quidem Polemarchis (velut Tribuni sunt) quod
 opus est edicit; isti Centurionibus; hi Quinquagenariis; hi
 Decanis; hi Decuria. Prorsus idem ordo, nisi quod plus-
 culum etiam sectus. At in illo Romano leuiter innouasse
 Paullus Æmilius videtur, de quo ita Liuius: Lib. XLIIII.
*Ut ordine ac sine tumultu omnia in agmine, ad nutum imperiū-
 que Ducis fierent, prouidit. Vbi omnibus simul pronuncia-
 retur quid fieret, neque omnes exaudirent, incerto imperio
 accepto, alios ab se adiicientes plus eo quod imperatum sit,
 alios minus facere. clamores deinde dissonos oriri omnibus
 locis, & prius hostes quā ipsos quid paretur scire. Placere
 igitur Tribunum militum Primopilo legionis secretum ede-
 re imperium, illum & dein singulos proximo cuique in ordi-
 ne Centurioni dicere quid opus facto sit: siue à primis signis
 ad nouissimum agmen, siue ab extremis ad primos perferen-
 dum sit. Seneca huc spectauit, Epist. LX. Quod in exerci-
 tibus his, quos magni Imperatores ordinant, fieri videmus,
 vt imperium ducis simul omnes copia sentiant, sic disposita
 vt signum ab vno datum peditem simul equitemque percur-
 rat: hoc aliquanto magis necessarium esse nobis. Othonis
 etiam illud apud Tacitum huc refero: Ita se Ducum au- i. Hist.
 thoritas, & sic rigor disciplina habet, vt multa Centuriones Tacitus explicat.
 Tribunosque tantum iuberi expediat. Sic enim recte scri-*

Qq 2

psimus,

psimus, cum antea vulgatum esset; *multa per Centuriones*. Quis nescit autem per Centuriones omnia iuberi? sed hoc Otho ait, quædam secreta imperia esse, & ipsis tantum Tribunis Centurionibusque edita: qui cum opus, promant.

DIALOG. XI.

Ad Exercitia transitum. Ea diuisa, & primò dictum de Oneris exercitiis. Tulisse cibos, vallos, sarcinas, præter arma.

SED heus, vel nunc denique Labyrinthum hunc seuasimus, & ventum ad *Exercitia*, alteram Disciplinæ partem. Absoluimus, an producimus? Longiuscula enim est, & licebit Augurum verbo, *Alio die*. Hoc magis, quod dum castra & Vigiliæ ambimus, urbem ambiuimus, & ad locum venimus vnde digressi. Ergone domum? Quid rides? AVD. Nam tu mihi facere, quod fæminæ in amantes, videris. LIPS. Quâ causâ? AVD. Subducere te paullum, vt magis incites. Quid autem opus? famem meam vides, quæ ipsâ auditione crescit. Res enim magis magisque allicit. & vt in puteis quod plus sumitur, melior dulciorque aqua euadit: sic in hac militari re, ad meum quidem gustum. Perge, & suggere. LIPS. Sed enim ipse puteus noster deficit, Polybius inquam: nec ille de Exercitiis verbum. AVD. Tu Polybius esto, & è pectore isto prome. Ibi quoque Musarum fontes saliant. LIPS. Theatrum hoc, vt video, iterum referandum est, & fabella tota peragenda. Ergo porrò ambulemus paullum, vel extra hanc urbem. De Exercitiis autem vt ordine dicam, triplicia ea facio: *Oneris, Operis, Armo-*

Armorum. De primis, succurrit M. Tullium aliquid scripsisse, quod vsui erit, & pro Polybio vicarium hunc dabo. Verba sunt è Tusculanâ secundâ, cùm laborem dilaudat & commendat ab exemplo militari.

Nostri exercitus primùm, unde nomen habeant, vides. CICERO
deinde quis labor & quantus Agminis? Ferre plus dimidia-
ti mensis cibaria, ferre siquid ad vsum velint, ferre vallum.
Nam scutum, gladium, galeam nostri milites in onere non
plus numerant, quàm humeros, lacertos, manus. Arma enim
membra esse militis dicunt, quæ quidem ita geruntur aptè, ut
si vsus foret, abiectis oneribus, expeditis armis ut mem-
bris pugnare possint.

Pleraque hîc omnia, quæ ad Oneris exercitia spectant,
vsurpata Romanis præter & supra pleraq; gentes. Quid
simile vsquam, quale hîc legis, & audies? Atque eius rei
fructus, indurescere, & corpus habere cuique labori fe-
rendo. Plutarchus quidè de Romanis nostris tradidit, eos
sic fuisse laboribus suetos factosque (διαπόνως vno verbo) ut
nec sudantem, nec suspirantem quemquam cerneret: idque
in diurnâ illâ pugna cum Cimbris magno aestu & acri
concursu, Q. Catulum notasse, & ad Senatum sic scripsisse.

„ *Nostri exercitus unde nomen.*] Clarum, quòd ab ex-
ercendo. Vegetius: *Exercitus ex re ipsâ atque opere exerci-
tj nomen accepit.* Varro: *Exercitus, quòd exercitando fit me-
lior.* Planè melior, fortiorque. Hippocrates: ὁ γὰρ ἀγίμ-
νασσι τῶν δι' ὁπρώτων διὰ πάντας κοπιῶσι πόνας: *In exercitati ho-
mines ab omni labore fatigantur.* Et idem generatim pro-
locutus: Παθυμὴν ὑστέρις, καὶ ἀδυνὸς τὸ σῶμα ποιεῖ. πόνος δ' ὁ
ἐνθαίνει, καὶ τὸ σῶμα ἰσχυρόν ποιεῖ: *Desidia humectat, & imbe-
cillum*

cillum corpus fluidumque reddit; labor siccatur, & robustum strictumque corpus facit.

„ *Qui labor & quantus agminis.*] Alia enim exercitia omittit, illa sola agminis, id est Oneris diducit. Quæ profectò magna, & Virgilij verbo, pænè iniusta. Ille sic de istâ re:

xi. Georg.

*Non secus ac patriis acer Romanus in armis
Iniusto sub fasce viam dum carpit, & ante
Hosti expectatum positus stat in ordine castris.*

Lib. xi.
cap. iiii.
Onera in
fasce.

Eius exemplo Fabius: *Assueti gymnasiis & oleo corpora, quamlibet sint in suis certaminibus speciosa atque robusta, si militare iter fascēsque & vigilias imperes, deficient & querant victores suos.* Fasces & ipse dixit, quia sic alligatas ferebant velut in fascem sarcinas: & malè atque imperitè, qui hîc *Falces*.

Cibo, fe-
runt.
Lib. xliiii.

„ *Ferre plus dimidiati mensis cibaria.*] Quattuor Oneris genera militibus imponit, *Cibum, Ustensilia, Vallum, Arma.* De cibo, ait, *Ferre plus dimidiati mensis.* Omnino plus: & sæpe etiam totius mensis. Liuius: *Prætor dimisso Consul, menstruo iusso milite secum ferre, profectus est.*

Lib. lvii.

Idem in Epitomâ, de Scipione Numantino: *Militem, triginta dierum frumentum ferre cogebat.* Paullò minus in

xi. Ciuil.

Cæsare, de Afranianis: *Frumenti copiam legionarij nonnullam habebant, quòd dierum vigintiduorum ab Ilerdâ frumentum iussi erant efferre: cetrati auxiliariēsque nul-*

Auxiliares
non ferunt.

lam, quorum erant & facultates ad parandum exiguae, & corpora insueta ad onera portanda. Tot dierum portasse legionarios vides, sed solos. Auxiliares, inquit, insoliti erant & rudes ferendi. Mansit hæc durities etiam molliore æuo, & in Principum inferiorum rebus onera ista legis. In Alexandro Lampridij: *Milites expeditionis tem-*

pore

pore sic disposuit, ut in mansionibus annonas acciperent, nec portarent cibaria decem & septem, ut solent, dierum, nisi in barbarico: quamvis & illic mulis eos & camelis adiungeret. En, illo quoque ævo septemdecim dierum (id est, plus dimidiati mensis, ut in Cicerone) cibaria ferebant: idque etiam inter socios & amicos, nisi quod remisit & laxavit paullum Alexander. Remisit, sed non dissoluit. nam & postea dierum hunc numerum reperio, in Ammiano: *Tutum ex annonâ decem & septem dierum, quam in expeditionem pergens vehebat cervicibus miles.* Sed an isto ævo frumentum ipsum datum & latum, an verò panis excoctus, quem Buccellatum (quia sectus in buccas) vocabant, ambigo: imò potius iste. Spartianus in Pescennio: *Pistores sequi expeditionem prohibuit, buccellato iubens milites, & omnes, contentos esse.* Dat intellegi, Buccellatum communem cibum fuisse: sed delicatesiores quosdam asperitatem illam aut siccitatem refugisse, & habuisse in exercitu pistores ad panem recentem. Ille vetuit, & iussit milites, imò & omnes (Legatos, Duces, honestiores) eo cum aliis uti. Ammianus in Iuliani rebus: *Viginti dierum frumentum ad usus diuturnitatem excoctum, Buccellatum, ut vulgò appellant, humeris imposuit libentium militum.* Atque ut verum fatear, posterior ista ratio veteri utilior & prior: quia pōderis minus, in mensurâ & modò eodem frumenti. Procopius de Iohanne quodam Præfecto Prætorij sub Iustiniano: *Panem qui in exercitu fertur, his est consuetudo in clibanum ponere, ut diligenter coctus diu duret, neu citò corrumpi posset: verum eundem pondere à primo deficere, pro quartâ minimum parte, necessum est.* Addit deinde, varum & vafrum illum Iohannem, ut pondus hoc lucri sibi faceret, nec sumptus tamen

Lib. xvii.

Buccellatū
ferunt.Lib. i.
Bell. Wā-
dal.

men ad ignem adderet, panem hunc in balneis iussisse siccari, ut in speciem coctus videretur: sed eundem in naues illatum (maritima tunc fortè expeditio erat) statim in farinam solutum, eamque olidam & rancidam, cuius esu milites inciderunt in morbos. Sed panis igitur talis, bis inquam coctus: quod nomen hodie retinet, atque ita olim Græcis. Δίπυρον enim dicebant, bis ignitum. Suidas: Δίπυρον ἄρτον, ὃ ὡς ῥωμαίοις λεγόμενον παξάμας: Biscoctus panis, qui Romanis dicitur Paxamas. Intellegit Græculos illos Romanos in imperio Byzantino, qui sic dixere: siue Paxamadium, ut in Leone Imp. lego: Commeatus paxamadij siue biscocti habeas viginti aut triginta libras. Fragmentum super hoc pane in eodem Suidâ est incerti scriptoris: Σισυράς ἦν τὸν ὤμων φέροντες, ἐν αἷς δὲ ἄλλο οὐδέν, ὅτι μὴ διπύρου ἄρτους ὄκοντες ἐμβεβλημένοι ἀφίκοντο: Saccos pelliceos in humeris ferentes, in quibus nihil aliud quàm panes biscoctos domi imposuerant, abibant. Simile olim, quod ad saccos, quas πήρας, peras Polybius appellat. Eius quoque hoc fragmentum: Μὴδ' ἦν ποζυγίων, ἀλλ' ἐν πήραις δέχ' ἡμερῶν εἶναι ἐφόδια: Neque in iumentis, sed in saccis decem dierum habere cibaria. Atque habes de onere frumenti. A V D. Quæro. ipsius olim frumenti an farinae? L I P S. De frumento meminilegere tantum. A V D. Unde igitur panis, cum opus, & qui comminuebant? L I P S. Aut tundeabant pinsebantque, aut molis manuariis frangebant. Certè istas quoque inter instrumenta militaria fuisse, & comitatas castra, dicas ex Liuiio. apud quem varij Italiæ populi Scipioni ituro in Africam conferunt, scuta, galeas, hastas, secures, rutra, falces, alveolos, molas.

„ Ferre siquid ad usum velint.] Hæc sunt, quæ Vtenfilia dixi.

Bis coctus panis.

Cap. x.

Cibi in peris aut saccis.

Mola in exercitu.

Lib. xxiv.

dixi. quæ illa? Partem eorum Iosephus dat: *Ferunt*, inquit, Romani pedites *hastam & scutum*: Περὶ δὲ τούτοις, *Uienfilia Romano-*
rum. πρῶτα καὶ κόφινον, ἄμυν τε καὶ πέλεκυν. ὡς δὲ, ἵμαντα καὶ δρε-
 πιδιον καὶ ἄλυσιν. *Præter ista, ferram, & corbem, rutrum, &*
securim; amplius, lorum, falcem, & catenam. Multa sanè
 hæc onera, & pertinent pleraque ad lignandum, pabu-
 landum, muniendum: postremum, id est *Catena*, ad ca-
 ptiuos vinciendos. Sed tu me respicis, & vultu rogas an
 hæc tulerint omnia? Ista, & plura etiam. nam vbi olla,
 veru, & talia ad victū? Atqui tulisse ista cū Appianus
 in Ibericis dicit, tum ipsa res vult & monumenta anti-
 qua ostendunt. In columnâ Traiani militem sic videas:



„ *Ferre vallum.*] Tertium id onus. Sed vallum, an val- *Vallorum*
 los tulere? Sæpè & plurimū vallos. In Liuiο de septe- *num et sex.*
 R r nis,

Epist.
LVIII.

Lib. III.

Eorum
utilitas.Arma pro
membris.

Lib. XL.

Lib. III.

Ratio se-
rendorum.

Lib. XVII.

nis, vbi Scipio disciplinam reformat ad Numantiam: *Triginta dierum frumentum ac septenos vallos ferre cogebat. In eodem de duodenis. Armaticum cibariis in quinque dies, vallisque duodenis Martio in campo adessent. Sed hæc rariora: ex usu & more fuit, ferre ternos aut quater-nos. Ipse Polybius, vbi ex professo de Vallis, libro XVII. Εἰς δὴν φέρεται τοῖς καὶ τέσσαρας σὺνδεῖς ἐπ' ἀλλήλους: Unus vir fert tres aut quattuor, simul eos componens. Isti autem ferebantur, vt statim liceret vallare se & munire, si castra subitò locanda, aut alia necessitas esset. Cogita numerum militum, qui fuere in Consulari exercitu supra sedecim millia: ter aut quater tot vallos: profectò densa & firma munitio statim strui potuit, contra equitem peditemque. Ita nec in agmine facile fuit eos opprimere aut dissipare.*

„ *Nam scutum, galeam.*] Quartum onus, Arma. Imò non onus, ait Cicero, & habent milites quasi sua membra. Tale de Annibalis veterano milite Silius, aspectu & imitatione non dubià Ciceronis:

Ac ne nocte quidem clypeus ensesue reposti,

Non pharetra aut iacula, & pro membris arma fuere.

Simile Hegesippus, apud quem sic Romani: *Aliis arma oneri sunt, nobis integumento quia usu leuantur.* Sed addit Cicero, *aptè gesta fuisse.* quod videre est in imagine suprà positâ è columnâ Traiani. Pendet galea ab dextro humero ad pectus; scutum in sinistrâ; in eadem, pertica cum sarcinis. Polybius tamen ait, *scutum ab humeris loro reuinctum pependisse, manibus tulisse pila & vallos.* Sed Galea cur non in capite? id quoque ad duritiem, vt incederent eo nudo. Sed tu quid ad ista? files? A V D. Stupore quidem defixus. Tot & talia vt vir vnus tulerit?

mihi

mihi non vir, sed iumentum. LIPS. Rectissimè dicis. & sic Iosephus comparat, qui scribit ὀλίγον ἀποδεῖν τὸν ἀχθοφόρον τῶν ὀρέων τὸν πεζόν: *Parum abesse à mulis sarcinariis peditem Romanum.* Itaque & *Mulos* ioco etiam vocabant, an ipsos milites, an Furculas eorum? Festus: *Muli Mariani dici solebant C. Marij instituto, cuius milites in furcâ interpositâ tabellâ, varicosius onera sua portare ad-sueuerant.* Frontinus: *C. Marius recidendorum impedi-mentorum gratiâ, quibus maximè agmen oneratur, vasa & cibaria militum in fasciculos aptata furcis imposuit, sub quibus & habile onus & facilis requies esset.* Unde & in prouerbiū tractum est, *Muli Mariani.* Tales istas Furculas appellarunt *Arumnulas*: quod Festus in eâ voce notat. Et sic quidem onusti militis, quod admirationem tuam intendat, iter grande sæpe conficiebant. Vegetius tirones suos ad-suefacit, *pondus baiulare vsque ad sexaginta libras, & iter facere gradu militari: quibus in arduis expeditionibus necessitas imminet annonam pariter & arma portandi.* Quod verò istud iter? idem aperit: *Horis quinque æstiuis (ex paullò grandiores) viginti quinque millia passuum militari gradu confici.* Quid ergo in totum diem? Si de *triginta* aut *quadragenta* dicam, non aberrem. Polyænus hoc mihi de Macedonibus adfitebitur. quos, inquit, *Philippus exercebat unâ cum armis trecenta sæpe stadia ambulare, ferentes galeas, peltas, ocreas, sarissas, & prætereâ commeatum, & quæcumque vasa cottidiani vsus.* Reddidi fideliter ipsa verba: & nōne hæc sunt millia *tria triginta septem* amplius? Vide & sarcinas, & arma, haud longè abeunt à duritiâ Romanâ. Imò verò in frumenti modo paria fecisse etiam lego, & menstruum tulisse. Frontinus: *Philippus cum primum exercitum consti-*

Romani
muli.

Lib. III.
cap. I.

Onusti diu
ambulant.

Lib. I.
cap. XIX.
«Credo in
veteri on-
ere plus
fuisse.

Iter mili-
tate.

Lib. III.
Strat.

Macedo-
nes ad Ro-
manam
militiam.

Lib. III.
cap. I.

Rr 2

tueret,

*Nota de
molis, vt
suprà.

Etia Catti
prisci.

Turpe mi-
licem in
equo vehi.

Calones
etiã pauci.

In Iug.

tueret, vehiculorum vsum omnibus interdixit. equitibus non amplius quàm singulos calones habere permisit, peditibus autem denis singulos, qui* molas & funes ferrent. In aestiua exeuntibus triginta dierum farinam collo portare imperauit. O eximium regem, & dignum filio Alexandro! cuius felicitas tamen & magnitudo fuit à virtute & seminibus paternis. Nec Macedones ista solùm, sed de Catts Tacitus: Omne robur in peditibus. quem super arma ferramentis quoque & copiis onerant. Quin & Turcas hodie, ollam aneam, scutellam, securim, igniarium, sacculum cum annonâ, & talia quædam ferre, scimus per eos qui videre. Quid nostra ad hæc ignauia? refragatur, aut ridet: & tantùm ab onere ferendo absunt, vt vix sua arma. quid arma? imò vix sese ferunt, & pedites etiam videas in equo vehi. Quàm malè memores dicti illius Scipionis! qui tales quosdam ignauos cùm in agmine suo vidisset, equis iussit detrahi, & addidit: *Nihil ab eo milite boni expectandum, qui pedibus suis ambulare non posset.* Appianus in Ibericis. A V D. Quidquid adfers, non desino admirationis, nec video quid tot onera iis lata. L I P S. Commodè & facilè, sed doctore vsu. Nam à primo tirocinio condiscebant, & assiduò deinde vsurpabant. *Nihil autem est, ait verè Vegetius, quod non assidua meditatio facillimum reddat.* A V D. Sed quæro tamen, an non Serui iis & Iumenta? Si hæc fuerunt, quid opus illa ipsos ferre? L I P S. Respondebo distinctè. Habuere seruos, sed nec multos, nec vulgò. Tribuni, Centuriones, & digniores militum habebant: gregarij non habebant. Sallustius, de Metello: *Ne lixa exercitum sequerentur. ne miles gregarius in castris, neue in agmine, seruum aut iumentum haberet.* Vides amputata hæc adiumenta inertiae, & neutrum

trum gregariis licuisse. Sed addit idem etiam Sallustius: *ceteris arctè modum statuisse.* id est, dignioribus quoque præfinisse, ultra quos & quot non haberent. Nec aliter in veteri militiâ: in sequenti, hoc & alia solutiora. Tacitus de Vitelliano exercitu: *Sexaginta millia armatorum sequebantur licentiâ corrupta. Calonum numerus amplius.* Grandis numerus, & supra ipsum militum: quod probò nostro Censori non probum, & inter corruptelas militiæ habet. Iosephus tamen aliter, qui de numerosis istis calonibus recenset, & parte aliquâ probat. *Erant, inquit, Vespasiano ad sexaginta millia militum, præter calones, qui multi admodum sequebantur, usu & peritiâ militari vix infra dominos ponendi. Nam & in pace, assidue exercitiis eorum intersunt; & in bello cum iis versantur & periclitantur. adeò ut nec peritiâ nec robore à quoquam, nisi à solis dominis vincantur.* In quo admirari est Romanorum prudentiam, qui famulos ita assuefaciunt & instituunt, ut non solum ad vitæ officia, sed ad belli munia sint apti. Discis ex eo Calones istos grandiores fuisse, & bello quoque bonos. quod Iosephus laudat & prudentiæ adscribit, me dissentiente, qui puto turbam hanc semper corrupendæ disciplinæ esse. Sed de Seruis tantum est: à quibus *Lixæ* diuersi, qui velut negotiatores, quæstus sui causâ castrâ sequebantur. De quibus aliâs. Nunc de iumentis, dico. ea quoque in castris plura fuisse, sed gregariis militibus non nisi ad vsum communem. nempe ut tentoria, ut molas, & siquid tale, ferrent. Digniores, sibi quædam habuere & ad proprium vsum. Reperies & his & vehiculis modum etiam positum: imò rarerer vehiculis eos vsos. quia hæc scilicet impediunt aut morantur iter, præsertim per angusta aut confragosa. Mei

Postea in-
crebuerunt.

11. Hist.

Calones
illi milita-
res plane.

Iumenta
multa pu-
blica.

iudicij siquid est, malim & in nostrâ militiâ frequen-
tiora iumenta *Sagmaria* esse, quàm currus: excipio
quod ad Tormentorum vecturam.

DIALOG. XII.

*De Agmine toto. tum de metatione castrorum, & me-
tatoribus.*

SED illud etiam opportunè hîc monebo (non enim
ad lancem aut dimensum verba damus) compositos
& ordinatos sub his oneribus iuisse, nec viâ tantum sed
pugnæ aptos. Mira eorum hîc prouidentia & dispositio,
quam licet è Polybio cognoscas. Puer librum reddito,
& tu legito: ego paullum hîc confido.

POLYB. Τὰς δ' ἐν τῆς παρεμβολῆς
ἀναστρεφειάσας ποιοῦνται τὴν
τρίτον τοῦτον ὅταν τὸ πρῶτον ση-
μῆνι, καταλύουσι τὰς σκηνάς,
καὶ σὺν πείρασιν τὰ φορτία πάν-
τες. οὔτε δὲ καθελὼν ἔξουσιν,
ἕτ' ἀναστῆσαι πρότερον οὐδὲν
τῆς πλὴν χιλιάρχων καὶ ἑξα-
κοντοῦ σκηνῆς. ὅταν δὲ τὸ δεύτερον,
ἀναπείρασιν τὰ σκευοφόρα τοῖς
ὑποζυγίοις. ἐπὶ δὲ τὸ τρίτον
σημῆνι, προάγειν δεῖ πρῶ-
τοις, καὶ κινεῖν τὴν ὅλην πα-
ρεμβολὴν. εἰς μὲν οὖν τὴν
πρῶτον πορείαν, ὡς ἴππῳ, τάτ-
τουσι δεῖ ἴππῳ. τοῖς δὲ
ἐκ τῶν καστρίων
*E castris suis discedunt hîc
in modum. Cum primum si-
gnum datum est, tabernacu-
la sua descendunt, & sarcina-
nas cōponunt omnes. Sed nec
detrahere, nec cōstituere cui-
quam tabernaculū fas, prius-
quam Tribunorum & Im-
peratoris erigatur depona-
tūruē. Cum verò secundū si-
gnum sonuit, imponūt sarcina-
nas iumentis. Cum tertium,
procedere oportet primos &
mouere tota castra. Ad pri-
mum autem agmen plerūque
ponunt Extraordinarios. his
succedit*

τὸ τῶν συμμάχων δεξιὸν Ἰπ-
 βάλλει κέρασιν. ἐξῆς δὲ τοῖς ἐπε-
 λαι τοῖς τῶν ποσειδημόνων ὑποζύ-
 για. τῇ δὲ τούτων πορείᾳ τὸ πρῶτον
 τῶν Ῥωμαίων ἀκολουθεῖ στρα-
 τήδον, ἔχον ὅπισθεν τὴν ἰδίαν ἀπο-
 σκιδνῶν. ἐπὶ ταῖς ἀκολουθεῖ τὸ
 δεύτερον στρατὸν, ἐπομμένων
 αὐτῶ τῶν ἰδίων ὑποζυγίων, ἔτ
 τῶν συμμάχων ἀποσκιδνῶν, τῶν
 ἀπὸ τῆς οὐραγίας τεταγμένων.
 τελευταῖον γὰρ ἐν τῇ πορείᾳ
 τάσσεται τὸ τῶν συμμάχων διω-
 νυμον κέρασιν. οἱ δ' ἵπποις ποτὲ μὲν
 ἀποσκαρπῶσι τοῖς αὐτῶν ἑκάστω
 μέρεσι, ποτὲ δὲ ὡς αὐτὰ ὑποζύ-
 για πλάγιοι ὡς ἀποσκαρπῶνται,
 σιμῶντες αὐτὰ, ἔτι μὲν ἀσφα-
 λειαν τοῖς ὡς ἀποσκαρπῶντες.
 ποσειδοκίας δ' οὕτως κατὰ τὴν
 οὐραγίαν, ταῖς μὲν ἄλλα παρ' αὐ-
 τοῖς τὸν αὐτὸν ἔχει τρόπον. αὐτοῖ
 δ' ὅ τῶν συμμάχων Ἰππικῶν,
 τὴν οὐραγίαν ἀντὶ τῆς πρῶτο πο-
 ρείας μεταλαμβάνουσι. ὡς αὖ
 μίαν ἡμέραν ταῖς μὲν ἡγᾶται τῶν
 στρατῶν καὶ τῶν κεραιῶν, ταῖς
 δ' αὖτα πάλιν ἐπεταὶ ταῖς
 κατόπιν, ἵνα τῆς περὶ τὰς ὑ-
 δρείας καὶ σιτολογίας ἀκραιώ-
 νηται πάντες Ἰππικῶν κοινωνῶσι,

succedit sociorum cornu De-
 xtrum. Post istos sequuntur
 iumenta praeceptorū. Horum
 agmini succedit & consequi-
 tur Romana prima legio, à
 tergo habēs vasa sua & im-
 pedimenta: tum secunda le-
 gio, cui subsequuntur iumen-
 ta sua, & sociorum item im-
 pedimenta, qui ad tergum lo-
 cati sunt. Ultimum enim in
 agmine est sociorum cornu
 Sinistrum. Equites porro in-
 terdum à tergo sunt quisque
 suae parti, interdum ad late-
 ra iumentis adequitant, con-
 tinentes & coercentes ea &
 securitatem item praestantes.
 Cum autem suspicio à tergo
 est, reliqua quidē eodem mo-
 do atque ordine manent, ipsi
 tantum Extraordinarij pro
 fronte tergum curant, eoque
 traducuntur: alternis autem
 diebus altera legio & alte-
 rum cornu praecedūt, eadem-
 que rursus sequuntur. ut cō-
 modi scilicet, quod ex aqua-
 tione aut pabulatione inte-
 grā & illibat àeuenit, equa-
 liter omnes participes fiant,
 mutantes

μεταλαμβάνοντες αἰεὶ τὴν ἑπὶ τῇ
 πρώτῃ πορείᾳ ἐναλλάξ τάξιν.
 ἔχονται δὲ ἐν ἑτέρῳ ἡρώ πορείᾳ ἐν
 τοῖς ἑπὶ φάλαξι τῶν καμῶν, ἐδὼ
 ἀναπεπαισμένοι ἔχουσι ἑποῖς, ἀ-
 γουσι γὰρ τριφάλαγγιν ὡς ἄλ-
 ληλὴν τῶν αἰσάτων ἐπεὶ κίπῳ καὶ
 τριαρίων, τάττοντες τὰ τῶν ἡγε-
 μόνων σημαίων ὑποζύγια πρὸς
 πάντων. ἑπὶ δὲ ταῖς πρώταις ση-
 μαίαις τὰ τῶν δευτέρων, ἐπὶ δὲ ταῖς
 δευτέραις τὰ τῶν τρίτων. καὶ κτ'
 λόγον οὕτως ἐναλλάξ αἰεὶ πρὸς
 τὰς ὑποζύγια ταῖς σημαίας.
 οὕτω δὲ συναρτάσθαι τὴν πορείαν,
 ἐπὶ δὲ πρὸς ἀσπίδι καὶ τῶν δεινῶν.
 ποῖς μὴ παρ' ἀσπίδα κλίνουτες,
 ποῖς δ' ἑπὶ δόρυ προάγουσι τὰς
 σημαίας ἐν τῶν ὑποζυγίων πρὸς
 τὴν τῶν πολεμίων ἐπιφάνειαν. λοι-
 πὸν ἐν βραχεὶ χρόνῳ ἐμὴ κινή-
 σει τὸ μὲν τῶν ὀπλιτῶν σύστημα
 λαμβάνει ὡς ἀλάξως διάβειν,
 εἰ μὴ ποῖς προσεξελεῖται δὲ ὁ δὲ
 αἰσάτης, τότε τῶν ὑποζυγίων καὶ
 τῶν παρεπομῶν τοῖς πλεονέκτοις
 ὑπὸ δὲ ὡς ἀτεταγμένους ὑπε-
 σαλκῶς ἔχει τὴν κατ' ἡκούσθαι
 χώραν πρὸς τὸν κίνδυνον. ὅταν δὲ
 κτ' τὰς πορείας ἐγγίῃσι στρατοπέ-
 δον, προπορεύονται χιλίαςχος ἐ-

*mutantes semper ordinē, ut
 alternatim primi incedant.
 Utuntur et alio genere ag-
 minis temporibus intutis, cum
 patentes habent locos. Du-
 cunt enim triplicem phalan-
 gem siue acie equidistantem,
 Hastatorum, Principum,
 Triariorum, iumenta pri-
 morum manipulorum omni-
 bus preponentes; post autem
 primos manipulos, iumenta
 secundorum; post secundos, ter-
 tiorum: atque hoc modo sem-
 per alternatim iumenta col-
 locantes. Ita agmine consti-
 tuto, siquid hostile incidit, a-
 liās ad scutum inclinantes,
 aliās ad hastam, producunt
 manipulos ex iumentis et im-
 pedimentis in hostium aspe-
 ctum. Ceterum breui tempo-
 re armorum corpus accipit
 pugna ordinem: nisi quod e-
 uoluere Hastatos oporteat,
 et iumenta ac subsequentem
 iis multitudinem* habere
 conuenientem locum ad dis-
 crimen. Cum verò appropin-
 quauerint ubi castra ponen-
 da, praecunt Tribunus et
 Centu-*

* In Graeco lego
 ἔχον.

τῶν ταξιάρχων οἱ πρὸς ἑξῆς τὸ μέ-
 ρος αἰὲν ποταχεισθ' ἐντες. οἱ πινεῖς ἐ-
 πιδάαν σπηθεάσων τὸν ὄλον ῥήπον,
 ἔδει στρατοπέδω, ἐν αὐτῷ τέτω
 πρώτον μὲν διέλαβον τὴν ἑστρατη-
 γῆ σκηνὴν, ἔδειξαι δὲ εἶναι καὶ τὸν
 ἀρπύγιον, ὃς ὡς ἀποῖαν Ἰππιδά-
 ρειαν ὅτι πλοῦραν τὸ περὶ τὴν σκη-
 νὴν περὶ σάσεως παρεμβάλλειν τα-
 στρατόπεδα. τέτων δὲ προσκεχθέν-
 των, διαμετροῦνται τὴν πρὶς αὐτῶν
 τὴν σκηνῆς. καὶ τὸ ταύτην τὴν δίδειαν,
 ἐφ' ἧς αἰσχύλαι τίθενται τῶν χι-
 λιαρχῶν. ἐξῆς δὲ τὴν ταύτης πα-
 ράλληλον, ἀφ' ἧς ἀρχεται τὰ
 στρατόπεδα παρεμβάλλειν. ὁμοίως
 δὲ ὅτι τὰ Ἰππιδάρτεια μέρη ταῖς τὴν
 σκηνῆς κατεμετρήσαντο γραμ-
 μαῖς, πρὶς ὧν ὑπεδείξαμεν ἀρπύ-
 γιδά πλοῦρων καὶ μέρος. ἡμοῖων
 δὲ τέτων ἐν ἐραχὲ χροῖω, διὰ τὸ
 ῥαδίαν εἶναι τὴν καλαμέτρησιν, ὡς
 ἀπὸ τῶν ὡριμῶν καὶ σωήτων
 αὐτῶν διασημαίων. καὶ τὸ ταύτην
 σημαῖαι ἐπὶ ἑξῆς μίαν μὲν ὅτι πρῶ-
 την, ἐν ᾗ δὲ ῥῶν τίθεσθαι τὴν τοῦ
 στρατηγῆς σκηνὴν, δὲ ἰέρην δὲ ἡμῶν
 ἐπὶ τὸ προσκεχθέντος πλοῦρος, τε-
 τῶν Ἰππιδάρτεια τὸ γραμμῆς, ἐφ'
 ἧς οἱ χιλίαρχοι σκηνῶσι, τεταρ-
 τῶν παρ' ἐν τῇ ταύτῃ στρα-
 τῶν.

Centurionum illi, qui ad hoc
 munus semper electi sunt. Hi
 cum totum locum conspexe-
 rint ubi metari oportet, in eo
 primum capiunt ἑστρατηγῆν
 Pratorium, ubi idponere
 oportebit iuxta ea quae dixi-
 mus: ἑστρατηγῆν ad quod latus aspe-
 ctumque loci Pratorio adia-
 centis ponere legiones. His e-
 lectis ἑστρατηγῆν captis, dimetiuntur
 Pratorij ambitum: deinde
 lineam rectam, ad quam ta-
 bernacula Tribunorum lo-
 cantur: tum aliam lineam
 equidistantem, à qua inci-
 piunt metari legiones. Con-
 similiter ἑστρατηγῆν latera utrimque
 ad Pratorium dimetiuntur
 ἑστρατηγῆν describunt lineis, de qui-
 bus diximus ubertim ἑστρατηγῆν di-
 stinctè. His in breui absolu-
 tis, quoniam facilis dimensio,
 omnibus intervallis definitis
 iam ante ἑστρατηγῆν consuetis: tum
 Vexillum desigunt, unū qui-
 dem ἑστρατηγῆν primum in loco ubi
 Pratorium ponendum, secun-
 dum in latere electo, tertium
 in mediâ lineâ ubi Tribuni
 tendunt, quartum, ubi legio-
 nes.

Sf

nes.

πεδα. Ἐταύτας μὲν ποιεῖσι φοι-
 κας, πλὴν δ' ἔστρατηγὸν ἑλθόντων, ταῖς
 δ' ἐπὶ θάτερα πόλιν μὲν ψιλὰ δό-
 ραλα πηλύνουσι, πόλιν δ' σημαίας ἐκ
 τῶν ἄλλων χρωμάτων. Χυομένων
 δ' ἑστῶτων, ἐξῆς ταῖς ῥύμας διεμέ-
 τησαν, Ἐδοξαλα κατέπηξαν ἐφ'
 ἑκάστης ῥύμης, ἔξ ὧν εἰκότως ὅταν
 ἐγγίσῃ ἡ ἐστρατὶς πεδα καὶ ταῖς πο-
 ρείας, Ἐ γινέτ' ἀποσπασθῇ ὁ ῥόπος
 τὸ παρεμβολῆς, διθέως ἀπὸ πᾶσι
 γινέσθαι πᾶσι γνώριμα, τεκμαιρο-
 μένοις Ἐ συλλογίζομενοις διὰ τὸ
 ἔστρατηγὸν σημαίας. λοιπὸν ἑκά-
 στε σαφῶς γινώσκοντες ἐν ποίᾳ ῥύ-
 μῃ, Ἐ ποίῳ ῥόπῳ τὸ ῥύμης σκηνῶν,
 διὰ τὸ πᾶσι ταῖς αἰὲς τὸν αὐτὸν ῥόπον
 ἐπέχον τὴν ἐστρατὶς πεδείας. γινέσθαι π
 ὡς ἀπλήσιον οἶον ὅταν εἰς πόλιν
 εἰσὶν ἐστρατὶς πεδον ἐγὼ χῶρον, καὶ γὰρ
 ἐκεῖ διακλίναντες διὰ τῶν πυ-
 λῶν, διθέως ἑκάστοις ὡς ἀφ' ἑαυτοῦ, Ἐ
 ὡς ἀγίνονται ὡς τὰς ἰδίους οἰ-
 κήσεις ἀδιαπύλωτος, διὰ τὸ καθό-
 λου καὶ κατὰ μέρος γινώσκειν, ποῦ τὸ
 πόλεως ἐστὶν αὐτοῖς ἡ κατάλυσις.
 τὸ δ' ὡς ἀπλήσιον τέτοις Ἐ πρὸς ἡλίας
 ῥωμαϊκὰς συμβαίνει ἐστρατὶς πε-
 δείας, ἢ Ἐ δοκῶσι ῥωμαῖοι κατα-
 διώκοντες τὴν ἐν τέτοις διχέρειαν,
 πλὴν ἐναντίαν ὁδὸν πορεύεσθαι

nes. Et hac quidem faciunt
 punicea, illud autem impe-
 ratoris album: ad latera por-
 rō interdum tenues hastas
 defigunt, interdum vexilla
 coloris alterius. His factis,
 Strigas dimetiuntur, Ἐ ha-
 stas in quaque eā defigunt: ἐ
 quibus, cum appropinqua-
 runt copiae, Ἐ in conspectu
 habent castra, statim om-
 nia omnibus innotescunt,
 indicio Ἐ ratiocinio usis à
 Pratorij signo. Et cum quis-
 que sciat in quā Strigā, Ἐ
 quā parte tendat, (semper
 enim in eadem:) fit quid-
 dam simile, ut si exercitus
 in notam Ἐ suam urbem
 ingrediatur. Illic enim sta-
 tim à portis declinantes pro-
 cedunt, Ἐ quisque veniunt
 ad suas ades sine ambage
 aut errore: quoniam Ἐ uni-
 versè Ἐ in parte cogno-
 scunt, quā regione urbis iis
 divertendum. Simile igitur
 Ἐ in Romanis metatio-
 nibus evenit: eoque viden-
 tur Romani, facilitatem
 hanc spectantes, contrariam
 Grecis

τοῖς Ἕλλησι καὶ ἑὸν μέρος. οἱ μὲν
 ὧ Ἕλληνες ἐν ταῖς στρατοπέδοις ἡ-
 λουῶται κυριώτατον τὸ καὶ ἀκολυθῆναι
 ταῖς ἐξ αὐτῶν τῶν τόπων ὀχυρότησι,
 ἅμα μὲν ἐκκλίνοντες τὴν πρὸς τὰς
 ταφρέας ταλαιπωρίαν, ἅμα ὅνο-
 μιζοντες ἐχόμοιός εἶναι τὰς χε-
 ροποιήτας ἀσφαλείας, ταῖς ἐξ αὐτῶν
 τὴ φύσεως ἐπὶ τῶν τόπων ὑπαρχέ-
 σαις ὀχυρότησιν. διὸ καὶ κατὰ τε κτλ
 τὸ ὅλης παρεμβολῆς θέσιν, πᾶν ἀ-
 ναγκάζον) σχῆμα μὲν λαμβάνειν,
 ἐπόμενοι τοῖς τόποις, ἵα τε μέρη με-
 ταλλάττειν ἄλλοτε πρὸς ἀλλήλους
 καὶ κατὰ τὴν ἑκάστην ῥέσιν. ὅτε ὡν ἀνά-
 στατον ὑπαρχεῖν συμβαίνει καὶ τὸν
 καθ' ἑαυτὴν καὶ τὸν καὶ μέρος ἐκάστω τό-
 πον τῆς στρατοπέδου. ῥωμαῖοι δὲ
 τὴν πρὸς τὰς ἰσθμὸς ταλαιπωρίαν,
 καὶ τὰ ἅλα τὰ παρεπόμενα τῷ τοῖς
 ὑπομένειν αἰρούν) χάριν τὴν δι' ἑ-
 ρείας, καὶ ἑὸν γνώμονα καὶ μίαν ἔχειν
 καὶ κτλ αὐτὴν αἰεὶ παρεμβολῇ.

*Gracis hac in parte viam
 institisse. Graci enim in
 metatione praeceptum cen-
 sent, sequi et captare ex ip-
 sis locis firmitatem. ideoque
 et in universa castrorum
 positura, quamlibet for-
 mam assumunt necessario,
 locis obsequentes, et par-
 tes ipsas commutare ali-
 ter atque aliter pro situ.
 E quibus incertum acci-
 dit locum esse et privatim
 cuique et in partibus assi-
 gnandum. Romani vero
 illam quae circa fossas est
 arumnam et laborem, quae-
 que alia adherent, subire
 eligunt, causa facilitatis
 et aptitudinis, et ut no-
 tam atque unicam cam-
 demque semper habeant
 metationem.*

Pluscula haec verba sunt, & ideo in plerisque clara.
 Summa eorum est (vtiliter enim contraham:) duplex
 genus Agminis esse. Prius commune, & cum sine motu
 incedunt: quod est tale. Praeunt & exeunt Extraordi-
 narij, & agmen ducunt. Cur illi? quia portae Praetoriae vi-
 cini, per quam ferè egressus: atque etiam quia ordine
 praenè illo exeant, quo metati. Secundi, cornu Dextrum

Duplex
 agmen.

SS 2

focio-

fociorum: tertij, *prima legio: quarti, secunda; ultimi, laenum cornu.* Ad latera equites, aut quisque post suorum agmen: id est, Sociorum post socios, Romani post legiones. Habet enim quæque legio suam Alam, & item Cornu. Media his singulis ordinibus sunt impedimēta. Si consideras, pulcher est, & pænè idem qui castrorum ordo: præsertim cū equites medij incedunt. Alterum genus, non ita commune, & cū in hostico, & vicino periculo, incedunt. Id tale. Præeunt impedimenta Hastatorum, ipsi sequuntur: tum iterū impedimenta Principum, & mox ipsi: idem in Triariis. Est igitur tum quasi composita ad pugnam acies, nisi quod euoluere se oportet ab impedimentis: quod fit, ad latus alterum declinando, & in hostem eundo, illis subsistentibus, aut retrò subductis. Summatim hæc sententia: nisi quod adtexit de ratione metandi & delineandi castra. Nunc verba lustremus. Ait:

*Classicum
ad iter.*

*Lib. II.
Lib. XXIII*

*Clamor
ad iter.*

III. Ciuil.

„ *Cū primum signum datum est.*] Idque, vt opinor, classico: quod ferè est, cū omnia signa canunt. Liuius: *Classico signum profectionis dedit.* Ammianus: *Extracta quiete nocturna itinerarium sonare lituos iubet.* Tubam tamen solam memini alibi etiam legere. Et signi quidem mentio in Polybio tantū: etsi clamor etiam, de more, sublatus videtur, alacritatis signum, & ne clam ac per timorem viderentur se subducere. Cæsar: *Scipio noctu, ne conclamatis quidem vasis, flumen transit.* Iterū: *Cæsar legiones premisit: paruoque spatio intermisso, vt & militare institutum seruaretur, & ne citissime eius profectio cognosceretur, conclamari iussit.* Palàm hoc recenset inter solennia instituta. At Iosephus tertiam etiā notam miscet, Incendium castrorum. Verba mox dabo.

„ *Cū*

„ *Cum tertium.*] Nota ergo ter sonuisse signum, ut ni- Ter signū
sonuit.
hil trepidè aut confusè: & cuique signo actionem suam
adnexam. Iosephus ita prorsus: Εξείναι δὲ ἔσχατον ἐδεδέον,
ὑποσημαίνει μὲν ἡ σάλπιγξ, ἡρεμεῖ δὲ ὕδεις, ἀλλὰ ἅμα νύματι
τὰς μὲν σκηναὶς διαίρειν, πάντα δὲ διαρτύνονται πρὸς τὴν ἐξοδόν.
πάλιν δὲ αἱ σάλπιγες ὑποσημαίνουσιν παρεσκευάσθαι. ὅτε ἐν
τάχει τοῖς τε ὀρδοῖσι καὶ τοῖς ὑποζυγίοις ἀπιπθέντες τὴν ὀπο-
σκευὴν, ἐς ἃσιν ὥσπερ ἐφ' ὑσπληγος ἐξορμαῖν ἔτοιμοι, ὑποπιμπράσι
τε ἥδη τὴν παρεμβολὴν, ὡς αὐτοῖς μὲν ῥάδιον ἐκεῖ πάλιν τυχίσασ-
θαι, μὴ γένοιτο δὲ ἐκεῖνο ποτὲ τοῖς πολεμίοις χηρῆσιν. καὶ τρίτον δὲ
ὁμῶς αἱ σάλπιγες ὑποσημαίνουσι τὴν ἐξοδόν, ἀπὸ πέρχοντες οὖν
δι' αἰτίῃ πινὰ βραδυνοῦτας, ὡς μή τις διπλοφθείη τάξεως. ὅτε
κῆρυξ δεξιὸς τὰς πολεμαρχὰς ᾤδασας, εἰ πρὸς πόλεμον εἰσὶ ἔτοι-
μοι τῇ πατρίῳ γλώσῃ τοῖς ἀναπυθόμενοι, καὶ κείνοι τὸ σαυλάκις
ἀντιβοῶσι μέγα πρὸς τὸν πόλεμον, ἔτοιμοι λέγοντες. φθάνοντες τε τὴν
ἐπερωτάντα, καὶ πνέοντες πνέματα ὑποπιμπράντες, τῇ
βοῇ συνεξαίρουσι τὰς δεξιάς. ἐπείτα πρὸς ἄλλους ὁδοῦσιν ἡσυχῇ, καὶ
μετὰ κόσμῳ πάντες, ὥσπερ ἐν πολέμῳ τὴν ἰδίαν τάξιν ἕκαστος φυ-
λάσσων: *Cum castris egrediendum est, significat quidem id
Tuba, nemo autem quiescit, sed vel solo nutu moniti* (for-
tasse in Græco melius ἅμα νύματι, quod esset, *una cum
tuba flatu & spiritu) tabernacula tollunt, atque omnia ad
exitum aptantur. Iterum verò tuba significant paratos esse.
atque illi mulis & vehiculis imponentes impedimenta, stant
velut in carceribus exire parati & avidi: incendunt verò
tunc sua castra, ut quibus facile est iterum ea construere, &
ne hostibus quandoque ea usui sint. Et simul tertio tuba dant
signum, quæ urgent & excitant ob causam aliquam tar-
dantes, nequis ordinem deferat. At præco dexter Imperato-
ri adstans, an ad bellum parati sint, patrio sermone ter per-
cunctatur: atque illi toties contrà acclamant altâ & alacri*

voce, paratos se esse. Occupant autem & praeseniunt interrogantem, & Martiali quodam spiritu repleti unà cum voce dextras attollunt. Tum progredientes viam faciunt silentio & quietè, decenter omnes, tamquam in bello, proprium ordinem asseruantes. Pulchrè ista narrat & explicatè, ut pleraque ille scriptor mente & iudicio bonus. Sed ait in primo signo σάλπιγξ siue Tubam singulariter sonuisse: in altero tertioque, σάλπιγξ, Tubas. Et credo sic fuisse: ac secundò tertioque classicum cecinisse. Nam etsi in Iosepho σάλπιγξ dicuntur siue tubæ, totum genus tamen intellegit: ut & Ammianus in verbis datis Lituatorum voce. Singulare autem hoc, quod adnotat Praconem ter interrogasse, An parati ad bellum? mos quem non alibi ego lègi: sed nec temerè de Pracone in Romanis castris. Sed etsi κήρυξ illi est, tamen licet intellegere & vertere, Accensum, aut Curionem: & de ipso ritu, censeo rogasse, An in procinctu essent? Et fortassis hic ille clamor est respondentium, quem Cæsar aliique tangunt, cum Vasa aiunt clamari. Porro quod ad tria signa, simile à Clearcho factum iussumque Græcis, cum iret in Persas. de quo Xenophon: Επειδὴν δὲ σημήνη τῷ κέρατι ὡς διαπᾶν εἶδαι, σκευάζεσθαι. ἐπειδὴν δὲ τὸ δεύτερον, ἀναλίσσεσθαι τὰ ὑποζύγια. Τῇ δὲ τῷ τρίτῳ, ἐπεσθαι τὰ ἡγεμένῳ: Cum signum cornu datum fuerit, ut solet ad quietem, tum vasa colligite; cum secundo, imponite iumentis; cum tertio, sequimini vestrum Ducem.

Mos singularis.

1. Anab.

Ad scutum inclinare.

Aliàs adscutum inclinantes.] Id verò non aliud est, militari Græcanicâ phrasi, quàm ad sinistram deflectere & sese obuertere: sicut contrà, ad hastam, valet ad dextram. Ratio sermonis, quia in alterutrâ ea manu Scutum vel Hasta. Phrasis, quâ creberrimè Polybius, Diodorus,

dorus, Xenophon vñ. qui etiam dicunt *ἡσπέρου ἡσπέρου*, *πρὸς τὸν ἡσπέρου*: item *ἐν δόρῳ* & *παρεμβάλλειν*, & talia quæ nihil opus subtiliùs hîc explicare.

„ *Evoluere Hastatos oporteat.*] Ita accipio (etsi obscura vel ambigua) vt velit nihil rei aut operæ esse; nisi vt ^{*Evolutio quid?*} conspecto hoste, subsistant impedimenta, & ad latus explicent se, & libero loco statuunt Hastati: quod idem Principes deinde ac Triarii: & sic pugna legitima instructa. Sed vbi, inquires, Velites? ego verò miror Polybium in neutro genere Agminis meminisse. Credibile est locum iis fuisse qui in Acie, id est in fronte aut lateribus iuxta equites ipsos. Malim tamen nunc in fronte, & præmissos ad explorandum hostem: quod factitatum aliàs legi. Ad hæc porro duplicia Agmina pertinet, quod ^{*Velites à Polybio neglecti.*} Seruius ex Varrone notat: *Duo sunt genera agminum: Quadratum, quod immixtis etiam iumentis incedit, vt ubiuis possit considerare: Pilatum alterum, quod sine iumentis incedit, sed inter se densum est, quò facilius per iniqua loca tramittatur. Scaurus de vitâ suâ: In agrum hostium veni, pilatim exercitum duxi, id est, strictim & dense.* Ita quidem Seruius. & videtur in altero genere nulla prorsus interponere iumenta: quod haud video quâ verum esse possit. Nam, vt Polybius quidem describit, non immixta iumenta fuerunt, sed tamen intersita: sic vt ordines non turbarent, & triplex modò agmen omnium copiarum esset: haud aliter quàm in acie structâ suprâ à me est ostensum. Nam cum dixit Hastatos præiuisse, capere non Legionarios tantum, sed & Socios debes: idemque in Principibus & Triariis: Imperatorem deinde & Extraordinarios cum Ablectis agmen clausisse, aut loco suo (si mauis) ante Triarios incessisse. Vera igitur

Seruij locus ad Agmina.

Dubitatio super eo.

tur hæc acies, nisi quod interposita iumenta, in fronte
& grandioribus illis transfuersis interuallis. Amoueātur:
ad manus imus. Habet me & hoc dubium, quòd idem

*Quadrati
agmen.*

Seruius prius agmen *Quadratum* appellat: non magis
alterum? imò hoc verius. Certè de isto in hostili agro
Sallustius sensit, cùm de Mario scripsit: *Neque tamen vi-*
ctoriâ secors aut insolens factus, sed pariter atque in conspe-
ctu hostium, quadrato agmine incedere. Item Seneca,
epist. LX. *Ire quadrato agmine exercitum, ubi hostis ab omni*
parte suspectus est, pugna paratum. Prius quidem illud
quadrum est, sed in longum magis magisque extensum.

*Variatū in
Agmine.*

Itaque damnari in historiis leges *longum & laxum ag-*
men. Moneo etiam, etsi hæc sola duo Seruius cum Poly-
bio commemorat: tamen aliter atque aliter agmina sæ-
pè incessisse. A lectione & obseruatione res pendet, ad
quam te remitto. Vnde omnia mihi prompta sic am-
bulanti & fabulanti? Occurrit tamen Ammiani de Iu-

*Iuliani
agmen.*

Lib. XXI.

Imperatore, qui in Perside, haud malo consilio,
sarcinas & calones & apparitionem imbellem, impedimen-
torumque genus omne, inter utrumque latus instituit pro-
cedentium ordinum, nequâ vi subitâ raperentur, ut sæpè
contigit, improtecta. Quæ dispositio fuit, ut utrimque à
lateribus miles esset, in mediâ serie atque ordine iu-

*Iosephi or-
do diuersus
à dictis.*

*Lib. VI.
Excid.*

menta. At verò in Iosepho ordo totus alius, quem ille
bis, ut sollennem, pariformiter describit. Breuius de Ti-
to, qui Hierosolyma ibat: *Progredientem in hostilem ter-*
ram Titum præibant regia auxilia & omnes sociales copie:
post quos Munitores viarum, & metatores castrorum: dein-
de Ducum iumenta: ac post eorum armatos ipse Titus, cùm
alios selectos tum lancearios (siue Speculatores) habens.
Post ipsum equites legionum, qui machinas anteibāt: & post
has,

has, vnà cum selectis Tribuni & cohortium Praefecti. Secundum istos, circa Aquilam signa, & ante eam Aeneatores. Post istos ipsa phalanx (siue legionum agmen) senum virorum ordinibus dilatata. Seruitia autem & calones cuiusque legionis retro eam, & ante ipsa iumenta. Ultimi verò omnium, Mercenarij, eorumque custodes* Vragi, siue agminis coactores. Diffusiùs de Vespasiano: sed quid verba adnumerem? quin tu è libro tertio eius pete. Ego pergo in reliquis quæ Polybius addit. Nam in occasione redit ad figenda castra, quod solet scilicet post iter: atque ita dicit vtiliter quædam antea non dicta.

*Hic enim
Vragi eâ
notione.

„ *Praeunt Tribunus & Centuriones.*] Vnusne Tribunus, an duo? ex quaque scilicet legione vnus, vt ante dictum in administratione totâ castrensi? istud opinor. Hoc etiam, Legatum aliquando aut tales adiunctos, cum periculum maius esset & diligentius ponenda castra. Ita Statius in Bolani laudibus ponit, qui Legatus, quod eum Corbulo sæpè dilegerit ad hanc curam:

Tribuni ad
castra me-
tanda.
Vel Legati.

— *Bolanus iter prænosse timendum,*

v. Silu.

Bolanus tutis iuga commoda querere castris,

Metari Bolanus agros.

„ *Centurionum illi, qui ad hoc munus electi sunt.*] Ostendit munus fuisse in hominibus certis, quod & Vegetius ostendit: qui appellat eos *Metatores*. Sed credo eius æuo distinctos à Centurionibus fuisse. Ipse describit *Metatores*, qui *præcedentes locum castris idoneum eligunt*. Metari fanè non aliud, quàm diuidere, secare suis finibus & metis. *Vineas metari*, in Columella: *agros metari* in Virgilio leges, ad stationem. *Metata porticus* in Horatio, *mensurata, disposita* explicatur à Scholiaste. Tertullianus ita vocat *Tempus, arbitrum & metatorem initij & finis*. Se-

Metato-
res.

Metari.

T t

parat

Groma
quid.

parat enim & abiungit. Ipse *metator agrorum*, Ciceroni in Agrariâ est *Finitor*. Huic rei *Groma* & *Decempeda* seruiebat. Vnde in Lucilliano versu veteri: — *viâ-*

que Vis degrumari, ut castris mensor facit olim. In Glossis: *Gruma* (nam & sic scribitur) γρόμων, βασιλικὴ γρόμων, διό-
νεα. Tot his verbis plurifariâ explicant. Eedem: *Gru-*

Et De-
cempeda.
Philip.
xlii.

mat, μετρεῖ, ἔτιοι: *metitur, exæquat*. Festus explicat: *Groma*, genus machinulæ quâ regiones agri cuiusque cog-
noscipi possunt, quod Græci dicunt γρόμωνα. At *Decem-*
pedam Cicero huc aduocat: *Peritus metator & callidus*
decempeda suâ Saxa diuiserat. Inde pro Metatore *De-*

Phil. xlii.

cempedator, in eodem: *Æquissimus agri privati & publici*
decempedator. Porro Metandi vox, ut solet, fusa latius, &

Metari, de
hospitiis.

à castris in urbem iit. Hospitia, mansiones, & quidquid
tale adsignatum, *Metari* dicunt, & *Metata*. Primò quid-
dem ipsorum militum, aut Palatinorum: sed mox &
aliorum. In libris legum hæc exstant, & iam olim tibi
innotuere. In Cedreno est, *Theodosij milites turbasse*

*ob hospi-
tia.

Thessalonica διὰ μετᾶτα, ob* *metata*. Latinam ipsam vo-
cem Græculus non insolens vsurpat. Sic in Suidâ μετᾶ-
τωρ, ὁ ἀγαποσεμόνῳ & ἀγέλος πρὸς τὰ ἄρχοντες: *Meta-*
tor, *premissus nuncius à Principe*, nempe ad loca desi-
gnanda: *Forrerius* nostro verbo. Cyprianus honestè

Lib. iiii.
Epist. i.

transtulit, ad Martyres: *Hospitium vobis in carcere prepa-*
rauit, & metator quodammodo vester nunc quoque vos an-

Lib. viii.
epist. xi.

tecedit. Et Sidonius: *Metatoriam paginam, quasi cum*
Musâ prœuiâ, misi. Metator Musa fuit, & charta eius rei

Isidori nu-
gametum.

index. In Isidoro est vniuersè: *Hospitium*, *ubi quis ad*
tempus inhabitat, unde & Metatum, quia mutatur. In re
nihil peccat, in etymo pueriliter, ut sæpe. Tertullianus:

De Pace.
cap. i.

Nostra metatio, totum versiforme est. Id est, mundus in

quo

quo hospitamur assidue mutat. Sic *Metatura* Nouatiano: *Eius metatura regio ad meridianam respicit plagam.* De Trin.
Cap. xi.

Metatorium in Ecclesiæ historiis, pro domo aduentoribus paratâ. *Metacula deorum*, Marciano Capellæ, domicilia & sedes ab Astrologis datæ. Simili sensu idem, *Apollinem Zodiaci hospitium præmetari*, id est Solem. In eâdem cælesti re Ouidius:

Nos quoque sub ducibus calum metabimur illis.

Diuidemus, & domos suas diis adtribuemus. Obscurius in Ammiano. qui de mollibus & ad ostentationem diuitibus, cum anulis depositis in balneo, eosdem abituri resumunt, scribit: *digitis ut metatis abire.* Quia ne loca sua & sedes cuique anulo in digitis certæ? Sed ad rem meam redeo. Metator in militiâ, qui vel castra vel hospitia designat. Ille apud Lucanum ferox ad Cæsarem:

*Signa super Thusci si ponere Tibridos undas,
Audax Hesperios veniam metator in agros.*

Si in ipsâ Italia, imò ad urbem matrem ponere me, inquit, signa iubeas & castra: en ego metator. Optatus Mileuitanus: *Cum ante venturos milites, metatores, ut fieri solet, mitterentur.* Lib. i. i.

„ *Vexillum unum statuunt.*] Græcè est *σημαία*: sed ita verti, quia vela quædam & pannulos paruos fuisse diuersicolas ad indicium, ex Polybio ipso discis. In militum tamen metaturis nudæ Hastæ. Sûntne hæc quæ *Metas* vocat Festus? *Metari dicuntur castra, quia metis diriguntur.* Et si ad lineas aliasque partitiones potes ducere.

„ *Quartum in eâ, ad quam ponunt legiones.*] Hoc obscure, imò prauè in Græco, nec Lascaris expedituit.

T t 2

Emendo:

Emendo: Παρ' ἧν τίθενται τὰ στραπέδα: sensu quem Latine expressi, & res ipsa præfert.

„ Ut si exercitus in notam & patriam urbem ingredietur.] Pulchra imago & apta, quæ sic etiam in Vegetio:

Lib. I.
cap. XXI.
Castrum in-
star urbis.

Lib. VIII.
Pæd.

Si rectè constituta sunt castra, quasi civitatem muratam, videntur secum portare. Et res ipsa est. Adeste omnes non periti solum, sed sapientes: nego aliquid aptius, & per omnes partes effectius, cogitari à vobis posse. Xenophon ut magnum in Cyri castris laudat, quod εἶχον καὶ σημεῖα πάντες & ἀρχόντες ἐν τοῖς σκηναῖς, habebant signa quadam omnes Duces in suis tabernaculis. Ex quo efficiebatur, inquit, ut quemadmodum in opidis industriosi magis serui variorum domicilia norunt, & eorum maximè quorum opera crebra aut opportuna: ita in Cyri castris ministri eius & signa Ducum nossent, & si quo eorum convento opus esset, nihil quærent, sed rectè statim ad eum irent. At enim hîc non Duces solum noti aut nobiles, & perpetuæ eorum sedes: sed singuli pænè milites, in quâ classe aut manipulo quisque esset. Polybij igitur comparatio verissima. Sunt hîc portæ, sunt directæ viæ, sunt fora, sunt omnia dimensa & disposita, ut in ordinatissimâ civitate solent.

DIALOG. XIII.

De Exercitio Operis. Exempla aliquot eiusmodi illustra.

ET de Agmine quidem ista in occasione, vtiliter an necessario, dicta sunt: ad Opera vocamur, secundam Exercitij partem. Quis ea quoque suggeret? quis Theseus filium sermonis huius diriget? non reperio, nisi quod sparsim tangunt & uniuersè. Uniuersè quidem
ita

ita Liuius: *Jam in Opere quis par Romano miles? quis ad tolerandum laborem melior?* Atque hoc ille, vbi Romanos cum Macedonibus comparat, & hac parte longè anteuuisse adfirmat. Tamen & illi profectò hîc laudabiles. & Polybius eos describit *λειτεργες, πρὸς τὰς ταφρείας καὶ χαρακοποιίας, καὶ πᾶσαν τὴν βιαίτην ταλαιπωρίαν φιλοπονῶντάς:* *operarios, & circa fossiones & castrorum munitiones, & omnem eiusmodi arumnam, laboriosissimos.* Sed haud dubiè superarunt Romani: nec fuerunt, aut erunt, istâ reiis milites comparandi. Horrescit mihi animus (vero verbo vtor) cùm opera illorum video, nec à magnâ manu, nec in magno tempore facta. Gygantes fabulata est vetustas, & Persicos quosdam reges, qui montes struxerunt, aut complanarunt: hîc veros eos habes. Isti patrarunt, quidquid fidem superat, & fieri humanâ manu vix posse videatur. Longus aut superfluens sim, si omnia colligam: rem asseram in paucis & illustribus exemplis. Cæsar dum in Galliâ est, præter alia, Atuatiorum opidum obsidens, *vallo pedum duodecim, in circuitu quindecim millium passuum, crebrisque castellis circummuniuit.* Vide & spatium, quod est *quindecim milliarium,* & valli continui altitudinem *pedum XII.* & pro ratâ latitudinem: amplius tot turres ligneas in ambitu exstructas: admiratio te tanget in paucis diebus, solâ militari manu hæc confecta. Quid idem Cæsar, ingressu Helvetiorum in Prouinciam excitatus? is verò *cum vnâ legione quam secum habebat, militibusque qui ex prouinciâ conue-
nerant, à lacu Lemano ad montem Juram, millia passuum nouemdecim, murum in altitudinem pedum sedecim, fossamque perducit.* Eo opere perfectò, presidia disponit, castella communit, quò facilius, si se inuito transire conarentur, pro-

Lib. IX.

Macedo-
nes, opera-
rij.

Lib. V.

Cæsaris
opus in
Atuatikos.Eiusdē in
Heluetior.
r. Gallias

hibere posset. Id quoque opus non multis diebus confecit, & Heluetios consilio & aditu deiecit. Grande mercurus spatium *nonemdecim milliarius*: non tam grandis munitio quæ ad Alesiam eiusdem Cæsaris, sed operosa magis & multiplex. Ipsa enim *in circuitu undecim millia passuum tenebat*: sed (postea addit) *fossa fuit pedum viginti directis lateribus ducta*. Iterum ab eâ fossâ pedes *quadringentos recedens*, reliquas munitiones instruxit. *Eæ erant, duæ fossæ quindecim pedes latæ, eâdem altitudine: quarum interiorem aquâ ex flumine derivatâ implevit.* Post istas, aggerem & vallum pedum *duodecim exstruxit*: siue lorica pinnasque adiecit, grandibus cervis eminentibus, qui adscensum hostium tardarent. Et turres toto opere circumdedit, quæ pedes *octoginta inter se distarent*. Omitas alias minores fossas, Cippis confitas; & scrobes Stimulis repletas. Quid amplius? certè amplius. Nam iterum, *His rebus perfectis, pro loci naturâ quattuordecim millia passuum complexus*, pares eiusdem generis munitiones, diuersas ab his contra exteriorem hostem fecit. Vides duplicatum totum opus, & post tot illas moles contra opidanos, alteras tantas adiectas contra externum hostem si adueniret. Ita inclusus vtrimque Cæsar opidum clausit, & vim sustinuit *ducentorum quadraginta millium* peditum, equitum *octo millium*, qui subsidio veniebant: & erant in ipso opido hominum *millia ad octoginta*. Ad-
 do eiusdem Cæsaris munitionem, quâ Pompeium ad Dyrrhachium clausit, duplici etiam vallo circumseptus.
 quo *millia passuum octodecim in circuitu erat complexus*. Ita enim in Cæsare ipso scribitur; etsi in Floro paullo minus, & *sedecim millia* reperiens. Sed fas mihi dubitare in his numeris, & ex Appiano valdè augere. Nam ille de
 hac

Item ad
Alesiam.
v. 11, Gallic.

Item contra
Pompeium.

111. Ciuil.

Ambigui
numeri.

hac re. *Cæsar*, inquit, *aggressus est difficile & inopinatum* 11. Ciuil.
opus, ut uno muro omnes Pompeij copias circumplexus, à
mari ad mare eum duceret: etiam si cæptis excideret, ma-
gnam apud posteros super hac audaciâ gloriam laturus.
Erant enim stadia ducenta & mille. Hæc ita verbatim ex
Appiano. Quæ si vera, abesse non potest quin ambitus
 operis fuerit, non octodecim aut sedecim, sed ad centum Aucti ex
 quinquaginta circiter milliarium. O rem incredibilem! Appiano.
 sed vix mihi. præsertim cùm verba Appiani attendo ῥῶ-
 ῖμα, *magnum facinus*: itemque δυσέρως καὶ ἀσφάλειον,
arduum & supra fidem atque opinionem: denique tanta
glorie apud posteros appellantis & asserentis. Quorum
 nihil est, si non nisi inuulgata illa magnitudo: quæ in eo-
 dem Cæsare, & ab eodem, alibi maior. *Lucanum* etiam Item ex
 qui inspicit, (poëtam in his talibus non poëtam. fide- Lucano.
 liter agit.) iudicabit pro numero illo maiore. Nam ipse
 grandi ore hoc opus attollit:

Franguntur montes, planumque per ardua Cæsar
Ducit opus, pandit fossas, turritæque summis
Disponit castella iugis, magnoque recessu
Amplexus fines, saltus nemorosæque tesqua,
Et silvas, vastæque feras indagine claudit.
Non desunt campi, non desunt pabula Magno,
Castræque Cæsareo circumdatus aggere mutat.
Flumina tot cursus illic exorta fatigant,
Illic mersa suos: operumque ut summa reuifiat,
Defessus Cæsar, mediis intermanet agris.
Nunc vetus fliacos attollat fabula muros,
Adscribâtque Deis: fragili circumdata testâ
Mania mirentur refugi Babylonia Parthi:
En, quantum Tigris, quantum celer ambit Orontes,
 Assy-

*Assyriis quantum populis telluris Eöæ
Sufficit in regnum, subitum bellique tumultus.
Raptum clausit opus. quanti pericere labores!*

Et alia etiam præmisit & subserit, eiusdem admirationis & magnificentiæ: frustra, si non nisi vulgare aliquod in obsidiis opidorum opus. Considera verò quod ait, *magnorecessu saltus, tesqua, silvas* inclusisse: & Magnum sic clausum castra tamen *mutasse*, pabuli copiam habuisse. Quî potuerunt hæc à tot legionibus in vulgato illo spatio? Amplius, *Flumina* in eo spatio *oriri & desinere* dicit: ridiculè, in eo minuto. Etiam Cæsar vno die extrema & *summa operis* sui non videt: mansio nocturna interponi debet: nec id potest, nisi in numeris Appiani. Denique extra controuersiam, comparat hoc spatium cum terris quas Orontes aut Tigris ambit: quâ non dicam fide, sed fronte, si tam exiguum? Imò tota regna, inquit, in Oriente vix sunt maiora. Hæc nisi ad vastum illud spatium refert, non ineptè solùm dicta, sed stultè. A V D. Heu, res miras & nouas! alia iudicia induere cogor & sensus. L I P S. Quidni in rebus veteribus? quas ab ignauia aut impotentia nostra metiri, desipere est. Sed tu iam Appiano accedis? A V D. Pede timido. & Orosius etiam retinet, in quo (si commemini) *quindecim milliaria* legi. L I P S. Vt voles, non te vltra impello: sed hoc superaddo, nihil magni miri in istis octodecim fore, cum Licinius Crassus opus struxerit altero tanto maius. Leges in Plutarcho, bello Spartacio, cum fugit iui peninsulam Brutiorum insedissent quæ circa Regium, Crassum insecutum assedisse, & eum in breui tempore (verba & hæc nota) fossam à mari ad mare duxisse, per cervicem peninsule, stadiorum trecentorum, latitudine & altitudine quindecim

*Crassi opus
in Sparta-
cum.*

*cim pedum. Super fossam verò vallum struxisse altitudine
& firmitate mirandum.* Sunt totidem in Græco pænè
Plutarcho verba. Atque ecce, si hæc fossa *trecentorum
stadiorum*: ergo milliarium *trigintaseptem cum dimidio*:
duplo maius Cæsariano illo opus, præsertim cum vallo
tam firmo, & alto. A V D. Eia, iam credo, manum tollo.
Sed addoce, postea etiam in vsu hæc Opera? L I P S. Post-
ea. Augustus certè aut eius Legati vsurparunt: vt bello
in Cantabros Florus auctor, *Medullum montem perpetua* Lib. III.
quindecim milliarium fossâ obsidione cinctum. Magis ma- cap. vit.
gna Appianus de eodem isto Octauiano, ciuili bello ad *Octauiani*
Perusium. Facit eam urbem circumuallatam ab eo pri- opera.
mum *quingentasex stadiorum spatium*, nec longiore ob-
tumulos qui impediabant: sed brachia inde ducta ad
Tiberim, quæ vsu fluminis eriperent: postea alias fos-
sas vallumque structum, *additis mille quingentis ligneis*
turribus, quæ sexaginta pedes inter se distarent. Ex hac
turrium distantia, valli vtriusque (duplex enim fuit)
magnitudinem dimetiare. Quid Hadrianus Imp. & Se-
uerus, qui vallo & fossâ Britannos per multa milliaria à
barbaris seiunxerunt? Plura etiam exempla: atque ea
operæ & structione melioris: vt pontium, basilicarum, Et varia
theatrorum, aquæ ductuum: & quæ talia peritè & adfa- passim.
brè facta. Non quia olim in ipsis legionibus seorsum fa-
bri: sed quia ipsi milites aut aliqui inter eos longo vsu
sic docti, & mixti fortassis aliqui ex professores tales, deni-
que præerat & dirigebat Præfectus fabrûm. At tempore
Vegetij & suprâ, quæque iam legio *habebat fabros ligna-* Fabri in
rios, structores carpentarios, ferrarios, reliquosque artifices legionibus.
ad hos vsus. Itaque etiam in pace & otio, sed contra Lib. II.
otium, militari manu mansura multa struebant. Flami- cap. xi.
nius

Lib. XXXIX. nius Consul apud Liviū, *ne in otio militem haberet,*
viam à Bononiā perduxit Aretium. Apud Frontinum:
 Lib. III. P. Nasica in hibernis, *quāvis classis usus necessarius non es-*
 cap. I. *set, ne tamē desidiā miles corrumpetur, naues adificare in-*
 stituit. Augustus in Suetonio, *Fossas Nili manus militari*
 XXIII. An- *deterfit.* Domitius Corbulo, *ne segnem militem attineret,*
 nalo *inchoatū à Druso aggerem, Rheno coercendo, absoluit.* Vo-
 piscus de Probo Imp. *Milites otiosos esse numquam est*
passus. Exstant apud Ægyptum eius opera, quæ per milites
struxit in plurimis ciuitatibus. Pontes, templa, porticus, basi-
licas, labore militum struxit, ora fluminum multa patefec-
cit, paludes multas siccauit, atque in his segetes agrōsque
constituit. Varia imò omnis generis opera vides à manu
 militum: quid si opida etiam tota? Dio Cassius Lugdu-
 num illud hodie nobile à militibus structum in otio te-
 statur: & quid si pleræque coloniæ ab iis qui in eas de-
 ductæ? ego nihil ambigo. O pulchras, ô salutares has
 curas! & quibus haud vanè adscripserim cultum & po-
 litum nostrum hunc orbem. Maiores nostri imitari in
 v. Gallic. bello cœperant. & de Neruiis Cæsar: *Vallo pedum unde-*
cim, & fossâ pedum quindecim hiberna cingunt. hæc superio-
rum annorum consuetudine à nostris didicerant. Sed mox
 defierunt, & nostro æuo quod specimen? Guicciardi-
 nus prudens ille ab Italiâ historicus, pro magno & mi-
 rando refert, *Prosperum Columnam, obsidione arcis Me-*
diolanensis, fossas duas duxisse, ad intercludendum hostem,
spatio miliaris unius. Rideo. & quid hîc noui? certum
 est Romana castra cottidie latiùs & operosiùs munita.

DIALOG. XIII.

Armorum exercitia, quàm crebra, & quàm passim? Tum ordine quadam data.

AT de Operibus satis esto: ego exsurgo, & porrò ambulo, & simul ad Exercitia venio *Armorum*. Diligenter hæc quoque pars ab iis habita: & est sanè proprium militis, arma peritè tractare & habere, ad defendendum aut offendendum. Quid in hac re Romani, memoriâ teneo Iosephum & narrare & laudare. Eius sensus, & fortasse verba:

Lib. III.
Excid.

Quod si quis alium Romanorum ordinem in militiâ inspexerit, videbit hoc grande imperium eos habere virtutis meritum, non fortunæ beneficium. Non enim initium illis armorum ipsum bellum est, nec solum cum usus aut necessitas est manus mouent, in pace feriat: sed tamquam congeniti armis, numquam pausam Exercitij faciunt, nec expectant occasiones. Meditationes autem illis siue exercitia nihil à vero usu fortitudinis & audaciæ abeunt, sed quisque cottidie miles omni alacritate tamquam à bello exercetur. Quò fit ut facillimè & panè sine laboris sensu pugnas tolerant. Neque enim vel confusio eos à consuetò ordine amouet & dissipat, vel metus reddit attonitos, vel labor fatigatos. Sequitur verò victoria semper eos, cum in hos pugnent qui non pariter confirmati. Nec sanè errauerit qui dixerit, Exercitia eorum pugnas sine sanguine, Pugnas exercitia cum sanguine esse.

Primùm magnificat Romanos, & iudicat eos orbem terræ habere non Fortunæ beneficium, sed Virtutis meri-

tum. idque maximè docet ab Exercitiis, quæ tam assidua, ut necessariò robur & peritia, ideoque & Victoriis adsint. Dicit:

In pace
exercitia.

Epist.
xviii.

„ *Non enim illis initium armorum, bellum est.]* Non hercules, sed ante bellum cogitant & præparantur ad bellum. Pulchrè Seneca: *In ipsa securitate animus ad difficilia se præparet, & contra iniurias fortuna, inter beneficia firmetur. Miles in mediâ pace sine ullo hoste decurrit, valium iacit, & supernacuo labore lassatur, ut sufficere necessario possit. Quem in ipsa re trepidare nolueris, ante rem exerceas.* Ita sapiens noster scriptor, quem supra omnes Socratas veneror & miror. A V D. Indignantibus multis, & Agellios aut Diones tibi opponentibus. L I P S. Nunc ista & istos mitte. ego ex animo ita censeo, qui eum scriptorem non amat, non ipsam Virtutem. De nostrâ re, Theodericus rex apud Cassiodorum: *Discat miles in otio, quod proficere possit in bello. Animos subito ad arma non erigunt, nisi qui se ad ipsa idoneos, præmissâ exercitatione confidunt.* Hæc mera oracula sunt. & miror acutum illum doctorem ab Etruriâ noluisse artem esse militiam, idque ob causas quasdam: sed leues aut nullas, præut est utilitas ab usu, & per eum arte.

Iuniores
senesque
exercetur.

„ *Numquam pausam exercitij faciunt.]* Toto die exercentur, omni ætate exercentur. Vegetius: *Iuniores & novi milites, manè & post meridiem, ad omne genus exercebantur armorum: veteres autem & eruditi, semel in die exercebantur.* En discrimen. Tirones bis die, Veterani semel. Quid de militibus dicam? Ipsi duces faciebant, ut scientiam ostentarent, & in exemplum. Talis Scipio, qui post Africanus, describitur à Silio:

Lib. viii.

Ipse inter medios ventura ingentia laudis

Signa

Signa dabat, vibrare sudem, transmittere saltus
 Murales fossas, undosum frangere nando
 Indutus thoraca vadum, spectacula tante
 Ante acies virtutis erant. sæpè alite plantâ
 Flia perfossum & campi per aperta volantem
 Ipse pedes prauertit equum. sæpe arduus idem
 Castrorum spatium & saxo transmisit, & hastâ.

Laudat & P. Valerium Consulem Liuius: Non alius ^{Vi Valerius.}
 militi familiarior dux fuit, omnia inter infimos militum ^{Lib. VII.}
 munia haud grauatè obeundo. In ludo pratereâ militari,
 cum velocitatis viriûmque inter se aequales certamina in-
 eunt, comiter facilis, vincere ac vinci vultu eodè, nec quem-
 quam aspernari parem qui se efferret. Et de Pompeio Sal-
 lustius: Cum alacribus saltu, cum velocibus cursu, cum va- ^{Vi Pompeius.}
 lidis vecte certabat. De eodem Plutarchus: in bello civili ^{In Pompeio.}
 iam senem & duodexaginta annos natum, peditem atque
 equitem, se inter suos assiduè exercuisse. Ipsi Imperatores ^{Et Traianus.}
 postea fecerunt, & de Traiano Plinius: Quid apud mili- ^{In Panegy.}
 tes? quam admirationem, quemadmodum comparasti? cum
 tecum in ediam, tecum ferrent sitim, cum in illâ meditatione
 campestri militaribus turmis Imperatorium puluerem su-
 doremque misceres, nihil à ceteris nisi robore ac præstantiâ
 differens. cum libero Marte nunc cominus tela vibrares,
 nunc vibrata susciperes; alacer virtute militum, & letus,
 quoties aut cassidi tuæ aut clypeo grauior ictus incideret.
 Laudabas quippe ferientes, hortabarisque ut auderent: &
 iam audebant. Cum spectator moderatôrque ineuntium
 certamina virorum; arma componeres, tela tentares, ac
 si quod durius accipienti videretur, ipse vibrares. Ergo
 omnes exercebantur, atque etiam in dies. Quo sen-
 su additur:

VV 3

, Quis-

In quiete.
exercitia
maximè.

Lib. II.
cap. XIII

Sub tecto
hieme:

Sereno, in
campo.
Campi-
doctor.

Quisque cottidie miles.] Iam diximus, quòd in dies. sed addo, quod id maximè in Statiuis aut Hibernis, cum quies scilicet à vero certamine & ab hoste. Ideò in Plinio ad Traianum: *Cum die Statuorum proximum campum alacritate, discursu, puluere attolleret.* Vegetius notat, nec pluuiis & hiemantibus diebus cessasse: sed ei rei porticus, quasdam & basilicas leuiter cannâ aut stramine tectas habuisse, in quibus equites peditesque exercebantur. Aliàs, in campo. Inde *Campestres exercitationes* in Suetonio: *Meditatio campestris* suprâ in Plinio: *Campidoctor* ipse ὀπλοδιδάκτης (ita Glossæ reddunt) siue *Doctor armorum*, vt Vegetius. Certum hoc officium inferiore æuo: non certum veteri. sed tunc Centurio aliquis aut miles annorum armorumque vetus docebat. Plinius Panegyrico: *Postquam exercitationibus nostris non veteranorum aliquis, cui decus muralis aut ciuica, sed Graculus magister adfuit.* Ego verò talem elegissem, præ omnibus iis qui officio doctores. Vniuersè de Exercitio dictum: licuisset & decuisset forsitan partitè adiungere eius species & genera. sed quæ sermonum finis? & vt ij qui opido aut metæ accedunt quam destinant, magis propere properant: sic ego, mi Auditor, præceptâ iam quiete festino. A v. d. At ne nimis. Ego ex meo & militari vsu censeo paullum te illa saltem libare. LIPS. Libare igitur. cape. Exercitia pleraque omnia Vegetius suppeditat, etsi haud vno loco. Ex ipso aliisque colligam, & disposita (ita amo) subiecta oculis tuis sunt. Primum, ad Ordinem facit, & gradum sub signis: dicebatur.

Lib. I.
cap. XI.

AMBVLATIO. Vegetius: *Nihil magis in itinere vel in acie custodiendum est, quam vt omnes milites incedendi ordinem seruent. Quod aliter non potest, nisi vt assiduo exercitio*

exercitio Ambulare celeriter & equaliter discant. Ecce, duo
 in hoc Exercitio spectantur, *Celeritas* in ordinato inces-
 su, sub signis & sub armis; tum etiam *Æqualitas*, vt suis
 iustisq; interuallis. Idem alibi ostendit curæ hanc rem
 fuisse bonis Imperatoribus: & *Vetus*, inquit, *consuetu-* Lib. r.
do permansit, & D. Augusti atque Hadriani constitutio- cap. xxvii.
nibus præcauetur, vt ter in mense, tam equites quàm pedites
educantur Ambulatum. hoc enim verbo hoc exercitij genus
 nominant. *Decem millia passuum armati instructique om-*
nibus telis pedites, militari gradu ire, ac redire in castra iube-
bantur ita vt aliquam itineris partem cursu alacriore con-
 ficerent. Insigne & vtile factum. & in quo notes *decem* Vegetius
millia passuum: quæ tamen vereor vt accipienda sint vi- illustratus.
ginti. AVD. Corrigas igitur? LIPS. Minimè. non dixi:
 sed accipienda, nec inuitis Vegetij verbis, vt ego distin-
 xi. Sic enim sonare ea volo, vt iuerint decem millia, ea-
 demq; redierint: fiunt viginti. AVD. Nam quo argu-
 mento? valdè ad laborem addis. LIPS. Ex ipso Vegetio,
 qui libro primo, capite illo ipso de Ambulatione: *Mili-*
tari gradu viginti millia passuum horis quinque, dumtaxat
æstiuis, conficienda sunt. Pleno autem gradu, qui citatior est,
totidem horis viginti quattuor. Hec ferò notanda, vt scias
 quid in Cæsare aliisque sit, *Eo die iustum iter confectum:* Instū iter
 quod est, quantum militari gradu vulgò solet, aut certè diurnum.
 circà: sic tamen, vt horas semper aliquot sumas ad quie-
 tem. Ad Ambulationem hanc pertinet Spartiani locus
 in Hadriano: *Exemplo virtutis suæ ceteros adhortatus, cum*
etiam vicena millia pedibus armatus Ambularet. Vtitur
 enim & Ambulandi verbo, & totidem illa millia vice-
 na exprimit. In Tertulliano item obseruo: *In pace, labore* Ad marty.
& in commodis bellum pati iam ediscunt, in armis De am- cap. 111.
bulando,

In Tertul-
liano no-
tula.

*bulando, campum Decurrendo, fossam moliendo, testudinem desudando. Legerim hoc vltimum, desidendo. quia is habitus multorum in testudine, inclinantium se & subfidentium, vt fiat imbricatum illud decliue tectum. Ali-
bi explicandum. Nunc secundum inter exercitia,*

Lib. I.
cap. IX.

Epistol.
XV. II.

Lib. XXVI.

Cap. VII.

Scuti pra-
latio aut
præsentio.

DE CURSIO. Haud longè ab Ambulatione est, & fit in armis, & sub signis. Finem & fructum Vegetius pandit: *Ad cursum præcipuè adsuæ faciendi sunt milites, vt maiore impetu in hostem procurrant, vt loca opportuna celeriter occupent, vt ad explorandum alacriter pergant, vt fugientium terga facilius comprehendant.* Nominauit Tertullianus supra: & Seneca: *Miles in media pace decurrit sine vlllo hoste, & vallum iacit, & supernacuo labore lassatur, vt sufficere necessario possit.* Item Liuius inter militaria exercitia ludosque quos Scipio instituit: *Primo die Legiones in armis quattuor millium spatio decurrerunt. Spatium & illuc habes, grande profectò si attendis cursum non itum fuisse. Capitolinus de hac ipsâ, in Maximis: Quintâ quaque die inebat milites decurrere. Suetonius Nerone: Indictâ decursione Prætorianis, scutum suâ manu prætulit. Idem in Galbâ: Ipse maximè insignis, quòd campestem decursionem scuto moderatus, etiam ad effedum Imperatoris per viginti millia passuum cucurrit. Notanda hæc exempla, & rimanda vt admiremur. Cucurrit, inquit, viginti milliaria ad effedum, nempe incitatus: idque cum iam prælato scuto etiam decurrisset. Magnum robur, & spiritus Galbæ, fateri oportet. Sed quid de scuto ibi laudatur? Puto tale esse. quòd viri Principes & Duces armigeros haberent, qui scuta ferrent: & quamquam in exemplum decurrerent, tamen plerum-*

plerumque sine onere scuti. At Nero & Galba contrà. & vterque scutum suâ manu prætulit, sic extensum. Hæc Decursio ad Tubam facta, & ad eandem reuocata. quod Vegetio scriptum libro II. cap. XXI. Tertium

SALTUS. Eius utilitas in Vegetio: *Ad saltum etiam exercendus est miles, quo vel fossæ transiliuntur, vel impediens aliqua altitudo superatur. ut cum eiusmodi difficultates venerint, possit sine labore transire.* Silius suprâ de Scipione: — transcendere saltu Murales fossas. Et Sallustius de Pompeio: *Cum alacribus saltu certare.* Quartum

Lib. I.
cap. IX.

NATATIO. Aperta utilitas. Vegetius de ipsâ re: *Sem mare seu fluius vicinus est sedibus, æstiuo tempore ad natandum cogendi sunt omnes.* In ipsâ vrbe, aut ad urbem, hoc olim factum. & Romani veteres (ait alio loco idem Vegetius) *Campum Martium vicinum Tiberi ideò dilegerunt, in quo iuuentus post exercitium armorum, sudorem pulueremque dilueret, ac cursus lassitudinem natandi labore deponeret.* An nō leuore deponeret? nec labor sanè lassitudinem sedet. Fuit & Piscina huic rei, in Festo: *Piscina publica hodièque nomen manet, ipsa non exstat, ad quam & natatum & exercitationis alioqui causâ veniebat populus.* Cum curâ res habita, imò parentes quidam ipsi liberos suos docebant. ut Cato Priscus apud Plutarchum, *Filium suum præiuit & docuit ipse, non solum iaculâri, aut armis depugnare, & equitare, sed & pugillatum exercere, & æstum ac frigus ferre, ac fluminum vorticosa aut rapida natando superare ac transmittere.* Ergo iam fero in Suetonio legi, de Augusto: *Nepotes & litteras, & natare, & alia rudimenta per se pleraque docuit.* Et si notare ibi aliquando arrisit: nec nunc prorsus aspernor. Co-

Lib. III.
cap. IIII.
*Ipsis castris.

In Tiberi
natabant.

In Piscinâ.

In Catil.

Cap. LXIV.

gito enim Augustum splendore & æstimatione sui supra Catonem fuisse, & vix illum iam senem ad hæc externa se demisisse. Tamen esto. errauerim: quid noui aut mali in his talibus? Peruicacia aut assertio odio esto; aberratio risui, aut veniæ. Vetus est:

Αν πολλὰ βάλλῃς, ἄλλοι ἀλλοῖον βάλλεις.

Si multa iacias, aliter aliàs ieceris.

Quintum in exercitiis,

PALARIA. Ampliter de his Vegetius lib. i. cap. xi. quem lege. Quid fuere? non aliud quàm armorum exercitium & pugnae quæ in manibus esset. Statuebatur palus in terram rectus & fixus, qui sex pedes emineret ad modum hominis: eumque hinc illinc tiro assiliebat, & variis ictibus, astante magistro, petebat. *In quâ exercitatione, ait Vegetius, seruabatur illa cautela, ut ita tiro ad inferendum vulnus insurgeret, nequâ ex parte ipse pateret ad plagam.* Meminit huius exercitij Seneca: *Exerceamur ad palum, & ne fortuna imparatos deprehendat, fiat nobis paupertas familiaris.* In Spartiani Hadriano legitur: *Equitauit ambulauitque (nota de Ambulatione) plurimum, armisque & pilo se semper exercuit.* At ego verò palo mauelim: & duplex genus exercitij intellegi, *Armatu-ram, & Palaria.* Est tamen iterum in Vopisci Aureliano: *Nullum prætermisit diem, quamuis festum, quamuis vacantem, quo non se pilo & sagittis ceterisque armorum exerceret officiis.* Sed nec ibi religio mihi sit in vicinam vocem *Pali* demutare. Sanè Pilum & Iacula aliorum pertinuerè, nempe ad id quod subiungam. Nunc de Palo, etiam in Iuuenali (ô Venus specta, & ride) cùm de faminis: *Quis nescit aut quis non vidit vulnera pali?*

Quem cauat assiduus sudibus scutoque lacebit.

Pro

Epist.
xviii.

Spartianus
explicatus.

Pro *Sudibus*, *Rudes* ibi mallet, & mecum vetus interpres, qui *Ferulas* interpretatur. Quæ in Saturnalibus scripsi, huc ad texe. Sextum,

ARMATVRA. quod leuium fuit, vti *Palaria grauium*. De eo Vegetius: *Illo exercitij genere quod Armaturam vocant, & à Campidoctoribus traditur, imbuendus est tiro*. Adde sequentia capita: disces, non aliud quàm hastilium, iaculorum, pilorum, sagittarum missionem sub hoc nomen venisse. Causa, quòd ipsi leues milites dicti tunc *Armatura*. Olim quidem, iuncto nomine altero *Leues armaturæ*, Liuius atque alii: sed compendio postea, sic vt posui. Vegetius: *Post hos erant ferentarij & leues armaturæ, quos nunc Excuscatores & Armaturas dicimus*. Aliæ sunt ab istis, de quibus Græcorum scholia: *Ὀπλορχήσαι, ἃς καλεῖσιν Ἀρµατῦρας, οἷοι περ εἰσὶν ὁ μετ' ὀπλῶν ὀρχέσµεναι*: *Armifalij, quos dicunt Armaturas, quales sunt qui cum armis saltant*. Credo hoc intellegi ab Artemidoro, & ὀπλῶν simpliciter dici: *Τὸ δὲ ὄπλον τὸ λεγόμενον, παρολκὰς σηµαίνει. τελευταῖον γὰρ καὶ Ἰππικῶν τὸ ἄθλον*: *Quod Arma dicunt, dilationes & moras significat, est enim ultimum & post alia premium*. Inter Agones ponit, siue ludos Gymnicos; & Plato recenset libro VIII. De Legibus. Non id ad nos, & est Pyrrhica quædam, aliena à seriâ militiâ: ad nostram Seneca: *Iuuentutem maiores nostri rectam exercuerunt, hastilia iacere, sudem torquere, equum agitare, arma tractare*. In Silio suprâ: — *vibrare sudem*. Fortasse & hoc Festi: *Sub vineam iacere dicuntur milites, cum adstantibus Centurionibus iacere coguntur sudes*. Item istud priori explicando: *Sub vitem hastas iacere dicitur veles, cum eas sub manu sursum mittit*. Nota autem & hîc adstitisse Centuriones (in Festi verbis) quasi arbi-

Lib. I.
cap. XIII.

Armatura
de Leuib.

Lib. II.
cap. V.

De saltatoribus armatis.

De Iuue-
nalis versi-
bus disce-
ptatio.

tros & doctores. An non huc propriè faciunt Iuvena-
lis versus isti?

*Tu scabie frueris mali, quod in aggere rodit
Qui tegitur parmâ & galeâ, metuensque flagelli
Discit ab hirsutâ iaculum torquere capellâ.*

Quidam, imò plerique volunt: etsi iam diu litigatur su-
per germanâ sententiâ in Senatu nostro litteratorum.
Nuper consularis vnus censuit, legendum in postremo
versu, *hirsuto Capellâ*: vt viri nomen sit, nempe Centu-
rionis alicuius aut armorum doctoris. Ille hirsutus & pi-
losus, vt solent fortes & minimè molles. Fundus & au-
ctor huic sententiæ Scholiastes vetus, in quo est: *Capellâ,*
sene magistro, campi doctore. Sed nulla inuidia sit censere
aut sapere aliquid etiam præter veteres: ego hîc facio, &
aliorum totam rem traho. Primùm, si de tirone ij ver-
sus: cur illum maximè in exemplum aduocat vilium ci-
borum? cur parmâ tegit, quæ iam defierat? cur poma in
castra transfert, quæ ibi rarissima? Sed respondent de po-
mis è Plinio, & stabiliunt sententiam eo fulcro. Nam il-
le sic de Ziziphis & Tuberibus: *Sex. Papinius, quem Con-*
sulem vidimus, primus utraque attulit (in Italiam) Diui
Augusti temporibus, in castrorum aggeribus sata, baccis si-
milia quàm malis, sed aggeribus præcipuè decora, quo-
niam & in tecta iam siluæ scandunt. Vbi nihil equidem
pro hac re video, imò contrà. Plinius ait feri iam & arbo-
res in aggeribus castrorum: sed quas? peregrinas, & quæ
in deliciis: atque ipse in eâ re indignatur. Quid censes igi-
tur vilia illa poma hîc intellegi à poëtâ? Imò in pretio
fuerunt: etsi reuera vix poma, & similia baccis, vt ait Pli-
nius: sed exotica erant, & vmbrae ac decòri magis causâ
in castris hibernis sata. Quin istæ aut similes erant *Tri-*
chila

Lib. xv.
cap. xlii.

chila & *umbracula* castrorum, de quibus* postea monēbo. Tamen demus etiam de vilibus ibi pomis: an quod sequitur cadere in tironem potest? Ait, *metuentem flagelli*. Nemo liber ei subiectus, aut eius metuens, nedum miles. Vitis aut fustis eos punit, nō flagrum. Quid ergo est? pro meo sensu, Venator hīc describitur & bestiaris, qui feras iaculari condiscit in capellā. Quod talis, omnia addocent. Tegitur *parmā* & *galeā*; vt solent iaculatores isti & leues. metuit flagellum; sub eo enim arenarij & totum hoc genus erat, infimæ conditionis serui. Docui in Saturnalibus nostris: & addeſis propriē de Venatoribus locum Tertulliani: *Alij inter venatorum taurēas patientissimis scapulis inambulauerunt*. De Christianis loquitur, qui damnati ad bestias, fortes & alacres sustinuerant verberari taurinis istis tergis, id est flagellis. Claudianus etiam de hisce ludis:

— *insonuit cum verbere signa magister.*

& noti sunt Mastigophori, Græcis in hac re dicti. Iam de vilitate cibi, in tenues istos & inopes conuenit, famelicos semper, nec in gladiatoria saginā. Leue enim hoc genus & strictum esse debebat. Denique in *Aggere* conuenit. quo? non illo castrensi, ne errent: sed urbano, & qui Romæ. Illinc vicinum & in oculis exemplum Satyricus mutuatur. Nam fuit à Tarquinio rege structus agger, opere in primis mirabili, ait Plinius. quem magis explicat Dionysius: *Urbs, inquit, ab Esquilinā portā Collinam vsque opere munita est. nam fossā cingitur latā centum pedes, & supra fossam muro siue aggere alto & lato*. Scholiastes Iuuenalis nominat: *Iuxta Aggerem primus castra posuit Seianus, id est iuxta Diocletianas*. Ipse Iuuenalis alibi: *Plebeij in Circo positi sunt & in Aggere fatum*.

Sat. x.

Iterumque: *Aut quæ ventoso conductæ sub Aggere textit.*
 Utrobique ostendit viliores & paupertinos illic egisse.
 Nominat & Victor, ac ponit, *Campum Viminalem sub*
Aggere. * Plures alij. sed signanter Horatius:

* Suet. in
 Calig. Lâ-
 pid. in
 Eligab.
 Lib. i. Sat.
 viii.

Nunc licet Esquiliis habitare salubrius, atque
Aggere in aprico spatari.

Et ostendit ambulationes illic & circulos fuisse. Idem Fabius de Voce: *Adducit animos naturali voluptate vox omnis, neque aliunde illi per fora atque Aggerem circuli.* Scito igitur & iuniores nouitiosque Bestiarios illic exercitos & à magistris doctos. A V D. Mihi verò in fronte sententia tua ridet: à tergo est quod displicet. Quomodo enim didicit à capellâ iaculari? nisi tu explicas. L I P S. Iam explicaui, sed breuiter, & te fugit. Ecce, discere debebat recta ferire feram aut bestiam currentem emissio iaculo. itaque discebat & experiebatur in capellâ. Nam in leone aut vrsu periculum facere: id verò periculum. nec aut soluere istas expediebat, aut lædere, imò nec laceffere. Denique integræ seruabantur ad ipsos ludos. Ne vltà de istis; tepidi iecoris es, si hæc non capis. Superest inter Exercitia

SALITIO. Ea ad equites spectat: discebantque celeriter & expeditè, ab vtrauis parte, gladiis etiam strictis, aut contum tenentes saltare in ligneum equum. Res tota descripta Vegetio lib. i. cap. XVIII. quem vide. Necessarium hoc illi æuo, quod adiumenta ad scandendum in equis nulla habuit. A V D. Non aliud in exercitio equitum? L I P S. Imò verò, cursus, flexus, orbes, aliaque didicere: etsi seorsim Vegetius non dixit. Nostri equites tenuere concursus quosdam ludicros, quos *Tarneamenta* & *Giostra* vocant: sed ij ad delicias ferè versi & ob-

& oblectamenta aulae. Si vis de iis iam ante saecula aliquot videre quid fuerit, lege Nicephorum Gregoram, & Nicetam Choniatem in Graecorum rebus. sed hunc maximè, qui floridè & vbertim descripsit, an depinxit?

DIALOG. XV.

Ad Leges itum, ac primò de eâ quæ Furta tangit, tum quæ Pradam.

ME seria nostra vocant, & veni ad vltimam Disciplinæ partem LEGES. Euge, recreor, aura à terrâ adflat. Dico Leges, *instituta militiæ scripta aut non scripta*. Ea multa & varia fuisse scio, sed pauca Polybius suppeditat, quæ persequamur. Primum est, quod *Furta tangit*. Eorum quia magna occasio & materies in castris, vbi pleraque aperta & incustodita, placuit seuerè cohibere & punire. Verba in hanc rem Polybij habes:

Μετὰ δὲ τὴν στρατοπέδου συναθροισάτες ὁ χιλιάρχος, ὅς ἐκ τῆς στραπέδος πάντας ἐλθούσους ὁμοῦ ἐδίδας ὀρκίζουσι, καὶ ἑκάποιό μιν τὸν ὀρκισμόν. ὁ δ' ὀρκος ἐστίν, μηδὲν ἐκ τῆς παρεμβολῆς κλέψαι, ἀλλὰ καὶ ὅτι περὶ τῶν ὁμοίων ἐπὶ ὅς χιλιάρχους.

Post metationem castrorum, Tribuni conuocantes omnem copiam, tam liberos quàm seruos, iuramento adigunt viritim, quod tale est: Nihil è castris furto tollere, imò si quis inuenierit quidpiam, id ad Tribunalum relatuos. POLYB.

„ *Post metationem castrorum.*] Intellege, primam: & statim vt Dilectus habitus est, & educti sunt in campos.

„ *Tam liberos quàm seruos.*] Valde notandum, hoc iuramentum

ramentum calones & seruitia etiam astrinxisse, & quidquid humanorum capitum in castris.

„ *Adigunt viritum.*] Quò maior religio & firmior, nec per centurias aut manipulos hîc iuratur.

Lib. xvi.
cap. lxxii.

„ *Quod tale est.*] An ipsa igitur illa verba quæ ponit? Sed Cincius apud Agellium plenius & distinctius reponit, quæ antiquæ prouidentiae causâ opus est recitari: *Cum dilectus, inquit, antiquitus fieret, & milites scriberentur, iusiurandum eos Tribunus militaris adigebat in verba hæc: IN MAGISTRATV C. Lælij C. F. Consulis, L. Cornelij P. F. Consulis, in exercitu decemque millia passuum prope, furtum non facies dolo malo, solus neque cum pluribus, pluris nummi argentei in dies singulos, extrâque hastam, hastile, ligna, pomum, pabulum, utrem, follem, faculam, siquid ibi inueneris sustulerisue quod tuum non erit, quod pluris nummi argentei erit, uti tu ad C. Lælium C. F. Consulem, L. ue Cornelium P. F. Consulem, siue quem ad utrum eorum ius erit, proferes aut profitebere in triduo proximo, quidquid inueneris sustulerisue, sine dolo malo, aut domino suo, cuium id esse censebis, reddes, uti quod rectum factum esse voles. Accurata & pulchra formula, digna examinari, si otium nunc esset. Sed ad Polybium me recipio. Et quæ*

Furta seuerè puniunt.

Cap. lxx.

In Pescennio.

autem pœna, si quis in hac culpâ? neuter hîc expressit: sed Polybius infra clare dicit, *Fuste percussum qui furto aliquid abstulisset è castris.* Hem! non hîc quadrupli, aut alia mitior pœna? nulla, sed abscissa omnia, ut in cetero delicto militari. Exemplum hercules etiam posteriore æuo reperio. ut in Suetonij Tiberio: *Is, inquit, militem Praetorianum, ob surreptum è viridario pauonem, capite puniuit.* Esto de pauone, quid in vili vno gallinaceo? Spartianus auctor, *Pescennium Nigrum, ob vnius gallinacei direptionem,*

ptionem,*decem commanipulones, qui raptum ab vno comederāt, securi percuti iussisse. Ista nostris moribus miracula & mera monstra sunt, sed, Deus bone, pulchra: & laudare liceat, si non lubet imitari. A v d. Ista profectò sunt *παλαιὰ νόμισματ', vt Græci dicunt: eiusmodi nummos ^{*antiqua moneta.} non cudit nostra Moneta. Sed aueo quærere. furta si sic vetita, an etiam in hostico? non licuit prædari, rapere, res hostiles? L I P S. Dubito, an sic passim, & sparsim. In Salustio lego inter flagitia militiæ relatum, quòd Albiniani milites *ab signis aberant, laxè permisti cum militibus diu noctūque vagabantur; & palantes, agros vastarent, villas expugnarent, pecoris & mancipiorum prædas certantes agerent.* Hæc, inquam, inter turpia & dedecora, quæque adueniens Metellus recidit. Non ergo liberum ius sic prædari: sed credo per manipulos, cohortes, legiones sæpe missos milites, vt agerent ex hostili terrâ & ferrent: sed cum lege, quam ex Polybio iam dicam, vt communis nempe ea præda esset. Sæpè dico, non semper: nec istud studium bonos vnquam milites aut fecerit, aut seruarit. Romani igitur auaritiæ huic, & quæ affita est, iniustitiæ coercendæ, Prædam omnem in publicum ferè vindicabant: Quæstor diuendebat, & ex pecuniâ militi persoluebat. Decius quidam in accusatione M. Coriolani, apud Dionysium hoc sic exprimit: *Scitis omnes, quòd spolia & præda ex hostibus, quacumque nostrâ virtute adipiscimur, eam lex iubet publicam omnem esse. Nec solum gregarius miles aut priuatus aliquis ius in hanc non habet, imò nec ipse Imperator. Sed Quæstor eam accipiens diuendit, & pecuniam in ararium publicum refert. Quam legem, ex quo urbem hanc incolimus, nemo non dicam soluit, sed nec culpauit.* Pulchrè & clarè Dionysius: & in eius

*Nota tot in Contubernio fuisse, vt dixi.

*antiqua moneta.

Prædatio non libera.

In Iug.

Præda publica erat.

Lib. vii.

Y y

verba

Præda æ-
qualiter
diuisa.

verba passim in historiis sunt exempla. Præda igitur plurimum relata in publicum: & si quando militi concessa, ad excitandum eum in re aliquâ arduâ, id quoque sub lege & diuisionis normâ. Siqua res, prudenter & hæc à Romanis aduersa, prudentissimè cauta. Quot victores exercitus prædæ sectatio hæc afflixit? illâ & victoriâ simul exuit: nota & assidua exempla sunt. Cauerunt Romani hac lege vel instituto, quod ipsis Polybij verbis dicam. Ille in libro Historiæ suæ decimo, cum Carthago Noua capta à Scipione esset, & in eâ magna præda:

„ Est Romanis eiusmodi mos & administratio in expu-
„ gnationibus opidorum. Aliâs enim singulis diebus diuidunt
„ copias iuxta urbis magnitudinem; aliâs per manipulos di-
„ stribuunt. sed sic, ut numquam plus dimidiâ parte ad hanc
„ rem adsumant. Reliqui in ordinibus suis manentes sunt in
„ subsidiis, interdum extra urbem, interdum in ipsâ, ita ut
„ semper tamen se ostendant. Copiis verò plurimum diuisis in
„ duas legiones Romanas, in duas alas Sociales (rarò enim om-
„ nes quattuor legiones simul conueniunt) omnes qui ad præ-
„ dam & raptus destinati sunt, ferunt quisque ea quæ ceperint
„ ad suas Legiones vel Alas. Quo facto, Tribuni æqualiter
„ omnibus diuidunt, non solum iis qui in præsidiis aut subsidiis
„ fuerunt, sed & qui castra seruauerunt: itémque agris, sau-
„ ciis, aut ad munus aliquod aliò missis. Quod verò nihil frau-
„ daturi sint aut subducturi è prædâ, id omnes iurant cum pri-
„ mum in castra veniunt ituri ad bellum. quâ de re pluribus
„ dictum est nobis in iis quæ De republicâ scripsimus. Ceterum,
„ cum sic dimidiâ militum pars ad prædam discurret; dimidiâ,
„ seruatis ordinibus, iis curat & subsidiatur; numquam eue-
„ nit periclitari Romanos de summâ rerum. Spe enim lucrî
certâ

certâ inter omnes, siue mancant siue prædas agant, nemo lo- „
eum ordinemque deserit. quæ res sæpe noxæ alius solet esse. „

Vides Romanum laudabile institutum, perpetuum in
omni prædâ. Imò verba paullùm scrutemur. Ait:

„ *Aliàs singulis diebus diuidunt copias.*] Id est, inter-
dum cottidie permutari milites qui mancant, qui ra-
pant; interdum minimè, sed semel per manipulos sepo-
ni & secerni. Puta, ex quaque legione vel alâ, quinque
cohortes mitti, quinque ad signa retineri.

„ *Numquam plus dimidiâ parte.*] Prouidè & ex tuto.
in hostem profligatum quidni dimidia pars victorum
sufficiat? abundè.

„ *Copis plurimum diuisis in duas legiones Romanas.*]
Sententia est. cum duæ sint partes totius exercitus, Ci-
ues & Socij: horum iterùm duæ Legio, duplex, Ala du-
plex: seruari, vt qui ad raptus missi, quisque sua ad suos
ferat, ciues ad ciues, socij ad socios, nec id tantùm, sed ad
talem legionem suam, ad talem alam: Omnia confusio-
ni vitandæ, & vt noti veniant ad notos. Cur verò Socij ^{Socij æ-}
æqualiter sic mixti? quia pars eorum æqualis. Dimi- ^{quas par-}
dium prædæ in omni diuisione habebant, idque ex ve- ^{tes capiunt.}
teri inter ipsos pacto. Dionysius promit in fœdere ictò
anno Urbis CCLXI. *Auxilia inuicem sibi ferunt* (Roma- ^{Lib. VI.}
ni & Latini) *siqui bello petantur, totis viribus. Spoliorum,*
& prædæ ex bello æquam partem sorte utrique accipiunt.
Nota etiam de *sorte*, quam interuenisse vbi res diuide-
bant intellegimus, non vbi manubias siue pecuniam
ipsam. Hæc res vna est inter præcipuas, quæ Socios tot
sæculis tenuit in fide, lucellum & gloria ex assiduis &
felicibus bellis.

Yy 2 „ *Quod*

„ *Quod verò nihil fraudaturi sint.*] Memorat iuramentum nunc contra subtractiones aut fraudes: iuramentum illud ipsum, quod iam explicatum. Et nota, quod hoc scriptum suum (quod nunc commentamur) aduocat, & germanum suum ostendit. De Furtis satis esto. à quibusquàm casti Romani, & quàm manus eorum continentes, exemplo illustri docuerit Frontinus; *Uniuersi quoque exercitus notabilis sæpè fuit continentia: sicuti eius qui sub M. Scauro meruit. Nam memoria tradidit Scaurus pomiferam arborem, quam in pede castrorum amplexa fuerat metatio, postero die abeunte exercitu, intactis fructibus relictam.* Iustitia vbi es? ride è cælo, & si terras iterùm inhabites, non aliter fiat.

Lib. III.
cap. III.

*Mira
abstinen-
tia Roma-
norum.*

DIALOG. XVI.

De stipendio militum, eius origine & auctu. De Frumenti modo, & hordei. de iis quæ ad victum.

AVD. Stipes sit, qui non stupeat, fateor: sed tamen, si hîc ita continentes, an igitur aliunde lucra magna quæ implerent? an non stipendium pingue & largum? LIPS. Ducis me quò iter affectabam. Nam id quoque mirabile, quàm exiguo ære meruerint, etiam tunc cùm publicè diuites, priuatim in re angustâ. Et ego Philosophis seriò hoc assentior, opes esse quæ vitiant, quæ effæminant, de quarum capite semina maiorum orta. Vide igitur de Stipendiis, quod doctor noster ita dicit:

POLYB. Ο'ψώνιον δ' ὁ μὲν πεζοὶ *Stipendium pedites acci-*
λαμβάνουσι τῆς ἡμέρας δύο *piunt in diem duos obulos,*
ὁ δὲ ἵππες, οἱ δὲ ταξιάρχαι διπλοῦν, *ductores Ordinum duplum,*
equites

④ δ' ἰππεῖς δραχμῇ. σιτμε-
 τρουῶται δ' ④ μὲν πεζοὶ πυ-
 ρῶν ἀττικῷ μεδίμνου δύο μέρη,
 μάλιστά πως. ④ δ' ἰππεῖς κρι-
 θῶν μὲν ἐπὶ αὐτοῖς εἰς τὸν
 μῆνα, πυρῶν δὲ δύο. τὰν δὲ
 συμμάχων ④ μὲν πεζοὶ τὸ ἴσον,
 ④ δὲ ἰππεῖς πυρῶν μὲν μέδιμ-
 νον εἷς καὶ τρίτου μέρος, κρι-
 θῶν δὲ πέντε. δίδονται δὲ τοῖς
 μὲν συμμάχοις τοῦτ' ἐν δωρεᾷ,
 τοῖς δὲ ῥωμαίοις τοῦ τε σίτου καὶ
 τῆς ἐσθῆτος, καὶ πνὸς ὀπλοῦ
 ἀποσπενδῶσι, πάντων τούτων ὁ
 ταμίης τὴν τε ταγμένῳ π-
 μῶν ἐκ τῶν ὀψωνίων ἀπολο-
 γίζεται.

equites drachmam, id est tri-
 plum. Frumenti modum acci-
 piunt pedites Attici medimni
 duas partes admodum; equi-
 tes hordei septem medimnos
 in mensem, frumenti duos.
 Socij, pedites capiunt par Ro-
 manis, equites verò frumenti
 medimnium unum & trien-
 tem, hordei quinque. Datur
 hoc autem sociis muneri, Ro-
 manis verò & frumenti &
 vestium, & si quibus armis
 egeant, omnium horum no-
 mine Quaestor certam defi-
 nitamque pecuniam de Sti-
 pendio deducit.

Stipendium triplex, in Pecuniâ, Frumento, Ueste: quæ
 omnia aut tractat, aut tangit. Primum de Pecuniâ, Ac-
 ciunt, inquit,

„ Stipendium pedites in diem duos obulos.] Quod nos
 Stipendium, ipse ὀψωνίων dixit. Sed certum est pecuniam

tamen hic signari, sicut à Thucydide aliquoties & Dio-
 nysio Halicarnassæo, qui & ὀψωνιασµὸν appellat: credo
 ideò, quòd velut in obsonium pecunia ea primò data.
 Est etiam in laudatissimis illis Glossis: Stipendium, ὀψώ-
 νιον & ἑρπικόν. Simile quod Latini inferiores dixere An-
 nonis. nec enim ipsum quod esui modò, sed mercedem
 militarem & pecuniam intellexerunt. Video Græcos
 infimos ῥόγας, rogas appellare: an ab erogando? Nam &

ὀψωνίων
 pro merce-
 de Græcis.

Rog.

Y y 3

ipsam

ipsam rem *πορδία* etiam dicunt Leges in Cedreno plus semel, atque etiam Suidâ : qui tamen pro Donatio Principis capit & interpretatur.

„ *In diem duos obol s.*] Modum habes diurni stipendij antiqui, de cuius origine & progressu in Electis scripsi. Scis me non amare *τα τετρακα*: addam aliquid non ibi scriptum, aut non sic scriptum. Olim certum est Romanos nullo publico ære militasse, idque annis plus trecentis. Festus ita adnotat: *Privato sumptu se alebant milites Romani, panè ad id tempus quo Roma capta est à Gallis.*

Sine stipē-
dia olim
Romani.

Quando
cæperit?

Ait panè, & iure addit, quia Stipendium institutum *septemdecim* circiter annis ante urbem eaptam. Liuius hoc docet libro quarto, statim post Anxur captum: *Additum*, inquit, *ut stipendium miles de publico acciperet, cum ante id tempus de suo quisque functus eo munere esset.* Liuius dicit *de suo* militasse, Festus *privato sumptu*: quid clarius? Et tamen hîc quæro & iniicio, an igitur nihil è publico? non arma, non frumentum? Ambigo, & sunt quæ inducunt accepisse. Dionysij ista, in bello cum Sabinis: *Τῶν δὲ περὶ τὴν πόλιν δημοσίᾳ, τὰς κατ' ἀνδρά γενομένας εἰσφορὰς αἷς ἐσεῖλδον οὗτοι στρατιώταις, ἅπαντες ἐνομίσαντο: τὰς δὲ διενδιδίς (prædâ scilicet) publicè, collationes quæ viris factæ erant in milites, eas omnes receperunt.* Nonne clarè satis collatum aliquid in milites dicit? & quo fine aliàs tributa, quæ Romani ex censu dabant? Amplius, in eodem Dionysio, cum Veientes pacem peterent, scribitur *frumentum eos obtulisse exercitui in duos menses, pecuniam in stipendium sex mensium, uti victor imperarat.* Hîc verò & frumentum in menses datum habes, sed & pecuniam in stipendium (Græcè, *χρήματα ἐς ὀψωνιασµὸν*) definitam. Etsi de pecuniâ, non opinor sed scio, oblatam eam non

An non
antè fru-
mentum?

Lib. v.

Lib. ix.

ad mo-

ad modum stipendij viritim capti (nullum enim fuit)
 sed in belli sumptus & militum singulorum , pro æsti-
 matione victoris. Atque hæc talia aliquoties in Diony-
 sio leges , sed benignè semper & æquiter capienda , sti-
 pendio nondum constituto. Id ipsum cum fuit , sanè exi-
 guum , & *duo oboli* etiam Polybiano æuo : id est * *tres as-*
ses. Haud aliter Latine extuleris : cum duo oboli sint ter-
 tia pars Drachmæ. At Drachma vincitur leuiter à Den-
 ario Romano : etsi alternant hæc & confundunt scripto-
 res. Quantulum istud est : in mensem *decem denarij* , id
 est Philippæus noster . En lucrum , quo obiecto tanto
 opere gauisi milites (in Liuiο habes) & visi rem suam
 stabiliuisse. Sed ita tunc scilicet parcimonia & mores ,
 quibus magis quàm opibus res Romana stetit. Labet
 Liuium elogium opportunè addere : *Nulla vnquam*
res publica nec maior (quàm Romana) *nec sanctior , nec bo-*
nis exemplis ditior fuit , nec in quam tam seræ auaritia lu-
xuriæque immigrauerint , nec ubi tantus ac tam diu pauper-
tati ac parcimoniæ honos fuerit. Benè & verè Liuius : ista
 res docet . & in tot victoriis ac triumphis , imperio tam
 latè propagato , nihil additum ad stipendij modum re-
 perio ante Iulianum æuum . Quis non miretur ? vbi tot
 Tribuni populares , & per publica damna ad priuatam
 gratiam aut commoda grassantes , nullum ex iis auxisse ,
 aut (quod proditum exstet) conatum augere ? Iulius ille
 fuit , qui per milites magnus , hîc quoque leges fregit , &
legionibus stipendium , ait Suetonius , *in perpetuum duplica-*
uit. Res semel mota non hîc stetit , sed magis Augustus
 auxit , qui *omnes ubique milites ad certam stipendiorum*
premiarumque formulam adstrinxit , vt in vitâ eius Tran-
 quillus . Eum modum fuisse , *decem diurnos asses* , ex Ta-
 cito

Modus
 primi sti-
 pendij.
 * Aut vt iu-
 stissime,
 cū triente.

Vetus re-
 strictio &
 frugalitas.

Lib. r.
 initio.

Cæsar sti-
 pendium
 auxit.

Cap. xiv.

Item Au-
 gustus.

Cap. xlix.

Vel potius
firmavit.

Domitia-
nus auxit.

Domit.
cap. vii.
* Aut si ve-
lis, inferā
vocalē ad
aureos ter-
mes.

Alia com-
moda mi-
litia.

cito liquet. Hæc ita scripta: etsi suspicio mihi est, per bella illa diuturna ciuilia, magis etiam auxisse stipendia: sed recisa, rebus iam tranquillis, ab Augusto, & in summam eam firmiter redacta. Mansit tamen non diu. sed siue Nero siue Claudius, siue potius Otho aut Vitellius, aliquid imò multum addidère: & iam Domitiani æuo, stipendium menstruum erant *aurei terni*. Ij essent in diem *viginti quinque asses*: quibus ipse Domitianus iterum addidit menstruum *aureum unum*, id est denarios *viginti quinque*. Tanti enim Romanus aureus, & res hæc tota è Iohanne Zonarâ ad liquidum à nobis reducta. Ille sic de Domitiano: Καὶ τοῖς στρατιώταις τὴν μισθοφορὰν ἐπὶ ἡύξησε. Ταχὰ διὰ τὴν νίκην. πέντε γὰρ καὶ ἑβδομήκοντα δραχμαὶς ἑκάστου λαμβάνοντο, ἑκάτὼν ἐκέλευσε δίδοσθαι. μετὰ μεληθεῖς δὲ, τὴν ποσότητα ἐκέμειωσε, τὸ δὲ πλεονέκτημα τῶν στρατοδουμένων συνέσειλε: *Militibus stipendium auxit, scilicet ob victoriam. nam cum septuaginta quinque drachmas singuli acciperent, ipse iussit centenarum dari. Pœnitens verò postea summam non imminuit, sed multitudinem militantium recidit.* Ex quibus certum, in Suetonio rectè nos olim emendasse: *Addidit quartum stipendium militi, aureis ternis.* Inferiore æuo quid fuerit, non vltra repperi, nec dicam. A. v. d. Ista quidem Domitiani summa pinguiuscula, sed & Augusti tolerabilis: illa Polybiana quid habuit *Cur quisquam caput vnctius referret?* vt iocer cum poëtâ. Nam certè exigua: & cur tam multi tamen ad militiam prompti? LIPS. Ipsa illa summa exigua, non nego: sed frumentum additum cogita, tum crebras etiam in triumphis donationes. Liuius hoc te docuerit, quoties & in quo modo, donati. Amplius, cogita promotiones, & quod per virtutem ad altiores ordines venirent; ergo & ad stipendia

stipendia meliora. Multi enim duplicarij, vt audie-
mus: & addit,

„ *Ductores Ordinum duplum.*] Ταξιάρχαι sunt in Græ-
co, quos licet Centuriones etiam reddere: sed hîc con-
spectè *Ductores* magis feci. Non enim solos Centurio-
nes opinor intellegi, sed & Succenturiones siue optio-
nes, fortasse & Signiferos ipsos. In Liuiο quidem lego, Duplica-
rij,
cùm Appius in fugacem suum exercitum animaduer-
tit: *Ad hoc Centuriones duplicariosque, qui reliquerant or-* Lib. II.
dines, virgis cesos securi percussit. Ergo duplicarij aliqui
præter ipsos Centuriones, vt palàm vides. Sed vnde, in-
quies, iam tum illo æuo, haud longè à regibus exactis?
cùm stipendium nondum institutum esset. Ergo me- Nodus in
Liuiο ex-
solutus.
mento quorum diximus, frumentum videri è publico
militibus iam olim datum. Varronem aduoco: *Duplica-* III. de
L. L.
rij, quibus ob virtutem duplicia cibaria vt darentur institu-
tum. Ostendit quosdam etiam è grege milites fuisse, sic
honestatos ob egregia facta. Et tale in Liuiο: *Milites qui* Lib. VII.
in presidio simul fuerant, duplici frumento in perpetuum, in
presentiâ singulis bobus donati. Quod factum etiam
diu post stipendium pecuniæ institutum. Mansit hic
vsus, & in Cæsare legas: *Cohortem postea duplici stipen-* III. Ciuil.
dio frumentoque, speciaris, militaribus donis amplissimè
donauit. In Vegetio: *Armatura duplares, quæ binas con-* Lib. II.
cap. VII.
sequuntur annonas. Sed & *Sesqui-plares* in eodem, qui
vnam semis.

„ *Equites drachmam.*] Id est, stipendium triplex. Ita- Equiti tri-
plex in sti-
pendio.
que super Centuriones erant; tum quia genere dignio-
res, tum quia onerum plus ferebant. Ipse hic modus in
Liuiο: *Æquè impudens postulatum fuit, vt de stipendio* Lib. VII.
equitum (merebant autem eâ tempestate triplex) ara deme-
rentur.

Zz

rentur.

ventur. Hoc ille aliquot annis post Stipendia instituta: & vides vulgò inuidiosam hanc summam fuisse. Postularunt igitur minui, sed non impetrarunt: an non factum postea? sed diu, inquam, postea? Ex Liuij commatio suspicor, quod hîc inserit, *ea tempestate meruisse*: non ergo tuo æuo? Appâret: frustrâ alioqui submonuisset. Et hercules cùm recogito, stipendia à Iulio ab aliis aucta; ingens hæc summa & prægrandis in equitum fuisset, si pariter creuissent. Accedit, quod dignitas equitum non iam tanta, post Sócios ciuitate donatos. Illi enim cùm equitatu abundarent, ferè ad bellum ibant, paucioribus paullatim è digniori & ciuili illâ stirpe. Sed suspiciuncula est, quam sperni tam facile à te volo, quàm à me prodi. Ista Polybius de discrimine stipendiorum. Sed heus in Tribunis quid fuit? cur ij omissi? Magna eorum salaria, vt video, & sic celebrantur à Iuuenali:

*Penfitata
Liuij ver-
ba.*

*Tribunorū
stipendia.*

— *alter enim, quantum in legione Tribuni
Accipiunt, donat Caluina vel Catiena.*

*Lib.
xxi iiii.
cap. iiii.*

iiii. Ciuil.

A Plinio: *Nec pudet Tribunorum militarium salariis emere.* Vterque de productiore summâ, & velut per adagionem vsurpat. Quanta igitur? Appiani locus est, nisi erro, qui scitiores nos eius faciat, iste. De Cæsare scribit, eiusque triumpho quadruplici. Καὶ δὲ νῦν, inquit, στρατιῶτῃ μὲν ἀνα πεντακισχιλίας δραχμὰς ἀπικὰς, λοχαγῷ δὲ αὐτῷ διπλάσιον, καὶ χιλιάρχῳ καὶ ἱπποαρχῷ τὸ ἐπὶ διπλάσιον: *Diuisit deditque militi super quinque mille drachmas; Ductori ordinum, eius duplum; Tribuno militum & Præfecto equitum, iterum eius duplum.* Ex analogiâ hac donorum, iustè & probabiliter inferas de Stipendiorum tali modo. Ergo Tribunus & Præfectus alæ quadruplum salarij vulgaris habuit, & alia vberiora in veste, frumento, speciebus.

bus. Hæc talia in Lampridio, Capitolino, Vopisco videre tibi fas: ubi epistolæ aliquot Principum ad litteram positæ, cum Tribuniciiis istis commodis aut donis. Haud dissimile apud Græcos. & scribit Xenophon, *Græcorum stipendia.*
Seuthen regem Thraciæ, cum Græcos mercede iungere sibi vellet, obtulisse & pollicitum, τὸ μὲν στρατιώτῃ κυζικηνὸν, τὸ δὲ λοχαγῷ διμοιρίαν, τὸ δὲ στρατηγῷ τετραμοιρίαν: militi Κυζικένου, Centurioni duplum, Prætori quadruplum. *vii. Anab.* Hi Prætores, velut Tribuni Romanorum erant, aut nostri Colonelli. Fecerunt idem Lacedæmonij in iisdem copiis (quarum laus inclyta, & propagata per inclytum scriptorem) alliciendis, & inter promissa, hæc sunt: *δαρεικὸν ἕκαστος οἷσθ' τοῦ μηνὸς ὑμῶν, λοχαγὸς δὲ τὸ διπλοῦν, στρατηγὸς ὃ τὸ τετραπλοῦν: Daricum feret quisque vestrum in mensem, Centurio duplum, Prætor quadruplum.* *Ibid. infra.* Vbi pariter observes, in ipso stipendio haud longè à Romanis abire, præfertim sub Augusti æuum. Nam etsi Daricus non nisi viginti drachmis æstimabatur, tamen alibi lego plusculum etiam accepisse, & Drachmam habuisse diurnam. *A Romanis vix diversa.*
 Thucydides de Atheniensibus: *Δραχμὴν ᾧ τῆς ἡμέρας ἕκαστος ἐλάμβανεν: Drachmam in diem quisque accipiebat.* *Lib. vii.* Iterum idem διδραχμοῖς ὁπλίτας nominat in custodiâ *Lib. iii.* Potidææ: qui binas drachmas ferret, sed (ne dissimulem) extra ordinem & solitum morem. Idem cenfeo suprâ. Paullum igitur infra drachmam meruerunt vulgò.
 A V D. Contra te censere Demosthenes me hîc iubet. Ille in Philippicarum primâ definit quæ opus sunt militi: *Στρατιώταις διχαλίους τετραράκοντα τάλαντα, ἵνα δέκα ἕκαστου μηνὸς ὁ στρατιώτης δραχμὰς σιπτρείσιον λαμβάνῃ. Τοῖς ὃ ἰπποδῶσι διακοσίοις ἔσι, εἰάν τετράκοντα δραχμὰς ἕκαστος λαμβάνῃ τοῦ μηνὸς, δώδεκα τάλαντα: Bis mille militibus talenta sunt quadragin-*

Z Z 2

ta, ita

ta, ita ut quisque decem drachmas in mensem accipiat: equitibus verò ducentis talenta duodecim, si quisque triginta accipiat in mensem. Alia hîc definitio, minor tuo dicto. LIPS. Particulam verborum affers, plura inspexisse oportuit. Redeo autem in memoriam, Oratorem illîc suadere & dicere, ut dumtaxat in annonam (Græcè σιτηπέσιον) tot talenta & menstruas drachmas dent: at reliquam pecuniam in stipendium, bellum ipsum suppetitaturum. Hęc ibi postea, atque ita nihil dissentit. Imò, quod valde notes, in triplici equitum Annonâ cum Romanis consentit.

Demo-
sthenes ex-
plicatus.

Frumenti
datio.

I. Gallic.

VII. Gallic.

Ea lauda-
ta.

Non ven-
debant.

Cap. VII.

„ *Frumenti modum accipiunt.*] Cuius distributi sæpè mentio, ut in Cæsare: *Diem instare, quo die militibus frumentum metiri oporteret.* Iterum: *Post diem septimum se reuersurum confirmat, quam ad diem legioni, quam in presidio relinquebat, deberi frumentum sciebat.* Ac vides etiam certo die datum, & cum curâ ne is laberetur. Bonum & vtile institutum, militi semper victum esse, nec inopiâ cogi ad rapiendum, aut deferendum. Si pecunia in hunc vsum, potuisset ire in alium vsum: igitur maluerunt rem dare ipsam. Atque ita, ut nefas etiam haberetur vendere. Sallustius inter militaria probra recenset: *Frumentum publicè datum vendere, panem in dies mercari.* Itane culpa mercari, aut vendere? hodie nec rapere, & Vis aut Iniuria ferè est quæ militem alat. Sed quis finis, si nostra incompressa cum illo ordine componam? & verbo fortasse lædam, qui ferro possunt. At in ipsâ re, exemplum feueritatis quâ Galba vsus, apud Suetonium: *Militi, inquit, qui per expeditionem annonâ arctissimâ, residuum cibariorum tritici modium centum denariis vendidisse arguebatur, vetuit simulatque indigere*

indigere cibo cœpisset, à quoquam opem ferri. atque is fame extabuit.

„ Attici medimni duas partes.] Suidas sex modios in Medimno ponit: & ita est: ergo nunc militi, Romano Militum dimensum, ut seruo-
tatis. modo & sermone, damus Modios quaternos. Quidni tantum, cum ipsi serui eos acceperint in Dimenso? Donatus in Terentium: *Serui quaternos modios accipiebant frumenti in mensem, & id Dimensum dicebatur.* Liceret & de quinis suspicari ex Senecâ: *Seruus est, quinque modios accipit, & quinque denarios.* Sed arbitror hoc ita ibi in vtiliore & honestiore seruo fuisse, nempe actore scænico: cui & pecuniola præter morem accessit. Aut si modij etiam quini dati? Sallustius tangere videtur Oratione Marcij Tribuniplexis: *Nisi fortè Frumentariâ istâ lege munia vestra pensantur, cum tamen quinis modis libertatem omnium aestimauer.* Dicas alludere ad seruile dimensum, & ideò indignari libertatem sic taxatam. Sed hoc incertum: de militibus nostris, è Polybio firmum. Magno & multo igitur frumento opus ad plures Vnde Frumenta Romanis. legiones: & unde hæc copia? Nam eguisse Romanos, aut per hanc inopiam ab incepto aliquo destituisse, rarò aut non leges. Censeo è prouincialibus frumenta hæc coacta, & è Decimis quas hoc fine aratoribus imponebant. Quid si ergo in hostili? etiam tum è vicinis prouinciis, aut ex ipso hostico: sed sic, vt non in commune & sibi miles raperet, sed defecta aut inuēta frumēta deferret ad Quæstorem. In publicum omnia seposita, & tum cum modo & ordine distributa. Magnæ considerationis res, & summi ad bellum vsus, de quo Politici vidento.

„ Equites hordei septem medimnos, frumenti duos.] De hordeo, peculiate hoc equiti ad iumenta: sed in fru-

Zz 3

mento,

Frumentum
triplex
equiti.

Catonis
abstinentia.

Cæsar ex-
tra disci-
plinam.

mento, inquires, cur tanto plus accipit? Nam duo medimni sunt modij duodeni. Triplo igitur peditem excedit: quid miraris? fit idem quod in pecuniâ, quod in donatiuis, & triplum vbique capit. Neque ambigo in Ordinum ductoribus simile fuisse, & semel dictâ analogiâ duplum quoque frumenti eos cepisse. Cui tamen vsui equites tantum? vtne venderent? negauimus. vt absumerent? quâ potuere soli? Ne censeas: non enim soli. Seruum aut seruos potius habuere, & iustum est hoc Dimensum in capita terna. De hordeo, satis etiam largiter: sed certum est, præter equum militarem, iumenta alia habuisse. Est in Plutarchi Catone Censorio, quod huc faciat, & illustretur aut illustret. Narrat in ceterâ abstinentiâ eius, ὅτι στρατηγὼν ἐλάμβανεν ἑαυτῷ καὶ τοῖς περὶ αὐτὸν, & πλέον εἰς τὸν μῆνα πυρῶν, ἢ τοῖς ἀπικοῦς μεδίμνοις, εἰς δὲ τὴν ἡμέραν κριθῶν τοῖς ὑποζυγίοις ἐλάττον τριῶν ἡμεμεδίμων: quod etiam in imperiis & Præturis accipiebat sibi, & iis qui apud se, frumenti in mensem non plus tribus medimnis Atticis, in diem verò hordei iumentis suis minus sesquimedimno. Si constaret de numero familiæ Catonianæ, facile esset aptare modum. etsi penè etiam constat, & in eodem Plutarcho lego quinque eum seruos in Hispaniam duxisse. Ipse ergo sextus: & habuere singuli modios non nisi ternos. Hoc ad astruendam frugalitatem Catonis recenseret: & ideò certum, accepisse eum intra legitimum modum. Sed, inquires, lictoribus suis & apparitoribus nihil accepit? Discas hinc eos sibi & in capita seorsim è publico accepisse. Addo, quosdam Imperatores laxiùs hîc se gessisse. quod de Cæsare quidem lego: qui (ait Suetonius) frumentum quoties copia esset, etiam sine modo mensurâque præbuit militibus, & singula interdum mancipia & prædia viritim

virum dedit. O virum magni benignique animi, sed non nati ad priscam & strictam Disciplinam! quæ ab illo profectò magis magisque est lapsa.

„ *Socij pedites capiunt par Romanis.*] Meritissimò. nam & tantum capiebat eorum venter. At non tamen equites, de quibus subdit:

„ *Equites verò frumenti modimnum unum & trientem.*] Isti enim verò minus quàm Romani, ab hac causâ quòd minus digni aut opulenti: eoque nec à familiâ sic instructi. Singulis ergo famulus vnus suffecerit: & est mensura hæc in duo capita, modiorum scilicet octo. Simile in hordeo, & habuere pauciora impedimenta.

A V D. Delectantia verò ista, & mihi non nisi confusè adhuc audita aut nota. Sed voluo tamen in animo, an frumento tantum ad cibos vsi? Nihil adiungis obsoniorum, aut alijs alimenti? L I P S. Adiungam, etsi Polybius non fecit. Primùm dico, salem & leguminum aliquid ^{Legumina militi.} militibus etiam datum, atque hæc fortassis venisse in frumenti dictum illum modum. In Plutarchi Crasso huic rei scriptum inter omina tristia: *Συνέπεσε μετὰ τὴν διάβασιν μετρεμένοις τὰ Πιττὴδα τοῖς ῥαπώταις, πρῶτα πάντων δοθῆναι φακὲς καὶ ἄλας, ἀ νομίζουσι πένθημα ῥωμαῖοι: Simul euenit, ut post transitum fluminis, cum emetirentur necessaria exercitui, primum omnium darent lentem & salem, quæ Romani habent funebria.* De sale quidem vix ambigi potest, sine quo vita non est. Sed & legumina aut pisa in Synesio reperio. qui de Caro Imp. militariter cænante: *Τὸ δὲ δείπνον ἦν, πρῶτον ἐώλον ἐτνθ, καὶ ἐν αὐτῷ τευμάχια ἄλλα ταρίχη κρεῶν υἱών: Cena autem erat, è pisis pulmentum pridianum, & in ipso frustra aliquot salit & suille carnis.* Atque amplius, in eodem habes & Suillam: an ex vsu castrensi? ^{Suilla militibus.} prorsus,

Orat. de Regno.

prorsus, illius quidem, & superioris etiam, æui. Nam Spartianus de Hadriano ita scribit: *Cibis etiam castrensibus in propatulo libenter utens, hoc est larido, caseo, & poscâ.* Nominat & Vulcatius in Auidio, inter legitimos cibos: *Præter laridum, ac buccellatum, atque acetum, militem in expeditione quidquam portare prohibuit.* Vbi acetum scilicet ad potum militare conficiendum, & iam dictam poscam. At de larido, mirum ni Polybij etiam tempore fuerit in hos vsus. Scribit certè inter Galliæ Cisalpinæ laudes, *glandes & porcos in eâ abundare*, & dat argumentum: *quod cum plurimi in Italiâ cadantur, tum ad vsus vitæque priuatam, tum ad ea quæ in exercitus legionesque præbentur, his tamen omnibus sufficere Gallia illam regionem.* Quid aliud intellegas, τὰς εἰς τὰ στρατῶν ἐδεῶν (ita verba eius sunt) ὡς ἐδεῶν: quàm reposita & salita in militares vsus? Atque hi tales sunt, quos *Militares cibos* scriptores appellitant. Vt Spartianus in Pescennio: *In omni expeditione militare cibum sumpsit ante papilionem.* Lamprius de Alexandro: *Apertis papilionibus prandit atque canauit, cum militare cibum cunctis videntibus atque gaudentibus sumeret.* En virum, dignum titulo & loco Principali! Et obserua indidem, bis eos die cibum sumpsisse, suâ horâ quemque, & addo etiam suo cibo. Prandium enim tenuius, & sine vlllo apparatu. Didici è Polyæno, qui partitè describit repositam disciplinam militarem à Scipione ad Numantiam, atque inter alia: ἐκείνοι δὲν ἀριστῶν ὁρῶντες ἀπυροῦ ὄψον, δὲ πυλῶν τοὺς δὲ πρὸς τὸ πρῶτον αἰ καὶ καὶ καὶ ὁπλῶν καὶ ἐφθόν: *Fussit prandere stantes sine igne cibum* (id est, incoctum,) *in canam verò proferre & addere carnem assam vel elixam.* A. V. D. Heus tu, mira hæc correctio, & satis equidem benigna, cum delicias etiam præscribit

Lib. II.

Militares
cibi, viles.

Lib. VIII.

Stantes
prudent.Cōsiderata
Polyani
scriptio.

scribit carnis assæ aut elixæ. Atquin ego longè secius opinabar, & in Sallustio legeram Metellum edixisse, *Ne quisquam castris panem, aut quem alium cibum coctum venderet.* Ecce, alius iste Censor, qui arcet ab omni cibo cocto. LIPS. Adolescens, cum Theocrito: *μὴ πωδὶ. & *Ne pro-
 γὰρ τοι πωγὶ δάλλπει. Aliorsum & mea & Sallustiana illa ^{peraneque enim igni tangeris.}
 trahis. Intellege. Iussit Scipio in prandio leuiter stantes cibum capere: at in cænâ indulgit (non sanè iussit, ne sic accipe) si copia esset, carnem assam addere aut elixam. Metellus non in hæc, sed pro his, pugnat. Nam ipse lixas, coquos, & totum id genus castris eiecit: vetuitque, non *sumere* cibum coctum (verba notabis) sed *vendere*. ^{Cibos coctos vendi non fas.}
 Hoc nempe fuit, noluit proflare cibos tales, & facilitate parandi gulam irritari: sed si quis haberet, è prædâ aut pecuniâ, ipse pararet & vesceretur. Germanæ sententia. eoque intentiùs Frontini hæc considerata super eâdem re & viro: *Q. Metellus bello Jugurthino similiter lapsam disciplinam pari seueritate restituit, cum insuper prohibuisset aliâ carne quàm assâ elixâue milites uti.* O risum dignam! & ô cumulum seueritatis, si *insuper prohibiti aliâ quàm assâ aut elixâ carne uti!* Quid, malum, igitur crudis antea vti? Considerare te iussi, imò nunc emendare (nec aliter euolio:) *aliâ carne quàm à se assâ elixâue.* ^{Frontinus forsitan correctus.}
 Vox aut voculæ duæ inferendæ, quas eduxi è confimili verbo. Id planè iam consonat vero, & Sallustianis item illis: *Ne quis cibum coctum venderet.* Itaque coctis uti licuit, vendere aut emere non licuit. Hoc fine, inter instrumenta militis *Uerua & ollas* inuenio. ut in Polyæno, ^{Militi verua & olla.}
 de eodem Scipione: Περίεταξε ὃ ἀποπέμψατο καὶ καὶ τραπεζὰς, ἐκπέματα καὶ σκεδὴν πάντα, πλὴν χύτρας καὶ ὀβελίσκου καὶ ποτηρίου: *Iussit amplius, amoueri nouas mensas, scyphos*

A A

phos

In Iberic.

phos & vasa omnia, prater ollam, & veru, & pocillum.

Atque ipsum est, quod Appianus de hoc Scipione: Καὶ σκεῦος ἐκ ξύλων ἐς διαίταν ἔχον εἶδεν, πλὴν ἰκελοῦ καὶ χύτρας χαλκῆς, καὶ ἐκπέματ' οἷός: Et vasum non licuit militi ullum haberi ad victum, prater veru, & ollam aeneam, & poculum unum. Et iam hæc credo tenes. A V D. Non elabentur. adde, sodes, de Pane etiam quem vetuit Metellus vendi coctum. Quid ergo? singuli ipsi pistores, & è profapia atque artificio Plauti? L I P S. Ita verò, & hîc sua ratio. Nolebant curiosè & ab professo opifice panem

Miles ipse
pistor sibi.

coctum edi, sed subitarium & quem suâ manu miles parasset. Scio me omnia mira loqui: sed quid faciam, si in tantum mores nostri & prisca diuertunt? Suâ manu, dico, coquebant illi ingenui, illi ciues. quid? imò ipse aliquis Imperator, nec ex Curiis aut Fabriciis, sed novitiis Antoninis. Herodianus nobis auctor, Antoninum Caracallam, cum duritiem & robur præferret, omnia militariter egisse. atque etiam, inquit, ἀρὲν προσεφέρετο αὐτῷ ἐδῶν. σίτην γὰρ ἀλῆσας τῇ ἐαυτοῦ χειρὶ, ὃ ἤγειρόνῳ, μάζαν τε ποιήσας καὶ ἐπ' αὐτῷ ἐλάκων ὀπλήσας, ἐσσιτεῖτ: Panem addebat subitarium & neglegenter factum. Triticum enim suâ manu molens, quod ipsi satis esset, massamque ex eo conficiens & in carbonibus coquens, eo vescabatur. Singularem huic rei locum, & ad molendum & ad coquendum, sæpè apud me quaesitum. Ergo manuaras quasdam molas circumferebant, ut tetigi antea, aut in lapide tundeabant: denique sine furni aut clibani operâ, subito sic in carbonibus aut sub cinere coquebant. Panis igitur ille grauis,

Panis mi-
liaris.

Lib. XVII
cap. I X.

madidus, ideoque Plinio scriptum: Legem certam naturæ esse, ut in quocumque genere pani militari tertia portio ad grani pondus accedat. Militarem, talem subitum & sub-cineritium

cineritium appellat, nec benè aut diu excoctum. Sed & sine pane, frumento suo sæpè vñ in pulte. Notum à Plauto *pultifagos* Romanos appellari: & in Ammiano est, de Iuliano Imperatore, iam in castris: *Et Imperatori* Lib. xxv. *non cupedia ciborum ex regio more, sed sub columellis tabernaculi cenaturo pultis portio parabatur exigua, etiam munifici fastidienda gregario.* Ita ille Imperator militariter cœnatus, inter bonos aut potiùs optimos, si non abiisset à pietate. Et dic tu meus, iam expleui te tam lautis epulis? A V D. Propemodum, sed lubet interbibere. Sine potu hoc conuiuium: quis is fuit? L I P S. Tetigi verò antea. & quid censes, vinum aliquod Chium aut Falernum edentulum fuisse? Imò is pro cibo reliquo fuit, Aqua. *Aqua militibus.* Spartianus de Pescennio: *Cùm apud Ægyptum ab eo limitanei milites vinum peterent, respondit, Nilum habetis, & vinum queritis?* Plutarchus de Catone Censorio: Ἰδὼς Ἰππικῶν τῆς στρατίας, πλὴν εἶποτε διψήσας ἀειφλεγὰς, ὅζῳ ἤτητον, ἢ ἰχρὺς ἐνδιδέσσης Ἰππλάβοι μικρὸν οἶναριον: *Aquam bibit in militiâ, nisi si in acris siti & calore acetum posceret, aut viribus defectus exiguum aliquod villum sumeret.* Hæc Cato, inter equites, inter nobiles, inter duces. Benè, quod signatis tabulis ago; vt vultus tuus est, vix nunc mihi habes fidem. Sed Cato igitur aquâ merâ vulgò vsus, interdum aceto, non solo, sed cum aquâ scilicet mixto, quod suprà diximus *Poscam*, vel vt quidam *Aut posca.* scribunt *Puscam*. Eâ sententiâ Spartianus iterùm, in Pescennio: *Iussit vinum in expeditione neminem bibere, sed acetum vniuersos esse contentos.* Vniuersos, inquit, etiam igitur ipsos Duces. Seruorum hic potus olim, vt id quoque *Exemplo seruorum.* commune cum iis habeant, sicut Dimensum. Plautus:

Sed hic rex cum aceto pransurus est & sale.

Rudentes.

A A. 2.

Iocosè

Iocosè, vt affolet. cùm rex diceretur seruus; ô bone, inquit, hic rex poscam bibet, & salem pro obsonio delinget. In eodem Plauto reponendum hoc verbi olim mihi visum: *Alij ebrj sunt, alij poscam potitant.*

Milite.

Constat ita versus, & sententia. Alij seruorum, ait, vino ebrij, alij miselli poscam bibunt. A V D. Fateri volo, non ad meum gustum hîc Romani: & si ego Imperator, vinum non exfulet è meis castris. Nónne viribus & animo addit? L I P S. Nouitium sapis. alia mens iis, à quibus cottidie discimus sapere. Aristoteles te reformet: Καὶ ἐπειδὴ ἡ ἑορτὴ πόσις καὶ οὖν ἐλδοθέρις ὑβριστεῖς ποιεῖ, καὶ πολλὰ ἔθνη ἀπέχεται καὶ τῶν ἐλδοθέρων οἷον καρχηδόνιοι ἐπὶ στραπῆς φανερόν ὅτι τέτταρ' ἢ μηδέν, ἢ ολίγον μετ' αὐτοῦ.

I. O. con.
cap. v.

Ac quoniam vini potio etiam liberos homines ad ferociam & iniuriam propellit, & multagentes etiam libera eo abstinent (vt belli tempore Carthaginenses) palàm est, quod eius nihil aut parum seruis dandum. Vini malitiam vniuersè notes; & propriè ad rem nostram, Carthaginenses, bonam & compositam olim rempublicam, eo per militiam abstinuiffe. Habes cibos, habes potus: vis instrumentum fortasse & apparatus mensalem? condigna omnia epulis. Mensæ an fuerint, vix scio. imò in Polyeni verbis suprâ, vbi est Scipionem remouisse καὶ τὰς τραπέζας, *nouas mensas*: aliter ac veriùs scribitur, καὶ τὰς τραπέζας. vt mensas dicat prorsus remotas è castris. Nam *nouæ* illæ quæ essent? Et pro mensis plerumque iis elatior cespes. Lucanus, cùm Afranij & Cæsaris milites colloqui & concænare facit:

Cespites
promēsis.

Lib. III.

*Pax erat, & castris miles permistus utrisque
Errabat, duro concordēs cespite mensas
Institunt.*

Cap. xviii. Suetonius de Tiberio, exercitus ductore: *Trans Rhenum cum*

eum ordinem vitæ tenuit, ut sedens, in cespite nudo cibum caperet. Ad has mensas Varro respicit: *Mensam escariam* ^{III. de L.L.} *Cibillam* appellabant. ea erat quadrata, ut etiam nunc in castris. Cespes enim iste aut cespites, quadri. Sed est etiam in Suetonio, *sedentem cum cibum cepisse*. Non scilicet iacentem delicate aut recubantem, ciuili illo promiscuo ritu. Imò stetisse, præsertim in prandio, supra adnotaui. & ita de Iuliano Principe Ammianus: *Stans in-* ^{Lib. xxv.} *terdum, more militia, cibum breuem vilémque sumere visebatur*. Mamertinus in Panegyrico, quem Iuliano dixit: *Qui sæpius statarium prandium ad necessitatem humani corporis capiat, gaudens castrensi cibo, ministro obuio, & poculo fortuito*. Nullæ igitur hîc mensæ meliores, aut triclinia. atque ita Hadrianus Imp. cum iam irrupissent (narrante Spartiano) *Triclinia de castris, & porticus, & cryptas, & topia diruit*. Quæ scilicet ille ferre nec in Hibernis castris voluit: de quibus hîc sermo. Est & in Cæsare, cum exprobatone Pompeianæ luxuriæ, scriptum: *In castris Pompeij videre licuit triclinia strata, magnum* ^{III. Ciuil.} *argenti pondus expositum, recentibus cespitibus tabernacula constrata*. Etsi veteres ibi libri (inter hos Torrentij) *trichilas stratas* habent. Ac sunt Latinis Trichilæ, vmbro- ^{Trichila.} *is istæ pergulæ, Græcis οὐαδες*. In Virgilianâ Copâ:

Et trichila vmbri feris frigida arundinibus.

Vsus & Columella sic eâ voce:

At qui sub trichilâ manantem repit ad undam.

Significat ergo Cæsar passim vmbacula ista (estiuo tempore) ad cænationem instrata fuisse, lectos dispositos, argentum expositum: omnia cum certâ victoriæ fiduciâ, & quasi in reditum dominorum. Est ibidem, *tabernacula cespitibus constrata*: quod refer ad dicta supra, de paui-

mentando. Nec id damnat Cæsar (in usu fuit) sed quòd recentibus cespitibus, quasi in lætum & festum appara-

Argentum
rarum in
castris.

tum. Carpit etiam *argentum expositum*. id meritissimò, nec olim admittebat frugalitas castrensis. Certè non copiosum. In Liuiio pro hac re, de Annibale spolia & præ-

Lib. xxi.

dam Cannensem colligente: *Præter equos virosque, & siquid argenti, quod plurimum in phaleris equorum erat (nam ad vestiendum factò perexiguo, utique militantes, utebantur) omnis cetera præda diripienda militi data est.*

Liuius e-
mendatus.

Legito cum libris, ad vescendum factò. & notat Liuius, iis temporibus & moribus rarum fuisse mensarium ar-

Lib. viii.

Numantiam video, ἀργυρὴν ἐκπώμα (Polyæni verba) μὴ ἔχειν πλέον διχοτύλῃ, ἢ λείπειν μηδέν: *argenteum vas maius duabus cotylis neminem habere, itémque neminem lauare, siue balneis uti. Pescennius simile, apud Spartianum: Cùm milites quosdam in caueo argenteo, expeditionis tempore, bibere vidisset, iussit omne argentum submoueri de castris, addito eo ut ligneis vasis uterentur.* Sed & Plinius de

Lib. xxxiii
cap. iiii.

Spartaco, interdixisse castris suis nequis aurum haberet vel argentum, additque: *Tanto plus animi fuit fugitiuis nostris: significans iam irrupisse, & à diuitibus ac mollibus*

Pocula è
ligno.

illis haberi. Quæ igitur vulgò pocula? lignea, quod ex Spartiano iam obseruaueris. & ex Herodiano, qui de

Lib. xiiii.

Caracallâ Antonino militem imitante: Τεράπεζόν τε δὴ τελεῖν παρετίθετο, ἔδ' ὅπῃ ἔξυλίνοις ἐς πότον ἔδεσμά τε χρώμαρ & σκεύη: *Mensam vilem apponebat, atque etiam interdum ligneis vasis ad potum cibumque utebatur. Omnia ad victum dedi: pro clausulâ, etiam de Horâ. Nemi-*

Cibi tem-
pora certa.

Lib. iiii.

ni fas prandium aut cænam sumere, nisi ad signum. Iosephus: Οὐτε δειπνον ἢ ἀριστον ὁπότε θαλήσεια, αὐτὲς ἐξέσιον ἐκ αἵμα-

πᾶσι

πᾶσι ὁμοῖον: Nec cæna aut prandium, cùm visum, cuique libera; sed omnibus ea simul. Sed nos libero pede vagati per Stipendia sumus, & per hæc frumenta: in quibus tamen pars etiam lustranda in agro Polybiano. Addebat:

„ Datur autem hoc sociis muneri.] Benè & ratione factum. Cùm enim pecuniæ stipendium à suis acciperent, quid minus à Romanis debuere quàm victum? illorum certè vsui & gloriæ militabant.

„ Romanis verò & frumenti, & vestium, & si quibus armis egeant.] Contra ait fuisse in Romanis, & iis nec muneri frumentum quidem datum: minùs arma aut vestem. Sed pro his omnibus, inquit, certa aliqua pecunia de stipendio detracta. In quo ego resisto leuiter, & miror. Miror, an & vicem militum indignor? Nam age, stipendij exiguum aliquid in diem mihi porrigis, pretium sanguinis & forsitan vitæ: de eo ipso in victum, vestitū, arma, detrahis: dic sodes, quid apud me reliquum? Ludis, & ianuâ datum, quod dicitur, postico ad te redit. Non ita est, & placat nos Polybius consideratè lectus. nam scribit *certum definitumque pretium deductum*. Dubitatio in Polybio. Certus igitur esto, pauxillum aliquid, nec pro arbitrio Quæstorum, aut grauitate annonæ, sed semper idem & semel definitum decessisse. In exemplum. Ecce vel Romæ & apud otiosos, plebs frumentum habuit aliàs *in modios assibus* æstimatum; aliàs (vt Gracchi lege) *semisse & triente*: cur non magis simile in laborioso milite? Omnino hoc fuit: nec aliter in veste aut armis, quæ ipsa clementi pretio addicta. Ego arbitror, militem vix diei vnus stipendium, in menstruum frumentum impendisse. At de veste, fortasse iam nec impendisse: & miror à Polybio sic scriptum. Ex solutio. Iterum dubitatio.

scriptum. Nónne tu, ò noster, Gracchorum æuo vixisti? imò sub illud ipsum tempus & annos scripsisti? certum est. Atqui C. Gracchus legem tulit, quâ iussit ἐδῆται τε δημοσίᾳ χορηγεῖσθαι, καὶ μὴ δὲ νεῖς τοῦτο τῆς μισθοφορίας ὑπαρπεῖσθαι τὰν πατρίουμένων: *vestem è publico suppeditari, & nihil hoc nomine de stipendio militantium deduci.* Ita Plutarchus in Gracchis: palàm contrà hîc à te scripta. Quid ergo

Responsio.

est? an nondum tulerat legem hanc Gracchus? an iam lata, sublata iterùm fuit? Alterum dicendum est, & fortasse posterius, præsertim cùm in Tacito milites queran-

x. Annal.

tur, de stipendio suo & *decem asibus, vestem, arma, tentoria redimenda esse.* Quæ consentanea sunt iam dictis. De Frumento tamen inibi non queruntur, & dixeris publicè datum postea, ac verè datum: utique post institutas etiam in vrbe Frumentationes, de quibus nos in Electis.

A V D. Multa hercules & varia à te dicta, atque etiam recondita: Plutarchi locum tamen cur omisisti, qui eximè huc facit? L I P S. Quis is est? prome. nec ego profectò omnia habeo in numero.

Plutarchi locus ad stipendia.

A V D. Est in eius Pompeio, hac sententiâ & pænè verbis: *Pompeius duas provincias habebat, Hispaniam & Africam, quas absens gubernabat, mittens eò Legatos, & Legiones inibi alens. quibus accipiebat è publico arario mille talenta quot annis.* L I P S. Quid efficis? obscurus is locus est huic rei, & inualidus.

A V D. Clarissimus. Numerum dumtaxat legionum quas Pompeius habuit si inuenio & addo; nónne palàm impensa annua in quamque vnâ legionem? L I P S. Eia, rectè hoc insistis: perge. A V D. Atquin decretæ tunc Pompeio (eodem Plutarcho auctore) legiones *quattuor*: absumpta igitur in singulas talenta *ducenta quinquaginta.* L I P S. Iustissimè, & ij essent nostrates Philippici, cen-

tum

tum quinquaginta millia. Cùm examino, magna sit hæc summa in militaria nuda stipēdia: sed frumenti & vestis nomine aliquid detrahatur, & armorū: tū in Tribunos, Legatos, ipsum Imperatorē satis largiter: denique in mulos, vasa, & talia quæ exercitui adhærebant. Benè profectò monuisti, opportunus locus est: & ô nostri Reges, quanto plus impēditis in legiūculas incōpositas vestras? Sed vestra hæc cura, mea nec monitio: & in re pergo.

DIALOG. XVII.

Premia militaria, Hasta, Armilla, Torques, Phalera, Spolia.

DE Stipendiis peregrimus, consequenter de Præmiis subtexam. Nam hæc pars quæ omnem vitam & societatem continet, vinculum & coagulum rerum publicarum, inprimis studiosè à Romanis habita fuit: *Premia* dico, & *Pæne*. Sed de illis lætioribus præmitto, & adhærent, vt lacinia, Stipendiis: quia & hæc militiæ aliqua commoda aut honos. Polybius sic exsequitur:

<p>Καλῶς δὲ καὶ οὗτοι νέους ἐκκαλοῦνται πρὸς τὸ κινδύ- νειν. ἐπεὶ δὲ γὰρ ῥήνται πρὸς χρεία, καὶ πνὲς αὐτῶν ἀνδραγαθήσῳσι, σιναγα- γῶν ὁ στρατηγὸς ἐκκλησίῳ τοῦ στραπέδου, καὶ παρ- ησάμην· οὗτοι δὲ οὕτως π πετραχίαι διαφέρειν, πρὸ τοῦ μὲν ἐγκώμιον ὑπὲρ ἐκάστου λέγει, περὶ τῆς ἀνδρα-</p>	<p><i>Pulchrè autem iuuenes</i> POLYB. excitant ac prouocant ad pe- ricula subeunda. Cùm enim occasio se dat, & aliqui eo- rum fortiter aut animosè fe- cerunt, conuocans Impera- tor in concionem omnes co- pias, & circumponens sibi eos qui auctores egregij facino- ris, primum quidem laudes eo- rum edisserit, & super hoc facto,</p>
---	---

BB

facto,

γαθίας, καὶ νικῶν τὸν βίον αὐτοῖς
 ἄλλο σπουδάρχῃ τῆς ἐπ' ἀγαθῶ
 μνήμης ἄξιον. μετὰ δ' ὅταν τὰ
 μὲν τρώσων πολέμιον ταῖσιν δω-
 ρεῖται. τὰ δ' ὅταν κατὰ βάλλοντι, ἔστυ-
 λώσωντι, τὰ μὲν πεζῶ φιάλῃν,
 τὰ δ' ἵππῳ φάλαρα. ἔξ ἀρχῆς
 δ' ὅταν μοῖον. τυγχάνει δ' ἐστὶν
 ἐκ ἐάν ἐν αὐτῇ τάξει πρὸς πόλεως
 κατὰ λήψιν πρώτης ἡσυχίας, ἢ στυλ-
 σῇ τῶν πολέμιων, ἀλλ' ἐστὶν ἐν ἀ-
 κροβολισμοῖς, ἢ ἵσιν ἄλλοις τοῖς
 τοῖς καιροῖς, ἐν οἷς μηδεμιᾶς ἀ-
 νάγκης οὐσιν κατ' ἀνδρῶν κινδύ-
 νου, αὐτοῖς ἵππες ἐκαστὸς ἔχει προ-
 αἴρεσιν αὐτῶν εἰς τὸ διδόναι. τῆς
 δὲ πόλεως καταλαμβανομένης
 πρῶτοις ἐπὶ τὸ τεῖχος ἀναβᾶσι,
 χρυσοῦ δίδωσι σέφδων. ὁμοίως
 δ' ἔστιν ὅταν παρὰ πύλαις ἔστυ-
 λώσωνται τῶν πολιτῶν, ἢ συμ-
 μάχων, ὅτε στρατηγὸς ἐπισημαί-
 νεται δώροις. οἱ τε χιλίαρχοι δὲ
 σωθέντες, ἐάν μὲν ἐκόντες ποιῶσιν,
 εἰ δ' ἢ μὴ, κρίναι τις σπουδαῖα καὶ
 τὸν σώσαντα σεφανῆν σέβεται, δὲ
 ἔστιν ἔτι παρ' ὅλον τὸν βίον ὁ σωθεὶς,
 ὡς πατήρ, ἔτι πάντα δὲ τούτῳ
 ποιεῖν αὐτῷ, ὡς τῷ γονεῖ. ἐν δ' ὅταν
 τοιαύτης παρορμήσεως, ἐμὸν ἵππας
 ἀκρόντας ἔτι παρόντας ἐκκαλεῖν.

facto, et si quid aliud in om-
 ni vitâ gesserint, laude et
 memoriâ dignum. Posthac ei
 quidem qui hostem percusse-
 rit, hastam donat; qui verò
 deiecerit et spoliaverit, pedi-
 ti quidem phialam, equiti
 phaleras, olim autem hastam
 tantum. Ista verò consequi-
 tur, nō qui iustâ acie, aut ur-
 bis expugnatione percusserit
 aut spoliaverit hostem, sed
 qui in excursionē aut velita-
 tione, aut tali tempore in quo
 nulla necessitas fuerit viri-
 tim periclitandi, qui tunc, in-
 quā, se sponte et ultro eò de-
 derint. Similiter et qui ci-
 vem aut socium defenderit ac
 servauerit, eum et Impera-
 tor donis honestat, et Tri-
 buni cogunt servatos (ni-
 si id quidem ultro faciant)
 servatorem suum coronare.
 Colit autem hunc qui serva-
 tus est per omnem vitam, ut
 parentem, et omnia ei con-
 ferre ac deferre debet ut si
 genuisset. Hac tali incitatio-
 ne porro non solum presentes
 et coram audientes promo-
 cant

ται πρὸς τὴν ἐν τοῖς κινδύνοις ἀ-
μιλλαν ἢ ζῆλον, ἀλλὰ ἢ ὅτι ἐν
οἰκῷ μένουσαι. οἱ γὰρ τυγχόντες τῶν
τοιαύτων δωρεῶν, χωρὶς τῆς ἐν τοῖς
στρατοπέδοις δουλείας, ἢ τῆς ἐν
οἰκῷ ὡς ἀρχὴν φήμης, καὶ μετ'
ἐπ' αὐτοὺς τὴν εἰς τὴν πατρίδα,
τὰς τε πομπὰς ἡπορήτως πομ-
ποῦνσι, διὰ τὸ μόνοις ἐξείναι πε-
ρίθεον κόσμον τοῖς ὑπὸ τῶν στρα-
τηγῶν ἐπ' αὐτὰς ἀγαθὰ τέλη μνη-
μόνους, οἷ τε τοῖς οἰκίαις καὶ ὅτι
ἡφανες αὐτοῖς ἔποις πθέσσι τὰ
σῦλλα, σημεῖα ποιεῖ μνημοὶ ἢ μαρ-
τύρια τῆς ἐαυτῶν ἀρετῆς. τοιαύ-
της δ' ἡ μελείας οὐσίας ἢ ἀπο-
δοῆς, περί τε τὰς τιμὰς καὶ ἡμιω-
ρίας τὰς ἐν τοῖς στρατοπέδοις, ἐι-
κότως ἢ τὰ τέλη τῶν πολεμικῶν
πραξεῶν ἡ τυγχῇ ἢ λαμπρῶς
γίνεται δι' αὐτῶν.

cant ad certamen & amula-
tionem in periculis, sed & eos
qui domiherent. Nam qui
adepti eiusmodi dona, præ-
ter gloriam in exercitu &
domi etiam famam, cum re-
dierint in patriam, ludos
pompsque conspici in eunt.
quoniam solis iis licet orna-
menta hæc gestare & impo-
nere, qui ab Imperatore, vir-
tutis causa, donati sunt. In
adibus vero, conspectissimâ
earum parte, ponunt Spolia,
indicia & testimonia sue
virtutis. Itaque tali curâ &
diligentiâ cum circa præmia,
tum circa pœnas in castris,
merito etiam successus mili-
tæ apud eos felices & illu-
stres existunt.

Ista Polybius. & diuidit, si attendisti, Præmia in duo ge-
nera, *Minora* & *maiora*. *Minora* sunt, quæ præmisit, ob
læsum aut deiectum hostem, Hastæ, Phaleræ, & talia:
Maiora, ob seruatum ciuem, vt Coronæ, & quæ in fer-
mone dilatabo. Noster enim, vt solet, carpit, & res velut
pertransennam ostendit. Ait:

„ Pulchrè iuuenes excitant.] Nulla res magis, quàm
isthæc. & vis bonum, fortem, ex voto militem præmia-
re: sed & eundem, cum opus, puni. Vt in equo regen-

Premium
& Pana-
opus.

do calcaribus vtendum, sed & freno: sic in milite, imò omni ciue, præmiis ad virtutem incitandi, poenis à vitiis reuocandi. Lycurgus hoc pulchrè, Oratione in Leocratem: Δύο γάρ εἰσι τὰ παιδύοντα καὶ νέους, ἢ τε τῶν ἀδικούντων τιμωρία, καὶ ἢ τοῖς ἀνδράσι τοῖς ἀγαθοῖς διδομένη δωρεὰ. πρὸς ἑκάτερον δὲ τούτων βλέποντες, τὴν μὲν διὰ τὸν φόβον φεύγουσι, τῆς δὲ διὰ τὴν δόξαν ἠτιδυμοῦσι: *Duo sunt quæ iuventutem instruunt ac formant, delinquentium castigatio, & bonorum premiatio. Ad utrumque enim horum aspicientes, illam quidem ob metum fugiunt; hanc ob gloria studium concupiscunt.*

Forma &
pompa in
donando.

„ *Conuocans Imperator in concionem omnes copias.*] *Cogita cum animo tuo ipsam hanc scænam rerum. stare Imperatorem in tribunali, loco edito, te iuxta illum; à tergo, à latere, duces; antè & circà immensam multitudinem, notos ignotosque. vnum te illuc conspicuum voce Imperatoriâ laudari, mox donari: cuius animus non crescat? cuius pectus ad virtutem non incalescat, cui modò scintilla sit à meliori igne? Hæc igitur ita fiebant, & in historiis exempla leges.*

Hasta in
premio.

„ *Ei quidem qui hostem percusserit, hastam donat.*] Quid? omnibus, qui hostem? infinitum sit. Sed statim restringit, & addit, hæc talia non dari ob facinus in legitimâ & communi pugnâ (cuius manus ibi torpeant?) sed si quis extra ordinem, aut in singulari pugnâ eiusmodi facinus ediderit, eum donari hastâ. *Hastâ* dico & verito: etsi in Græco est γαίτω. quod iaculi genus esse scimus: sed hîc communiter sumit pro Hastâ. Latini quidem præmium hoc non aliter efferunt, vt Festus: *Romani viros fortes sæpè hastâ donarunt.* Cato apud eundem: *Hastas donaticas, aliósque honores.* Istæ sine ferro erant, eoque

In Hasta.

Pura

Pura Latinis dictæ: sicut *Argentum purum*, cui nihil in- *Pura & sine ferro.*
sculptum; *Vestis pura*, cui nihil è purpura adtextum.

Suetonius Claudio: *Quem Britannico triumpho inter militares viros hastâ purâ donauit.* Propertius:

Sed tua sic, domitis Parthæ telluris alumni,

Lib. IIII.

Pura triumphantes hastâ sequatur equos.

Virgilius: *Ille, vides, purâ iuuenis qui nititur hastâ.*

Ibi Seruius: *sine ferro.* Zonaras δόξαται ἀσίδην, rectè conuertit.

„ *Qui verò deiecerit & spoliauerit.*] Obserua gradus in rebus, & præmiis. Qui leserit, Hastâ donatur: qui hoc amplius, deiecerit & spolia legerit, duplex iam hîc præmium, diuersum pro genere militiæ. Nam pediti, inquit, *Phiala* datur, equiti *Phalera*. Sed de phialâ siue paterâ, *Phiala in præmio.* etsi palàm ita scriptum, dubium animi & assensus me esse non nego. Consulo te & tuam memoriam, sicubi inter omnia dona militaria de *Pateris* legisti? Exstat eorum longus & multiplex index in Valerio & Plinio, de his quæ Sicinio Dentato olim data. Omnia ille vir meruit, verus non fabulosus Hercules, & pleraque iteratò & sæpè. At in eâ omni congerie non est patella vna. Dumtaxat inferiore æuo in Probo Vopisci lego, donatum eum post alia dona, *paterâ sacrificali quinquelibri unâ*. Sed hoc & semel legas, & inter grandiora dona, non hæc tralaticia & minora. Quid igitur adfero? audaciam, & telum quo multa concutimus aut euertimus, Correctionem. Vide num legendum: *Ψάλλον. quod est *Armilla*. Valdè mihi placet (sic solent nouitiæ inuentiunculæ) & est sanè pro re ipsâ, & creberrima hæc *Diuinatio in nostro.* inter dona. Festus: *Armillas ex auro, quas viri militares ab Imperatoribus donati gerunt, dictas esse existimant, quòd* **Scribebāt & Ψάλλον.*

*antiqui humeros cum brachiis Armes vocabant. Tertul-
 lianus: Armillas ex virorum fortium donis. Plinius: Ar-
 millas civibus dedere, quas non habent externi: & nota ci-
 uibus proprium fuisse hoc donum. Denique aureas &
 argenteas armillas reperies passim. Sistit tamen leuiter
 & coercet, quod in Polybio hic est, peditis proprium
 fuisse: at ego etiam equiti reperio. ut in Liuiio: Equites
 omnes, ob insignem pluribus locis operam, corniculis armillis-
 que argenteis donat. Sed sistit, ut dixi, leuiter. quia Poly-
 bius quod plurimum factum, id inspexit: negatum non
 voluit, quin aliter liceret aut soleret. Ipsum quod de
 Phaleris subiungit, equiti tantum: falsum rigidè ita sit.
 cum L. Sicinius, vel Sicius in Dionysio, simul utrasque
 acceperit, & phaleras & armillas. Et sæpe misceri depre-
 hendes, ut in lapide prisco: C. GAVIO. L. F. DONATO.
 A. DIVO. CLAUDIO. BELLO. BRITANNICO. TOR-
 QVIBVS. ARMILLIS. PHALERIS. CORONA. AVREA.
 Nec puto militiam tamen mutasse, aut à peditibus ad equi-
 tem transisse, aut contrà. Sed pergo:*

Phaleræ in donis. Equiti phaleras.] Silius inter dona Scipionis:

*Lib. xv. — Phaleris hic pectora fulget,
 Hic torque aurato circumdat bellica colla.*

Sat. vi. Iuuenalis: Ut lati phaleris omnes, & torquibus omnes.

*Distincta à Torqui- bu. Et distinguit vterque à Torquibus: sicut & Dionysius
 Lib. x. in Sicij donis discretè posuit, & πεπλησ & τα φάλαρα: tor-
 ques & phaleras. Quod ergo discrimen? nam Polybius
 miscuisse videtur, & de Torque certè non fecit verbum.
 Sed discrimen aliquod, è Silij suprà versibus haurien-
 dum: quòd Phaleræ demissæ ad pectus pendebant, Tor-
 ques stringebant magis & ambibant ipsum collum.
 Diuersitas etiam in formâ, quòd ille planiores & magis
 iacentes;*

iacentes, istæ contortæ (vox Latina & Græca indicat) & ex anulis aut catellis plexæ. An non ipsæ, *Catellæ* dictæ? *Catellæ.*
 In Liuius est: *C. Calpurnium donasse equites suos phaleris,* *Lib. xxxix.*
Quinctium alterum Pratorem, suos catellis ac fibulis. Post-
 ponit Catellas Phaleris, & minoris habet: quia, quod ex
 narratione videas, minus laudabilis opera Quinctia-
 norum. Idem iudicium de Torque, si tamen est idem. *Torques.*
 Frequens eius mentio. vt in Tacito, Flavius Arminii fra-
 ter iactat *aucta stipendia, torquem, & coronam, aliâque mi-* *1. Annal.*
litaria dona. In Hirtio: *Cæsar ob virtutem turma Cæsianæ* *Bello Hisp.*
donauit millia tredecim, & Præfecto torques aureos duos.
 Credo hunc inter ciues fuisse. etsi tamen Plinius prodi-
 dit, *Auxiliares & externos torquibus aureis donatos, at ci-* *Lib. xxxiii.*
ues non nisi argenteis. Aliter Augustus, qui *C. Asprenatem* *cap. ii.*
(in Suetonio) lapsu equi debilitatum aureo torque donauit.
 Ille verò ciuis. In Vegetio etiam: *Torquati simplares, qui-* *Lib. ii.*
bus torquis aureis solidis virtutis premium fuit. Mansit *cap. vii.*
 ad infimum æuum hoc præmium, & in Suidâ scriptor,
 de Belisario, sub Iustiniano: *Ες μὲν οὖν στρατιῶτας φιλοδω-* *Belisarij*
ροῦσε & ἐγεγονέη δὲ τῶν ἀπὸ τῶν τὰν τε γὰρ ἐν ξυμβολῇ ἡτυ- *laudatio.*
χηκότων χεῖμασι μεγάλῳ παρεμυθεῖτο τὰ τραύματα, & τοῖς
βιδοκμήσασιν ψέλια τε καὶ σρεπὲς ἄλλα παρείχετο: In milites
omnium mortalium beneficentissimus fuit. nam & eorum,
qui infelicitè pugnauerant, vulnera multis pecuniis solaba-
tur, & qui prosperè, armillas & torques premia donabat. Et
 quamquam non nesciam, Torques Gallorum iam olim
 gestamina propria & patria fuisse; tamen ab hoc militiæ
 ritu manasse magis arbitror, quòd hodie nobilitas Eu-
 ropæa tam passim sibi vindicat torques. Nec aliud de
Minoribus donis Polybius: qui siluit etiam de Vexillis. *Vexillum*
inter donâ.
 Quid? an veteri illo æuo non fuerunt? in Siccij profectò
 donis

donis non recensentur, qui vir tamen omnia adeptus
quæ mereri virtus potuit. At ipsius Polybij æuo fuisse,
vincam ex ipso. qui apud Suidam scribit: ὅς δ' ἐτίμησε
ὑφάσματος ἐ λόγχοις, βελόνην & ἀκόλαστον εἶναι τοῖς ἔργοις
τῷ δὲ τῶν λόγων ἐπαγγελίαν: *Istos verò donauit Vexillis &*
Hastis, cum veller facta respondere promissioni verbis con-
ceptæ. Sed & Marius apud Sallustium inter vñtata re-

In voce
ἀκόλαστον.

In Iug.

In Aurel.

In Probo.

cenſet: *Hastas, vexillum, phaleras; & se ea accepisse. Mar-*
mor antiquum: DONATO. HASTIS. PURIS. V. VE-
XILLIS. VIII. In Vopisco dantur Aureliano: *Hasta pu-*
re decem, vexilla bicolora quattuor. In eodem, Probus
bello Sarmatico, donatur *vexillis puris quattuor, armillis*
aureis duabus. Pura appellat, quæ vniulmodi & fortasse
albicoloris, nec tincta. At illa Aureliani *bicolora* fuerunt:
vtra honestiora? Augustus verò Agrippæ *post naualem*
victoriam caruleum vexillum donauit, ait Suetonius: qui
color maris. Fuisse autem vulgò argenteis vel aureis filis
& textu dixerim, ex Polybio, qui ὑφάσματα χρυσᾷ expref-
ſit: *vexilla aurea.* Item ex Afconio. *Quadam, inquit, pra-*
mia & honori & lucro sunt, ut hasta, vexilla, phalera, coro-
ne ciuice, at anuli aurei ingenuitatis signa. Nisi & hoc pro
lucro deputat, quòd sic donati, stipendiis etiam fue-
rint aucti. quod sæpè euenisse ſcio, nec puto tamen
semper.

„ *Similiter ei qui ciuem aut focium defenderit.] Tangit*
Maiores dona, sed verè tangit. Ea sunt coronæ, atque ex
plures, ob plures cauſas. Ipse Ciuicam ſolam nominat:
quæ data illi, qui ciuem ſeruauerat, & eodem tempore
etiam hoſtem occiderat. Quod ita ex Maſſurij ſententiâ
Agellius. putat addendum. E quercu ſiue ilice fuiſſe
idem notat, & Feſtus: *Ciuiam coronam ciuis ſalutis ſue*
cauſâ

Corona
ciuica.

Lib. v.
cap. vi.

causâ seruatus in prælio dabat, quæ erat iligneâ frondem habens perennem. Claudianus:

*Mos erat in veterum castris, ut tempora quercu
Velaret, validis fuso qui viribus hoste,
Casurum potuit morti subducere ciuem.*

De laud.
Stic. 1111.

Inde Augusti iocus apud Fabium: *Cum ei Galli torquem* Lib. vi.

aureum centum pondo dedissent, & Dolabella per iocum, tentans tamen ioci sui euentum dixisset, Imperator torque me dona, Malo te, inquit, ciuicâ donare. Cetera quæ ad coronam hanc pertinent, in Polybio habes, Causas cur è

Quæst.
Rom. xcii.

quercu, apud Plutarchum etiam, si lubet, vide. Plinius cetera quæ ad hanc coronam suppeditabit, qui exsequitur curiosè. Sed ait: *Auxilia, quamuis rege seruato, decus*

Lib. xvi.
cap. 1111.

hoc non dant. Quippini ciuica est, & dicitur, ab ciue non ab extero seruato. Tamen Polybius comprehendit πο-
λίτας καὶ συμμάχους, ciues & socios: sed nempe priscos illos

Latini nominis, qui cum ciuibus tunc æquati. Plinius autem non de hisce Sociis, sed de *Auxiliaribus* exterisque definit. Iam altera vel potius prima est (superat enim

dignitate Ciuicam) *Obsidionalis. quam ij qui liberati sunt,* Corona ob-
ait Agellius, *dant ei duci qui liberauit.* Nulla est hac no-
fidionalis.

bilior, ut inquit Plinius: & meritò, cum non vnus, sed plures ciuium morte erepti. E gramine hæc fuit, decerpto è loco intra quem obsidebantur: *quia summum vi-*

Lib. xxi.
cap. 1111.

floriæ indicium erat, herbam porrigere victos. Causam eam dat Plinius: & Festus etymon Gradiui quosdam ait

petere, *quia gramine sit ortus. quod interpretantur, quia corona graminea in re militari maxima est honorationis.* Hanc ipsi quoque dant qui seruati sunt, ut in Ciuicâ factum. Liuius de P. Decio Tribunomilitum: *Legiones* Lib. viii.

gramineam coronam obsidionalem, clamore donum appro-
bantes,

bantes, Decio imponunt. Eadem Q. Fabio Maximo à Se-
 natu populoque data, & aliis paucis quos in Plinio vi-
 de. Non omitto, ab usum, aut nouiter vsus, hoc nomine
 Ammianum. qui cum opidum quoddam Persicum ca-
 ptum à Romanis scribit, addit deinde, *eos qui fecere for-*
tissimè, obsidionalibus coronis donatos, & pro concione lau-
datos veterum more. Nouiter hoc profectò, nec ista Ob-
 sidionalis sed *Muralis* fuit, de quâ iam dicam. Ea est, quâ
 donatur ab Imperatore qui primus murum subiit, inque
 opidum hostium per vim ascendit. Ita Agellius, & sæpe ex-
 emplum. Vicina est *Castrensis*, quæ eius, qui primus ho-
 stium castra pugnans introiuit. Vtraque hæc aurea fuit.
 & de illâ Polybius, cum Scipio suos adhortatur ad op-
 pugnandam Carthaginem Hispanicam: *Λοιπὸν χρυσῆς*
σεφάνης ἐπηλείατο τοῖς πρώτοις ἐπὶ τὸ τεῖχος ἀναβαῖναι: Dein-
 de coronas aureas pollicitus est iis, qui primum murum con-
 scendissent. Festus de alterâ: *Castrensi coronâ donabatur,*
qui primus hostium castra pugnando introisset. cui insigne
erat ex auro vallû. Vallis igitur distincta ista fuit, & ideò
*Vallar*is quoque dicta: sicut illa prior habuit & prætulit
 murorum pinnas. Adfirmat de auro etiam Agellius: *Et*
Muralis autem, & Castrensis, & Naualis, fieri ex auro so-
lent. Eò mirum, quid Suetonius sibi velit in his verbis,
 de Augusto: *Dona militaria aliquanto facilius, phaleras*
& torques, quidquid auro argentoque constaret, quàm
vallares ac murales coronas, quæ honore præcellerent, dabat.
 Nam omnia hæc profectò auro constabant: quid ergo
 mirum minus indulgisse, quod & pretio & honore an-
 teibat? Haud facile expedio, nisi si sic: *quidquid auro ar-*
gentoque constaret, vallares ac murales coronas, quàm quæ
honore præcellerent, dabat. Retrahenda particula illa vide-
 tur,

Obsidio-
 nalis, ali-
 ter in Am-
 miano.
 Lib. xxiii.

Muralis
 corona.

Castrensis.

Lib. x.

Vallaris
 eadem.

Cap. xiv.

In Sueto-
 nio conie-
 ctura.

tur, & antithesis facienda vbi posui. Libentiùs dabat, inquit, inter minora præmia phaleras & torques & quidquid è metallo; itemque inter maiora coronas vallares ac murales, quàm ciuicas, aut si fortè obsidionales. Sed, inquires, ergo Imperator etiam istas? * anteà dictum, seruatum seruatori imposuisse. Imposuisse, an obtulisse? nec id sine cognitione & decreto Imperatoris. Atque adè in Tacito lego, ne Proconsulem quidem ius sibi vindicasse donandi, sed Principi (vt vnico & summo tunc Imperatori) seruasse. *Rufus Heluius gregarius miles seruati ciuis decus rettulit, donatusque est ab Apronio torquibus & hastâ. Caesar addidit ciuicam coronam, quod non eam quoque Apronius iure Proconsulis tribuisset, questus magis quàm offensus.* Spectat huc illud Suetonij in Tiberio: *Corripuit Consulares exercitibus prepositos, quod de tribuendis quibusdam militaribus donis ad se referrent, quasi non omnium tribuendorum ius ipsi haberent.* Fortassis autem inter eas, quæ honore præcellerent, Suetonius etiam oleagineas intellexit: quas, inter magna præmia, comprior illo æuo datas. Nam etsi Agellius scripserit: *Postremam coronam esse Oleagineam, quâ uti solent, qui in prælio non fuerunt, sed triumphum procurant: etsi inquam ille* (quos auctores, aut quod æuum aspiciens, nescio:) tamen contrà, virtutis causâ inuenio militibus donatam. Dio Cassius de Augusto præmia tribuente in Siciliâ, Sex. Pompeio victo: *Καὶ πᾶσι μὲν πεντακοσίας δραχμας, τοῖς δὲ ναυκεγατήσασιν καὶ σέφδρον ἐλαίας ἔδωκε:* Et omnibus quidem (militibus) *quingentas drachmas, iis verò qui nauali certamine vicissent, etiam coronam oleagineam dedit.* Et antè à Senatu ipso id factum tradit, bello & victoriâ Mutinensi: qui cùm nollet omnes milites Octauiani

*In ipso
Polybij
textu.

Imperator
coronas
imponen-
bat.

III. Ann.

Cap. XXXII.

Oleaginea
corona.

Cap. XLIX.

Lib. XLVI.

præmiis afficere, ne efferrentur superbiâ, nec omnes præ-
 termittere posset, auferretur: διὰ μέσας, inquit, ἐποίησθαι, ὅδ' ἔ-
 μιν ἐπαινέσαντες αὐτῶν, ὅδ' δὲ ἔ· καὶ τοῖς μὲν σέφανον ἐλαίας ἐν
 ταῖς πανηγύρεσι φορεῖν δόντες, τοῖς δὲ ἔ· *mediâ viâ ingressi*
sunt, hos laudantes, illos minimè; hos coronis olea donantes
vti per ludos ferrent, illos nequaquam. Hæc de Oleagineâ:
 cui tamen quis locus aut pretium fuerit, non assigno. &
 suspicor in locum *Aureorum communium* venisse, de
 quibus mox addam Sed est & *Navalis* corona ex auro,
 vt tetigi. eius, *qui primus in hostium nauem armatus vi*
transiliuit. Reigitur & materie non abit à Murali aut
 Castrensi. Nominatur in Vopisci Aureliano, quem fa-
 cit accepisse *duas coronas navales.* Rostris nauium hanc
 distinctam non equidem opinor, & diuersam facio à
Rostratâ. Nam ecce hæc in summo pretio, & non iis
 data qui in nauim aliquam transscendissent (sæpè id fa-
 ctum) sed qui nauale aliquod magnum decus, magnâ
 industriâ peperissent. Data dico Ducibus ipsis, & assimi-
 landa aliquatenus Obsidionali. Plinius cedere eam soli
 Ciuicæ facit: *Cedunt huic ἔ· Rostratæ, quamuis in duobus*
maximè ad hoc sui celebres, M. Varrone, piraticis bellis,
dante Magno Pompeio: itémque M. Agrippâ, tribuente
Cesare, Siculis. Hinc clarus Dionis lapsus & improvida
 affirmatio: *Τὸ Ἀγρίππας σέφανον χερσὲν ἐμβόλοις ἠσκηδύρον*
ἐδώρησατο. ὃ μὴ ἀπέτεργν, μὴτ' αὐτὸς ἄλλω τῷ ἐγκρίετο. Agrip-
pæ coronam auream rostris distinctam dedit, quod nec an-
teâ nec postea aly cuiquam contigit. Ista de Coronis, dictu
 quidem digna, habeo. nisi quod addo, communiter sæ-
 pè donatam *Coronam auream* sine alio agnomine, virtu-
 tis ergô. De Siccij donis Valerius, & alij: *Præferabantur*
aurea corona octo, ciuicæ quattuordecim, murales tres, obsi-
dionalis

Navalis
corona.

Agell.

Distincta
à Rostra-
tâ.

Lib. xvi.
cap. i. i. i.

Lib. xlix.

Corona
aurea.

Lib. i. i. i.
cap. ii.

dionalis una. De Manlio, postea Torquato, cum Gallum occidisset, Liuius: *Dictator coronam auream addidit donum, mirisque eam pugnam laudibus tulit.* De Lælio, idem: *Ante omnes Scipio C. Lælium, Praefectum classis, & omni genere laudis sibi metipso equauit, & coronam auream ac triginta bubus donauit.* Idemque à Marcello factum Sosidi & Merico, etsi exteris, quorum opera Syracusæ maximè captæ. De triumpho eius Liuius: *Non minimum fuere* Lib. vii.

spectaculum, cum coronis aureis praecedentes, Sosius Syracusanus & Mericus Hispanus. Sed & exercitus obsidione à L. Quinctio ereptus, *coronam ei auream libra pondo decreuit:* in eodem Liuiio scriptum. *Vt communis ea fuisse videatur, in quocumque egregio facto.* A Græcis hoc manasse videtur, & maximè Atheniensibus, qui viritim & populariter sic donabant. Ita Demosthenes coronam auream insignitus: ita *Rhodiorum populus* (in Liuiio) *coronam auream virtutis ergo donatus:* & quæ plura talia legas. Illud non omittendum, Pœnos quoque videri hoc de Coronis usurpasse. Liuius quidem, ubi Annibal Casilinum oppugnat, ita suggerit: *Postero die omnium animi ad oppugnandum accenduntur, utique posteaquam corona aurea muralis proposita est.* Etsi factum id esse potuit exemplo & imitatione Romanâ. Quæ singillatim de Donis dixi, pleraque ea iunctim Zonaras alicunde transcripsit, & operæ est audire. De triumpho narrat, & qui in eo ritus, atque inter plura, ait: *Καὶ ἐπαινέσας τὸν συστρατασάρχην αὐτῷ, καὶ κοινῇ, ἑἰδὶα πᾶς, ἐδωρεῖτο μὲν σφίσι χεῖματα. ἐτίμα δὲ ἑκὸς μὲν, ἀειδὲν χόρῳ τὰ ποῖ, καὶ δόξατα ἀσίδηρα παρῆχε, ἑσφάντες τοῖς μὲν χρυσῶς, τοῖς δὲ ἀργυρῶς ἐδίδο, ἕνομά τε ἑκάστου ἑκὸς τῆς ἀριστείας φέρωντας τὸ ἐκτύπωμα. εἰ γὰρ τείχοις τις πρῶτον ἐπέβη, καὶ τείχοις ὁ σέφαιτο εἶδεν ἐφῆρετο. ἢ καὶ ἔξεπολιόρχησεν τι, ἑκὸς τῶν*

Lib. xxvi.

Lib. iiii.

Lib. xxxi.

Lib. xxxii.

Zonaras lo-
cus de donis
plerisque
omnibus.
Tom. i. r.
Annal.

ἔ τούτῳ καὶ κείνῳ εἰκόμισο. ἐναυκράτισέ τις, ναυσὶν ὁ σέφανῳ ἐνε-
 κόσμητο. ἰπποκράτισέ τις, ἰπποκόν ἡ δξτετύπωτο. ὁ δὲ πολίτην ἡ-
 νὰ ἐν μάχῃς, ἢ ἐτέρου κινδυνού, ἢ ἐν πολιορκίας σώτας, μέγιστον
 τε εἶχε τὸν ἔπαινον, ἔ ἐλάμβανε σέφανον γιόμῃον ἐν θρύος, ὃς
 πολὺ πόντων καὶ τῶν ἀργύρων ἔ τῶν χρυσῶν ὡς οἰμότερῳ περ-
 τετίμητο. καὶ ἕκατ' αἰθρα μόνον δρις δίσαντα ταῦτα ἐδίδοτο, ἀλλὰ
 ἔ λόχοις ἔ στρατοπέδοις ὅλοις παρείχετο: *Et is qui triumphatu-*
rus erat, cum laudasset communiter, ἔ viritim quosdam,
dabat iis pecunias. Honestabat etiam ornamentis ἔ donis;
ἔ Armillas quibusdam, ἔ Hastas puras dabat; ἔ Coro-
nas aliis aureas, aliis argenteas, nomen cuiusque ἔ strenui
facti specimen atque imaginem referentes. Si enim murum,
aliquis primus ascendit, ἔ muri speciem corona ferebat. Si-
quid expugnasset, (puta castrum aut vallum) id quoque
corona assimilabatur. Si mari vicisset, aut navim scandis-
set, navibus corona ornabatur. Si equo vicisset, equestre ali-
quid insculpebatur. Qui verò ciuem in praelio, aut alio peri-
culo, siue ἔ obsidione liberasset, maximā in laude erat, do-
nabaturque coronā e quercu factā, quæ longè ἔ aureis ἔ
argenteis honoratior digniorque habebatur. Atque hæc non
singillatim modò ἔ viritim conferebant, sed in manipulos
aut legiones totas. Hæc ista Zonaras, qui tamen Civicam
largè satis donat, & qui ciuem non solùm in praelio, sed
& alio periculo aut obsidione seruasset: præter alios, qui de
solo praelio adfirmant, & leges addunt satis arctas, Ci-
uem seruare, hostem occidere: ut q̄ eum locum, in quo sit
actum, hostis obtineat eo die: ut q̄, seruatus fateatur, alias
testes nihil profunt. Quæ sic in Plinio scripta, & consimi-
lia in Agellio quædam. Ostendit amplius Zonaras, ima-
ginem facti insculptam fuisse, aut expressam coronis.
Expressam interdum ipsâ formâ, ut in Vallari, Murali,
 Rostra.

Lib. XVI.
 cap. IIII.

Rostratâ : interdum in auro ipso insculptum aliquid & depictum, sicuti si quis in equo strenuum aliquid fecisset (quod hîc ait) equestre aliquid exsignatum. Sed & addit Zonaras, hæc præmia totis manipulis aut legionibus etiam data. Vetus in Liuiο exemplum de Papirio Cursore, qui *quattuor Centuriones, manipulūque hastatorum, armillis aureisque coronis donat.* Armillas ad totum manipulum, coronas ad Centuriones putem referendas. Atque hic mihi nota Armillas disertè peditibus datas, ad superiorem nostram emendationem, an coniecturam?

„ *Ludos pompasque conspiciu ineunt.*] Commoda sunt *Ludos spectat cum coronis.* adiuncta his donis, sed quæ honore ferè constant. Ut primum istud, quòd ludos ita ineunt. Quo exemplo, Pompeio etiam lege concessum, *ut is ludis Circensibus* *Lib. I. r.* (Velleius tradidit) *coronâ laureâ & omni cultu triumphantium uteretur.* Et suprâ in Dionis verbis, aliquid in hanc rem dictum. Secundum (quod tempore tamè primum) *In triumpho trans-* ut in triumpho ornati sic incedant. Liuius de Papirij *eunt.* triumpho: *Pedites equitesque insignes donis transiere, ac* *Lib. x.* *transuecti sunt: multa ciuica corone, vallaresque, ac murales conspectæ.* Idem de triumpho Manlij: *Muli omnium* *Lib. xxxix.* *ordinum, donati militaribus donis, currum secuti sunt.* Quod si plures etiam aliquis coronas aut dona meruisset, tulissetque: ea ipsa præferri moris fuisse videtur. Valerius de Siccio, vel Sicinio (variè scribunt:) *Novem* *Lib. lxxv. cap. 11.* *triumphales Imperatorum currus secutus, totius ciuitatis oculos in se numerosâ donorum pompâ conuertit. Præferabantur enim aurea corone octo, ciuica quattuordecim, murales tres, obsidionalis vna, torques centum octogintatres, armillæ centum sexaginta, hastæ octodecim, phalææ viginti- quinque:*

In Trans- uentione. quinquē: ornamenta etiam legioni, nedum militi satis multa. Tertiò, equites equo publico in Transuentione annuâ donis istis vñ: in verbis Dionysij, suo loco datis.

In iudiciis. Quartò, solent in iudicium quoque aut discrimen hæc producere interdum, virtuti ostētandæ. Liuius de Man-

Lib. vi. lio Capitolino: *Decora quoque belli non commemorasse tantum, sed protulisse etiam conspicienda, spolia hostium ca- sorum ad triginta, dona Imperatorum ad quadraginta, in quibus insignes duas murales coronas, ciuicas octo.* Oppor- tunè ibi de Spoliis, de quibus iam Polybius:

Spolia ho- stilia. „ *In ædibus verò, conspectissimâ earum parte, ponunt Spo- lia.*] Appellant Spolia, arma & exuuias detractas cæso hosti. Nam id iam olim, apud Græcos etiam solent, & ostendere monumentum virtutis. Honori ea res apud Romanos. & apud Valerium legas, de militibus igno- miniâ notatis: *Recursum autem iis ad pristinum militis ordinem proposuerunt, si quis bina spolia ex hostibus tulisset.*

Lib. xxi. Apud Liuium, cùm Senatū legeret & suppleret M. Fa- bius Dictator: *lêgit qui Ædiles, Tribuni, Quæstorésue fuerant, tum ex iis qui spolia ex hoste fixa domi haberent, aut ciuicam coronam accepissent.* Aduerte, pænè pro ma- gistratu hæc decora fuisse, & lectos è priuatis quique honorem nullum cepissent, eos eximiè quibus spolia, aut corona. Ait autem *domi fixa.* Rectè. nam solent po- stibus ipsis & foribus suspendi, in transeuntium aspe- ctum. Id est, quod Polybius dicit, *in conspectissimo ædium loco posita*; etsi poëta Silius in atriis etiam locat:

Lib. vi.

— vos atria raptim

Nudate, & clypeos in bella refigite captos.

Sed in postibus magis, & exempla euincunt. Festus: *Antipagmenta, valuarum ornamenta, quæ antis adpanguntur, id est*

id est adfiguntur. Antas autem idem explicat latera ostiorum, siue postes. Liuius: *Spolia eius urbis ante currum laturus, & fixurus in postibus suis.* Vides triumphales quoque vsurpasse, atque eos in primis. Silius de Regulo:

Lib.
xxxviii.
Etiam à
triumpha-
libus.

Affixi clypei, currusque, & spicula nota

Lib. vi.

Ædibus in parvis, magni monumenta triumphi.

Tibullus ita ad Messallam:

Te bellare decet terrâ Messalla marique,

Lib. i.

Ut domus hostiles præferat exuias.

Propertius ad Mæcenatem:

Cum tibi Romano dominas in honore secures,

Lib. i. i.

Et liceat medio ponere iura foro,

Vel tibi Medorum pugnaces ire per hostes,

Atque onerare tuam fixa per arma domum.

Virgilius aspexit:

Barbarico postes auro spoliisque superbi.

Iterum: *Multaque præterea sacris in postibus arma,*

Captiui pendent currus, curuæque, secures,

Et crista capitum, & portarum ingentia claustra,

Spiculaque, clypei que, erepta que rostra carinis.

Nec aliter Senecam interpretabere: *Præteri istos gradus diuitum, & magno aggestu suspensa vestibula.* Vides etiam in Virgilij postremis versibus Rostra suspensa fuisse, id est spolia marina. Quò facit hoc Tullij in Antonium:

Epistol.
lxxv.

Rostra in
adibus.

Ant tu illa in vestibulo rostra & hostium spolia cum aspexisti, domum tuam introire te putas? Pompeij enim domum ille possidebat, in quâ hæc insignia purgati maris. Ipsa illa est, quam Capitolinus in Gordianis intellegit: Exstat silua eius memorabilis, quæ picta est in domo rostrata Cn. Pompeij, quæ ipsius, & patris eius, & proauis fuit. Nam Gordiani ex Antoniis, & habuere à M. illo An-

D D

tonio.

Spolia nō
fas reuel-
lere.

Lib. XXXV.
cap. II.

Quæst.
XXXVII.

tonio. Nacta autem nomen à Rostris, quæ etiam tunc
existisse si dicam, quid mirum? Certè ex ære fuerunt,
quod fert etatem: & illa lex in Spoliis, quam Plinius me-
morat, ut nec adibus ab alienatis liceret emptoribus refigere
ea aut tollere. Tempore labi debebant. iterumque alia
lex, siue observatio, ut nefas censerent sic collapsa refice-
re aut instaurare. Plutarchus hoc docebit in Caussis.
Hic Spoliorum honos. & quia magnus, multi ambitio-
sè, nec meriti, affectabant. Cautum Cato Priscus olim
iuit, & Orationem scripsit cui titulus, *De spoliis, ne fige-
rentur nisi quæ de hoste captæ essent*. In Festo reperies,
verbo *Resignare*.

DIALOG. XVIII.

*De Pænis, quis inflixerit, & quas: tum etiam de variis
Ignominiiis.*

A PRÆMIIS ad Pænas ordo ducit, & quia hæc vnà
semper in bonâ rep. etsi in diuersos. De iis Poly-
bij ista leguntur:

POLYB.

Δεῖ δὲ προσέχειν ὅτι
μὴ στρατιώτας τοῖς χιλιάρχοις, *Oportet attendere & au-*
τούτοις δὲ ἐπὶ τοῖς ὑπάτοις. κύ- *scultare milites Tribunis,*
εἰ δὲ μὴ καὶ ζημιῶν ὁ χι- *Tribunos Consulibus. Ta-*
λιάρχῳ, καὶ ἐνεχυραίων *men & Tribunus ius habet*
καὶ μασιγῶν: ὅτι δὲ συμμα- *potensque est mulctandi, pi-*
χοις ὁ πραιφέτης. ξυλοκο- *gnoris capiendi, & verberan-*
πεῖται δὲ καὶ ὁ κλέψας τι τῶν *di. Idem in socios Praefecti.*
ἐν τοῦ στρατοπέδου. καὶ μὴ ὁ *Fuste autem percutitur, & is*
μαρτυρήσας ψευδῆ, ὡς ἀπλη- *qui furto aliquid abstulit è*
σίως. καὶ ἐὰν τις τῶν ἐν ἀκ- *castris, & qui falsum testi-*
monium dixit, & qui in flore
statis

μη ὡς ἀρετῆς ἀμείνων δὲ δὲ τῶν
 σώματι. πρὸς δὲ τούτοις, ὅτε καὶ περὶ
 τῆς αὐτῆς αἰτίας ζημιωθεῖς. ταῦτα
 μὲν ἕως ἀδικήματα κολάζουσιν.
 εἰς δὲ δυνάμει δὲ πειράσει καὶ στρα-
 τωτικῶν αἰσχυρῶν τὰ τοιαῦτα
 τῶν ἐγκλημάτων ἐάν τις ψευ-
 δῆ περὶ αὐτῶν δυνάμει γὰρ ἐπαλ-
 γείλωσι τοῖς χιλιάρχοις, οὐκ ἐν-
 δὲ πρὸς λαβεῖν. ὁμοίως δὲ ὕμνες
 εἰς ἐφεδρείαν ταχθέντες, φόβου
 χάριν λίπωσι τὴν δοθέντα ἔπον.
 ὡς ἀπλησίως ἐδύπισ δὲ πορρὶς ἢ ἡ
 τῶν ὀπλῶν καὶ αὐτὸν τὸν κίνδυνον
 διὰ φόβου. διὸ καὶ ὕμνες μὲν ἐν ταῖς
 ἐφεδρείαις προδήλως ἀπολύονται,
 πολλαπλασίως αὐτοῖς ἔπι γνο-
 μῶν, ὅτε θέλοντες λιπεῖν τὴν τά-
 ξιν, δεδιότες τὴν οἰκίαν ὑμῶν.
 οἵτις δὲ καὶ αὐτὸν τὸν κίνδυνον, ἐκ-
 βαλόντες θυρεὸν, ἢ μάχαιραν, ἢ
 ἢ τῶν ἄλλων ὀπλῶν ὡς ἀλόγως,
 ῥίπτουσιν ἐαυτοὺς εἰς τοὺς πολέμους,
 ἢ κυρθεῖν ἐλπίζοντες ὡς ἀπέ-
 βαλον, ἢ παθόντες πρὸς τὴν πρὸς
 δηλον αἰσχυρῶν διαφύξεως, ὅτε
 τῶν οἰκείων ὕβριν.

etatis, corpore suo deprehen-
 ditur abusus, itemque qui ter
 ob eandem culpam multa-
 tus fuerit. Hæc talia ut cri-
 mina puniunt: at ignavia ex
 militari probro adscribunt
 ista. Siqui falso strenuum a-
 liquod factum suum referunt
 ad Tribunos, honoris præ-
 miique causâ. Siqui in præsi-
 dio aut statione positi, per
 metum deseruerunt locum.
 Siquis abiecerit armorum,
 aliquid in ipso discrimine per
 metum. Eoque fit, ut quidam
 in præsidiis certò pereant, plu-
 ribus ingruentibus, dum lo-
 cum verentur deserere metu
 huiusce pœnæ. Quidam etiam
 in ipso conflictu, excusso scu-
 to aut gladio, alioue ex ar-
 mis, casu fortuito, iaciunt se
 ipsi in hostes certi aut recu-
 perare quod amiserint, aut
 occumbentes effugere mani-
 festam ignominiam et op-
 probria suorum.

Pœnas dicturus præmittit de iis qui irrogant, & osten-
 dit Tribunorum id fuisse.

» *Tribunus ius habet potensque est multandi.*] Tria re-

DD 2

censer

Tribunius
in casti-
gando.

Quatenus
capite pu-
niat.

Dux sum-
mus capi-
tis inqui-
rit.

In Iug.

Etiā
solus.

Lib. xi.

Lib. ii.
cap. ii.

Lib. viii.

censet quæ imperij eorum & iuris. quòd multam di-
cunt, quòd pignus capiunt, quòd verberibus castigant.
An & capite puniunt? non hîc addit. Suprà tamen, vbi
de Vigiliis, scribit: *Si nihil tale factum, redit in circitorem
culpa, statimque aduocato consilio à Tribuno causa cog-
noscitur, & si damnatus fuerit, fustuarium subit.* Ex quo
dixeris, etiam capitis causas Tribunum cognouisse, at-
que adeò in equites Romanos (tales Circitores) ani-
maduertisse, si ij in culpâ. Neque nimis id negauerim,
cum lege, si Consilium adiunctum, & vnâ cognoscant.
At ea quæ hîc retenset, videntur fuisse in arbitrio Tri-
buni vnus. Tamen, cùm res capitis, sæpius legas ipsum
Ducem cognouisse, damnasse. Sallustius ita de Turpi-
lio, qui opidi Præfectus turpiter amiserat: *Iussus à Me-
tello causam dicere, postquam sese parum expurgat, con-
demnatus, verberatus, atque capite pœnas soluit.* Metel-
lus ibi Consul, & primus Dux, cui etiam sine causæ di-
ctione (nempe vbi res liquida) fas condemnare. Diony-
sius me docuit, & exempla. Ille sic: *Ὁ, τε νόμος ἔδωκε δυνά-
μειν τοῖς ἡγεμόσιν ἑξουσίαν, ὥς ἀπὸ θέντας, ἢ τοῖς σιμεία καὶ ἀλι-
πόντας, ἀκρίτως: Lex dedit Ducibus facultatem interficiendi
eos qui non obediunt, aut signa deserunt, idque causâ indi-
ctâ.* Exempla etiam, vt in Floro de Atilio Regulo: *Nec
deerant qui ipso Punici maris nomine deficerent, augente
insuper metum Tribuno Nannio. in quem, nisi paruisset,
securi districtâ Imperator metu mortis nauigandi fecit
audaciam.* In Liuiο de Papirio Cursore, qui in Prætozem
Prænestinum Licetorem expedire securim iussit, sed metu
ultimi supplicij perfusus, multâ dictâ, dimisit. Sed & Tor-
quatus Imp. apud eundem, filium suum, qui inter equi-
tes merebat, statim & sine consilij aduocatione vllâ, ca-
pite

pite puniit. Plura exempla. atque adeò rigidum hîc ius, Et sine pro-
uocatione.
III. De le-
gibus.
 vt prouocatio etiam nulla esset. Cicero: *Militia, ab eo qui
imperabit, prouocatio ne esto: quòdque is qui bellum gerit im-
perasset, ius ratumque esto.* E more veteri lex, vt eius ple-
 ræque. quem morem & Liuius tangit: *Neque enim pro-
uocationem esse longius ab vrbe mille passuum.* Significat in
 vrbe, etiam militem lectum, prouocare potuisse, & Tri-
 bunos auxilio fuisse: at tanto illo spatio extra urbem,
 minimè, & fuisse omnia in manu imperantis. Hoc tam
 liberum ius valdè submisit militem, & ad omnia prom-
 ptum volentemque fecit. Sed tamen ambigi potest, an
 post legem Porciam non aliquà id imminutum, nec ca-
 pite sed exilio in ciuem animaduersum. Constat legem Lib. III.
 sic fuisse: sed an militiae etiam valuerit, quæro. Valuisse,
 argumentum aliquod è Sallustio. qui post damnatio-
 nem illam Turpilij, & cùm *verberatum & capite pœnas
dedit* scripssisset, statim addidit: *Nam is ciuis ex Latio
erat.* quasi in veteres verosque ciues non idem ius. Sed
 Polybij tamè tempore aliter fuisse videmus, & de mor-
 te hîc passim, atque alij etiam scriptores. Illud fateor, à An idem
post legem
Porciam?
 Principibus nouatum, quibus non ex vsu aut dignitate
 suâ visa tam libera hæc potestas, & circumciderunt. Gre-
 gales puniri à Ducibus permiserunt, Centuriones alios-
 que primorès sibi adseruarunt. Dio Cassius Mecenatem
 ita suadere facit Augusto: *Legatum Prætorium militibus* Lib. LXX.
præficio, exceptis iis quæ mortem aut ignominiam spectant.
Hæc enim ad solum Consularem Legatum pertinebunt,
exceptis etiam Centurionibus & primariis militibus aliis.
*Hos enim vtrosque nulli permittere debes puniendos, ne
quemquam istorum sic metuant, vt & contra te aliquid
ausint. Rem & vnà causam habes. Duplices Legati ex-*

DD 3 exercituum

ercituum illo æuo, Prætorij & Consulares. Illi ius in vitam non habent, isti habent, sed cum exceptione, vt ne in digniores. Iterat hoc ipsum in fine Suasionis: *De his causis, & equitum, Centurionumque è legionibus, & priuatorum primariorum, tu ipse cognosces, ubi caput aut infamia agetur. nam hæc ad te solum debent referri, ac nemo alius de iis iudicare.* Quin idem scriptor postea tradit, *Legatis Casareis concessum, vt plus quam annum in imperio essent, & militarem habitum (Paludamentum) gestarent, gladiumque & ius capitaliter animaduertendi militis haberent. Neque enim aliter ulli Proconsuli aut Præsidi gladio se accingere licebat, quo ipso ius necandi militis negabatur.* Atque hæc haud dubiè valuerunt. eoque exemplo ad

Lib. lxxx. *Suet. cap. xxx.* Tiberium missus fuit *Præfectus alæ, de vi & rapinis reus.* quem tamen ille, vt quasi maiestatem Curiae attolleret, *causam in Senatus dicere coëgit.* Sic Centurio adulterij reus apud Plinium memoratur, in vxore Tribuni. Iste

Lib. vii. epist. lxxi. *Legato Consulari, ille Casari scripserat. Caesar excusis probationibus centurionem exauctorauit, atque etiam relegauit. Caesar & nomen Centurionis, & commemorationem, disciplinae militaris sententiæ adiecit, ne omnes eiusmodi causas renocare ad se videretur.* Considera. Adulterij causa erat, apud ordinarium tribunal meritò disceptanda: sed reus Centurio erat. accusatus ergo apud Legatum Consularem, sed ille gnarus suæ potestatis, Cæsaris sententiam exposcit. Hic damnat, & adiicit in sententiâ discretè, *Centurionem, & memorat institutum militiæ: nec de gregariis aut talibus velle cognoscere. Sed vt ad Polybium redeamus, dat igitur ille Tribunis ipsis potestatem Mulctandi, &*

„ Pignoris capiendi.] Nisi mulctam scilicet soluerent.

An

An facit eò hoc Festi? *Censio hastaria dicebatur, cum militi mulctæ nomine, ob delictum militæ, indicebatur, quòd hastas daret. Priuabatur igitur parte armorum, eaque pecuniâ debebat luere.*

„ *Verberandi.*] Ad castigationem, vitibus aut virgis. Sed & ad mortem, fuste: de consilij tamen sententiâ.

„ *Fuste autem percutitur.*] Intellegit *Fustuarium*, Latinis ita dictum, quod ipse Polybius paullò antè descripsit. Nam vigiliis aut circuitioni neglectæ poenam fuisse tradidit *ἐυλογονίαν, fustuarium*: & addit, *Ea poena est talis. Fustem capiens Tribunus condemnatum leuiter tangit & delibat. quo factò, omnes qui in castris sunt, ferientes alius fustibus, alius lapidibus, plerosque in ipsis castris (nota ibi supplicium sumptum, & opinor in ipsis Principiis) occidunt. Quòd si quis euaserit, nec sic saluus erit. quomodo enim? cui nec in patriam reditus, nec quisquam è necessariis tecto eum receperit. Itaque planissimè pereunt, quos ea calamitas attigit. Vides modum sumpti eius supplicij, & effectum. Neque hîc lictores vlli administri, aut carnifex, sed Tribunus signum modò dat, & obiicit multitudini militari. An quia honestior illa mors? an quia tristior, & magis in animos penetrabat id exemplum? Profectò enim triste, commilitonum & commanipularium manibus interfici. Seruatum postea, & bello Hispaniensi (Hirtius tradit) miles qui fratrem suum in castris iugulasset, interceptus est à nostris, & fuste percussus. Apud Tacitum, Dolabella sub Tiberio, Decimum quemque ignominiosæ cohortis fuste percussit. Et si alia etiam tunc ratio, nec absimilis, puniendi. Obijciebant enim & militum gladijs. In Tacito: *Stabant legiones pro concione districtis gladijs,**

Fustuarium.

Sine carnificis operâ.

III. Ann.

Gladijs obijci.

I. Annal.

gladiis, reus in suggestu per Tribunum ostendebatur. si nocentem adclamauerant, praeceptus datus trucidabatur. Et gaudebat cadibus miles tanquam semet absolueret. Am-

Lib. xxix.

mianus: Quid de istis nefariis proditoribus fieri oportere contubernales deuoti censetis? secutusque adclamationem rogantium sanguine vindicari, eos qui inter Constantianos merebant, prisco more, militibus dedit occidendos. Simile

Lib. vi.

Saxis occisi.

Lib. iiii.

apud Macedonas. Curtius: Omnes à Nicomacho nominati, more patrio, dato signo saxis obruti sunt. Arrianus in aliâ coniuratione: Τῶν μὲν δὲ αὐτῶν καὶ τοῦ ἐν αὐτοῖς ἐυλ-
ληθόντος καὶ ἀλλοδυνῶν τε πρὸς τῶν παρόντων: Hunc (Hermolaum) & reliquos cum eo comprehensos lapidibus obrutos ab iis qui aderant. Vt videatur lapidatio Macedonum hac in re fuisse, quam & Romani adhibuerunt, Polybio hîc indicante. Sed quæres, solum Fustuarium tunc inter poenas quæ ad mortem? Polybius non aliam recen-

Securi percussit.

Lib. i.

set: sed alibi inuenio. Tu quoque notasti, non dubito. nam quid promptius, quàm etiam securi percussos, aut gladio? De securi, Liuius, statim liberâ republicâ: Appius

Consul Centuriones duplicariosque, qui reliquerant ordines, virgis caesos securi percussit. Apud eundem, seditione

Lib. xxviii.

ad Sueronem, auctores eius deligati ad palum, virgisque caesi, & securi percussi sunt. Quinetiam legio vniuersa (in

Lib. xv.

Gladio percussit.

Epitomâ Liuij) quæ Rhegium occupauerat, obseffa, deditione factâ, securi percussa est. At Securi Gladium sub Principum tempora successisse, ad Tacitum memini memorare. Quæ causâ tamen discriminis? an arbitrarium fuit? an de more Consul & supremus Dux securi puniebat, cum ipse iudicabat, quia lictores scilicet habebat & securim & fasces? Tribuni autem aliter, quibus nulli tales administri nec instrumenta: eo que fuste puniebant, peculiari

peculiari castrensi poenâ? De Tribunis autem, eorum-
que ordinariis iudiciis, Polybius hîc agit. Adiungo, *Fu-*
stuarium hoc nominari Ciceroni. *Nam si ille Consul, Fu-* Phil. 111.
stuarium meruerunt legiones, quæ Consulem reliquerunt.

Liuius: *Fustuarium meretur, qui signa relinquit, aut præsi-* Lib. v.
dio decedit. Est & alia Fustum poena, castigando, non
occidendo, (caue misceas) de quâ statim.

„ *Et is qui furto aliquid abstulit.*] Vigiliæ aut excubiæ
neglectæ aut perperam habitæ Fustem meretur: sed præ-
terea, inquit, etiam ista dicenda. Sunt autem quattuor:
primò *Furtum*, quod Polybius palàm dicit: at Catoni Catonis, ut
videtur, à
Polybio
dissensus.
non ea, sed manuum resectio est poena. Ita enim in Fron-
tino: *M. Cato memoria prodidit in furto comprehensus, inter
commilitones dextras esse præcisas: aut si lenius animaduer-*
tere voluissent in principes, sanguinem missum. Emenda,
in principis sanguinem missum. Nam ibi exactæ pleræque
poenæ, ut dixi. Quod autem ait de sanguine misso, id ita Sanguis
missus.
Lib. x.
cap. 1111.
in Agellio legitur: *Fuit hæc quoque antiquitus militaris
animaduorsio, iubere ignominie causâ militi venam solui
& sanguinem dimitti. cuius rei ratio in litteris veteribus,
quas equidem inuenire potui, non exstat: sed opinor factum
hoc primitus in militibus stupentis animi, & à naturali ha-
bitu declinatis, ut non tam poena, quàm medicina videre-
tur. Postea tamen ob pleræque alia delicta idem factitatum
esse credo per consuetudinem, quasi minus sani viderentur
omnes qui delinquerent.* Ita Agellius, cum causâ subti-
lius quæsitâ, & quæ M. Antonio Mureto non proba. Lib. 1111.
Var. cap.
vlt.
Ipse magis censet factum, ut sanguinem quem cum glo-
riâ fundere pro patriâ noluerant, cum cum ignominia
amitterent. Sed rogo te Marce, in furto sic castigato (Ca-
to dixit) quis sanguis pro patriâ fundendus fuit. Quin

E E

ego

ego etiam seorsum censeo, id fuisse notam meritæ summæ & vltimæ animaduersionis; quam cùm clementia remisisset, speciem tamen eius vsurpabat in pauculo sanguine fundendo.

Falsum
testimoniū
fuisse puni-
tum.

» *Qui falsum testimonium dixit.*] Amo vos Romani ob cultam etiam inter arma pietatem. Cur hoc capitale? quia religio mixta, & læsum aut spretum potius (lædere quis potest?) periurio supremum numen. Supremâ igitur pœnâ luant.

Corrupte-
la iuueni-
capitalis.

» *Qui in flore ætatis corpore suo abusus.*] Nec id crimen olim capitale in togâ ante Scantinium: fuit tamen in castris. Quid ita? quia occasio eius magna, nullo fæmineo sexu, & multis iuuenibus in ipso vigore formæ, sub annum decimumseptimum. Cauent igitur, puniūt: sed in liberis maximè, vix arbitror in seruis. Notum illud sub Mario factum, cùm Tribunus militum blanditiâ & mixto imperio iuniorem militem tentasset, ille generosi sanguinis Tribunum stricto gladio interfecit, *Virum*, inquit, *me scito*. Causâ dictâ & probatâ, Marius iuuenem collaudatum absoluit. A v d. Moram tibi iniecasti vno alteroque verbo, quod non demitto. Peto? annuis. Dixti *nullum fæmineum sexum* in castris fuisse: possum credere? L I P S. Debes. nec de scortis loquor: apage has turpitudines: nego ius fuisse habendi ibi vel vxores. idque etiam primariis viris. Tacito nostro volo te hoc

Femina
exsules à
castris.

xii. Ann.

accredere, apud quem Seuerus Cæcina censuit, *Ne quem magistratum, cui provincia obuénisset, vxor comitaretur*. Veteres mores aduocat, & ait, *Haud frustra placitum olim ne femina in socios aut gentes externas traherentur*. Dat & rationem, mihi probissimam: *Inesse enim mulierum comitatui, quæ pacem luxu, bellum formidine morentur,*

tur, & Romanum agmen ad similitudinem barbari incessus conuertant. Oracula ille vir loquitur, nec vltra opus firmari. A V D. Non de vxoribus, id fateor: sed de scortis ^{Etiam scorta.} etiamnum hæreo, & en Liuium in Epitomâ, qui admiscet. Nam scribit Scipionem ad Numantiam, *duo millia* ^{Epit. LVII.} *scortorum è castris reiecisse.* Simile in Floro hac in re & viro: *Scorta, calones, sarcina nisi ad vsum necessariæ amputantur.* Vt ergo dixeris in strictâ Disciplinâ non fuisse; tamen vides in laxiore, nec tam nouum id crimen. LIPS. Nouum, nouum, inauditum. nec pauior vltra te errare (etsi pudor prohibet:) illa scorta, non mulieres sed mulierosi fuerunt. Nec vltra reuelo. Enimuerò non Romani solùm hîc ita casti, sed Macedones & Græci: ac de ^{simile in Græci.} Philippo rege proditum, quòd is bello in Thebanos, cum *duo iuuenes psaltriam mercede conductam in castra induxissent, re cognitâ, ambos extra fines regni sui relegarit.* Totidem hæc pænè verbis reperire est in Polyæno. Iterùm ad nostra iudicia & mores prouocabis: quis vetat? non imitari hoc licet, non licet negare. Etsi qui hîc mores? nuperi, & non ante multa sæcula ipsa Germanorum natio, quæ maximè nunc istîc peccat, morem aut legem hanc habuit in castris. Exstat in Ligurino Guntheri poëte, qui tum vixit, inter res Friderici primi Imperatoris in Italiâ ^{Friderici Imp. in hac re lex.} gestas, exstat inquam ista lex:

*Non erit in nostris nobiscum femina castris,
Qui reus exstiterit, spoliis nudatus abibit
Turpiter, & naso mutilabitur illa resecto.*

Res ita fuit, non verba. & quicumque vir in culpâ, nudus eiectus militiâ & castris; quæ mulier, facie perpetuum dehonestata. Abi nunc. & mores prætende. A V D. Sileo. nec vltra iam Isidorum subsanno aut rideo,

qui *Castra dicta* vult *quasi casta*, quòd *castraretur in iis libido*. Olim verum, nunc exserto cachinno rideamus. LIP S. Sequitur in Polybio:

Tergemi-
na pœna,
capitalis.

„ *Qui ter ob eandem culpam mulctatus.*] Videsis & nota. Etiam leuiiores & pecuniariæ culpæ, capitales fiunt, si ter repetitæ. Causa. quòd talem prauo ingenio censebant, & factum ad peccandum. Fortasse & contumacia iis visa punienda, & quòd quasi per contemptum ludibriumque legis peccaret. Hæc & talia sunt illa leuia, de quibus Iosephus: *Προσακύνται δὲ καὶ τὰ φόβω, οἱ τε γὰρ νόμοι παρ' αὐτοῖς ἐμόνον λειποταξίς, ἀλλὰ καὶ ῥασιώνης ὀλίγης θάνατοι:* *Prædocentur & metu. nam leges apud eos non solum desertionis, sed etiam leuiculae negligentia capitales sunt.* Bene factum. nihil satis adstricti aut seueri inter armatos, & terrent nisi timent.

Culpe mi-
litares,
proprie.

„ *Hæc talia ut crimina puniunt.*] Videatur alicui hæc à sequentibus pœnâ distinguere: quod non ita est, sed genere & colore. Quæ nunc dixi, inquit, crimina apud omnes sunt, etsi non sic punita: quæ addam, propria militiæ, atque illi adhærent. Omnia tamen pariter capitale sancita. Est ipsa distinctio, quæ in Arrio Menandro I. C^o: *Militum delicta siue admissa, aut propria sunt, aut cum ceteris communia. Proprium militare delictum est, quod quis uti miles admittit.* Hæc igitur posteriora nunc adiungit, & enumerat quattuor. Primò,

I. II. De re
milit.

„ *Siqui falsò strenuum aliquod factum referunt.*] Cur hoc iterat, & an non antè in Falso testimonio dictum? Non. discrimen aliquod: quia illuc periurium & impietas est; hinc non nisi mendacium & praua ambitio, quam tamen morte castigant. Ratio fuit. quòd in militiâ eorum varia & multa præmia virtuti posita (audiuisti:) ad quæ

Premij
falsa peti-
tio.

quæ ne indigni aspirarent & decus hoc polluerent, rigide fraus punita. Eò magis hoc factum, quòd nuda professio præmium capiebat. Exemplum illustre in Liuiio, cuius hic sensus si non verba. Scipio Carthaginem No-
 uam ceperat suâ fortunâ pariter & militum virtute. Sed-
 dit pro tribunali, vt mos, præmia cuiusque operæ daturus. Coronam muralem proposuit ei, qui primus murum ascendisset. *Duo professi sunt, Q. Trebellius Centurio, & Sex. Digitius socius naualis.* Magno certamine res gerebatur, cum sui cuique corporis fautores & suffragatores adgregarentur. Scipio vt litem decideret, tres recuperatores dedit, qui testibus auditis cognoscerent statuerentque. Id verò non remedium, sed augmentum motus fuit. Stabant vtrimque per omnes deos parati iurare, magis quæ mallent quàm quæ scirent vera esse, per signa, per aquilas, & per quidquid esset religionis. Lælius ille Sapiens, mali exempli rem censens, & non longè à seditione: ad Scipionem venit, prospicere monuit & temperare. Ille igitur pro tribunali sic pronunciat, *Se satis compertum habere, Q. Trebellium & Sex. Digitium pariter in murum ascendisse, seque eos ambos, virtutis causâ, coronis muralibus donare.* Ita finem ea res habuit, & dissimulata alterius fraus siue error (nam & is potuit) pacis causâ.

„ *Siqui in prasidio aut statione positi.*] *Suprà huic rei aliquid dictum, & quàm nefas deferere stationem, ordinem, locum. Licet addere hoc Suidæ: *Προεγὶ, τάξις ἐστὶν ἐν διαδοχῇς ἰσαμύρη πρὸς τὴν στρατοπέδου μετὰ τὰν ὀπλῶν. καὶ δευτέρως ἐπ' αὐτὴν ῥωμαίων νόμος τὴν ὑποχωρήσασθαι καὶ ἠνδιποτῶν αἰτίαν ἐνέσκειν. ④ δὲ μετὰ πολέσεως τὴν μετ' ἀρετῆς θάνατον ἀποκρίναντες ἴσονται :* *Statio, ordo est per vices ante castra*
 EE 3 *stantium*

*Dial. viii.
huius libri.

Prasidium
deferere,
capitale.

stantium in armis. Et seuera in eo lex est Romanorum, ut moriatur qui causâ quacumque excesserit. At illi praoptantes per virtutem, quam per supplicium mori, persistunt. In quo tamen est, quacumque causâ deferentes puniri: in Polybio arctius, qui ob metum. Arctius, & nisi fallor, verius. Quid enim si impetus hostilis pepulit & vis violenta? omnis ratio est ignosci.

Arma amittere,
capitale.

Lib. I. I.

L. III.

Lib. III.
cap. II.

De mor.
Germ.

Catonis si-
lij. virtus.

„ Siquis abiecerit armorum aliquid in ipso discrimine, per metum.] Miles vitam amittit, si sua arma: cum duplici restrictione, si in acie, si per metum. Idem in Signiferis, qui signa. Liuius de Appio: *Ubi arma, ubi signa essent? singulos rogans, inermes milites, signo amisso signiferos, virgis casos securi percussit.* Modestinus: *Miles qui in bello arma amisit vel alienauit, capite punitur. humanè, militiam mutat.* Huc spectat factum Scæuæ, qui contra Britannos in scopulo solus relictus, diu vniuersis resistens, ad extremum impar, galeâ discussâ, scuto absumpto, profundo se credidit, & (verba Valerij) *viso Imperatore, armis non amissis, sed benè impensis, cum laudem mereretur, veniam petiuit: legem scilicet hanc in oculis habens militarem.* Quæ ipsa, aut similis, apud quasdam gentes. Græcis *πρὸς αἰῶνες* prouerbio infames sunt: & apud Germanos, ait Tacitus, *scutum reliquisse præcipuum flagitium, nec aut sacris adesse, aut consilium inire ignominioso fas.*

„ Quidam in ipso conspectu.] Credo inter hos intellegi Catonis Censorij filium. qui in prælio cum Perse Macedonum, equo delapsus, dum se recolligit, gladium amisit: ad quem recipiendum inter medios mucrones hostium se immerfit, & multis vulneribus acceptis ad suos rettulit. Hoc Plutarchus, Valerius, Iustinus, Frontinus inter

inter insignia facta prodiderunt. Haftenus de singulorum poenis Polybius, & quæ ad eas culpæ: nunc adiungit, de plurium peccatis, & quæ ratio puniendi, si exercitus aut pars eius deliquisset. Vide verba:

Εάν δέ ποτε τὰ αὐτὰ ἑαυτὰ πρὸς
πλείους συμβῇ ἡμέας, & σημαίας
πῶς ὁλοχρεῶς πειθεύσας λι-
πείν οὐδ' ἴποις, ἢ μὲν ἅπαντας
ἐξολοκοῦν ἢ φονδαῖν ἀποδοκιμά-
ζουσι. λύσιν ὅτ' ἐπ' αἵματός δ' ἐλ-
σκόνται, συμφέρονται ἅμα & κα-
ταπληκτικῶς. σωαθεύσας γὰρ
ἐπ' αὐτοὺς οὐδ' ὁ χιλιάρχος, & προα-
γαγὼν εἰς οὐδ' ἑλπιώτως, κα-
τηγορεῖ πικρῶς. & τὸ τέλος, ποτὲ
μὲν πάντες, ποτὲ ὀλίγοι, ποτὲ δ' ἕκο-
σι, ἢ δ' ὅλον πρὸς τὸ πλῆθος αἰ-
σχυροῦμενοι, ὥς τε δέκατον μέρ-
ος γίνεσθαι τῶν ἡμαρτηκότων.
τέτταρες ἐκ πάντων κληροῦται τῶν
ἀποδεδωκότων, & οὐδ' ἔτι λα-
χόντας ἐξολοκοῦν ἢ τὸν αὐτὸν ῥη-
θῆναι λόγον ἀποδοκίμης. τοῖς δ'
λοιποῖς τὸ μέγεθος κελύβας δὲ
ἀντιπυρῶν, ἐξω κελύβας δ' ἡμέ-
ρος & τὸ ἀσφαλείας ποιεῖται τὴν
παρεμβολὴν. λοιπὸν δ' ἐμὲν κιν-
δυνὸς & φόβος, & ἡ τὸν κληρὸν,
ἐπ' ἵσον ἑπικρεμασθῆναι πᾶσιν, ὥς
ἀν' ἀδύνατον δ' ἀσφάλεια ὑπάρ-

Quod si plures peccasse POLYB.
contingat, & manipulos ali-
quot simul locum deferere:
omnes quidem fuste percutere
aut occidere nolunt, mo-
dum autem rationemque rep-
pererunt & commodam pa-
riter, & terribilem. Exerci-
tum enim aduocans Tribu-
nus, & in medium noxiis
productis, acriter eos incu-
sat, & interdum quinque,
alias octo aut viginti, & ut
semel dicam, ad multitudi-
nem semper respiciens, ut de-
cima ferè pars delinquentium
sit, hos ex omnibus ignavis
sortitur: & in quos ea sors
cecidit, sine ullâ deprecatione,
fuste percutit ad modum
iam dictum. Reliquis hor-
deum pro tritico admetiens,
iubet extra vallum tende-
re & tutelam castrorum.
Ita periculo & metu à sorte
aqualiter omnibus impen-
dente,

χοιλος, & ὁ ᾧ ἀδελφισμῷ ἐμὴν κληροφάγιαν ὁμοίως συμβαίνοντες πρὸς πάντας, τὸ διωκτὸν ἐκ τῶν ἐπισμῶν εἰληπται, & πρὸς κατὰ πληξιν, & διόρθωσιν τῶν συμπωμαμάτων.

dente, & exemplo item
dati hordei ad omnes per-
ueniente, plurimum ex
eo more capitur & ter-
roris & correctionis.

Decima-
tio vetus.

Lib. II.

Patrium
institutū.
Lib. IX.

Correctus
Appianus.

„ Rationem reppererunt & commodam pariter & ter-
ribilem.] Pulcherrimum non dubiè inuentum, quicum-
que eius auctor. Vetusum ego video, & an non ab re-
gibus ipsis? Enimuerò statim post exactos eos in Liuiο
lego (nec antea) de Appio Consule, cuius exercitus cūm
fugisset, capita capite punit, sed *Cetera*, inquit, *multitudo*
sorte decimus quisque ad supplicium lecti. Propria Roma-
nis ista lex, & *Patria* à Dionysio dicta. Εκ δ' ὅ ἄλλος πλήθος
ἀπὸ δεκάδος ἐκάστης εἰς ἀνὴρ ὁ λαχὼν κλήρω πρὸ τῶν ἄλλων ἀπέθνη-
σκεν. αὐτὴ ῥωμαίοις πάτριος ἐστὶ καὶ τῶν λιπόντων τὰς τάξεις ἢ προε-
μένων τὰς σημείας ἢ κόλασις: Ex aliā *multitudine*, cuiusque de-
curia vir unus quem fors designasset, ante ceteros periit. Ea
Romanis patria quādā punitio est in eos, qui ordines relique-
runt aut signa deseruerunt. Etiam Appiano, ut ego velim
scribi. cūm Cæsarem alloquētem turbidos milites facit:
χρήσομαι τῷ πετρεῖῳ νόμῳ, καὶ ὁ ἐνάτου τέλης, ἐπεὶ δὴ μάλιστα τ-
σάσεως κατήρξε, τὸν δεκάτον διακληρώσω θάνατον: Utar lege pa-
triā, & Nonæ legionis, quoniam ea seditionem maximè cœ-
pit, decimum quemque sorte ad mortem ducam. Vulgò ta-
men ibi, τῷ πετρεῖῳ νόμῳ: quasi *Petreius* aliquis eius au-
ctor, veteri illo æuo nusquam notus. Sed & Plutarchus
in Crasso: πάτριον πκόλασμα, patriam punitiōem hoc ip-
sum appellat. Vides rationem totam, & decimū quem-
que sorte captum. decimum dico: nec fallent Polybij
mox verba, qui ait interdū quinque, aliàs octo aut viginti
periisse.

periisse. non quasi quintus aut octauus interfecti: sed pro numero delinquentium, vult ex iis interdum tot & tot occisos. Pone quinque decurias peccasse: quinque punientur; pone octo, octo, viginti, viginti: atque hic est sensus. Non tamen nego etiam Vicefimationem interdum adhibitam, imò & Centesimationem: cuius vtriusque rei in posteriore historiâ exemplum. Capitolinus in Opilio Macrino: *Cum seditiones militares pateretur, multo sæpius decimauit, aliquando etiam centesimauit, quod verbum proprium ipsius est, cum se clementem diceret, quando eos centesimaret, qui digni essent decimatione atque vicefimatione.* Discis & ex Macrini, & suprâ ex Cæsar's factò, sic quoque de more punitos qui turbidi aut seditiosi in ducem essent. Quid si hodie? an hæc fierent, quæ videmus? Sed profectò periit ducum auctoritas, quia seueritas: nec alia res militem in turbas & scelera soluit, quàm solutæ leges. In sanguine & cæde qui versantur, ferociam & contemptum induunt; nec nisi sanguine & cæde coërceantur.

Vicefima-
tio.
Centesi-
matio.

Seditiosi
sic puniti.

„ *Ita periculo & metu à sorte aqualiter omnibus impendente.*] Vtilitatem huius supplicij, & quæ eò duxit rationem, exponit. Periculum, inquit, omnibus super caput est. atque imminet ob incertam sortem, atque inde metus. qui ferè inhærere solet iis qui semel seriò admoti ad extremam illam metam. Cicero causam hanc ipsam expressit: *Statuerunt maiores nostri, ut si à multis esset flagitium rei militaris admissum, sortitione in quosdam animaduerteteretur, ut metus videlicet ad omnes, pœna ad paucos perueniret.* Plutarchus, præter hoc, considerat & scænam ipsam faciemque terribilem, cum ignominia adiunctâ. *Kai δ, inquit, αἰχμὴν ἔεισαντες τρεῖς καὶ δεῦτε* In Craſſo.

Vtilitas
decima-
tionis.

Pro Cluē.

FF

πολλὰ

πολλὰ φεικώδη καὶ σκληρὰ πρὸς τὸν κόλασιν ἀπάντων θεο-
μύων: *Nam* *est* *dedecus* *tali* *morti* *inest*, *et* *fiunt* *multa*,
quæ *terrorem* *est* *tristitiam* *gignant*, *circa* *ipsam* *punitio-*
nem, *in* *omnium* *aspectu*. Indubiè ita est. Stant sub ictu
mortis omnes, suspensi & anxij, quæ tamen paucos tan-
git & excipit: atque ij mox ipsi manibus suorum peri-
turi. Adde increpationem ducis, & publicam mæsti-
tiam, & nihil solatij, vix miserationis. imò occulti ali-
quid gaudij, dum quæ sibi quisque timuit, conuersa vi-
dent in capita paucorum. Nec plura de Pœnis Polybius.
A v d. Non tu etiã? L I P S. Non ego. A v d. Sed cer-
tum & obuium est plura esse, & Vites, Fustes, Ignomi-
nias passim legi. L I P S. Si obuia & passim, quid me po-
scis aut aspicias? à te & industriã tuã pete. A v d. Imò,
dum in sermone es, exsequere. Mihi colligenda, tibi col-
lecta: & valet in te illud vetus:

* Nam qui
benè sapit,
omnia in
collecto
habet.

* Ο' ὃ φρονῶν δὲ πάντα συλλαβὼν ἔχει.

L I P S. In fine haud difficilem aut tenacem me præstabo,
ne priorum etiã beneficiorum (ita homines sumus)
gratia pereat. Accipe, & aperi sinum. Duo sunt hîc etiã
consideranda, *Castigatio* & *Ignominia*. Illa verberibus
facta, & Polybio quoque tacta cùm scripsit tribunum
ius habuisse *verberandi*. Ipse μαργῶν dixit, quod etiã
flagellare reddas: sed caue nunc feceris, nec seruilia Fla-
gella admoueris ad corpus ingenuum & militare. Fue-
runt in hac re *Fustes* aut *Virgæ*: illi honestiores, istæ acer-
biores. Sed Fustes iterùm duplices, è Vite aut aliã mate-
rie. E vite, ciuibus reſeruati, & hac mente Plinius: *Vitis*
in delictis pœnam ipsam honorat. Liuius discrimen aper-
tius ingerit, aut eius epitoma de Scipione ad Numan-
tiam: *Quem militem extra ordinem deprehendit, si Roma-*
nus

Vitis in ca-
stigatione.

Lib. XLIII.
cap. I.

Lib. XVII.

nus esset, vitibus; si extraneus, fustibus cecidit. Sic Catilina apud Q. Tullium militariter *M. Marium*, inspectante *Libello de*
populo Romano, per totam urbem vitibus cecidit. Ita enim petit. conf.
 libri vetustiores, non ut editi, *virgis*. Ex hoc ritu Tacitus: *Centurio Lucilius interficitur, cui militaribus facetiis* 1. Annal.
vocabulum, Cedo alteram, indiderant. quia fractâ vite in
tergo militis, alteram & alteram poscebat. Et Iuuenalis de
 Mario: *Nodosam posthac frangebat vertice vitem.*
 Significat gregalem fuisse, & vite Centurionis inter
 operandum sæpè percussum. Appellat inibi, *nodosam*:
 quia talem eligebant ad validiorem ictum. Apuleius:
Miles è legione obuius, inuersâ vite, deuastiore nodulo cere- Lib. ix.
brum diffindere conatus. Militem appellat, sed oportuit
 aut Centurionem fuisse aut Euocatam, quorum hoc Centurio-
 gestamen & insigne. Eusebius in Ecclesiasticâ historiâ: ni Vitis.
Τιμὴ τίς ἐστιν ὡς ῥωμαίοις τὸ κλῆμα, καὶ εὖ τοὺς ἄλλους φασὶν Lib. vii.
ἐκ τῶν ταρχῶν: Honos quidam Romanis est, gestare vitem;
& qui adepti, dicunt Centuriones. A Libero patre Scho-
 liastes vetus Iuuenalis hoc petit, in versum — *aut vi-*
tem posce libello. Ut Centurio fias, inquit. Vitis nam insigne
Centurionum est, à Libero patre inuentum, qui primus
triumphauit, & inuentor vitis est. Plura de hac vite exem-
 pla: atque adeò in lapidibus passim Cēturionum digni-
 tas notatur bifurcatâ aut incuruâ vite. Addo, Græco- Græcis bac-
 rum quoque ducibus baculum in manu (sed de vite culus.
 non arbitror) gestamen & insigne fuisse. Clearchus à
 Xenophonte ita describitur, ἐν μὲν τῇ ἀριστερᾷ χειρὶ δόρυ
 ἔχων, ἐν δὲ τῇ δεξιᾷ ἑακμείαν: *in manu sinistrâ hastam te-*
nens, in dextrâ scipionem. Astyochnus etiam dux apud
 Thucydidem, dum Hermocrati minatur, ἐπ' ἀνὰ τὸ πλὺν Lib. vii.
ἑακμείαν: sustulerat scipionem. De Vite tantum. de com-
 munibus

Fustes ad
castigan-
dam.

munibus Fustibus, Isidorus: *Fustes quibus iuuenes pro criminibus feriuntur, dicti ab eo quod prefixi in fossis stent, quos palos rustici vocant.* Iuuenes saculi illius more appellant milites ipsos. Lampridius in Alexandro: *Siquis militum de viâ in alicuius possessionem deflexisset, pro qualitate loci, aut fustibus subijciebatur, aut virgis, aut condemnationi.* Vbi Fustium poena (per gradus enim scandit) leuior illâ Virgarum. Valerius quidem appellat, *Virgarum contumeliosa verbera*: & rarò etiam in militiâ legas: rarò inquam, nisi vbi mors consecuta, & hæ sollemniter tunc præiuerunt. Tamen in eodem Valerio est, de P. Aurelio: quem *C. Cotta virgis casum, gregalis militiæ munere inter pedites fungi coëgit*: sed hoc ob atrocem, & capitalem pænè culpam, atque inibi vide. Fustes crebriores, & inferiore æuo vbiq; leges. Retinuerunt & nunc Turcæ ac plerique Orientales, in publicâ cottidianâ castigatione. Transeo ad *Ignominias*, quibus boni honestiq; animi haud minùs coerciti, quàm poenis. Eæ multiplices Romanis fuere, & ordine dabo. Primum, quod in Polybio hîc est, pono, *Hordeum pro tritico datum.* In Liuiο exemplum: *Cohortibus quæ signa amiserant, hordeum Marcellus dari iussit.* In Dione: *Antonius legionibus suis, cum Partho cecisissent, quosdam hordeum pro frumento dedit, & quosdam decimauit.* Suetonius de Augusto: *Cohortes, siquæ cecisisset loco, decimatas hordeo pavit.* Quod vsurpasse eum bello Delmatico, in Dione leges. Sed & Vegetius notat, *tirones si parum in prolusione & exercitio profecissent, pro frumento hordeum coactos accipere.* Causa huic rei, vt indigni viderentur communi militum cibo, sed reijcerentur potius iungerenturq; cum iumentis. Alterum, cum

Lib. I. r.
cap. VII.

Ignominia
militares.
Hordeum
in cibum.

Lib. XXVII.

Lib. XLIX.

Cap. XXIII.

Lib. XLIX.

Lib. I.
cap. XIII.

cum ære priuantur, & stipendium non procedit. Vale- Ære dirut.
 rius: Age, quàm grauitè Senatus tulit, quòd Q. Petillium, Lib. II.
cap. I.
 Consulem fortissimè aduersus Ligures pugnantem occidere
 milites passiessent? Legioni enim neque stipendium anni pro-
 cedere, neque æra dari voluit. Duplex hîc ignominia,
 quòd annum cum militiæ nolunt in numerum venire,
 ad emeritum; & quòd æs dari vetant. Festus: Resignatum
 æs dicitur militi, cum ob delictum aliquod iussu Tribunimi-
 litum, ne stipendium ei detur, in tabulas refertur. Resignare
 enim antiqui pro rescribere interdum dicebant. Varro in
 Fragmentis: Stipendium appellatur, quod æs militi semestre
 aut annuum dabatur. cui datum nō sit propter ignominiam,
 Ære dirutus est. Ad Varronis mentem Aufonius: Proce- In Cento-
nis Præfat.
 dere mihi inter frequentes stipendium iubebis, sin aliter, Æ-
 re dirutum facies. Benè, inter frequentes. nam qui Infre-
 quens, patiebatur hanc pœnam. Frontinus: Decreuit Lib. III.
cap. I.
 Senatus uti ea legio tota infrequens referretur, stipendium
 ei annuum non daretur, æræque rescinderentur. Latinus
 Pacatus in Panegyrico ad Theodosium: Gothus ille &
 Hunnus, & Alanus, respondebat ad nomen, & alternabat
 excubias, & notari infrequens ferebat. Seu potiùs, ut Cu-
 spinianus edidit, notari infrequens verebatur. Quam sen-
 tentiam ipsam versibus ita Sidonius expressit:

*Ibant pellitæ per classica Romula Turma,
 Ad nomen currente Getæ. timet Ære vocari*

Panegy.
ad Socr.

Dirutus, opprobrium non damnum barbarus horrens.

Infrequens autem, ait Festus; appellabatur miles, qui abest Infrequens
miles.
absuit à signis. Cornificius ad Herennium: Prætereo Lib. III.
quòd militiæ te infrequentem tradidisti. Plautus alibi:
Hunc pro infrequente mittas militiâ domum. Tertium,
cum extra vallum & castra iubentur tendere. Caussam Extra ca-
stra tendere

- habuit, quasi indigni essent qui inter verè milites agerent, proiecti & obiecti hosti: idque interdum sine tentoriiis. Liuius: *Cohortes, quæ signa amiserant, extra vallum sine tentoriis destitutas inuenit.* Valerius de iis qui capti, remissi à Pyrrho fuerant: *Decreuerunt ne quis eorum intra castra tenderet; nèue locum extrà assignatum vallo aut fossâ cingeret, nèue tentorium ex* pellibus haberet. Recursum autem iis ad pristinum militia ordinem proposuerunt, si quis bina spolia ex hostibus tulisset.* Fecit & Corbulo apud Tacitum, qui Pactum & Praefectos, militesque tendere omnes extra vallum iussit: quia fugerant holtem.
- Discingi.* Quartum, *Discinctos* & turpi habitu prostitui, nempe vt parum viros. Liuius de Marcello: *Centuriones manipulorum, quorum signa amissa fuerant, districtis gladiis, discinctos destituit.* Suetonius de Augusto: *Pro cetero delictorum genere variis ignominiiis affecit, vt stare per totum diem iuberet ante Prætorium, interdum tunicatos, discinctosque.* Valerius de Calpurnio Pisone, qui iussit Titium togâ laciniis abscisis amictum, decinctâque tunicâ inditum, à mane in noctem usque ad principia adesse. Plutarchus de Lucullo: *quosdâ notauit, vt discincti fossam fodèrent, reliquo exercitu spectante.* Zosimus denique de Iuliano Cæsare: *Amictos veste muliebri per castra duxit, ratus militibus, qui viri essent, eam pœnam grauiorem morte futuram.* Quintum, *Mutare militiam.* quod est, ab honestiori genere in humiliter transscribi. Valerius de captiuis à Pyrrho redditis: *Decreuerunt vt ex iis qui equo mœruerant, peditum numero militarent; qui pedites fuerant, in funditorum auxilia transscriberentur.* Ad hoc ipsa factum fugitiui Cannenses respexerunt, oratione ad Marcellum (in Liuiio:) *Nunc deteriore conditione sumus, quam*

Lib. x.

Lib. ii.
cap. vii.* Licuit
igitur è cā-
nis aut
stramine.
Puto hoc
ipsum in
Velitibus
fuisse.
xiii. Ann.

Discingi.

Lib. xxvii.

Cap. xxiii.

Lib. ii.
cap. vii.

Lib. iiii.

Militiam
mutare.

Lib. ii.

Lib. xxv.

quàm apud patres nostros fuerant captiui. quippe illis arma tantùm, atque ordo militandi, locûsque in quo tenderent in castris est mutatus. Iterùm Valerius de Pisone, qui turmas equitum ademptis equis, in funditorum alas transscripsit. longiùs etiam eos abiiciēs, quàm ad ordinem secūdum.

Tale in Ammiano: Reliquos ex eâ cohorte ad pedestrem Lib. xxi. iii.

compegit militiam, quæ onerosior est, dignitatibus imminutis. Iterumque: Equites quartæ Sagittariorum cohortis, Lib. xxx.

omnes contrusit ad infimum militiæ gradum. Imò aliquando extra omnem ordinem projecti. vt Iulianus (in Ammiano) Tertiæ equestris numerum, ademptis signis Lib. xxy.

bastisque diffractis, inter impedimenta & sarcinas & captiuos agere iter imposuit. Sunt & alia quædam minora, vt * Stantes cibum potumque capere: quod Gracchus imposuit Volonum parti: & siquid tale, per te obseruandum. Lib. xxxiii.

Atque hæc in Romano ritu, similia quædam in Græco. Charondæ lex de iis qui arma pro patriâ non cepissent, aut in bello ordines deseruissent: Græcorum ignominia.

αρεστεύειν τὸν πολεμικὸν ἐν τῇ ἀγορᾷ ἐφ' ἡμέρας τρεῖς καὶ ἡμέρας ἐν ἐδῶσι γυναικείαις: statuit hos tales in foro per tres dies sedere in vestibis muliebribus. Diodorus Siculus hoc tradidit, & subiunxit: humaniorem eam legem aliis, quæ mortem inferunt; sed occultâ vi parè validiorem esse, cùm metu tantæ infamie viros absterret, quibus mors optatior. Et quî scimus an non

à * vicino populo mutuati hoc Romani? Iam Spartani eos qui ignauia in bellis comperti essent, variè notabant. * Locrensiū quibus ille dedit leges.

ἔχοντες τὸν πόλεμον (ait Plutarchus in Agesilao) ἀρχῆς ἀπέργοντο πάσης, ἀλλὰ καὶ δὲ αἱ πινέται γυναικὰ καὶ λαβεῖν ἄδον ἔχοντες. παῖδες δὲ ὁ βολύμηνος αὐτὰς τῶν ἐντυγχαινόντων. ὁ δὲ καρτεροῦσι φειδόντες αὐχμηροὶ καὶ ταπεινοί, τρέφονται τε αὐτοὶ γράμματα, χρώματα βαπτίζονται, καὶ ἑυρῶνται μέρῳ τῆς ὥλης,

Spartanorum nota.

ἡνὺς, μέρῳ δὲ ῥέφρασι: Non enim solum arcentur omni magistratu & imperio, sed & dare alicui horum uxorem, aut ab eo accipere, infame est. Percutit autem & cedit eos, si quis vult, obuiorum: at illi ferunt, squallidi & humiles, palliæque gestant colore aliquo tincta & inscripta. Partem etiam barba, quæ est ad labrum superius, siue mustaca, radunt; partem verò alunt. Ecce hi & tales stimuli, apud varias gentes, excitandæ Virtuti, Secordia comprimentæ. A V D. Multi, & duri quidem apud Romanos: & quæ patientia ferre potuit? L I P S. Semper tu mirator, & plures, credo, tecum. quia reuera multa in totâ hac militiâ, de quibus cum Mercurio Termaximo dixerim: Ταῦτα μὲν ἐννοῶν ἀλλ' οὐ δόξεαι, ἀγνοῶντι δὲ ἀπιστα: Hac scienti quidem vera videantur, ignorantibus incredibilia. Sed tu iam scis, & paullatim ad fidem teipse forma.

DIALOG. XIX.

De Missionē quadruplici, Honestâ, Caussariâ, Gratiâ, Ignominiosâ: & de Commodis missorum.

NAM ego quidem te dimitto, & vnâ meos milites. Quirites, quò lubet, abite. A V D. Quid autem facis? L I P S. Quod res iam poscit, finem sermoni toti impono, & ad *Missionem* venio; quæ labore militem & me soluet, ad quietem ducet humanarum actionum finem. Nam post confecta stipendia, mittebatur miles, liber deinceps & immunis. Dixi *confecta stipendia*, quia lege certus annorum numerus definitus, nec sumere aut ponere militiâ volentibus erat. *Ea legitima stipendia* vocat Liuius, de milite ex Cannensi fugâ: *Nullo præstituto militia tempore, nisi quod legitimorum stipendiorum esset.*

Ea

*Legitima
stipendia.
Lib. XXI II*

Ea viginti annorum in pedite fuisse, decem in equite, supra in Dilectu verè definiui. Perpetuum id mansit: etsi sub bellum Cimbricum aliquid immutatum (credo per Tribunos) sed mox antiquatum. Cicero tetigit in eâ pro Cornelio: *Ut Q. Cecilio M. Junio Consulibus, quæ leges rem militarem impedirent, ut abrogarentur.* Ad ea verba Asconius: *Ipse quoque hic Junius aduersus Cimbro malè rem gessit, ac plures leges quæ per eos annos, quibus hæc sic gerebantur, populo lætæ erant, quibus militia stipendia minuebantur, abrogauit.* Sanè viginti isti anni ad Imperatores vsque venerunt, & sub iis quoque (excipio Prætorianos, quibus sedecim) manserunt. Nauticos etiam milites deteriore conditione fuisse, & annos viginti-quinque militasse, è lapidibus Domitiani æuo dicas. Atque his confectis mittebantur: si quis aliter se subduxisset, mors aut seruitus pœna. In Liuij epitomâ: *C. Matienus, quòd exercitum in Hispaniâ deseruisset, damnatus, sub furcâ diu virgis casus est, & sestertio nummo venit.* Ad hoc ipsum factum, fragmentum refero (Polybij, nisi fallor) in Suidâ: *Εμασγέτο ῥά εδοις, εἰτα ἐπέξαγωγῇ Τη-περίπετο, δειλίας καὶ ἀποδεγείσεως τίμημα φερόμεν & δὲ λ & εἴναι:* Virgis casus est, deinde licitatione venit, timoris & fugæ pœnam hanc ferens, ut seruus esset. Nec dubium quin pro Desertore puniretur, si quis sine iustâ missione recessisset. De quâ ipsâ Cenfores etiam Romæ cognoscebant, ex Liuiio: *In censu accipiendo populi, milites ex Macedonico exercitu, qui quàm multi abessent ab signis census docuit, in prouinciam cogeabant, causas stipendiis missorum cognoscebant, & cuius nondum iusta missio visa esset, ita insurrendum adigebat:* Ex tui animi sententiâ, ex edicto C. Claudij, T. Sempronij Censorum, in prouinciam Macedoniam

Pœna temerè ab-euntium.
L. V.

De missione censoriū notio.
Lib. XLIII.

GG

redibis,

Honestæ
missio.

Causaria.

redibis, quod sine dolo malo facere poteris? Iusta autem Missio duplex: *Honestæ, Causaria*. *Honestæ*, quæ emeritis stipendiis datur: *Causaria*, quæ ob vitium, defectum, morbum. Puta aliquem manu truncatum, oculis captum, valetudine aut aliter inutilem militiæ factum, mittebatur. Suprà tetigi. & Apuleius ad hanc aspexit:

Lib. IIII.

Rebar enim me iam prorsus exanimatum ac debilem merericausariam missionem. Hæc quia iustam causam habebat, etiam præmiis interdum *Honestæ* æquata. Ut in lege Valentiniani & Valentis: *Alij verò qui honestas missiones siue causarias consequuntur, singula paria boum & quinquaginta modios viriusque frugis accipiant*. In aliâ Constantini: *Intra viginti etiam stipendia dimissus, quoniam imbecilli & debiles censibus non dedicantur, eodem beneficio utantur*. Iniusta item missio duplex: *Gratiosa, &*

Lib. VII.
cod Th.
tit. X.

Gratiosa.

Ignominiosa. *Gratiosa*, quam Liuius ita nominat, per gratiam aut ambitum ab Imperatoribus impetrata: sed

Lib. XLIII.

sæpè inualida, & Censores rescindebant. Liuius: *Missorum quoque causas sese cognituros esse, & quorum ante emerita stipendia gratiosa missio sibi visa esset, eos milites fieri iussuros*. At *Ignominiosa* est, quâ ob delictum aut crimen militiâ quis solutus. Et ideò sic dicta, quia nominis notam & infamiâ adferebat. Iurisconsulti quoque hoc testati: & exemplum huius elegans, atque ipsa formula, in Hirtij, de bello Africano: *Cæsar postero die de suggestu, conuocatis omnium legionum Tribunis, Centurionibusque, C. Auiene, inquit, quod in Italiâ milites populi R. contra remp. instigasti, rapinâsque per municipia fecisti, quodque mihi rei que publicæ inutilis fuisti: ob eas res, ignominia causâ, ab exercitu meo te remoueo, hodieque ex Africâ abesse, & quantum potest, proficisci iubeo. itemq; te A. Fonteius, quod*

Ignomi-
niosa.

quod Tribunus militum seditiosus, malusque ciuis fuisti, ab exercitu dimitto. Ipsa verba sic cum dignitate in aspectu omnium de Tribunali prolata, æterno vulnere eos sauciabant. Atque hæc ita olim: sub Augusto duplex Missionis genus factum, *Exauctoratio* & *Missio*. Illa fuit, ^{Exauctoratio.} cum expletis stipendiis soluebantur onere omni militiæ, nisi pugnæ in hostem. Nec iam sub signis aut aquilis erant, vt alij milites, sed sub vno Vexillo habebantur seorsim: dicebaturque Veterani. Id repertum, quia plena Missio commoda & præmia sua habebat, instituta ab Augusto, quæ non statim solui & repræsentari à rep. poterant: atque ideò expectabant ea sub Vexillis, vnde & *Vexillarij* dicti. Sed fraus sæpè in hac re, & de industriâ protrahebantur. Ita Suetonius de Tiberio: *Missiones* ^{cap. XLII.} *veteranorum rarissimas fecit, ex senio mortem, ex morte compendium captans.* Bono enim fisci id fiebat. & inde querele sub eodem Tiberio ipsorum militum, apud Tacitum: *Quod tricena aut quadragena stipendia senes tollerent.* Item: *Ne dimissis quidem finem esse militiæ, sed alio vocabulo eosdem labores perferre.* Ideoque petunt à Principe: *Ne ultra sub vexillis tenerentur, sed iisdem in castris premium pecuniâ solucretur.* Volunt in pecuniâ premium, quia specie agrorum, & vt ij adsignarentur, eludebantur. Tota hæc ratio, vt dixi, ab Augusto. & docet Suetonius: *Quidquid ubique militum esset, ad certam stipendiorum premiorumque formulam adstrinxit: definitis, pro gradu cuiusque, & temporibus militiæ, & commodis missionum: ne aut etate aut inopiâ, post missionem sollicitari ad res novas possent.* Ecce duo instituit, & Stipendia, & Præmia: atque hoc de præmiis, ostendit missioni adhæsisse, alioque verbo *commoda missionum* dicit. Ita Ovidius: ^{Commoda missionis.}

Lib. 1.
de Arte.

*Romule militibus scisti dare commoda solus,
Hæc mihi si dederis commoda, miles ero.*

Cap.
XXXII.

Suetonius Nerone: *Ita exhaustus & egens, ut stipendia quoque militum, & commoda veteranorum protrahi ac differri necesse esset.* In libris legum, *Commoda primipili.* & alibi pluries. Miror quid ita in Suidâ: *Κόμοδα, δόσις Ἰππὶ & σερμῶν παρὰ χορῶν:* *Commoda, donatio in terramotu facta.* Equidem scio, & memini, liberalitate Principum opida quassa interdum sustentata: sed id *Commoda* dictum peculiariter, haud legi. Vide an non aptius: *Ἰππὶ & σερμῶν, in annonâ:* & ut huc trahamus. Ista *Commoda* quanta fuerint, expressum à Dione: *Quoniam, inquit, milites agrè tunc ob premiorum paruitatem ad bella irent, extra tempus definitum: factum decretum à Senatu, ut Pratoriani post sedecim annos quinque millia drachmarum caperent, alij post viginti annos, tria millia.* Id sub Augusto institutum. & conatus minuere Caligula: qui, ut Suetonius ait, *Commoda emerita militie ad sexcentorum millium summam recidit.* Sed immanis & falsa illa *sexcentorum millium* summa, recidatur, fiatque *senum millium*: quæ scriptio fortassis errori fuit. Id verissimum, & conuenienter ad Dionem, qui vult *Commoda* sub Augusto *trium millium* drachmarum fuisse, siue *duodecim mille sestertium*: at à Caligulâ accisa & ad medium reducta. Medietas autem quam dixi, *senâ millia.* Nec plura de omni Militiâ, in eius fine esto finis.

Lib. LV.

Quanta ea
fuerint.

Cap. XLIII.

Correctus
Suetonius.

DIA-

DIALOG. XX.

Conclusio sermonum quinque, & militia veteris cum nostrâ brevis comparatio.

AVD. O quæ gratia condigna tibi à me erit? nisi, vt olim Socrati Æschines, me tibi donem. LIPS. Accipio, & æternum meus esto. Nunc in urbem rectâ & domum. Sol deferit. AVD. Inter eundem hoc vnum, nisi graue est, sermonis totius fastigium & culmen. LIPS. Quid amplius? AVD. Summatim vt conferas, veterem illam cum hac nostrâ, & vtra atque vbi præponderet, dicas. LIPS. * *Ἀρχαδίαν μ' αἰτῆς*. Egone? ab vmbra & togâ?

* *Arcadiâ
me poscis,
id est, dif-
ficilia.*

Οὐκ ἔστι ἐμὸν τὸ πρᾶγμα, πολλὰ χαίρω:

Non est meum negotium. facebat hinc.

Sagati nostri non ferant, & vocibus aut manibus me tangant. AVD. Meliora. non sic periit pudor. Atque ego commemini, quod Michael Montanus ille, quem æstimas, de Hadriano Turnebo scripsit: virum fuisse rerum ciuiliū aut militarium, tractione & vsu, rudem, tamen bonitate quadam & rectitudine iudicij de his quoque optimè & peritissimè censuisse. Cur non idem de te sperem, qui instituto & professione iuxta Turnebum es? LIPS. O bone, sed aliis impar. In illum conuenit:

— * *ἀνὴρ πολέωσα εἰδώς,*

Ὅς δὴ μνηστῶν περὶ πίδων ἐκτίσας τὸ πλεόν:

in nos, quid nisi optimarum rerum amor & studium?

AVD. Imò. LIPS. Sile, sile. tu, quod dicitur, claudus pilam retines: & mos tibi iterum gerendus, nec aliter eludam. Ergo audi à capite, sed calculus albus aut niger

* - vir qui
compluria
nouit, Et
qui diuitias
mentis
cogesserat
amplas.
Empedocle
de Pythag.

GG 3

penes

De Dile-
ctu iudi-
cium.
Vix reuo-
cari possit.

Nisi in se-
lectâ ali-
quâ &
perpetuâ
manu.

De Ordine
iudicium.

Possit in
multis v-
tiliter as-
sumi.

* Ne Duces
& Dupli-
carij sic re-
dundent.

penes milites aut duces potius esto. Quinque in Militiâ Romanâ, totidem diebus, confideravi: *Dilectum, Ordinem, Arma, Aciem, Disciplinam*. De Dilectu, non videtur ambigendum quin optimus ille ex optimis honestissimisque apud eos fuerit: hodie tamen, ut mores & instituta sunt, egrè imitandus. Nisi si fortè in aliquâ republicâ. Sed apud nos ex paucâ, aut impotentes: & vna Venetorum quæ potest polletque, ob causas quasdam suas, à militiâ ferè suos arcet. excipio naualem. Principes aut reges, ad hanc Romanam formulam ægrè adstringantur: ij quoque ob causas. Difficile sit, non aliâ descriptione aut censu: vix etiam tutum, promiscua sic esse arma. Sed hæc talia in Politicis. Nunc illud tamen teneo, vtiliter à quocunque Principe rationem aliquam Dilectum instituendam, aliam à vulgatâ. Quid Turca in Ianizaris suis faciat, non est ignotum: ego velim legiones plures aut paucas; (ut opes cuiusque sunt aut regna) conscribi ex idoneis, & ab adolescentiâ in certum tempus Militiæ obstringi & formari. Ars quædam est tractandorum armorum, nec professio nominis, & vultus aut cultus immutata, militem statim reddunt. Sed iterum remitto te ad Politica nostra, & quas dabo Notas. Alterum est *Ordo*: ô ille bonus in re Romanâ, quicumque consideres! Sectio partium apta, corpus legionum grandius, membra cohortes, artus manipuli ipsi. Vide Duces & Centuriones dispositos, Signiferos, Optiones: nihil abest, nihil superat: sic ut vsui omnia, non ut oneri sint aut pompæ. Considerentur quæ dixi: multa cum bono totius militiæ, cum* bono etiam ærarij vsurpanda. Tertium *Arma*: & hîc, inquiunt, iacemus. Irident cum ventum est ad hos sermones, & Fundas, Iacula,

cula, Sagittas pedibus calcant & trahunt præ vnīs no-
 stris Bombardis. Hoc fulmen & tonitru nullam Ro-
 manam aciem sustinere potuisse: vtique si grandiora illa
 accederent & quassatoria tormenta. Hæc & plura ita
 differunt: quid rerum veterum aliquis benè gnarus?
 Habeat profectò, quod reponat, & quo refellat. Pri-
 mum, quòd missilia illa omnia eleuant, vereor vt vim
 eorum benè norint. Fundæ, quantulum à nostris bom-
 bardis vi & effectu (nam forma diuersissima) abierunt?
 Ridiculum hoc in primo auditu: sed mecum examina.
 E plumbo vtrumque telum est, nec magnitudine aut
 modo glandes valdè dispares: nec impetu aut violentiâ
 valdè vincantur Fundæ. Credere me iis oportet, qui vi-
 derunt, qui interfuerunt militiæ priscæ, & *cùm hæc ar-
 te & vsu valebant: ij ergo scribunt, quæ componant cum
 bombardis eas, aut anteponant. De impetu, is tantus in
 emissâ peritè fundâ, vt glans sæpè liqueceret in medio
 cursu, concepto igne. Lucretius:

De Armis
iudicium.

Vulgi sen-
su reiecta
vetera.

Nostro, as-
serta &
defensa.

Fundarũ
vso.

Impetu
ad similes
bombardis.

*Nō enim
nunc, cre-
do, tales.

— plumbea verò

Glans etiam longo cursu voluenda liquefit.

Lib. vi.

Ouidius: *Non secus exarsit, quàm cùm Balearica plumbum
 Funda iacit. volat illud, & incandescit eundo,
 Et quos non habuit, sub nubibus inuenit ignes.*

Lucanus: *Inde faces & saxa volant, spatiumque solutæ
 Aëris, & calido liquefactæ pondere glandes.*

Statius: — *arsuras cali per inania glandes.*

Imò idem cum fulmine comparat:

— *volucres imitantur fulgura glandes.*

Poëtis fortasse fidem non habes? Philosophus accedat,
 noster Seneca: *Aëra motus extenuat, & extenuatio ac-
 cendit. Sic liquefit excussa glans fundâ, & attritus aëris
 velut*

Nat. quest.
ii. cap. lvi

velut igne distillat. Et tale in Aristotele alibi scriptum.

*Vis Fun-
da.*

Nec id tamen perdit vim teli, sed sic igneum veniebat in corpus. Virgilius:

Et media aduersi liquefacto tempora plumbo

Diffidit, ac multâ porrectum extendit arenâ.

Vno ictu ecce, interficit. nec miror de Dauide, qui iuuenis & interfunditores, hoc telo immanem Goliathum deiecit. Atque vt semel & plenè vim eius noris, accipe Diodori Siculi ista, de Balearibus: βάλλεσι λίθους πολὺ μείζους τῶν ἄλλων, ὥτως δυνάως, ὥστε δοκεῖν τὸ βληθὲν ἀπὸ τοῦ

*Inftar tor-
menti venit.*

καὶ ἀπέλτε φέρεσθαι: *faciunt lapides* (scis enim & hos, nec solum plumbum fundâ missum) *multo maiores quàm alij, ita intentè & robustè, vt videatur ictus à catapultâ quapiam deferri.* Cum tormento, vt vides, comparat. at-

*Armæ om-
nia tūpit.*

que addit: Τὰς τε θυρεὺς καὶ τὰ κεῖνη καὶ πᾶν σκεπασμένον ὅπλον συντείσσει. Et *scuta, & galeas, & omne armorum tegumentum perfringunt.* Nego, nego bombardis his nostris maiorem vim esse posse, fortasse nec tantam: excipio

*Cursus
eius lon-
ginquus.*

Musquetta quæ vocant. Iam parte vnâ certò vincunt Fundæ, quòd multo longinquius ferantur & lædant. Quæ nostra bombardà vltra *ducentos aut trecentos* pedes tenorem & vim seruat? languescit aut aberrat, si protendis. At fundæ telum ad *sexcentos* pedes vim pertulit & permisit. quod ita in Vegetio clarè scriptum. Sa-

*Lib. II.
cap. XLIII.*

gittarij vel funditores, inquit, scopas hoc est fruticum vel graminum fasces pro signo ponebant, ita vt sexcentos pedes remouerentur à signo, vt sagittis vel certè lapidibus ex fu-

*Vel sagit-
tam supe-
rat.*

stibalo destinatis signum sapius tangerent. Iungit hîc cum sagittis, & spatium vtrisque dat, quòd dixi: at alij ante sagittas etiam ponunt, & longius volunt permeare. In

Lib. VIII.

Strabone leges, μακροβολώτερον τὴν σφαιρόντην τὸ ῥέξον: *longin-*

longinquius iacere fundam, quàm arcum. In Dione: Lib. XLIX.
 σφενδοῖται μακρότερον τῶν ῥῶν ἰόντες, πάντα δὲ τὸν κατάφρακ-
 τὸν ἰχυρῶς ἐλυμαίνοντο: *Funditores longius quàm sagittarij ia-*
culantes, omnes etiam cataphractos ladebant. Hoc ille in
 rebus M. Antonij contra Parthos: quos tamen benè ar-
 matos fuisse constat, & eosdem sagittis scientissimè vñs.
 Sed præualebant tamen iis fundæ. quod & Xenophon Lib. v.
Anabaf.
 δις τὸν ῥόδιον τῶν περσῶν ἐσφενδόνειν, καὶ τῶν πλείων ῥῶν: *Lon-*
gius enim Rhodij quàm Persæ funditores ei aculabantur,
atque adeò quàm plerique sagittariorum. Longè igitur ia- Reçisimè
iacit.
 culantur: an & certò? Omnes adfirmant, præsertim de
 Balearibus, & ab infantiâ didicisse destinatos istos ictus.
 Quinetiam in Bibliis sacris lectum: *Habitatores Gabaa* Lib. Iudæ.
cap. x.
ad septingentos, sic fundis lapides ad certum iecisse, ut capil-
lum quoque possent percutere. De fundis satis, & tu nobis
 credis? AVD. Debeo. quæ frons contra tot talesque re-
 stes? tamen præter fidem opinionemque meam hacte-
 nus id esse, non nego. At terrore nihilominus & sonitu
 Bombardæ vincunt. LIPS. Hoc damus. quid? ut aues
 terreant? Nam veros milites aut sono aut aspectu illo
 igneo motum iri, non opinamur: nisi fortè in nouitate.
 Et sanè existimo, si Romani primò cum nostris confli-
 xissent, terrendos sub initia specie & strepitu fuisse: sed
 sub initia dumtaxat. re perspectâ, futuros qui fuissent.
 Præsertim qui sic armati, scuto proiecto, leues aut vanos
 reddidissent istos ictus. AVD. Quid tamen de maiori-
 bus tormentis? totas legiones nōne prosternimus?
 LIPS. Scilicet ut hodie. & periti narrant, nullam aciem Tormenta
nostra sæ-
pè inutilia.
 vidisse hoc telo solutam. Levis colliculus, agger aut
 margo fossæ interiacens, vim elidit aut directionem ter-
 ribilis

HH

ribilis

ribilis machinamenti. Nota hæc militaribus: & excipio oppugnationes opidorum, plus in speciem quàm in summam belli confert hoc tormentum. Incommoda autem quæ adiuncta, omitto: nec machinas Romanorum parte alterâ oppono aut libro longior sit ille sermo, & aliò reseruatur. Transeo ad Iacula, quæ item eludunt. Atqui bonitas in iis hæc, quòd facillè & citò mitterentur, quòd in omni tempore & loco. Non ita in bombardis. quæ & moram aliquam habent vt impleantur, trepidationem, vt emittantur, impedimentum, à pluuiâ aut quo alio casu. An non & iacula longiùs permeant? Obseruo sagittarum cursui æquari ab Homero; apud quem de se Vlysses:

*Ad libros
11. De
Machinis.
In iaculis
& missilibus
quid
boni.

Longè est.

Odyss. 9.

Δαρείδι δ' ἀκοντίζω, ὅσον ἐκ ἄλλοπαρὲρ οἵσῳ:

Hastâ autem iaculor, quantum vel nemo sagittâ.

Etsi hoc in Vlyssæ dictum, non communiter tamen verum, & præuolabat Sagitta. Quanto? ipse modus expressus in Statio:

Quàm
longè?

Lib. vi.

Quale quater iaculo spatium, ter arundine vincas.

Circum metitur ad ludos & describit. & is fuit tantus, inquit, quantum vel quater iaculo transmittas, vel ter sagittâ. Ergo parte cursus quartâ Sagitta vincebat. & si illa sexcentos pedes ibat, vt vidimus: ista suprà quadringentos. Vt ridere meritò debeam in affirmatione scriptoris Itali, harum rerum tamen periti, qui constanter negat lacertum vllum tam validum vt saxum, aut telum aliud iaciat ad quadraginta passus. Desine homo, & in vulgata tunc re veteribus crede. Atqui Iacula ista vim etiam habuerunt? vidisti in Pilo, de quo * diximus: vis & in alio? Tragula in vsu fuit Hispanis & Gallis, & aliquando Romanis. De eâ sic in Suidâ scriptor aliquis: Κόπας

*Lib. 111.
Cap. pro-
prio.
Vis iaculo-
rum.

ἐχέσας

ἐχέστατ' οὐκ ὅπλῳ ὁ τραγὸς ἐλέγετο, μεθ' ὃ ἔτω βίαν ἀφ' ἑ
 πληγὴν, ὥς ἐν βληθέντι διὰ τε ὃ δώρεται καὶ τὰν πλῶν
 διαπεῖραι καὶ τῇ γῇ προσλαῶσαι: *Cotta utebatur telo quod*
Tragula dicitur. quo ille tam validam plagam infligebat,
uti eo percussum per loricam, per latera, terra velut clauo
affigeret. Per Deum, quæ istæ manus? aut viribus aut pe-
 ritiâ validæ, quam assiduum exercitium dabat. Aliquid
 de Sagittis dicam? & patrum ævo in pretio fuerunt, &
 fortasse non bono consilio prorsus sic omissæ. Reperio
 Parthorum sagittas *arma omnia penetrasse*, in Plutarchi
 Crasso. In Agathiâ Historico, *Aligerni Gothi manu sa-*
gittas emissas, statim totum hominem per scutum & lori-
cam traiecisse. & quod mireris, si in saxum aut aliud quid-
 dam durum fractûque difficile incidissent, totum illud impe-
 tus violentiâ diffregisse. Quæ Procopius de sui ævi Sagit-
 tariis diffusè scribat, apud ipsum, si vis, vide. hoc tantum
 excerpo, *tantâ vi emissam sagittam, ut eî neque thorax ul-*
lus neque scutum posset resistere. Satis de leuibus armis:
 quæ tamen præcipua in nostrâ militiâ sunt: & quàm ra-
 rō aliter pugnatur? Illa pugnam omnem decernunt, ca-
 piunt victoriam statim, aut cedunt. Veræ & statuariæ
 pugnæ tantum nunc leguntur. A v. d. Sed tuo iudicio
 igitur, vetera illa tela meliora, aut vsurpanda? Lips. Meo,
 non spernenda prorsus: imò & quædam assumenda, ac
 cum nostris istis miscenda. Pulchrè & vtiliter fieret, sed
 à præexercitatis. Alioqui tela futilia. Iam grauis arma-
 tura Romanorum, quid dici potest quin optima? Ho-
 mo à capite ad calcem in armis, ipsa crura non intacta:
 & præcipuum munimentum, pediti atque equiti præ-
 grande scutum. Aio vtilius non esse inter arma: sed no-
 stra ignauia an audacia, è militiâ omni eiecit. Vicini ali-

Vis sagit-
tatum.

Lib. r.

Lib. r.
 Bell. Pers.

Leues ple-
raque no-
stra pu-
gnæ.

Panoplia
Romanor-
um.

Scutum
optimum
armorum.

Contrà
hodie.

De Sarissis
iudicium.

Lib. xvii.
vide.

Romani
spreuerūt.

Ob caus-
sas.

quot retinent, vt Pannonij equites, & Turcæ: nos, vt dixi, ignauè remissimus, vel etiam confidenter, quasi vel sic tuti. Nec hîc insisto: video qui nostro æuo de Militiâ scripsere, culpam agnoscere, & hortari ad emendandum. Certè nostri isti plerique omnes inermes, & quid nisi cum Velitari manu componendi? expositi ad ictus, & ideò trepidi, quod natura sui anxia cogit. A v d. Mi doctor, bonæ fidei esto, vt soles. Nostri omnes Velites? quid ergo Hastati aut Sarissophori, quos laudabili Macedonum ritu habemus? LIPS. Paucos habemus, nos quidem Belgæ aut Galli. Plures Hispani, fateor, qui *Hastam* etiam prouerbio appellant, *reginam armorum*: plurimos Heluetij, qui olim hac pugna clari, & veri phalangitæ. Sed & nunc cœperunt rarefcere, & alia arma leuia miscere. Quæ autem nostra hîc sententia? omisi, quia Polybius pro me adfatim dixerat, vbi Romana arma cum Macedonicis ex professo confert. Quid prudentius aut firmitus illo possim? Tamen sententia mea hæc est. Romanos, etsi bonos & faciles bona imitari, non vsurpassè Hastas, imò quas Triarij olim habuerint, sub Marij & Cæsaris æuum omisisse. Causæ. quòd non conueniens hoc telum distinctæ & diuisæ per manipulos aciei. Grande & cohærens debet esse corpus, vbi vim hastæ habeant: sparsæ sunt inutiles. Item. pauci in magno corpore qui habent vtilis: cùm primi modò ordines eas possint exserere, reliqui non nisi nixu & corporibus iuuare. Amplius. immobilis ferè & vniformis est talis acies, in frontem valida: subitò vertere se & stabilire, ægrè potest. Postremò. qui habet eam, vnum modò id telum efficax ferè habet (etsi Macedones tamen iaculatoriam etiam hastam:)& inprimis scutum grandius gestare aut vti

vti aptè non potest. Hæc, & forsan plura, Romani considerauere. & quanquam sæpè phalangis periculum fecissent, atque etiam cum suo interdum periculo (vti Paullus Æmilius scribitur *exhorruisse ad confertam & hastis protentis irruentem phalangem*:) tamè sua pluris fecère, & putarunt in totam rationem belli meliora. Ipsi enim quocumque loco pugnare vtilis, quacumque formâ, à fronte, à lateribus, à tergo: & omnes vtilis, cùm res ferret. Vt in corpore hoc optimum, omnia membra agilia esse & implere suum munus: sic in acie. Enimuero, ait Liuius, *illa phalanx immobilis, & vnius generis; Romana acies distinctior, ex pluribus partibus constans, facilis partienti quacumque opus esset, facilis iungenti*. Adde, quod in locis salebrosis aut inæqualibus, instruere se Romanus potest: phalanx cum fructu vix potest. quæ densitate & connexionem constat: eoquæ si fossa, cliuus, sepes, aut aliud medium sit, facile diducitur, & manipularis illa acies insinuat se per abrupta. Tum actum. Nec tamen negem, nostris moribus & pugnis perutiles esse hastas, præsertim contra equitem, cuius vim & impetum sistunt egregiè aut repellunt. At in Romanâ armaturâ quid opus? cùm Velites in fronte ferè procurrerent, & telis suis equitem arcerent: ac si non ipsi, legionarius facile tardaret aut fugaret coniectis pilis. Graue & efficax hoc telum, & quod singuli duplex gestabant; vt vel incurrentem etiam equitem obiectu scuti maioris, itemque protensione pili alterius facile (vt meus est sensus) refutarent: præsertim firmi sic & densati. Illud quidem certè scio, rarò ab incursum equitis solius Romanam aciem dissipatam, quod hodie est crebrum. An non, in quies, à Parthis? Ita, sed obserua quod *incursum* dixi:

A Plutarcho in Æmilio.

Lib. IX.

Bona tamen in equitem.

Romanis huic rei Pila.

*Imò soli ipsi equitè pellebāt. vt Caesaris pugna cum Pompeio, sex illa cohortes.

HH 3

Parthi

*Conclusio
dissertatiuncula.*

**Is est
Marchi-
auctus.*

*De Acie
iudicium.*

*Romana
adproba.*

*Interualla
laudatissi-
ma.*

*Accessus
& recessus
per ea.*

Parthi autem sagittis eminus ferè obruebant Romanos, in manus aut propius non succedebant. Itaque non proterebant eos, sed lentè conficiebant & vulnerabant, more suo scilicet refugientes & accedentes. Idem Sarissophoris nostris accideret per Bombardarios, si à simili auxilio aut equite destituerentur. De Hastis igitur sic sentio. Romanis non necessarias; nobis haud inutiles esse, nec fore, etiam si Romana in parte arma assumantur. Vidi qui * misceri vellet, & manipulos partim gladiis scutisque instrui, partim Hastis. Ipsi Duces, & vsu callidi, talia vidento. Quartum in Militiâ *Acies.* quam si vndique tutam & compositam in Romanâ instructione dixerò, ratio mihi addicet. In fronte Hastati, imbecilliores; post Principes, robustiores; tum Triarii, robustissimi. vt per gradus fatigaretur hostis. Iam ad latera equites, qui circumueniri vetent aut cingi: & si à fronte hostium equites inuadât, ipsi ab aperto latere eos incurrant. Multa, quæ ex prioribus meis haurire liceat, nec opus repetere: sed illud pulcherrimum, & victoriæ patranda: quòd diuisi per interualla, & in iis aut ante ea Veles. ita vt statarius miles receptui iis sit, & ipsi securè aut definant pugnam, aut resumant. Age, profligata aut inutilis iam omnis Velitum manus: quid mali? Constant ordines: & callido consilio, cum mixti aut inserti iis non sunt, nihil isti putant sibi periisse. Itaque quasi integri pugnam ineunt, animis & corporibus nihil imminuti: denique cum tuto & certo semper recepti in sua interualla. Considerate Duces. magnum hoc arcanum est, fidere militem, pugnare cum spe victoriæ, cedere sine metu ignominia aut periculi, si res cogat. In Romanis ita factum, triplici istâ acie per Hastatos, Principes, & Tri-

& Triarios: qui vltimi, molem totam excipiebant, & sustinebant validis præfidiis fulti. Ibi Duces, ibi Signa præcipua, ibi veteranus miles: & in summâ, ibi Victoria quia Virtus. Abite Turcæ, cum Ianizaris vestris: qui imaginem aliquam vsurpatis militiæ priscæ, sed falsam. vera illa si sit, nos iam non sumus. Nam illud pro certo habeo, si cum nostris istis nouitiis armis vetera iungantur, & simul Ordo & Acies: orbis vetus & nouus eat breui sub vnus leges. Sed diuina illa dispositio supra nostram est, & aut non dici hæc vult aut non credi, cum intempestiuum. O arcanum verè cæleste! quod suspicamur magis homines, quàm intellegimus, & quod mirâ temperie mundum hunc gubernas! Frænas impios, aut prouehis: & bonos attollis, deiicis, vt ad te aut à te iuerunt. Non pando pennas propiùs ad hunc Solem, ne liquecam aut amburam: sed libero ore clamo, qui gloriam aut imperium vult, flectendum ad antiqua. Enimuerò si nostri isti Leues (Bombardarios sic appello) mixti per manipulos & ante manipulos grauium sint, cum interuallis & receptu: id quæ contra equitem, contra grauiorem peditem: quæ acies inuadat, imò quæ resistat? Nam nostri aptissimi sic impetere, & resilire ad iterum impetendum: quæ omnia tamen consuetudine & longo exercitio facienda sunt, ne in re turbent. Vos, vos appello Duces, me vera dicere: per Fidem imitamini, sed contra eos, qui oppugnant Fidem. Iam in particulari instructione multa sunt, sed gustum dare potuimus, præcepta non potuimus, & pendent ab ingenio verè Martiali, id est igneo & excelso. Qui capit, capiat; qui non, succumbat & vapulet. Illud moneo, Stratagematum hîc latum campum esse: & non aliâ re plures victorias aut trophæa parta.

*Temperanda militiæ
viraque.*

*Prouidētia
hec dirigit.*

*Mixtio
vtriusque
armaturæ.*

*Stratagemata præcipua ad
victoriam.*

parta. Quidquid inopinatum est, hostem turbat: modò tale sit, vt non tuos turbet. Ea sit cautio: nec quælibet inuentiuncula fructuosa statim aut efficax est, sed cui circumspectio & lustratio adiuncta. Argum esse oportet, qui Dux est, in tergo, in fronte, in capite, in pedibus oculos habere: & tamen omnia facilia dispositu, vbi semel proba communis illa dispositio præcessit. Da cohortes, da manipulos, sic subditos, sic dissitos, sic solitos iungi aut disiungi: præstabo tibi in omni occasione velut corpus Aciei, quale tu aut res volet. Vltimum,

*De Disci-
plinâ iudi-
cium.*

Id dilatū.

*Disciplina
necessitas.*

Disciplina. Me miserum, quid componam! vtinam color aut species sit, quâ possim! Sed qualisqualis illa veterum; hodie nulla est, & fatebuntur ipsi qui Militiæ se dederunt. O pudor, ô dedecus! Barbari & Scythæ hac parte nos superant, & leges aliquas habent, nos nullas. Quid ergo comparem? Disciplinam Romanam laudem, aut suadeam? illa verò non bona, sed optima est, quot fuerunt, quot erunt: data diuinitus in exemplum. Conueniant & confideant aliquot sapientes, mente & scripto non concipient pleniorē, meliorem. Hanc igitur suadeo? vt nostri mores & homines sunt, vix ausim. satis, si vniuersè Disciplinam aliquam, sine quâ Militiæ non dicam bonitas aut felicitas non constat, sed vix nomen. Latrocinia ista sunt, quæ sine lege, iure, modo exercentur: nec velim appellare equidem talia hæc nostra (nec debeo, caussa cum bona est:) sed bonâ fide, lineam eorum tangunt. Medêre, medêre tu aliquis Princeps, tu qui in animo mihi es, quem magnum & ad magna genuit Deus. Exemplo aliis præi, qui opibus præes. Nec plura de Disciplinâ, in quâ perdidiſſe me cenſeo hæc pauca ipsa verba. A v d. Siccine desperas? an ars hæc tua est,

est, vt sermonem facias compendi? Quin tu exsequere, de effectu in aliorum manu esto. LIPS. Quid si offendam, aut vapulem? tu succidaneum tuum tergum dabis?

A VD. * *Δέδιας δέος α' δέος*, vt cum Græcis hoc dicam. Noui modestiam & prouidentiam tuam. Denique esto, aliquid quod improbetur dixeris: quis mali consilij poenas

*Times
in anem
timorem.

vmquam luit, si ipse non malus? Fides vbi constat, caligo & imbecillitas ingenij excusanda sunt. LIPS. Impellis, permittam me vel cum metu lapsus. Tres igitur partes fecimus Disciplinæ veteris, *Munia, Exercitia, Leges.*

Resumptū
hoc iudi-
cium.

Singulæ videndæ sunt, & siquid in iis nobis boni. *Munia* sunt, *Excubie, Ministeria, Opera*, & hæc quæ diffusè sum exsecutus. Et de *excubiis* quidem, aliqua nec improba apud nos species: credo tamen quædam meliora aut tutiora olim fuisse. Vt de Stationibus ante portas, vt de Tesseris, de Circuitione assiduâ, de interpolatis Vigiliis & discrimine horarum: & talia, quæ industrius Dux animaduertat & *excerpat. *Ministeria* aut cessant apud

Imitanda
quædam in
excubiis
viriisque.

nos, aut voluntaria sunt, & sine lege. Tamen decorè (quis neget?) Tribunis & Ducibus talia quædam præstentur, sine incommodo aut vexatione militum, cùm res it in orbem. At *Opera* præcipua & vtilissima, imò necessaria pars, nec ad victoriam solùm, sed ad salutem. Castrorum tamen munitio cur tota omiſsa est? aperti

*Ex iisque
prædicta.
Ministeria
commen-
data.

Opera
maximè.

confidemus, & sine certo ordine: ac siquando cautiorebus esse visum est, *Carrago* vsurpatur re & voce Barbarorum. At vide mihi illa Romana castra sic digesta, sic composita: quàm pulchra aspectui, apta vsui, tuta ab incursu omni & vi hostili? Quot exercitus nostri aut alieni, per hanc incuriam cæsi aut fugati sunt? & iam nunc pulcherrimus ille ad Danubium, cùm inopinato trans-

Castra
munienda.

Obiectiu-
cula no-
strorum.

Opinio vi-
tutis de-
prehenda.

Homoper-
tinax, aut
satus.

Utilitas
operum.

*Decipias,
palis fixis,
vallo caeco
structo,
aut talibus.

itu superuenisset immanis ille hostis. Dic sodes, si Ro-
mana ibi castra & custodiae, haec euenissent? Atqui non
lubet, imò pudet, operariis esse. Miles manum ad ligo-
nem? ignominia sit, apage, mercede conducantur qui id
praestent. Haec voces: & quorum? credas regali stemmate
& opibus esse; tamen inspice, mendicabula ferè homi-
num sunt, quos inopia & desperatio ad militiam rede-
git. Homuncio, te pudeat facere, quod tot inclyti olim
viri, imò Senatores? Opiniuncula est quâ ignauiam suam
tegunt, depellenda vnâ admonitiunculâ Principis aut
edicto. Nemo turpe habebit, quod in commune fiet,
quod à melioribus fiet, & interdum à Ducibus ipsis in
exemplum. Polybius mihi in mente est, qui alibi scri-
psit, *Hominem censeri prudentissimum animalium, at sibi
stultissimum videri.* quid ita? Nam ceterae animantes vbi
semel offenderint, cauent; non vulpes ad laqueum, lu-
pus ad foueam, canis ad fustem temerè redibunt: solus
homo ab æuo in æuum peccat ferè in iisdem. Ad nos &
nostra haec nunc accomodem. quæ clarior quàm ope-
rum haec utilitas? quid magis expositum in scriptis & li-
bris? Neglegimus, & salutem abiicere malumus, quàm
opinationem. Atqui ea ipsa Opera, quàm extra castra
utilia etiam sunt? ad oppugnandū è tuto, contra nostra
haec Tormenta vnicum remedium & certum. Ad opida
ipsa claudenda, ad hostem à nobis, ab illis arcendum,
Opera eximia sunt, & quibus praestes quod nec magnâ
manu militari. Iam in ipsâ Acie iis locus. vel vt parte ali-
quâ subito munias te contra hostem, vel vt ipsum * in-
ducas, aut te subducas. Fossas à Sullâ contra Mithridatis
copias & amplissimum equitatum subito ductas leges,
ne circumueniri posset: & simile à Cæsare in aliâ occa-
sione

sione aut re factum. Quid verbis opus? Domitij Corbulonis dictum res probabit: *Dolabra* (id est operibus) *vincendum hostem esse*. Vtinam animus sit experiundi, & militem leuiter huc ducendi, nec alij alienæ ignauie exemplo peccemus! Sed alterum in Disciplinâ, *Exercitium*: Exercitij hodie neglectus. id quoque neglectum nobis. Vbi campidoctores nostri sunt? vbi cottidianæ meditationes armorum? Quin cùm nemo artem profiteatur quam non didicerit; sola hæc militaris est, quam vnâ sumere & scire se arbitrantur. Tympanum sonuit, concurrunt: nomen apud scribam professi sunt, in veste aliquid mutant, ferocius incidunt, bacchantur, potitant: ecce iam miles. Hæc ridenda, an miseranda sunt? sed fiunt. Ito, ito, qui sapis, ad illos veteres, & eorum exemplo milites tuos in omni genere armorum forma. & assiduò forma. *Neque enim*, vt ait Vegetius, *longitudo ætatis, aut annorum numerus, artem bellicam tradit, sed continua exercitationis meditatio. Post quanta volueris stipendiâ, in exercitatus miles semper est tiro.* Vltimum, *Leges*. Adeste mei Duces, date vestras: examinem paullum cuiusmodi sint, & componam cum Romanis. Quid mussatis? an nullæ, an paucae sunt? illæ ipsæ quæ sunt, irritæ & pro nullis? Profectò ita viuuntur: libido pro lege est, — *iurisque locum sibi vindicantis*. Furta quis hodie punit? imò quis raptus? imò quis cædes? Nam stupra & adulteria, iam inter facinora militaria censentur, & quæ poscant aliquam coronam. Scilicet de abstinentiâ aut frugalitate in victu agam: exercitis linguis irridebor. de iuramento aut periurio: manibus propellar. O pudor, ô honos, quò iuistis! quàm exsules facti estis militiæ pleræque in Europâ! Iterum testor, querela aut accusatio mea in bonos non conuenit: At cottidie vsurpandum. De Legibus iudicium. Nobis pauca, & vana. Scelera impunita. Temperies meo scripto.

Romani
boni &
modesti.

Vox vulgi
reiecta.

Virtus vo-
lenti facilis.

Ratio ad-
servandi
stipendia.
Lib. II.
cap. XX.

Dupliciter
vitiis.

Iphicratis
factum.
Lib. III.

gaudeant hæc dici, qui non sunt tales. Vos flagitia ho-
minum insequor, vos maculæ & vibices generosi Mar-
tis: qui scelerum confugium & asylum bella habetis.
Quàm aliter apud Romanos nostros, satis dixi. vbi Iu-
stitia, Castitas, Innocentia habitabat in castris: & nus-
quam violenti aut feroces, nisi in hostem, erant. Non de-
duco quæ in recenti memoriâ habes: sed profectò sunt
talìa, quæ in animo suo tacitus laudet, qui linguâ etiam
culpet. Quis tamen ille furiosus, qui vel hoc ausit? Non
dicunt. sed abiisse illa tempora, alios mores aliud hoc æ-
uum velle. O boni & suaues! quasi alij nunc homines,
aut alia quæ gubernet ratio: & non omni ævo iustum,
iustum sit, tale iniustum. Nempe ad difficilia vocantur.
abstinere à vi & vitiis; manus in hostes, non in ciues
vertere; vires non Veneri sed Marti reseruare: denique
stipendia sua non prodigere, aleâ, pene, ventre. De qui-
bus sanè Stipendiis incidit opportunè hîc monendum.
veteribus cautionem fuisse, ne tota ea essent in manu
militari. sed, vt ait Vegetius, *diuinitus hoc institutum, vt*
dimidia pars sequestraretur apud Signa, & ibidem ipsis
militibus seruaretur, ne per luxum aut inanium rerum com-
parationem à contubernalibus posset absumi. O verè præ-
clarum, & vt ipse vult, diuinum institutum! cum dupli-
ci, eoquæ aperto fructu. vt & continentior astrictiorquæ
miles esset, minùs in lasciuiam, epulas, & denique tur-
bas pronus: & vt maiore animo pro Signis suis dimiceret,
more humani ingenij, ait idem scriptor, *vt pro illis habeat*
maximam curam, in quibus suam videt positam esse sub-
stantiam. Quod equidem à Græco etiam Imperatore
vsurpatum video, Iphicrate. De illo Polyænus: *Εν τῇ δ' ὁ-
σεῖ ἡ μὲν ἑκάστη ἑκάστον μῆνα ὑπαίρων ἡ τεταρτὸν μέσθ', ὡς αἰετ
ἐνέχεον.*

ὁνέχου ἐκάστου κατέχων, ἵνα μὴ λίποιεν τὸ στρατόπεδον, ἕως
 ἄρα καὶ πολλὰς εἶχεν αἰὲς οὐ στρατονομῶν καὶ ἀπόρου: *In*
mercedis ac stipendij solutione, quoq; mense subducens quar-
tam partem, velut pignus militum retinebat, ne facile dese-
rerent exercitum. atque ita & multos semper frequentesque
habuit milites, & eosdem diuites. Quis non videt hoc
 etiam in solutis istis moribus posse, aut potius debere
 fieri? cū alioqui miles, velut per gloriam prodigus,
 post quantavis stipendia pauper & egenus semper est?
 imò, nisi raptō viuatur, victus diurni expers? Talia atque
 alia quàm facile, quàm laudabile imitari, si mens altior
 nobis sit, & vt poëta loquitur, *incoctum generoso pectus*
honesto? Iam *Premia & Pœna* notum est quàm excitent,
 aut reprimant: per malam secordiam & indulgentiam
 omnia nunc omissa. Præmia Promotionum si repetan-
 tur, bonum mirificè sit, & sine ærarij vllo sumptu. Ea
 dico, cū miles gradatim per virtutem ascendit, & in
 ipsis ordinibus Centurionum (id enim quoque debet)
 est discrimen. Exiguū aliquod lucellum ad hos locos
 adiunctum, quàm inferiores milites inflammet? ista per-
 ueniendi spes, quàm multos trahat ad militiam, & in eā
 libentes teneat? Denique ipsæ coronæ, aut torques, & à
 me singillatim dicta, cum laudationibus publicis, inge-
 nuos animos non ad discrimina solum impellant sed ad
 ipsas mortes. Pœnas tamen etiam adiungo. Virtus as-
 surgere non potest, vbi vitium libero passu comitatur:
 & absciso ac seверо castigationis genere turba militaris
 coërcenda. Vnde tot rebelliones hodie ac tumultus? mi-
 næ aut arma in suos duces? ab impunitate & licentiâ:
 & quamquam aliæ causæ prætexantur, istæ veræ & in-
 timæ sunt. Coërceantur, & vno verbo, plus ducem
 suum

De Præ-
miis &
Pœnis.
Promotio
reuoçada.

Insignia
virtutis
vsurpāda.

Pœna in-
primis.

Licentia
militiæ
corruptiæ.

*Finis com-
parationis,
etiam ser-
monia.*

** Exorere
o care Sol.*

** Non pu-
to, sed scio.*

suum miles timeat quàm hostem. Satis composui, præ-
fertim tam inæqualia. iterùm hortor, vt adsumantur?
quem? vtinam adsit & audiat, cuius interest, quem ani-
mi istis oculis iamdiu designo. Sed in cælesti Prouiden-
tiâ hoc est: audiat non audiat, Ius Fasque hæc audiet, &
comprobabit in iis qui facient, vindicabit qui contem-
nent. At ecce mea domus, intro, & iam spatium omne
de Militiâ decurri. Non quin aliquid supersit dicen-
dum alibi, sed in FACE HISTORICA, si Deus volet, hoc
fiet. Omnia simul, nec potuit, nec oportuit, vitandæ
confusioni. A VD. O illa Fax quando lucebis! * ἔξεχ' ὦ
φίλε ἥλιε. LIPS. Breui. & si non toto vultu & corpore,
at per partes & velut radios emicabit. Sed quod dice-
bam, *De militiâ ad Polybium* iam decurri: in quo sale-
bras aut cliuos complures fuisse, vt cum Platone loquar;
* ἐκ οἴμα ἀλλ' ὅτι οἶδα. Si peruasî aut complanaui plera-
que, gratia mihi esto: si quædam minimè, venia. & illud
vetus cogitetur,

Καλὸς θεόκευτ' ἐμὸν ἀνθρώπων ὄρα:

Pulcher Theocritus solus hominum non videt:

Sed nec omnia videt. & ideò si quis post me aliquid (nec
dubito) moneat, vel ipse diuulget. Nihil æmulor aut in-
uideo, imò vltro excito & adhortor. Quid sibi volunt
ij, qui velut locum in balneis, sic scriptorem aliquem
occupant? iniuriam suam putant, ab alio tangi? Abite.
mihi alia mens: & quicumque es, doce, dirige, corrige,
audis auribus & supinis manibus accipiam facientem.
Liuor tantùm aut conuicia absint, ad quæ ferri video
hodie scribentium mentes. Pudet, pudet, & Senecam
nostrum sæpè ruminor, qui dictum hoc protulit, *Post-
quam docti prodierunt, boni esse desierunt*: hætenus di-
ctum,

Atum, vereor vt mox oraculum, vti sunt mores. At ipsi viderint. ego de me testor, pacis mihi ingenium esse, & cum Hesiodo,

Μηδὲ κακῶν ἐτάρων μηδ' ἐδδλῶν νικητῆρα:

Non certatorem sociis prauisue bonisue:

& in hoc ipso sermone bellico, nihil tamen spirare bellicum. Tu Deus, qui Pax & Amor es, da consentire & conspirare in commune bonum; da te, virtutes, honesta studia amare; & hæc iuuare pro viribus & copiâ, quam dedisti aut dabis. Nos quid sumus? humiles, imò humus: tu super omnes, tu omnia; & à te, quidquid boni est, Summo bono. Hoc ama, me dilige mi AVDITOR, & vale. AVD. O tu quoque longum mi doctor, mi parens, nec aliter te appellem.

B R E V I A R I V M

L I B R I V L T I M I.

DISCIPLINÆ sedes sunt { CASTRA. Ea disposita, & dimensa:
Prætoris, Quæstoris, Legatorum, Tribunorum, & Militum
metatura.
Valli & Portarum descriptio, & enumeratio.

Partes sunt { MVNIA. quæ continent Ministeria, Excubias, Circuitio-
nes, & alia in castris.
EXERCITIA. quæ sunt Oneris, vt in Agmine (& per
occasionem Agmen descriptum:) aut Operis, aut deni-
que Armorum.
LEGES. quæ variae sunt. nos è Polybio explicauimus eas
quæ tangunt Furta, Stipendia, Præmia, Pœnas,
Misionem.

In clausulâ, Comparata militia nostra cum prisca.

F I N I S.

256



257
IVSTI LIPSI
ANALECTA

siue
OBSERVATIONES
RELIQVÆ AD
MILITIAM ET HOSCE
LIBROS.



ANTVERPIÆ,
EX OFFICINA PLANTINIANA,
Apud Viduam, & Ioannem Moretum.

M. D. XCV.

Cum Privilegiis Casareo & Regio.

258

THE HISTORY OF THE
AMERICAN PEOPLE

OF THE
AMERICAN PEOPLE
AND
THEIR HISTORY

THE HISTORY OF THE
AMERICAN PEOPLE
AND
THEIR HISTORY

THE HISTORY OF THE
AMERICAN PEOPLE
AND
THEIR HISTORY

AD LECTOREM.



DIVINXIMVS etiam, Lector, reliqua
 Observationum quædam, & vt verè
 appellamus, ANALECTA. Cur autem
 recolligo? cur non in Opere ipso dedi?
 Causæ sunt, quas boni æquique con-
 sules, quisquis estalis. Primùm, verebar ne nimis à re
 interdum abirem, aut certè diutius in eâ sisterem; si
 quidquid eò facit, concinnarem. Polybius quæ non
 tetigit, aut quibus ansam non dedit vt apprehende-
 rem, passus sum abire paullulum, mox reprehenden-
 da. Ordo etiam ita visus melior, nec in omni occa-
 sione mens abducenda lectoris. Fit cum noxâ eius,
 adeò non cum fructu. & vt oculus qui variè se infle-
 cit, intentè nihil videt: sic mens, quæ auocatur.
 Denique & tertio, curiosa quibusdam quædam ex his
 visum iri censebam, & velut *πάρεργα*. qui igitur sic
 affecti, prioribus illis contenti, ad hæc ne veniant: &
 qui aliter, quibusque cupido est scitè aliquid scire, leui
 diuerticulo huc deflectant. An & quartam causam
 addam à meâ fortassis incuriâ? prodam, nec dissimu-
 labo. quædam mihi ex dictis illustranda magis visâ,
 quædam firmanda, fortasse & alibi adducenda & re-
 stringenda. Ea omnia decorè mihi facturus videbar
 in hoc adtextu. Siquid etiam nunc neglexi, aut non
 correxi: veniam da, quisquis memor es tuæ & meæ
 conditionis. Quid ambo sumus? homines, id est
 labi faciles. quid ego seorsim? æger, & in decen-
 nali amplius languore. Ah, quoties per eum in cali-
 gine

K K 2

gine

gine esse me sentio, & velut nube? quàm quæ volo,
non volo; quæ possum, non possum? Sed prorsus, vt
ij qui vincti & impediti sunt, membra habent ad
vsum, nec vtuntur: sic mens, lingua, stilus, adstricta
ad morbi hanc catenam. Solue me eâ Deus, cùm
tibi visum: aut his totis vinculis solue, si visum; vt li-
ber & solutus te, apud te, fruam, in æternâ illâ luce de-
spector aut irrisor eorum quæ nunc miramur. Interea
dum hoc fit, in statione maneo, & nec saucius eam
desero: vt si manu & operâ haud multum, animo ta-
men iuuem & exemplo. Interpretare sic Lector, &
hæc accipe, quædam etiam eius generis opportunè in
FACE nostrâ habiturus.



IUSTI

I V S T I L I P S I
 A N A L E C T A
 siue
 O B S E R V A T I O N E S
 L I B . I . D I A L . I I .



D E *Dilectu*.] *Dilectus* Græcis est, στρατολογία, itemque κατά-
 λογος, & καταγραφή. Dicunt passim καταλογον ποιῆσαι, κα-
 ταγραφὴν ποιῆσαι: *legere militem*, *scribere militem*: sicut & Ro-
 mani. De scripturâ ideò, quia sic lecti in tabulas & codices
 referebantur, ut memoria nominum & stipendiorum publi-
 cè exstaret. Itaque κατάλογος etiam pro ipso tali indice. ut in Suidâ: Κα-
 τάλωγος, ὁ πῖναξ ἐφ' ᾧ ἐνέγραφον τῶν στρατευομένων τὰ ὀνόματα: *Catalogus*, li-
 ber aut brevis, in quo militantium nomina scribebant. Dio Cassius peculiari
 quodam sensu usurpat, pro civilibus tantum & legionariis copiis. ut li-
 bro L I I. ἐκατοντάρχης ἐν τῷ καταλόγῳ: *Centurio* è *catalogo*, siue è *legione*.
 Iterum libro L V. ταπεινὴ τῶν ἐν τῷ καταλόγῳ στρατευομένων: *legiones eo-*
rum qui ex catalogo & dilectu militanti. Opponit auxilii, & copiis non per-
 petuis ac firmis. Tertiò idem, libro x L. de Crasso Diuite: quem scribit ut
 pauperes miserari solitum, τὰς μὴ δυναμένους στρατόπεδον καταλόγῳ ὀικεθῆν θρέ-
 ζειν: eos qui non possent legionem catalogi à se & domesticis copiis alere. Quod
 dictum Plinio effertur, libro xxxiii. cap. x. *M. Crassus* negabat locuple-
 tem esse, nisi qui redditu annuo legionem tueri posset. Haud dissimiliter in Ba-
 filio, de quadraginta martyribus: Εἰς τὰς στρατιωτικὰς ἐνάχθησαν καταλό-
 γος: *In militares legiones relati sunt*. Eoque sensu reperies in Iustiniani No-
 uellis. Vox etiam alia huic rei, ævo illo sequenti, *Adnumium*, vel *Adnu-*
mius. In Suidâ: Ἀννέμιος, ἀπογραφὴ ὀνομάτων παρὰ Ῥωμαίοις· οἱ δὲ ἀδνεμίον
 φασί: *Annumius*, descriptio nominum apud Romanos; alij autem *Adnumium*
 dicunt. Est in Cedreno ea vox, rebus Iohannis Comneni: & interpretes vir
 industrius & doctus fatetur ignorare quid vocis esset. Est & in Leone,
 Cap. v I. *Tempore roga & adnomij*, id est descriptio nominum. Sed ne dis-
 simulem, non tam in *Dilectu* fortasse locum habet, quàm in recensu &
 adnumeratione militum sub tempus stipendij aut largitionis. Ad hanc
 ipsam rem reperies, *Pittacia*, *Breues*, *Laterculum*, *Matriculam*. Sicut au-
 tem scribebantur iam milites, ita debebantur non milites & reiecti. Plau-
 tus aspexit:

Pulchrè miles centuriatus ibit expuncto in manipulo.

Et explicabit Scholiastes vetus in hoc Persij: *Proximus expungam*.] Tra-
 ctum à militibus, qui expuncti dicuntur, dum foras à militiâ emittuntur.
 Solent & mortuos ibi notare, & Theta suum adfigere. Ruffinus in Hiero-
 nymum: *Quod tale esset, quale si quis accepto breviculo in quo militum nomina*

KK 3

continen-

continentur, nitatur inspicere quanti ex militibus supersint, quanti in bello ceciderint: & requirens, qui inspicere missus est, propriam notam, verbi causâ, ut dici solet, *S. ad uniuscuiusque defuncti nomen adscribat, & propriâ rursus notâ superstitem signet.*

Pagina 14.
linea 28.

„ *Tenuiores ad militiam non vocari.*] De bonâ illâ & compositâ rep. verum est: etsi postea remissum. Adeo, ut non libertini solum, sed serui etiam adscripti; sed ferè per ciuilia bella, cum Virtus & Honos ius suum ægrè seruant. Exemplum tamen ab æuo Annibalis, cum necessitas id expressit. Tunc enim non solum octo millia seruorum in militiam empta, quod Liuius aliq̃ue produnt: sed etiam pastores aliquot ferociores in equites adsumpti. Docet Valerius (quod alij silent) libro VII. *Ex Apuliâ quoque & Fidiculis septuaginta atque ducenti ad supplementum equitatus sunt empti.* Atque hospitos statim appellat à pastoralibus casis collecta mancipia. Sanè multi in Apuliâ & feroces pastores ac Pompeius etiam bello in Cæsarem, eodem illo tractu, *seruos pastores armat, atque his equos adtribuit:* quod ita in Cæsare scriptum Ciuiilium primo. Repetit & occultè obicit idem Commentario tertio: cum in equitibus Pompeij recenset octingentos, quos ex seruis suis pastorumque suorum cœgerat. Qui tamen locus vitij suspectus: nec pastorum serui conscripti videntur (id verò vile & ridiculum, seruorum seruos) sed ipsi pastores. Itaque vide num scribendum: quos ex seruitiis pastoribusque suorum cœgerat. Ita in eodem Cæsare, libro eodem, *M. Calius Milonem in Thurinum, ad sollicitandos pastores, misit.* Ita & Domitius colonis pastoribusque, quos secum adduxerat, naues *Masiliensium complet,* Commentario primo.

DIALOG. III.

Pagina 22.
linea 21.

„ *L. Atius Tribunus primus.*] Per honorem ita dicitur, qui crescit, si *Primus in Legione primâ.* Est in Festo: *Primanus Tribunus, qui primæ legionis tributum scribebat.* Sed non de istis legionum, ne erres: de Tribunis æariis id capiendum.

DIALOG. VII.

Pagina 49.
linea 18.

„ *Eorum vicem Auxilia fuisse, quæ variis gentibus solent imperare.*] Plenæ huius rei Principum historiæ, & *Socias cohortes Hispanorum, Germanorum, Tungrorum, Bataurorum,* aliarum gentium, ubique leges. Creberrimè item, *Auxiliares, & Auxilia.* Isti verò omnes è prouincialibus, & certis quibusdam bellicosissq̃ue gentibus, non aliud loco tributum, quàm militiam & viros imperabant: quod de Batauis scriptum Tacitus reliquit. Sed alij diffusiores populi & ditiores, utrumque sæpè dabant, & Pecuniam & Militem: adeoque robur in his & numerus, ut idem Tacitus audeat dicere: *Nihil validum in exercitibus, nisi quod externum.* Sed & alibi idem scribit: *Prouinciarum sanguine prouincias vincit.* Etsi autem miles è subditis, non tamen dilectu eorum aut arbitrio capiendus. Romani, Centuriones aut tales aliquos peritos legendi, mittebant: qui sæpè vsui suo & compendio, magis quàm publico seruebant. Tacitus fraudes & quæstû hac in re indicat, & inter causas ponit rebellionis Batauicæ: *Iussu Vitellij Bataurorum inuentus ad dile-*

ad dilectum vocabatur. quem suapte naturâ granem, onerabant ministri auaritiâ ac luxu: senes aut inualidos conquirendo, quos pretio dimitterent; rursus impuberes, sed formâ conspicui (& est plerisque procera pueritia) ad stuprum trahabantur. Sed &, cum hæc aberant, dilectus ille per se grauis. quod iidem Bataui ibi apud Tacitum effantur: *Instare dilectum, quo liberi à parentibus, fratres à fratribus, velut supremum diuidantur.* Trahebantur enim in diuersas terras, vt magnitudo imperij erat; atque illic longâ militiâ ferè consumebantur. Galgacus Britannorum Dux apud Tacitum, inter grauissima Romani dominij ponit: *Liberos cuique ac propinquos suos naturâ carissimos esse voluit; hi per dilectus alibi seruiiuri auferuntur.*

„ *Habuisse eos proprios suos Tribunos ararios.*] Tangit hoc Cicero, cum Verri obiicit quæstum eum fecisse in classe contra prædones comparandâ: & ait, cum antiquitus institutum esset, vt ipsi socij pecuniam hanc tractarent; eum ad se transtulisse, & prædatum esse. Verba sunt quinto in Verrem: *Cognoscite nunc nouam prædandi rationem, ab hoc primum excogitam. Sumptum omnem in classem frumento, stipendio, ceterisque rebus, nauarcho suo quæq; ciuitas dare solebat. is neque vt accusaretur à nautis committere audebat, & ciuibz suis rationem referre debebat. Erat hoc, vt dico, factitatum semper, nec solum in Sicilia, sed in omnibus prouinciis, etiam in Sociorû & Latinorum stipendio ac sumptu, tum cum illorum auxiliis uti solebamus. Postrema huc propriè faciunt, & notabis inibi Socios iam ante Ciceronem delisse.*

Pagina 51.
linea 17.

DIALOG. VIII.

„ *Ex beneficiariis superiorum exercituum.*] Cæsaris verba sunt; & dat intellegi plerosque Euocatorum è *Beneficiariis* solere esse. Quod hoc genus? eorum qui beneficio Imperatoris ad gradus aut commoda promoti. de quibus & Suetonius Tiberij cap. xii. *Venit in suspicionem per quosdam beneficij sui Centuriones.* Vegetius lib. ii. cap. vii. *Beneficiarij ab eo appellati, quod promouentur beneficio Tribunorum.* In lapidibus priscis: *BENEF. TRIBVN.* Meminit Cicero libro v. epist. xx. & ostendit etiam in pecuniâ Beneficia hæc fuisse. de quibus & in Synodo Nicænâ, can. xviii. *damnantur ij, qui militiam & zonas deponentes, postea ad vomitum redeunt,* οἱ βενεφικιοὶ κατὰ τὸ αὐτὸ τὸ ἀνασπαρέναι: *vt beneficiis felicius militiam resumant & instaurent.* Festus aliter explicat: quem in voce eâ vide.

Pagina 54.
linea 16.

DIALOG. IX.

„ *Suspicio tamen nomen Imperatoris.*] Imò iam pænè scio. Is qui orationem funebrem scripsit (D. Ambrosium auctorem faciunt) Valentiniano Imperatori: *Charactere domini inscribuntur & seruii, & nomine Imperatoris signantur milites.* Duplex ritus. & de seruis, qui compungi solent dominico nomine, vt agnoscerentur; & de militibus, qui præferre Imperatorem. Locus hic in scidis meis delitescens commodum se nunc obtulit.

„ *Nomen Imperatoris in statuis.*] Nolui ego sic esse, & scripseram *scutis.* Id enim exemplum huc facit, non de Statuis. Infrâ de hoc ritu dicam, in Scutis.

Pagina 59.
linea vlt.

Pagina 60.
linea 10.

A N A-

ANALECTA

LIB. II. DIAL. II.

Pagina 70. „ *Et si raro tamen in agmine aut acie sic incessere.*] Id verum est, & in agmine ferè præmitti solent ad incerta aut occulta viarum exploranda. In acie quoque aliter locari, & abiungi à grauioribus, in loco dictum. Sed addo, distributionem hanc, de quâ Polybius, videri ad Cohortes maximè pertinere: in quas certum est Velites fuisse relatos *centum viginti*: id est ter quadraginta, quot in singulis manipulis colligimus fuisse. Cohors igitur si alibi in præsidio, aut diuisa, habuit suos Velites, & huic rei adtributio illa seruiit.

Pagina 71. „ *Ab eo quòd iunctis manibus pariter dimicabant.*] Hinc aliquis colligat, in acie steterisse ferè per Decurias in quâque centuriâ: & quia tales in vno contubernio etiam erant, Vegetius voluit *Manipulum* ab eâ ratione simul pugnandi dictum. Et si de etymò tamen aliter est, sed res notetur.

DIALOG. III.

Pagina 75. „ *Et si habuit suas causas.*] Suspicionem, quæ dominantibus ferè innata: & ne turbare Latini possent, putauit Tarquinius melius misceri eos ac confundi cum Romanis. Posterius aliter.

Pagina 76. „ *Vt in vno Ordine duo sint Centuriones.*] Id nego factum; & rectè, si pro more & vero loquaris. Cùm tamen in omnia me verso, nequid frustra aut temerè mutem; succurrit posse excusari fortassis, si Optiones etiam & Succenturiones venire velimus in hoc principale nomen. Fecisse videtur Liuius lib. x. *Quattuor Centuriones manipulumque hastatorum armillis aureisque coronis donauit, quia primi portam murumque Aquilonie ceperant.* Vnius enim manipuli facinus hoc facit, nec credo admixtos Centuriones ex aliis fuisse. Et si nec argumentum, nec numerus fortasse, satis certa.

DIALOG. V.

Pagina 85. „ *Legio.*] Quæ variis nominibus Græcis Latinisque etiam postmodum dicta. Græci veteres, *στράτοπεδον*, *στράτευμα*, & creberrimè *τάγμα* dixerunt: nouelli etiam *δέμα*, scilicet quòd in loco & limite certo solent poni. In Glossis illis bonis: *Legio*, *τάξις*, *δέμα*. In Cedreno *δεματικοί*, ipsi Legionarij: & Constantini Porphyrogenetæ libellus est titulo, *περὶ θεμάτων*, de Legionibus, vt illo æuo erant. Produxit Cedrenus etiam ad equites, & *δέματα καβαλλαρικά* in eo sunt *Equitum ala*. Idem Græci dixere & *τέλος*: vt Plutarchus & Appianus. quo sensu fortasse Dio (verba dedi in Transvectione equitum, libro primo) *ἰππεῖς ἐκ τῆς τέλους*: *legionarij aut ordinarij equites*: etsi paullo aliter id fuit. Reperio & *τεῖχος*, pro legione: nec audiam viros doctos qui vertunt in *τέλος*. Ita enim Dio lib. lxxiii. post recensum legionum: *Τοσαῦτα τεῖχη τῶν ἐκ καταλόγου στρατευομένων*: *Tot legiones sunt,*

sunt, quæ ex ordinario catalogo & dilectu militant. Iterum idem in Eclogis, quas vulgavit vtiliter Fulvius Ursinus, Eclogâ ultimâ: τὴ τέταρτῃ τῆ σκυ-
Sixτῇ τῇ ἑστέῃ: legionis quartæ, cognomento Scythica. Et infra: πολεμικώτατον τῇ-
χος: bellicosissima legio. Cur verò abhorream? nam & Latini posteriores
Morum sic vsurparunt. Vegetius: Antiquos morum dixisse pedestrem exerci-
tum: & alibi in eodem. Notabis & Numeros pro legionibus, quod exem-
plis ad Tacitum firman. Item Ordines: imitatione scilicet Græcorum,
quibus sunt τάγματα. Hegefippus ita: Connexis ordinibus Quinto & De-
cimo: & pluries idem, ne cumulem è superuacuo verba. Virtutes etiam in
Paullo Diacono legi; sed communius, pro copiis & robore militari.

„ Variatum in occasionibus ostendit.] Instabilis omnino hic numerus, Pagina 86.
cùm Patres sub initium anni prouincias & exercitus ornarent: id est, le-
giones describerent, quot quantisque, bellum geri ex vsu videretur. Sæpè
ad eos magistratus hoc referunt, apud Liuium. vt lib. xxii. De bello de que
rep. Dictator retulit, quibus quotue legionibus victori hosti obuiam eundum esse
censerent patres. Idem libro xxvi. Consul Senatu in Capitolium vocato, de
administratione belli, de prouinciis exercitibusque Patres consuluerunt. Inibi
obiter nota locum, in quem vocati: nempe Capitolium, vbi de bello ferè
actum monuimus libro i. ex Appiano. Nunc pro nostrâ re etiam Clau-
dianus, qui Stiliconem docet imaginem prisca & desiti ritus retulisse.

Neglectum Stilico tot iam per secula morem
Rettulit, vt ducibus mandarent prælia Patres,
Decretoque togæ felix legionibus iret
Tessera.

Tessera, nimirum ad iter, & quò copiarum dirigendæ.

„ Quadrata dictam.] Infra, in Acie, de causâ huius cognominis. Sed Pagina 87.
libet alia quoque agnomena legionum exsequi, quæ in scriptoribus linea 22.
prompta. Si curiositas videbitur; transi cui sic videtur: tu lege, cui aliter.
& vt pessimè, quid nisi iactura atri liquoris alicuius & chartæ? Vtinam
meum illum omnem hîc effundam. Communis igitur & receptissima
agnominatio legionum à numeris fuit, idque discretionis causâ. Si enim
Legio tantum; de quâ intellegam? & interest sæpè ob facinus aliquod
egregium, aut aliam notitiam, sciri. Ergo à numeris, Prima, Secunda, Ter-
tia, usque ad Vigésimam, Trigésimam, & quot fuere. Id ab ordine temporis
& dilectus, quo conscriptæ. Dio Cassius libro xxxviii. τὰ πολιτικά στρα-
τόπεδα ὡρὸς τὴν τῶν καταλόγων τάξιν ὠνομαζέτο, ὅθεν περ καὶ νῦν ὁμοίως τὰ
μὲν ὄντα ἐπιλήσεις ἔχει: Ciuiles legiones iuxta ordinem dilectuum appellaban-
tur, sicut & nunc ea quæ exstant agnominations habent. Quot autem xuo
eius, itemque Augusti exstiterint, & quibus cognominibus (nam & alia,
præter numeralia illa, ex occasione dabant) ipse fusè ita scribit libro lv.

Tres tunc (Augusti xuo) & viginti legiones, aut vt alij volunt, quinque &
viginti alebantur. Nunc verò nostro æuo, nouemdecim modò ex iis supersunt.
Legio Secunda Augusta, quæ in Britannia superiore hibernat: & tres Tertia.
quarum vna in Phœnice Gallica cognomento; altera in Arabia, Cyrenaica; ter-
tia in Numidia, Augusta. Iam Quarta Scythica in Syria agit, Quinta Ma-
cedonica in Dacia. Sunt & Sexta duæ. quarum vna in Britannia inferiore,
LL cognomento

» cognomento *Victrix*, altera in *Iudaâ*, *Ferrata*. Est & *Septima* in *Mysiâ* supe-
 » riore, quæ plurimum *Claudia* dicitur. *Octava* *Augusta*, in *Germaniâ* superiore.
 » *Decima* in *Pannoniâ* superiore, dicta *Gemina*, atque altera *Decima* in *Iudaâ*.
 » *Vndecima* in *Mysiâ* inferiore, *Claudia* dicta. Ita enim hæc duæ legiones à *Clas-*
 » dio cognominatæ, quoniam in rebellione *Camilli* contra eum non steterunt. Duo-
 » decima in *Cappadociâ*, *Fulminatrix*. *Tertiadecima* *Gemina*, in *Daciâ*. *Decima-*
 » quarta *Gemina* in *Pannoniâ*. *Decimaquinta* *Apollinaris* in *Cappadociâ*. Et *Vi-*
 » gesima, *Valens* & *Victrix* dicta, in *Britanniâ* superiore. quam ipsam, ut mihi
 » videtur, cum ea quæ & ipsa *Vigesima* nomen habet & in *Germaniâ* superiore
 » hiebat (etsi etiam, nec tamen ab omnibus, *Valens* appelletur: neque nunc eo cog-
 » nomine vitur) accipere oportet. Hæ ex *Augusti* legionibus saluæ sunt. Reliqua-
 » rum aliæ prorsus extinctæ, aliæ aliis quibusdam vel ab ipso *Augusto* vel à se-
 » cutis Imperatoribus sunt permixtæ: unde & *Gemina* cognomen sollemne ha-
 » bent. Quoniam verò semel in hunc sermonem de legionibus veni, etiam alias
 » quæ deinceps à Principibus conscriptæ sunt edisseram, ut promptum sit volenti
 » in vno loco hæc videre & discere. *Nero* igitur primam *Italicam* dictam scri-
 » psit, quæ in *Mysiâ* inferiore hibernat: *Galba* Primam *Adiutricem*, quæ in *Pan-*
 » noniâ inferiore; & *Septimam*, quæ in *Hispaniâ*. *Vespasianus* Secundam *Adiu-*
 » tricem, quæ in *Pannoniâ* inferiore; & Quartam *Flauiam*, in *Syriâ*. *Domitia-*
 » nus Primam *Minerviam*, quæ in *Germaniâ* inferiore. *Traianus* Secundam
 » *Aegyptiacam*, & *Trigesimam* *Germanicam*, quas & à seipso agnominavit.
 » *M. Antoninus* Secundam, in *Norico*.

Ecce hîc habes & numerum legionum, quæ sub Principibus ordinariæ,
 & cognomina, & loca earum siue castra. Percurram ipsa verba, & infe-
 ram (quia opus) alibi nostram faciem. Ait: *Ut alij volunt, quinque & vigin-*
ti.] Dissensum inter scriptores tangit, quorum alij vigintitres *Augusti*
 ævo legiones faciunt; alij viginti quinque. Inter hos posteriores *Tacitus*
 est, inquisitionis & fidei notæ scriptor. In rebus enim *Tiberij*, cum ex oc-
 casione vires & copias imperij recenset, ita inquit, *Italiam* utroque mari duæ
 classes, *Misenum* apud & *Rauennam*, proximūque *Galliæ* litus rostratæ na-
 ues præsidebant, quas *Actiacâ* victoriâ captas *Augustus* in opidum *Foroiulien-*
se miserat, valido cum remige. Sed præcipuum robur, *Rhenum* iuxta, commune in
 Germanos *Gallôs*que subsidium, octo legiones erant. *Hispaniæ* recens perdomita
 tribus habebantur. *Mauros* *Iuba* rex acceperat, domum populi *Romani*: cetera
Africæ per duas legiones, parique numero *Aegyptus*. Dehinc, initio ab *Syriâ* vs-
 que ad flumen *Euphratem*, quantum ingenti terrarum sinu ambitur, quattuor le-
 gionibus coercitum: accolis *Hybero*, *Albanô*que, & aliis regibus, qui magnitudi-
 ne nostrâ proteguntur aduersum externa imperia. At *Thraciam* *Rhæmetalces*
 & liberi *Cotys*; ripamque *Danubij* legionum duæ in *Pannoniâ*, duæ in *Mæssiâ*
 attinebant. totidem apud *Dalmatiam* locatis, quæ positu regionis à tergo illis, &
 si repens auxilium *Italia* posceret, haud procul accirentur. Quamquam insideret
 urbem proprius miles, tres urbanae, nouem prætorie cohortes. At apud idonea
 prouinciarum sociæ triremes, alag. & auxilia cohortium. neque multo secus in
 iis virium, sed persequi incertum fuit, cum ex usu temporis huc illuc mearent,
 gliscerent numero, & aliquando minuerentur. Insignis & delectabilis locus,
 iis quidem qui animo intueri & concipere non solum magnitudinem vi-
 resque

resque Romani imperij, sed & ordinem dispositionemque volunt. Habes igitur viginti quinque legiones hic in prouinciis (adnumera:) præter cohortes alasque sociales, & classes. Habes in ipsâ Italiâ legiones duas classicas Rauennatem & Misernatem, præter copias Foroiulienfes: & in ipsâ vrbe duodecim cohortes, ferè millenarias, id est legionum item instar duarum. Sed de Sociis, excusat quod non numeret, quia aliquando, inquit, hic illicque erant; & numero maiores aut minores. Tamen certum est, haud infra ciuiles copias fuisse, ex prisco illo & perpetuo ritu quo Socij æquabant, & ex Taciti hic assertionem, *haud multo secus in iis virum fuisse*: quod est, haud minus. Fuerunt igitur tunc ciuiles copiae, legionum circiter triginta: quæ essent (in legionem quinque millia sumendo) *centum quinquaginta millia* hominum. Adde Socios tantundem. Is modus tunc virium, nec aliter ferè Dionis æuo, & hic verbis. Nam numerat superfuisse nouemdecim ex Augustæis, & alias deinde nouem accenset. At, quod mireris, Agathias Scholasticus copias istas immensum auget. Nam cum Hunnorum irruptiones, Iustiniani æuo, in Thraciam Græciamque denarrat & deplorat: culpam conicit in copiarum paucitatem, quas Principes tunc alebant. Τα γάρ (inquit libro quinto Historiæ) τῶν Ῥωμαίων στρατεύματα ἔτος αὐτὰ διαμεμνηκότα ὅποσα τὴν ἀρχὴν ὑπὸ τῶν παλαι βασιλέων ἐξείρηται, ἐς ἐλαχίστην δέ τινα μοῖραν περιελθόντα, ἐκ ἐτι τῷ μεγέθει τῆς πολιτείας ἐξήρκουν. δεον γὰρ εἰς πέντε καὶ τεσσαράκοντα καὶ ἑξακοσίας χιλιάδας μαχητῶν ἀνδρῶν τὴν ὅλην ἀγείραν δύναμιν, μόλις ἐν τῷ τότε εἰς πεντήκοντα καὶ ἑκατὸν περιεσῆκει. καὶ τῶν αἰ μὲν ἐν ἰταλίᾳ ἐτετάχατο, αἱ δὲ κατὰ τὴν λιβύην, ἕτεραι δὲ ἐν ἀσσίᾳ, καὶ ἄλλαι περὶ τὰς κόλχας, καὶ ἄλλαι κατὰ τὴν ἀλεξάνδρειαν καὶ θίβην τὴν αἰγυπτίαν. ἐκὰς θηνητο δὲ ὀλίγοι καὶ πρὸς τὰ ἑῶα τῶν περσῶν ὄρια, & γὰρ δὴ πᾶσι δεικνύσι πλείονων, διὰ τὰς ἀποστάσεις: Romanorum enim copiae non tantæ iam permanferant, quantæ sub prioribus olim Principibus fuerant, sed ad minimam quandam partem redactæ, non iam ultra magnitudini imperij sufficiebant. Cum enim ad sexcenta & quadraginta quinque millia virorum militarium, vniuersas copias colligere oporteret; vix tunc in centum quinquaginta millibus constabant. Atque harum aliæ in Italiâ locatæ erant, quædam in Libyâ, item in Hispaniâ; aliæq; circa Colchos, & aliæ circa Alexandriam & Theben Aegyptiacam. Considerant & pauca ad Orientales Persarum limites: quia pluribus nondum opus ibi erat, ob fœdera & pacem. En tibi & hic breuiter statum imperij, cuiusmodi sub Iustiniano, & circâ, fuit. Sed quod ait de tam immensis olim copiis: quando id fuit? non Augusti, aut Dionis etiam æuo, id est sub Alexandro Seuero: imò nec Traiani, cum florentissima (quod ad militiam) videtur fuisse res Romana. Nam Columella in Italiâ Romæ exstat in ipso Capitolio, vbi nomina & numerus tunc legionum. Sunt in vniuersum vigintinouem, sic descriptæ.

NOMINA LEG

II. AVG	II. ADIVT	IIII. SCYTH
VI. VICTR	IIII. FLAV	XVI. FLAV
XX. VICTR	VII. CLAVD	VI. FERR
VIII. AVG	I. ITALIC	X. FRETE
XXII. PRIM	V. MACED.	III. CYREN
		LL 2

I. M 1-

I. MINER

XI. CLAUD

II. TRAI

XXX. VLP

XIII. GEM

III. AVG

I. ADIVT

XII. FVLM

VII. GEM

XIII. GEM

III. GALLIC

III. ITALIC

I. PARTH

II. PARTH

III. PARTH

Sic Capitolinus cippus: cui adsimilis alter apud Maffæos, nisi quoddam versu antepenultimo tres istas etiam inserit:

X. GEM

XV. APOL

II. ITALIC

Sed nec sic longè suprà triginta. quem numerum velut sollemnem etiam Fauorinus ioco vsurpat apud Spartianum in Hadriano: *arguentibus amicis, malè eum cedere Hadriano de verbo, quod idonei auctores vsurpassent; Non rectè, inquit, suadetis amici, qui non patimini illum me doctiorem omnibus credere, qui habet triginta legiones.* Nec aliter reperio, nisi quod in lapide quodam prisco: L. SERGIVS. L. F. LEPIDVS. ÆD. TR. MIL. LEG. XXX. Vbi quadragesima legio exprimitur, non sine mendii suspitione, nisi si per bella ciuilia sic fuit. Sed in Dione iam pergamus. Ait amplius: „ *Legio secunda Augusta.*] Sic dicta quod ipse eam legisset; siue etiam per honorem, quasi eo digna. Lego in Dione eodem, *Legionem totam Augustam vetitam hoc cognomine amplius uti, quod ignauiter se gessisset.* Ita in rebus Augusti, libro LIII. Sed cum tres fuerint hoc cognomine: de quâ, ignoro. Amplius: „ *Gallica cognomento.*] Dio hîc γαλατικὴν dixit: at ipsâ Latinâ voce τὸ τρίτον στρατόπεδον γαλλικόν, in Eclogis Fuluianis. Hæ tales autem agnominatæ videntur à locis Hibernorum. „ *Quinta Macedonica.*] Ita & in marmoribus aliquoties reperio. tamenetsi in Tacito est *Quarta.* Lib. III. Hist. acie Vitellianâ, *Quartam Macedonicam dextro cornu locat:* sed rescribendum fortè *Quintam.* „ *Cognomento Victrix.*] In Græco est, *Victorum*, τῶν νικητόρων: & est in Ammiano *Legio Victorum*, sed nouella magis: atque illa verus cognomen *Victricis*, habuit, quod lapides docent. „ *Ferrata*] Dicta, vt videtur, ab armorum præstantiâ, & quæ tota è ferro. Fuit & FRETENSIS, freto assita, in lapidibus. „ *Ita enim hæc duæ legiones à Claudio.*] Nec Claudie solum dictæ, sed *Piæ, Felices.* quod ipse Dio in Claudio ita scribit: *Iussit duas legiones, Septimam & Vndecimam, Claudias, & Fideles, & Pias, etiam à Senatu agnominari.* Sed postremis his cognominibus video & alias gaudere. vt in lapide: SCHOLÆ. SPECVLATORVM. LEGIONVM. I. ET. II. ADIVTRICVM. PIARVM. FIDELIVM. SEVERIANARVM. In alio: PRIMIP. LEG. X. GEM. PIÆ. FIDELIS. Ratio collaudandi prisca, & in Liuij XXV. *Viginti millia armatorum fortia, fidelia.* „ *Duodecima Fulminatrix.*] Itaque verus hoc cognomen, & ab insigni fortasse scutorum sumptum. Valerius Flaccus de Bisaltis, lib. VI.

*Cuncta phalanx insigne Iouis, calatæque gestat
Tegmina, dispersos trifidis ardoribus ignes.
Nec primus radios miles Romane corusci
Fulminis, & rutilas scutis diffuderis alas.*

Fortasse dixi. quia vulgò videntur fulmen sic per scuta diffudisse, quod monumenta prisca ostendunt. Magis igitur ab impetu, & quod fulminis in morem rueret, prosterneret. Nam Christiani scriptores, etsi consensu tradunt,

eradunt, dictam legionem *Fulminatricem* vel *Fulmineam*, quæ precibus suis fulmen & nimbos sub Marco Imp. impetrauerit: tamen constat diu ante cognomen hoc fuisse, sed in legione scilicet aliâ, & ob aliam causam. Solent autem & alia quædam insignia scutis inscribere, vt elephantes in Appiano: vt leones in Claudiano, de Bello Gethico:

*Neruius insequitur, meritisque vocabula Felix,
Dictaque ab Augusto legio, nomenque probantes
Inuicti, clypeoque animosi teste leones.*

Atque ibi quod est de *Felice*, in Aureliano Vopisci *Tertia* sic cogminatur: *Tecum habebis legionem tertiam Felicem*. Amplius: „ *Valens & Vindex dicta*.] Sic verti: etsi in Græco est, *βαλέριοι καὶ νικήτορες*: *Valerij & Victores*. Sed certum est ita Latinis appellatam, vel ex lapidibus. vt illo, qui *Parmæ* visitur: *P RÆ F. L E G. X X. V A L E N. V I C T R.* Item in *Faliscis*: *L E G. X X. V. V.* interpretari sic postrema hæc oportet.

„ *Quam ipsam, vt mihi videtur*.] Hæc confusa valde in Græco, imò & corrupta sunt. Verba nunc sonant, eandem illam *Vigesimam* esse cum superiore: quod falsum est. nec sic *nonemdecim* legiones Augustæ feceris, *Dioni* antea assertum, sed *octodecim* tantum. Adde, quod hibernis diuersæ cum fuerint, ipsas oportuit diuertisse. Græcis igitur negatio immitenda est, si quis id curat. „ *Primam Mineruiam*.] Græcè τὸ ἀμνισθῶν σπατόπιδον. Errauerat *Xylander*, qui *Atheniensem* fecerat: & columellæ suprâ docent. Dicta est ab ipsâ illâ *Deâ*, quam *Domitianus* eximiè coluit, & nomine eius legionem honestauit. Simile antè de *Apollineâ*: quam ab *Augusto*, cui peculiaris ille *Deus* post pugnam *Actiacam*, probabile sic dictam. Satis de istis: quæ passim in *Tacito*, *Spartiano*, *Capitolino* occurrent, pleraque his consona; interdum cum dissensu. Vt in *Vopisci Aureliano*, *Tribunus* ille scribitur *legionis sextæ Gallicanæ*, apud *Maguntiacum*: quæ aut diuersa est à *Tertiâ* hic *Gallicanâ*; aut in hanc reformanda. Talia per te, cui studium, indagaueris: ego modum seruo.

DIALOG. VII.

„ *Ea est, Ala*.] Dico cornu *Sociorum Alam* appellatam: & quamquam satis docui, tamen accedat *Vegetij* imitatio, qui non semel *Alam* pro *Cornu* dixit. vt lib. *II*. *Dextram alam tuam sinistra illius ale iunge*: & ibidem iterat.

Pagina 97.
linea 11.

„ *Nam Vegetius longè in aliam mentem*.] Cuius verba & sensum super *Centurionum* numero atque ordine operæ est ponere: quia & diuersa valde à priscis, & in ipso intricata. Verba sunt hæc, libro *II*. cap. *VI*.

Pag. 123.
lin penult.

Centurio Primipili non solum Aquilæ præerat, sed etiam quattuor centurias, hoc est quadringentos milites in prima acie gubernabat. Item primus Hastatus duas centurias ducebat in acie secundâ, quem nunc Ducenarium vocant. Princeps autem primæ cohortis centuriam semis gubernabat. Item secundus Hastatus centuriam semis, id est, centum quinquaginta homines. Triarius prior centum homines gubernabat. Sic decem centuriæ cohortis primæ à quinque Ordinariis regebantur, quibus magnæ utilitates & magnus honor est à veteribus constitutus. Erant & centuriones, qui singulas centurias curabant, qui nunc Centenarius.

LL 3

ry vo-

reg vocantur. Secunda cohors habebat Centuriones quinque, similiter tertia, & quarta usque ad Decimam cohortem. In totâ autem legione erant Centuriones quinquagintaquinque.

Ista Vegetius. & ponit in singulis cohortibus Centuriones quinque: ergo quinquaginta in vniuersum. At enim quinquagintaquinque in fine numerantur. Falsò, & induxit Modestus qui decem in primâ cohorte recensuit, sed præter verum & Vegetij claram mentem. Sunt igitur pauciores denis, quàm olim: hoc ideò quia non iam manipuli, vt olim: & in quoque bini: sed centuriæ, & cohortes. & in quaque cohortium, quini centuriones. Prima autem cohors plenior: sed tamen idem numerus, sed plures centuriæ vni. Ipsa verba iam perlustro. Ait:

„ *Quattuor Centurias in primâ acie gubernabat.*] Planè præter morem veterem, idque dupliciter. Quòd & quattuor, cùm olim non nisi vnam; & quòd in primâ acie, cùm ille in extremâ.

„ *Primus Hastatus duas centurias.*] Iste Primopilo subiungitur, & dignior habetur Principe primo. Non aliter ex Vegetio dixeris; vel claro indicio, quòd duas centurias etiam habeat, cùm alter non nisi vnam semis. Itaque comparatur cum Hastato secundo. Omnia hæc nouitia, & ab ordine atque armis immutatis nata. Nam Hastati iam inter firmos, & qui contis pugnabant.

„ *Triarius prior.*] Ecce hîc inter vltimos suæ cohortis, re & nomine dignitatis nouo.

„ *A quinque ordinariis regebantur.*] Hoc mihi nota, sic vocatos communiter quinque illos primæ cohortis centuriones. Vegetius Capite anteriore: *Ordinarij dicuntur, qui in prælio primos ordines ducunt.* Vopiscum an non sic intellegam in Bonoso? *Militauit primum inter ordinarios, deinde inter equites.* Et magis certè Capitolinum in Clodio Albino: *Sapè & ordinarios Centuriones in crucem tulit.* Alio sensu ista vox in Festo, & Catonis ibi verbis: *In eâ oratione quam scribit de suis virtutibus, contra Thermum. Quid mihi fieret, si non ego stipendia in ordine omnia, ordinarius meruissem semper? Sunt quidam qui manipulare, eum qui infimi ordinis sit, appellatum credant Ordinarium.* Non ego Feste & puto mentem Catonis, sese nullâ ambitione aut gratiâ in contuberniis Imperatorum, extrâ ordinem & immunem, militasse: sed semper inter alios. Frontinus ita. *Q. Metellus Consul, quamuis nullâ lege impediretur, quia filium contubernalem haberet, maluit eum in ordine merere.*

DIALOG. XII.

Pag. 144.
liuca 10.

„ *Color in Imperatorio eximius, è cocco.*] Huc traho Cæsarianum illud; Commentario septimo: *Accelerat Cæsar, ut prælio intersit. eius aduentu ex colore vestitus cognito, quo insigni in prælio uti consueuerat, hostes committunt prælium.* Et si an germana illa Cæsaris, quis cui nasus est, non dubitet? Quid enim opus monere insigni colore usum in præliis, cùm id fuerit vulgarissimi moris? Sed hoc & alia pro Celsi ingenio diffusa aut mixta sunt, & parum in totis illis Commentariis meri.

ANA-

ANALECTA

LIB. III. DIAL. I.

„ Rorarij, Accensi.] Labet hoc semel aperire, quia postea etiam itera-
mus. Est igitur commune nomen levis armaturæ, Ferentarij. Sallustius
vsurpauit in Iugurthino: *Postquam eò ventum est, unde à ferentariis præ-*
lium committi posset. Explicat Festus: Ferentarij, in bello auxiliares, à ferendo
auxilio dicti, vel quia fundis & lapidibus pugnabant, quæ tela feruntur, non te-
nentur. Posterius etymon verius videtur, & est Varronis: Ferentarij, inquit,
equites dicti qui ea modo habebant arma quæ ferrentur, ut iaculum. Huiusce-
modi equites pictos vidi in Aesculapij ade vetere, & Ferentarios adscriptos.
Sunt igitur Varroni leuiore equites & iaculatores, etiam Ferentarij: et si
alij ad pedites ferè adstringunt. Id genus olim in Romanâ militiâ duplex,
Rorarij & Accensi. Liuius utrosque sic recenset, & locis etiam ordinibus-
que disiungit in pugna cum Latinis Festus de prioribus: Rorarij qui è leui
armatura primi prælium committebant, quòd ut ante imbrem ferè rorare solet,
sic illi ante grauem armaturam prodibant. Et ait disertim, prodisse ante graues:
quod etiam Liuius indicat, dum ait inter Antepilanos procurrisse, & vires
addidisse Hastatis Principibusque. Moneo sedulo, quia idem Liuius (loco
dicto, id est libro octauo) in fine & tergo agminis vtrumque genus collo-
cauerat, sed cum hoc sensu, ut ibi starent, donec pugna cœpta, tum pro-
currerent, & eminus inter ordines pugnarent. Ad eum ipsum situm Lu-
cilius spectasse videtur:

Ponè paludatus stabat rorarius velox.

Malè velox reponunt: & est distinctum hoc genus. Ponè igitur stabant, id
est post Triarios. Hęc vox corrupta leuiter in Symmacho, qui amat Plau-
tina & vetera inspergere, epistola XLVII. lib. VII. Soles in scribendo esse pro-
lixus, pro ingenij tui viribus. *Postquam te honor aulicus in procinctum vocauit,*
tu quoque verba succingis. Tanquam levis armaturæ miles rorarius emularis.
Scribo, rorarios, & explico: facis quod Rorarij olim, pauca quasi verbo-
rum tela iacis & laceassis, mox te subducis & post Triarios sistis. De iisdem
Glossæ: Rorarij, *ἄρπυγες* αἱ. Genus alterum, Accensi: quos Plautus quoque
à Rorariis discernit, in fragmento apud Varroem:

Vbi rorarij estis? en sunt. vbi accensi? ecce.

Festus diffusè satis explicat, & nonnihil confusè: Adscripticij velut quidam
scripti dicebantur, qui supplendis legionibus adiciebantur. hos & Accensos di-
cebant, quòd ad legionum censum essent adscripti. quidam Velatos, quòd vestiti
inermes sequerentur exercitum. nonnulli Ferentarios, quòd fundis lapidibus-
que præliaturi, ea modo ferrent qua in hostes iacerentur. alij Rorarios, quòd id
genus hominum, priusquam acies coirent, in modum rorantis tempestatis dimi-
carent. Varia promit, vera aut iuxta verum. Vera, de Adscriptiuis & Accen-
sis, qui iidem videntur, aut similes: de Velatis & Ferentariis, conuenit
etiam in alios: de Rorariis, fallit, nec sunt iidem. Sanè de Adscriptiuis
etiam Varro: *Adscriptiui dicti, quòd olim adscribebantur inermes, qui succe-*
derent

derent armatis militibus si qui deperissent. Simile Festus loco alio: *Adcensi, qui in locum mortuorum militum subito subrogabantur, dicti ita quia ad censum adiciebantur.* Et Plautus: — *extra numerum es mihi.* PEN. Idem istuc aliis adscriptiuis ad legionem fieri solet. Itaque horum sententiâ supernumerarij sint & extraordinarij; quod tamen è Liuiο minimè dixeris, qui & Ordines dat, & numero certo legionibus miscet. Vidi qui vellent eos armatos pariter vt Graues fuisse, hoc argumento: quod in Liuiο scribitur, *Manlium accensos ab nouissimâ acie ante signa procedere iussisse. Qui ubi subiēre, exemplo Latini, tanquam idem aduersarij fecissent, Triarios suos excitauerunt.* Qui enim, inquit, impositum ita Latinis, nisi armorum & aspectus paritas fuisset? At negamus ita esse, & Vegetius mecum libro 111. *Quibus scuta deerant, siue lapidibus manu iactis, siue missilibus, in hoc ordine dimicabant: quos Accensos, tanquam iuniores & postea additos vocabant.* Vides ne Scuta quidem habuisse, & fundis aut iaculis modò pugnasse. Sed & Festus suprà inermes posuit, & veste solâ velatōs. Quid ipse Liuius? *minima fiducia* hanc *manum* appellat, & infra ipsos *Rorarios* ponit. Apage igitur de Armis. Nec ea conspecta Latinis imposuerunt à similitudine aliquâ; sed ipse motus & progressus nouæ manus, vt oculi & sensus facillè falluntur in puluere illo campestri. Adde, quod iacula fortasse primi prætenderint, velut Triariorum hastas. Ista de vtroque genere: quod desuisse natis iam Velitibus dixi, sed postea tamen iterum in Funditoribus & Sagittariis quasi surrexisse. Nam Romani, promoti iam imperio, focis in ciuitatem acceptis, prouinciis variis subiectis: Velites è suis scribere omiserunt: eorum loco vsi funditoribus, sagittariis, iaculatoribus, quos Baleares, Cretenses, Numidæ, & id genus nationes subministrarent. Itaque postea crebra horum iterum mentio: qui tamen inermes fuere plurimum, vt illi priscei. Suidas hoc ad spectu verè scripsit: *Οἱ Ῥωμαίων ψιλοὶ ἐφαπτίδας εἶχον, καὶ ζώσματα πρὸ τῶν ὑπῶν: Romanorum leues milites sagula habebant, & cingula super femora.* Talem ego descriptum aut desculptum potiùs Funditorem adnoto, in monumento vetere: qui sagulo aut chlamydulâ reductâ, lapides sinu præfert. Tamen & alium etiam diligentius paullo ornatum, cui Galea, Scutum lunatum, & Ocreæ. Raros fuisse tales credo: etsi tamen in Suidâ etiam scriptor aliquis: *Οἱ Ῥωμαίων ψιλοὶ, ἕκαστος αὐτῶν εἶχον ἐφαπτίδας, καὶ κνημίδα τε καὶ λογχάσθην, καὶ ἀκόντιον δίολα σιδῆρε πεποποιημένον: Romanorum leues sagula habebant quisque, & ocream* (nota singulariè vnam) *& lanceam, & iaculum totum è ferro.* Sed id aut inferiore alio æuo fuisse debuit, aut in facinore aliquo & expeditione semel sic vsurpatum. De Sagulo quidem, etiam Lucillius suprà docuerit, vbi *paludatus rorarius* dicitur, sic ornatus.

*Sic & in alterâ figurarum hic obserues. Adde quæ de Ocreis.



„ *Afrorum pleraque scuta sic fuisse.*] Quæ dicebant *Cetras*, aut *Citras*: Pag. 157.
linea 19.
vtramque enim scripturam inuenio. Virgilius:

Leuis cetra tegit, falcati cominus enses.

Et in Appiani Lybico, Masanissa rex gestat *ἐλεφαντινήν*, id est *scutum à corio elephanti*: quod haud dubiè firmum, nec facile penetrari. Quid hodie Mauri? nonne vsum seruant, & habent lorea ista scuta, sed maiuscula & formata ferè in cor humanum? Atque ea cælare aut pingere variè solent. quod etiam olim factitatum Silius indicat, libro III.

Versicolor contrà cetra, & falcatus ab arte

Ensis Adymachide.

Versicolore enim appellat, à variante hac picturâ. Britannis etiam Tacitus hæc scuta tribuit, & pugnare eos facit *ingentibus gladiis, breuibus cetris*. Ostendit paruas fuisse: cuiusmodi & Hispanorum, qui vel maximè iis vñ. Strabo de Lusitanis: *Ασπίδιον δὲ αὐτὰς διαπῶν ἔχειν τὴν διάμετρον φασί, κοῖλον εἰς τὸ πρὸσθεν, τελαμῶσιν ἐξηρτημένον*: *Clypeolum eos habere dicunt bipedali diametro, cauum antrosum, loris suspensum*. Ac vide ne Diameter & hîc sit pro lineâ ambiente. Nam aliàs, haud sit sanè paruus. Atqui in Diodoro Siculo etiam paruitas expressè valdè ingeritur, de iis ipsi: *Φορῶσι δὲ ἐν τοῖς πολέμοις πέλτας μικρὰς παντελῶς, διαπεπλεγμένας νευροῖς*: *Ferunt peltas in bellis omnino paruas, nervis intertextas*. Atque has addit scite eos, contra ictus aut tela incidentia, circumferre: quod idem in Velite nostro est suspicandum.

M M

spicandum.

spicandum. Itaque leuitatem iisdem Curtius iure tribuit, libro III. *Armamentis bipennibus leuibusque scutis, cetræ maximè speciem reddentibus.* Et in Suidâ legas: *Ο δὲ θυρεὸς τῶν Ἰσπανῶν εὐφορὸς: At scutum Hispanorum gestatu facile.* Sed erat etiam in Diodori verbis, *ἐ νερυῖς eas textas: quod hodieque fieri didici in Hispaniâ, munimine satis firmo.* Simile, quod Strabo quosdâ Lusitanorum, *νευρίοις κράνεσι, neruinis galeis* vti scribit. Capimus Tacitum igitur, qui de Germanis, eorumque arma abiiciens: *Ne scuta quidem ferro neruone firmata: & ostendit nervos solere intexi aut adtexi, tortos & duratos in ictum.* Hispani itaque cetris vsi, nec tamen omnes. Cæsar quidem distinguit Commentario I. Ciuilium: *Præterea scutati citerioris prouinciæ, & cetratæ vltioris Hispaniæ cohortes.* Pro iam dictis distinguit, & Lusitanis finitimisque dat cetras, aliis, qui Gallis viciniore, scuta. Ea ipsa facie etiam Gallicanâ, ex Liuiio, libro XXII. *Gallis Hispanisque scuta eiusdem formæ feruere erant, dispares gladij.* Idem Polybius, libro III. *Τῶν δὲ Ἰσπανῶν καὶ κελτῶν ὁ μὲν θυρεὸς παραπλήσιος: Hispanorum & Gallorum scutum quidem adsimile.* Sed hoc vniuersè haud verum (quî potest? Gallorum scuta longa, Lusitanorum cetræ breues:) sed dumtaxat de Celtiberis, & confinibus eorum. Vltiores, inquam, cetris, citeriores magis vsi scutis. Dixerat clarè Cæsar, postea reuocat: & eodem libro sequitur: *Hos leuis armatura Lusitani, periti que earum regionum cetrati citerioris Hispaniæ consecrabantur.* Quid definiam? mutare, si ausim, & scribere: *cetrati vltioris.* Nisi si alio adpectu citeriorem ibi dicit, quod potest. Addo, Hispanos qui cetris vsi, pulsasse eas rythmicè & cum cantu saltuque hostem sic inuasisse. Mira & laudanda alacritas in periculo, viribusque attollendis. Silius III.

— misit diues Gallæcia pubem,
Barbara nunc patriis vlulanti carmina linguis,
Nunc pedis alterno percussâ verberare terrâ,
Ad numerum resonans gaudentem plaudere cetrâs.

Idem x.

— ac ritu moris Iberi
Carmina pulsatâ fundentem barbâra cetrâ
Inuadit.

Diodorus pariter: *Εν δὲ τοῖς πολέμοις πρὸς ῥυθμὸς ἐμβαίνειν, καὶ παιᾶνας ἀδῶσιν, ὅταν ἐπίωσι τοῖς ἀντιτεταγμένοις: In præliis ad rythmos incedunt, & pæanas cantant, cum inuasuri sunt oppositos.* Nónne pæne Laconum ritui respondet, qui ad tibiam & numeros ingressi & congressi? Et de cantu ac saltatione, etiam Gallos Germanosque scio adhibuisse. Hæc de Cetrâ, quæ paullo aliter in Glossis optimis explicatur: *Ἀπὸς λησπική, citra.* Ita enim scribitur, quasi velint *Latronum* fuisse id scutum. Pro *Peltâ* passim etiam sumunt, & pro eâ Latini reddunt, vt Liuius, libro XXXI. *Nocte cetratos, quos peltastæ vocant, in insidiis abdidit.* Vt contrâ Plutarchus, qui *cetratos* Lusitanorum, *πελταστὰς* Græcè conuertit. Nam vt ait idem Liuius, libro XXVII: *Pelta cetræ haud dissimilis est.* Et de communi quidem Græcorum *Peltâ* hoc accipio, de quâ in occasione istâ dicam. Inuentum eius ab Iphicrate, vt Æmilius Probus in eius vitâ: *Cum ante illum Imperatorem maximis clypeis, breuib'que hastis, minutis gladiis vterentur, ille è contrario Peltam pro Parmâ fecit, à quo postea Peltastæ pedites appellati, vt essent ad motus concursusque leuiore.* In quibus verbis notes, *Parmam* eum red-

dere

dere τὴν ἀσπίδα, aspicientem scilicet non ad modum, sed ad rotundam formam. Alioqui (mox dicam) ipsa *Pelta* Latinis, creberrimè *Parma*. Sed de inventore illo etiam Diodorus libro xv. τῶν ἑλλήνων μεγάλαις ἀσπίσι χρωμένων, καὶ διὰ τῆτο δυσκινητῶν ὄντων, συνέλεγε τὰς ἀσπίδας, καὶ κατεσκεύαζε πέλτας συμμέτρους: *Græcis antiq̃ magnis clypeis vicentibus*, & ob id ad motus parum aptis, ipse contraxit eos, & effecit modicas *Peltas*. Hoc ita Iphicrates, & ob causam dictam: contra Philopœmenes postea, qui grandiores clypeos reduxit, & spreuit *Peltas*. In vitâ eius apud Plutarchum leges: & hoc quoque, fecisse eum μόνιμον καὶ βεβηκυῖαν μάχην ἀντὶ δρομικῆς καὶ πέλτασιν ἰκῆς: *stabilem & gradu progredientem, pro cursoria illâ & peltasticâ*. Hæc Græcorum *Pelta*, formâ, nisi fallor, haud longè à Romanâ & velitari *parmâ*: etsi fortasse haud vsquequaque sic rotunda. Profero dubiè, quia iam dicta hoc euincere videntur, alia abnuere & contra ire. vt apud Suidam: πέλται, ἀσπίδες τετράγωναι: *Pelte, clypei quadranguli*. Apud Thucydidis Scholiastem: Πέλτη, ἀσπίς τετράγωνος. Itaque hæreo: etsi Plutarchus etiam rotundam facere videtur in Numâ, vbi de Ancilibus: Κύκλος γὰρ ἔστιν, inquit, ἐδὲ ἀποδιδῶσιν, ὡς πέλτη, τὴν περιφέρειαν, ἀλλ' αὐτοὶ μὲν ἔχει ῥαάμνης ἐλικοειδῆς: *Non enim circuli formâ sunt, nec reddunt, vt pelta, circumferentiam, sed incisionem habent lineæ flexuosæ*. Omnino parum claret mihi de communî Græcicâ *Peltâ*: magis de *Thraciâ*, quam reperire est crebrò. Imò propriè velut istis adtributam. vt in Hesychio: Πέλτη, Θράκιον ὄπλον: *Pelta, Thracia armatura*. Latini *Parmam* ferè reddunt. & est in Glossis: *Parmâ, Θρακικὸν ὄπλον*. In Festo: *Thracæ gladiatores, à similitudine Thraciarum parmularum*. Iis enim gladiatores certi Romæ armabantur. Martialis:

Hæc quæ sæpè solet vinct, quæ vincere rarò

Parma, tibi scutum pumilionis erit.

Non ipse parmularius, nec Thracum fautor; eoq̃ue illudit obiter iis, & simul ostendit paruam fuisse, & velut scutum pumilionî. De eâ paruitate in omni *Peltâ*, opinor, sentit Statius, libro vii. cùm dixit,

Sæuâque difficiles excludere vulnera peltas.


Sed quæ forma huius: quæue communis illius? minimè, nec opus fuisset agnominatone discernere. Ad ancilia accessit, etsi lateribus minus, nisi fallor, incuruis aut reductis. Accessisse quidem Dionysius satis indicat, cùm Saliis assignat Πέλτην Θρακίαν, *peltam Thraciam*: quos pro comperto est ancilia gestasse. Pergit etiam describere: καὶ δὲ ἐστὶ ῥαβδοειδὲς θυρεὸς, σενωτέρως ἔχοντι τὰς λαγόνας, ἐμπερής: *Ea verò est virgato scuto, quod latera arctiora habeat, adsimilis*. Atquin Ancilia à *Peltâ* abiunxit suprâ Plutarchus. Scimus, sed à communî: nec eam vult omnino representasse. Porro Ancilia cuiusmodi, adi Festum qui doceat: tum etiam vide hunc ab antiquitate Nummum. Sed amplius etiam aliquid in *Thraciâ* *Peltâ* noto. non fuisse videlicet sic incisâ tantum, sed etiam leuiter sinuatas & introsum curuantes. Planæ, inquam, non fuerunt. Id colligas è Plinianis istis, libro xxxiii. de Speculis: *Multumque refert, utrum concaua sint,*



& poculi modo, an parma Threcidica. Faciunt differentiam in aspectu, inquit, specula, plana & concaua: iterumque concaua, siue ut poculum protuberantia extrorsum, siue ut parma Thracia, introrsum. Estne illa mens, an de cavitare aliâ poculi aut scyphi sentit? sed tamen dissimili à cavitare parmae. Hæc ita posita, sed timidiùs: magis certò adfirmare habeo de Amazonicâ Peltâ. Ea enim & à prioribus distincta. Virgilius nominat:

Ducit Amazonidum lunatis agmina peltis.

Et Seneca Tragicus: — *lunatâ latus Protecta peltâ.* Isidorus: *Pelta, scutum breuissimum in modum lune mediae.* Nota in eo paruitatem obiter: & speciem, quæ est dimidiatæ lunæ. Satin' certò? nec aliud discrimen? Imò est, nec leuiter debebat sic defungi. Poëtæ, qui *lunatas* dicunt, excusandi sunt si non magis exprimunt, nec commodè possunt. Ego faciam, & didici ex lapidibus aut monumentis priscis, bilunem fuisse hanc Peltam: id est, duplici semilunâ insignem. Hoc cum marmor quoddam in Pontificiis hortis docet, ubi Amazonum pugna expressa, & cum eiusmodi scutis: tum clarè Marcianus Capella, libro vi. qui partem Italiæ extremam, quæ Brutios habet, *leuorsum se flectere* scribit, & *duobus promuntoriis pelta Amazonice formam reddere: dextro autem cornu Leucopetram tendere, leuo Lacinium.* Adi, sodes, vel Ptolomæi vel alias tabulas, videbis duplicem ibi sinum reddi, cum medio discrimine & eminentiâ, uti in formis



subiectis reddo. Dicit quidem ibidem paullo antè Capella, *Italiam lunatam & quodâ Semicyclo in promuntorium memoratū* (Brutiorum) *circumferri.* Sed ne imponat, semicirculi igitur simplicis formâ Peltam esse: alius enim ibi ad spectus, & sinum totum respicit qui Brutios à Salentinis seiungit, siue etiam extremum Brutiorum litus. Vtrumque est tale: at nostra hæc Pelta, sic in dicto marmore expressa. Item altera suprâ pariformis, sed paullo magis diffusa, in Funditore quem dedimus: denique & plusculæ in Notitiâ imperij, inter insignia quibus numeri aut cohortes vsæ, ut *VESTONTES*, *MENAPII*, aliique. Nec plura nunc de Peltis, nisi quod moneo è collo pendisse loris: quod etiam Strabo in Cetris dixerat suprâ. Plutarchus in *Æmilio*: *Τῶν μακεδόνων τὰς πέλτας ἐξ ὤμων περισπασάντων: Macedonibus peltas ex humero detrahentibus, & demittentibus.* quod fiebat, cum aptarent se pugnae. Talia & Xenophon de Thracibus fugientibus, lib. vii. *reieciisse Peltas in dorsum.*

DIALOG. II.

Pag. 166.
liaca 16.

„ *Ansaremanferat sola.* Vnam Ansam nominat; atqui duæ plerumque fuere in scuto grandiore. Græci *ὄχανον* dicunt, à tenendo. Eustathius:

ὄχα-

Ὁ ἄνακτον, τὸ τῆς ἀσπίδος, κράτημα. Herodotus id inuentum Caribus assignat lib. i. Καὶ ὁ ἄνακτον ἀσπίδος ἐστὶν οἱ πομπασμικοὶ παρῶντες. Τέως δὲ ἀνευ ὁχλῶν ἐφόρειον τὰς ἀσπίδας, τελαμῶσι σκυτίνοισι διηκίζοντες περὶ τοῖσι ἀνέχοντες, καὶ ὅσοι αἰετῶσι ὅμοιοι περιεχόμενοι: *Ansae scutorum hi sunt qui primi fecerunt. Eousque enim sine ansis ferebant clypeos, vinculis è loro suspendentes circa collum, & humeris sinistris circumponentes. E ferro istas facit Suidas: Πόρπαξ, ὁ ἀναφορεὺς τῆς ἀσπίδος. ὡς δὲ πνεύς τὸ διήκον μέσον τῆς ἀσπίδος σιδήριον, ὃ κρατεῖ τὴν ἀσπίδα ὁ στρατιώτης: Porpax, lorum quo scutum sustollitur. ut alij dicunt, ferrum paruum quod scutum medium transit, & quo tenet ipsum miles.*

„ *Germani habuere.*] Quorum scuta grandia, uti & Gallorum. Tacitus: *Immensa scuta, enormes hastae.* Sed de longitudine id maximè capiendum. Pag. 167. linea 29. ut de Gallis Diodorus: *θυρεοῖς χρωῖνται ἀνδρῶν μήκει, πεποικιλμένοις ἰδιότροπως: Scutis utuntur ad hominis longitudinem, pro cuiusque ingenio pictis.* Virgilius de hisdem:

— *scutis protecti corpora longis.*

Et Ovidius v. i. Fastorum:

Iacta super galeas scutaque longa sonant.

Strabo: *θυρεὶς μακρὸς, καὶ λόγχαι κατὰ λόγον: Scuta longa, & lanceas ad proportionem.* Sed longa tamen magis, quàm lata. ex Livio clarè, lib. xxxviii. *Scuta longa, ceterum ad amplitudinem corporum parum lata, & eaisa plana, malè tegebant Gallos.* Polybius hoc ipsum libro i. i. *τὸν γαλατικὸν θυρεὸν ἡ δύναμις τὸν ἀνδρα περισκέπειν: Scutum Gallicanum, parum aptum hominem totum tegere.* Tacitus & alterum illud de planitie indicat, dum scribit Germanis fuisse pro Scutis, *tenuēs & fucatas colore tabulas.* Ita isti: Plutarchus tamen Cimbris Theutonisque dat *θυρεὶς πλατεῖς, scuta lata.* Sunt nummi ad illam formam:



„ *Ferreus umbo.*] Cùm de Vmbone aliisque accuratè ita Polybius, cur silet de ornatu Scuti & picturâ? Solent enim Græci, Romani,

Barbari varias formas aut colores scutis addere, siue ad insigne ut cognoscibiles essent, siue ad decorem. Vetus ritus. & quem heroicis quoque temporibus video obtinuisse. Plutarchus Vlysses ait *Delphina in scuto habuisse*, libello De solertia animalium: Lycurgus *tridentem* adsignat Palamedidi. Herodotus originem rei ad Cares refert libro i. *Καὶ πρὸς εἰσὶ, inquit, οἱ κατὰ δέξαντες ἐπὶ τὰς ἀσπίδας τὰ σημεῖα ποιεῖσθαι: Cares sunt qui ostenderunt signa scutis imponere.* Strabo idem libro xiiii. & *Ἐπίσημα* ipse appellat, *Insignia seu Notis.* Sequenti ævo multa exempla. ut in Græcis, Plutarchus scribit, eum qui *Lyfandrum* interfecit, *insigne clypei draconem habuisse: eoque oraculum monuisse, ut Draconem vitaret.* Idem de Spartano quodam, qui clypei insigne *Muscā* haberet, viuâ nihilo maiorem: cumque irrideretur ab aliis, quasi ab ignaviâ & metu ita faceret, ne hosti conspicuus esset: *Imo, inquit, ut agnoscat. Vsq̃ue eò enim accedo, ut cernere cominus possint signi mei modum.* Athenæus de Alcibiade, *scutum ex ebore & auro confectum habuisse,* Lib. xi. f.

buisse, & in eo Cupidinem pro insigni, qui brachius fulmen complecteretur. Ad poëtas si abeam, quis finis? Ij deos, homines, animantes, alia intexunt, & pænè quidquid in rerum naturâ. Sed Romanos videamus. quos vetustos Propertius negat ita cultos fuisse, libro IIII. eleg. XI.

*Picta nec inducto fulgebat parma pyropo,
Præbebant casti baltea lenta boues.*

Non vult pro temporis sui luxu, pyropo scuta ornata, siue lapide ipso, siue potiùs colore rutilo & flammante. Talis enim in fulmine, quod crebrum valdè, & quasi de more, in Romanis scutis. Sed tamen antè de Tatio rege Sabino, idem poëta scripserat:

Pictaque per flauas arma leuare iubas.

Et scutum intellegit, in quo iam olim imagines etiam Iuuenalis agnoscit:

Pendentisque deos perituro ostenderet hosti;

Romulum & Remum de lupâ pendentes: & ostenderet, nempe admotoseuto. Sed & maiorum facta expressa. vt de Scæuolâ quodam Silius libro VIII.

*Scauola, cui diræ calatur laudis honorâ
Effigie clypeus. flagrant altaribus ignes,
Tyrrenum valli medio stat Mucius, irâ
In semet versâ.*

Aut imagines eorum, vt de Scipione Africano idem libro XVII.

*Terribilem ostentans clypeum, quo patris, & unâ
Calarat patrui spirantes prælia dirâ
Effigies.*

Sed & proprias fortasse laudes & facta cælabant: quod liber de bello Hispaniensi, etsi parùm integer, subiicit, de singulari congressu insignium duorum militum: Cum ad dimicandum in planitiem se cõtulissent, scutorumque laudis insignibus præfulgens opus calatum. Quinetiam oculis intueri est, in columnâ Traiani, scuta quædâ coronis variis ornata. quas equidem donaticas fuisse arbitror, & eo iudicio lasas.



Adnotaui & alibi (puto columnâ Antonini) duplicem aquilam, concorporatam sic vt in imperij insignibus hodie solet. Quâ causâ? nec enim tunc duplex illud imperium Orientis & Occidentis: & si fuisset, non militi priuatim congruebat. Puto indicari, è legione gemellâ fuisse: quoniam duæ velut aquilæ in vnam sic mixtæ. Hæc insignia aliis etiam gentibus nota. Silius de Saguntino quodam, libro primo:

*Centum angues idem calatum insigne gerebat
In clypeo.*

Idem libro IIII. de Chrypo quodam, Gallo:

*in titulos Caputolia capta trahebat,
Tarpeioque iugo, demens, & vertice sacro
Pensantes aurum Celtas umbone ferebat.*

De iisdem quidem Gallis etiam Diodorus suprâ scribebat, scuta habuisse *πεποικιλμένα ἰδ ἰοτρόπως*: variegata insigni aliquo proprio. Benè, de proprio. nam

nam & communia quædam gentibus, legionibus, cohortibus erant: quod in Noritiâ imperij discas. Item è Vegetio, libro II. cap. XVII. *Ne milites in tumultu prælii à suis contubernaliis aberrarent, diuersis cohortibus diuersa in scutis signa pingebant, ut ipsi vocant, δειγµατα. sicut etiam nunc moris est fieri.* Porro ab illis peculiaribus nata insignia & argumenta hæc familiarum, quæ in usu esse dicam, an abusu? Ignauissimi usurpant. & quos meliore iure increpes, quàm suum illum Africanus Scipio qui cum ornatum scutum (verba Frontini) elegantius cuiusdam vidisset, dixit non se mirari, quòd tantâ curâ ornasset, in quo plus præsidij, quàm in gladio haberet. Ista de Insignibus: addo de Inscriptionibus. Nam & ea Romanis fuit, & soliti ferè nomina quædam in iis scribere. Primò Imperatorum, sub quibus merebant. Hirtius de bello Alexandrino: *Cn. Pompeio se prouinciam recuperare velle præse ferebat. Id quâ mente fecerit, coniecturâ sciri non potest.* Certè hoc præse Thorius ferebat: milites adeò faciebantur, ut Cn. Pompeij nomen in scutis inscriptum haberent. Atque ita Dio Cassius ut rem nouam scribit, Antonium adeò addictum nexumque Cleopatraz fuisse, ut milites Romanos in satellitio haberet, omneque in suis scutis nomen eius inscripserint. Hoc libro L. scribit, & alibi (libro XLVIII.) eundem ritum tangit, de M. Titio. Secundò, Centurionum etiam nomina inscribebant, atque adeò & sua: Vegetius loco dicto: *Præterea in aduerso scuto, vniuscuiusque militis, literis nomen erat adscriptum, addito ex quâ esset cohorte, quâne centuriâ.* Dio in Domitiano: *Ἰδὼν δὲ τὰ ἀλλὰ τε περισκευάσαστο εὖ, καὶ τὰς στρατιώτας τότε ἑαυτῶν ὀνόματα καὶ τὰ τῶν ἑκατοντάρχων ἐπὶ τὰς ἀσπίδας ἐπιγράψαι ἐκέλευεν, ἵνα ἐκφανέσθωσι οἱ τὶ ἄρα ἔδωκεν αὐτῶν ἢ κακὸν ποιῶντες γίνονται:* Iulianus cum alta bene instituit, tum & milites iussit sua & Centurionum nomina scutis inscribere, ut nobiliores essent qui strenuum aut ignauum aliquid fecissent. Talia igitur & insignia, & indicia, cum in Scutis, non mirum ea curiosè cauteque habita, & contrâ nimbos, puluerem, talesque iniurias tecta. Id Cæsar nos docet, Commentario II. *Hostiumque tam paratus ad dimicandum animus, ut non modò ad insignia accommodanda, sed etiam ad galeas induendas, scutiisque tegmenta detrahenda tempus defuerit.* Vbi Insignia acceperim quibus miles à Centurione, aut inter se, distinguitur, & maximè Cristas. Ita enim idem Cæsar Comment. VII. *Cæsar lectis insignibus suorum, occultatisque signis militariibus.* Insignia à Signis disparat, & commodè acceperis illa eminentia & conspecta. Sed ad tegmenta (Cæsar palàm sic appellat) ut redeam: idem Plutarchus clarissimè, in Lucullo. qui cum exiguis copiis in Tigranem iens, cum rex ille fastu cæcus fugere eum putaret & iter ingredi, Taxiles quidam, gnarus Romanæ militiæ, *Ἀλλ' ὦ βασιλεῦ, ἔφη, ἂν ἐδῆτα λαμψρὰν οἱ ἄνδρες λαμβάνουσιν ὁδοιπορῶντες, ἂν τε θυρεοῖς ἐκκεκαθαμένους χράνται, καὶ κρᾶνσι γυμνοῖς, ὥσπερ νῦν, τὰ σκῦτια τῶν ὀπλῶν σκεπάσµατα περιπλάσαντες, ἀλλὰ μαχημένων ἐς ἡν ἡ λαμψρότης αὐτῇ, καὶ βαδίζόντων ἡδὴ πρὸς τὰς ποταµίους:* At o rex, inquit, neque vestem nitidam viri isti capiunt iter ingredientes, neque scutis splendentibus, & nudis galeis vtuntur; uti nunc, cum coriacea detraxerint armorum tegmenta. sed reuera pugnaturientium hic splendor est, & in hostes iam euntium. En clarè tibi totum ritum, & cuiusmodi etiam quaque materie illa tegmenta. Tangit Frontinus III. Stratag. cap. I. de Manio Curio: *Quattuor legiones eduxit armatas, & consistere, omnibus de-*

tectis

teētis armis, velut in acie, iussit. Ante aciem igitur, siue in viâ, siue in castris tegebant. Iosephus libro v. Excidij, cū Romani, iussu Titi Vespasiani, lultrarentur, vt pecuniam acciperent: Οἱ δὲ, inquit, ὡς περ ἔθος, ἀποκαλύψαντες τὰ ὄπλα θήκαις ἐσκεπασμένα τέως, κατὰ φρακτοὺς προσήσαν: Illi verò, vt mos est, arma sua detegentes, thecis hactenus inclusa & teēta, undique armati prodibant. Sed nescias, an illic non tam viatoria hæc inuolucra, quàm Armamentarium aut similia repositoria intellegat in castris: quia nominat. θήκας. In Cæsare i. i. Ciuium similis ambiguitas: Cū, inquit, alius discessisset, alius ex diutino labore quieti se dedisset; arma verò omnia reposita contectaque essent: portis se foras hostes erumpunt. Et sanè in Tacito etiam lego, in castro Prætorio recondita arma, nec nisi iussu capta. De Othone, i. Historiarum: *Aperire deinde armamentarium iussit, capta statim arma, sine more & ordine militia, vt prætorianus aut legionarius insignibus suis distingueretur.* Nota hîc quoque de *Insignibus*, quod prædixi. Cū autem sic reposita in vno loco arma, etsi per centurias manipulosque, opinor, digesta; non tamen frustrâ militum nomina inscripta scutis, nequa fraus vel error in recipiendis. Nam potuit & hæc ritus eius esse causa. Sed de tegminibus istis, breuiter etiam Cicero libro ii. De naturâ deorum: *Scitè autem Chrysippus. vt clypei causâ inuolucrum, vaginam autem gladij, sic, præter mundum, cetera omnia aliorum esse causa generata.* Quod cū Chrysippo sumpsit, liquet Græcis fuisse quoque talè morem. In Curtio quidem lego, cū in viâ milites essent, Patronem, Græcorum ducem, præcepisse suis, vt arma quæ in sarcinis antea ferebantur, induerent, ad omne imperium suum parati.

DIALOG. III.

„ Minorem alium, quem Pugionem Latinâ voce Tacitus.] Taciti verba x i. Annalium: *Ferunt milite, quia vallum non accinctus, atque alium quia pugione tantum accinctus foderet, morte punitos.* Hunc minorem gladium ad sinistram latum video in imaginibus quibusdam, aliter ac Iosepho dictum: more scilicet toto eo, vt monui, variante. Sed en militem è columnâ Antonini, vtrimq. sic cinctū. Hunc



Pag. 175.
linea 25.

Hunc gladiolum Græci παραμήριον vocant, quia pendulus sic ad femur. Leo Imperator: *Habeant spathas Romano more ab humeris pendentes, & parameria.* In Glossis: μάχαιρα, παραμήριον; *sica.* Iunctim hoc malim, & rescribi: μάχαιρα, παραμήριος. Nam de omni machærâ, falsum sit. Ita in iisdem restrictè, παραζώνιος μάχαιρα, *sica.* Sozomenus in Ecclesiasticâ historiâ, de Gerontio quodam Romano: *πασσάμενος τὸ παρὰ μηρὸν ξιφίδιον: distringens gladiolum, qui ad femur.* Et nostri aliquot hodie pugiunculos ita ferunt. Idem Græci παραζώνιον dicunt, qui ad zonam, & ab eâ pendet. In Martiali Lemma est, *Parazonium*, & subscriptum:

Militia decus hoc, & grati nomen honoris,

Arma Tribunitium cingere digna latus.

Cui non is sensus, quasi soli Tribuni gestassent (errant qui arbitrati sunt:) sed laudat illud suum parazonium, & ita fabrum cultumque vult, ut vel Tribuno sit dignum. Ornare enim auro & argento solent, quisque pro fortunâ. Herodianus de Severi militibus: *Τὰ τε ξιφίδια περιαιρῶσιν αὐτῶν ἀπαρηρῆντο τῶ ἀργυρίῳ καὶ χρυσῷ κεκοσμημένα: Et gladiolos iis (Iuliani militibus, Prætorianis) abstulerunt, quos suspensos gestabant auro & argento cultos.* Abstulerunt, inquam, tanquam militiâ iam exauctorarent, discingerentque. Idem παραζώνιος Hesychio: παραζώνιος, μικρὰ μάχαιρα: *Parazonis, parua machæra.* Vegetio hoc ipsum est *Semispatha.* Habebant (inquit lib. i. cap. xv.) *gladios maiores, quos Spathas vocabant, & alios minores quos Semispathas.* Nec verò Romani sic tantum, sed veteres etiam Græci. In Homero est, de Agamemnone, Iliad. γ.

ἐρυσσάμενος χεῖρεσσι μάχαιραν,
ἢ οἱ παρ' ἑξέτος μέγα κλέος αἰὲν ἄορτο:

manibus strinxitque macharam,

Quæ iuxta gladij vaginam dependebat.

Eustathius pro nostrâ re explicat, & vult intellegi Παραξιφίδια siue ἐγχειρίδιον. Herodotum aduocat: καὶ ἐγχειρίδια παρὰ τὸν δεξιὸν μηρὸν: *Et pugiones ad dextrum femur.* Nam & Perisæ vsi, estque eorum Acinaces. Iulius Pollux ita docet: *Ακινάκης, περσικὸν ξιφίδιον ἢ τὰ μὲν παρηρτημένον: Acinaces, Persicus gladiolus quidam, femori adaptatus.* Moschopulus item, in vocibus Atticis: *Ακινάκης, ἐγχειρίδιον βαρβαρικόν, ὃ φασὶν οἱ Ἕλληνες παραμαχαιρίδιον: Acinaces, pugio barbaricus, quem Græci dicunt Paramacheridium.* Denique in Suidâ exponitur, *μικρὸν δόρυ περσικόν:* etsi malè. Non ergo magnus ille gladius, quo Turcæ atque Orientales hodie vtuntur, ex istorum quidem mente. Hispani iisdem etiam vsi, ut monet Diodorus lib. vi. *ἔστι δ' ἀμφίστομα, καὶ σιδήρεω διαφόρῳ κεχαλκευμένα φορεῖσιν, ἔχοντες σφιδαμιαίας παραξιφίδας, αἷς χρῶνται κατὰ τὰς ἐν ταῖς μάχαις συμπλοκάς: Gladios ferunt ancipites & virimque incidentes, ferro præstantissimo factos, habentes & gladiolos duodecim digitorum adiunctos, quibus vtuntur iunctâ pugná & in complexu.* Et an non Romani, ut maiorem gladium, sic minorem ab Hispanis? maxime cum & modus ille Sphithamæ utrobique sit, quem Iosephus dixit. Ab illis, an à Gallis: cum & hi vsi. Claudium Quadrigarium sic exaudio, apud Agellium libro ix. *Gallus quidam nudus, præter scutum & gladios duos.* Nam duos tribuit, & puto alterum minorem. De Germanis

N N

quidem

quidem (& mores plerique tunc iidem) Dio clariùs hoc asserit, pugna Cæsaris in Ariouistum: *Adeo autem cum impetu Romani eos inuaserunt, ut nec contis, nec gladiis illis longioribus uti possent. imò multi etiam usu breuiorum gladiorum (τῶν βραχυτέρων ξιφῶν) priuati, manibus & dentibus depugnarent.*

Pag. 176.
luca vlt.

„ Ab humero, non à medio cingulo pendebant.] Veteri & heroico ritu. Homerus:

Αμφὶ δ' ἄρ' ὠμοισιν βάλετο ξίφος ἀργυρέηνον:

Circum humeros iecit clauis gladium argentatis.

Virgilius: *Tum lateri atque humeris Tegeæum accommodat ensæ.*

Et quid verbis opus? monumenta passim ostendunt, & procaciores militum hodie vsurpant. Loris autem latioribus pendebant, & id Baltei, vel Baltea. Virgilius:

— humero cū apparuit alio

Balteus, & notis fulserunt cingula bullis.

Sidonius libro IIII. epist. xx. *Penduli ex humero baltei.* Silius libro x.

— tergo quā balteus imo

Sinuatur, coxæque sedet munimen utraque.

Qui versus tamen indicat cingulum etiam commune, & quo in orbem ambimur, Balteum item appellari. quod verum est: & de utroque Isidorus: *Balteus dicitur non tantum quo cingimur, sed etiam à quo arma dependent.* Ab hac similitudine zona illa cælestis, Balteus Manilio:

Sed nitet ingenti stellatus balteus orbe.

Hunc autem singularem milites ornabant, eoque velut militiæ præcipuo insigni superbiebant. Bullis honestari plerumque solet, ex argento, auro, interdum & gemmis. Inde Varro Balteum format, quod cingulum è corio habebant bullatum. Virgilius de illo Pallantis. — notis fulserunt cingula bullis. Calpurnius in Bucolicis:

Alternat vitreas lateralis cingula bullas.

Cingulam dicit, nouo genere. ut & Glossæ: *ζώνη, cingula, balteum, cingulum.* Bullæ autem istæ quid, ex Isidoro dicæ: *Bulle, inquit, quod similes sint rotunditate bullis, quæ in aquâ vento inflantur.* Et tales Plauto sunt: *Iussim bullas has foribus dari in splendorem.* Item Ciceroni in Verrem. Sed illæ forium ex ære, & ut capita clauorum: hæ meliore, ut dixi, metallo. Liuius de Samnitibus: *Aurata vagina, aurata baltea illis erant.* Plinius: *Capuli militum, ebore fastidito, calantur argento, vagina batillis, baltei laminis crepitant.* Virgilius: — phaleras Rhamnetis, & aurea bullis

Cingula.

Ausonius in Cupidine suo: — auratâ fulgentia cingula bullâ. Trebellius Pollio in Salonino: *Cum cingula sua plerique militantium ponerent horâ conuiuij, Saloninus puer his auratos constellatosque balteos rapuisse perhibetur: atque hinc tractum, ut deinceps cum Imperatore cincti discumberent.* Constellatos ibi accipio, stellulis, aut stellarum in modum lineis decussatis sparsos. Simile autem furtum in Taciti Historiarum i. i. *Incuriosos milites, vernaculâ urbanitate, quidam spoliauere, absçisis furtim balteis, An accincti forent? rogantes.* De hisdem Bullis & Flori hoc potest accipi, lib. ii. cap. vi. *Opes suas Senatus libens in medium contulit, nec præter quod in bullis, singulique annulis erat, quidquam sibi auri reliquere.* Et si nō abnuo ad pueriles quoque

que posse duci. Dixi & gemmis ornari. En Trebellius de Gallieno: *Gemmao balteo est usus.* Tertullianum sic accipe, De habitu virginum: *Latent in cingulis smaragdi, & cylindros vagina sua solus gladius sub sinu nouit.* Parthi maximè sic luxuriati. Claudianus, libro 1. de raptu.

*Parthica quæ tantis variantur cingula gemmis,
Regales vinctura sinus?*

Tertullianus, De cultu fæminarû: *Vt ex auribus grana nescio quæ pendèrent,*



*quæ Parthi planè per omnia
quaque sua bullarum vice
inserunt.* Atque tales or-
nationes baltei, ornatio-
rum militum. Idèd in Sui-
dâ: *Μονόζωνοι, οἱ τίμιοι τῶν
σπαρτωρῶν, οἱ μὴ τὸν αὐτὸν
τῆς ἀλλοῖς ζωστῆρα φορῶντες.*
Monozoni (singulariter cin-
cti,) digniores militum di-
cuntur, qui non eundem a-
liis balteum gestant.

„ *Ad Orientalem aut Tur-* Pag. 179.
cicam formam.] Conspi- linea 13.

ciuntur ita in columnâ An-
tonini, atque alibi, sed om-
nino rarius. Vide mili-
tem, qui indidem effictus.
An non Græci hoc genus
Copidas vocarunt? Dubius
sum, & hæreo an non po-
tius alio & inuerso fuerint
flexu. Ita enim Curtius de-
scribere videtur, & cum
falcebus componit, libro
VIII. *Copidas vocabant gla-
dios leuiter curuatos, falci-
bus similes, quibus appetebant
belluarum manus.* Clau-
dianus eos intellexit, de lau-
dibus Stiliconis libro 1.

— non falce Gelonus,
Non arcu pepulere Getæ.

Ij enim populi, & finitimi, talibus de more vsi. Statius poëta 1. 1.
Achilleidos:

— quo turbine cestum
Sauromates, falcemque Getes.

Ecce Getis tribuit, id est Dacis. & in columnâ Traiani non aliis gla-
diis



diis isti pugnant. Vide & hunc typum. Quod autem in Statij versu *cestum* legitur, fateor mihi incertum esse. & aliàs *contum* supponere volui, aliàs *restim*. Cestuum profectò in acie rem esse, nondum mihi lectum. at contis eos pugnasse, indubium: & in Silio, *pondera conti Sarmatici*: etiam apud historicos, in eorum rebus. Sed de *resti*, id est laqueo, magis placeat: & peculiare hoc iis & finitimis videtur. Pausanias de Sarmatis, libro i. Καλ σειραῖς περιβαλόντες τῶν πολέμιων ὅποσους καὶ τύχοιεν, τὰς ἰπῶας ἀποσρέφαντες ἀνατρέπασσι τὰς ἐν χερσίν ταις σείραις. Et laqueos iniicientes in quemcumque hostium possunt, equos deinde auertentes deijciunt detrahuntque implicitos sic & illaqueatos. Sozomenus de Scythâ quodam, libro vii. Ecclesi. Hist. cap. xxv. Parato in hoc laqueo, ad scutum alligato, sicuti solet in hostes, alteri cuidam dum loquitur, sublatâ manu dextrâ funem immisurus erat, ut ad se traheret. De Scythiis Alanis, hoc ipsum Iosephus, libro vii. Excidij. narratque Alanos istos in Mediam irrupisse. quibus obuius factus rex Teridates, pænè viuis in eorum venit potestatem. Βρόχον γάρ, inquit, αὐτῶ τίς πόρρωθεν περιβαλὼν ἐμελλεν ἐπιπιάσειν, εἰ μὴ τῷ ἑξέει δ᾽ αὐτὸν ἐκείνος τὸν τόνον κόψας, ἐφθνη διαφυγεῖν: Laqueum enim aliquis procul cum ei inieciisset, tracturus ad se erat, nisi ille gladio celeriter abscidisset funem, & occupasset fugere. Hegesippus de iisdem, libro v. cap. l. Laqueos iacere, atque hostem innectere, ars Alanis bellandique mos est. Valerius Flaccus aliam eius oræ gentem, Anchates, facit sic bellare, libro vi:

*Doctus & Anchates patulo vaga vincula gyro
Spargere, & extremas laqueis adducere turmas.*

Denique & Persarum quibusdam simile adscribit Herodotus, quos *Sagartios* appellat. Ij, inquit libro vii. *reste vtuntur è loris confectâ, & cum hoste congregientes inijciunt eas, in summo laqueum habentes, quibus aut equum aut ipsum implicantes, ad se trahunt.* Notus Statiano illo æuo mos fuit, & in multo sermone, ob pugnas tunc cum iis gentibus. eoque & in Amphitheatra deductus, & gladiatores dati hoc exemplo. Isidorus: *Laquearj, quorum pugna erat fugientes in ludo homines, iniecto laqueo impeditos consecutosque prostertere.* Adde Suidam in voce Σειραῖς.

DIALOG. IIIL.

Pag. 184. „ Adde quod *Hastæ velitum conueniens.*] Conuenientissimum: & considera. Septem eas miles vnâ manu tulit: fuere septem digiti. totidem nunc in duobus Pilis, si alterum quattuor digitorum facis; alterum minus, trium. Ipsa profectò res est, litiget aut contendat qui volet.

Pag. 188. „ Corrigenda *Græca* censeo, ἐν δατέρε.] Imò nunc vix censeo, & potest esse eadem mea sententia verbo illo, etsi ambiguo, manente. Certè Pilum non nisi parte alterâ mucrone indutum fuisse, cum ratio tum Polybij descriptio clamat. Illud mirum, in veteribus monumentis nusquam conspici (quod ego sciam) vetus hoc & Polybianum pilum. Sed hoc ideò, quia æuo desisse & minus factum, verè à mè dictum. Vegetij descriptio hoc euincit. qui amplius etiam ostendit, suo æuo vix vsurpata illa ipsa leuiora.

* Suprà tamē vbi de Parazonio, miles expressus, cū tribus pilis, sed leuioribus, nec tāto ferro.

uiora. Nam post descriptionem illam Pili (libro i. cap. x x.) addit: *Cuius generis rara apud nos iam sunt tela.* Nominant scriptores inferioris ævi, fa-
teor: sed videndum, ne in alium sensum. Vt in ipso Vegetio, cū scribi-
tur libro i. cap. x v. *Quod pilum vocabant, nunc spiculum dicitur:* satis in-
dicat Pili vocem aliō iuisse. Item libro i. cap. x x. *Sciendum cū missilibus*
agitur, sinistros pedes inantē milites habere debere: sed cū ad pila, ut appellant,
venitur, & manu ad manum gladiis pugnatur, tunc dextros. Pila missilibus
opponit, & in pugnā statariā vsurpat. Quid te traho? credo hastas tunc
sic dictas. Vide quæ noto infra libro iiii. Dial. i. pag. 232. & adde Panegy-
ricum Iuliano dictum: *Iuuenes cum gladiis atque pilis, non custodie corporis*
sunt, sed quidam Imperatorius ornatus. Illi verò custodes Cæsarei, non pila
sed hastas ferebant, ex Suetonio aliisque. Moneo hodie tamen perseuera-
re apud nos Belgas vocem Pili, qui fagittam sic vocamus.

DIALOG. V.

„ *Argenti aliquid mixti in cristis, vel auri.]* Ita Silius de Chrypo Celtâ, Pag. 191.
linea 17.
libro iiii.

Auro virgate vestes, manicaq; rigeant
Ex auro, & simili rutilabat crista metallo.

„ *Maiores nostri studiosè.]* Ita est. & galeæ istæ quæ scutis imponuntur, Pag. 195.
linea 24.
familiarum utraque digmata, originem habent à multifariis istis cristis.
Mira enim lasciuiæ. & alius cornua sumebat, quasi ad impetendum & ter-
rendum: ut de Pyrrho rege in textu rettuli. Addo & de Philippo Mace-
done: de quo Liuius libro xxv i. *In arborem illatus impetu equi, alterum cor-*
nu galeæ ad eminentem ramum perfregit. De cornu isto, pro insigni, capio. si-
cut Afri. cuiusdam, in honorem Ammonis, ornatus describitur à Silio
libro x v.

Castide cornigerâ dependens insula.

Sed & in Virgilio est, libro x i i.

Ensemque, clypeumque, & rubra cornua crista.

aliâ tamen fortassis mente, & cristæ ipsæ plumæ sectæ & diuisæ intel-
guntur velut in cornua. Suidas tale: *Κέρασ οἱ παλαιοὶ τὴν τρίχων ἐκάλει.*
Cornu, veteres capillos aut iugas vocabant. At in nostris hodie Galeis quàm
crebra cornua: aliæ animalium partes? sæpè capita? Quæ omnia olim in
Gallorum & Germanorum cottidiano ritu. Diodorus de Gallis: *Κράνη*
χαλκᾷ περιτίθενται, μεγάλας ἐξοχὰς ἐξ αὐτῶν ἔχοντα, παμμεγέθη φαντασίαν
ἐπιφέροντα τοῖς θεωμένοις. τοῖς μὲν γὰρ πρόσκειται συμφυῇ κέρατα, τοῖς δὲ ὀρνέ-
ων ἢ τετραπόδων ζώων ἐντετυπομένοι ἀροτομαί: *Galeas areas capiti circum-*
ponunt, quæ magnas eminentias verticisque habent, & magnificam opinionem
spectantibus obyciunt. Aliis enim naturalia cornua apposita sunt, aliis aurum
aut quadrupedum animalium expresse effigies. Plutarchus de Germanis, in
Mario: *Κράνη μὲν εἰκασμένα θηρίων φοβερίων χάσμασι καὶ ἀροτομαῖς ἰδιομόρ-*
φοις ἔχοντες, αἳ ἐπαίρουσιν οἱ λόφοις πτερωτοῖς εἰς ὕψος, ἐφαίνοντο μέγας: *Galeas*
habentes quæ assimilarent terribilium ferarum rictus, aut alias peculiares fa-
cies, easque cristis pennatis exstruentes, maiores, quàm erant, apparebant. Et si
hoc paullò diuersum est à Diodoro. & vult iste, ut verba sunt, galeas ipsas
fuisse aut è feris, aut in eas formatas. Id enim quoque solent, detractas ita
exuuias

exuias ferinas, ipsosque hiantes rictus capiti imponere. Apud Suidam scriptor: Οἱ δὲ πάροιθε τὰς κεφαλὰς τῶν θηρίων ἀρμόσαντες τοῖς κράνεσιν, ἐχρῶντο τοῖς τῶν θηρίων χάσμασι: Parthi capita ipsa ferarum galeis adaptantes, utebantur earum rictibus. Statius libro III.

— ore ferarum

Et rictu horrificant galeas.

Pag. 196.
linea 2.

„ Cristas aliquot è monumentis vide.] Non tamen hinc Polybianæ illæ expressæ, nec triplices. Polybij verba si quis attendit, dixerit magis pennas erectas fuisse, altas sesquipedem: cuiusmodi & Turcæ hodie gestant.

DIALOG. VI.

Pag. 203.
linea 17.

„ A Dousâ nostro emendatus, arato.] Nec aurato tamen sperno: quoniam & loricas auratas lego, & Parthia metalli eius diues.

Pag. 209.
linea 4.



Pag. 210.
linea 29.

„ Exstat descriptio plena in libello qui Notitia.] Ne petere graue sit, en repræsentato.

„ Librarum utraque, an utralibet? Ambiguū enim Plutarchi verbum, ἐκατέρος. Sed magis est, de utraque accipi, ut singulæ pependierint libras vicienas. Scribitur ibidem, solum Alcimum quemdam, valentissimum virum, centum viginti pondo armorum tulisse, cum alij non nisi sexaginta. Hoc ad omnia arma spectare arbitror: & nota olim eorum pondus.

DIALOG. VII.

Pag. 213.
linea 10.

„ Dextris cruribus.] Non vana sunt hæc Vegetij, nec mea questio. Sanè pro eius mente funditor, quem expressi suprâ (in Dial. I. lib. III.) sinistrum crus rectum palam habet: contrâ Legionarius, quem item expressi (Dialog. III. lib. III.) dextrum modò crus ferro regit.

Pag. 222.
linea 28.

„ Sellarum equestrium fulcra.] Tale in Panegyrico Nazarij, quem Constantino dixit, ubi de Cataphractis equitibus ab eo cæsis: Tunc ire præcipientes, labi reclines, semineces vacillare, aut moribundi sedilibus attineri.

„ Velita-

„ *Vellitares istas hastas plures donat.*] Lapis quoque antiquus est, quem exscriptum misit ad me Iohannes Viuianus, vir elegantissimi ingenij & doctrinæ, qui positus est ALBANO. VITALI. EQ. ALÆ. INDIANÆ: & in eo ipse miles expressus, dextrâ equum fræno retinens, in læuâ colligata hastilia, adiacente scuto. Raræ alioqui, quod sciam, spectationes eiusmodi aut exempla.

Pag. 226.
linea 21.

ANALECTA

LIB. IIII. DIAL. I.

„ *Extrema verò Triariorum.*] Nihil hoc more notius aut certius. imò seruabant & in nauali certamine, quod ex eodem Polybio dicas. Ille enim libro I. cum pugnam Romanorum classicam in Pœnos describit, ait *exercitum diuississe in quattuor partes.* Tò δὲ, inquit, μέρος ἕκαστον διττὰς εἶχε προσηγορίας. πρῶτον μὲν γὰρ ἐκαλεῖτο στρατόπεδον, καὶ πρῶτος στόλος, καὶ τὰ λοιπὰ κατὰ λόγον. τὸ δὲ τέταρτον καὶ τρίτον, ἐπωνυμίαν ἔτι ἂν προσεῖληφει. τριάριοι γὰρ ὠνομαζόντο, κατὰ τὴν ἐν τοῖς πεζικοῖς στρατοπέδοις συνήθειαν: Quæq; autem pars duplicem agnominationem habebat. Dicebatur enim Prima legio, & Prima classis, & sic deinceps. Quarta autem & tertia pars, agnominationes non habebant: sed Triarij dicebantur, iuxta consuetudinem in pedestribus copiis. Sciendum igitur, copias ita diuisas locatasque fuisse, vt duæ postremæ partes ad latera sibi iunctæ fuerint, eoque Triarij dicti: non autem Tertia illa in medio ponenda. Hic Polybij locus tenebras alioqui habeat.

Pag. 231.
linea 13.

DIALOG. II.

„ *Rorarij procurrebant inter Antepilanos.*] Simile Vegetius in suâ dispositione notat, libro III. cap. XIII. Sciendum ergo est, stantibus duobus primis ordinibus, tertium & quartum ordinem, ad prouocandum, cum missilibus & sagittis, primo loco semper exire. Qui si hostes in fugam vertere potuerint, ipsi cum equitibus persequuntur: sin verò ab hostibus pulsî fuerint, redeunt ad primam & secundam aciem, & inter ipsas recipiunt se ad loca sua. Ita illo æuo vides reditum pænè fuisse ad priscum & diu desitum morem.

Pag. 240.
linea 26.

DIALOG. V.

„ *In nummis M. Antony & Augusti sic apparent.*] Non vt hîc quidem sculptor expressit. Culpa eius est, & me absente alibi talia peccata. Sed quod sculptor quasi per decussatam crucem reddidit, id scito trifulcum fulmen in ipsis nummis esse.

Pag. 257.
linea 5.

„ *Defigi in terram solere.*] Ita olim factum, & ipsa hasta sic solo infixæ. At postea (ad custodiam, an ad delicias?) non ipsa hasta, ne macularetur aut absumeretur, sed loculi aut thecæ ferreæ in terram defixæ, & in eas immissa ima hastæ cuspis. Conspicitur ita clarè & desculpitur in lapide marmoreo, ædibus quæ Cæsiorum sunt Romæ: vbi quadrati isti loculi ferrei, in acutum desinentes, introrsum vacui, efformantur, & aquila ac cohortium

Pag. 258.
linea 29.

tium Pretoriarum signa imponuntur. Lapis inscriptus est M. POMPEIO PRIMOP. LEG. III. & pluribus titulis.

- Pag. 262. „ *Cohortium ergo omittis?*] Quod hîc lineis aliquot dico, antè posueram,
 linea 25. & repeto ignarus. Video semel atque iterùm alibi euenisse. Causa, quòd
 scripsimus hæc per interualla, imò misimus etiam per interualla. Tule-
 ctor distractioni aut valetudini nostræ facilè hoc condonabis.

DIALOG. VI.

- Pag. 274. „ *Dextraq; ut laeuum teneat.*] Alij legunt, *Dextérque v. l. teneat, dextrúm-*
 linea 21. *que sinister miles:* sed consimilis est mihi sensus.

DIALOG. VIII.

- Pag. 285. „ *Vt in genua primi subsiderent.*] Simile in Silio, effectu non modo, lib. ix.
 linea 14. *Quis astare loco dederat fortuna secundo,
 Contorum tongo & procera cuspide ictu,
 Ceu primas agitent acies, certamina miscent.
 At quos deinde tenet retrorsum inglorius ordo,
 Missilibus certant pugnas equare sudorum.*

Quod planè est pro locatione Vegetij, de quâ dixi, cùm Hastati & Sagitarij secundo tertioque ordine consistunt. Itaque à suo xuo hoc Silius (vt solent poëtæ) ad priscum traxit.

- Pag. 288. „ *Iconismus Aciei vulgata.*] Non litigo cum sculptoribus, nec absentes
 verbero: tamen in interuallis, aliisque, haud satis mentem meam aut pro-
 totypon quod misi, expressam, loquuntur mea verba: quæ tu potiùs, le-
 ctor, semper inspicere quàm adumbrationes istas. Semel moneo.

- Pag. 289. „ *Nam fuerunt in quoque cornu, detractis Ablectis, Extraordinarij 504.*]
 linea 29. Hoc verum est, si cohortem plenam detrahis in Ablectos. Quod in ca-
 strorum ordinatione ad Polybianam metaturam aptiùs mihi visum ser-
 uari: tamen vacillo, & inclino iudicij libram ferè in alteram partem, vt
 fuerit in Ablectos non nisi dimidia è quoque cornu: atque ita essent duæ
 plenæ cohortes Extraordinariæ, in Acie vtrimque sic locandæ. Tum nu-
 merus sit 672. In vexillis hîc etiam præcipiendum animo, pro numero
 esse debere: quod nec hîc factum.

- Pag. 291. „ *Acies erat Afraniana duplex.*] Correctionem nostram vides, facilem
 linea 24. nec longinquam, si per notas (vt solet, & editur vulgò) numeros istos scri-
 bas Subit tamen nunc propius veriusque fortasse legere: *legionum 11. &
 111.* id est; *duarum & trium.* Ita velit aciem duplicem fuisse, id est in duo
 cornua diuisam: vno sterisse duas legiones Petreij, cum ipso; altero, tres
 Afranij, item cum ipso. Tot enim quisque eorum legiones proprias habe-
 bat, vt ex Cæsare suprâ clarum. Tum post eas, subsidia cohortium.

- Pag. 294. „ *Nusquam isto æuo Antonianos milites reperio.*] Imò iam reperio, & non
 linea 26. moueo loco. Orosius & Epitoma Liuij nominant C. Antonium, qui in
 Illyrico victus, ipsi & milites in potestatem Pompeij venerunt. Itaque lo-
 cus ille intactus esto, & de Afranij tamen desideretur.

- Pag. 297. „ *Ex ternâ acie singulas cohortes.*] Monui legendum *senas cohortes:* sed hoc
 linea 1. amplius alij, *ex tertîâ acie volunt.* De quo dubito. Vellem sanè ad totam
 dispositi-

dispositionem, utramque aciem non in fronte solum triplicem, sed in subsidiis fuisse: at id non reperio, imò contrà in Frontino, *Cæsarem disposuisse triplici acie in fronte legiones*: disertim scribitur, *in fronte*. Itaque hoc sensu & positu, non rectè ex *tertiâ* legatur. Si tamen aliter, tum rectissimè, nec ego aut ratio valdè damnent. Pro locatione tamen, quæ magis ad verba Iuliana videtur, sententia sit, ex vnaquaque acie (id est, dextrâ, sinistrâ, mediâ) duas cohortes detractas, atque ita sex factas: acie, dico, extremâ, ne hostis sentisceret aut videret. Eam quartam esse aciem factam, & stetisse obliquam post Decimam legionem, ex Plutarcho. Atqui *Tertiam* tamen aciem seorsim Cæsar commemorare & ponere videtur, ac iussisse quietam esse. Sed ea videtur Dextrum cornu, siue legio Decima fuisse, in quâ Cæsar ipse stetit.

„ *In fronte quinas & quinas stetisse.*] Locus Frontini mihi obscurior est, Ibidem, linea 24. & mens mea interpretantis, *quinas & quinas cohortes stetisse*: quæ vox male omissa. Sentio, in quaque legione, quinque cohortes stetisse in fronte, quinque alteras in subsidiis: & cum duæ legiones in quaque acie iunctæ essent, decem igitur ordine stetisse: atque id *Ordines* totidem à Frontino appellari. Non nego nouitium esse, & Ordines magis dici ipsas lineas simplices, & per seriem singulos viros: sed quid hîc aliter faciam? Si pro vulgato more & sensu accipis: omnes istæ legiones (vndecim fuisse, è Cæsare & Appiano colligas, etsi Orosius non nisi *octoginta octo cohortes* numeret; sed idem in equitum numero falsus) omnes, inquam, legiones in triplici non nisi triginta viros habuerint in fronte: ut Frontini verba sunt, si tamen pura & recta. Ambigere enim me fateor: & an non magis, *denos ordines in altitudinem*? Etsi ea quoque profunditas parua, pro numero copiarum. Omnino ambigo, & numerus fortasse corruptus, ampliorque faciendus sit: quod rogo considerare eos, quibus Mars & ars ista militaris vsu quoque nota.

DIALOG. X.

„ *In Propertij versu vidi qui mutarent.*] Et scriberent scilicet, *era pro ossa.* Pag. 307. linea 14.

DIALOG. XI.

„ *Quis autem clamor ille, aut in qua verba.*] Addo, reperire me etiam gentis aut patriæ nomen acclamatum, ut nunc à quibusdam solet. Nam Hispani, Hispaniam ingeminant in concertatione aut rixâ, & cum auxilium cient. Plutarchus in Mario, hoc scribit: *Ambrones, cum pugnam cum Romanis incæptarent, siue quò sese cohortarentur, siue ut hostes terrerent, nomen suum idem idem intonasce AMBRONES.* In eodem lego, Romanos etiam vsurpasse crebrò illud, *Feri*, in acie, & cum sese mutuò adhortarentur. unde etiam, inquit, (in Marcello) *quidam Feretrij Iouis nomen deriuant.* Sed hoc in ipsâ acie, non ante eam.

„ *Videntur cum cantu aut rythmo quodam fuisse.*] Idem ex Paulo Diaco. Pag. 324. linea 8. no dicas libro XVIII. de Heraclio Imp. qui tirones exercebat opere & arte militari: *Clamore bellicum, & carmina & iubilum, & impetum in alterutrum surgendi habere hos docebat; ut reperti in bellis nil mirarentur, sed fidenter proficiscerentur in hostem.*

OO

ANA-

ANALECTA

LIB. V. DIAL. III.

Pag. 21.
linea 20.

„ *Amplius, & ducentorum pedum scilicet in longo.*] Tot quidem pedum, si aream ipsam modò inspicis, sine aspectu Quintanæ suprâ iunctæ. Aliàs, trecenti pedes sint: & ita postea consideramus.

DIALOG. V.

Pag. 57.
linea 28.

„ *In tentoriorum scilicet usum, & si fortè scutorum.*] Vtrumque fuit. atque ita Cicero L. Pisoni obiicit, Proconsuli Macedoniæ: *Quid? illam armorum officinam ecquid recordaris, cum omni totius provincie pecore compulsò, pellium nomine, omnem quæstum illum domesticum paternumque renouasti? Videras enim grandis iam puer, bello Italico, repleti quæstu vestram domum, cum pater armis faciendis tuus præfuisset.*

DIALOG. VII.

Pag. 77.
linea 3.

„ *Si tres sub uno Consule legiones.*] Quod Polybij quidem ævo haud crebrum, increbuit sub Principibus, atque etiam antè, cum socij iam remoti. Tum igitur metatio latior, & Principia per vias suas magis diuisa. Tacitum sic interpretor 11. Annalium, de Germanico qui cum copiis ad infelicem locum venit ubi Varus cæsus: *Prima Vari castra, lato ambitu, & dimensis principijs, trium legionum manus ostentabant.* Id est, cum principia dimensi essent, reppererunt tribus legionibus locum.

DIALOG. IX.

Pag. 107.
linea 4.

„ *Fraxare, vigiliam circuire.*] Dubitabat Claudius Dausquius, vir veriusque linguæ benè sciens, an non à Græco ductum esset, *παρά τὸ φράσαι* quia sic muniuntur Vigiliæ. Prudentius eâ formâ ἐν τῇ χαράξει, fecit *Charaxare*. Idem Claudius suprâ, ubi in Græco est *πληροῖσι τὴν ἐκτὸς ἐπιφάκειαν*, de Velitibus, suspicabatur *τηρῶσι*: ut Polybius in hac ipsâ re loquitur.

Pag. 110.
linea 4.

„ *Aliud est in Ausonj versu, & nisi quis explicat, muto.*] Atque iam reperti, ecce, qui explicaret, & vellet referri ad triplicem noctis sectionem, quæ apud Græcos fuisse videtur, ex Homero & Theocrito. Notauit, & me quoque in sermone monuit, vir pietate, doctrinâ, & amore in me singulari M. Antonius Delrius, ad Senecam.

Pag. 116.
linea 22.

„ *De Ignibus, quos reperio crebrò.*] Et palàm ac certò in Cæsare, 111. Ciuilium: *Cum animaduertissent ex ignibus, nocte cohortes nostras ad munitiones excubare, vniuersi in multitudinem sagittas coniciebant, & se confestim ad suos recipiebant. Quibus rebus nostri hæc reperiebant remedia, ut alio loco ignes facerent, alio excubarent.* Nota obiter, & incommodum quod oriri ex ignibus iis potest, & in facili remedium.

DIA-

DIALOG. XII:

„ *An parati ad bellum?*] Verè dixi rarum in scriptis morem, & in re tamen Pag. 142.
linca 14.
assiduum. An non tamen odoror in Paulo Diacono, libro xviii? *Philippicus*, inquit, *egressus è regiâ vrbe, hostili sumpto apparatu, ad ciuitatem Ami-*
dam properat. Et collectis armatis percontabatur, Si in promptu haberent pro-
perandi ad bellum? Simile profectò est, an tamen tunc sollemniter ita fa-
ctum ignoro.

DIALOG. XIII:

„ *Denique extra controuersiam.*] Hæc ita è Lucano, & Appiano: sed fi- Pag. 152.
linca 14.
nem controuersie, quid si ita ipse Cæsar dicit & præit? Mihi apertè, cum
notat: Pompeium territum hoc cæpto Cæsar's, cum tamen neque pro-
hibere posset, nisi prælio vellet decertare; nec à Dyrrhachio aut mari dis-
cedere, ubi apparatus omnem belli habebat: *relinquebatur*, inquit, *ut ex-*
tremam rationem belli sequens, quamplurimos colles occuparet, Cæsar'sque co-
*pias quàm maximè distineret. Idq; accidit. Castellis enim * xxiiii. effectis, ** Credo
plura
quindecim millia passuum in circuitu amplexus, hoc spatio pabulabatur. Obser-
ua verò, ipsum Pompeium xv. m. passuum in spatio interiore ample- fuisse in
tanto spa-
xum, quanto igitur amplius, & longè amplius oportuit esse spatium atque
ambitum Iulianum, quo is cingebatur? Analogia clamat, & aperta est. tio.
Sed scito, castella fuisse, non vallum ita perpetuum. Hoc autem de Pom-
peio, Lucanus ita ex fide narrat, ut solet:

*Ac tantum septi vallo sibi vindicat agri,
Parua Mycenæ quantum sacrata Diana,
Distat ab excelsâ nemoralis Aricia Româ.*

Sunt ipsa quindecim milliaria, quæ posuit Cæsar. At virum doctum, & alia
cautum, (iam nunc lègi) hæc referre ad ipsum Cæsar's vallum, supinitas
est & aberratio largæ in legendo. Lucanus videatur. Quòd etiam idem
Strabonem aduocat, & vult Ariciam distare Româ *viginti milliaria*: non
ita est, & Strabonis scriptura falsa imposuit, nec ibi *stadia centum sexaginta*
legenda, sed *centum viginti*. Nota altera immuretur in Græcis. Vult Cæ-
sar hic, cum Lucano compositus: vult palàm Dionysius libro sexto, qui
centum viginti stadiis, sine ullâ notâ numerali, distare Ariciam à Româ
scripsit. Idem cum eo Philostratus in vitâ Apollonij libro iiii. Idem de-
nique in Antonini Itinerario: nisi tamen quòd illic vnitas additur, &
xvi. m. p. leguntur.

DIALOG. XIII.

„ *Palus in terram rectus & fixus.*] Quem palum more & Latinitate sui Pag. 162.
linca 12.
xvi Diaconus lanceam dixit, in his verbis libri xvi. *Phocas Macrobium*
Scribonium iussit sagittari apud Septimium, pendentem in lanceâ, in quâ ti-
rones exercebantur.

„ *A Tarquinio rege structus Agger.*] Adde ad dictos auctores Stra- Pag. 165.
linca 24.
bonem libro v. in descriptione vrbs, ubi Aggerem hunc in *sex stadia*
protendit.

DIALOG. XVI.

Pag. 174.
linea 2.

„ *Pro donatio Principis.*] Ita Diaconus : *Anastasius timens rogam multam iecit in populum.* Idem etiam pro Stipendio : *Mauricius Imperator iussit Petro Prætori, ut tertiam portionem rogæ in auro Romanus acciperet, & tertiam in armis, & aliam tertiam in vestimentis diuersis.*


Pag. 178.
linea 30.

„ *Tribunus & Præfectus ale quadruplum.*] Hoc probabilius puto, quàm quod Hermolaus Barbarus, vir summus, censuit talentum esse. Induxit eum Strabonis locus, scribentis libro XII. *Tigranem regem Pompeio & militibus varia dona largitum, & Tribunis talentum.* Atqui non pro Stipendiorum modo id fuit, sed ex regiâ & liberâ benignitate. Si ad stipendia trahis : quid ergo Centurioni stipendium erit *decem minæ*, siue mille drachmæ? militi *dimidiata mina*, siue quinquaginta drachmæ? Ita enim diuisit eadem illâ donatone Tigranes, ex Plutarcho & Appiano. Fallax aut nullum hoc argumentum est.

Pag. 188.
linea 10.

„ *Aristoteles te reformat.*] Ante eum Plato, qui & hoc de Carthaginensibus notauit, & lege complexus est, *Nequis in militiâ vinum gustet, sed aquam omni eo tempore bibat.* Vide librum 11. De Legib.

F I N I S.



ANALECTA nostra habes: ERRATA mino-
ra addimus, siue ego calamo, siue typis opera commise-
runt. Sed ego me non pono extra culpam: & hoc certè pec-
co, quòd etsi correctè fortasse, parum bellè & expresse ta-
men scribo. Ignosce utrius nostrum, qui tibi alibi vis
ignosci.

IN LATINIS.

- Pagina. 11. linea. 3. *veniant.* scrib. *venirent.*
27. 11. *M. Curij.* scrib. *M.*, quod est *Manij.*
39. 10. *Ebulio.* scrib. *Ebutio.*
62. 21. *cum his.* scrib. *in his.*
104. 17. *si quem.* scrib. *se quem.*
113. 10. *Nascentius.* scrib. *Nasennius.*
114. 17. *ista Linus.* punctum inferere, *ista. Linus:* & sapiculè sic peccatum.
120. 11. *æquè iste.* scrib. *atque*
125. 6. *terni tribus.* scrib. *terni è tribus.*
179. 21. *aut emissione.* scrib. *demiss.*
182. 2. *sic armat.* scrib. *ornat.*
204. 24. *securum cuspidis.* scrib. *securam.*
Ibid. ult. & *laureum.* scrib. *lauream.*
209. 16. *confectis.* scrib. *confectis.*
210. 7. *cenductis tegi.* scrib. *cenductis.*
219. 3. *utile.* & *firmitati.* dele punctum.
224. 17. *Stauroter.* scrib. *Sauroter.*
227. 23. *portusculum.* scrib. *portisculum.*
249. 19. *cornui.* scrib. *cornu.*
261. 3. *Ergo.* scrib. *Ego.*
272. 7. *adsignant.* scrib. *adsignauit.*
309. 27. *Huic tuba.* scrib. *Hinc.*
314. 14. *Tympanotuba.* scrib. *Tympanotriba.*
316. 8. *tantum, in ligno.* inferere, *tan-*
tum, sed in.

IN GRÆCIS.

- Pag. 9. *βετεράνος.* scrib. *βετερανός.*
Ibid. *εἰκοσαστίαν.* meli⁹, *εἰκοσαέτιαν.*
63. *πενιχροτάτες.* scrib. *πενιχρωτ.*
81. *περώρισμος.* scrib. *περιόρισμος.*
119. *ἐπέδαι,* pro *ἐπεδαι:* & aliquo-
ties sic in simili peccatum.
132. *ῥῶτε* scrib. *ῥώτε.*
152. *συνοξυσμένον.* scrib. *συνωξυμ.*
158. *μεχανική.* scrib. *μηχ.*
159. *αἰγίμν.* scrib. *αἰγίμ.*
160. *λινές.* scrib. *λινές.*
163. *μοχίρ.* scrib. *μοχίρ.*
Ibid. *σιδῆρα.* scrib. *σιδῆρα.*
165. *ἄσπς.* scrib. *ἄσπς,* & postea
peccatum.
166. *κρέων γ'.* scrib. *γε.*
168. *ἔξωθεν.* scrib. *ἔξωθεν.*
170. *τὸ καλούμενον.* scrib. *κάλεμα.*
Ibid. *κύκλω.* scrib. *κύκλω.*
180. *μαχαίραι.* scrib. *μάχαιραι.*
181. *ἕως μέσον.* scrib. *μέσος.*
182. *ὑπερών.* scrib. *ὑπερών.*
184. *δακτυλίαν ἔχειν.* sc. *δακτυλίσαν.*
190. *φοινίκις.* scrib. *φοινικοῦς.*
209. *μανδύας.* scrib. *μανδύας.*
210. *ἐν κυῶρι.* scrib. *κύῶρι.*
215. *χρῆσαι.* scrib. *χρηῖται.*
224. *σαυρωτήρ.* scrib. *σαυρωτήρ.*
225. *παραπλευρόν.* scrib. *παραπλευρον.*
231. *σημείας.* scrib. *σημαίας.*
237. *παρ' αὐτήν.* scrib. *αὐτήν.*
239. *ἀπογνώδη.* scrib. *ἀπογνωδῆ.*
259. *ἡγεμονίας.* scrib. *ἡγεμον.*
261. *ἡργημένον.* scrib. *ἡργυμένον.*
263. *φοινικά.* scrib. *φοινικά.*

320.1. *soleat*. scrib. *solent*.327.24. *Tuba sonis*. scrib. *sonus*.

LIBRO V.

Pag. 28. lin. 2. *qui fuit*. scrib. *quod fuit*.35. 8. *Pratorium*. scrib. *Pratorem*.37. 3. *coniuncta*. scrib. *coniuncte*.42. 28. *oppositis*. scrib. *oppositus*.58. 6. *conectis*. scrib. *conecti*.67. 10. *Ipsi nec*. distingue *Ipsi nec*.95. 4. *teffera signis*. scrib. *signum*.101. 6. *opinionem hanc*. scrib. *opinionum*.122. 21. *visio*. *Nunquid*. distingue, *visio Nunquid*.126. 20. *menstruo inisso*. scrib. *menstruum*.131. 13. *onusti militis*. scrib. *milites*.145. 29. *ad stationem*. scrib. *sation*.153. 22. *et structione*. scrib. *structura*.171. 15. *dua Legio duplex*. distingue, *dua, Legio duplex*.204. 8. *Aureorum*. scrib. *Aurearum*.237. 19. *et usu, rudem*. dele *com-*
mation.243. 21. *et statuarie*. scrib. *statuaria*.246. 27. *semper recepti*. scrib. *receptu*.254. 20. *solus hominum non*. cla-
rius, non solus hominum.305. *παραιτυκιδον*. scrib. *παραι-
κλυτικον*.

LIBRO V.

Pag. 5. *σόφος* scrib. *σοφός*, & iterum.24. *πιτάμνα*. scrib. *πιτόμνα*.31. *ήμισειως* scrib. *ήμισεις*.64. *κατεπηξεν*. scrib. *κατέπηξεν*.75. *παρεμβελυκίας*. scrib. *παρεμ-
βελικη*.Ibid. *παράμηνες*. scrib. *παραιμηνες*.80. *φυλακειον*. scrib. *φυλακειον*.84. *εδάφισαν*. scrib. *ήδαφ*.91. *εξής*. scrib. *εξής*, & alibi.94. *σοφώτατας*. scrib. *σοφωτάτας*.118. *σημαντηρία*. scrib. *σημαντήρια*.129. *ωρώνα*. scrib. *ωρίονα*.135. *ύδρεϊας*. scrib. *ύδρείας*.137. *συνήθων*. scrib. *συνηθών*.141. *εφ' ύσσηγος*. scrib. *εφ'*.Ib. *πόλεμον είσλ*. scrib. *πόλεμόν είσπ*.167. *όρμιζσι* scrib. *όρμιζ*.176. *ταχα*. scrib. *τάχα*.185. *ενπόματα*. scrib. *ενπόμα*.206. *αργύρων*. scrib. *αργυρών*.Ibid. *ωροτετίμητο*. scrib. *ωροετίτ*.221. *ήνδ ιποτέν*. scrib. *ήνδεω*.223. *ωροαγαών*. scrib. *ωροαγαών*.Ibid. *λελοιπώτας* scrib. *λελοιπότας*.224. *τε ενάτε*. scrib. *ενάτε*.

Sunt & quædam quæ me fuge-
runt, ut pag. 167. libro III. *ρομβειδεις*,
pro *ρομβοι*. & 197. *κατιζωσμένες*,
pro *κατεζωσμένες*. 220. *εδίσο*, pro
εδίσο: & tu Lector alia vide.

A P P R O B A T I O.

*1. Lipsij, clarissimi Louaniensis Academiae Professoris,
de Romana militia libros quinque, quos ad pri-
scam illustrandam historiam eruditè conscripsit, pro-
bo, & praelo dignos censeo. Louanij Idibus Mar-
tiis 1594.*

Henricus Cuyckius D. Petri Louanij
Decanus, & Pontificius ac Regius
librorum Censor.

R V D O L P H V S S E C V N D V S diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Aultriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fideli dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, vt tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in literis ac disciplinis operam ponunt, præclarissimam verò & Reipub. utilissimam, qui eas ita excolunt, vt aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessuque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Literis possint, acceperimus, insignes te animi ingenii que tui dotes tibi à natura infitas à primis temporibus ætatis tuæ ita literarum ac disciplinarum studiis excoluisse atque exornasse, vt olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisisti, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitari, peruenisse, eamque variis abs te libris acri & graui cum iudicio scriptis atque in lucem editis ostendisse, vt in eo quod tam feliciter tractes scriptiois genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. utilia scribere, quæq. à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haud quaquam prætermittere voluimus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patricinioq. nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro privilegioque te & Typographum tuum aduersus quorumcunque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, veramusque, ne quis Typographorum, Bibliopolarum,

aut

207
aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq. ac Dominiorum nostrorum hæreditariorum fines triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi, hæredibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici: alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quam Politicis, cuiuscunque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiæve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscunque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo Nonagesimo secundo. Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senfftenaw.

Ad mandatum sacra Cæsarea M^{ti} proprium.

Io. Baruitius.

Additum sigillum Cæs. M^{ti} in cerâ rubrâ.

Tibi IOANNES MORETE, pro amicitia qua mihi cum Plantino (hæc, quondam meo) & Plantiniano est ac fuit, tibi, inquam, permitto, uti hos libros DE MILITIA & ad eos ANALECTA typis tuis excudas ac diuulges. Nequis alibi aliis præter te, cupio sine iubeo, ex lege quam magnus Cæsar dixit.

Iustus Lipsius.

SVMMA PRIVILEGII REGII.

REGIÆ Maiestatis Priuilegio cautum est, Ne quis *Iusti Lipsi de Militiâ Romanâ Libros quinque, unâ cum Analectis siue Observationibus*, citra voluntatem Ioannis Moreti Typographi Antuerpiensis, intra nouennium vlllo modo imprimat, vel alibi impressos importet, distrahat, venalê siue habeat per omnes eius ditio-
nis fines; qui secùs faxit, confiscatione librorum, & graui poenâ mulctabitur: vt latiùs patet in litteris datis
Bruxellæ, xvi. Maij. M. D. xciiii.

Signat.

I. de Buschere.

¶

D'Enghien.

ANTVERPIÆ,
EX OFFICINA PLANTINIANA,
APVD VIDVAM, ET IOAN-
NEM MORETVM,
M. D. XCV.

ANTVERPIA
EX OFFICINA PLANTINIANA
AD VLTAM ET LOAN
HEN. MORETUM
M. D. CCV.

005644024

KONSERVIERT DURCH
ÖSTERREICHISCHE FLORENZHELFE
WIEN 1967

ML

HM